

UTL AT DOWNSVIEW



D RANGE BAY SHLF POS ITEM C
39 11 15 07 01 018 9

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR
573
A7
1910

'Arif, Mehmet
Başimiza gelenler





Şerif, Mehmet

تاجزده کمال

روسیه محاربه اخیه سنک آناتولی قسمندن ومصر احوالندن وبومناستله
تقیدات مهمه اخلاقیه دن باحدر.

Basımiza gelenler

ار

محمد عارف

مصر فوق العاده قومیسر لکی باش کاتب اسبقی



ایکنجی طبیبی



هر صفی محفوظ و مرر سر نسخه لر ساخته در.



در سعادت : مرتبین عثمانیه مطبعه سی — ابوالسعود جاده سی نوسرو ۶۸

۱۳۲۸

DR
573
A7
1910



961271



افاده مخصوصه

«باشمزه کلانلر» ایلک دفعه اوله رق (۱۳۲۱) سنه سی محرمنده مصرده طبع اولمشیدی. شیمدی یه قدر مرور ایدن یدی سنه ظرفنده نسخ مطبوعه سی قالماش و علی التوالی طلبات وقوعبولش اولدیغندن اشبو ایکنجی طبعنه مباشرت اولندی.

مرحوم پدریمز، کتابک اک بیوک قسمنی تشکیل ایدن روسیه محاربه اخیره سنک آناتولی قسمنده حربک بدایتدن نهایتنه دکن آناتولی حرب اردوسی باش قوماندانی مشیر دولتو غازی احمد مختار پاشا حضرتلرینک مهمه باش کتابتنده بولمش اولغله عسکری وملکی بتون محررات الندن کچمش و مشارالیهک حتی آتشر ایچنده بیله یانندن ایرلاماش اولدیغندن هر نوع وقوعات حربیه یه، تا مفرداتنه وارنجیه قدر، وقوف پیدا ایتمش، مطالعات و محاکمات ومشهوداتی، صفت مأموریتی ایجابی آلندن کچمش اولان وثایق رسمیه یه استناداً یوروشمش، وحریت طبعی اقتضاسیجه واقعاتی غایت بیطرفانه یازوب اخلافه برکذار براقبتی قورمش ایدی.

بو کتابک ذیلنی تشکیل ایدن ومصره عائد اولان بیاناتی ایسه، خطئه مصرده فوق العاده قومیسرلک باش کتابتی وظیفه سی اقتضاسی مطلع اولدینی برچوق حقایقه، تماسنده بولندیغنی محافلک احوال روحیه لرینه انفاذ نظرله حاصل ایتدیکی تأثرات قلبیه نک بر آینه انعکاسیدر دینه بیلیر.

کتابک برنجی طبعی اوقویان کچه جی زاده عزت فوآد پاشا حضرتلری برقاچ سنه اول فرانسزجه نشر ایتمش اولدینی (دیگر قاچیریلان فرصتار) نام تنقید کتابتنده (باشمزه کلانلر) ک مختار پاشا حضرتلرینک تعریف واملاسی اوزرینه یازلمش اولدیغنی بیانده اصرار ایتمش و دیگر بعض ذوات ده بویه بردهابه قایلش اولدقلرندن بویابده برقاچ سوز سویلکه مجبور اولدق.

بوکی ظنیاتده بولنان ذوات امین اولسونلرکه مختار پاشا دخی کتابی هرکس کبی بعدالطبع او قودی . کتابک قلمه آلدیغی (۱۳۰۶) سنه سی محرمدن پدریمزک تاریخ وفاتی اولان بیك اوچیوز اون بش سنه سنه قدر کچن طقوز سنه ظرفده مرحوم پدریمز بنه مشارالیه مختار پاشا رفاقتده مصرده بولندیغی حالده کتابی غازی مشارالیه کوسترمایشی شبهه سزکه حریت محاکمه وافاده سنی محافظه ایدرک هر نه صورتله اولورسه اولسون بر تأثیره قابلماقی فکرندن منبعث ایدی . بناء علیه مختار پاشانک تعریف واملاسی اوزره یازلدیغی ظن ایتمک پک واهی بر ادعادر . عزت پاشا ، برملکیه مأمورینک امور عسکریه یه بوقدر واقف اوله میه جغنی ده ادعا ایدیورکه بواثر ادعای مذکوریه یی جرح ایلر .

عزت پاشا کتابنده مختار پاشانک قارصدن خزار بوغازینه طوغری دشمن سواریه سی مواجهه سنده واقع اولان قلعه نظامنده کی حرکتی شدید بر صورتده تحطه ایتمش اولدیغندن دیگر قاچیریلان فرصتلی مصرده او قودیغمز زمان بوبابده کی تنقید حقنده کی فکرینی دها اولوقتلر مختار پاشا حضرتلرندن صورمش ومشارالیه ک ویرمش اولدیغی جوانی ، بلکه بر فرصت الویررده «باشمزه کلانلر» ی ایکنجی دفعه طبع ایتدیررسه ک درج ایدرز امیدیه ، ضبط ایتمش ایدک . کتابک بوایکنجی طبعی مناسبیه جوابلرینک درج ویا عدم درجی حقنده رأیلرینی استیضاح ایتدیکمز صرده تأیید آتی بیانانده بولندی :


« اوت کتابی بنده او قومش وحکم ایتمش ایدمکه عزت پاشا ، ناپولون بونا پارطک مصرده کوله من سواریلری مواجهه سنده عسکرینی نه نظام اوزرینه یوروندیکنی هر تفضل ایسه تخطر ایده مامش . قلعه مک ایکنجی یوزنده کی طابورلریمک قول نظامنده یوریدلی بختنه کلنجه : بونک برنجیه سی او یوزک تهله کده اولماسی وایکنجی قول نظامنک هر نوع حرکت الویرشلی بولمسی و او چنجیه سی حین ایجابنده انکنده یوربدیکمز بارک زروه سنه همان برایکی طابورک سبولته سوقیه قلعه یه تعرض ایده جک دشمنه طوغری اورادن مؤثر آتش اجراسیه هم قلعه یی آتش آلتنه آله رق محافظه ایتک وهمده دشمنی ایکی آتسه هدف ایلک ایچون ایدوکنی دهشتلی حربلر ایچنده بولنسه ایدی درحال آکلار ایدی . برده دشمن مواجهه سنده کوپروسز کچیلان وخصوصیه غایت چوقوره اینلهرک کچیلان چایلر عسکرک نظام وانتظامی بوزم جغندن بشقه چایک طرفینده کی صرترلر بغته دشمن طرفندن طولقی محتمل و او مثالو زمانلر دشمنک تسلطنه اک مناسب و قتلر اولدیغی و آکا چاره ساز اولقی ایسه کچیدک طرفینده مناسب نقطه لده برر قطعه منتظره تعیین ایدلک مقتضی اولدیغی تخمین ایتلی ایدی . یوربدیکمز براووه نک کسنارنده بز ویش کیلومتر و قدر بعید دیگر کسنارنده وتامیه حدامزده کیدن درت آلایدن مرکب قفقاس دزاغون

سواری فرقه‌سی ایدی که اوچ بیک موجودلی وروس سواریلری میاننده برنجیک نامنی
آلمش مشهور فرقه ایدی. بونلرک حربه طوپسز چققدقلرینی بیان ایدهدک بر مؤلف
تصور ایدهمدم. کویا مذکور سواری فرقه‌سی اوزریمه حربه چقمشده طوپلرینی برابر
آلماش ایش. فسبحان الله بونلری وسائر تنقیداتی هدیه کوندردیکی مذکور کتابده
اوقومش ایدم. اولوقت یانقده خسته اولدیغمدن مقتدر اوله بیلدیکم قدر کندیسنه عجمه
برجوابتی یازدم ومقدمه سنده، چونکه کتب عثمانیه ایچنده وخصوصیه برعثانلینک برلسان
اجنبی الله تنقید کتابی یازمسنه بک ممنون اولدیغمدن و برده خیلی یرلرینی بیطرفانه محاکمه یه
چالیشدیغنی کوردیکمدن مجرد اثر نزاکت اوله رق، مؤلف مشار الیهک فعلنی تبریکه مسارعت
ایش وبعده خطالی اولان یرلرینی بکان بکان کتابنک صحیفه لری کوستربله رک ایضاح و رد
ایش ایدم. اومارمکه مشار الیه کتابنی یاترکجه یه ترجمه ایدرک ویا تکرار فرانسجه اوله رق
طبع ایتدیرمکی تصمیم ایدر ایسه اوخطالرینی تصحیح بیوررلر. مادامکه کتابکنزی یکیدن
طبع ایتدیریورسکز شو بیاناتمک مقدمه کنزه یازلمسنی رجا ایدرم.»
دیشم ایدی، بزده یازدق.

پدر عزیزم زک «بیک بر حدیث» شریف شرحنی ایکنجی دفعه اوله رق
اخیراً مصرده و «باشمزه کلانلر» ی ایسه بودفعه استانبولده طبع ونشر ایله
عهده فرزندانه مزه ترتب ایدن وظیفه مقدسه یی بعنایه الله تعالی ایضایه موفق
اولدق. غره محرم الحرام سنه ۱۳۲۸

حقوق فاکولته‌سی معلملرندن دوکتور

مهمل الدین عارف نجم الدین عارف





برنجی افاده

پدرمز مرحوم محمد عارف بکی اثر خامه تالیفی اولوب اولجه نشر ایلدیکمز
 « بیک بر حدیث شریف شرحی » ایله قارئین کرامه طاعتش ایدک . مرحوم
 مشار الیه ارضرومه ایکن طالک سوقیه تاریخ ملیمیزک صوک آجیقلی
 یاقارلری تشکیل ایلان روسیه محاربه اخیره سنده آناطولی اردوی هایونی
 مهمه باش کتباتی ایله بولنش و حزبی تابدایتندن هان آخینه قدر کوره رک
 نتیجه مشاهداتی بر آره یه طوبلایوب اخلافنه بر درس عبرت اوله بیلمسی ایچون
 آنلری بر کتاب حالنه قویه رق جسم ملته طاری اولان خسته لنی واسبانی ده
 صره سی کلدجه تشریح ، مصرده بولندیغی مدتجه ده کسب اطلاع ایلدیکی
 حادثاتی مجملًا ضم ایله میدانه کتیردیکی کتابک اسمنی « باشمزه کلانلر »
 تسمیه ایلشیدی :

پدر عزیزمیزک اشبو اثرینی طبع ونشر ایله عهدۀ فرزندانه مزه ترتب ایدن
 وظیفۀ مقدسه نک بوقسمنی دخی بغایه الله تعالی ایفایه موفق اولدق . ومن الله التوفیق


فی ۲۲ محرم سنه ۱۳۲۱

دوقتور

دعوی وکیل

محمد الدین عارف

محمد الدین عارف





مؤلف كتابك تاريخ نجد ميان رسمبسی

مرحوم محمد عارف بك، ارضروم قلعه طوبچی میر آلائی وقره جهنم ابراهیم پاشا نك یكنی قره حصار شرقیده آوتمشلی حاجی عثمان اوغلی مرحوم حاجی عمر بك اوغلی اولوب بیک ایکی یوز آلتش برسنه هجریه سی ربیع الاول نك یکرمنچی جمعه کیجه سی ارضرومده تولد ایتشدیر .


بیک ایکی یوز یتش سکنر سنه سنه قدر تحصیلده بولدقدن صکره سنه مرقومه ده دردنجی اردوی هایون مرکزی اولان ارضروم آیالتی اردو مجلس تحریرات اوطنه سنه ملازمته دوام و برسنه صکره مرکز اردونك ارزنجانه نقلی مناسبتیه آیالت مذکوره تحریرات اوطنه سنه نقل ایتشدیر . سکان ایکی سنه سنه ارضروم ولایتی مجلس تمیز حقوق باش کتابته مأمور و سکان اوچ سنه سی مجلس دعاوی باش کتابته و سکان دوت سنه سنه مجلس مزبور مستطقلغه تحویل و سکان الی سنه سنه دیوان تمیز ولایت باش کتابته، طقسان دوت سنه سی ربیع الاولنده یعنی روسیه محاربه اخیرهنده کتابت مذکوره عهده سنه قلنق اوزره بشقه جه آناطولی اردوی هایونی قوماندانی مشیر دولتلو احمد مختار پاشا حضرتلرینك مهمه باش کتابته بالتعیین ابتدای محاربه دن نهایته قدر غازی مشارالیه حضرتلریله بولنش و طقسان بش سنه سنه ینه مشارالیه حضرتلرینك رفاقتی و مهمه باش کتابتی خدمتی ایله چکمیجه و چتالجه ده کی اردوی هایونده بولنه رق بعدالمصالحه مذکور دیوان تمیز ولایت باش کتابتدن انفصال و بر زمان صکره درساعات محکمه تمیز حقوق دائرهمی ضبط کتابته نقل ایدوب طقسان بش سنه سی شعباننده یعنی کریدك اختالنده مشارالیه غازی احمد مختار پاشا رفاقتده عزیمت ایدن هیئتک امور تحریریه سی باش کتابته مأمور اولوب خالیا متاوله نامه سی عقدندن صکره سنه مرقومه ذی الحجه سنه ختام مأموریتله درساعاته عودت و طقسان آلنی سنه سی اوائلنده سلطنت سنه و یونان مرخصلرندن مرکب پرده زده تشکلی ایدن تصحیح حدود و قوملیسوننه مرخص

اول تعیین بیورلش اولان مشا^۱ الیه مختار پاشا حضرتلریله محل مذکورہ عزیمت و ختام مأموریتده مأموریت اصلیه سی اولان ضبط کتابته رجعت آیش و سنه مرقومه ده انجمن عدلیه باش کتابتی انضمامیله محکمہ مذکورہ میز لکنه، طقسان یدی سنه سنده درسعات بدایت محکمہ سی مدعی عمومیلکنه و طقسان سکر سنه سنده استعفا ایله درسعات بدایت محکمہ سی برنجی حقوق دائرہ سی اعضالغنه و بیک اوچ یوز سنه سی درسعات محکمہ استئناف اعضالغنه و سنه مرقومه نهایتده قسطنونی ولایتی عدلیه مفتشلکنه تعیین بیورلش و بیک اوچ یوز اوچ سنه سی ربیع الاولنده مذکور مفتشاک عهده سنده اولدینی خالد مصر فوق العاده قومیسر لکنه تعیین بیوریلان مشیر دولتلو غازی احمد مختار پاشا حضرتلرینک باش کتابتی ایله مصره اعزام بیورلش ایدی.

ار ضرورده تکمیل دروس ایله جامعدن اجازت آیش و سکسان یدی تاریخنده عهده سنه ثالثه، طقسان درت سنه سنده رتبه ثانیه صنف متمیزی رتبه لری توجیه و بصره ده دردنجی رتبه دن عثمانی نشانی تلطیف ایدلش، بیک اوچ یوز ایکی سنه سنده اولی ثانیه سی و بیک اوچ یوز بش سنه سی شعبانده رتبه اولی صنف اولنه ترفیع آیش و بیک اوچ یوز سکر سنه سنده ایکنجی رتبه دن مجیدی نشانی احسان بیورلشدر.

بیک اوچ یوز اون درت سنه هجریه سنده مصرده خسته لهرک برای تداوی درسعاتده عودت آیش و بیک اوچ یوز اون بش سنه سی صفرینک اون اوچنجی صالی کونی درسعاتده هکبه لی آطه ده مبتلا اولدینی سرطان معده خسته لغندن ترک حیات دنیوی ایدرک نعشی طوپقو خارجنده مرکز افندی درکاهی خطیره سنه دفن اولمشدر. الله رحمت ایلسون.





بِسْمِ اللَّهِ الرَّحْمَنِ الرَّحِيمِ

سبحانك اللهم وبحمدك وتبارك اسمك وتعالى جدك لا إلهي
ثناءً عليك أنت كما أثنيت على نفسك فاشكر نفسك عني بما أنت أهله
وما النصر إلا من عند الله وصلى الله على سيدنا ومولانا وهادينا محمد وعلى
آله وصحبه في كل لحظة ونفس عدد ما وسعه علم الله

اما بعد — بیک ایکیوز طقسان درت سنه هجریه سنده دولت علیه عثمانیه ایله
روسیه دولتی بیننده، دوزجه سی اهل توحید ایله مثالی و صلییلرک بر قسم متعصبی
آراسنده [*] ظهور ایدن محاربه عظیمه که، عالم اسلامیتجه و ممالک عثمانیه جه
بیوک بیوک انقلابره سبب اولمشد. بومحاربه نیک آناتولی یه عائد قسمند و بوخط
حربک مرکزی بولشان قارص و ارضروم جهته سوق قضا و قدرله مأمور بولمشیده.
حربک وقوعات روزمره سنی ضبط ایتمش اولانلرک البته مکمل بر تاریخ
حرب یازمش اوله جقلاری درکار ایسه ده، حسب انوظیفه کوردیکم و یلدیکم بعض
دقایق و خبایا واردر که آنلر بنم وجودمله قائمدر؛ بن اولدکن صوکره اخوان
دین و وطنمه اومعلومات انتقال ایدمیه رک محو اولوب کیده جکندن، هیچ اولمز
ایسه عمومیت حالی افاده ایدم جک درجه ده اولسون برشی یازمنی عهدمه ترتب
ایدن وظایفک مهملرندن عد ایلدم.

[*] موحد و مثلک تعبیری ابراد ایدشمز حالا روسلر آخو فیه بنی مسلمانلر الله اسیردر
ظنده و یحیدلرک لوٹ کفر یاندن قورناراسی عشقیله حضرت مسیحه تقرب اعتقادنده اولدتلر بنی
یلدیکه زدن ورده بو آنه قدر پاپاسلر طرفندن مسلمانلر علیه قل و نامه گیزمق تریات واکاذیب
الله خلقتک ذهنتک طوایر ایدمه بولمش اولسی، روسیه دولتک بولتیقه سنه موافق دوشدیکنی
ایجه حساب ایلدیکه زدند. یوقه بارد و تا بمعل تعصب فروشن دکادر.

یازده جفم شی اکثر واقعات حربیه یی تصویر ایده جکی جهتله برسر گذشتن زیاده، تاریخ حرب صورتی حائر اوله جغندن، بوجهتله اسمنه آناتولی تاریخ حربی ده دینله بیلور ایسه ده، تحریری اثناسنده بعض احوال شخصیه مدن دخی بحث ایدیله جکی کبی، حکایه اولنه جق واقعاتک قسم کلیسی بالذات مشاهداتی ویرازیده مسموعات واثقه می متضمن بوانه جغندن، اثره «باشمزه کلانلر» نامی ویریلور ایسه تعریف و تسمیه من افرادینی شامل اولور.

محاربه ده بالذات بولنش اولان امرا و ضابطان عسکریه قارداشلر مزك بعض الی قلم طوتانلری، وقوعات حربیه یی کونی کونه یازده رق سوق الجیش نقطه نظرندن بر تاریخ حرب نشر ایتمز لر ایسه، اخلافی واقعات حربیه مزك فته و عسکر لکه متعلق قسمندن معلومانلر بر اقره رق وظیفه وطن داشیجه بر بیوک قصور اختیار ایتش اوله جقلر درکه، وزر و وبالنك آغرانی درجه سنی انلرک میزان و حساب ایتلری لازم کلور.

پوانتیقی مناسبات و محاسدات دولیه نك ایجابات ضروریه سندن قطع النظر، مادامکه وحدت ایله صلیب متعارضدر، مادامکه جامع ایله کلیسا موجود و قبله لری متخالفدر، ممکن دکلددرکه بونلرک اتباع و افرادی بالاثلاف توحید مقصد و آمان ایله بر منفعت مشترک نی مدافعه ایده بیلمسونلر.

دنیا، دنیا اولوب طور دجه و هر فرقه ناشلی باشنه بر حیات سیاسی و بوجود استقلالی یه مالک بوندجه، هر بری منافع متضاده نك تأمین و یا مضرات طاریه نك دخی مقصدیله دیکرینه قارشو سلاح بدست هجوم و مدافعه اوله جقدر.

شوالده ادراک ایتدیکمز عصرده اوغرا دیغمز مصائب و نوائب سیاسی نك انواعه اخلاق نك دخی مع زیاده اوغرایه جقلرنده شبهه ایده میه جکمزدن، کوروب کچیردیکمز محن و بلا یا درجه سندن و انلرک اسباب موجب سندن کنیدیلرخی خیر و آگاه ایتک متحتم ذمت و اختیار سکوت ایسه کوندن کونه کسب اهمیت ایدن احوال عالمه قارشو عادتاً عفو اولماز بر خطا و یا خیانت اولور. بناءً علیه قارنجه قدرنجه قومه بر خدمت ایدنش اذوق اوزرد «مالا یدرک کله لا یترک کله» جمله حکمییه سندن آلدیم جسارتک سوقیله مع المعجز شو صحافی تسویده باشلادم.

عقل بویا! فقیر اوائل حاملده علم تاریخه هیچ اهمیت ویرمز ایدم. بیلنمز ایسه نه اولور، بی لزوم و بلا فائده یا لکیز بر بیلکچلکدن عبارتدر دیرده عادتاً بیلمنی، بیلما منی مساوی عد ایدردم.

ایشی بوضوئله حساب ایتمه حقمده وار ایدی یا ! چونکه بزده تاریخه استاد ایله هیچ برحقک، عمومی اولسون خصوصی اولسون، محافظه اولدینغی و یا خود تاریخ ایله یکیدن برحق قازاندینغی و یا سیاسی و ملی اوله رق بر فکر انتقامک بسلدیکنی یتشدیکم عصر ایچنده کورمامش ایدم.

لکن اخیراً تجربهلرک دلاتیله عقم باشمه کلوبده آکلادمکه مکر ایش اوله دگش؛ تاریخ او قدر مهم، او قدر معتنا ایشمه، تاریخ بیلنمزایسه سفینه دولتک دومنی سمت مقصوده توجیه اولنه ماز ایش. تاریخملرک، — سیاسی اوله رق — دولته بیوک بیوک نقصان و خطالرک وقوعنه سبب اولورمش. تاریخ، برملتک باقوب باقوبده وار ایسه معایب و نقایضی کوروب کوزده توب دوزلمسی، یوق ایسه جمال و کجانه بانتشکر ازدخامکاه ام اولان بازار عالمه قوتلی و یاقیشیقلی بر قیافه ایله عرض اندام ایلسی ایچون انظار اخلافه موضوع حقیقتنا برآینه ایش. بشقه لرینی و اوائلی برافهمده شویقین زمانلری اله آلم. ده ادرت کون

اول دولت عثمانیهک محکوم امر و فرمانی اولان اهمیتسر برموده ایالتی یونان شکله قویان تاریخدر. سببی، هر تاریخ ناطق اولدینی جهته هر کس بیله بیله جکندن بوراده تفصیلنه لزوم یوقدر. رومانیالیری، صربلیلری، قره طاغلیلری، بلغارلری برر حکومت مستقله هیئتنده، بالقان حکومتلری نامیله احیا ایدن ینه تاریخدر. ارمنیلرک داماغی آلتنده اوتیه بری شیر بولندیران یعنی انظار عالمه قوتلی بر وجود سیاسی ایله چیتوب کورینیورمک هوسنی. انلرده زمانک موده سنه تطبیقاً عشق ملیت، سودای قومیت صورتنده تولید ایدنشی تاریخدر. تاریخ اولمسیدی، بیات اکیوز طقسان درت سنه سنده روم ایلی قطعه مزبر آشکده حرب و وغا کیسلمزایدی.

الحاصل بزم قولازی قصادمزلی قیروب غیر متحرک بولندیران سلاح اضمحلال، هیئت مجموعه و بلکه ده کار و بار اداره مزلی درعهده ایدن رجا ملرک اکثرینسک عبرت تاریخه ده کی نقصانی، خصمانک موجب اعتلای شانی ایسه هر فردینک ملتی تاریخه، قومک سرکشته لزومندن زیاده وقوف و اطیشانی در. جانم بونصل تعلیم هوش ربا، بونه تأثیر دهشت افزادرکه؛ اقوام و ام غریبهک جانلیارندن قطع انظر، ایچمزده بولوبده وطنداش عدایتدیکمز روملر یوقی، ایسته بوروملر، دولت قدیمه و مضحله یونانیه ایله بوزوق برلساندن باشقه حالاً، اخلاقاً، ویرانه. لسا هیچ برمناسبتلری اولمدینی حاحده، تأثیرات تاریخیه

ایله بردرجه اغراطه وارمشلردرکه ، روملرک براوفه جق دیاقوسی ، آرسطو و افلاطونک حلقه تدریسند پرورشاب کمال اولمش برهنرور ؛ واقوات یومیه سنی تدارکدن عاجز اولان مسکین بررود پالیقاریسی ، کأنه ما کدونیالی اسکندرک حفسیدی ایش کی برچالمه اظهار آتاز هستی ایدرده جانی قانی برعسکر اوغلی عسکر کسلیور . حتی فقیر أوائل حالمده ، کنجلكك الك پارلاق واستعدادلی زماننده بزم تاریخ ملیمزدن هیچ برشی کورمامش ، دنیایی قونییه یی آکلامامش ایکن ، کوروشوب قونوشدینم بعض ارمی همشهریلر مزلک آغزنده کندیلرینه مخصوص شیوه کفتار و رفتار ایله دیرانک کذران حیاتی ، مرئاد پادشاهک تاریخی ، حایقک ترجمه حانی ، آرام اوغللرینک شمشعه اقبال سابقی ایشیدیرده متحیراً آلیق آلیق بائار ایدم . باقنکه اسکی تاریخلری تحری و تدارک ایله اقوام مذکورده فصل بر موقع استقباله یتشمک حاضراننده بوانیورلر ایش .

ظن ایدرسهم بزدهده ضعف قلب اثری اوله رق اظهار ذلت ، استعطاف شفقت کی پسر یقلقلر ، بر شخصک ادب و تربیه سنک دلیلی مقامنده عد اولحق عادت حکمنه کیردیکی ایچون بری بریمزه باقهرق ایش آلری عد ایتدی کمز زنجیر سنز آرسالانله قارشو کوچوله کوچوله ، هضم نفس ایده ایده ، بردرجه یه کلشزکه ؛ تاریخی دکل - قاند - وار ایسه - یقینده مابه الحیاتمز اولان بیچاره نفس ناطقه یی بیله هضم ایله بخاره منقلب ایدرک بتون بتون یوق حکمنه کیره جکر .

بوداء عضالک علاجی متنوع ایسه ده ترکیبات اصلیه سنک اک مهم ارکانی تاریخدر . همان ادعا ایده بیلیرمکه آدجه سنه یازلمش محاکمه لی بر تاریخ ، یالکر باشنه انسانی جانلاندیره جق قدرت خارقه یه مالکدر . صحیحاً او یله بر تاریخ ، اولولری مزاردن چیقاریر دیرلرسه اینانلسون . لیکن تاریخده کی روح معالی بر فکر نورانی ایله مزدوج اولدینی حالد بر مرشد و مربی عاقل طرندن شبانک لوحه استعدادنده کالنگش فی الحجر تصویر ایدلملیدر . اساتذہ علوم دینییه مربی الارواح اطلاق صحیح اولور ایسه ، - قصه خوانلره دکل اما - تاریخ معلمنده ابوالحسامه دخیلیدر ، چونکه ارواحک وجود سیاسی حاستله قائمدر .

برملتک ارض طینتنه محاکمه لی بر تاریخ معلمی غیرت و حمیت تخمینی صاچار . ایش آدمی اولمق اوزره یتیشه جک اولادامتک فکرینی تنویر ایله قومنک استحصال سعادت حالنه سوق وارشاد ایدر . اثنای تقریرده ایراد ایده جکی دلائل خارجه یه و منطقیه

ایله تلامیذینی خیالپرست اولمقدن قورتارر . خلقك ذھنتده معقوله قائل اولمق ملككسنى تثبیت ایلر . یوقسه بزده شمیدیکى حالده مکتبده اوقودیلان تاریخه ، تاریخ درسی اوقتیور دیمك عبدر . انارك متعلملى سوادشناسان ، معلملى ایسه قصه خواناندر . قصه خوانلرك ، (حمزه نامه) اذربجیلرینك ، زینت المجالس اولدقلرى عصرده بیله (قصه دن مقصد عزیزم حصه در) ضرب مثلى خلقك آغزنده مجرد سوز اولمق اوزره دونوب طولاشیوردی .

نه اوزاغه کیدیورز . میلادك ۱۸۷۰ سنه سنده آلمانیا وفرانسه آراسنده ظهور ایدن محاربه عظیمه كه : آلمانلى غالباً ومظفراً پارسی ضبطه قدر سوق ایتش وبتون فرانسه نك مقهوریتته مقابل آلمانیا اتحادینی حصوله کتیرمش ایدی . اومسئلنك خیایا ودقایقه واقف اولانلرك یازدقلرى بعض آنارده آلمانیانك كوزلر قاشدیران اومشعاع غالبیتته (معلمین مظفری) نامی ویرلمشدر . چونكه ۱۸۷۰ وقعه سندن اول ظهوره كلان واقعات حربیه نك جمله سنده پروسیا ایلر فرانسلرك بازوی قدرت وعظمتلرینك مغلوبی ایدیلر .

فرانسزلرك حقارات متادیه ومتوالیه سنه جستجوی اسباب انتقام ومقاومت ایدن صبور ، جدی ، اتحاد پرور آلمانلرك فضلاى معلمینی ، بوناپارت غائله سنك اورته دن قالمسنى متعاقب مؤسس اولان مكاتب ومدارسك جمله سنده اولادوطنك ساحه طینتته فكر انتقام ایله هوس اتحادی ، وقایع ماضیه استدالاتنه استنادایله اولیله برصورت آمینه ومتینه ده زرع ایلدیلركه ؛ چوق وقت كچمكسزین بتون آلمانیا قطعیه سی برفضیلت مجسمه حالته کیردی . اشته اوفضل حماسه پروری ایله دشمس قیدیملرى اولان فرانسزلرك انك تعظی قیرلدى ؛ رایت کبرونخوتلری سرنكون ایدلدى . نه بیوك موفقیت !

آمانك آدوستلر ! زمان آمان ویرمیور ؛ ماصاحیللق ایله ایش بتمیور . ترقیات عصریه یوز بیك درلو آثار سحریه یی بردن میدان آتدینی برصرده باى صورته كات همتله ومعقول حرکات وفعالیات ایله مقابله ومدافعه لازمدر . چونكه تناف دگل . هالف فصاحت بیان حقیقت ، یا امثال یا اعتدال کبابانكنی چکیور . ترکیه سی : یا بودیاردن کیتلی یا بودودنی کودملى ، نداسنى اولوالالبابك کوش هوشنه هرطرفدن القا ایدوب طوزیور و (نسیمی) نك دیدیکى کبی :

چالندی قیامتك نفیری ای صاغر ایشتمك صغیری

حیات سیاسیمز دها الدہ ایکن اخلاف کرام ، اخلاق امتہ طباری اولان
فسادک ازالہ سنہ حسبہ لله آل براکیله چالشسونلر . روح شہامتی ، سودای بقای
ملیتی ، اک ہجرا یرلردہ کی کویلرک مکتبلرینہ بیله سرایت ایتدیرہجک صورتده
غایت پارلاق فکری معلملر تحری ویوق ایسه ایجاد ایلسونلر . بزه و بزدن
اولکیلرہ عائد اولان تاریخلرک مطالعہ سیله ماسبق احوالہ ایجہ کسب وقوف
ایتسونلر . خصوصیلہ بعدالمحاربه بلغارستانده کی اخوانمزک کوروب کچیردکلری
انقلابات وتعدیات ایله دوشدکلری برایکنجی آندلس وقعہ سنک اوچنجیسنه
دوشولمامک اوزره کرچکدن اویانیق بولنسونلر . ویولنی بولورلر ایسه بزمده
انتقاممزی آلہرق ارواحمزی شاد و خندان ایلسونلر .

فی ۵ محرم الحرام سنہ ۱۳۰۶

وبالله التوفیق





دولتجه محاربه به مدخل

غالبا حکايه سی صد دنده اولديغ روسيه محاربه سندن ايکي سنه اول اولميدن ، دولتجه محاربه به مدخل اولوقت اتفاق مثلك دينلان امانيا ، اوستريا وروسيه دولتلرينك اتحادي سايه سنده چورملك اينستيلان (پانسلاويزه) دولابنك تأثيريله هر سلك جهتده ونووده سين نامنده كي قصاده كويا حكومت عثمانيه نك وملتزملرك اداره ظالمانه سنه تحمل اولنه ميور ايمش بهانه سييله اورانك غير مسلم جماعتی ودها طوغری تعبير ايله روسيه دولتك طليعه تعرض وتجاوزي اولان قرده طاغك عندالعموم معلوم اولان اشقياي عصاتي، حكومت محليه علمينه قيام ايدرك آلاوريز اشتعال اولان آتش اختلال. ايكي بحق. اوچ سنه صكره معهود آياستفانوس معاهده سييله انظفا بولدى. دولت عليه، بوسنه وهرسك اختلاللريني باصديرمق ايچون اردولر ترتيب وسوقيله واشقيا محارباتيله اوغراشديني صرده، قرده طاغ امارتي رسماً اعلان حرب ايله تجاوز حدود ايتدى. اكا قازني تدابير عسكريه به نشت اونوركن. صربيه امارت ممتازده سي دخي تحطی حدود ايله حبل ارتباط واطاعتی كسدى. بونك ايچون ده اردولر، فرقه لر سوق اولدى، رديفلر سلاح آلتنه آلدی. حوق كچمكيزين چوباللق وزراعتجیلدن ماعدا حماسه متعلق هيچ بر شيه مقيد ومشغول اولدقلريني اولدن بری بيامديكمز بلغار قومي دخي (پانسلاويزه) منبع مباداتندن وريران قوماندانك تأثيريله مواقع مختلفه ده حكومت مشر وعه سنه قارشو عصيان ايدويردی. بونلرك دخي تأديب وتنكيللری اسبابنه قوه عسكريه ايله نشت ايدلدى. الحاصل دولت عليه نك روم ايلي قطعه سی همان عموميتله دينيله جلك صورتده آتش حرب وجدال ايچنده قالديني وجهه سنك بقوته تعالى ايشي بتيرلديكي صرده، آرقه دن روسيه دولتي ده كشف نقاب خصومت ايدرك اعلان حربله دولت عليه قارشو بالفعل وبالذات ميدان وضوحه چيقي ويردى. اشته اولوقت مصائب اسلاميه ده قشمر اشدی. قرده طاغ نعل عصيان ايتدی؛ اوراده وقوعات حريه دن نه لر كچدی؛

عسکر من نصل غالب ونه سبيله مغلوب اولدى ؛ صرب جهتنده حرباً ندواقعه لر
ظهور ايتدى ؛ اردولر عرك تعرضاتنده محسوس اولان بطاىتك سبيلرى نه ايدى ؛
بلغارلر ايله نه وسيله ايله ، نر دلر ده ، نصل محاربهر ايدلدى ؟ بورالرى ،
او حواليده جريان ايتمش اولان واقعاتك ايچنده بولنوب ايشى كوزيله كورمش
ويا حقيقت حاله صورت واقعه ده انتساب ايلش اولان اهل قلمه ترك ايدرك ،
نقىر يالكر اناطولى جهتك احوالى حكايه ايدجكم كه ، اكثريسى كوزمله
كورديكم وحسب الوظيفه ايله يازديشم شيلرك نتيجه سى ديمكدز .

لكن مقصده شروع ايتزدن اول شوراجقده براز توقف ايله ايشك
جهت پوليقيسنى ده بيله بيلديكم قدر اجمال وخلاصه ايتك ايسترمكه ، ابنای
استقبال مزجه بر فكر تبصر وانتباه حاصل اوله .

ممالك عثمانيه ده ساكن خرستيانلرك ، كرك حكومتك طرز اداره سندن
وكرتك تركلرك ، كركلرك ، چركسلرك غلظت طبع ونخوت مشربلى ايجانبجه
ملت حاكمه ومحكوميه كى طرفينجه مانع ائتلاف اوله رق حادث اولان طور تعديللى
الجا آتندن ظاهر اولان مظالمه قارشو حمايه ايدملرى بحى ، اوروپاليرجه ده
اواندن برى معرض انتقادده سوروكنوب كليور ايسه ده ، بومسئله نك مداخلات
دوليه يى انتاج ايدجك صورته كيريويرمى ، مشهور قريم محاربهنى متعاقباً
۱۸۵۶ تاريخ ميلاديسنده پارسده عقد ايديلن معاهده يه خرستيانلرك حمايه
حقوقلى ملتزم اولديغك درج اولندينى كوندن بريدر .

واقعا هم جواريمز اولان اوروپاليلرك طرز واصول اداره معقوله ليله غير
قابل توفيق اولان كافه احوال وحركات اداريه مزك محتاج تنظيم واصلاح
اولديغى اعتراف ايددرز ، قومشولرك آهنگ اداره سنه توفيق امور ايتماكدن
ناشى نظام آشنايان حقايق نظرندك پك فالصو دوشديكمزى وآهنگ عمومى به
اويما تار اداره نك ، كارساز جهان طرفندن قولاغى چكيلوب چوريريله رك
عالمه بكره دلك قاعده سنك عالمده جارى برقانون طبيعى اولديغى بيليرز . لكن
حقيقت بزم بيلديكمز كى دكل :

باطل هميشه باطل ويه بوده درولى مشكل بودركه صورت حقندن ظهور ايدو

مصادقجه انلر هر نه قدر حقايق ضميره لرى ستره چاليشه لر دخى بزلر
يقيناً بيلملى يزكه مقصد ، اداره مزك تنظيمى وبنای سياسيمزك قائماً تعميرى

اولیوب دوانك كسر نفوذ و شوكتی و انقاضدن استفاده ایدلك اوزره تخرب اساس موجودتی در . ایش اونقطه کدیکی کی ایکی ال برباشك مدافعه و سلامتی ایچوندر دیمكدن باشقه چاره قالماز .

لكن (قید و توكل) دستوری موجبنجه اولجه دودنی یولایه مطمئن البال اولهرق باغلادقدن صكره آرتق متوكلاً علی الله حمایه حقوق جهته کیملی . یعنی اولجه اتسدار مدافعه یی الد ایدینویده صكره ده كله جككز وار اینسه کوره جككزده واردر سوزخی مستعناً بالله سربستانه سویلی در . چونكه (والقینا بینهم العداوة والبغضاء الى يوم القيامة) نص فرقانیسی حکمنجه رقبت دولیهك وجودی هیئت اجتماعیة سیاسیة من ایچون شمیدیلره قدر مدار اثبات وجود اولدیغنی انكار ایتیم .

شورانی شویله بیلهلمكه ، هر دولت كندی عالم تنهائیسنده عندالحاجه قولایحاجق هضم اوانه بیلمك ایچون دولت علیهك كسب قوت و قدرت ایتسنی ایستمز . و شجره دوانك قوه نامیه دن تجرید ایدلسنی و آسیب روزكاردن دالك بوداغك قیریلوب قومسنی آرزو ایدرایسده ، ذات شجره كندیسندن باشقه سنك باله یله دورلسنی كورمكه راضی اوله ماز .

دولتلك هر رنجه شومقصدك برخط حرکت دائمه اولسی دوات علیه رجال اموررنجه حقیقه قابل استفاده بر طریق تحفظ و ترقیدر . بوسایه ده قوه نامیه عمومیه مزك سلمه السلام صیریلوب چیقارق میدان آلمسنی ایجاب ایده جك وسائلك استحضاری ممكندر . فقط :

مشكل نیستكه آسان نشود مرد بایدكه هراسان نشود

حتی مع التأسف اختیار اولنه جنی آتیا بیان اولنه جق روسیه محاربه سنده بیله ایش ، نه یاهلم ایکی ال برباش ایچوندر دینله جك درجه یی بولامشیدی . هر نه ایسه [چیقاجق قان طمارده طور من] ضرب مثالی مهرض تسلیده یاد ایله صده رجوع ایدلم .

دولتار روم ایلیده وقوعه كلان اختلالاتك بنفسه دولت علیه اطفاسنه مقتدر دكلدر . ایش كندی كندیه آرزو ایتدیكمز درجه یی واصل اولور عزیمیه در كین انتظار ایكن ، من غیر مأمول عساكر منتظمه و كانیه ایله چیقاریلان اردولریمز ، اوكریمه حائل اولان عوائل و مقومت عصبانیه كوکارخی سوکه - سوکه

چینه‌یه، بلغراده طوغری آلوب یوروی ویرمسی وبلغارستانده کی آشک‌ده ینه سطوت‌عسکریه ایله بستیون منطقی اولمسی، مداخله و توسط دولیه‌یی انتاج ایله، مرکز معاملات دولیه اولان دیپلوماسی منبعندن، اردولیمزه طور‌کیز و سزگله محارب اولانلرله سریعاً عقد متبارکه ایدیکیز قومانداسی ویردیرلدی. اولوقت درحال اوستریا دولتشک باش وکیلی بولان «قونت آندراشی» صورت ظاهرده خیر خواهانه بر متوسط صفیله، معناً ایسه بالخله دولتر طرفندن عصاتک مدافعه حقوقی مأموریتیله میدان چیقوب اورتالغه بر صورت تنظیمیه آتیوریدیکه، خلاصه‌سی غالب اولدیغیز حالده مغلوباً بر مصالحه عقدندن یعنی قره‌طاغه برطاقم یرلوریرلمسندن، صریحه‌نک استقلالی بالتصدیق نازکانه تعیرایله حدودی تصحیح اولمسنندن! بلغارستانک بر مختاریت اداره‌یه مالک ایدلمسندن عبارتدر.

دولت علیه (آندراشی) نک لایحه‌سنه بحق اعتراض‌ایله ایشی محکمه دولیه‌یه عرض ایتیمی اوزرینه، دولتر کندی مرخصلرندن مرکب بر قونفرانسک استانبولده عقدیله صورت ائتلاف بولمسننده اتفاق ایتدکرلرندن؛ در سعادته قاسم پاشاده بحریه نظارتی دیوانخانه‌سنده اجتماع ایدن قونفرانسنده، (آندراشی) لایحه‌سنک اساس اتخاذیله جریان ایدن مذاکراتک نتیجه‌سی ینه دولت علیه‌نک حقوق استقلالیه‌سنی محل برطاقم حقسزلقلری ضمن ایتدیکی مع التأسف کوریلوب اکلاشیلدی.

فقط دولت اچونده، آمانک حقسزلقل ایدیلیور؛ ایش اولیله دکل برکرده بنی دکلیکیز، دیه‌جک درجه‌ده، صورت ظاهرده مراجعتگاه اوله‌جق بشقه بر محکمه قالمیدنی جهته بالضروره کندی کن‌یمزه مجلس عمومیلر عقد ایدره‌ک شوامر خطیره برخرج بولنه‌یلمک ودها طوغریسی ایشک اوله‌جغه وارده‌جنی درکار ایسه‌ده، هیچ اولمز ایسه اعضای مجالس افرادینک تکثیریه تقسیم مسئولیت ایدلمک طریقته اختیار ایدلمسی لازمکلدی.

اوا ثناده ایسه، مرحوم سلطان عبدالعزیز حضرتلری هنوز خلع اولمش و اداره استبدادیه نهایت ویرلدیکی سونخیله، عالمه بر فکر تجدد کلهرک دولت علیه‌نک جدّاً قانونی بردولت وامت عثمانیه‌نک حقیقه شوروی برملت اوله‌جغه — غلط رؤیت اوله‌رق — قناعت واعتماد حاصل اولمشیدی.

مقام صدارتده بولان مدحت پاشا ایسه، خلقک بو آرزوسنه تبعیت ایتمکده اولدینی

ظن اولنیور ایدیسهده، حقیقت حاله کانجه هرکس مدحت پاشاده موجود اولان شوق و شطارت حریتک آرقه سنه دوشهرک برغریو و فریاد و برشوق تجدد نهاد ایله ظلمت آباد استقباله طوغری آقوب کیدیورلردی.

بزه متعلق احوالده هر وقت ظواهرله مقید اولان اوروپا مطبوعاتندن بعضیلری بیه، اویویان آرسلانک کدیمینله استحضار ایتدیکی صیدی الندن آلمق ممکن ایهده، بعدالقبضه قولای دکادر. (پانسلاویزم) افکارینک مروجلری بیهوده یره یوروماسونلر، آرتق آرسلان متواری اولدیقی خواب غفلتدن اوایندی. یعنی ترککر قانون اساسی ایله استبداد اداره نهایت ویردیله. وطنلرینک هر حقوقنه مالک و حتی بر آویج طوپراغنه وارنجیه قدر شایعاً و مشترکاً متصرف اولدقلرینی بیلدیر؛ اثبات رشد ایتدیر. بوندن صکره اوروپایلر و خصوصیه موسقوفلر. قسمتلرینی بشقه قاپودن آراسونلر، دیه آلفیشلایه رق یازدقلری مؤثر بندلرک بخش ایتدیکی نشاط و سرور ایله هیمز مغرور ایدک.

اشته اکثرینی بوضورتله علت شادی به طوتوله رق سرمست صهبای خیال اولان رجالدن مرکب انعقاد ایدن مجالس مشاورهده، قونفرانسک تکالیفی قبول اولنه ماز، دولت حی ایکن اوزرندن بر عضو جاندار کسیه من، ماملکمزی وطنک محافظه سی اوغرنده نشاره حاضرز. بتون ابنای وطن، او مادر شفقت آورک مدافعه سی اوغرنده ترک حیات مستعاری جانه منت بیلور، کی قلالی یالیزی جلهلر و ترکیه سی بکلک سوزلرله آتیلان دجهلر، کوته نظران امتی آووندره جق درجده ضیادار کورینیور ایدی.

حتی بر آردلق سابق حجاز والیدی مرحوم حالت پاشا کی فکر تروی و تبصره مالک اولان اصحاب آرانک آغزندن، بونک آرقه سی بر روسیه محاربه سی انتاج ایده جکنده شبهه یوقدر، کندیمزی تلاشه و تهوره قایدیرمه قده قونفرانسک تکالیفی بر ایجه نظر اعتایه آلوب بر نقطه ائتلافده اجتماعه چاره لر آره سهق؛ دوتک، عباداللهک سلامتیه ده موافق حرکت ایدلمش اولور. یوانده بیک درلو احتیاط ایله چیقان سوزلر، حمتکاران حضار طرفندن بر شدت خارق العاده ایله رد و طعنه اوغرادی. او ائنده بورسه قومیدری اولان عابدین بک، ارواح کدستگان شهید، غیر توران امتی تأییداً حاضر بالجلس اولدقلرندن اوردن

اوتانوبده قانلری و جانلری بهاسنه فتح ایلدکلی بلادک دولت اولان رابطه سنی توهین و خلقتک همت و غیرتی کسر ایدمک سوزلری قاله آلملم دیهرک حالت پاشانک سوزنی بوغازینه طیقادی .

قوة مالیه مزک تحملی یوقدر نه یاللم، دیه مترددانه بیان مطالعه ایله اصحاب عقول و روییدن استعانه تدبیر ایدلرله مقابل ده ، الحمدلله نقدمن یوق ایسه ده شوقدر میلیونلق قائمه من وار، ایجاب ایدرسه اوکاغد پاره یی ده ا زیاده طبع ایدرر؛ رأی، چاره منفرد اولمق اوزره مع التأسف درمیان اولندینی کبی شورای دولت اعضاسندن رفعت پاشا زاده رؤف بک آفندی ده، کافه ماملدکمزدن تجرد ایدر واسپریمچت مومی یاقه جغمزد، قیرمزی دیپلی یاغ مومی یاقه رق بحوله تعالی خصم سزه مدافعه ایدرر . کبی قوری بر وعد تسلی نمون ایله اکثریت آرای طرغه جذب ایلدی .

آئیده کوریه جکی وجهله صکرده دن اختیار ایدیلان روسیه محاربه سنده پاشالر و بکله حضراتی کندی دأر دلرنده اسکی آویزه احتشاماتیه کوشه نشین فراغ واستراحت اولدقلری حالده، قیرمزی دیپلی مومی آلوده بلیه محاربه ایله کندی دردلرینه یانوب یاقلمق، آنجق اهل حرفت وزراعتک، والحاصل فقرای امتک حصه بد بختیسه دوشدی !!

دولت ایسه ، برطرفدن ملتک بومیل جوهر دارینی قونفرانس جیلره کوستروب، انلرک براز امید طمعنی قیرمق و برطرفدن ده بر صورت ائتلاف آریورمش کبی، صرییه و قره طاغدن کلش اولان مرخصلر ایله سوزره و بازارلغه کیریشک وادیلرنده کزینور ایکن، مدحت پاشاده جماعت خاصه سیله برابر قانون اساسی یی حاضر لیوردی . کأنه دینیه جک ایدیکه دولت، یالکز خرستیان تبعه سنک حاتی تفکر ایتدیوب، بالجمله زیر دستانی نعمت رغه و آمانه ایصال ایتک ایچون سنرک بزه، تکلیفی خاطر لریکزه بیله کتیرمدیککز مشروطیت اداره یی، اشته کندولکنندن بر لطف مخصوص اوله رق اعلان ایلدی .

بوتدبیر ایله وبلکه سائر اوفه حق بعض فداکارلقلرک اختیاریه صربلیر و قره طاغیلر صوصدیریلوب بلغارستان ایچون ایستیلان مختاریت اداره ده ویرلماش اوله حق؛ دوامده اصول مشروطیتی اعلان ایله بردور تجدد واقباله آایق باصه جقدی .

طرف دولت علیه دن قونفرانسه مرخص اولان خارجیه ناظری صفوت پاشا، اولور اولمز دیا اوج اشاغی بش یوغاری کمال کرمی ایله مذاکره طامش و فرنگی راه بوغاز بوغزه اوغراشمقده بولمش ایکن . برده ، بالجه ایکن عسکرینه دن وکیلردن قیامت قوپارجه سنه طویلر آتیلقمده اولدینی ایشیدلمسیله اورتالقمده فوق العاده برحادثه نك دهشتنای ظهور اولدینی اکلاشیدی .

صفوت پاشا ناطقه زیب مناظره و خطابت ایکن اسماع حاضرینده خدشه گیر تعجب اولان طوپ سسارینی ایشیدیر ایشیتمز ، چونکه اساس حاله واقف اولمق سببیه ، مژده لر اولسون ایشته مطلوبمز ثابت اولدی . آرق بوندن صکره منازعه یه محل قلمدی . دولت علیه قانون اساسی یی اعلان ایتدی . اداره دولت قونستیتوسیون شکلی آلدی . بتون تبعه عثمانیه وطنك حقوق عمومیه سنه مشترک ایدلدی . اسلامق خریستیانق تعمیرلری بوندن بویه جوامعه کایماندرده ایشیده چکمز . بتون ابنای وطن عثمانلیق نام مبجلی آتنده ذاتاً و قدیماً معترف اولان حریت اساسیه لری بیلدیلر . بو ایشیتدیکمز طویلر . قانون اساسی یی تصدیقاً شرفعادر اولان خط هایونك باب علیده قرائت اولدیغی خلقه ابلاغ و تبشیر ایدیور ؛ دهرک سوزی کسمک و کانه ایشیمز بندی کی قونفرانی اوکونک طاعتیق ایستدی ایسه ده ، ظامر موسیولر اقوام عثمانیه نك او قانونی محافظه ایده چک استعدادی فطره حائز اولدق لری بیلدک لری نه و یا خود اوروپا اقوامی آلدادوب آوندیروب وقت قازانمق ایچون امثال عدیده سی مثللو بوده بر بشته طرز و اصولده قورولمش بر دولاب احتیال اولدیغی اکلامش اولدق لری نه مبنی اولسه کر کدرکه ؛ بزده ؟ بز مذاکره مزه و ایشیمزه دوام ایدلم ، اورتالقمده مذاکره کراتمزک انقطاعی ایجاب ایدچک قوی بر سبب کورده میوز . قراریه صفوت پاشای قارشولارلر .

اوانشاده تلغرافلرک ، غزتلرک مؤثر سوزلرله بتون ممالک عثمانیه ده قره طاغیلر ایله صربیلر و باتبعیه روسلر علینده احداث ایلدک لری جانلی و مهم غلیان افکار بر درجه افراطه یتشمش ایدیکه ، یا عموماً اولورز و یا خود ال بر لکیله حقوق وطنی محافظه و مدافعه ایدرک ناموسمزله یاشارز . سوزی بعض دایقانایلرله برابر تفکر و تجربه سی ناقص و فقط سنی مقدم آغز قانیلارده بیله ورد سحر حکمنی آلمشیدی . حتی اولوقت بزلر دخا اضر و مرده بعض احبالیه جمعیتلرعه دایدرک کیجه لری تابصباح محاربه اولور و یا اولماز و یا خود اولما ییدر اولما مییدر ؛ یولنده سلباً و ایجاباً . رداً و قبولاً قفا

باطالادرجه سنه مباحثه لایته دیکمزن ائاده، ایچمزدده تجربه کار بعض اصحاب اختیاردن، آماتک محاربه نهدیمک اولدیغنی بیلسیورمیسکز. قارشومزدده حیقاچق اولان موسقوفک نصل برداهیه خانانسونز اولدیغندن خبریکز یوق؛ بزده اسباب مدافعه مفقود، خصوصیه محاربه نك مایه توقف علمی اولان اچقه غیر موجود، اردولریمز ایکی سنده نبری روم ایلیده ارباب عصیانه قارشوقان دوکیور، جان نثار ایدیور؛ دولته عظیم مصرفلر اختیار اولیور؛ موسقوف ایسه یورغون دکلدر، مهماتی فوق العاده مکمل، دینچ، تعلیمی وکیتلی اردولریله بردن بره اوزریمزه اوغرار ایسه مطلقا باتارز. بترز، بوشمدیکی موقع سیاسیمیزی ده غیب ایدرک کیم بیلر نه شکل اداره یه کیره رز. بورای شی دکلدر. تهلدکدن اجتناب فرائض امور دندر. یولنده سرد مطالعه ایدلری خائن وطن تهمتیله متهم ایدمیز ایسه ک بیه، عقول سخیفه و ناقصه اصحابندن عد ایدرک سوزلریغی وهمه و جبانته حمل ایله حقیقه متأثر اولور ایدک.

اوانئاده ایچمزدده مباحثات واقعه دن متألم کورینان و سکرده دن عاقبت اندیش برذات اولدیغنی اکلاشیلان دردنجی اردونک مرکز قوماندانی میرلوا علی رضا پاشاده و قتیله قریم محاربه سنده بولنش و طرفینک عسکرینی و عسکرلکنی میزان اعتباره آلمش اولدیغندن بو حال ایله بز محاربه ایدمیز. ایدر ایسه ک عقلایه قارشو اعلان جنت ایتیش اولورز؛ نقطه سنه رکز عصای ثبات ایدرک خلقی او موقعه دعوت ایدرکن، استانبولک اخبارات متوالیه و متوارد سندن، ایشک کندی فیکرینک عکسی جهتمده دوران ایتدیکنی و عاقبت مسئله نك قورقیدیغی درجه یی بوله جغنی حس ایتسیله، نظر نده تحقیق ایدن و خامت عاقبتی کور مامک ایچون دوشنه دوشنه مزاجی نقطه اعتدال دن قایمش وبر کیجه نك ایچنده اتخار ایله دغدغه عالم دن قور تیلوب کیتمشدر.

[ایل یومروغنی یمامش اولان آدم کندیسینک کنی دمیر موشتا ظن ایدر] ضرب مثلی حکمنجه عالمه طفره فروش حمیت اولان بزرلر حضراتی، ضدینی کورمیدیکمزدن اردو مرکز لر نده تحشدایدن طابور طابور عسکرلری، کمال انتظام ایله قوشیلوب تعلیم میدانلرینه حیقان طاقم طاقم طوپ بطاریه لری. یاپیلان استحکامات جسیمه یی، ایچنده کی آلات وادوات حربیه یی کوردکجه و ترسانه ده زرهلی واپورلریمزک هیبت رس قلوب اعادی اوله جق درجه مکما یتمده بولندیغنی غزتلر لسانندن ایشیتدکجه، روسلره مقابله ایتک زده دقالدی، دنیالری بیه تترده جکز ظن و خیالیه وهله قره

دکتر حاکم مستقی اولدیغیزلک تصویرله، اصحاب عقوله سنک انداز طعن وتشیع اولوردق. واقعا کتابلرده، غزته لرده، روسیه نکه ده اضعا ف مضاعف قوه عسکریه سنک موجود اولدیغنی کوروب اوقیور ایسه کده آنک کی غائب، بزم کی حاضر، آنک کی مسموع، بزم کی مشهود (شنیدن کی بودمانند دیدن) دستور حکمتی حکمنجه دعوی تقدمه بولنیور ایدک.

اشته بوشمشکش اضطراب ایله خلق اشتغاله اولسون، قونفرانس اربابیده مسئله نکه بحر بی نتیجه ویرمماک آرزوسیه مساعی وتوسطات واقعه سنک غیر مشمر اولدیغنی، اولبابده قونفرانسجه حاصل اولان قرارک دولته رد رسمی به اوغرامسیله ثابت اولدیغندن، هر دولت کندی مرخصنی کیری به آلدیسه ده ینه امیدار بتون بتون منقطع اولیوب طوپ پاطلاتلمق سزین ایشه برچاره ائتلاف بولق املیه لوندرده سیاسی اجتماعلر وقوعبولدینی ائنده ایدی که، مدحت پاشا یاپدینی قانون اساسینک یوز اون اوچنجی ماده سنک قربانی اوله رق اورویایه نفی ایدلدی.

هر نه ایسه مدحت پاشانک یرینه غالباً اولوقت نافع ناظری اولان ادهم پاشا حضرتلری صدر اعظم نصب اولته رق محور اداره دولت اوحضرتک کف کفایه سنه تودیع قلندی. نتیجه مذاکرات وتوسط اوله رق دولته تبلیغ اولونان واستانبول قونفرانسینک مقرراتی خیلی دن خیلی تعدیل ایتش بولونان لوندره پروتوقولیده، ادهم پاشانک زمان صدارتسده مجالس عمومیه جه بالمذاکره رد اولوندینی کبی ایش بالطبع روسیه محاربه سنی انتاج ایدلدی! وکان امرالله قدر آ مقدوراً. بعدالمحاربه وجود دولته آجیلان رخنه لرله زخمدار اولان افراد وافکار امت، محاربه نکه ایقاع واختیاریه باعث اولان اسباب واشخاصی لعن ونفرین ایله یاد ایتدک لری ائنده، هرکس برر صورتله تعیین مقاصدله محاربه نکه سبینه مناسبتی مناسبتر برر قالب کیدیرمک ایستوردی.

کیمیسی مرحوم سلطان عبدالعزیز حضرتلرینک واسطه سلطنتدن برو دولت اداره عمومیه سنه فعلاً وساناً تجاوزی عادت ایدن ملک فکری اداره دولتدن صرف ومشغول ایتک ایچون برمحاربه نکه اختیار ایدلمسی ایجاب ایلیده اکا مبنی حربی نتیجه ویره جک مقدمات استحضار اولندی رأینده بولنور. بر قسمی، خیر! بویله براغتشاشات سیاسیه نکه وجودی اولسه ایدی، عموم

ملکیتی چیفتاک واهایسنی قول وکوله عدایدن سرائیک و سرائیلرک، قانون اساسی بی اعتراف و اصول مشروطیتی قبول ایلسی ممکن اوله ماز ایدی. بوقلاقل سیاسی، سایه سنده ملتیه بر عتنامه استحصال ایدیلیویرمک ایچون ایشک وکلاجه بوشکله تونسسی لازم کادی سوزینی سویلر. بعضیسی، یوق! لزومندن زیاده سربستی طرفداری اولان مدحت پاشانک آتشیلی فکرلری، سربست سوزلری یعنی یا اولهلم یا ناموسمزله قالهلم یواننده عوام پسندان و متهورانه کلماتک افکار عامهده صورت فوق العادهده حاصل ایلدیکی تأثیر اوزرینه ایشک اوکی آله مامقدن ناشی بودرجهیه واردینی و بایکدهده محاربه اختیار ایدیلبودیه قره طاعه صربستانه بعضی لر ترک اولنسه و بلغارستانده خفیفجه بر ختماریت اداره ویراسه ایدی، غلیبانه کلیش اولان افکار عمومیه، حکومت علیهنه قیام ایدرک بر جوق یواسمز قلمر. حسابمز مناسبتمز لکسر وقوعبولورایدی یواننده بیان افکار ایدر. [*] هله برکون آتیده مدت مدیده رفاقتنده بوانه جعفی بیان ایده حکم آناتولی اردوسی قوماندانی غازی احمد مختار پاشا ایله بو محاربه نك مورت اولدینی خسارات

[*] مصالحه دن صکره فقیر بالما موریه کریدجزیره سنه کیشمدم. اوروپاده منفیاً حیرانورد سیاحت اولان مدحت پاشانک وقوعبولان مراجعت واستدعاسی اوزرینه ممالک شاهانه دن کریده کاوب اقامت ایتسنه مساعدت سنیه ارزان نیورلشیدی. فقیر کریدهده ایکن مدحت پاشاده کریده مواصلت ایتدی. اولجه هیچ بر مناسبت اولدینی خالده اخیراً آنک و بزم کریدهده امتداد اقامتمز جهتیله بالطبع معارفه حاصل اولدی. اومعارفه نك وردیکی جبارنک سوتیله دولتی بویله برورطه هولناکه اوغراتمش اولان شو محاربه نك ایقاعنه سبب و مجبوریت عجباً زودن کادی دیه حاصل اولان مراقی دفع ایچون کندوسسندن صورلدیغنده، بر آه سرد چکدرک دیدیکه: (آندراشی) نك لایحه سی واستانبول قونفرانسنک مقرراتی هب عین فاحش برطاقم طلبات زائده دن عبارت اولمسیله بونی چکه چکه بدرجه ممکنهیه قدر ایجلمک و قیریله جغفیک. آکلاشیمه جعفی نقطهده باغله نی ویرمک لزومی بالطبع دولتجه دها اهون اوله جنی کورولمش و نوکا دائر انکیزلرده صورت خفیه و محرمیهده سوز ایدیلرک جواب شافیده آلمش ایدی. حتی اجتماعات سیاسی نتیجه سی اوله رق دولت علیهیه تبلیغ اولمان لوندره پروتوقولی که. مطالب واقعی پک زیاده اهونلندرمش ایدی، اشته بومقصد مهمه مینی ایدی. او پروتوقولاک دها دولته تبلیغندن اول بنم استانبولی ترکیه حقیقتلغم اقتضا ایلدیکنندن واپوره بندیرلوبوده آق دکنره طوغری آپیلدیغم ائشاده لوندره مقرراتنک بزجه نه شکلهده تلقی اولنه جعفی تمیننه مدار اولقی اوزره بکا خاف اوله رق کیمک صدر اعظم نصب اولنه جعفی خاجانیه برندیژییه واصل اولدیغنده ادهم پاشانک نائل مهر هایون اولش اولدینی تلفراف حوادتی اوله رق اوراده ایشتم. وطنک اوغرایه جعفی بلایا و مصیبتی تذکر ایله عادتاً دیزلرک باغی چوزیلرک بر طرفه بیغلام قلدیم. العبدۀ علیه

ملکيه وماليه وعسكريه اوزرينه سوز ايدرکن مشار اليه ديدیکه : در سعادته کی قونفرانسک منعقد اولدینی صروده بن هر سک جهتنده قره طاغیلر ايله مشغول محاربه ایدم. قونفرانسک تکالیفه دولتک موافقت ایتامکده اولدیغی وقونفرانسک طاعیله جغنی ایشیدرک اوصروده سرعسکر اولان ردیف پاشایه هرچه باد آبادی کوزه آلدیردق دولتک پولتیکه سنه مداخله وظیفه مک خارچنده ایکن مجرد بندکان وخیر خواهان دواتدن اولدیم حیثیتله غایت مهم بر تلغراف یازمش ودولتی روسیه محاربه سنه دخولدن تحذیر ایلشدم. بوتلغراف مجلس مخصوصده او قوندیغنده مختار پاشایه سفر بر لکدن فتور وملال گلش دیهرک بنی کرید والیلکنه، سلیمان پاشاییده مشیریتله بنم یریمه قره طاغ قوماندانلغنه تعیین ایلدیلر. آردسی یکر می کون کچمکسزین اناطولی حرب اردوسی قوماندانلغیله ارضرومه کوندرلدم دیدی ویازدینی تلغرافک مسوده سنی مطالعه ایتک اوزره چانطه سندن چقاروب ویردی ایدی. حقیقت مسئله اوزرینه خلیجه مطالعات مهمه یی متضمن اولدینی جهته بر صورتی اولوقت بالاستئذان آلمشیدم. شمدی مناسبت کلدیکی ایچون عیناً بورایه نقل ایتدم.

هرسکده تره ییذن : حضور حضرت سرعسکری به (تلغراف شیفره لی)

حال حاضر اوزرینه آزیحق وخصوصی اوله رق بیان فکره کندمی مجبور کوردم. شویله که : غالب اولدیغمز حائده حقیر لقله مصالحه مغلوبه یه یاتق، ایلروده دها زیاده خساره اوغرایه رق مغلوباً مصالحه مغلوبه یه دوشمکدن اولیدر. زیرا بز روسیه یی اوچنچی درجه ده یعنی الک خفیف درجه ده ایچیده بیه جک اولان تقلیس ویاقری می ویابسارایی عرضه ضبط ایدمیز. چونکه اسبابی اونده طقوز مفقوددر. شاید حدود لریمزی تمامیه محافظه ایده بیلور ایه سک بختیار لقدر. فقط بوده غالبانه مصالحه عقدینه مدار اوله مز. مع مانیه بوسنه یی وبالمناسبه هر سکی مطلقاً ضایع ایدرز. انکلیزلر بزمه حدوده قدر کتیزلر، بالکر بوغازلرک واطرافک محدود بر صورتله محافظه سنی در عهده ایده جکلر در. اشته حالات معروضه، مغلوباً مصالحه مغلوبه یی منتجدر. اما هر حائده بونک صوکی یاتق دکلی وارسون بر ساعت اوله اوله جقسه واسون. خیر ولوامید آتده واسون، البته یاشامق یاتمقدن اولور در. شمدی قونفرانس بری سوز قاریشدر میور ایه ده، ینه بر صورتله بقاضه جالیشیور؛ او وقت بقاضه ۲ — باش. ره کلانلر

چالیشه جق بر هیئت بولنه بیه چکنده شههم واردر . شاید بقا مقدر ایسه ، شمدی مالایطاق دیدیکمز تکالینی ، اولوقت مع زیاده یوکانوب برده تضمینات حریه بیه سنه دوچار اوله جغز . حاصلی ایلروده کی شدید قراکغه طالمقدن ، شمدیکی حقمر مصالحه مغلوبه بی قبول ایتمک ، دولتی برایکنجی ورطه دن قورتارمقدر . خصوصیه شمدیکی جهت غالبیتزدن ، بر مقدار ناز ایده بیلیمک حقنی دخی حائر اولدیغمز جهته ، ایلروده دها بر چوق زیان ایله برابر ، بونی ده غائب ایتمالی واستفاده یولنه چالیشملی یز . زیرا بومسئله ، دره نك اطرافنده هیچ برطوتینه جق دال بوداق بر اقیوب چوقدن محو ایتمش و بریاندن طاعلر کی یووارلانونب آققده بولنش اولان عظیم برسيله مشاهدیره شمدی به دکین کوستردیکی الوان مختلفه ، آراق بونک اوکندن قوتله قورتلق محال اولدیغنی حکمه کافیدر . بر مقتضای خصوصیت شونکری عرض ایدیورم ؛ زیاده جه مطالعه بیورلمسنی تمنی ایدرم اقدم .

۸ کانون اول ۱۲۹۲ احمد مختار

شمدی بوقدر اختلاف روایاتدن نشئت ایدن عظیم بر قاراکلق ایچنده حربک وتوعنی ایجاب ایدن سبب حقیقی نی شودر دیه میدانه قویو ویرمک ، اصول اخلاق وطبیاعمره موافق اولان سوابق ولواحق احوال اداریه مزک تدقیق ومیزان ایدلمسيله حاصل اولور .

وقایع ماضیه مزک دلالتیه معلومدرکه ، بزده ، افکار عمومیه نك فقدانی جهتیله امور جمهور ، هروقت (ان خیراً فشرأ) غایه شخصیه به مستند بر فکر مؤثرک مله به خفض ورفعی اولوب طورمشدر .

دها صریحی سویلک اقتضایدنجه ، بوسلطنت مؤیده عثمانیه ، مجرد سرائیک یمین همتک غرس ایجادی اولدیقی کی ، ینه اودائرده سنیه تفوژینک احوال واداره سیاسیه مزه ، غیر معقول بر صورتده سریانی سبيله عن جهل محو واعدام ایدلمشدر . الحاصل (انسان دوشدیکی یردن قالقار) ضرب مثلک خلافتیه اوله رق ، بزده قالقندیغمز نقطه دن دوشدیکمزی ، خلاصه ماجرائیات اولمق اوزره اعتراف ایدیوریر ایسه نك ، بقیه موجود مزک محافظه سی مقصدیه ، قارئین کرامتک عفورلینه اغتراراً طوغری بی سویلش اولورز . والله یؤتی ملکه لمن یشاء .

روم ایلی قطعه سی ، اختلال ومحاربه آتشرلیله یا تمقده و بر طرفندن ده ، بین الدول دیپلوماسنی مخاربه ومذاکره لر جریان ایتمکده ایکن ، عاقبتک بر روسیه محاربه سی

جمع ذخائرده کی
تباروز

انتاج ایده‌جکی و یا خود انتاج ایتک احتمالاً موجود اولدینی اکلایشله‌رق .
روم ایلی قطعه‌سند طونه اردوسنک تقویه و تریدینه اتمام اولنقده اولدینی
کبی ، آناتولی جه‌تندده دولتمز ترتیبات و تدارکات عسکریده بولنیور ؛ فوج
فوج دردنجی اردو ردیفلی سلاح آتیه آلنهرق ارضرومه طوغری سوق
اولنیور ایدی . بوسره‌ده ، روسیه دولتی دخی قفقاسیه اردوسنده عینی حرکتی
اجرا ایله ، کمری قلعه‌سنی عسکرله تولدیرمیشیدی .

ارضرومک والیسی و دردنجی اردونک مشیری بولنان‌ساح پاشاحضر تلرینک
مساعده‌سیله ، روسیه ارزاق معبدلری ذخیره بولغیه مشهور قارص و توابی
اولان قضالر محصولاتی ، اهالیدن صانون آلاق پیدرپی روسیه اردوگاهنه
کوتورمکده ایدیلر . بزم محتاج اولدیغمز ذخیره‌نک او طرفه ویرلمی . دردست
اجرا بولنان تحشیدات عسکریه مزتدیریلله قابل توفیق اولدینی و هر حالده کندیمزه
وخیم وخیم عاقبتار تولیدایدجکی ملحوظ اولسنه‌بنی منع اولنمی ، کرار‌ساح پاشایه
اخطار اولندی ؛ آکلادیلهمدی . نهایت الامر بعض عواقب بینان مصلحت ، مسئله‌نی ،
استنبولده‌کی اولیای امورک سمع دقت و انتباهنه باواسطه ایصال ایدرک ،
ارضرومندن قارصدن ذخیره اخراجی ، استنبولدن کلان امر اوزرینه تحت ممنوعیت
آلدیلدی . جوق کچمکسزین ساح پاشاده ارضروم والیلکندن و براز صکرده
اردو مشیرلکندن عزل اولنهرق کرید والیلکنه تعیین ایدلدی . [۵]

عسکرک ارضرومده تحشدا ایتدیکی زمان ، فقیر ، ارضروم ولایتی دیوان‌تیمیز

[۵] ساح پاشانک بوسامعینی ، برسوء قصده و برمکرخیانه مبن‌اختیار ایتسی خاطر و خیاله
کلیه‌جکی کبی . هیچ برترکدن اوشلو بر معامله‌نک صدوری دخی ممکن‌زدرد . لکن پاشانک
بواشده سوء اجتهادی درکاردر . زیرامشارالیه شورانی ملاحظه ایدیوردیکه : دولت‌علیه‌الله
روسیه بولتیقه‌سی آره‌سنده‌کی کرکینلک بر محاربه‌نی انتاج ایتکسزین . دولتلرک توسطیه بر صورت
اتلاف بولهرق که‌وشر . شایدایش محاربه‌نی نتیجه ویرسه بیه ، « الحمد لله نفس قارص قلعه‌سنک
ذخیره‌سی اردوپه کافیدر ؛ اهالی‌النده بولنان فضلّه ذخیره‌ده . بر اجنبی مملکتنه کیده‌رک خلقلک
الده‌باره کتیررسه فتنای اولور ؟ بوجه‌له وارسون قارص حواله‌سندده‌کی ذخیره‌ده روسیه‌یه
کایسون ؛ کبی بر فتنان اجتهاد و برسوء تحکر ، شوم معامله‌نک صدوری انتاج ایش اولسه‌کر کدر .
لکن بورای واجتهاد موافق حقیقت دکلدرد ؛ چونکه‌هم بزم آتیا وقوع‌له‌جق احتیاج‌نقده‌بر
اولنهمامش وهمده دشمنمز ، محتاج اولدینی ذخیره‌نی مملکتزدن تدارک ایدرک ، اوقونله
علیه‌هم حرکتی تسهیل و ایکی‌حاله‌کوره‌ده عادتاً خصم‌همزه اعانه ایدلمشدر .
فقط ایش ، هر حالده یا کلش بر حسابدن واستبداد رأیدن نشأت ایتدیکی اونودلمسون .

فقیرک محاربه‌نی
کیده‌شمک سبب
و مختار پاشانک
ورودی

محکمہ سی [۴] باش کتابتہدہ بولنیوردم. بعض احبا و اودانک و خصوصیلہ محکمہ نیک
رئیس بولن مرحوم نافذ باشانک تشویقیہ، یریدن ایکی طابور کوکلی عسکر
تشکیل ایلدک. طابورلرک بریمی (ملیہ) و دیگر مدرسه لردہ کی طلبہ علومدن
متشکل اولدینی ایچون (علمیہ) ایدی. اہالیدن استعانہ و اعانہ لر وقوعیلہ، خزینہ
دولتہ بار اولمقسرین، عادتابو عسکرک فقراسنی نسق واحد اوزرہ کیدیردک. ہر صباح
تعلیملرینہ دوام ایدرک برقاچ آی طرفندہ، ہر درلومانورایہ کیرہ بیلہ جک صورتہ
ایکی طابور معلم عسکرہ مالک اولدق. بزم (ملیہ) طابورینک ضابطانی. قلم رؤسایہ
ملکیتک اعیان و وجوہندن مرتب ایدی. بیکباشیلغہ معلم صفتیلہ اردونک نظامیہ
بیکباشیلرندن بریمی تعیین اولمش و عسکرک سلاحی دخی اردو دبویندن ویرلش
ایدی. فقیر ملیہ طابورندہ صاغ تول اظامی رتبہ سندہ بولنیوردم. ساح پاشا انفصال
ایتمزدن اول، قارصلی خاتون اوغلی نامیلہ مشہور اولان قورداسماعیل پاشا حضر تلی
ارضروم والیلکنہ تعیین اولنہ رق ساح پاشا یالکز اردو مشیر لکندہ قالدی. صکرہ
اردو مشیر لکنہ و عموم آناطولی باش قوماندانلغہ احمد مختار پاشا حضر تلی
تعیین اولندی. ساح پاشادہ کیریدہ متوجہاً ارضرومدن کیتدی.

مختار پاشا نیشانک برنجی کونی ارضرومہ واصل اولدی. استقبالی ایچون
علی العموم ارضرومک خارجہ چیقلدینی صردہ بزم ملیہ طابورینی دخی چیقارمش
ایدک. عسکرانہ رسم استقبال و سلام ایفا اولندقدن صکرہ شہرہ عودت اولندی.
قدومنک و موقعنک تبریکی ایچون طاقم طاقم نزدینہ کیدیلوب چیقلدینی ائنادہ،
فقیردہ طابوریمزک ضابطانی حضورلرینہ کوتورمش ایدم. ممنون اولدی؛
ویر مقالہ و غظیلہ ایلہ ضابطانہ تعریف و وظیفہ عسکریہ ایلدی. عموم ضابطان
بولنیلان اوطہدن طیشاری چیقار ایکن ہم آرقہمدن چاغردی؛ چونکہ ایکی
سنہ اول والیلکہ وینہ اردو مشیر لکیلہ ارضرومدہ بولندینی صردہ فقیری
طائیشلردی. بیوردیلرکہ: «پک اعلا! بو عسکر لککوزہ دیہ جک یوق
ایسہدہ، شو قلیجکزی براقسہ کز وینہ قلمی الکزہ آلسہ کزدہ،
برلکدہ، صحیحاً برحربک اجر اسندہ بولنسہق وفعلاً بر وظیفہ عسکریہ ایفا
ایلسہک دہا ای اولور. یاپدیگنز عسکر، اویونجاق کبی سوسلی و سوبلی شیلردر؛

[۴] ہوا راقی تسوید ایلدیکم بیک اوچیوز الی سنہ سندہ او محکمہ بہ، محکمہ استیفاف

لكن حقیقی برنمایشدن عبارتدر. فعلیات زماننده بونار هیچ بر ایشه یراماز. الله عسا کر مکلفه ومنظمه نك اکسیکلکنی ویرمسون. سزینه، آرقداشلر یکرده برشی سورلیکیز؛ آنلر ایشلرینه دوام ایده طورسونلر؛ هان قیافه کزی تبدیل ایدیکزده، بورایه کایکیز، زیرا یازیله حق یازیلمز یك چوقدر.» بوامری آلام، طیشاری حقیقه رق قوماندای دردنجی اردونك ژورنال قلمی باش کاتبی و بزم طابورك صول قول آغاسی محمد عارف افندی به حواله والبسه یی تبدیل ایله مشیر پاشا حضر تلری نك یانه کله رك، کوستردیکی وظیفه جدیدی ایفایه باشلادم. والیز بولنان قورد اسماعیل پاشا حضر تلرینه ده صورت حالدن معلومات ویردم. چونکه جهت ملکیده مأمور اولدیم ایچون والینک مرجعیتی طبیعی ایدی.

ختار پاشا حضر تلی اردونك خط حرکتی تعیین اتمک ایچون، اراضی حدودیه نك بیوک مقیاسده پالیش بر صحیح خریطه سی واریسه بیلیمک و کورمک ایسترایدی، ووقت مساعد اولور ایسه، عموم خط حدودی وخط حرب اتخاذه صلاحیتی اولان موافقی بانذات کزوب کوره جک ایدی. واسفا که اردوی هایونک ارکان حریه سندن و عموم اقلام عسکریده دن «تأمین مطلب ایده جک درجه ده صاغلام و صحیح بر خریطه مز یوقدر؛ اولانلرده، آلمانایلی مشهور (کیرت) ک جغرافیا خریطه سندن استسناح ایدلمش و بیودلمش شیلردر.» جوابی آلدی. یالکز بش اون سنه اولدن بری یالقمده اولان قارص و آردهان، و او زمانلر هنوز پالسنه باشلانیلان بایزیدن یکریمی ساعت قدر کیریسنده واقع قره کایسانک الله بولنان موقع خریطه لری کوسترلدی. [*]

[*] [۹] ارضوم، قارص، اردهان استحکاماتی بایلور ایکن یعنی محاربه دن بش اون سنه اول بيله اورالرده برچوق ارکان حریه امرا و ضابطانی بولنیوردی. بونزک ایچندن کوتاهیله عاکف بک کی بعض غیرتیلری. «بوش قالدیمز زمانلر روسیه حدودینی کزده لم و مفصل بر خریطه سی آلام» کلینی. اولوقت استحکام قوم ییچونی رئیس بولان فوسفور مصطفی پاشایه عرض ایتدیلر والله ایچون اذده ایتدیلر، لکن فوسفور حضر تلی «آمان آمان الله عشقته بویه شیلری قاریشدریمیکز، نه کزه لازم، سز ایشکزه بافیکز» جوابیه بو آدم لک تکلیفی رد ایدی. پاشانک بوصورته رد ایتسنک حکمتی ده، شاید ضابطانوزک حدود اوزرنده کزینور ایسه روسیه دولتی قوشقولنور و بلکده دولتمزدن ایضاحات طلب ایدر و کیم ییلور باشمه نه بلالر کلور، ویا اداره مز دینه رك پاشا حضر تلی اورادن قالدیریلور، بک اعلا راحت راحت اوتوررکن، فضله بر غیرتورلک کوسترویده باشزه ایش چیتاریمه لم، قورقو و مطالعه سندن ایلری گلش اولسه کرکدر و هله بیلدیکم طبیعتی ایجابجه پاشا حضر تلی،

ارضروم دارالمهمات اولوق اوزره، ارضرومك روسيه حدودينه طوغرى ايلروسنده وهان براستقامتده بولنان قارص، آردهان ويازيد موقعلرنده كيملر قومانداندر؛ هر بيرينه قاچر طابورعسكر قونلشدر؛ بولنانلر هانكي طابورلردر؛ تقدري نظاميه و تقدري رديفدر؛ طوپولرى نصلدر؛ تقدري قلعه و استحكام، و تقدارى سيار طوپى و طوپچي سيدر؛ جيخانه و مهماتلرى و ارزاقلرينك موجودلرى ندر؛ بونلك ارزاق و لوازمك آتيسى نصورتله، نرهدن تأمين ايديله جكدر؛ مكارى و طوبكشان و سوارى الايلرينك حالى و حيوانلرى مقدارى آكلاشلمق اوزره اردوى هايونك قيوداتى تابع اولمغله برابر تلغراف و تحريراتلر ايله ده مخابره لر جريان ايتدكن صكره اكلاشليديكه: غير از استحكامات اون طابور پياده، ايكي بطاريه سيار طوپى فريق قصاب حسين پاشا قومانداسيله آردهانده، اوتوز طقوز طابور پياده و التى بطاريه سيار طوپى فريق حسين حامى پاشا قومانداسيله قارصده؛ اون ايكي طابور پياده ايكي بطاريه طوپ فريق طاتلى اوغلى محمد پاشا قومانداسيله قره كلساده، ايكي طابور بايزيدده، درت طابور دخى وان جهتنده، آلتى طابورده ميرلوا شاهين پاشا قومانداسيله ارضروم ايله قارص آراسنده واقع پاسينلر قضاسنك خراسان و قره اورغان و سائر كهي مشرق كويلرنده در.

ارضرومده كى
تريبات عسكره
و حربه و قواى
موجوده نك
تقدارى

ديمك اولديكه بزم طوغرىدن طوغرى يه عسكر ايشنه كيريشديكمزده التمش بش طابور پياده، التمش قطعه مجهز سيار طوپى و موجودى التيشريوز نفرلى اوله زق اوچ آلايده نظاميه سواريسى وار ايدى، واقعا اردو اساساً درت آلاى سوارى يه مالك ايسده آتيدبه كوريله جكي وجهله اعلان حربى متعاقب حدود قوردونلرنده بولنان سوارى ايكنجى آلايى كاملاً اسير اولمشدر.

اشته ارضرومده بولنانلار درت كون ظرفنده بو قوماندانلرك هر بيرينه دشمن تجاوز حدود ايدر ايسه اجرا ايدده جكلرى حرقاتى متضمن تعليلاتلر يازيله رق كوندرلدى؛ اطراف ولايات و در سعادتله مخابره اوله نهرق مكارى حيواناتى و سائر لوازمات ايستلدى. اوچنجى كون مشير پاشا حضرتلرينه مقام سمرعسكريندن

قارصه مواصلت
و قارصك حالى

كندوسنه بوتكلىق ايدن ذاتك، مطلقاً زوز كلكنه حكم ايتمشدر. ايشته افندم چوق درين مطالعه ايدنلر يز بيله در: پك درينه كيتميانلرده، يوقاريدده ذخيره ماده سنده حالى كوستربلان ساح پاشا كبيدر. ايكيى اورته سنى بولتى پك كوچ شى والسلام.

کلاں بر تلغرافنامه ده؛ لو ندره پروتوقوانک ردی جهته کیدیه جکندن - بو پروتوقول نه دن ناشیدر، نیچون رد اولیور، مندرجاتی نه دن عبارتدر، بوکا متعلق تفصیلاتی قاریئمز او عصرک تاریخ عمومیسندن آله جقلری درکار ایسه ده برنبه سی مقدمه مزده ده درج اولمشیدی - روسیه نك هان هان تجاوزه حدود ایتیمی ملحوظدر؛ غافل بوللسامق وایشلر تحت نظر دتده طوتلق لازم کله جکی توصیه اولمش اولسنه مینی نیسانک دردنجی کونی ارکان حریبه رئیس فریق فیضی وینه ارکان حریبه میرلورندن حسن کاظم پاشاری، شتار پاشا رفاخته آله رق فقیرده برابر اولدیغ حالد قارصه متوجهاً ارضرومدن چیقراق .

نیسانک سکننجی کونی قارصه مواصلت ایدلدی . قارصه کی عسکرلک پک جزئی مقداری قره غول هیئتده استحکاماته قونلش؛ قصوریده مملکت ایچنده خان و خانه و آخور و قهوه خانه کبی یرلره بالق استینی کبی طولدیرلمش بواندی . بوعسکره یالگز خلق بیغندیسی دینه یلور ایدی؛ عسکر دینه مزدی . زیرا عسکر سفر برحالده هر طرفه قابل الحرکه در . بزم قارصه کی عسکر مز ایسه بر طرفه حرکت ایتک قدرتی حائر دکادی . چونکه مکاری حیواناتی و سائر اسباب و وسائط نقلیه سی اولدیغندن کوتوروم برحالده ایدی . عسکرک چادرنی، جیخانه سی، قازمه سی، کوره کئی، اکمک ساجنی، و سائر لوازمات ضروریه سی قالدیرتمق ایچون هر طابور لاقل التمش راس مکاری حیوانه محتاج ایدیکه خدمات متفرقه ده قوللانیق اوزره احتیاجز بدیهی بولسان سائر حیواناتدن ماعدا علی الحساب اوله رق مطلقا ایکی بیک بشیوز راس مکاری حیواناتی ایست ایدی . بو حیواناتک بشیوزی بیهله آله یوق . واقعا بیک بشیوز قدر دمیر باش مکاری حیواناتی وار ایسه ده انلرده کولله و فشنک و سائر لوازمات کتیرمک اوزره ایکی کون اول دارالمهماتز اولان ارضرومه جیقارلایغندن عودتلیری لاقل اون بش گونه محتاج اولدیقدن بشقه بو حیواناتده قوللاندقلری خدمتدن آتوبده بشقه ایشه قوشیله ماز ایدی . حوتکه قارصک محاصره اولمق احتمالی . درجنت اول کوز اوکنده اولمق سببیه کافه لوازمی استحضار ایتک و ایچنی طولدیرمق اقدام فرائضندر .

قارصه کی موجود عسکر، نفس قارص شهرنده کی استحکامات متصلیه جیقاریلوبده استحکام داخلنده اویله جه مدافعه یه براغله، دشمن جزئی مقدار

عسکریه غیر قابل حرکت اولان بوقوتیزی اوزاقدن محاصره ایدرک سلمه السلام ملکک هرجهته یاییلر ایسه مملکتی وناموس دولت وملت بوتهلکدن. کیریده کوندیکمز هانکی قوت قورتاره بیله جک ایدی؟! او جهت قورتاریله میه جفی کبی استحکاماتده کی عسکر مزده یا امتداد ایده جک اولان مدت محاصره ایله ویاخود انقطاع ایلی طبعی بولنان امید سببیه محصوراً بیتوب محو اوله جقدی. شو حالده دشمنی حدودده استقبال ایدوب عسکر مزی متحرک، مدافعه لی براردو شکنده بولندرمق مطلقاً لازم ایدیه ده، بوده عسکری دها قارصک اون ایکی ساعت ایلر وسنده بولنان حدودده واقع آرپه چایی اوزرنده کی مناسب نقاطه سوق ایتمه متوقف و آرپه چاینه قدر عسکری کوتورمک ایسه مکاری حیواناتک وجودینه منوط اولوب الحاصل مسئله تمامی تمانه علت معلول، لازم ملزوم حلقه فسادینک مثال مشخصی حکمنی آلمشیدی. اوجنی قولنی بولوبده ایشی یوریدیورمک پک کوچلشدی.

واقعا آرایرده زمانده وسعت وایشده مهلت اولسه مسئله یه طاری اولان امتناع امکان تقلینه یول بولنه ییلور ایدیه ده، صباح نه اوله جفی مجهول وبلکده آقشامه طوغری دشمنک خط حدودی تجاوز ایده جکی ملحوظ و مأمول اولان او یله برموقعده لاحول خوان اوله رق معقول و مرجع برجهت اختیار یاه بقدرالامکان آنک محافظه سنه چالشمقدن وایلروسی قضا وقدرک حلنه براققندن بشقه چاره یوق ایدی.

قوماندان حضرتلری دخی بالضروره بو صورتی اختیار ایدرک درحال قارص قضاسنک کویلرندن اوکوز عربیه سی طوپلاتدیرلق اوزره جهت جهت قوللر چیقاردی.

برده قارصده کی انبارلرده عسکرک بش الی آیلقی بیه جکنه کافی بغدادی واریسه ده سیار وسفر برحاله قونلیسی یعنی حدود بویه چیقارلمسی تصور اولنان عسکره، قارصک مدخر اولان ذخیره سندن ییدیریلوبده آتیبی نه اوله جفی مجهول اولان قارص قلعه سنی احتیاطسز براقق جائز اوله میه جقندن هر حالده حدود بویه سوق اولنه جق عسکرک محتاج اولدینی ذخیره نک ینه حدوده جوار کویلرده ویرلرده آراغسی لازم کلشیدی.

بونک ایچونده برچاره دوشوندیکی صرده خبر آندی که، یوقاریده حکایه

حدودده کی
ذخیره وضعید
ایدنک اوزره
تدارکات

اولندينی وجهله سامع پاشانك اثر سماحتی اولدوق و قیله روسیه ارزاق متعهدلرینك آشیر و بده صکره دن یساغ ایدلمسینه مبنی حدودی کچیره مامش اولدقلری کلی مقدار ذخایری حدود بوینده کی کویلرده احداث ایلدقلری آنبارلره قویمشلا ایمش.

قوماندان پاشا، قارص متصرفی شفیق پاشایه، قارصده کی روسیه قونسلوسنه خطاباً برتقریر یازدیردی. مالی: « داخلاً ذخیره درکار اولان احتیاجه زمینی خارجه حیقارلمسی مقدمه یساغ ایدلمك سیبیه حدودك اوتیه سنه کچیر یله یوب جوارنده کی کویلرده روسیه تجارلرینك ادخار ایلدیکی ذخیره نیسانك اون ایکنجی صالی کونی کیل ایله وضع یدایتمك اوزره مأمور تعیین اولنش و احتیاجنه دخی وقتك رایجنه کوره اثافی تأدیه ایدلمك مقرر بولنشدر. مجرد ذخیره نك کیلنده حاضر بولمق ایچون اولکون ذخیره صاحب لرینك انبارلرینك باشنده بولملری لازمدیر. اگر ذکر اولنان صالی کونی کملر ایسه مأمورلرمز آنلرك کلمسینه انتظار ایتمکمزین ذخیره نی اولچوب تالدیره حقلری و احتیاجات داخلیه مزه صرف اوله جنی جهته مقداری حقنه ویره جکمز خبره قناعت ایلکمز مقتضیدر.

بوتقریرك قونسلوسه واصل اولمسیله برابر قوردونلرده بولنان سواری ایکنجی آلایت بیر آلای رحمی بك اطرافده کی کویلردن حیقاره بیلدیکی مقدار آراهه ایله بو ذخیره نك. حدود ایله قارصك تمام وسطنده کاشن صوباتان قریه سنه صالی کونی نقلنه بدا ایتمی واکرچه ایش ائساننده روسیه تجاوز حدود ایدرسه یانته کفایت مقداری پترول غازی صندوق آلهرق ذخایر مذکورده نی احراق بانثار ایلسی مأموریتله حیقارلدی.

عنتار پاشا حضر تلرینك قارصه وصول لرینك ایکنجی کونی جوارنده کی کویلردن، سوق عسکر کوندریلان قوللر واسطه سیله خلیجه اوکوز آراهه سی کشیددی. قارصده موجود اولان عسکرلرین اتی طاہور ایل بر بطاریه طوپ سفر برحانه قونهرق عموم اردو مزك بيشداری اولمق اوزره میرلوا احمد مختلص پاشا قومانداسیله صوباتان قریه سنه کوندرلدی. « آرتقستدن لوازماتی اکمال اولندقچه بیدری طاہورلر یتشدر یله جک وکندیسندده آکا کوره تعلیمات کوندریله جکدر » تنبیهی ویرلدیکی کبی شاید صکره دن حیقارلمسی متصور اولان طاہورلرک وصولدن اول دشمن تجاوز حدود ایدرده اوزرینه طوغری کلور و نرندنده کی قوتله مقاومت ایدمه جکی بر تهلیکچی کورور ایسه آغز آغز رجعتله فایده کیرمکمزین قارصك ایکی ساعت کریمسند واقع بوز

سوق عسکر
ترتیبانی

قلعه نام محله چکيلوب اخذ موقع ايدرك اوراده بر امر آخره انتظار ايتمی امری مومی اليه احمد خلص پاشايه ويرلدی .

چونکه عاقبت مجهول اولديغندن، احتمالی وارکه دشمن تجاوز حدود ايدرده بعض عوارض وغوائل سبيله قريم محاربه سی زماننده وقوعه کلدیکی کبی برمدت اولدینی یرده قالیرسه، اوخالده بزم عسکرک، مجرد دشمنک تجاوز حدود ایتسیله برابر تا (بوز قلعه) یه قدر رجعتی موافق حال اوله من ایدی .

هرنه ایسه احمد خلص پاشانک آرقه سندن دیگر طابورلرک کوندرلسی وشاید یتشدرلر مکسزین تجاوز حدود وقوعبولور ایسه، عسکرک قارص استحکاماتنه و (فور) دنیلان منفرد استحکاملره تعییه سی پلانلری یاپیلورایکن ذکر اولنان صالی کونی حدودده کی قوردونمزدن کلان برپوله ده، موسقوفک نیسانک اون ایکنجی یعنی طقسان درت سنه سی ربیع الآخرینک طقوزنجی صالی کیجه سی تجاوز حدود ایتدیکی وکیجه لین قوردونلرده کی قره غول کابه لرینی آبلوقه ایدوب عموم حدود بونیده وقره غول شکنده متفرقاً موجود بواندینی ذکر اولنان سواری ایکنجی آلایي افرادینک کاملاً أسیر ایدلیدیکی بیلدیرلمش، کلان آدمک ائاده شفاهییه سی دخی بویولده بولنش اولسنه مبنی اورتاق آلت اوست اولدی. صکره دن تحقیق اولندیغه کوره، ایلاک دفعه اوله رق قارص جهتنه تعرض ایدن دشمن اردوسی، طوپچی وسواری وبیاده اوله رق الی بیک موجودلی برقوتدن عبارت ایش.

هرکسی بیله من ایسه مده هله نم فیکرم، شعورم دهشته طولدی . چونکه سرده کنجلاک وتجربه سزلاک اولدینی کبی طوپ وتفنک مثالوقان چیقاریجی شیرلده - مسلکم اقتضاسنجه - مألوف دکل ایدم؛ خصوصیه حسب المأموریه ایشک ایچ یوزینه واقف ونقدر تهلک لملحوظ ایسه جمله سنی ایشیتمش ویا زمش اولدیغندن بر تسلی یولی بوله رق طبیعتمده طغیان ایدن دهشتی یاشدیرمق ایچون خیلجه کوجلاک چکدم. حالبوکه اورتالقدده باروت قوقوسی یوق ایکن بیلدیکمک چوق ذوات کبی حیت آمیز وشجاعت انکیز سوزلری سویله جک لسانلرک اولدجه مهمجه سی بنده آغز مده ایدی . خارجدن حاله باقانلر، بر جری مفرط ویا بر شجیع مهور دیه بیلرلردی؛ لکن ایش صحیحلشدیکی کبی نظم طوتلدی؛ اما صحیحاً ایش ارلرینی قطعاً متغیر بولدم؛ انلری ینه تلاشمزجه ایشلرینه دوام ایدیورلر کوردم .

دشمنک تجاوز
حدود ایتمی

اوصردده قوماندان پاشا ايشه دائر اوتيه برويه يازملق اوزرد خيلى تلغرافلر
وتحريراتلر امراتيدىكى ائناده سويلدىكى شيلرك بريسيدى يازى ايله دولتيجه اعلان
حرب ايتكمسزىن تجاوز حدود ايدوب بزم سواري آلايى غافل آولايه رق اسير
ايلش اولدقلىردن طولايى روس اردوسى قوماندانه بروتستو يازملى ايدى.
يازديغىمىز بروتستوى، او آلايه قاعده حرب اسيرى ديه ميه جكمزدن هر حالده
اعاده اولغىلى مقتضى اولديغى نتيجه سيله ختمه ويردك. (روسيه قوماندانى بزم
بروتستويه ييچ قولاق ويرمدى واسيراتيدىكى آلايدن برنفرى سيله اعاده ايتدى يا)
هر نه حال ايسه، او آنده امر اولنان شيلرك جله سى يواش يواش يازلدى؛ اما بركره
اوركمش واختلاله وارمش اولان طبيعته سوز ديكتمك ايچون خيلىجه زحمتلر،
صيقنتيلر چكلدى. مقصدم، كنش وقتده لاف ايله عالمى فتح ايتك انسانه پاك
قولاي كورونديكى بيلديرمكدر.

شوقتصيلدن معلوم اولديكه ذخيره يى احراقه مأمور اولان رحى بك ايشى
يتشديره مدى و او قدر ذخيره دشمن مالك اوله رق بالاخره بزي نه درلو
احتياجلره براقدى. اورالرى صره سيله آتيدى ذكر اولنسه كر كدر.

چهارشنبه كونى اوچ طاבורده اسفر برايديله رك احمد مخلص پاشا قوماندانسانده كى
لوايه التحاق ايتك اوزرد (صوباتان) د كوندردلى ايسده اوكون اقشام اوزرى
احمد مخلص پاشا روس فرقه لر ينك ايلرويه حركت ايتكده اولديغى بيلديرديكندن
اعلمائى وجهله رذقنده كى طقوز طابور ايله طوغرىجه (بوز قلعه) يه گمى
امرى كوندردلى. طابورلردى بوز قلعه يه كچمك اوزرد پنجشنبه كونى (قارص)
اوكنه كلدى. احمد مخلص پاشا (قارص) د جلب اولدى. طابورلره قوماندان
ايتك اوزرد فريق محمد مخلص پاشا ايله ميرلوا شوكت پاشا عسكرله برابر قرار
سابق وجهله (بوز قلعه) يه حيقارلدى. (بوز قلعه دنيلان ير، بركوى خرابه سنك
اسميدر؛ يوقسه مواقع مستحكمه دن دكلدر. مناسب موقعه سى اولديغىچون
بوعسكر اورايه قونلدى ايدى.)

روسيه دولتك صالى كونى تجاوز حدود ايتمنه وبوتجاوزك مطلقا اولكونه
تخصيصنه بزلر آتق الذكر ذخيره لك آليزه كيرمامك ايچون روسلرجه اختيار
والزام اولنديغى معناسى ويرمش ايدك. حالوكده تجاوز حدود اولديغىك فرداسى
كونى مقام سرعسكريندن آلتان تلغرافنامه ده، روسيه دولتك آناطول وروم ايلي

جهتندن برکونده و بر ساعتده تجاوز حدود ایلدیکي محرر اولمسنه نظر آیزم ظنمزه
پکده محل قالمی ایسهده، ذخیره مسئله سنک ایشه بر از دخلی اولمی ده استبعاد
اوله مدی. اعلان حربی متضمن وارد اولان فرمان تلغرافینک صورتی اشته بودر :

قارصده دردنجی اردوی هایون مشیری احمد مختار پاشایه

دردنجی اردوی هایونم مشیر حیت سمیرم مختار پاشا

تلغرافنامه

هایون

روسیه دولتی دولتله قطع مناسبات ایله اعلان حرب ایلش اولدیغندن بزم
دخی حق تعالینک عنایتنه و امت محمدیه به باعث رحمت اولان پیغمبر ذیشانمزلک
امداد مغویسنه صیغنه رق سلاحه صارمه من لازمکلدی . معلومکردرکه بر صلح
و آسایشه عداوت ایتدک و حتی شمدی به قدر المزمده سلاح و قلمبزمده صلح آرزو لری
طوتدق و خیر خواهمز و دوستلرمز اولان دولتلك محافظه آسایش ایچون ایتدکاری
نصیحتلری دیکله یوب او بوله برلکده چالیشدی . لیکن دشمنلك مقصدی حقوقری
و استقلالیتمزی و مملکتیمزی محو ایتدک اولدیغنی و بونلر فدا اولمده بقه آرزوسنی
استحصال ایتدک ممکن اولدیغنی اثبات ایتدی و هیچ بر سبب مشروعه منی
اولقسزین اوزرمزه هجومه عزم ایتدی . جناب احکمالحا کهن حق وعدلک
حامیسی اولدیغندن ظفر و سلامتمز تقدیر الهی به مقرون اولق مأمولدر . انشاء الله
تعالی عسکر مزك اقدام و غیرتی و تبعه صادقه مزك مادی و معنوی اتفاق و همتی
ایله دشمنمز نائل مرام اوله من . حضرت خیر انصاریندن امیدایدرمکه عسکر مز
عثمانیلغک شرف و شاننی و جدرلینک ملککرینی محافظه ایدوب بنی محجوب ایتمزلر .
قوماندا کزده بولنان کافه امرا و ضابطانه ، و اولادم اولان افراد عسکر به مزه
سلام مخصوص اهدا ایله دولت و ملت کندولرینی بوکون ایچون بیوتمش اولدیغندن ،
مأمولمز اولان غیرت و حمیت و شجاعتی بوکون حقیله و تمامیه اثبات ایتسونلر .
قوماندا کزده مودوع اولان عسکر مزك محافظه ایتدکاری موقعلرک هر برطاشی
و هر برطوپراغی آتالردن و وطن قرداشلردن نیجه بیک غازی و شهیدک غراسی
و عمری اجريله صاتون آلمشدر . اول یرلری دشمنک تسلطدن و اعدانک
تعديسندن حفظ ایتسونلر . عسکر مز وظیفه محترمه سنی اوده دیکه اللهک نصرتی
و پیغمبر مزك امداد روحانیتی کندولرینه رهبر و دعای خیر به منز دأما انلرله
برابر در . عثمانلی ملتی ؛ عسکر قرداشلر مزك مملکتلارنده اولان اولاد و عیاللرینک
حارس و خادمدرلر . پادشاهلری دخی هر شیده کندولريله برابر اولوب خلافت

وسلطنتك اڭ يۈك ومقدس سىنجاڭى اوغورۇندە جاتى فدا ايتىڭكە حاضردىر .

الله نصرت احسان ايلسون . ۱۲ نىسان سنە ۱۲۹۳

تەلغرافنامە ھايونىك واصل اولدىنى كۈن بىرجەيت، بىر آلاى تىرتىب اولتوب
ئىشرفات وتەظىيات مەتادە ايلە او قونەمدى . چۈنكى قارصەدە بىتون ھىت
ئىسكرىيە ھىتى اھالى ومامورىن ملكىيە بىلە تىجائوز ھىدود وقوعبولق مەلەسە-سەلە
بىرتالاش ايتىندە، نەبىيە وسوق واستىحضار ادوات ومەيات ايشلىرىلە مشغول
اولوب، خلىق ايشىك باشىدن ولو بىرساعت مدت اولسون دور ايتىك مەكەن
اوليان بىر زمانە تەلغرافىك كەلىنىك تەصادف ايتىمى ، مەراسىم مەتادەسنى اجرايە
مانع اولدى ايدى . يالگىز صورتلرى چىقاريلوب فرىقە ولوا قوماندانلىرىلە قارص
مەتەرفنە كۈندىرلىككە اكتىفا اولدى .

اوكۈن آردەندەن، باطومەن وبازىدەندە تىجائوز ھىدود اولدىنى خىللىرى
آلدى . لىكن بازىدە مەتەرفىلە ھىت ادارە مەلكىتىك اردومزە، اىصال ايتىدكلىرى
تىجائوز ھىدود خىرى، پىك دەشتلى وتالاشلى فرىاد وقەانلىرى مەتەمەن اولدىغەندە،
اىك بورادە تەفصىل وايضاح ايدىمى مەساب عد اولتىمىدۇر .

ترتبات اساسىيە

يوقارىدە ذكىر اولدىنى وجەلە نفس بازىدەدە ايكى طابور ئىسكەرى بونىيور
ايدى . بو طابورلە قوماندان طرفەن ويرىلن تەلىياتدە، روسىيە دولتى، بازىدە
جەتەندە تىجائوز ھىدود ايدىدە نفس بازىدە شەرىنە دخول ايتچون بىر قەد مطلق
وھىجى آكلاشلىور ايسە، بو ايكى طابور محاربەيە طوتىشقىمىزىن بازىدە تىرك
ايلە وان جەتە طوغرى چىكىلوب (بازىكىرى) نام موقەدە فرىق ذائق پاشا
قوماندانلىدە اجتەمە ايلەجىك اولان فرىقەيە التىحاق ايلسى امر اولتىش ايدى .

ھىلى

ذائق پاشادە وان فرىقەسنى تىشكىل ايتىك اوزرە ارضرومەن وانە كۈندىرلىدىكى
سەردەدە ويرىلان امردە، كەندۈسى وانە مواسىلتە بىر ابر اوحوالىدەكى دىرت رەدىف
طابورلە ھىوز طوپلانامىش اولان الباقى قىزاقى رەدىف طابورلىك جەمىي نەسرىن
ايدىرك وان والىسى بونان ائىتقۇدەردە زادە ھىسن پاشا ايلە بالاتىفاق، اوحوالىدە واقع
ئەشايىردەن بىردە شەيخ عەبىدالله افەندىنىك صورت كەيەدە جەم ايدەجەككى دولتە
قارشو وعد ايلدىكى قىبال اكرادىن الدە ايدەبىلەجەكلىرى سوارى رەيادە عاكىر
مەاونە ايلە بازىدە طوغرى ايلرومىلى وشايد بازىدە دىشەن ائە دوشمش ايسە،
اورادەكى ايكى طابورى دىخى فرىقەسە التىحاق ايتىدەردە بازىكىرى موقەدەدە

اوتوروب، ران جهته ده بر پرده خطی احداث ایلسی وایجابنه کوره بارگیری دن دخی ایلروایهرك، وجود لرندن اردونك سائر فرقه لرینی دخی مستفید ایتك ایچون قره کایسا والشکرد جهتلرنده بوانه جق اولان طانی اوغلی، فریق محمد پاشا قومانداسنده بونان فرقه ایله مناسباتی محافظه ایله، باش قوماندانله ده مخابرده سی اکسیك ایتامسی صورتلری، وظیفه مأموره سی اولق اوزره تحریر آ و شفاها تمیه اولمشیدی .

بایزید متصرفك بايزيد متصرفي على كمالی پاشا مركزك بودرلو مطالعاتندن و او مطالعهیه موافق اوله رق ویریلن امردن غافل اولق جهتیله « موسقوف تجاوز حدود ایتدی . بزده کی ایکی طابور مدافعهیه کافی دکلدر . بزه برامداد ایدملککک چارده سی استحضار ایدك . » دیه تلغرافلی مضبوطله بری بری آرتق سندن قیامتی قوپارییور ایدی . بو طرفندن ده صورت قرارك حقیقتی متصرفه بیلدیریلوبده اهالی یأسه دوشورلماك ایچون « ایشك چارده سنه باقیله جقدر، ماقیله جقدر » کبی سوزلر وجوابلرله اوراسی آووندریلور ایدی .

— استطراد —

در سعادت و ولایات متجاوره وارضروم و مواقع عسکریه سائر ایله جریان ایدن مخبرات، — ایشك اهمیتی اقتضاسنجه — اکثریا شفره لی تلغرافلرله وقوع بولمده اولوب اولوقت اینسه قوماندان پاشا حضر تلرینك رفاقتنده فقیردن باشقه یازی یازه جق کیمسه اولمدیغندن کیجه لی کوندوزلی دوچار اولدیغ مشغولیت، همان طاقت بشریه نك صوك درجه تحملنه قدر چیمش ایدی . حتی کیجه یارلرینه قدر یازارکن اولدیغ یرده او یویه قالوب صباحلین او یاندیغمده، اویقونك غلبه سیله ضروری اوله رق امدن دوشمش اولان ایشك آلت طرفی اکمال ایتدیکم کونلر اولوردی .

چیمش اولان بویه مهم و عجایب ازمنه شئوناتی، حال حاضر مده کی عجز و کسل ایله موازنهیه مدار اولق اوزره — استطراداً — بورا جغه قید ایتدم .

« یارین دشمن بایزید قصبه نك اوکنددر و بویه بر مهم موقع و مملکت هیچ دشمنه ترك اوانورمی؟ بو قدر اهالی و عجزه نك اسارته نصل انصاف قائل اولور . بوحاله اللهك و پادشاهك رضاسی یوقدر » دیه ایلدیشکلی و اعتراضلی کونده برقچ دفعه بایزید متصرفك تلغرافلری کلدکجه، آرتق بو طرفندن ده آلدیرلماغه باشلاندى .

عاقبت تجاوز حدود اولديغناك اوچنچي كوني كلان تلافرافده، «دشمن شهر مزه تقريله تسليمي طلب ايتدى. ايكي طابوردن عبارت اولان عسكر من باركيري جهته متوجهاً چيقدى كيتدى. عسكر ك قوماندانه، مدافعه ايدلم رآيني آكلادهمدق. بزده، هيئت حكومتله برابر آغليه رق اهالي يي ومملكتي دشمنه ترك ايتدك؛ وزرو وبالي ومسئولتي مسيليرينك بوينه اولسون. ايسته مركز ولايت اولان ارضرومه متوجهاً بايزيددن چيقوب كيديورز» كجي حسب حال وشكايتلر محرر ايدى.

موقع خريطه سنك مطالعه سندن آكلاشيله جنى وجهله، نفس بايزيد نقطه سي، بايزيدك تركنده كي روسيه و ايران حدودلري ملتلاسنده اولوب هله بايزيدك صول جهتي يكرمي ساعت قدر كرى به طوغرى بتون روسيه حدوديله محدود ومحصوردر. روس حدودندن بايزيد جهته ايكي كجيد واردركه برينك اسمنه جيللي، اوتكنه موصون كديكي دينور. جيللي كديكندن كلان يول بايزيدك اوكنه چيقار. نتهكم دشمن عسكرى بايزيد جهته بودفعه اورادن تجاوز ايتدى ايدى. موصون كديكي بايزيدك يدي سكر و بلكده اون ساعت قدر كريسند اولديغندن بورادن تجاوز ايددجك اولان دشمن طوغرىجه قرده كليسايه تخطى ايله بايزيدك ارقه سنى الور. اولوقت بايزيدك ارضروم، قارص، سائر نقاط عسكرينه نك كافه سيلاه مواصله سي كىلش اولور. هر فصل اولسه حال وموقع وقت حرب وقاعدئ سوق الجيش اقتضاسنجه بايزيد نقطه سي بر نقطه مدافعه اوله ميه جغندن هر حاله كوره بويله حرب زمانلر نده اورانك دشمنه تركي ويقيملر نده بشقه بر نقطه مدافعه تحريسي ضروري ايش. بناءً عليه مختار پاشا حضرتلري حسابي اكا كوره طومشلدرد الشكرد فرقه سيلاه ذائق پاشانك وان فرقه سنى تشكيل ايدرك بوفرقره ترك وجودندن جداً استفاده ايتك عزمنه دوشمشلدرد.

صره مي كديكندن آتيد كوريله جكي وجهله اكرچه بوفرقره حسابلريني درست خوتورق علت غايه تشكيله لرني محافظه وبروفق وظيفه عسكرانه حركت ايش اولسه ايدلر؛ دولت وملك شان وناموسى دها كوزلجه محافظه ايدلش اولوردى. هر نه ايسه كچمشه تأسفله كرى قالمه لم.

روسيه نك قار كاهم صده: بوز قلعه ميه طابورلرك بخليله كوني چيقارلريني بارلمشيدى. صك اوكنه همه كوني هر كس ايشي وكوجيله مشغول ابكن فقيرده قارصك حكومت كابو بيقمى

قوناغنده وظيفه مأموره مك ايضا سياه اوغراشيوردوم. او آراق اورتالقه بر غلغه ظهور ايلدى. طيشارى صونه ده كي خلقك صاغه وصوله قوشوتيلرى، زردبالردن كترله چيتوب اينانلرك پاتردى، كوتورديلرى تفقد احواله بنى مجبور ايتدى. برده دشمنك قارصك اوكنه كابوب چيقدىنى و برفر قه سواريسينه شهرك ار قه طرفه كچمكده اولديغنى ايشتميه يمي ؟

در حال آتمى ايستمدم ؛ چانطه مى، اورا قى طوپلايه رق ره وولورمى بويمه طاقورق چيزمه لرمى كيدم. آتمك كلسى بكلر ايكن قوماندان پاشا بندي كيتدى. آرقه سندن اينانلرك و پياده اوله رق قوشانلرك حد و حسابى يوق. هر كس چكلدى. قوجه حكومت قوناغنده بمله قاپونك اوكنده بكجي برچورو ك ضبطه دن ماعدا كيمسه قاندى. عالم باشمه طارلاشدى. خلجان قلبدن تحمل كسلى. بويه تهلكى. دهشتلى برزمن انتظارده كچن دقيقه و نانيه لرك وسعتى آيلر و ميللره بدل اوله جغنى اصحاب تصور و اتقان تخمين ايدم بيليرلر. اشته بو حال ايله كچريلان يارم ساعتدن صكره بزم شعبان اغا سلاختى قوشانه رق كندى آتته ينمش و بنكنى ده يدكنه آلمش اولدينى حالده كلدى.

تلاش

مكر بزم حيوانك مسافر اولدينى او ك صاحب اولان قادينلر اوده يوق ايشلرده انلرى بولديروب قيوى آچديز رق مجبور تى يوز كوسترمش اولمق دن ناشى كچكديكنى اكلادق.

حيوانه بندم ؛ اما زديه كيده جنكى و قوماندان پشانك زديه كيتديكى بيلميورم ؛ ذاتاً بحريكلى بر آدم دكلم. مملكتده غريم. صوقاقلزى طانيام. خط حركت مجهول. شهرك ايچنده بر غلغه، بر كورد و اتيدر كيدور. نه اوليورز نه ياه جغز ديه چولوق ؛ چو جوق، قارى، قيزان غريو و فرياد ايدىور، قيامتك حال هوانا كي اوكون قارصده تجسم ايتمش كي كورونيور ايدى. نه دهشتلى منظره، نه مؤثر بر حال ! مملكتكيزك هيچ برنده ريم بردخا امثالى كوسترمسون.

اوصردده عقلمه كلديك ؛ قوماندان پاشا قارصك كرى طرفنده واقع طقوز طابورك بولندينى بوز قلعه يه كيتمشدر ؛ بنده اورايه كيده يم قرارينى و يردم. بنم تلاشمى موجب اولان احوالك بريسيده ؛ رفاقتنه مأمور بولنديم ذات بوز قلعه يه كيتدى ؛ بو قدر اوراى مهمه نزد مده اولدينى حالده بن قالمدم. اورتالقه كورديكم غلغه و تلاشدن آكلاشيلور كه قارصى دشمن چويروب محاصره حاله قويدى.

بوز قلعه يه

يدشيم

شمدی چیتقم ایسه، ظنمه کوره ممکن دکل؛ بوملکتده کیمسه یی طانیام . محاصره ده قاله جغم وکیم بیلیر نه مدهش حاللر کوره جکم . آمان یارب العالمین سن لطف ایت ، یادلل المتحیرین بکا رهبرک ایله ! دیه بنده دعالر و نیازلر قیامت کبی الحاصل آدم برکره کنیدیسنی وهم وخیاله قایدیرر ایسه، ساحه فکرنده اشخاص وسوسه دن تشکل ایدن شیطان اردولرینک رسم حکید اجرا ایده جکنی احباب اوهام پک روشن اوله رق بیله جکندن اوزون اوزادی به تعریفه قیام ایتک عبندر .

برکره بوز قلعیه کیتمک قرارینی ویرمش اولدیغمدن ، بلکه یولده روس سواریلرینه تصادف ایدرم ظنی، قرارمده ترددی ایجاب ایده جک قدر قوی دکل ایسه ده، حاصل اولان حیرت ودهشت دخی ذاتاً هیچ بر رأیمده اصابت وحقیقتدن اثر بر اقامشیدی .

ایشته بو حال ایله سوقاقده راست کلدکلر مه بوزقلعه نکل یولی صورده رق انلرک دلالت ارشادیه سیله درت نعل کیده کیده شهرک کنارینی بولدم . سوقاقده طورمقده اولان براختیارجه خاوندن بردها یولی سؤال ایتدم اما اوسؤالی ایتدیگمه وایتمک ایستدیگمه درحال پشیمان اولدم . زیرا، خانم نینه بنم آنک دیزکیندن طوتوبده، به بیلیم نه .. به بیلیم نه ... دنیاده نه قدر الفاظ شنیعه وکفریه وارسه جمله سنی صایوب دوکدکدن صکره : « بوقدر زمان اکرامیزی کوردیکز؛ سزی قیشین بسلهدک؛ کیدیردک، قوشاندق، رعایت ایتدک؛ اولرمزی سزه ویردک؛ سبی آنجق بویه برکونده دینیزی، مالمزی، عرضمزی، مملکتتمزی دشمنه تسلیم ایتماک ایچون ایدی . شمدی دشمنک کلسیله برابر نرهبه قاجورسکز؛ آخائلر؛ آبیلم نه لر !!... » دیه حایقردجه ، بن ، یدنده مال مسروق بولنش دلالت کبی اطرافه نظر استمداد ایله شاشقین شاشقین باقیور ایدم . براز مدت صکره دیه بیلدمکه : « آوالده ! بن طائفه عسکریه دن دکل؛ بنم بشقه ایتم وار . بوزقلعه یه کیدیورم؛ سزی محافظه ایچون عسکر کتیره جکم سن لطف ایتده شویولی بزه کوستر . »

نه کزر ! چا دیغمز بلانک آتلی حدتی تسکین ایتک ممکن دکل که !
 قادیغیز ده حالت دهشتدن حاصل اولان حیرت سییله کنیدیسنی غیب ایدرک آتش

پوسکورییور. نهایت آتی تپدم؛ قارینک آلدن کوچ حال ایله یقایی قورتاردم. بشقه یرده تصادف ایدن قادینلره سؤال ایده ایده یولی دوزلتدک.

دقت بیوریلورمی؟ کچدیکم سوقاقلرده آرکک نامیله همان کیمسه یه تصادف اولنهمیور کبی در! سببی صکره آ شیلیر .

نه ایسه بیک بلا و محن ایله بوزقلعه یه واصل اولدم. مخلص وشوکت پاشالرك اقامت ایتدکلری چادری بوله رق ایندم. پاشالر فقیری اولدن بیلدکلری جهمله، ظاهر رنگ ولونمدن و او یله بوزوق دوزن یانلرینه کلدیکمدن شبهه لهرک، دقتلیجه و معنالیجه نظرلر ایله بررلرینک یوزلرینه باقیورلردی. خوش بش، مرحبا فلاندن صکره، بن، قوماندان پاشانک اورایه کلوب کلدیکنی و یاخودیکی بر خیر کوندروب کوندردمیکنی سؤال ایتدم؛ خیر کلدی و کوندردمی دیدیلر. ظن ظن و تخمینمک یا کلش چیقمش اولمسندن طولانی آل بدن برمراق دهال.

اوصرده شوکت پاشا یانمه صوقوله رق: «نه وار نه یوق؛ سن تهی اوله رق بورایه کلزسک؛ مطلقا برشی وار» دیدی. بنده حکایه یی اولدینی کبی نقل ایله «شوتپه نک اوزرندن باقارسه کز موسقوف فرقه لرینی کوررسکز» دیدم. مکر بیچاره لرك ایشدن هیچ خبرلری یوق ایش! بدن اوسوزی ایشتمکله برابر انلرده بر بوزغونلق کلدی؛ شطارتلرینی غیب ایتدیلر، همان دشمن اوکلرینه کلوب چاتیورمش کبی برتلاشه آیاغه قالقدیلر؛ بیکباشیلری، میرالیلری چاغیره رق عسکرجه ایفای وظیفه ایدلک اوزره [حاضر اول، سلاح باشه] بوریلری چالیندی. اورتالغک حالی دیکشدی؛ بتون عسکر چادرلرندن دیشاری اوغرا دیغندن چادرلر ییقلدی؛ مهمات و ذخایر یوکلندی؛ عسکر سلاح آلدی؛ طابور، الای هیئته کیردی.

انلر ایشلریله مشغول اولسونلر؛ فقیرده ذهنده قوماندان پاشانک نه اولوب ونزده کیتدیکی مراقیله اوغراشیوردم. بن مطلقا مشار الیهی بولمق مجبوریتده ایدم؛ زیرا یوقاریده دینلیدیکی کبی، اوراق مهمه چانطه سی بزم شعبان آغانک هکبه سنده؛ ایچنده شفره لر، عسکر مزک مقداری، ارزاقنرک احوالی، بتون مواقع وقطعه قوماندانلرینک تعلیماتلرینک مسوده سی وار. اکر بنم باشمه برقضا کلور ایسه بوچانطه یی نه یابه جنم؛ شاید دشمن آلنه دوشر ایسه م حال نه یه منجر اولور؛ مطالعایله بتون بتون شاشیرمشیدم.

بر آراق مخلص پاشا دیدی که: «قوماندان پاشا قارصک استحکاملرینه چیقمش

اولسه کر کدر ؛ بر کره اورالردن آریوب صورمدیکزمی ؟ « اولوقت عقامباشمه کلدی . قارصک استحکاماتی یوقلا تفسزین وقارص قوماندانک مرکز اقامتدن ایثی سؤال ایتکسزین چاله صیرم . نیم بوز قلعهیه قدر کیشم ، شاشقینلق اثری اولدیغنی آکلادم ، درحال باشالره وداع ایله آتمه بیندم . یولده دشمن سواریسنه تصادف اولمق احتمال واحتیاطی دخی داخل حساب اولدیغنی حالده قارصه عودت ایتدم . قارصه کایر ایکن یولده اوراق چانطه سی حقنده شعبان اغا ایله ویردیکمز قرار شوایدی که : اوزاقدن روس سواریسنی کوزور ایسهک ، کریسین کرییه بوزقلعهده کی بزم عسکرک ایچنه قاجارز . فقط آنسزین بریرده اوکمزه چیقارلرده بزدہ قاقچه میدان قلماز ایسه ، ثقلت وجودیه م طاعه یوقاری یورو مکه متحمل اولدیغندن شعبان اغا بکا باقیهرق آتئی ترک ایله چانطه یی آلوب پیاده اولهرق طاعه یوقاری قاقچوب کیده جک ایدی ؛ بنده آرقه سندن کیده بیلدیکم یرہ قدر کیده جک ایدم ؛ اوتہ سنی قضا وقدرک حلزه حواله ایده جکدک . چونکه ، قارصه کیدر ایکن یولمک صوانه طوغری اوزانوب کیتمکده اولان طاع ، دیک غایت طاشلق اولوب آت اویناغی یر اولدیغندن دشمن سواریسک آرقه مزدن قوشامیه جغندن امین ایدک . اشته بو قرارک حصولدن صکره قابده کی خلجانه براز سکوت کلدی .

قارص اوکمزده کی
دشمنک مدافعه .
سیچون اجرا
اولان حرکات

الحمد لله سلامتہ قارصه کیردکن صکره ، صوره صوره استحکامات متصلهک مرکزی حکمنده بولان حافظ پاشا طایبه سنی بولق . قوماندان پاشا حضر تلرینک برقچ پیاده طابورینی وسیار طوپلرندن بعضیلرینی آلهرق استحکامدن دیشاری چیققلرینی خیر آلدیم ؛ مستریخ اولدم . او ائنادہ استحکامک خارجندن برطوب بانلادی . آرقه سندن بردها ، دیرکن بردها ، اندن صکره طوپک سسی کسلدی .

فقیر طوب سسک کلدیکی جهته یغنی استحکامک خارجه حیققدم . بردهنه کوردهیم : قارص اها ایسک کنجی ، اختیاری ، اورته حاللیسی ؛ کیمیسنک آلدہ تفنک ، کیمنده برتک طانجه ، کیمنده صوبه شهرک واستحکامک خارجه اوغرامشاره ؛ آقین آقین عسکرک وقوماندان پاشانک اولدیغنی جهته ، الله الله ذکر یله وسائر تکبیر وتهلیللرک انواعیله قوشیشوب کیدیورلر . بو حالک ویردیکی دهشتی . نیم کی برناجزک قلمی تصویر ایدمز ؛ زیرا بتون قلبلرک دیانته متعلق الک نازک ومهم حیاتیاتک قارامش اولمسی سببیه ظاهرا ولان بهادرانه برغیرتی ، غضنفرانه برصولتی تصویر

ایله دکل اما؛ انسان کنیدی کنینه تصور ایله بر درجه یه قدر آکلایه بیلیر؛ چونکه، بیلنسی ذوقه متعلق اولان افعال و اعمالدن در.

باقک غیرته که؛ بوجاعتک ایچنده، اللرنده اتمک سیتلری، صو دستیلری اولدینی حالد جابجا قادیلره دخی تصادف اولئیورایدی. بوقادینلرک تشویق آمیز سولکلری سوزلرحیت رجالییه دوقوندیغندن، ارککلرک نظرلنده اوقدر حیاتک قدری قالماش کبی کورونیوردی.

سرحدده کی مملکتلرک قادیلرلنده دده باشقه بر حال وار. مملکتلری یوزلرجه واقعات حربیه نك محوردورانی اولمش اولسنلنمیدر نه دندر؛ بونلردن بعضیلرینک حانته باقائلر، مطلقا اووجودک شجیع وحیتی برأرکک روحنه مقرر اولدیغنه حکم ایدرلر.

نیم بوجعیته ملاقی اولدیغ زمان اقشام تقرب ایتمش وهمان همان غروب یاقلاشمش ایدی. برازدها ایلرویه کیتدی کمده، طابورلرله طوپلرک و آرتقه سندنده اولکله دنبری آرامقده اولدیغ مختار پاشانک عودت ایتمکده اولدقلرخی کوردم؛ نمون اولدم. هر نه ایسه استحکامدن ایچری کیرلدی. اهالییه دخی: «هرکس یرلی یرینه کیتسون!» امری منادیلر واسطه سیله داغیدلدی. جمله ایله برابر حافظ پاشا استحکامی ایچنده کی چادرلره اینلدی.

عجیاجدی بر محاربه وقوعبولقمیزین بوعسکرک ییچون عودت ایتدیکی مزاقنه دوشمش ایدم. اورا جقده تحقیق ایتدمکه، مکر حافظ پاشا استحکامنک اولک طرفنه طوغری دشمنک برسواری لواسی گلش؛ بزم عسکرده انلرک قرالیدلری اوزرینه چیقاریلهرق، عسکر ایلرولدکجه دشمن سوارییی طاع طرفنه چکلمکی ترجیح ایدرک بزم عسکره طوغری هیچ صوقولماش؛ حتی بزمکیلر بر ایکی طوپ دخی آتمش لر سه دشمن جواب ویرماش؛ اقشامده تقرب ایتمش اولمق ملابسه سیله عودت ایتشلر ایش.

چادرلرده بولندیغمز ائناده دخی کوندوز دنبری حاصل اولان دهشتله بر کره یرندن اوینایان جمله عصبیه نك وهمی وخیالی اولهرق احداث ایلدیکی حسیات متخالفه سنی صوصدیرمغه بریول آرانیلیرکن، ملاقی اولنان احوال اغتشاشیه، مرض اصلی یی تسکین دکل تأیید ایدیوردی. زیرا، قوماندان حضرتلرینک اوطوردینی چادرده امرا وضابطانک بری کاوب بشی کیدیور؛ یاورلر، چاوشلر اوتیه برییه قوشوشیور؛ لایق قطع بوریلر چالئیور؛ بیلیم نلر اولیور، الحاصل اوراسی قیامتدن برمودل حالی آلدی ایدی.

جانم نه او ایورز، نه پایله جق؟! کیمه دن اساسلی و صحیح بر خبر آله مدیغم دن طولانی پاتلایه جقم کلیوردی. کیمدن نه خبر آلهیم؛ هر کسده بنم کی نه اولوب نه بیه جکندن خبر سز؛ اورتالق پرتلاش، عالم بر دهشت ایچنده... نهایت صولر قرار دی، کیجه اولدی. اولدیغمز موقعک غریسنه بر سکونت کل دیسه ده بزم موقعمزلک تلاشی حالا دوام ای دییور. یاتسنو کچدکن صکره، قوماندان پاشا، مقام سر عسکری به یازملق ایچون کندوسنک پاتمش اولدینی مسوده نی شفره ایت دیه بکا ویردی. آلم، او قودم که نتیجه سی «دشمن سوارسی بوکون کلدی، کوزو کدی. بزده اوکنه چیقدق، اوزریمزه اوغرامدی، قارصی چویرمک اوزره یوننده دوام ایتدی کیتدی. بنم قاصده محصور بولمخلم جائز اوله میه جغندن، قارصی، اوتوز طابور محافظی والی آیلق ارزاقیله اولاً اللهه وثانیاً قوماندانی اولان فریق حسین حامی پاشایه بر اقوب طقوز طابورله حقیقه جقم» دن عبارت ایدی. برده ارضروم ایله قارص آراسنده بولندیقی بالمناصبه یوقاریده ذکر اولان شاهین پاشایه دخی بر تلغراف یازدق که: واقعا صوغالی طاغنک کچدلری شو موسمه وشمدی قار ایله مسدود ایسه ده، ینه صوغالی یوللرینک تحت نظر دقتده طوتمسی مقتضیدر، حالدن خبریکز اولسون. او یانیق طویریکز زیرا موسقوف قارص ایله سزک ارا کزه کیردی. ارضروم، آردهان، الشکرد وسائر اقتضا ایدن موافقه ده لازم کان تلغرافلر کال سرعتله چکلدی. زیرا، ایش یارینه قالیرسه تلغراف تلرینک کسیه چکی وسائر طرق مخبره نک دخی انقطاع ایده چکی بدیهی ایدی.

بویاشلر بتدکن صکره قوماندان پاشا کیجه ساعت اوچده بر بطاریه درت مختار پاشانک فوندلق سیار طوبخی برابر آلهرق برطاقم سواری ایله طهماسی استیحاکنک آلتنده کی طاغ یولدن بوز قلعیه متوجهاً قرصدن چیقدی. قارص قوماندانلغده حسین حامی پاشا قالدینی کبی، ارکان حربیه سی ریاستنده میرلوا حسن کاظم پاشا براغلدی. اردونک عموم ارکان حربیه رئیس فریق فیضی پاشا، مختار پاشا حضر تلریله برابر ایدی. بوز قلعیه مواصات اولندی. اوراده کی عسکرده، اولجه کوندریلان خبر اوزرینه سفر برحاله کیره دن بزم اوکزه طوغری یوله دیرلمش اولدقلری حالد بولهرق اتحاق اولندی. کیجه طاغ یولینه یورو مکه دوام اولتور ایکن، اوکومزه، چیقلمسی کوچجه بر یوقوش کلدی.

ذاتاً برکون اول بر جوق یاغمو رلر یاغمش وخصوصیه حسب الموسم اورالردن هنوز قارلر آریه نک قالمش اولدیغدن اورتالق پک جمور ایدی. آسادیف

مختار پاشانک
قارصی حایره
ترک ایدرک
چیقلمسی

ایتدیکمز یوقوشده طوپارمز چاموره صاپالاندی قالدی . عسکر قوشولدی ، سوروته طاقلیدی ؛ سوکوب چیقارمق ممکن دکلکه ! ایشیمزی نصیب ایدنشی ، چاموردن زیاده وقتک کیچه اولمسیدر . ایشک هردرلو کونچلیکیله برابر یولک طارلغیده اسباب مؤخره نك بریسی ایدی . کریده کی طوپلرک بارکیرلری اوکده کی طوبه قوشیلوب بر قوماندا ایله قوتلر هپ بردن ایشه سوق اولونمق ایچون ، قوماندان پاشا حضر تلری بالذات قوماندا موقعه کچهرک هاج ، داح ، هپ بردن آرش ! فلان دینیالرک طوپک بریسی یوقوشک باشنه وسلامته چیقاریلور ، بارکیرلری چوزیلوب دیکرینه کوتوریلور . الحاصل بویله بویله طوپلرک جمله سی چیقارلادی . یوقوشک باشنده عسکر تنظیم ایدلادی . هرکس یرلی یرینه قونیه رقیینه یوله دوامه باشلانیدی . آردن بریازم ساعت کچمدی ؛ فجر سوکودی ، صباح اولدی ، بز خلیجه یول آلدق دیه مأمول ایدرکن برده نه کوردم ! ، قارصک اوچ ساعت مسافه قدر کریسنده واقع بکلی احمد قریه سی حذاسنده وروس سواری فرقه سنک تمام مقابلنده اولدیغمز اکلاشیلیمسونمی !!

دشمن فرقه سنک من غیر مأمول بوقدر ایلرولمش اولسی موجب توتف ومطالعه اولدی . چونکه ، ارضروم طرفندن قارصه کلان یوللرک جمله سی صوغانلی طاغنک قارلریله مسدود اولوب ، یالکیز او موسمده حرکات عسکریه اجراسنه قابلیتی اولان باردیز یولی آچیق ایسه ده ، بویولنده اتی یدی ساعت قدر ایلر ومزده بولنان « خزار » ونام دیکری « ویریشان » بوغازی اسمیله معروف اولان کچیدی دشمن آله دوشر و « باردیز » یولی قسانیر ایسه ، قوه مجموعه عسکریه من ایله ارضروم طرفه کچیه جک بر یولمز قالیه جنی و آراتق قارص اوود سنک آچیق صحرالرنده دشمنک کایتلی سوارییی اوکنده پریشان اولنه جنی ملحوظ بولمنسه منی ، بوراده وار قوتک تفکره ومهارت عسکریه وشجاعته وایجابنه کوره سلاح استعمالی ایچون پازویه ویا طبانه ویرلمسی وهپسنده اقدام وغیرتک صوک درجه سنه قدر کیدلمسی ایجاب ایلدی . زیرا ، روسیه باش قوماندانی « لوریس ملیقوف » وانک رأی ومطالعه سنه اتباعاً عموم قافقاسیه حاکمی ایمراطور « ایکنجی علکساندر » ک برادری « غراندوق میشل » ، تجاوز حدود ایتدکلرینک اون بشنچی کونی ارضرومه وبر آی صکره طریزونه اینه جکلرینی وقرق بش کونه قدر ، روسیه دواتی شاننه وسلطنته لایق وموافق برصورتده مصالحه عقد ایده جکنی بزم اهالییه اعلان ایتدکاری کبی ، عموم پانسلاویرم قومیته سنه

وایمپراطوره دخی بویوله اعلام حال ایدرلر ایتمش. بوحوادث آغزیدن آغزه بزم کویلیلر واسطه سیله بزه بالغ اولیور و مسئله، مصلحت نقطه نظرندن مطالعه اولندیگی کبی، حریفلرک بوتصورلرینک طوغری اولسی و حقیقه اهالی به بویله بر سوزک سویلنلمش بولنسی ایجاب ایدیور.

شمدی دشمن اوبوغازی طوتدینی کبی بومقاصدینک حاصل اوله جغنده شیهه یوقدر. چونکه بزم آناطولیده کووه نیله جک قوتمز کیتله ترصده اولوب، دشمن ایکی فرقه ایله قارصی محاصره ایدر و بر آوویچ قوت حکمنده بولنان خنثارپاشانک طقوزطابورخیده معاذالله بریشان ایتدکدنصکره، بر فرقه ده آردهانک محاصره سنده قوللانور ایسه، قصور عسکری هیچ بر مانع و مزاحمه تصادف ایتکمیزین ارضرومه، طربزونه، سیواسه، الحاصل آناطولیده ایستدیکی موقع و مملکتته کیده بیلیدی. پاسبین کویلرنده بولنان شاهین پاشانک آتی طابوریله، ارضرومده بولنان بر آلائی قلعه طوبجیسی می دشمنک مرورینه مانع اوله جقدی!

تهلکهنک درجه بدهاتی مجسم اوله رق مشاهده ایدن قوماندان پاشا، اوراجقده تدابیر تیقظیه و انتباهیه نک کافه سنه مراجعت ایتدی و موجود بولنان پاشالرده خراز بوغازینک دولتنک تحریفی مذاکره و مشاوره ایلدی؛ زیرا، تدبیرده قصور ایدوبده تقدیره عطف سبیت ایتش اولانلرک حرکات عجزکاریسی، عندالغلا، هربار نظر مؤاخذه ایله منظور اوله جغنی پک اعلا بیلنلردن ایدی. شمدی، مادامک وضعیتمزده و حال و موقعمزده برتهلکه ملحوظدر؛ دائره امکانده تصور اوله بیلان هر درلو تدابیره مراجعت اولنسی لزومی ضروریدر.


شوحالده فنک و عقلک دلالت ایتدیکی وجهله دشمنک سواریسنه قارشی نزد مزده کی عسکردن، آتیده تعریف ایده جکم شکلده برقلهه یاییله رق عسکره اوصورتله، یعنی قلعه نک یورودن سیله یول آلدیرلنسی صورتی قوماندان پاشا در میان ایتدی. داخل دائره استشاره اولانلرده بورأنی نصدیق ایتدیلر. اوحالده اقتضای حاکم همان اجرا اولنسی امر اولندی و در حال قلعه مزده یاییله رق میدان کلدی.

بولندیغمز یوکسک موقعک صولی آشاغیسنده وقارص اووه سنده بولنان ارضرومک بیوک جاده سنه اینله مز. زیرا، اویولک اوزرنده بولنان بکلی احمد قریه سی، دشمنک سواری فرقه سیله طوتش و برده او اووه لرده و آت اویناغی برلرده، پیاده نک سواری اوکنه دوشمسی فنا تجویز اوله مز ایتش. بناء علیه صاغیزی طاعه، صولمزی دشمنک بولندیگی اووه یه ویردرک یوله دوام و یاییلان

انسان قلعه سنك شكلى بوزولميه رق متوكلا على الله فرقه منزله بر حرکت عموميه به ابتدار وقيام اولندی .

قوماندان حضرتلرينك اولبايده كي مطالعاتندن برسيده بز طاغ اتكندن، دشمن اووه جهتندن يوله كيدر ايكن، بردنبره دشمن صاعه تبديل استقامت ايدرك اوزریمزه توجه وتعرض آيلر ايسه آره رده مسافه اولمديني وخصوصيه عسكر مركز اكثريسي هيچ تعليم كورماش عجمي جماعتدن عبارت ردیف طابورلری بولنديني ملايسه سيله، اوله برطار وقتده انلری وضعت حربييه صوقق پك کوچ اوله جقمش، بوسيله قلعه نك ياپسنه لزوم كورولش وبوتدين ايسه بولنديغمز حاله چاره منفرد حكمنده ايمش .

ياپيلان قلعه نك اوكنده، يعني جبهه سنده كي بر طابور من صف حرب نظامنده وصول ضلعنه قونمش اولان ديكر بر طابور دخي عادتاً يان يورويشله و صاغ ضلعنده كي بش طابور توله طابور شككنده اوله رق يول آيلور؛ قلعه نك آرقه سنده يعني جبهه مقابلي اولان دردنجي ضلعنده دخي ايكي طابور بولنيور و طوپلر ايله فرقه نك احوال و اتقالي قلعه نك اورته سنده يورودلمكله دشمنك تعرضندن حفظ ايديليور ايدى . ايشته قلعه نك شكلى بودر :



طوبی طوبی یتش نفر دن عبارت بر سواری به مالک ایدک انلرده ، رسده خارجی نقطه لاله کوسترلیدی وجهله قلعه نك بشدار ، جانبدار و دمدار پیاده لیرنك خارجه اویله جه طاغیدلمش ایدیلر . یوقاریده بیان اواندیغی وجهله ، دشمن صاغ طرفنه آتک باشی چویرسه ، یعنی جزئی بر میل تعرضی آکلاشلسه ، در حال قلعه نك صول ضلعی تشکیل ایدن طابور ، یالکیز : (طابور طور ! یارم صول ! باشلا آتش !) قومانداسنه محتاج ایدی .

بز اووه نك صاغ و طاغ جهته ، دشمن سواریسی ده ، بزم صولزده و موازی بروضعیتده یوله دوام ایدر ایکن ، بعض نقطه لرده دشمن قولک باشی طور دیردرق نیت تعرضده بولندی ایسه ده کوزی کسمدی . ذاتاً مقصد ایسه بزدن اول خزار بوغازینی طو توبده یولی قطع ایتک و بعده قفسده ککلک بوغاز کبی موجودیتجه بر نتیجه ویرمک اولدیغدن ، بو عزم ایله مهمیزدن استعجال اولدقجه ، بزم پیاده مزده سرعتی یوروشله قطع مسافه ایدیوردی .

برکت ویرسونک دشمنک آتلرنده جان قالمش وعسکری ایسه درت بش کوندن بری راحت یوزی کورمامش اولق مالبه سیله ، توانا و دینچ سواری کبی داورانه میورلردی . لکن حانه باقک که ، بزم عسکرکده تنفس ایتک ایچون بر چاریک اولسون موله ایتکه وتی یوغیدی وایتدیرلمدی . زیرا ، موله به صرف ایده جکمز چاریک ساعت زمان ، دشمنک تقدمنی موجب اوله رق بتون بتون ناموس دولک رهزن حیاتی اوله جقدی .

مسئله ، عینله میدان مسابقه ده قوشیشمقده بولنان ایکی سوارینک حاله بکزر . هانکیسی براز نفس آلق ایچون طورسه ویا بر سبب ضروری ایله جزیه بر تاخر یوزی کوسترسه ، اوتکی هدف مقصوده تقرب ایده جک و صکرده یتیشلمک احتمالی قالمه جقدر .

ذاتاً عسکرک اوچ کونلک بکسادی ، دهها یوز قلعه دن قاقلمزدن اول کندیلرینه توزیع اولمش اولدیغدن ، انلری طور به لاله و اوئر دسته فشکرلیله برابر صرتلرینه یوکلنمش اولدقلرندن ، آفاق اوزرنده یورور ایکن بر طرفندن ده بکسادلرینی یمک ایچون جکه لرینی اوینا تمقده ایدیلر . یولک چاموری وقایتیسی وعسکرک آاغنده کی چاریفک چامورده کی حالی اونودلمسون .

کون اوکله برینی کجدی . عسکرکده اوزرینه تمایله یورغو تلق علامتی جوکدی .

تنفس ایتک ایچون اوتوروب قالانلر اولدینی کبی ، یورولوب بوکالانلر دخی بولندیغندن ، زمانک ، اومقوله لرك حیاتلرینی تور تارمق ایچون نه درجه یه قدر مساعدی وارسه اشته اودرجه سی آنجق یاپیله بیلیمکده ایدی .

اشته بوحال ایله یوله دوام اولنور ایکن ، ایکنیدین صکره اوکومزه انسانک قاصیقارینه قدر حقیقه بیله جک درینلکده برصو چاندی . قوماندان پاشا صویه وصولزدن اول ، قلاغوزلردن ، ایلروده کینه جک برصو بوندیغنی خبر آلهرق صویک جوارنده کی کویلر اولجه آدملر کوندروب هیچ اولمز ایسه بعض اوکوز آرابه لری جلیله انلرک وجودندن برکوپری احدائی صورتی تصور ایدرک یابدرمش ایش .

بزم سیار قلعه نك چمپه سی صویه وکوپری یه چاندی ایسه ده ، قلعه مزده سراپا بوزولدی ؛ زیرا ، یورغون عسکر صوی کورور کورمز ، صویه طوغری برجمودر ایتدی . آرتق آلائی ، طابور ، بلوک انتظامی آریرده قالمدی . ضابطلرده وضعیت نظامینی بوزدر مامغه مقتدر اوله مدیلر . اورته ده قوماندایه قولاق آصه جق کیسه کورولموردی . عسکرک کیمی صو ایچر ، کیمی کوپریدن کچر ، کیمیی آرقه سی اوزرینه یاترق وجودینی دیکلندیرر ، کیمیی پکسادی ایصال دیر . شاقا دکل ! کیجه دن قطع النظر ، طلوع شمسدن ایکندی صوکنه قدر هیچ موله ایتکسزین ، بوندقلری قلعه نك نظامی بوزمامق غیرتی دخی ایچنده اولدینی حالده عسکر مز بول یورومش ایدی .

اشته بویله غیرتک صوک درجه سنه قدر واصل اولق خصلت خارق العاده سی کرچکدن ترک عسکرینه مخصوص مزیات مفتخره دندر .

هر نه ایسه ، عسکرک نظامنک ضروری اوله رق بوزولمسیله برابر ایشده ملحوظ اولان تهلیکده باش کوستردی . مکر اوصرده عسکرک بوحالی اوزاقدن کورمش اولان دشمن ، تمام فرصتی غنیمت بیله رک اوزریمزه برتعرض ایتک ایستدیکنی وصاغه طوغری تبدیل استقامت ایتدیکنی جانبدارمز اولان سواریلر کوردیلر ، خبر ویردیلر . ینه ایچمزد برغاله در پیدا اولدی . عسکرده اوله بوزوق دوزدن صویه اوغرایه رق قارشیه کچدی و تکمیل ایصالندی . اکرچه بوبوزغون عسکرک ایچنه برکرده دشمن سواریی اوغرایه جق اولورسه ایشک فایه صاره جفتده شبه ایداملیدر .

قوماندان پاشا ، عسکرک اجتماعکاهنک همان بیک ایکویوز خطوه صاغنده بولان برته جکک طوپلری چیقاروب عسکرده آیاغنه کووه نلرک ، سلاحی آلهرق یانه

کوندلمسنى ضابطلار تئيه آيلدى . چونكه عسكردە اويلا طابور و بلوك نظامى اولمىقدن باضروره طاغلق خلق شىكلندە آياغنه كووون و داتمده جوهرى بولانلر كوستربلن تئيه چيجه جقلر ايدى .

عسكرك بعضيلرى تئيه طيرمانمقده و دشمنك كولله منزله ياقلاشمسنة انتظار اولتمقده ايكن ، دشمنك بر قسمك بزه متوجهاً اولدينى يرده طوردينى وديكر قسمى دخى بزدن اول بوغازى طوتمق ايچون يولنه دوام ايتمكه باشلايدىنى قوماندان پاشانك بولندينى تپه دن كورولمسيلا ، ايشه عقلى ايرنلرلر اشته شمدي آياغى صويه ايردى ؛ زيرا ، دشمنك بزه قارشى كوسترمك ايستديكى حركت تعرضيه نك سببي ، بزي بويوزدن مشغول و مجبور مقابله ايدرك يولدن آليقويقدن صكره ، اوتهدن ولو بر بلوك عسكرو اولسون هدف توجهمز اولان كچيكك اغزئنه يتشديروب نتيجه يي احراز ايتك حيله سنه صاپدينى بديهي اوله رق كورولدى و آكلاشلى . بوسرده قوماندان پاشا ، اوراده موجود بولان سوارينك طوپلاتدريلوب سرعتله كندى آرقه سندن كللرئنى ضابطانه امر ايتدكن صكره ، كرده قاله جق اولان عموم عسكركده ، مهما امكن نظامى يولنه قونيلوب حاك ايحايته كوره ايلرى به سوق اولملرئنى شلص وشوكت پاشالره تئيه ايدرك ، كنديسى ، همان يانمзде اولان طوپلرلر اوچنى قوشديردى . عاقبت حاله انتظاراً باقى اوچ طوپى دخى ، اولدينى يرده ، دشمن جهته ايلرى حرب ايتش وضعيتنده يانمзде براقهرق ، نزدينه آلدنى طوپلر و يتشان سواريلر ايله ايلرى به ، بوغازه طوغرى قوشوب كيتدى .

خدمتك بيوكاكي ، جلادتك علوتى ايشته بوراده در . چونكه ، ظهور ايدن اويلا بر مشكل ومهلك حاله قارشو شايروب قالمق وياخود نياپام ديه مشاوره ايچون ، - ولوبش دقيقه اولسون - زمان كچيرمك و دوشونمك ، دولتجه ان بيوك تهلكيه مدخل اوله بيله جك استعدادى حائز ايدى .

هم بوضورتله بيان مطالعه ايتديكمدن طولاني مشاوردنك عليهنده بولنديئم آكلاشمسون . مشاوردنك بر ملتجاي حكمت ومبتناى موفقيت اولدينى بديهيديز ؛ فقط او حكمته وصول ايچون زمانده آرانيلان مساعده يوق . محاربه جيتنده بر عسكرو بعض وقوعاته تصادف ايدركه ، اويلا بروقتده ايكي دقيقه نك اضاعه يي براردو ايچون غايت بيوك برفلا كتمك قابوسى اوله بيلير . بوكا بناءً قوماندانلرده فوق العاده بر جوهر ذاتى لازمدر .

مشاوره حقنده
بعض مطالعات
تجربیه

مشاوره دیدم ده خاطریه کادی ؛ بلکه ایلروده مناسبت بولوبده یازم
ویا خود بتون بتون اونودیرم . مشاوره هر امر مهمده واجب ایسه هله حرب
ایشلارنده فرضدر . فقط بشرط آنکه ، بر قوماندانك داخل دائرة استشاره سی
اوله جق ذات نه دلیجه سنه جسور اولمی ، نه ده حزم ومطالعہ سی
وهم رتبه سنه واصل اوله جق درجه ده احتیاطکار بولنلی در . بو محاربه نك
اولندن صوکنه قدر ایچنده بولندم ؛ چوق چوق شیلره مطلع اولدم ومهم مهم
تجربه لر کچیردم . اکثر معاملات جاریه بی ذهننده محاکمه ایدرك عقلمک ایردیکی
مرتبه چور وکنی صاغلانندن آیرمغه چالشم . عاقبت شونی بولدم که ، نصل
کتب فقهیه وشریعت مطهره احمديه بر حاکمک أمين ، فهیم ، حکیم ، مستقیم
اولسنی شرط ایتمش ایسه ، بیوک کچوک بر قوماندان ایله انك داخل دائرة
مشاوره سی اوله جق ذواتك دخی بوصفتلره موصوف اولمی وحتی زیاده
اوله رق بولنلرده برده شجاعت خصلتنك موجود بولنسی لازمدر .

بزده کی ارکان وامرای عسکریه نك جمله سنی عسکر ویا خود مصلحت پرور
ظن ایتملی . ایشته محارباتده حادث اولان خطیئاتك اکثریسی بومنبعدن ، یعنی
ضابطانك صحیحاً ایش کورمکه مقتدر ذواتدن اولدقلری ظنندن ظهور ایدیور .
محاربه زماننده قوماندان اولان ذات ، اردونك قومانداسنی وامر اداره سنی
یالکیز درعهده ایده جکنی محقق بیللمیلدرده ، صکره ایشه باشلانلیقی صرده
حالا وفکرأ معین اوله جق بر ذات لازم التوقیر ظهور ایدرسه ، انی کندیسنك
مساعدۀ بخت و طالعه حمل ایتملدر .

قوماندان اوله جق ذات بر اردویه مأمور اولدیمی ، اولاً ، موجود رفاقی
اولان ارکان وامرای عسکریه نك جمله سنك فکری ، عقلی ، درجه اذعان
ورأینی ، اخلاقی اولجه بعض مسائل عادیهده یوقلار وهله خلوصکار وخوش
آمدکو اولانلرك درجه سنیده آکلار ؛ اندن صکره ذهننده بر تقسیم دفتری
یپه رق ، « فلان ذات آریلان صفاتی جامع دکلدر ؛ فلان اهنودر ، شودرلو
ایشلرده قوللانیله بیلیر ؛ فلان ده مطلوبه موافقدر وتام آدمدر » دیه هر کسی
صنف صنف یرلشدیرر واتخاب ایتدکرینده نشان قور ؛ آرتق حال ایجاب
ایتدیکی ومصلحت احتیاج کوستردیکی کی انتخاب ایتدیکی آدملا ایله ایشنی کورور .
دائرة استشاریه کیرمه یه جک آدملری ، ولوبیوک رتبهده اولسون حسابك خارچنده
براقیر . نصل بر اقسون که ، اودات ، کندی اقتدار سریرتی دائرة سنده سوز

سویله جکندن، سویله جکی سوزک، یا قوماندانک پای عزمنی زده لیه جک ویا و همه سوق ایذه جک ویا خود اولیه جق یرده دلجه سنه بر حرکت اجرا سنه ارشاد آیله جکدر. چونکه، (من یسمع یخل) قاعده طبعیه سی اقتضاسنجه انسان قولاغندن زهرانور؛ شاید استشاره ایدن ذات، سوزایله عزمنی اخلاص اتمیه جک درجهده قوی انقلب ایسه، هیچ اولمز ایسه ایشتیکی اقوال و همیه ایله مجهولیت استقبالیه نیک اجتماعندن ادات تردید اوله رق بر «عجبا فصل اولور» مطالعه سی تولد ایدرک آدن صکرده ترددک نتیجه سی اولان صیقندی و مراق ساحة تفکرینک جولانکاهی اولورده کنیدیسی یهوده یره راحتسر ایدر طورور.

الحاصل بومشاوره مسئله سی بر امر خطیردر. هر کوریلان انسانی انسان ظن ایتملی. ایش انساننده و بر تهلک کنک باش کوستردیکی صرده بر آدم بوله بیلیمک ایچون آدم ایکی طرفه چیرینوب صالدریورده، ایش آری اوله رق پک آز کیسه بی آله کتیره بیلور.

فقط انسانلر کنیدیسی فعللریله برابر دیو آینه سنده کورمکه مجبول اولدقلری و هر کس عقلی اوته کینک فوقده بیلیم سی، امر خلقتک حکمت لدنیه سی مقتضاسندن بولندیجی جهته صرده نیک، قدمک، یا خود - اکثریا بزده اولدینی کبی - تصاحب وانتسابک سوقیه عسکرلکده بر بیوک موقع ورته احراز ایش اولان ذات، شخصی کرچکدن بر آدم ظن ایتمکه کندی کنیدیسی آلداندینی کبی، هر کسکده آلدانمنی ایستور؛ آلدانمانلرده، یعنی او یله بر زمانده کنیدیسی علی ماهو علیه طانیانلرده، بی نیچون طانیدیلر دیه ذهنده حدت ایدیور. انک علیهنده فصل و مذمت لسانی اوزاده رق: «فلان قوماندان خودسرانه حرکت ایدر؛ مشاوره یه تنزل ایتمز؛ ایدر ایسه کندی یارد اقلری و خوش آمد کولری ایله ایدر؛ عقلنک ایردیکنه کیدر؛ دولتی باتیرر، ملتی محو ایلر؛ بندن سؤال ایده ایدی؛ یا خود بکا برافش اولسه ایدی، شویله ایدر ایدم؛ بویله کسر، بویله بچر ایدم.» کبی برطاقم عوام پسندان سوزلر ایله، وجداننک خلاصنده اوله رق احبا و اوداسنی و منسوبات و متعلقاتی قاندریر.

او یچاردلر دخی ایشی بحیث ظن ایدرک، «الله بالسنی ویرسن؛ فلان قوماندان شویله ایش، بویله ایش؛ بن ایشک ایچنده بولنلردن تحقیق ایدم؛ آه ناجره، پاشالریمز خاشدر؛ زده صادق ایله خائن بره بایه صایلور.»

« باقندی درده که ، بزده ، بوداء عضالدين يعنى آدمسز لىكدن شكایت ايدىيورز . يالكز انلرله بزم يىنسزده كى فرق شودرکه ، انلر ، بزم ايش اولرينه ، بيله بيله خيأتى اختيار ايتمشلردر دىيورلر ؛ بزايسه ، خير ! بيلميه رك بريا كاش يوله صايمشلردر دىيورز . على كالا التقديرين يولسز آدم يتشديرمكه دولت باشنه بر درد آچيلمسى نتيجه سنده بر ايشيورز . » كى حسب حاللر ايله او بىچاره ويىكناه ايش آدمى لسانه آليرلر .

فقط ايشينه اوله جغنه وارير . بصير اولان نقادلر ، كيمك نه اولديغى وهانكيلرينك نه درجه يه قدر ايشه يزاد قلىخى پك اعلا بيليرلر ؛ اما بومقوله سوزلر بعضاً عسكـر بىتمدهده شايع اوله رق قوماندانلرينه قارشى قبلر نده موجود اولسى لازمكلان ، همده وجودى مطلقاً مقتضى بولنان اطمئنان وامنيتهده طوقنيور ؛ آندنده درلو درلوفال قلع حادث اوليور . لىكن ايشى كيمه آكلاديرسك و كيملره نه سويلرسك ؛ اصول انتخاب يوق ، اخلاق و تربيه بوزوق ؛ رهم حسن عاقبتلر و نظر عبرت و سياستلر احسان بيورسون . كله لم صدمزه :

ميزان طملك كفتين حيات و ممانده اولان ايشمز ، اوكون جهنمه دخى بر قاچ دفعه لر ميل ايتديسهده ، انلرك هيچ بريى بوساعتهده كى ميلنه بىكزه يه مز ، چونكه ، ميزانمز بو آنده نتيجه قطعيه يى خبر ويره چىكدن ، فرقه نك ولو اوافاجق بر خدمتى اولسون غير مجرب بر آله تسليم ايتمك مختار پاشاچه پك مشكل ايدى . زيرا ، رفاقتنده بولنان اركان وامرانك همان كافه سنى ده اوان بىش كون اول طائيش ايدى .

بومقدمه جك ، بر قوماندانك اوله الهى آلمش سوارى ايله اوچ قطعه طوپى آلهرق دشمنله هدف مشترك طائيلان نقطه يه ، هجوم ايله كىتمسى ، فن حربيه واساس قاعديه مخالف اوله رق دليجه سنه اختيار اولنان بر جسارتدن عبارت اولديغى اعتراض مقدرينه جوابدر . چونكه ، بيان ايلديكم عذره مبنى ، ايشى هر كيمه حواله ايتسه قلبى راحت ايدمه چىكدن ، اوحالده كند بىسك اتخاذ و اجرا ايلديكى حر كىدن بشقه نقطه نجات و اميد تصور اولنه مزدى !

بر قوماندانه ، اركان وامرانى ده اسكز كون اول طائيدىغى بر اردويه قوماندان ايتديرمك عادتى ، ظن ايدرسيم يالكز بزده كوريلان مناسب سز لىكلردندر !

بوحال منحصر اً قوماندانلر حقنده جارى دكل يا ؛ كوچك كوچك قطعات عسكـريه مزده دخى امثاللرينك وقوعى پك چوق كوريلور ؛ بوندن حد سز حساب سز

فناقل حادث اولیور، چونکه، هرکسک بر درلو ایشه یازامسی طیبی اولدینی،
بامناسبه یوقاریده ایراد اولان مطالعهده درمیان اولمشیدی. هر ضابطی آکلایوب
دیگه یوبده یولنده ویرنده و کورده یینه جکی ایشده قولالامق، زمانه، تجربه
ویرجوق مانوره و تعلیملرده برلکده بولمغه توقف ایدر. بزده ایشه صیقیشیلوب
ناچار قالدیجقه، ایتی دوشونمک و جبل غیرته یاشمق عادت دکلد. بویله شیار
آسوده و راحت و قتلرده دوشونیلوب یابلیدرکه ماتک شرفی محافظه ایدلمش اولسون.
هر نه حال ایشه بولندیغمز کچیدن هدف مقصوده واصل اولمق ایچون دها
برساعت قدر یول یورومک لازم اولدیغندن، پاشالرایله سائر ضابطان او یورغون
عسکره، « هایدک اولادلر! قوماندان پاشا طویلرله بزی سلامت چیقارمق ایچون
ایلری به قوشوب کیتدی. بزده غیرت ایدلم؛ براز یورویهلم. » یولنده ویردکلری
غیرته جمله سی یوله قونیه بیلدی ایشهده، آلا، طایور، بلوک نظامی اولیوب
یالکز برانسان غلبه لکی یولی طولدی ردرق نقطه امید متوجهاً کیدیور ایدی.
صکرده دن آکلاشیلدیغنه کوره بزی تعقیبه مأمور اولان دشمن سواریمی
یوریلوب یوللرده اوتورمش ویا یاتوب قالمش اولان عسکریمزدن یوز یوز الی
نفر قدرینی طویلایوب اسیر ایتشلر؛ بعض انصافیز قزاقلرده او یورغون قالغین
آدملردن برازینک حیاته بیه قصد ایتشلر ایش. حرکت مجالی اولیان اومثللو
ضعفای اولدیرمک و حشیلکنی بزم اخلاق غصه ملیه من قبول ایتیه جکندن،
بویوکی یینه خصمیزک دوش تحملنه یوکاتمک اقتضا ایدیور.

قوماندان پاشا ایله ایلری کیتمش اولان مفرزدنک حانک نه اولدیغنهده ویا
اوله جغه، اوصرده کولکلر صبر سز نقله انتظارده و اراضینک منظره سی مساعد
اولدیجقه دورینلرله انلرک حرکتی نظر تفتیش و تحقیقندن اوزاق طوتولماقمده
ایدی. بزدن یوکسکجه برحوبان یواندن یورومکده اولان سواری نفرینک
بریی: « مزده بزم عسکر بوغازک آغزنده کی تبه به حقیور، طویلرده حیقاریلور؛
دشمن یتشه مدی، کری به قالدی » دیه فریاد ایتسونمی! ایشه بزده اولوقت
حاصل اولان سوینچ، حیاتندن قطع امید ایدن برخسته یه، اومه دینی یردن
یتیشان بره الساعه برداروی شفا قدر تأثیرلی اولدی.

بگه مسرتک نه دیمک اولدینی و نصل ظهور ایتدیکی اوراده فعلاً و ذوقاً
آکلاشیلدی. برایکی دقیقه قدر زمان یوله دوام اولدقدن صکر بزده زمینک

خراز بوغازیک
بزم طر فزدن
طوتی

احداث ایتش اولدینی عارضه لر دن قور تیله رق کیده جکمز بوغازی اوزر ندکی قرالتیسیله برابر کورمکه باشلادق . فقط یولمک صول جهتی اوفه جق تپه لره محاط اولدیغندن دشمنمک نه حالده ونقدر مسافه بوغازدن کریده اولدیغنی کوره میور ایدک . بوغازک آغز ندکی تپه نك بزم عسکرک آئنده اولدینی کرکی کبی ثابت اولدقن صکره فقیر آتمی تپه رک سرعتله کیتدم . آرقداشلرمک جمله سندن اول . نقطه مطلوبیه واصل اوله رق قوماندان باشانی بولوب موفقیتی تبریک ایتدم . تپه نك اوستنده بزم طویلر طولو و آتلق ایچون اشارته منتظر اولدینی حالده آغز لری یولک بویه طوغری کلکده اولان بزم عسکره متوجه ایدی . شاید دشمن طرفندن یولده یوریمکده بولنان عسکریمک اوزرینه بر تسلط وقوعبولور ایسه اوطویلر مدافعه خدمتی ایفا ایده جکدی .

بتون دورینلر دشمنک حاله ناظر وبزم عسکرک بوغازدن ایچری کیرمسه منتظر ایسه ده ، عسکرمز انتظارمزله متناسب درجه ده سرعتله مسافه قطع ایدمیورلردی . بو حال یورغونقلری سببیه عسکرک یوریشنده کی بٹا ئندن زیاده بزم نظر انتظارمک استعجالندن نشأت ایتش اولسه کرکدر .

عسکرمز دشمنه آره یرلرنده کی مسافه نسبتی محافظه ایدرک یان یانه یورورلر . ایکن بش اون دقیقه صکره ظاهر بوغازک آغز ندکی تپه نك عسکرمز طرفندن طوتش اولدیغنی کورمسه مبنی اولمیدرکه دشمنک اولدیغنی یرده توقه مجبور اولدینی بزم عسکرکده بیدرپی بولدیغمز تپه نك آت طرفنده کی یولدن کچرک بوغازک ایچریسنه طوغری طولمقده اولدقلری کورولدی . آرق قلملزدده استراحت کامله حاصل اولدی . الحمد لله الذی اذهب عنا الحزن .

ایچلرنده مدت مدیده بولمقده آکلاشادی که ، سفر بر حالده بولنان بر عسکر ولو برکیجه اولسون قاله جنی و یاته جنی یرده بر تمیه حریبه دائر سنده یاتیورلر . یعنی اوعسکرک قوماندانی وارکان حریبه سی یاتیه جق یرک اطرافنی کزوب ، طولاشوب اراضینک حالی آکلا یورلر ، اکا کوره [فلان یرده ایکی طابور ، فلان صرتک اوزرنده اوچ طابور ، فلان یماجده درت بلوک ، بولنه جق و یاته جق ، طویلر فلان یرده قونه جق ، طویلرک محافظه سی چون شوقدر پیاده عسکری فلان موقعده قاله جق] دیه ، هرکسک وظیفه سی و هر قطعه نك خط حربی کوستریلور . یعنی ، کیجه ده کوندوزده حسب الاقتضا عسکر سلاح باشه کچوبده آتش ایدمک اقتضا

ایدرسه [فلان طابور، فلان یردن آتش ایده جک؛ وفلان طابور درحال فلان یره چیقه جق] یولنده اوزون اوزادی به بعض ترتیبات اجرایی عادت ایش . ایشته او عادت عسکریه بی یرینه کتیرمک اوزره ارکان حربیه مزله برابر قوماندان، اولدیغمز یرک اطرافنی کزیمکه چیقیدیلرکه عسکری او بوغازک ایچنده کیجه لندیرسونلر . یازم ساعت، اوچ چاریکک ایچنده امرانک مشغول اولدینی کشفیات ومقررات بیتدی . عسکرکده آرتق بوغازک دیشاریسینده وکوز کورور یرده، دوکوندیسی بیله قالمیرهق جمله سنک ایچری به کیرمش اولدقلری اکلشلدی . آرتق بوغازدن اوزاقده دوکیلوب قالمش اولان عسکر قرداشلریمزک حیاتده اولانلرینه حضرت الله جان ووفات ایش بولنانلرینه ده ایمان سلامتی ویرسون . قوماندان حضرتلری اردونک هیئت ارکان حربیه سیله غروب شمشه یقین اطرافنی کشف ایدر ایکن ، صف ضابطلریده ، عسکرک اولدجه بوزولمش اولان انتظامنی دوزلمکده چالشیورلر ایدی . هر نه ایسه عسکری طابور طابور، اوبک اوبک آیره بیلدیلر .

شمدی هر طابورک اقامتیچون، کوستریلان یره کیتیمی ویاخود طیرمانمی لازم ایدی . ایشته بونک اجراسنده چوق مشکلات چکلدی . کیجه لی کوندوزلی همان یکریمی ایکی ساعتدنبری تنفس ایتمکسزین آرقه سنده کی یوکیله برابر طبان تمش، ایصلا تمش، چاموردن و یورغونلق ملاسه سیله حاصل اولان تعیردن ناشی آدم هیئتدن چیقمش اولان نفرات، او بوغازک ایچنده، هربری برطرفه سرلمش، یاتمش اولدیغندن، بونلری یرندن قالدیروبدده پک اوزاغنی نهایت چاریک ساعت بعدنده اقامتکده تخصیص اولان یرلره سوق ایتمکده ضابطان چوق صیقیندی به دوچار اولدیلر . کیمیسنه یاوازیر وکیمیسنی دوکر وسوکر ایدیلر . لکن بر قسمنی یرندن قیردا تاق قابل اوله میوردی . « بکناشی نک بارکی ری یولده قالمش ده بردرلو یوروتمکه موفق اوله مز ایش . دیرمشکه، قره جه احمد سلطان کرامت اوله رق دیواری یوروتمش؛ قوت قدسیه سی وارسه کلسون بزم بوطورمش بارکی ری یوروتسون آفرین دیرم . ایشته آنک دیدیکی کبی فقیرده اوصردده اگر قوت قدسیه سی وار ایسه کلسونده بزم طورمش قالمش اولان محمدجکی یوروتسون تشکر ایدرم دیور ایدم . هر بریمز برطرفه طاعیله رق : « آمانک قرداشلر! سونده ایکی دقیقه مک یولمز قالدی؛ هایدندی بر غیرت ایدم . یوقسه :

؛ — باشمه کلانلر

عسکرده طاهر
اولان پریشانی
حال

شمعی دشمن کلیر؛ بوسفالت و پریشانی حال ایچنده جمله مزی قلیچدن کچیر.
قالقندی شوتیه حقهلمد، سلامتی بولهلم؛ راحت آیایهلم» یوانده ترغیب و ترهیب
آمین سوزلری سوبلدیکه، «اللهک امرینه راضی یز» جوابی ویرنلرک حسابی یوغیدی.
(دشمن دشمنک حالندن بیلمز) دیرلر؛ پک صحیحدر. اوصردده، چوق
دکل بر بلوک قزاق سوارییی اکر ایچمزه طلمش اولسه ایدی، بر فردمزه صاغ
قور تلق و یاخود جمله مزک اسیر اولماق احتمالی تصور اولنه مزدی.

اوت! آشاغیده کوریه چکی وجه ایله، بزم دها بویه بر قاق دفعه حال
پریشانیز وقوعبولمشدر. لکن دیدک یا! دشمن دشمنک حالندن بیلمز. کیم بیلیر
نیجه کره لر دشمن اردوسی ده بویه مصیبتلره گرفتار اولمشدرده، مجهولایتی جهتیله
اوفرصدن بزده استفاد ایدمه مامشدر.

بزم شمدیکی پریشانی حالمز ائساننده عجباً انک عسکری و آتلی نصل
ایدی؟.. اوراسنی بزه هانکی قوه استکشافیه خبر ویره چک؟! الحاصل
بولندیغمز حاله قارشو نه عسکرک بر قصور و قباحتی، نده امرا و ضابطانک
مناسبتسز بر حرکتی وار. ایشده طبیعت مصلحت آمردر. بناءً علیه اوکون
کیمسه به برشی دینه مز و هیچ بریسی غیرتسز لکه اتهام اولنه مزدی.

ضابطان ایله سائر جانی باشنده و ممکن مرتبه یوکی خفیف اولان چاوشلر،
عسکری سرلمش اولدقلری یرلردن قالدیرمق اوزره اوغراشوب طوردرلر ایکن،
بولندیغمز دره نك ایچنده، کویا یوزلرجه طوب بردن پاتلامش کی، آکسزین
دهشت افزا برصدا ایشیدلمسیله، کندیسنی صالیویرمش، جانندن بزمش اولان
نفرات، اوصدانک اورکوندی و تأثیریه یرلردن فیزالایه رق جانله نوب تفقد
احواله مجبور اولدیلر. مکر تعیین اولسان یرینه نقل اولنورکن، بزم طوب
قپاقلیلردن بریسی جیخانه ایله طولو اولدینی حالد پاتلامش! سبی ده، مطالعه
اولندیغنه کوره، هانیا یوقاریده ذکر اولدینی وجهله صو باشنده، طوبلر
ایلری به حرب ایدیلیرکن طولدیرلمش ایدیلریا! آتقی اقتضا ایتوبده تکرار
بوشالددینی حالد، هر نصله طوبچی نفری، کوله نك بریسنک طپاسنی سوکیه رک
اوله جه قپاقلیه قومیش؛ ضابطی ده دقت ایتامش. قپاقلی یوله کیدر ایکن تکرار کی
برطاشک اوزرینه بینه رک خیزله یره دوشدیک کی طپانک قاپسولی ایکنه سیله
تمسه کله رک آتش آلمشده، اوصورتله قیامت قوپارمش اولدینی اکلایلمشدر.

بووقعهده اوچ طوپچی و برایکی پیاده نفرینک و برطوپچی ملازمنک شهیدآ
رحمت رضوانه واصل اولدقلری تحقیق قلندی .

اشته بوکورولتینک زوریله جانلانش اولان عسکر کندیلریچون تهیه اولنان
یرلره حیقیدیلر . « بورای یازار ایکن نصرالدین خواجهنک برر آیای اوزرنده
چشمه باشنده سربیلوب قلنش اولان قازلر ، جوارلرنده اولان طاووللرک
طوقاقلرینک هپسینک برآرده اورولسینه ایکی آیاقلی اولدرق قاجشدهقلرینک
سببی سؤال ایدن تیمورلنکه (او طوقاقلری سن بیه ایدک درت آیاقلی اولور
ایدک !) جواب مضحکنی ویرمی خاطریمه کلدی ده برچوق کولدم . » صحیحاً
جان طانلیدر . اندن اولجه نفرات ضابطلرینک سوزلرینه و تهدیداته قولاق
بیه ویرمیور و اوزلانش یاتیور ایدیلر . لکن اوکورولتینک زوریله باقک که
نصل طاوراندیلر . هر نه ایسه هرکس یرلی یرینه یراشدکن صکره ساعتده
بعدالغروب یازیمی بولدی . هوا سیسلندی ، اورتالق قراردی ، یاغورده
سربشدرمهک باشلادی .

فقیر اوتارینجه کلنجهیه قدر سفر بر اولماش و عسکر ایچنده قالماش و بر
کیجه اولسون یاتاقیز یاتماش اولدیغدن امیدم ، مادامکه قوماندان پاشا
حضر تیرینک دغاقتده یز ، طبعیدرکه برلکده بولنه جغز . البته چادریمز ، چرکه من
وسائر اسباب حضور و راحتمز مکمل اوله جغه معطوف ایدی . زیرا بابام
وقیله عسکرلک ایدرک میرالایغه ترفیع رتبه ایدوب بیک ایکی یوز اوتوز آلتی
تاریخندن سکمان بشه قدر داخلی و خارجی دولتک تقدیر محاربه سی وقوع بولش
ایسه جمله سنده حاضر بولنش و صغوق صیجاق چوق شیلر باشندن کچمش اولدیغندن
آراقده کیفی کلوبده سرکذشتنی اویمزده بزه نقل و حکایه ایدرکن اُسکی سفرلرده
وهله قریب محاربه سنده پاشالرک و خصوصیه مشیرلرک حتی کیلار چادرینه وارنجیه
قدر موجود اولدیغنی واسباب حضور و راحتلرینک مکمل ایدوکنی صورت
مؤاخذهده سویلر ایدی . چونکه کندیلیسی و قتیله مصرایلرله وقوع بولان
محاربه لرده بولنش ؛ محمد علی اردوسنده قوماندانی اولان اوغلی ابراهیم
پاشا اردوده مالک اولدینی بر طلومی شیشیرده نرده اواسه اویله جه یاتارمش .
بوکا مقابل بزم پاشالریمزده اسباب عظمت و احتشامی مع زیاده محافظه
ایدولردی . اشته بوسیه مبیدرکه اردولریمز ابراهیم پاشایه قارنی بوزولدی

خبر از بوغازنده
کچیریلان مدمش
برکجه

وحتى صدر اعظمز بيله اسير اولدى ایدی ذیر ایدی . صدددن چقیورز اما، بالمناصبه خاطره کلان شیلری ده بردلو ترك ایده میورم . ینه مرحوم دیردی که، [صدر اعظم رشید پاشا اسیر اولدقدن صکره بزوزغون عسکرله قونیهدن قاچهرق کچرکن قادینلر سیرمزه حقیقمشلر ایدی . « بوقدر غلبه لك عسکر اوتامه دن نیچون قاچورلر ! . طوروب دشمنلرینه قارشى قویسه لر اولماز می ؟ » دیه قادینلر بری بريله سویلشور ایکن ایچلرندن براختیارجه سی دیمشکه، « هایدی قیزم هایدی ! بشی یوز یاشنده کی پاشا لك کوره جکی ایش بوقدر اولور حقیقه بزم ایسه اولوقت خسرو پاشا کوله لکندن يتشمش غایت کنج کنج پاشالریمز وارایدی . مقصدم پاشا لك کنج لکنه اعتراض ایتك دکدر . امل قاعده وقانونك يتشديرمامش وذاتنده دکری اولدینی حالده حمایه وتصاحبله تفيض ایتمش اولان رؤسانك جسم دولت و ملتہ آچدق لری جریحه لری بیان ایتك و آنلك وجودندن شکایت آیلکدر ، ايشته مصر لیره قارشى بوزولمق لغمزك برسبی ده بودر . محو و پریشان اولدق ؛ دولتك ناموسنی بتردك . . .] یولنده بعضاً آجیقلى حکایات ده نقل ایدر ایدی . تذکر ماضینك حال ایله مناسبتی اولدیغندن ، چو جقاق خاطره سی مقامنده اوله رق او یولده کی مسموع اتمك دخی بوراجغه قیدینی موافق صدد و مقصد بولدم .

بوسوزلر قولاغمه قالمش ده ، بن دده مشیر پاشا حضرتلرینك اوتاغك قوزولمسه واوستمزی باشمزی قوروددق بز صیحه جق چای ایچدکدن صکره ، برسیار قاریوله اوزرنده يتاغمك ایچنده یاته جق زمانك حلول ایتمسه صبر سزلقله منتظر ایدم .

یانسودن صکره اولدیغمز یرده چامورك ایچنه بش اون طاش دو کدیلر ؛ اوزرینه ده بیلمک نه زدن بولمشلر برازده قوری اوت یایدیلر . اسباب استراحتك آچیلمسه منتظر اولدیغمز قوماندان حضرتلری اوطاشلرك اوسته چیقوب قابوطنی باشنه چکه رك وهر کسك نفسی نفسنه باشك چاره سی آرامسی اقتضا ایتدیکنی آکلادم .

اشته اوزمان کندمجه قیامتك قومش اولدیغنه حکم ایتدم . امانه یابه جقسك ؟ حریفك دیدیکی کبی (یر دمیر ، کوك باقر ، چاره خلاص نیست) بالضروره باشه کلان چکیلیر . « ایل ایله قره کون بایرام اولور » دیه رك ، هیچ اولمزه یاتارکن باشمی صولی چاموردن قالدیرمق ایچون طاشدن ، آچاچدن برشی بولمسی بزم شعبان آغایه تنیه ایتدم .

اوده کیم بیلیر نرهدن بر اودون پارچه سی یقالامش کتیردی. ارکان حرییه رئیس
بیچاره اختیار فیضی پاشاده، ینه نقراتک تدارک ایدیوردکاری برطاش یغنیسنک
اوزرینه چیقهرق اویقویه واردی. مکر بزم شعبانک بولدیغی اودون پارچه سنه
بیکباشی یاور حسین راغب افندی اولدن نشان قویمش؛ بوسیدله او اودون پارچه سنه
بالا شتراک شایعاً متصرف اولمقلغمز اقتضا ایتدی. آلتزده کی صولی چامورک مهما
امکن اوته سنی بری ایدرک جانکاهمه قدر تأثیر ایتیش بولان یورغونلق و اویقوسزلغ
و ایصال قفلغ زوریه مشععی باشمه چکدرک درحال اوزانوب یاتدم.

(او کیمز اوغلان بر کرده خرسزاق ایتیمک نیت ایتیش؛ آی آقشامدن طوغمش.)
مثل مشهوری کبی، مکر بزمده اویقو اویومغه نیت ایتیمک کمز عبث ایتیش. زمان
تقریباً کیجه نك ساعت اوچنه وارمشیدی. کوزلرم دالار دالماز بر سلاح سی
کلدی. دیرکن بردها! او!.. آرقه سی کوک کورولدیسی کبی ایشلادی. بالین
استراحت مزدن! برخلجان ایله فرلایوب قالدتم. بزم آرقداش حسین افندی ده
فرلادی. عجبا نه در؟ نه اولیورز؟! دیه بری بریمزله تیتدرک، بوغاناق، طیقانق
سسلارله اقردی ایدرکن قورشون جیوجیولری ده ایشیدلسونمی!.. آکلاشیلدیکه
دشنمیز، اردوگاهمز اوزرینه آتله بر هجوم ایدیور. قورشونلی تنشک اوزریمزه
طوغری آتدیغی ایلك دفعه اوله رق اوراده کوردیکمدن، فکر، شعور،
تدبیر و تصورم آلت اوست اولدی. و یاخود بونلردن اوصرده اوزرمده هیچ
برشی قالدی. کندمی بجز تلاش و خلجانده مستغرق بولدم. بیکتیکله لک سورمک مزین
و ظاهرده هیچ تمکینمی بوزمق مزین، اولدیقمز بزم سیویشمکله بچاره آزارکن،
شیطان عقلمه پک چوق صورتلری بردن کتیریوردی. ذهنمه کلان صورتلرک
جهله سی، بزم اساس ترتیب اولان تمکین قاعده سی اخلاص ایتمدن وجود بوله میه جغنی
بیلدیکم ایچون کافه سی رد اولتیوردی.

الکسکرده شوراده قرار قیلدیمکه، عسکرک حین تعیه سنده بزم اوست طرفزده کی
تپه ایکی طابورله شوک پاشانک قوناش اولدیغی آقشامدن بیلیوردم. اگر شوک
پاشا عسکرینه دشمنه مقابل آتش ایتدیرسه، قورشونلر بزم اولدیقمز یرده کی
عسکرک اوستدن کچرک حسابجه تمام دشمنک بولندیغی و بولنه جغنی نقطه یه اصابته
بری مدافعه ایدر، شوق قوماندان پاشانک عقله کیردیم، شوک پاشا آتش
ایتدیرسین؛ امری تبلیغ ایتک بهانه سیله بورادن صاوشوب ساحل سلامته

دشمنک سلاح
ایله فرقه مز
یوقلامی

حقیقیم. بوقدر احتمالی و احتیاطی قرارلرایله اشتغال حساب اولنورسه، جمله سی
بر دقیقه بیله سورمه مشدر.

او کزده یاتمده اولان قوماندان پاشهنوز او یانماش ایدی. قالدیم؛ یاننه کیتدم
وسسلیه رك او یاندیردم. « نهوار، نه دراو! » دیه قالدی. یورغونلق و او قوسزلغك
تأثیر یله « بنی یچون او یاندیردیلر؟ » دیه ظهوری طبیعت بشریه اقتضاسندن اولان
حدت ده یوزندن، کوزلرندن نمایان اولدیغی حالده اوطوردی. « افدم! اشته
کوریورسکز! تفتکلر آتیلور؛ قورشونلر بورالره قدر کلیور. اگر اراده
بیورر ایسه کر شوکت پاشایه کیدوب خبر ویرهیم. آنک یری یوکسکدر؛ او کتی
اچیجه کورمسی مأمولدر؛ عسکرینه آتش ایتدیررسه بلککائی برشی اولور » یولنده
آغرا آغرا و تمکینلی اوله رق بیان ایتدیکم مطالعاته قارشو، او قو حالیه « ها، ما! »
کبی ویردیکی جوانی، بن تمامیه رخصت مقامنه طوته رق، ذاتا یانندن آیرلق
احتمالی اولمیان بزم شعبان آغا آتمله برابر حاضر اولدیغندن، در حال آتلمزده
بینه رك و شوکت پشانك بولندینی تپنهك جهتی او قرا کاتده ذهنمجه تعین ایدرك،
آنك باشنی ذهنمك تعین ایتدیکی جهته چویردم و سوردم.

ای! بن عجبا شوکت پاشایی بولسه یدم، تصور ایتدیکم وجهله آتش ایتدیره جکمی
ایدم؟ خیر نه ممکن!.. زیرا بلکده ایدیهك آتشدن عکسنه اوله رق بر مضرت
مشاهده اولنور! اگر شوکت پاشا آتش ایدلسنی کندیسی ده تجویز ایدر و بر
مضرتی اولیه جغی کسدرر ایسه آتش ایتدیریه جکدی؛ یوقسه قوماندان پاشادن
بنم حامل اولدیغم امرك پك چوروك شی اولدیغی و بلکده مشارالیهك، بنم سولدیکم
سوزلری او قو حالیه هیچ آکلایه مامش بولندیغی پك اعلا بیلور ایدم. حال
بویله ایکن، هیچ اولیه سقط بر شیئه جسارت ایده بیلورمی ایدم!...

یالکز شو قذرکه، شوکت پاشایه کوتورمك اوزره آلدیغمز امر، بزی اوتلمکلی
یردن چیقاره بیلوردی.

براز کیتدکن صکره بزم قرارگاهك زنجیر خطنده بولنان قره غول نفری،
آرته مزدن « طوریکز! کیمدراو؟ نره یه کیدیورسکز؟ » دیه باغردی. نفردن
قورشون یرز قورقوسله طوردق و سسله رك یواش یواش یاننه کلدك. « نره یه
کیدیورسکز، کیمسکز؟ » دیدی. شوکت پاشایه بعض او امر تبلیغ ایتك اوزره
کیدیور اولدیغمی سولدم. « اوراسی شوکت پاشا طرفی دکل؛ دشمنك بولندینی

شوکت پاشایه
کیتك ایچون
یوله چیقدیغده
باشمه کلان شیار

جهت در. اردو کا همزک طیشار یسیدر؛ کیتمک ایستدیککز تپہ صاعکزک کیر یسندہ
قالدی « دہ نفر جک بزى ایقاظ ایتسونمى؟ های الله ایلک ویرسون!
مکر بزم قرا کقدہ ترسزد و نمش! حریف جکز هادی طریق حیات و سلامتمز
اولدی؛ آدجکزه دعالر ایتدم؛ حامله کورده کرام ده ایلدم. اگر چه نفر او یقوده و یاسائر
صورتله بر غفلت عالمده اوله ایدی؛ تہلکدن قاچہلم دیر کن کندی آیانمزله تہلکہ یہ
طوتیایور ایدک. باقندی ایشہ فسبحان الله! « ایتہ میلاندن فرار کورمہ سہک
اڈرہا » [*] مصرعی تمامیلہ حسب حالمز اولہ جقدی.

ہرنہ ایسہ صاعمزہ دونوب طاشلی بر تپہ یہ یولسز اولدق صادق. آتمز
یورومدی؛ ایندک. گاہ آیانمزہ طاش طولاشور؛ یوزوک قویو قبانورز؛ گاہ یانمز
اوزونہ دوشرز؛ گاہ یدکمدہ بولٹان آنک آیاقلری طاشلرہ طولاشہرق و حیوان
کو کسیلہ آرقہ مدن چاروب موازنہ؛ مشیمی بوزار. بر حال کہ نمودبالہ،! چونکہ،
اور تالق زفیری قرا کلق؛ کوز کوزی کورمیور. ہرنہ ایسہ یولندہ تہندیکمز
تپہنک زروہ سی حکمنده ظن ایتدیکمز دوزجہ بریرینہ واصل اولدق، اورادہ
آوازم جیقدینی قدر. [عسکر! شوکت پاشا!] دہ باغرییورم. کیجہنک اودہشتلی
حالیہ. ہم صدامدن ماعدا ہیچ برسک بکا عکس ایتدیکنی ایشتمیورم.
بوندن آکلاشلدیکہ اولدیغمز یرہ بزینہ یاکاش کلدک؛ بورادہ، نہ عسکر وار،
نہ دہ شوکت پاشا! بر کردہ غول نفرینک ایقاظندن کوزیمزک ییلمش اولدینی
جہتلہ ییلمدیکمز بریرک ایلروسنہ ویا صاعنہ، صولنہ کیتمکہ و آرانمغہ جسارت
ایدہمدیکمز دن اورادہ بزم شعبان اغا ایلہ براستشارہ ایتکلکمز ایجاب ایلدی.
شعبان دیدیکہ. « بز یاکلش کلدک؛ بورادہ، نہ دہ دہا ایلروسندہ نہ عسکر وار؛
نہ دہ شوکت پاشا. بیہودہ یرہ طاغلری طولاشوب طورمہلم؛ بر قضان قاچہلم
دیر کن دیکرینہ طوتیلہلم؛ بکا قالیرسہ عودت ایدلم؛ اسکی یریمزہ کیدہلم ». بز
یکتیکلک لک سورمہ جکز یا؛ (خیر. بن قضان یچون قاچیم؛ شوکت پاشا یہ سوبلیہ جن
سوزم وار ایدی دہ انک ایچون کلدم، آرایورم. مادامکہ بولہمدق، بشقہ درلو
چارہ سنہ بقارز.) دہ قوجہ شعبان ایلہ عقد اولٹان مجلس مشورت دوام ایتدیرمکدہ
ایکن، بزم آت طرفزدہ اولق اقتضا ایدن اردو کا همزده آرتق سلاح سنک
کسلمش اولدینی. انسی مشاوردہ ایتدیکم کال دقت وقوہ سامعہمک اوجہتہ

[*] مصرع ثانیسی شود: « ایلہ بزندہ قرار حالکہ صبر ایلہ ها! »

حصر ایدلش اولسی اوزرینه آکلا دیغمن، درحال شعبانک راینک مستحسن اولدینی قراری ویریلرک، تپیه چیقار ایکن کوردیکمز مشاق وزحمتک تکرر ایدن أمثالنه ملابس اولدیغمز حالده اردوگاهه عودت آیلدک. هیچ برطرفده آتش و آیدینلغه مشابه برشی اولدیغندن، راست کلدیگمز آدملره صورده صورده قوماندان پاشا حضرتلرینک اولدینی یری کوچ حال ایله بولدق. بزم آرقداش بیکباشی حسین راغب افندی یه ملاقی اولدم. پاشایی صوردم؛ شمدی یاتدی، دها او یومدی دیدی.

مأموریتک حاصل ایتدیکی نتیجه یی آمره بیلدیرمک لازم یا! یواش یواش یاننه صوقوله رق: (بنده کز کلدم؛ لکن شوکت پاشایی بوله مدم) دیدم. (اصابت هایدی کیت یات. شمدیلرده حقیقی برشی اوله مز؛ اگر اوله جق اولورسه صباحه قارشو اولور) دیدی وقاپوطنی باشنه چکدی.

شمدی فقیرک حزن اوهامنه ایکنجی برقتیل دها قونلدی. یا! عجایب! دیمک که صباحه قارشو حرب اوله جقمش، نصل ایدرز، نه یاپارز؟!.. عجبا ایش نه صورتله باشلا یه جق و کیملر اولوب کیملر قاله جق؛ قزاینر ايسه ک نه حقیقه جق؛ معاذالله غیب ایدرسه ک مسئله نه نتیجه یه منجر اوله جق؟.

ذهنکزی برکره وهم آمیز بودرلو مطالعاته قایدیریکز. ایشک ایچنده کندی حیاتکزک تهله کسنی دخی حسابه قاتکز؛ آرتق او یقو او یویه بیلورسه کز سزه عشق اولسون دیرم.

حسین راغب افندی ایله متصرف اولدیغمز بالین مشترکک یا نجزینه هندی درویشلری کبی بوزوله رک اوتوردم. نازنیم یا غمورده سرپشدرمکه باشلادی. آلتی چامور، اوستی یا غمور اولق سببیه کیدیکم مشمعک باشلغنی باشمه سچیردم. دریای تفکر وحسابه طالدم کیتدی. عالمی ده قرا کلغک دهشتیه برابر برسکوت، برسکینت قابلادی. اما بزم خیالطانه اوهامده تجسم وتمثل ایدن اشخاص افکارک ازدحامندن وانلرک دیرلتی و دیدی قودیسندن میدان یوق ایدی که کیجه نک احوال تأثیر بخشاسندن، شاعرانه اوله رق ذوقیاب حضور وانس اوله یم.

اوصرده قولاقلم یالکز اظرافده او یویانلرک میشلدیسندن بشقه برشی ایشتمیور ایدی. کندی کندی دیر ایدم که، یارب! کاشکه شو او یوقوده او یویانلرک بریسی ده بن اولایدم و یا خود انلرک بعضیسنک اعصابیده بنمکی قدرضعیف و متحسین بولوب

اویقواو یومیه ایدی ده شمدی شوراجقده برابرجه حسب حال ایدایدنک. وادیچاره لر!
هیچ بریسنک صباحک قوپارده جنی قیامتدن خبری یوق. عجیا یارین نه قدر زوجه لر
طول ونقدر پدر ووالده لر جکرپارده لرینک فعدانیله ملول و محزون اوله جقلر ؛
وکیم بیلیر نقدر صبیان واطفال مصائب حریه تأثیریه یتیم قاله جقدر ؟...
ای! صانکه قیامتک یارین قوپه جغنی بن ایشتمده آئی بر شیئی اولدی ؟.
خیر نه کزر... قیامت علی الحساب اوله رق یالکز بزم اویقونک باشنه قوبدی .
صباحلین ایسه ،ینه عالمک قیامتیه اشتراک حالنده بولنه جم طبعی ایدی . نه ایسه
بیك درلو تصورات وهمیه وخیعه ایله زمان کچیریلور ایکن کوزلرمده ، آرد صره
خجری رنده نور سحرک نمایان اولسنه نکران ایدی .

یواش یواش خجری سوکدی . ترکه سی طاک یری آغارمغه وهوادن ده بلوطلر
صییریله رق ایجه جک برشمال روزکاری اُسکه باشلادی . بیلیم اوستمزک باشمزک
یاش اولسندن وروزکارک تأثیرندمیدر ؛ ویا موعده وعید صبحک تقرب ایتسیله
سیکیلرک تأثرندمیدر ؟ ؛ بنی برتیره مه آلدی . بر طرفندن ده دشمنک بولندی
جهتده بر حرکت حس اولنیورمی دیه کوزلرم اوطرفه بر مدتده باقه قالدی .
اوز اتمه لم . خجری یابلدی ، صباح اولدی ؛ هر کس ده اویقودن او یاندی و آقشامک
تأثیرات شدید سیله پریشان اولان احوال خصوصیه وعمومیه نك تعبیر و اصلاحنه
باشلانلدی . فقیرده ایلك طوپ و تفنگک هانکی طرفدن صدا ویره جکنه منتظر
ایدم . انتظارم اوزادی ؛ لکن هیچ بر طرفدن برچیت بیله اولمادی .

کونشمزک عرض دیدار ایتسنه آز بر زمان قالدیغدن ، نظرلر جبال وتلالی
هیچ بر مانعه مصادف اولمقسزین اوزرندن صره ایله کچور و معاینه ایدیور
ایدی . نهایت دشمنک اولدینی نقطه ده کیسه نك اولمدینی ثابت اولدی . فقیرکده
خلجاندن اولان قلم براز فرج بولدی .

دها بر چاریک ساعت صکره دشمنک بولندی موقک صاغ جهتدن بر طاقم
سوارینک بزه طوغری کلکده اولدینی کورولدی . وهر کسک نظر دقتی اوجهته
منصف اولدی . کله کله سواریلرک ، جوار کویارده یرلشش اولان طاغستان
مهاجرلرندن بر طاقنک ، اردوی هایونده خدمت ایتک اوزره کلککاری آکلا .
شیله رق نمون قالدی . دشمنک نه اولوب نره یه کیتدیکنی آلرمن صورددی ؛ دها
کیجه دن کریسین کریه کیتمش اولدقلری خبرینی آلدق .

مگر کچه بنی طاعله دوشورمش اولان سلاح پاتردیسی، کچه قراکغند
بزم طرفدن هیچ بر آتش و آیدینلق فلان کو وولمیدی جهته، عجیباً ترکار
بوغازدن ایجری به چکیلوب کیتدیلمی؛ یوقسه اولدقلری یرده ثابت میدرلر؟
اوراسی آکلامق و یوقلامق ایچون اوزرمزه طوغری بر خیلی سلاح آتمش
و بزم طرفنده سلاحله جواب ویرلدیکی کچی بوغازک آغزنده باق و ثابت اولدیغمز
تحقیق ایدرک کیم بیلیر دهانه درلو مطالعهله و یا خود اساساً حامل اولدقلری امر
و علماته مبنی بزدیقین طور مق ایشارینه کیه رگ قارصه طوغری چکیلوب کیتمشلردر.
اوصرده قوماندان پاشا حضرتلری حالمزک بر تلغرافله استانبوله وارضومه
یازلمشی امر ایتدی. صباحک صفوغی و اویقوسزلغک و یورغونلغک حالی و قلبک
راحتسزانی ایله پارمقارمه پک کوچجه قلم طوتدیره بیلدم. تلغراف یازلدی بیتدی. [*]
اورادن برابکی مخصوص سواری ایله چکلیمک ایچون (چلدر) سنجاغی
متصرفلغک مرکزى اولان (اولنی) قصبه سنه کوندردلی. اوقصبه نك اولدیغمز
یرده اون ایکی ساعت مسافه سی واردر. تاغرافز بالطبع آقشامدن صکره
(اواتی) به واصل اولوب آنجق چکیله بیلور ایدی. استانبول ایسه، ایکی اوچ
کوندن بری شتار پاشانک زرده و نه ایشده اولدیغندن خبر آله مامش اولمسیله
مراقق ایدرک ارضرومدن، اولتیدن صورار طورر ایمش. ارضروم ایسه نه حالده
اولدیغمزى بیلمز ایدی که بر جواب ویرسون. طبیعی بزى بولوب بر صاغلام
خبر کتورمک اوزرده، آنلرکده بز طوغری خصوص مأمورلر چقاردقلری،
فرداسی کونی او مأمورلرک فرقه مزه مواصلت ایتش اولملریله معلوم اولدی.

بالماسبه دیندیکی وجهله قارص ایله ارضروم سنجاقلرینى صوغانلی دینیلان
سلسلهٔ جبال فصل ایدر. ارضرومدن کلان طریق بوطاغه واصل اولدیغنده اوچه
آریلیر. آنلرک برنجیسی (یکی کوی)، (چاقربابا)، (هنکاردوزی)، (چبالقلى) دن کچن
طریقدر. ایکنجیجیدی (مجنکرد)، (صاری قامش)، (قره اورغان) یولیدر. اوچنجیجیدی

[*] بوتلغرافک نصل برحاله یازاش اولدیغنی تعریف ایتکلکم، بعض تلغرافلر مزک
ربطی بوزوق و سبک عباره سی یوق ایمش دیه، اخیراً استانبولده ایشتمدیکم اعتراضله
مبیدر. واقعا ربطی سبکی منظم سوز یازمق، بنم کبی ایری قییم، خام خالات آدملرک کارى
دکل ایسه ده اوچه دیدک یا! هر نصله قضا و قدرله بواشده بولندق، یوقسه بن عهده سندن
کلیم دیه طلبم ایله کیتدم. مال، حال میدانده، عذر مزده اورته ده اولدقچه یازدیغم شیلرک
رابطه زانندن طولانی بزم طرفه هیچ برمسؤلیت ترتب ایتز. (الچود من الوجود)

(حاملی) جاده سیدر. بواوچ یول، طاغک ارضروم جهتهنده (پاسینار) قضاانه تابع (زیون) قریه سنک آلتنده برایشیر. آراس نهری بونجه حاملی جاده سندن آریله رق زیون قریه سنده برلشیمان بشقه جه برانجه جک یول دهاوار ایسه ده فقط بو یول زیوینک موقعی یوکسکجه اولدیغندن، اودوق بو یوله نظارت ومدافعه سنی درغهنده ایدر. طاغک اوستنده یوللرک بری برلینه اولان بعدینک مسافه سی ده آنجق برر وبرر یحق ساعت قدر اوله بیلیر؛ لیکن صوغانی طانغی بتیریلوبده قارص اوودنه اینلکده حال بویه دکلدیر. اوراده بویوللر مخصوصاً برلشیرلمدکجه اتحاد ایتمز. هراوچ یولده بری برینی کورمکسزین سالکنی تا قارصه قدر ایصال ایده بیلور.

بواندیغمز نیسانک اونیش واون آلتیسنده خنوز صوغانی طاغک قارلری آریمه مش اولدیغندن، طاغک اوستنده کی طریقلرک اوجیده، جدا حرکات عسکریه اجرانسه مساعد برخالده دکل ایدی. بناء علیه یاکنز نیجه کوجا دکلاریله بوغازی طوتلش اولدیغنی تعریف آیلدیکم «باردیز» یولی حرکات وسوقیات عسکریه یه مساعددر. بویولده قیش یولیدر. صوغانی طاغنه چیمه قسزین بر دره ایچندن کیدر. مذکور طاغک ارضروم جهتهنده و آرتیه سنده واقع (چاقر بابا) دنیلان موقعه صوغانی طاغک اوستنده یازیولی یعنی (خنکار دوزی) طریقله برایشیر. الحمد لله والمه شمدی بوقیش یولی آلمزده اولدیغندن، طاغلر مسافر قبول ایدنجه یعنی مایس آئی حلول آیلنجیه قدر، بزم عسکرک بو یولی محافظه ایچون طوتدیغمز بوغازده قلمسی اقتضا ایدیور ایدی.

بوغازک آغزنده مدافعه یه کافی اقامه اولنه جق عسکرده مدافعه خندق وسپرلری یاپدیرلمغه باشلانلدی. احتیاطده قلمسی ایجاب ایدن عسکرله قوماندانک اقامتکهی بوغازک بر ساعت قدر کریسنده واقع (باردیز) ناحیه سنده تابع (زاکیم) قریه سنده نقل اولندی. [شمدی بوباردیز ناحیه سی، تضمینات حربیه مقابلی اوله رق آناطولیدن ترک اولان اراضینک حدودی داخلنده وحسب العهد روسیه ده قالمشدر.]

برکیجه اولکی کوریلان حاله کورده، بوقریه ده، محلنجه آخورسکیسی تعمیر اولان یرکه - آخورک زمیندن یالکز طوبراق و طالمشله یارم آرشون مقداری یوقاری قالدیرلش برسدجکزدن عبارتدر - البته بویه بر اقامتگاهده ایدیه جک راحتک، منتظم ومفروش کوشکلر قدر حکم ویره جکی بدییدر. چونکه، یکر می

عسکرک بوغاز.
دمکی تعبیه سیله
سائر تدابیر
تدافعه

اوتوز خانه دن عبارت اولان اویله برکویجک زده و خصوصیه او حوالیده ، او موسمده بر آخور سکیمی بولمق ، اویله بر اردولقده هر قوله نصیب اولان سعادت لردن دکلدر . نصلسه قوماندان پاشانک رفاقتنده بولمق لغمز مزیتی ، بزی بر آخور سکیمی بولمق شرف و امتیازینه نائل ایدی [*].

قوماندان حضرتلریله ارکان حریبه رئیس فیضی پاشا بر آخور سکیننده اولدقلری کبی ، بزم رفیق بیکباشی حسین راغب افندی ایله بزده ، بر باشقه آخور سدینه ینه مشترکاً متصرف بولنیوردق . اوته کی یاورلر ، یعنی قول آغاسی عثمان افندی ، رضا افندی ، یوزباشی مصطفی بک ، حسین افندی دخی ، اویله بر یره صوقلمش لر ایدی . بتون کویک آخور لرنده بزم و بزه متعلق اولان طائفه عسکرینه نک حیوانلری باغلامش اولدیغندن کویلیلرک مواشینی نه اولدی و زرده قالدی ؟ اوراسنی بیله مم . شوقدرکه ، قوماندان و فیضی پاشا لارک بولندقلری موقع ، کندی حیوانلرینک مربوط اولدینی یردر .

بو کویده اقامت اولان اون درت کون مدت ظرفنده اوراسنی بر مرکز معامله و مخایره حالئ آلدی . بزم یازی یازمق وظیفه سنه معاونت دائمده بولمق اوزره ، دردنجی اردونک تحریرات قلمی خلفاسندن اکیلی مصطفی افندی ، بز بو کویده اولدیغمز ائنده ارضرومدن جلب اولندی .

قارصک احوالی تفقد اولمق و آردهانه ا لشکر جهته کی فرقه مز ایله خبرلشمک اوزره سواری نقطه و پوسته لری تأسیس اولندی .

بزی بوغازدن ایجری طیمش اولان دشمن ، قارصه طوغری چکیلوب کیمش ایدی . تحقیق اولندی که بونلر بزدن آریلویده قارصه طوغری کیدرلر ایکن قارصک تلغرافی قطع و طریق مخایره و موارد سی اوسته براز سواری نقطه لری

[*] شاعر هجا کو بایوردلی ذهنی برقیش موسمنده آناتولی مملکتلرندن بریسته کیدر ایکن برطانک اوزرنده تپی دنیلان قار فورطنه سنه طوتیور . خط بصرلر ، اوکلرندن بر قاریش یری کورده مز بحاله کادیکی ویولیلرکده ، کرک بولی غیب ایتملری سببندن و کرک صفوغک تأثیرندن حیوانلرندن رمق قالدینی مرده ایشیدیلان برکلب سسی ، بقینلرنده برکویک موجود اولدینی اشرا ب ایدرده ، اوسسک دلالتیه کویک جهت استقامتی تعیین ایدرلر و کوبه جان آتهرق تهلسکه دن قورتیلورلر . ایشته شاعر اولوقت کویده شویتی سوبله مش ایش : (شدت برد شادن شلکی کوردکجه قلب خوش کلور بلبل صداسندن آکا آواز کلب) بزم مسافر اولدیغمز آخور سکیمی ده ، بزه کوره دنیا نک قصور عایاتندن دها رونقدار اولسیله شاعرک بو بیتنک حائله مناسبتی درکاردر .

قویہرق قارصک اوتہ چہتندہ بولنان دشمنک عموم اردوکاھنہ کیتسشر ایش .
 بالکزشوقدر وارک، دشمن، بزم کلدیکمز طاع یوانی یعنی بوز قلعه طریقی
 قباہ مدینی و چونکہ اوراسنک اردوکاھنہ اوزاقلنی جہتیلہ موصلہ سنی تأمین
 ایتکمزین اویولہ برمفرزہ توپامامش اولدینی، سوری قوللرمزک کشیلہ تحقیق
 ایتدیکمندن، بو طریق واسطہ-یلہ موجود اولان حریت خابردن خیالہ جہ استفادہ لر
 ایدلدی. حتی ایکی اوچ دفعہ لردہ اضر و مدن بزم کلش اولان جبخانہ و مهمات
 ولوازمات سائرہ عسکریہ قافلہ لری قارصہ صوقولدی. لکن بوارسالات ہر درلو
 تدابیر عسکریہ مستند و حال و امکان نہ رتبہ نشیئات تحفظیہ اجرانہ مساعد
 ایسہ، اوقدر تیقظ واتباہہ مقارن اولوب، زیرا ہرقافلہ نك سلامت و صوائی تہدید
 ایدن حاللرہ، بول اوزرندہ ملاقات اولمق تہلکہ سی دائماً موجود ایدی .

اردومزك بيوك نقصانك برسی دە سواریسزك اولدینی البتہ یوقاریدنبری
 کچن سوزلردن منقہ اولمشدر. اضر و م، درسعات و ولایات سائرہ یلہ وقوع بولان
 مخابر لردہ، سیواس و صامسون جہتندہ، و قتلہ ترتیب اولندینی و میرلوا چرکس
 موسی پاشا قوماندانہ ویرلدیکی ایشیدیلان درت آلائی چرکس سواریسنک
 بیتشدرلمسی استعجال اولندی .

برچوق شمشعلی سوزلرلہ ترتیب اولندینی، اضر و م والیسی تورد اسماعیل
 پاشا حضر تلی طرفندن، اعلان حربدن برچوق زمان اول درسعاتہ بیلدیریلان
 سواری و پیادہ عسا کر معاونہ سی هنوز طوپانلہ مامش و حلبو کہ اسماعیل
 پاشانک احوالی اہالیسندن بولمنسہ مبنی، عسا کر معاونہ جلب و جہنہ مقتدر
 واردونک محتاج اولدینی لوازمک کمال سہواتلہ استحضارینہ قادر اولور امیدیلہ
 اضر و م والیکنہ تعین اولمشیدی .

واقعا احوالینک من القديم سرحد اولمنسہ مبنی، محلی اشرفیالہ افراد اہالی
 بیتدہ کی نسبت. آناتولی وروم ایلی نك قطعات باقیہ سنک اہالی و اشرفی بیتدہ کی
 مناسبت کی دکلدر . حسب الموقع سرحدات اہالیسنک عسکرانکدہ استخدام
 و استعمال اولئہ کلش اولدقلری جہتہ اہالینک ضابطہ لردہ یعنی اشرف مملکتہ
 رعایت و اطاعتلری واردر. بونک برسبی دە، مملکتک قابور یوزینہ کلانلری،
 تیمار و زعامت اربابی و یورتلق و اوجاقلق و جہلہ املاک اصحابی ایدیلر. بوجہ تہ
 قبل انتظیات آدوب کسمک و ضرب و حبس ایتک کی لوازم تہجدی مع زیادہ

سرحدات اہالی
 سنک امرجہ
 و احوالی

مقلد اولدقلرندن ، نقودلری ، اهالی عنندنه بر درجهیه قدر تأثیرلی اولهرق
باقی قالمشدر.

تغذیاتک یعنی دولتجه اداره مرکزیه نك تأسسندن وتیاروزعامت ومقاطعات
کچی شیلرک خزینه دوانندن ضبط اولنهرق اوکی احوال غریبه بر درجهیه قدر نهایت
ویرلدکن صکره اشراف ایله افراد بینده کی بیوکک کوچوکک حبل ارتباطی
اولدجه کدوشه مش ایسهده ، ینه واشرافک ، وقیله بر کره بیوک اولهرق کورولمش
وطانمش اولسی وهله کوردلرله کورجیلردن ، عصیت قومیه نك کلامحو وزائل
اوله مامسی ، بواسراف وکبرائی نظر حکومتده دخی اولدجه ایش ارلری صره سنده
هنوز ابقا ایتمکده بولنمش ایدی .

اشته بو حکمته مبنی اسماعیل پاشا حضرتلری ، هر قضاده بولان اک مشهور
ومعتبر ربک و آغایه ، موقعه کوره ، سواری وپیاده برطابور ، ایکی طابور کوکلی
معاونه عسکری احضار ایتدیرمک اوزره محاربه دن اول انلرک کافه سنی ارضرومه
جلب ایتمش ایدی . کیمیسی ایکی ، کیمیسی اوچ ، کیمیسی بش طابور چیقاره جغ
سوزخی ویرمسی وهر برینک دخی باب دوانندن بر نفع ایدی به مالک اولمق امیدینک
موجود بولنسی اوزرینه عنهامها صاعلاجه طوپ یكون اولهرق الی طابور
عسا کر معاونه احداث ایتدکنی در سعادتیه بیلدیردیکی ایشیدلمش ایسهده ، اعلان
حربک وقوعیله برابر بواللی طابوردن ولور طابور اولسون کوریه مامشدر .

از جمله قارص ایله حدود آرد سنده واقع « شوره کل » ، « زارشاد » قضالری
اهالیسندن اون طابوردن زیاده عسکر جمع اولنه جنی حساب فراخنده بولنلمشیدی .
اکر چه بو حساب پکده یاکاش دکل ایدیسهده ، حیولت ایدن اعداز ، تصورات
واقعیه خیال محال حکمنه قویدی . بویکی قضاده مسکون اولان خلق ، مختلف المشرب
اوچ قومدن یعنی کورد وقرده پایاق طائفه سیله یرلی ترک اهالیسندن عبارتدر .

کوردلر . [قسقالی ، ذیلانی ، جهادانی] عشیرتلی نامیه یاد اولنورلر . [*]
رئیسلری رشید بک ، احمد ومقصود آغالردر . جمله سی بیک بشوز : ایکی بیک
چادر قدر اوله بیلیر . [بوراده کی چادر لفظی خانه دیمکدر .]

[۶] واقعا اردومز بو اوچ عشیرت خلقتدن دشمنک بدایت تجاوزی حالنده استفاده ایدیه مدی
ایسهده محاربه نك واسطهده دوام ایدن مظفریتلر من اثناسنده ، یعنی اردونک قارصک ایلرینده
بولندینی صرهده ، بو اوچ کوچک عشیرتک برقاچ یوزه وارمیه سواریسندن کوزل کوزل
خدمت ومعاونت کورولمش اولدینی بورا جقده لسان ستایشله یاد ایدرز .

قره‌پاپاق طائفه‌سنة كانجه، انلر، عجم ايله طاغستان قومی آره‌سنده برملیت مخصوصه اراة ایدرلرسده لسانلری آذربایجان ترکیه‌سیدر. قیافه‌لری عجم کی‌در. لکن قالپاقلری بشقه درلودر. مذهبلری بعضیسنک سنی و بعضیسنک شیعی‌در. بونلرده، اسمنی ذکر ایتدیکم قضالرده ایکی بیك، ایکی بیك بشیوز خانه خلقی قدر اوله‌بیلیرلر. غایت شجیع و جسور بر قومدرلر. پک آئی سواری‌درلر. هله آت اوزرنده سلاح قولانمقده بونلر کی صاحب مهارت اولانلری پک آز کوریه‌بیلور؛ نته‌کیم بو طائفه منسوب افراددن مهر علی اسمنده بریسنک اردوی هاپونه نصل خدمت‌لر ایتدیکی و محاربه‌لر ائناسنده نه‌کی یرارقلر کوستردیکی آتیده صره‌سی کلدیکنده کوریه‌جکدر.

اشته نواحی ملحقه‌سیله برابر بوایی قضاده کی قره‌پاپاق طائفه‌سی، اوتنه‌دنبری اسماعیل پاشا حضرتلرینک فامیلایسی بیوک طایمشلردر. چونکه اسماعیل پاشانک پدری شریف اغا و قتیله شورده‌کل قضاسنه تابع حاجی ولی کوینده اقامت ایدر و قره‌پاپاق جماعتده قومانداسی جاری اولور ایش. اسماعیل پاشانک برادر زادہ‌سی، ینه اوکویده ساکن مدد بک زاده یوسف بک، بوقره‌پاپاق طائفه‌سندن بش طابور عسکر یازمش و حتی دفترلینی بیله عموجه‌سنة کوندرمش ایش. بوقره‌پاپاق طائفه‌سندن آردهان و چلدیر قضالرنده دخی خلیجه ناس مسکون اولسنة مبنی، انلردنه حیتارده‌بیلدیکی قدر معاونه عسکری طوپلامق و عموم چلدیر سنجاغنده بولان سائر قضالردن دخی افراد معاونه جلب و جمع ایتک و وظیفه‌سی آردهانی حاجی حسین پاشایه تحمیل قلمشدر.

بونلرک جمله‌سی اعلان حربدن اولجه کچن قیش موسمنده ترتیب ایدلمش و دفترلری یازیلهرق ضابطلری ینه اشراف اهالیدن اولقی اوزره تعیین اولنمشدر.

لکن بوعسکر قیش وقتی طوپلادیریلوبده بیهوده یره بییدیرمک و کیدیرمک عساکر معاونه‌ک و یانیروب قلدیرمق و آباق ویرمک و بوقدر خلقی بریرده، بر مملکتده ویا بر تیج اسبابی بلدده بولندرمق کلفتی اختیار اولنماق و عنداللزوم جمع ایتدیرمک اوزره، جمله‌سی خانلرنده بر اقامشیدی. واقعا او حوالینک معروف و مشهور اولان قیشی اینجا بجه، مارتک یکر میسندن صکره اولد بجه قیش دفع اولغه باشلادی ایسه‌ده عساکر معاونه‌ک طوپلانسنه جسارت ایدیه‌مدی. زیرا، طوپلار زده یا حرب اولمینی ویرر و یا خود ایش بره‌چ آی دها امتداد ایتدکن صکره اولور ایسه.

اولوقت بوعسکر، امر اداره لرندن طولای اردونک و حکومتک باشنه بلا کسیلور مطالعه سی، جلب وجهلری امرنده آغیر واحتیاطلی طاورانه سبب اولمشدر. بو عسکرک، مارتک یکر میسندن صکره طوپلانسنه باشلانسه ایدی بیله ینه ایش یتشدر یله میه جکمش یا!، چونکه بش اون کون صکره اعلان حرب وقوع بوله حق و طوپلانمش اولانلرده حسب الاستیلا چولوق جوجقلرینک محافظه سی تلاشنه دوشهرک هیچ بریسی عسکر لکی مال ایتیه جک ایش. نته کیم اویله جه اولدی. الحاصل مقدمه دهده یازلیدی کبی، اردونک ارکان وامراسی وحتى حکومت مأمورلرینک بیله اکثریسی، غزته لرك آغزینه باقهرق و دولتک حال ومالی و پولتیقه نك اساسنی عقللرنجه موازنه ایدرك، حربك قطعياً وقوع بوله جنی ظنده متفق دكل ایدیلر.

لكن جناب حق تنفيذ قضانی مراد ایدنجه کوزلر کورمز، عقللر، اوکنده کی مهالکک درجه سی کسدره مز اولورمش.

مختار باشانک ارضرومه مواصلتی اوزرینه، اردوی هایون دائره سنده کی مأمورینه تدارکات حربیه ایچون ویریلان امر صره سنده عساکر معاونه ترتیب اولنان یرلرده کی مأمورین دخی ایفای وظیفه ده دعوت اولمش ایدیه ده، مکر اعلان حربك وتوعنه اون ایکی کون قلمش ایش. سرحداته بولنان اشراف مملکت، عسکرلرنی طوپلامغه باشلادقلری ائنده، دشمن حدود مزنی تجاوز ایتدی. براز طوپلانمش اولانلر وارسه، انلرده حیولت ایدن عذر سببیه طاغیلوب وطنلرنده وأولاد و عیاللرینک باشی اوجنده قالدقلرندن، ایش، عساکر مکلفه دن اولان نظامیه وردیف طابورلرینک همتنه منحصر قالدی.

روسیه ارکان حربیه جنراللرندن «کشمیشوف» ک ۱۸۸۴ تاریخده طبع ونشر ایتدیردیکی تاریخده دیورکه: روسیه نك قارص جهتندن تجاوز حدود ایتدیکی کون، بزم طرف اهالیسندن وقره پاپاق طائفه سندن ایکی بلوک سواری، روسیه اردوسی قوماندانی سلاملیه رق، انلرك (میلیسیه) دیدکلری عسکره ملتحق اولمش ایش. فاعتبروا یا احباب!..

بوکا یقین بعض حوادثک بزجه دخی شایع اولمی وروسیه جهتنده متوطن قره پاپاقلردن بریسنک قزیه، اعلان حربیه یقین برزمانلرده تأهل ایتمی وحرمنک روسیه یه آشیرلمسی وانلرله ینلرنده کی مناسبات و مواصلاتک منقطع اولمیه جنی

واوله میه جتی بزجه ده محسوس بولمسی اوزرینه، حاصل اولان اشتباهك حكمیه شورده کلی یوسف بك. عموجه سی بولنان قورد اسماعیل پاشا حضرتلرینك ناموسنه تعلق ایتمك ایچون، آناتولی ایجریلرینه طوغری تبعید ایدلمیهرك، محاربه نك نهایته قدر بزم قوماندانك یاننده صورتاً یاور شكلمده و معناً کوز حبسنده بولندیریلوب، بشقه عسکر ایچنه وایشنه قاریشدیرنامشدر .

اگرچه بزم عسکر تجاوز حدود ایتش اولسیدی، اوعسکردن ماعدا دنیانك هرکوشه سندن قیامت کی اوزرمزه عساكر معاونه افرادی اوشوشه جگدی ؛ شان فوحتمز، سوابق کی آفاق طوته جتدی. الحمد لله والمنه ایشینه اوروپا لیرك ظنی و دشمننك تخمینی کی قلمادی یا ؛ دولت علیه بوحر بنده دخی موجودیتی و حیات سیاسی سنی اظهار؛ و شرف و شان عسکرینی دنیاه اعلان ایتدی . (الفصل لماشهد به الاعداء) موقع ممتازنی، بدخواهانمك زغمه اوله رق منفرداً طوتدی ایسه ده آدمك علو همتی بوکا قانع اولمور؛ ده ایلرینی ایستور .

مادامک یمین بزه توجه ایتدی ؛ یعنی ، مادامک حسب الحال و الموقع مدافعه حائده بولنه جغز؛ ایستدیکمز صورت و مقدارده عسکر بوله میه جغمز و یالکز عساكر مکلفه مزك وجودیه قاله جغمز طبعیدر .

بالتجربه ثابت اولمشدرکه ، مدافع بولنان عسکرک قلبنك قوتی ، متعرض و مهاجم اولان عسکرک متانت قلبیه سیله برابر اولمور؛ مطلقاً مهاجم و متعرض عسکرک هر برینك یورده کی آرسلان قفاسی کی شیشوب قلوب اعدایه ایصال رعب ایدیور. مدافعه ده کی عسکرک قلبی ده، عاجز وضعیف برطاوشانك یورده کی مثللو خلجانله طوایور. هله برده بوزغونلق بلیه سنه دوچار اولورسه ، - ربم کوستر مسون - کرچکدن طاوشانالاشه رق (وه !) دیسهك اودی قویور.

فرقه مزك (زاکیم) قریه سنده اقامت ایتدیکی ائشاده، قارص قوماندانی حسین حامی پاشا بر مکتوب یازد رق : (مهر علی) و (تولو موسی) کی روسیه اردو سنده خدمت ایتکده بولندقلری ظن اولنان ایکی شقی، دولت علیه اردولرنده خدمت ایتک اوزره دخالت ایده جگکرندن ، دونك قانوننه قارشو اولجه اختیار ایتش اولدقلری جنایات سابقه ترینه ترتب ایدن جزادن عفو اولملاری لزومی التماس ایتدیکدن مختار پاشا حضرتلریده، « بیئات سابقه قلری دولته معفودر؛ اردومزه کله بیلورلر. » جوابی ویرمشیدی .

شمدی بو آدم لری و حال و موقع لری قارئنه طائتدیرمق اقتضا ایدر :
 بوایکی کشی، دمنجك ذکر ی کچن قره پاپاق طائفه سندن درلر. بو طائفه دن
 قارصك بعض قضا لرنده مسكون اولانلر اولدینی کبی، روسیه ممالک سنده بونلردن
 خلیجه نفوس دخی واردر. بحر حزرک جانب غریب سنده بولان «شکی»، «شروان»
 و «نخجوان» ودها بری طرفده واقع «روان» بلده لرینک غرب طرفدن بزم
 حدودده کی «آرپه چانی» نك اوتیه جهننده کی اراضینک واکثریتله تفلیسک جواری
 اولان کویلرده بوقوم ایله مسكون کییدرلر. بو طائفه دن، ایرانک، بزم بایزید
 سنجانغی جوارنده واقع «ماکو» و «اوواجق» قضا لریله ملحقا تنده متوطن
 اولانلری ده واردر.

روسیه دواتی اثنای محاربه ده، طاغستان وچرک سدن و قفقاسیه نك اقوام
 مختلفه سندن تشکیل آیلدیکی سواری آلایلری اوردوسنده بزم علیهمزده قولاندینی
 کبی، قره پاپاق طائفه سندن دخی بعض مرتبه سواری ترتیب آیشیدی. تولوموسی
 دیدیکمز شخص، روسیه نك خدمت عسکریه سنه کیرمشلردن و مهر علی ایسه،
 او خدمته کیرمک اوزره حاضر لمشلردر.

مهر علی، تفلیسک قره پاپاق ساکن اولان کویلردن بزیسک اها لیسندندر.
 مذهبی سیدر. و قتیله اون یدی، اون سکیز یاشنده ایکن، وفات ایدن پدرینک،
 قره پاپاقلرک قاعده و عادات قومیه لرینه مخالف اوله رق احداث ایدلمش اولان براصوله
 توفیقاً دفن ایدلمش ویا حکومتجه ایتدیرلمش و حفظ مأموریت و نظام ایچون
 حکومت محلیه برمدت معینه دهک مزارستانه برده روسیه قره غولی قومیش ایمش.
 مهر علی، مجرد تعصب قومیه سی اثریله غلیان ایدن غیرت و حدتنک اوکنه کچمه ره
 برکیجه خفیاً باباسنک قبرینی آچوب جنازه سنی قدیم قبرستانه نقل ایتمک اوزره
 چیقارار ایکن، املنک اجراسنه ممانعت و مخالفت ایدن قره غول نفرینی قتل ایتدکن
 و پدرینی ده نقل ایله بروجه معتاد دفن ایلدکن صکره حکومتک نظردن اختفایه
 مجبور اولمش ایمش. حکومت بوجانی حدیث السننی آرادجه قاچار؛ قاچدجه
 بالمناصبه جنایاتی تکرر ایدر ایمش. البته هر یرده حکومتک نظردن اختفا
 و طاغری قیرلری مأوا ایدنلرک تکریر جنایاتدن باشقه نه هنلری اوله بیلیر! نهایت
 تحریات کسب شدت و اهمیت ایدوبده بزم مهر علی یقانی اله ویره جکنی آکلانجه،
 حدودی کچه ره بزم طرفده کی قره پاپاقلرک ایچنه کله رهک التجا و اختفا ایدر. روسیه

مهر علی نك
 ترجمه حالی

دواتی سفارتی واسطه سیله بوقرده پایاقلردن نقدر احباب جنایات واریسه باب عالیدن ایستدیکی صردهده بومهر علی یی ده استر؛ دولت ده اعادهیه مجبور اولور. برطاقلری طوتیلوب روسیهیه رد اولنور سهده، ایش مهر علی به کانهجه؛ طوتیله جغنی آکلادینی کبی، بزم ضابطهیه ده مخالفت ایدر. مسئله بیور؛ تحریانه اهمیت ویریلور. الحاصل مهر علی، بزدن ده برایکی ضبطیه قتل ایدرک یینه روسیه ممالکنه فرار آچکر. اوتهدن صیقیشدیرلدینی کبی یینه برجنایت عظیمه اختیارندن صکرده بزم جهته قاچار؛ اما بوراده جانی اولمق حسیله حکومتک نظر تحریسی متوالی اولوب، درسعادتدهکی روسیه سفارتی ایسه (شوره کل) قضاسی هیئت حکومتی مرقومک یتاقلغیه اتهام ایلدیکندن؛ هیئت اداره قضا بوسوء ظندن تلاشه دوشهرک اهمیتله اخذ وکرفته قیام ایدرلر و برجم غیریاله مهر علی یی بالتعقیب بردوز اوودده صیقیشدیرلر. معقینه عرض تسلیمیت ایتمز؛ سلاحه طاورانیر. کندیسینی ده سلاح ایله تضییق ایدرلر. نهایت اوقضانک مجلس اداره اعضاسندن قریب آخایی برده ضبطیه مزی قتل ایلدکدن صکرده مهر علی ده مجروحاً یرده دوشر وحرکتیه مجالی قلیه رق طوتیلور. محاکمه واستخاقی اجرا اولنور. انای محاکمهده مهر علی هیچ برسؤاله جواب ویرمامکی التزام ایتمیله منکر عد اولنهرق شاهدلر دیکه نیلوب قارص مجلس تمیزی بر موجب قانون مرقومک اعدامنه حکم ایدر. حکم اوراتی بزم ارضرومدهکی دیوان تمیزک دخی تصدیقندن چکدکن صکرده درسعادتدهکی محکمه تمیزه کوندریلور. اورادن دخی واقع اولان حکمک صحت واصابتی بعدالتصدیق اقتضاسی اجرا اولمق اوزره اراده سیه سی شرفسنوح اتمک اوزره اولسون؛ مهر علی، قارص حبسخانه نهندن فرار ایدر. یینه روسیه نک قفقاسیه اداره سنه و بزم حکومت محلیه خلیجه تلاشلر ویرر. مرقومک صورت فراری دخی سرگذشتی وکندیسی قدر تحف اولدیغندن، تفصیلی صکرده دن بالذات کندیسندن ایشتدیکم وجهله درج ایلدم.

مهر علی قارص حبسخانه سنده، قوجامان پرانغهلری ایچنده وطوتلدینی ائنده آلدینی قورشون یاره لری تیمار اولنورکن، شاید سملی برعلاج واجزا استعمال ایله فی تلف ایدرلر و همدنننایی جریحه منی بزم حکومت جراحلرینه تداوی ایتدیرمز؛ کندیبی قرده پایاقلرک عادتی وجهله علاجلر یاهر ق تیمار ایدر و آزوقت ظرفنده برءتام حاصل اولور. حبسخانه ده بشقه بر مجبوسه اکمک کتیرمکده اولان برقاری یی، مجبوس بولان قوجه سی واسطه سیله اطماع ایدرک، اوتدین معرفتیه حبسخانهیه

امك ايچنده كيتيرلش برأ كه دميرني الدو ايدر. انكه يواش يواش پراغه دميرني بجر دكدن صكره، حبسخانه ده بولنديني اوطه نك تمل طرفني قازمغه باشلار؛ ديوارك آرقة طرفنه كچيله بيله جك صورتده بردليك وجوده كيتير. بعده عموم محبوسيني فراره تشويق ايدر؛ وجهه مز بردن فلان كون، فلان ساعته حبسخانه نك قابوسنده كي دمير پارماقلق آچيلديني صروده بردن قابويه هجوم ايدرايسه ك ضبطه لر كفایت ومدافعه ایده مزلر وشاشيرلر، بزده قورتولورز؛ ديه عالمی قانديرر. حقیقه اوليه برزمانده قابويه هجوم ايدرلر. ضبطه لر مدافعه يه قويولور. اوصرده عسکرده كيتيريلر. قورشون آتارلر؛ محبوسلردن بعضيلري يارالانير. الحاصل حبسخانه دن هيچ كيمسه نك فرارينه يول و يرلكسزين ايشك او كي آلير؛ اما او كوروتيده مهر علي، آرقة طرفدن واولدن حاضرلامش اولديني دليكدن فرلايوب قاچار. و او جوارده اهاليدن بريسك طامي اوزرنده ييغلمش اولان اوت ييغنديسك اوسته چيقه رق اوتلرك ايچنده صاقلانير.

حبسخانه مأمورلري حبسلري يوقلامه ايدر كن مهر علي نك فرار ايتديكي آكلارلر. شهرك ايچنه طيشنه سواري، پياده ضبطه لر طاغيلير. انلر استدكلري قدر آرامق ايچون زحمت چكسونلر. نه مناسبت؛ نرده بولنه جق!! مهر علي حبسخانه دن قورتولور قورتولماز، نور حقيقتك عقل بشردن استناره سي كي، ايلك آديني آتديني يرده اختفا ايدوب بيچاره ضبطه لرايسه كنديسي نك اوزاقلرده آرييورلردی. نهایت تحری مأمورلری، مهر علي نك بولنسدن مأیوس اولورلر. مهر علي ده، ايكي كيجه اوچ كون، آچ و صوسز اونلرك ايچنده ياتارقالير. آرتق تحری خيزينك كچمش اولديغي آكلایه رق اوچنجي كيجه اولديني يردن اينر. مكر اختفا كاهي، قارصده بولنان پياده طابورينك سقا باركيرلرينك باغلانديني آخورك جوارنده ايمش! اوتك اوستندن، اولجه كشف وتعين ايتديكي نقطه دن آخورك طامنك اوستنه چيقار. تپه ده بولنان بر پنجره سندن آشاغي صارقه رق ايجري يه كيرر. باركيرلرك بريسني چوزره؛ طيشاري يه چيقارر وينه رك صاووشور كيدرده اويومقده اولان سقا نفرلرينك خبري بيله اولمز!

مهر علي، كيجه قارصه بش التي ساعت مسافه سي اولان شور دكل قضا سنده كي قرده پاپاقلره قدر كيدر؛ انلرك معاونتيله آتي، سلاخني دوزوب قوشدقدن صكره كنديسي آرتق طوسونلقده ويكيداكده شهرت بولمش اولديغندن، قرده پاپاقلردن

رفاقتنه هوسنان بعض سرسری دلقانلیری آلهرق و بوندن صکره ممالک دوات
علیهده باریتمیه جغه قطعاً حکم ایدرک روسیه اراضیسنه کچر. اوراده بالضروره
راحت اوتورتمد قلدن ینه سلاخک حمایه وقوتنه و طاغلرده وقیرلرده اقامت
واختفا اصولنه مراجعت ایدر.

نهایت ایشک دولت علیه ایله اعلان حربی نتیجه ویره جکی صردهده، روسیه
حکومتی، اردوسنه خدمت ایتمک اوزره، لژی وچرکس وقره پاپاقلردن مهر علی
کبی مشاهیره قارشلی اعلان عفو ایدر. بوده مع التشکر صورت عفو قبول ایله
سرّیست، سرّیست رفاقتنه کوکلی اولهرق بعض سوازی ترتیب ایتمکه مشغول
اولور ایکن، برطرفندده قارص قوماندانی حسین حامی پاشایه قره پاپاقلر
واسطه سیله خفیاً بر مکتوب ایصال ایدرک اگرچه بوجهتندده عفو اولنورسه،
تدارک آیش اولدینی یوز یکریمی نفر قدر کزیده سوازی ایله اردوی هایونه
کلوب حسب الدیانه خدمت حربیه وجهادهده نثار جانه مهیا اولدینی بیلدیرر.
یوقاروده حکایه اولندیغی وجهله، بو طرفندده اختیار اولنان معامله عفویه خبری
کندوسنه واصل اولمیه؛ اول مقدار سوازی ایله روسیه داخلندن بلا پروا
چیقهرق قارصه کلیر.

قوجه حریف! هم کندیسنی عفو ایتدیره جک طار برزمانی وفرستی
بولدی؛ هم ده اردومزه بیوک بیوک خدمتدر ایتدی که؛ تفصیلی صردهسی کلدیکنده
آشاغیده کوریه جکدر.

کله لم تولوموسییه: بو آدمده، برقاچ سنه اول، اضر و مدن ایرانه کچمکده
تولوموسی نک ترجمه حالی
اولان برترانیت امتعهسی کاربانه تعرض ایله نهب و غصب ایدن اشیانک رئیس
اولسنه مبنی. بیک بلا وکو چلکلرله طوتیلهرق اولوقت اضر و مده «کورک»
مرکزی اولان طاش خنده اون بش سنه مدته کورکه قونلشیدی. تولو
موسییه محاربه دن خیلی مدت اولجه کالی تکلفات ایله وینه حبس خانه ده اختلال
ایقاعیه یقانی صیرمش و بویولده کی شقیلر ایچون منفرد براتجاگاه کسلمش
اولان شورده کل قضاننده کی قره پاپاقلره قدر صاووشمشیدی. اوراده جانب
حکومتدن صقیشدیرلدیقه، موقعک حدودده واقع اولمسی ملا بسه سیله در حال
روسیه یه کچر؛ روسیه طرفندن آراددیقه بوجهته قاجار. نهایت اعلان حربدن
صکره بونلرک امثالی حکمنده بولن ینه قره پاپاقلردن منصور نامنده کی شقی

وساثره کبی روسیه اردوسنده خدمت ایدرکن، ظاهراً مهر علی نك بزم جهتہ التجا ایدہ جکنی ایشیدوب بوده دخالت ایتک عزم و امانہ دوشمش ومظهر عفو اولسنہ مبنی قارصہ کلشیدی. قارصده بعض مرتبہ سوارینک لزومی وار ایسده، بزمه برابر بولان سیار فرقه نك بتون بتون سواریسز اولدینی معلوم اولدیغدن، حسین حامی پاشا مهر علی بی رفاقتنده کی سواریسيله برابر قارصده آلیقویہ رق، تولوموسی بی ده برقاچ نفر سواریسيله بزم فرقیه کوندردی. مرقوم زا کیم قریه سنده برقاچ کون قالدی وبعض خدمات کشفیه واستخباریه ده قولانلدی ایسده. مایه رده سنک اجباری ویاخود بيله مدیکم برسیک الجاسيله، برکون ینه کوندردیکی برما موریت کشفیه دن عودت ایتدیکندن، تکرار روسیه اردوسنه صاووشوب کیتک دنائتی قبول وار تکاب ایتدیک آکلاشدی. عاقبت روسیه لیلره خدمت ایدرکن، قارص اووه سنده کی چرکس کوپلرندن برکوی اهایلسنه، بعض لوازمات تدارکی ایچون شدتله مسلط اولدینی صرده، شخصی وحالی طایان چرکسلردن بریسنک قورشونيله کبردمشدر. هرنه ایسه عالم آلدن وشرندن قورتولدی؛ کندیسی ده برسوء نام براتهرق سیکدردی کتیدی. آردهان قوماندانی فریق قصاب حسین پاشانک حامل اولدینی تعلیماتده، روسیه دولتی او جهتدن تجاوز حدود ایدرسه، آردهانلی حاجی حسین پاشانک وساثر یرلی بکلرک اهایلن ترتیب آیلش اولدقلمی کوکلی عساکر معاونه طابورلینه، آردهاند بولان عساکر نظامیه دن برقاچ طابور ولزومی مقدار طوپده علاوه والحاق اولنهرق نفس آردهانله حدودک آرا یرنده واقع اراضیده، آردهاند بولنه جق اولان میرلوا پاشالرک بریسنک قومانداسيله مقابله ومدافعه ایدلمی واک نهایتده آردهانله التجا قیلنمی محرر ایدی.

آردهانله، حاله
دائر تفصیلات

حاجی حسین پاشا چلدر ناحیه سی طرفلرنده کی عساکر معاونه یی طوپلار ایکن، «اخل کلک» جهتندن برروس فرقه سی تجاوز حدود ایدرک «چلدر» ه واورادن «میشه آردهان» ه طوغری ایلروله مش اولسيله (چلدر) و(یوسخو) و(شاوشت) قضا وناحیه لريله حوالی جواریه نك آلد بولان پیاده وسواری عساکر معاونه سی طاغلمشدر. چونکه، یوقاریده یازلدینی وجهله چولوق چوجقلرینک باشی اوچنده بولنملری لزومی کندولرنجه اردونک خدمات عمومیه سنده بولنمقدن ده مرجح عد اولنمشدر.

میشه آردهانك، اسمنی بوراده خاطرلیه مدیم برصونی اوزرنده حاجی حسین پاشا رذقتنده قالمش اولان و برفئه قلیله دن عبارت بولان معاونه عسکری و بر مقدار نظامیه سوارییی دخی برابر اولدینی حالده روسیه نك بر ایکی آلائی سواریسنه ملاقی اوله رق چارشمش لر و طرفیندن ده ایجه سقطقلر و قوعوبولش ایسه ده مقاومت ممکن اوله مدیغه واولسه ده او مقوامتک اوکونلک او مقدار سواریییه کوره وقتی برشی اوله جغه مبنی حاجی حسین پاشا موجود رذقتله آردهانه رجعت و تحصنه مجبور اولور. آرتق اندن صکره آردهانه حدودک آره یرنده بزدن عسکر نامه برفرد قالمیه رق جمله سی آردهان استحقاقانه طیقور قالور. بزه بر مأمورک کوره چکی ایشک طبقاته تقسیم اولنسی لازم کلور ایسه صوک طبقه مآذونیتک او مأموردن کتم ایدلمسی اقتضا ایدیور. زیرا، قورقیلور که صوک درجه صلاحیتی ایلک خطوه حرکتنده کوزه آلدیرر و بدایتله نهایت بیننده بالطبع بولنسی ایجاب ایدن استاسیونلرده قالدوده درجه درجه وظیفه تدریجیه سی ایفا اتمک سزین بزدن بده اوجدن حسیضه نزول ایدر. و یا خود حسیضدن اوجه چیقارده ذات مصلحتک وجودینه بلاموجب ضرر لر ایراث ایتدیرن. مثلا برضابطه، قوماندانی طرفندن امر اولنور که؛ شوقدر عسکرله فلان یرد کیت؛ دشمن کلیرده مدافعه ایدمه جکک مقدارده اولدیغنی آکلار ایسه ده فلان یرد چکیلرک اوراده مدافعه ده بولون. شاید اوراده ده بارینه مز ایسه ک ارضک، موقعک حاله کوره بشقه بریر اختیار ایت، پک ناچار قالدیغک حالده صوک درجه ده اوله رق کل بزه ملتحق اول و یا فلان یرده کی قوتله براش؛ ایشته بوصورتله صوک ایشی کوستریلان ضابطاندن بعضیلری بیک درلو یلان دولانلرله اورته یرده کی وظیفه لک هیچ بریسنک سمته اوغرامیه رق تهلیکه سز اولان تاصوک وظیفه نك اجراسنه قوشییور و هپسینی ده یابدیمده بر درلو کوزیمه کسیرمه دم و یا اویدیرمه دمده صوک وظیفه می ایفایه مجبور اولدم دیور.

انک ایچون بومثللو وظایفک اجراسنه مجبور اولان ضابطمز، برقلب جوهر داره و بر باصره ذات الاعتباره مالک اولمیدر که مأموریتک موضوعنی، غایتی و بونک امور عمومیه ملت و دولته رتبه تعلق و مناسبتی بیلسونده، ایجاب حال و حکمته توفیق معامله ایله سین. اشته بویله بر جوهر قیمتدردن ده صوک درجه مآذونیتی کتم ایدیلور ایسه، اول ذات کامل العیارک قدری بیلشمش

حاله کوره
مطالع

اولور و یاخود مأمور ایضایی اولدینی ایشده موفق اوله مامسنه ویا قربان اولوب کیتمسنه . آمرک قدر ناشناسانه معامله سی سبب اولمش بولنور .

زا کیم قریه سنده بولندیغمز آوانده ، قصاب حسین پاشا باش قوماندان پاشایه هرکون دشمنک حالندن معلومات ویریور وهر حالده استحکامات ایچنده مدافعه دن بشقه چاره قالدیغنی یعنی وظیفه نك صوگ درجه سنه مراجعت اولنق اقتضا ایده جکنی بیلدیریور ایدی . اوچ درت کون صکره ینه آرده اندن کلان برتحریر اتده ، دشمنک بوکون فلان یره کلدیکی وهنوز اوزاقلرده طولاشمقده ایدوکی وفلان محلی اردوگاه اتخاذا ایلدیکی وسواریسنک استکشافات ایله مشغول اولدینی بیلدیرلش ایکن ، اندن برکون صکره کلان تحریر اتنده ، دشمنک نفس آرده انه تعرض نیتده ایدوکی و فرداسی کونی آلتان مکتوبده ، دشمن آرده ان استحکاماتنه چاته رق حربه باشلانیدیغنی تلاشلیجه بر صورتده در میان ایلش وینه اوصرده قارص جهته ده کی دشمن اردوسندن بر مقدار قوتک آرده ان طرفنه کچمکده اولدینی دخی بزم بولندیغمز موقع دن تحقیق قیلنمشدر .

شوحالده آرده انک ایشی مهملشمش و سوار ی پوسته ونقطه لری واسطه سیله هرکون مکتوب آلتق معناد ایکن ، فرداسی کونی بر خبر ظهور ایتماش اولسی ، مطلقا آرده انک محاصره ده صیقیشمسندن ایلری کلدیکی معناسی ویرملکه برابر ، دشمنک قارصده یاپدیغی کبی اوزون اوزادی یه محاصره عملیاتیه مشغول اولمق سزین آرده انک اوکنه کلوبده سلام علیکم دیر دیمز همان استحکاماتنک اوزرینه هجومی کوزه آلدیرمی شایان دقت وهر حالده قارصه شبیه طویمه رق آرده انک حالندن وموقع دن امیدوار اولدیغنه دلالت ایدر بر حرکت ایسه ده ، بو هجوم عملیاتی یایمق ایچون دخی محاصره اسبابی وکشیفاتی لایقیه وجوده کتورمی مقتضی ووده برقاج کونلره محتاج اولوب اومده دک شورادن بورادن عساکر امدادیه استحضاری چارده سی ، مختار پاشاجه بر موقع مهم مطالعه ایدی . بونکله برابر ایچنده بولندیغمز موسم مایس اینک ابتداسی اولوب ، طاغیر مسافر لینه مساعد ایتکه باشلامش و آرتق صوغالی کچیدلری هرکسه یول ویرمش اولدیغندن بوندن صکره بزم فرقه نك زا کیم کوبنده قالمسی جائز اوله من ایدی . شوحالده حالمزه چاره و آرده انه امداد و اعانه کبی حیولت ایدن ایکی اهم مهمامه قارش ی ایکسهنده بر آنده و بر زمانده تدابیر لازمه و سریعه تحری اولندیغنی ائنده

صوغانلی طاغنك اوته طرفده وپاسینلر جهتی كچیدلرنده شاهین پاشا قومانداسیله بولان آلتی طابورك ایکیسی ینه او كچیدلرك محافظه ونظارتنده برقرالتی کوسترمکله برابر ارضروم ایله بزم و بزمه الشکرد فرقه سنك مواصله منزی تأمینه براقیله رق، اوست طرفنده قالان درت طابورك بزه اتحاق ایتمك اوزره صوغانلی طاغنك اوزرنده واقع هنكار دوزینه کوندرلسی شاهین پاشایه یازلدی .
چونكه پاسینلر جهتده کی شاهین پاشا لواسی بزم، همده الشکرد فرقه سنك مؤمن مواصله سی حکمنده وبوایکی فرقه نك احتیاطی مقامنده ایدی .

برده دشمنك حاملی طریقه و (آراس) نه ری بویله قره قورودتن پاسینلر قضاسنه چیقہ بیلمسی ملحوظ اولمق ملاسه سیله، فرقه مزك الشکرد فرقه سیله مواصله سی تهلکه ده بولنیوردی . بوتله کنگ برطرف ایدلسی، اویولك پاسینلره منتهی اوله جق آغزلرنده واقع قره قوروت وسائر کبی مواقعك مدافعه سنه وبومدافعه ده برقاچ طابورك وجودینه محتاج اولوب، اورتالقه ایه احتیاط اوله رق، طوبی طوبی شاهین پاشانك آلتی طابوری اولدیغدن بو طابورلرك برقاچی، بزم فرقه دن شوكت پاشا قومانداسیله آردهان آوندیله جك اولان طابورلرك قوتمه ایراث ایده جکی نقصان سببیه یا مزه آندرق ایکی طابورده حاملی یولنك مدافعه سنه براغلدی . شوكت پاشایه دخی اقتضا ایدن تعلیمات ویریله رك فرقه دن بش طابور ایله آردهانك امدادینه قوشدیرلدی .

برده اوتهدن بریدن کله جك اولان عساکر مستحفظه وپراکنده اوله رق طابورلردن قالمش اولان افراد عسکرینه دن هر نه طویلا نیله بیلورسه، انلرك ارضرومده طابور شکله قونه رق و محاربه یرنده کی طابورلردن بعض ضابطان ده ایستیله رك عسکره ممکن مرتبه صاغ وصول حرکتلری وسلاح استعمالی صورتی اوکرده دلد کدنسکره، انلرك آتیا اشعار اوله جق محلله سوق، ارضرومده کی قوماندانك تعلیماتی مقتضاسدن ایدی . بووقته قدر ارضرومده ایکی طابور قدر عسکر وجوده کتورلمش اولدینی بائخبره آکلاشیلدیغدن، بو عسکر کده اردو مجلسی اعضاسندن میر آلا ی حق بک قومانداسیله آردهان امداد اولمق اوزره هان چیقارلسی لزومی ارضرومده تاغرافله امر اولدی .

آردهان بزم آره یرمزده کی مسافه نك هان یوز کیلومترو، ترکیه سی یکر می ساعتدن زیاده بعدی اولوب شوكت پاشا قومانداسیله چیقاریلان طابورلر پک عجله اوله رق کیدرلر ایه، ایکی بجق نهایت اوچ کونده واصل اوله جقلردی .

شوکت پاشا کیتد کدنسکره عنتار پاشا حضرتلرینک نزدنده قالان درت طابور
مایسک برنجی کونی کندیسیله برابر هنکار دوزینه چیتدی . درت طابورده
اوکون شاهین پاشا رفاقتدن کادی . شوخالده هنکار دوزنده کی طابورک عددی
سکر اولدی وموقعک ایجابنه کوره تعینه ایدلدی .

آردهانک دشمن
آله دوشدیک
خبرینک ورودی

وا اسفا که شوکت پاشا بزمه آردهانک مایینده واقع « پنک » ناحیه سنه
واصل اولدینی ساعتده ، تصادف ایتدیکی قاقچین عسکر دن آلدینی خبره کوره ،
آردهان دشمن آله دوشمش وایچنده بولنان عسکر . یالکز (چام) و (اردنوج)
طریقیه وقوماندانلری قصاب حسین پاشا ایله ایوانایه طوغری کیمش اولدقلری
وبویاده خبر واحده قناعت اتمیه رک مختلف منبعلردن آلدینی معلوماتده ، ایشک
صحیحاً بویله اولدینی لایقیه آکلاشادینی ، شوکت پاشانک وارد اولان مکتوبنده
بیلدیرلش اولمسی و آردهانک کرچکدن دشمن آله دوشدیک ، درسعادت طریقیه
وتلغرافله خبر آلمسی اوزرینه ، آرتق شوکت پاشایه رفاقت موجوده سیله هنکار
دوزینه کلوب ینه بزه التحاق ایلمسی امری یازلدی .

آردهانک امدادینه کیمک اوزره ایکی طابورله ارضرومدن چیقاریلان
حق بکده دمنجک اسمی کچن (پنک) ده شوکت پاشا ایله برلشمش ایدی .
بو حق بکده شمیلک (پنک) ده قالمسی وشاید دشمن اوطرفدن تجاوزایدرسه ،
ارضرومه طوغری رجعت ایتمی واکرچه کلهجک اولان دشمن قوتی اوفق
تفک برکشف قولی وسائر کبی برشردنه دن عبارت ایسه ، بزم طابورلرک موقعی
طار ربوغاز اولوب بحوله تعالی مدافعه سی سهل اولدیغدن ، اوراده ، دشمنک
تجاوزینه میدان ویرلیه رک مدافعه ایدلمسی واکنی بوش بولدیغدن طولانی ایلری یه
یوریمسنه سبیت ویرلیه رک بیهوده یره اراضی ومملکت چیکتدیرلماسی ، الحاصل
موقعک وحالتک ودشمنک قوتنک وکندیسنک حیمتک ایجابنه کوره حرکت
ایلمسی امر اولندی .

لیوانه جهتنه دوشمش اولدینی بالاده بیان اولنان آردهان قوماندانی قصاب
حسین پاشا ، رفاقتنده موجود اولان عسکر ایله ارضرومه جلب اولته رق ، عسکرک
تنظیمی وضابطلری منحللرینک تسدیدی ایله عسکرک عسکر دینهجک برحاله
بکزدلمسی ، ارضرومه مشیریت وکالتنده واورانک قوماندانلغده بولنان اردوی
همیون مجلس رئیس جراح پاشالی فریق احمد فاضل پاشایه یازلدی .

آردهانن چي قمش اولان عسكرك ارضرومه كيتي موبده، آردهانله و خصوصيه مواقع عسكري دن هيچ بريسيه نعلق و مناسبتى اولمان تايوانيه قدر كيتلري سبي، آردهانله ارضروم آردسندكي طريقك دشمنله قبالى اولق و بو جهته ايكنجي بر بلايه دها چاتماق احتماله و كنديلرينك ادامه سلامتلى مطالعه سنه منيدر.

آردهان جهتسده بالذات بولنديغ جهته واقعات حرييه سنى كوزمه كورمديكم دن طولاي اولابده و يره جكم معلوماتك سامى اوله جنى طيبيدر. ماتك ايشه يارار ايچنده بولنديغمر محاربك و قوعندن برقچ سنه اول دخى بعض اصحاب صورتمه اولامى وقوف و معلوماتن ايشديكمه كوره، آردهان استحكامى بهوده يره ياپيلوب بوقدر امك و پارلر صرف اولنيور. زيرا آردهانك موقعى سقطدر و مدافعه سى غير قابلد يرلر ايدى. حتى محاربك و قوعندن ايكي سنه اول مختار پاشا حضرتلري هم آناتولى اردوسنك مشيرى، هم ده ارضروم ولايتك واليسى ايديلر. ولايتك ملحقاتندن و مواقع مهمه عسكري سندن بوللق جهته قارص و آردهانى كورمك اوزره اورالره كيتديكسده ينه مركزك ديوان تميزنده مأمور ايدم. هم كنديسك يازى ايشلرينه باقق، هم ده ملحقاتده كي محاكم نظاميه نك قيودات و معاملاتك يوللى و يولسز لغنه واسطه عاجز نهمله مطلع اولق اوزره فقيرى دخى رفته قتلرينه آلمشرايدى. ايكي اوچ كون قدر آردهانده قالديلر؛ استحكاماتى كوزدن چيرديلر. شهرك اطرافنده كي تپلر، مسلسل و متصل و هر برى آخري نك موجود اولان حواله سنك تحت حكمنده اولديغندن. اوراسنك مدافعه و محافظه سنك كوچلكنى مشارالهدن و سائر ايشه عقلى ايردن عسكلردن ايشيدير ايديسه مده بوقدر چابوق غيب اولسنى ده بدرلو تصور ايده مزايديم. اردومزك بتون اركان وامراى عسكريه سى دخى بو ملاحظه و تصوره بولنيورلر ايدى.

ايه! مادامكه ايش بويله ايدى؛ اوله چوروك بريده بوقدر امكلر صرفيله استحكامات جسيمه وجوده كتورلمسند نه معنا وار ايدى؟ نيچون بشقه مناسب برير انتخاب اولمدي؟ سؤال اعتراضك جوابى ارضروم استحكاماتى اوزرينه ترتب ايدن مطالعه صره سنده آشاغيده يازيله جقدرد.

وقتاكه دشمن برنجى كون يعنى حسين پاشاك بزه صوك مكسوفى يازدينى كون آردمده ندى ۱۴. امير اوغلى استحكامك اوزرينه حواله سى بوزان شهيدك تپه سبه طوبلرني و عسكرنى تعبيه ايمكه برابر زياده مقدارده اولان طوبلرني امير اوغله كوله ياغدرمق ايشه حصر ايدرك آرقه سندن ده ببادديى هجومه باشلادير. امير اوغلك

ره نك تعبيه
و استحكامات
سوفى

ایکی طابور پیاده ایلہ محافظہ سندھ بولان قبودان میر آلالی محمد بک رفاقتندہ کی جماعتلہ برابر پک کوزل ثبات ایدرلر۔ هیچ تلاش ایتہرک متینانہ وصابرانہ مدافعدہ بوانورلر؛ چونکہ دشمنک بو هجومی بزم عسکرجه دها ایلک دفعہ اولہرق کورلمسی جہتلہ اولبابدہ تلاش کوسترلمامسی شایان ممنونیتدر۔

امیر اوغلی علیہ اولان تعرض و هجوم اقشامہ قدر دوام ایدر۔ دشمنک اصل نقطہ هجومی بوامیر اوغلی تہسیلہ، امیر اوغلیک صاغی ایلرینسندہ کی تہجکلرہ یاپلش اولان بزم موقت استحکاماتہ قونلش اولان پیادہ لری دشمن مہاجلری پوسکور دیر۔ آنلر امیر اوغلندہ بولان طابورلرینہ التحاق ایدرلر؛ دشمن دہ او استحکاماتی ضبط ایدر۔ فرداسی کون دشمن طوپلرینی ضبط ایتدیکی تہلرہ تعیہ ایدرک برطرفدن جنرال دوول دیگر جہتدن جنرال ہیمن امیر اوغلی کوز آچدیرمہ جق درجہ دہ طوپلہ تضیق ایتکلہ برابر پیادہ هجومندہ باشلاتدیرلر۔ امیر اوغلندہ کی طوپلر مقابلہ دن قالیر۔ تلفات چوغالیر۔ اقشامہ یقین دشمن هجومی صقیشدردینی کبی بزم عسکر دہ طابوہ دن فرایاہرق و طاغدن اشاغی دوکیلرک اوودہ بولان سنکر وقیا باشی استحکاماتہ التجا ایدرلر؛ دشمن دہ امیر اوغلی ضبط ایدر۔

ایرتہنی کون دشمن سنکر وقیا باشی استحکاماتہ توجه ایدوبدہ بر قاج طوپ آندینی کبی اورالردہ کی عسکریمز بر زور و هجوم کورمدکلری حالہ بیلہ ترک موقع ایلشلر و شہرک ایجنہ طالب کیتمشلردر۔ عسکرک استحکاماتدن بوشاندینی کورن دشمن قوماندانی بر نعمت غیر مترقبہ مظهر اولدینی بیلہرک عسکرینی ایلری یہ سوق ایلہ بوایکی استحکامازی ضبط ایتمشدر۔

آردہانک حکومت قوناغٹ اوکندہ و «کور» نہرینک اوزرندہ تقریباً اوچیوز مترہ طولندہ بولان بر اخشاب کوپری اوزرندن دہشتہ دوشمش اولان اہالی و بوزغونلق سبیلہ اہالی و عجزہ حکمنہ کیرمش اولان عسکر بری برینی ایتوب قاقہرق خنجاخنچ کچرلرایکن کوپری یہ دوشورلش اولان برایکی دشمن مریمسی کوپری نی یقہ سبیلہ اہالیدن و عسکر دن وچولوق چوجقدن اکثریسی صویہ دوکلش و یکیمسی غرق اولوب کیمی دہ یوزہرک ساحل سلامتہ چیقمشدر۔

اوصردہ علی ماحشر اللہ عالم بر برینہ قاریشمش اولدیندن کیم کیمہ، قوماندایہ قولاق اصان کیم! قوماندان نرودہ! باقی استحکاملر نہ حالہ! بوراسنی آکلامقدہ

وبیلمکده آک کسکین کاهنلرک بیلله تلاش سببیلله اظهار عجز ایددجک برحاله
گلش اوله جقلری شبهه سزدرد.

خالقه وعسکره برکره اور کوتی کادیمی، تدیر فلان آلدن چیقیور؛ قوماندای
وامرونی دیکلنمیور... الله کوسترمسین! انسان اور کوندیسی، چوبانک اوکنده کی
قویونلرک قوردی کورملریله حاصل ایتدکلری اور کوندیدن ده فنا بر صورتی
آیور. کوزمزله کوردیکمز شیلرک آتیده حکایه سی ائسانده در میان اولنه جی
وجهله، اوله بر وقته عقلر وجود اوزرنده حاکم اوله میور؛ تکمیل عقلر
تصرفات بدیهه دن آل چکیور. میدان، پادشاه و همک قوماندانلری اولان خوف
وتلاشک هوسانه آچیق قالیور. اوله بروقته انسان کار و ضررینی دوشونوب
موازنه و حساب ایتک ممکن سزدرد. خالقه صحیحاً سوز و نصیحت کار ایتدیکی کبی
تهدیده دخی قولاق ویرلیور؛ هر کس کأنه مأمور ایتش کبی کنديسنک موقع هلاکته
قوشه رق کیدیور. بر عسکر قوماندانی ایشک بودرجه یه کتیرلما سنک اولدن چارده سنه
باقی یوقسه اور کوندینک حصولدن صکره اوغرا شمع بوش بره بر غیرتدن عبارتدر.
کرار آ اولنان تجربه لر دن حاصل اولان نتیجه یه کوره، عسکر ایچنده بوزغونلق
ابتدا بر آدمدن ظهور ایدیور. نفرک بریسی خط حربدن کری یه فیرلا یور
ویاخود خیفجه اوله رق برهانه یله صاووشیور. آنک در حال چارده سنه ضابطلر
طرفندن باقلمز ایسه، عقیباً ایکی اولیور، اوچ اولیور، بش اولیور؛ دیرکن عسکر
بردن بره اولدینی یردن عمومیتله اورکه رک، دشمندن یوز چویروب قاجغه
باشلیور. آرتق اوصرده ضابطلر دخی اوکلرینه کچه جک اولسه چیکنه نیور.

حتی کورولمز می که، بزم سفردلر مزده بیلله هر کس یمک یمکله مشغول ایکن
سفردن قالدان بریسنه «اوتور اردو بوزانلق ایتمه» دیرلر. یعنی سفرد باشنده
تشکیل ایتدیکمز خالقه اتحادده رخنه ویرمکه، تفرقه شیطانیه جمعیتمز ایچنه
اوکدکن رهیاب دخول اولما سین دیه، او شخص مخالفی، آرقداشلری توبیخ
ایتمک ایستلر. یمک که اردولر، بر آدمک کری یه دومی سببیلله بوزومغه بدآ
ایتمسه، خمیره طینی عسکرلکه یوغورلش اولان عثمانیلر نظر نده بو سوز
ضرب مثل حکمنی آلاز ایدی.

بنا علیه عسکر حرب ایدرکن، برویا ایکی نفرک خط حربدن کری یه کادیکنی
ضابط کورورسه، بوجالانی بر علامت دکدن، نه یابوب یابوب در حال آنلری کری یه

چویرملی و امریخی دیکلندیردمن و باشه چیتهمز ایسه، علت سرایت ایتهمسین دیه،
عجالةً انلرك جاننه قیلملی در. ظن ایدرمکه، حکمت و نظریات عسکریه نك
ویا خود فن حربك تعریفی ده بویله در.

الحاصل الحذر! الحذر! صف حربدن بر ویا ایکی نفرک عذر سز اوله رق
کری یه کلمنی ضابطی نظر امال و امهال ایله کورماملی. اگر ضابط بوباده
که وشك طاوور انیر ایسه، چاریك ساعت صکره اوکنده کی آتش خطنده برنفرک
بیله موجود بولنه میه جغنی محقق بیلملی در. یا او صرده ضابط، قور شوندن سالم
اولان بر طرفه سینمش و آغاه قالمغه ایاقی قالمش و یا خود صاقلاندینی موقع،
عسکرک حانی و آتش خطنی کورده من بر حالد بولمش ایسه نه یا ممل؟! او وقت ده
آردهان کوپر بسندن ایشته بویله پاتیر کوتور صویه دو کولمی و ناموس دولت
وملتی آیق آلتنه آلمیدر.

یا صاحب السعادة علیه کمال التحیه افندمن حضرتلری فرار عن الزحفی یعنی
خط حربدن کری یه قاققلنی نیحون متممداً آدم اولدورمکه مساوی کناه کباردن
عد بیور مشلر؟؟ حکمتی؟ امت مرحومه نك آیاقلر آلتنه چیکنتمسنه بومثلو
فرار بلرك سببیت ویردکار نیحون دکلی! چونکه او فرار ایدن آدمک فکرینه
ساری برخسته لق طاری اولمش؛ چارده سنه باقلماز ایسه جزئی برمدت ظرفنده
خسته لق سرایت ایدرك ایش عمومیلشیر.

حتی «جامع الصغیر» ده سنن أبی داؤددن نقل ایله ابن مسعود رضی الله عنه
حضرتلرندن مروی شو حدیث شریفی کورمشیدم: (عَجَبَ رَبَّنَا مِنْ رَجُلٍ غَزَا
فِي سَبِيلِ اللَّهِ فَانْهَزَمَ أَصْحَابُهُ فَعَلِمَ مَا عَلَيْهِ فَرَجَعَ حَتَّى أَهْرَيقَ دَمُهُ فَيَقُولُ اللَّهُ عَزَّ
وَجَلَّ لِلْمَلَائِكَةِ انْظُرُوا إِلَى عَبْدِ رَجَعَ رَغْبَةً فِيمَا عِنْدِي وَشَفَقَةً مِمَّا عِنْدِي حَتَّى
أَهْرَيقَ دَمُهُ) او کمال مال عالیمی: جناب حق فی سبیل الله غزا ایدن اول آدمی
بکه نیر، یعنی اول آدمدن راضی اولورکه، اثنای محاربه ده آرقداشلری منهزماً
صاووشدقلری صرده اوزات عهده سنه او آنده ترتب ایدن واجباتی بیلیر وایقا
ایدرده اکا کوره رجعت آیلر ورجعت ایدرکن ده قانی دو کیلور یعنی شهید اولور.
اولوقت حضرت الله ملائکة کرامه خطاباً بیوررکه: [باقکر شو قولمه که، بنم
رضای شریفمه رغبه کور یله جک ایشنی کوردکن صکره رجعت ایدر ایکن قانی
دو کولدی.] سکان ملاء عین زنده دخی اول شهید و حیدذ کر خیر ایله تمجید اولور.

بوباده بر حدیث
شریف

شرح حدیث دیورلرکه : « آرقداشلی منہزماً صاووشمن اولدقلری
 حالده ، بر آدم ، بولندینی موقع وحاله نظرآ محاکمہ امور ایدرده اوصرده
 کوریلہ جک برایش وار ایسه ، آتی یاپار ایسه ، یعنی ، یادشمنہ ضرر ایقاع
 ایدہ بیلیمک ؛ ویاخود رفقاسنک وعموم ہیئت اسلامیه نیک خیر ومنفعتی موجب
 اوله جق درجہده بر فرصت الوردیرمک یوللرینی مطالعه ایلہ وقایہ مضاحت
 ایچون ایجاب ایدن تدابیری اجرا ایتمک املیلہ موقع حربده بر مدت تأخر
 ایلر و صکرده رجعت ایدر ایکن شهید اولور ایسه ، تحسین وستایش
 رب مستعانی قزائیر . »

ایشته فن حربی بوحدیث شریف اجمال ایلشدرم بر محاربده بر قوماندان ،
 بر آمر ، بر ضابط ، بر نفر ایجاب حالی بیلوب اکا کوره طاور اتملیدر .
 کندیسینی تلاشه قاپدر میوب بولندینی موقعده لایقیله تفکر امور ایلہ ، عجبا
 اوصرده بحالہ رجعت ایتیمکی منسوب اولدینی ہیئت عسکریه نامنه خیرلیدر ؛
 یوقسه اوآندہ حادث اولان برایشی یاپرق بعدہ کری یه کیتسکی منفعتلیدر ؛
 ایشته بوواجباتی ایفا ایدن آدم ، وظیفہ مقدسه سنی کبایلق اجرا ایتش دیمکدر .
 آرتق دنیاده قالسده قلمسه قزاندینی شرف و مزیت اکا کافی ووافیدر .
 رضی الله عنهم ورضوا عنه .

تکمله مطالعه
 ووقوعات

دشمنک هجوم ایچون نقطہ حقیقه اوله رق امیر اوغلی کچی عموم استحکاماته
 نظارت وحوالہ سی اولان بر موقعی انتخاب وتعیین ایتسندہ حق واردر . زیرا ،
 امیر اوغلی ایلہ رمضان اوغلی تپہ لرندہ کی استحکامات ایتیزده اولدجه ، کندیسینی
 اووه یوزندہ بولان سائر استحکاملری کاملاً ضبط ایتسه بیلہ بارینه مامسی اقتضا
 ایدردی ؛ لیکن ایش انک خلافتہ اوله رق ظهور ایلدی . اوتمدینی یردن باب
 خلفرک آجیلمش اولدینی کوردیکی کچی عسکر مرکز وضابطر مرکز حالی بوندن
 قیاس ایدرک ، آرتق رمضان اوغلی تپہ سندنده کی استحکامک ایراث ایدہ جکی
 کوجلکی قطعاً حسابہ قائمہ رق هم استحکاملره وهم شهره ، ایکسہ بردن کیردی .
 رمضان اوغلندہ کی طابور مرکز ایلہ قوماندانی ، کندیلرینک دنیاده موجود
 اولوب اولدقلرینی کوسر مکسزین عموم عسکر مرکز سلاح صاغ اوموزده ایدوبده
 آردہانی ترک ایلہ یالکز (چام) طریقی طوتدینی آئاده ، ینہ قوماندان حسین
 پاشانک کوندردیکی امر او زرینہ ، رمضان اوغلی استحکامندن بولان قوماندان ،

طابورینی و طوبجیسیرینی آلهرق بوزغون عسکرک جمعیتہ التحاق ایله ہپ برلکده (اردنوج) قضاسنه متوجہاً چیقوب کیتمشلردر .

آردہاندہ کی
ضایعاتر

آردہاندہ بولنان امرای عسکریدن میرلوا علی پاشا اسیراولمش وینہ، ضبطیہ نفرلکندن یتیشہرک آلائی بکلکنہ واورادندہ ہر نسلہ عسا کر نظامیہ میرلوا لغنہ ارتقا ایتمش اولان و بواوراق تسوید ایلدیکم ائنادہ فریقلق رتبہ سیلہ بشکطاش محافظی بولنان حسن پاشادخی آردہاندہ کی ایش ارلرینک بری ایدی! مومی الیہدہ باشندن جزئجہ یاردلی اولدینی حالده [*] بوزغون عسکرک ایچنہ قاتیلہرق سائر امرا و ضابطان ایله برابر لیوانہ یہ قدر کیتمشدر .

بوضابطانک بعضیی، دشمنک بقیہ السیوفی عدا یدلکہ شایان اولان برعسکرک و برہیئتک ایچندہ بولملرندن طولانی حاصل اولان عاروخ جالتک سوقیہ، یوللردہ کی کویلردہ اہلی نظرندن استتار واحتجاب ایدرلرمش! حتی (لیوانہ) قصبہ سنہ داخل اولدقلری کون، کرک عسکر و کرک ضابطان، قادیلردہ وارنجہ یہ قدر اہلیدن حقارت آمیز پک آغیر سوزلر ایشیتمشلر . اکثریسی مسافرتاً اقامت ایتدقلری یردہ کندی کندیسنی حبس ایدرک سواقہ نیلہ چیقماز اولمشلر ایش . بونلرک ایچندہ آناسندن باباسندن [اللہ اوتاندیرماسین؟!] دغانی آلا نلردہ، کویا ہیچ برشی اولماش و بلکہدہ، بالعکس روسیہ نکجسم برموقع مستحکمنی ضبط ایتمش فاتحلر کی عالمہ طفرہ وچلم صاتمقدن حیا ایتزلر ایش! .

آردہاندہ بولنان ضابطاندن استحکام بلوکی بیکباشیدی احمد بک، فنا حالده سرخوش ایکن - ینہ دشمن عسکری طرفندن - آردہان سواقلرندن بریسنک ایچندہ اولدیرلمشدر . یاردلی وشہید اولہرق عسکردن، بشیوزنلردن زیادہ تخمین اولنان امت محمد وخستہ خانہ ایله ایچندہ کی موجود جماعت و تکمیل آتبارلر وقیشلہ واستحکاملر ایله مملکت و بوقدر املاک میریہ و سکسان قطعہ قدردہ - لوازماتیلہ برابر - بیوکلکی کوچکلکی طوپ دشمن ائٹہ دوشمشدر .

آردہان نیچون کیتدی؟! آہ! شمدی آردہان بزم قورق دینغمز و جہاہ موقعک واستحکامک فبالغندن می کیتدی، یوقسہ ایچندہ آدم دینیلہ جک قدر ضابطا اولدینغدن می؟! اگر استحکاماتک

[*] کناہی رفقاسنک بوینہ اولسون . ایشیدلدیکنہ کورہ حسن پاشانک باشندہ کی جریحہ آردہاندن قرار ایدرکن آنالائق ایجاب ایدن بر دیوارہ باشنک طوقا تیش اولسیلہ حاصل اولمش ایش! فقط جریحہ نک آلت نافذہ وقاطعہ دن ایلری کلش اولدیننی وازیچی برشیدن حصولہ کلدیکنی، دوقورلرک اخیراً خبر ویردکاری ایشیدلسنہ نظرآ روایت واقعہ ہرحالہ شایان بحث ونظردر .

سقامتدن ویا مدافعهیه صالح بر نقطه اولدیغندن نائی کیمسی اقتضا اید ایدی
بوقدر اوجوز و باد هوا و تیز کیمیه جکدی. اولدجه برقچ کونلر طیانہ جقدی.
(آزدن آز اولور، چوقدن چوق) ضرب مثل مشهوری اقتضاسنجه، ولو
محافظلاری اون طابور پیاده اولسون، بواون طابورک مقدار نجه دشمنه خسارلر
ایراث ایتدکن و کندیلری ده غیرت و اقدامک صوک درجه سنه واصل اولدقدن
صکره اللهک امرینه راضی ز دیه بیلرلر ایدی.

واقعا صکره ددن قوماندان قصاب حسین پاشا ایله بعض امرای عسکر ددن
طرد ایتدک؛ رتبه لرندن تجرید ایدک کورکه قویقد؛ نفی آیدک؛ شونی یایدق،
بونی یایدق اما؛ ایستر ایسه ک بعضیلرینی و یا جله سنی آتسه یاتهم، قورشونه دیزدم؛
دولتک وملتک وجودینه آچیلان زخمی تعمیر و قیریلان عضوی جبر ایتدکن
صکره نه یاپار ایسه ک یاپ!

«علاج واقعه پیش از وقوع باید کرد» عربلرک دیدیکی کبی: (للحرب
رجال وللثريد رجال) منطوقجه هرايشك اهل و ار. محاربه نك وقوعدن اول
ضابطانی واهلی اکا کوره یتشدر میلدر. بنم ایشیتدیکمه کوره بوحسین پاشا،
آردهانه قوماندان نصب اولدیغی صروده، دها استانبولده ایکن کندیسینی اوایشه
تعیین ایدنلره، (آمانک جانم بن بجردهم، عسکر قومانداسی بنم آلدن گلز؛ زیرا
وجودجه معذورم) دیش ایسه ده، کندیسینی مقتول سرعسکر حسین عون
پاشانک باجناسی اولوب سلطان عزیز مرحومک خلعهنده مکتب حریه نك داخلیه
مدیری اولق و مکتب ایسه، و تعه خلعتک اُک مهم ارکان اجراییه سندن معدود
بولمق حبسیله، پاشانک استانبولدن تبعیدی، او عصرک پوتیقہ سی! ایجابندن
اولسیله؛ سرعسکر ردیف پاشا، حسین پاشانک رجا و بیاناتی بیناز عذری مقامنده
طوته رق قطعاً انتفات ایتامش؛ و آردهانه قوماندان نصب ایدرک استانبولدن چیتار مشدر.
ایه! شمدی قباح کیمده! حتی فقیر مختار پاشا حضر تلرندن ایشیتدیکمه،
بوقصاب حسین پاشا، قره طاغ جهتند ینه مختار پاشا قومانداسنده کی عسکرک
برلوا سی قوماندانلغده بولتور ایکن، فوق العاده جیانتیه اشتہار ایتسه مبنی اورادن
استانبولده دفع ایتش ایتش. ینه بوحسین پاشانک ایجه احواله واقف اولانلرک
روایتیه کورده، بیامم نه وقت وتره ده، بونک باشه بر آفچ بارجه سی و یاخود چادر
دیرکی دوشمرک بیتده بعض تبدلات و فالفار وقوع بولش اولسنه مبنی تام المشهور
۶ — باشزده کلانلر

قوماندان قصاب
حسین پاشا ایله
رفا سی حتندہ
برقچ سوز

اولدیغنی کندییی سولدیکی کبی طیبیلرده اویولده شهادت ایدرلر ایتش . هر نه ایه : تجاوزالله عن سیئاتنا .

بونک حالی ایشته بویه . اوتکی نازنینم حسن پاشا ایه ، عمرنده عسکرلک ایتماش ، قوماندانل ایدیلر بیلمز . حرب نادیملر ؛ بوامر مهک نردسندن کیریلر ، نردسندن چیقیلر هیچ خبری یوق !! . مجرد برائی ضابطه مأموری اولدیغنی ایچون برائی عسکر اولمی لازمکلر میدی که آردهانلر لواقوماندانی تعیین اولندی !! . علی پاشایه کنتجه : اوده گوشه بوجاقده ایلدشوب قالمش و مجلس اعضاغلنده واداره ایشلرنده زمان کچرهرک ترفیع مراتب عسکریه ایتش عاجز ، فقیر باختیار اولوب ظن ایدرسم بومحاربهیه کنتجهیه قدر بالذات عسکر قومانداسنده بولنش آدم دکلدر . شمدی بوحالک مسؤلیتنی کیمه یوکلتیردم ؟ ! قاعده واصولسزلقدن بشقه قبول مسؤلیت ایدرجهک اورتهده بر مقام کوردهمدیکم ایچون بالضروره بوحمل قیالک دخی انک مسمار مطاوعتنه تعلیق اقتضا ایدر .

بونلرک ایچند ، یالکز امیر اوغلنده کی قوماندان میر آلائی تپودان محمد بک وار ایدی که اوده الله ایچون عهدسینه ترتب ایدن وظیفهنی ایفاده قصور ایتدی . باقی قائم مقام و یکباشیلرکده رتبهلری و بعضیسنکده وظیفهسی ایجابجه ضررلری و کارلری محدود قاله مز ایهده ، بیوک امرانک احوال مرویه وثابته لرینه کوره انلرکی پکده لسانه آلهجق درجهیه وارده مز .

برده دشمنک تجاوز حدود ایتسنی متعاقب کابوس بلا کی بردنبره اوزر لرینه یوکلنمش اولدیغندن . بالضرع عارض اولمی اقتضا ایدن شاشقیلغک تأثیریه بعض جوهرلی ضابطانمزک دخی طاورانه مامش اولمی مأمول ایهده ، حقیقتی یوقازیده دیندیکی وجهله . بوعسکر آردهانک محافضهسینه کافی دخی اولسه ایدی ، مادامکه بیوک قوماندانلری اوخلنده وسائر ضابطانده حالاً و خلقاً و نشأً غیر مستحسن ایدی ؛ ینه آردهانک باشه کلهجک مصیبت یوندن بشقه اولیه جقدی . ضابطانک ایچنده اهلیتلی اولانلرده اهلیتسز یتشمشارک حانه باتهرق یأسه دوشمش و ذاتاً برایش کوروله میه جکندن آمین بولنش اولم لرینه مبنی انلرکده وجودندن استفاده ایدیله میه جکدی .

ضابطانده متعلق عمومک شهادتی و آتیده اوقونعجق حربلرمنزک دلائله معلومدر که ترک عسکرلی دنیانک برنجی عسکرلرننددر . لیکن باشی اوچنده آدم اولور و عموم ضابطاننی قانون وقاعده یتشدیرمش بولنورسه !

حتی مشهور کوپریلی زاده صدر معالی سیرت فاضل احمد پاشانک: [عساکر اسلامیة دشمنان یوز چویرمز؛ مکرکه باشی اوجنده همتلی وحمیتلی ضابطلی اولیه.] دستوری دایما تکرار ایدر اولدینی بعض تواریخده مصادف نظر محرر فقیر اولمشیدی. ککیش زمانلرده سوسلی سوسلی عسکر فورمه سی کیمک، عسکرز وصاحب امتیازز دیه چالم صائمق هوسیله عسکر اوله رق ضابطلکه نائل اولمش ذواتک مقدارلی، بالقاعده یورویه رک کندینسی مصلحته وقانونه انتخاب ایتدیر مشرک عددندن چوقدر. عادتاً بو ایکنجی طاقم یعنی مصلحتک وقاعدنک بیوتدیکلی ضابط، عموم دولت علیه اژدولرنده ثلث درجه سنده بیله یوقدر. دقت ایدرک کوردم که، اکثریا عسکرک ودولت وملتک ناموسنی بوزانلر، همان کسدرمه یولدن ترفیع رتبه ایدیم دیه نفوذلی جاری اولان ذواته عرض نسبت ایدنلر ویا خود اوده کی باجی سلطانه، سایه مده مدار فخر اوله جق وسائط استحضار ایدیم دیه، مافوقلرینه قارشی، شیطانلرک بیله خاطرینه کلیمه جک صورتده، مدهانلکی و خلوصکارلنی انعام ایلیانلردر.

بعض قلابزن
ضابطانه مثال

فقیر متعلقا تمدن برضابط، دئما خسته لغندن اردوده ایکن شکایت ایدر ایدی. «بردرلو آئی اوله میورمه؛ تبدیل هوا ایچون برقاق کون اذن آلسه کز» دیر طوریر ایدی. طیبیدن راپور فلانده آلمش اولدیغندن، تبدیل هوا ایتمک ایچون اون بش یکریمی کون قدر فرقه سی قوماندانندن رخصت آلدق. چیقدی ارضرومه کیتدی. فقیر خانه ده مسافر قالمش. تمام ایش بیتوبده یدی آئی صکره ارضرومه کلدی کیمده بو ضابطلی بنه بزم اوده بولدم. «الحمد لله وجودجه آئی اولدم اما، کوزلرم حالا آئی اوله مدی» دیه آغلیوردنی. صکره فقیر زاده دن حائی سؤال ایتدی کیمده چو جق دیدی که: «بوزات استدیکی وقت کوزلریخی آئی ایدر، استدیکی زمان فنا! نه وقت که کندینسی طابورندن ایستلر؛ کوزلری یمورطه کبی شیشمر؛ اوده فریاد، ظیراتی قیامت قویار! ایش طاوسا دینی کبی ذات عالینک کوزلرنده ده هیچ برشی قالماز». مکر خدمت عسکریه سنه ایستدیکلی صرده ده، کوزلرینه درحال التهاب کتیره جک برعلاج فلان قورایمش. سبی! تک بن حربه کیتیمیم و حیات شریفم محفوظ وسالم قالسوند دنیانه اولور ایسه اولسون دیه... باقندی هیتسرلکه! دها بویله بویله نیجه لریخی کوردم. هله اردوده بعض ضابطانده، قوماندانک بر ایشله کوزینه کیردیمده ترفیع رتبه ایدیم دیه ساخته اوله رق ایشکذارلغه

تکمه مطابحه

یلتور؛ غیرت کوستر، هراشه بورتی صوقار. [بونلرک ایچنده بعضاده حیجاً حیت اظهار ایدن ایشکدارلرده واریا! بومقولهلری تفریق ایچون نیوک بر اقتدار و آدم طانیقده ملکلی بر کوز استر.] دیرکن ترفیع رتبه ایدر ایتز جانی قیمتلیور، هوادکیشور؛ آرق حیاته برخلل کلکسزین، شوآلدینی جیجیویکی رتبه ی صاغلایجه اولهرق اوه کوتورمکه بریول آریور؛ آرتق قیی صولرنده کزتمکه باشلیور. بر قضایه اوغرایوبده آغزینک طادی بوزلمقسزین ایشی شویلهجه وطانلیجه اداره ایتمک ایچون، خاطر و خیاله کلک یلان طولانلرک اجراسنه قوشور؛ ایش کوردیرمک ایچون رفاقنده صافهاد بر احق آرامغه باشلیور. عقلی باشنده اولان رفاقت ضابطانی اویوک ضابطک اوحالی کوردیرک «هایدی باقلم شمدی نه یاپه جقسک؟!» کبی انکسار قلوبدن نشأت ایدن معامله انفعالیه تأثیر یله، مأمور اولدقلری ایشی حسن نیتله وجان حقیله طومنز اولیورلر؛ صکردهده ایشته بویله دولتک جسم بر موقع مستحکمه ودیعه اولان ناموسی آیاقلر آلتده قالمیور.

محاربه ائناسنده پک چوق تحفلقلر کوردیم! بریسیده شودر. صرهسی کلشیکن یازیم: اردومزک قارصک ایلرینده آلاجه طاغده بولندینی زمان بر محاربه وقوع بولدیغندن، (بونصل محاربه ایدی واردو نیچون قارصک ایلروسنه کیتدی بورالینه متعلق تفصیلات آتیده کوریه جکدر) اثنای محاربهده ضابطانک منحل قالان یزلرینه اهل واربابنک یورودلسی، قوماندان پاشا حضرتلری طرفندن فرقه ولوا قوماندانلرینه حواله اولمشیدی. محاربهنک وقوعندن صکره ارضرومده بولنان اردو محاسبه جیسی کرامی افندینک ملازم اول رتبه بنده اولان اوغلی راغب بک، برایشله ارضرومده اردو کاھزه کوندرلمشیدی. محاربه سببیله ترفیع رتبه ایدن ضابطانک فرقه لردن دفترلری کلدی. اوصرده بر ردیف ملازمی ده قوماندان پاشایه بر عرفحال کتیره رک، بن شو قدر زماندنبری ملازم؛ حقم وقدم و خدمتم میدانده ایکن دونکی کون ارضرومده کلان فلان ذاتک دها چوجق حکمنده بولنان اوغلی، بنم استحقاق اولان یوز باشلیق یرینه انتخاب ایدلدیکنندن وبوصورتله حقوقه تجاوازیلمش اولدیغندن شکایت ایتدی. دفترله باقلمسی ایچون عرفحال فقیره حواله اولندی. باقدیغمده ایشی ملازمک دیدیکی کبی بولدم. دفترک آلت طرفنده میرلوا، میر آلا، قائم مقام، برایکی بیکباشی فلان اوزون بر مضبطه یاپهرق [الله ایچون شهادت ایدرز؛ بالاده اسمیسی محرر اولان ذوات، ایکی کون اول

حقسز ضابط
نضبنه و بونک
اخلاقزده طو-
تدینی موقعه
دائر بعض سوز

وقوع بولان حربده و آندن اولیٰ خدمات حربیه و عسکریه نك جمله سنده شویله بویله
ایش کوردیلر هر بری ترفیع رتبه یه لایقدر [دییه صحیفه طولوسی تفصیلات یازمشرایدی.
حالبوکه دفتره ادخال ایدلمش اولان ملازم اولك و محاربهدن برکون صکره
اردویه کلدیکی جمله جه معلوم اولدیغندن او آنده بشقه بر مناسبتله بزم چادره
کلان و فیضی پاشادن صکره اردونك ارکان حربیه رئیس بولسان حسن کاظم
پاشایه کیفیت حکایه ایتدم. ارکان حرب رئیسری ترفیع رتبه ایده جك ذوات
حقنده تدقیقات اجرانسه و وظیفه دار اولدقلرندن دفتره باقوبده ایشی. نیم کوردیکم
کبی کوردی، ملازمی چاغروب سن حالکی میر آلایکه ولواکه سویلدکی؟ دیه
صوردی. اوت، سویلدیم و چوقده رجا ایتدم؛ ان شاء الله سنی ده بر بشقه و قتده
اتخاب ایدرز، جوابی آلدیم؛ حالبوکه شمدی یه قدر بویله نیجه نیجه فرصتار کچدی
و هر بریسنده توالی ایدن وعدلرله بو وقته قدر قالدیم دیدی. سبی آکلاشلمق
اوزره اولوانك قوماندانی اولان شوکت پاشای چاغرتدردی. ملازمك عرفچانندن
واون ایکی سنه لك بر ملازم اولدیغندن بختله بونك انتخابنه مانع بر حال اولوب
اولدیغنی صوردی. آلاینه خبر کوندرلدی، ایجاب ایدنلردن صوردی، اویله
برحالی اولمدینی آکلاشلدی. اندنصکره بو آدم وار ایکن ده اکی کون اول
ارضر و مدن کلان بر ملازمكینه اوطا بوره یوزباشی انتخاب اولنسی سینی صورمقله
برابر بو آدم عمرنده محاربده بولخامش ایکن محاربده بولندی و کسب استحقاق
آیلدی دیه یلان یره شهادت ایدلمسك ده عیب برشی اولدیغنی آکلاتدی.

شوکت پاشا ایشی انکار اتمیهرك و یا انکاره بحالی قالمیهرق انتخاب اولنان
ذالك ترفیع رتبه ایتدیرلمی باباسی طرفندن توصیه و التماس اولندینی حالده
حاضر آلد بولنان دفتره اسمی ادخال ایدلمش اولدیغنی سویلدی و بویله شیلر
عادت حکمنده اولدیغندن، ایشك یلان یره شهادته قدر واردیغندن خبری بیله
اولمدینی طرز افاده سندن مستبان اولدیسه ده صورت افاده دن برده؛ نه وار ایش؛ ایش
کورمك، انسانیت ایتك دیان قالدیمی؟ بر آدم سودیکی و یا خاطرندن حیقامدینی
برقبو یوله اشك قرق بیله بردوشن ایشی کورمزمی ایش؛ ایکی احباب بری
برینك ایشنه و منفعتنه یارامز لر ایه آرتق یکدیگرینه آخرتده می شفاعت ایده جکیر؟
کبی باطل و اساس بر اعتقاد اوزدینه فکرنی بنا ایتدیکی آکلاشیلوردی.
فسبحان الله! اوت؛ دعا، اودعا اما؛ مقام، اومقام دکل؛ دردنی کیه افهام

ایده جکز: پاشا وجود نازکترین حقوقه جریحدهلر آچیش وقانونه قارشى بر بیوک عیب وقصور اختیار ایتیش اولدیغنیك فرتنده بیه دکل!.. برجرمك ذاعلى یایدیغی جرمك جرم اولدیغی بیلیر ایسه حال قابل علاج اولور؛ یا اگر اوجرم وظلمك، جرم وظلم اولدیغی تمیز ایدلمكسزین مجرّد عادت وانسانیته خدمتدر ظنیله اختیار اولدیغی حالدده.. اشته کوجلکک بیوکی اونقطهده باش کوسترر.

هی یارب! مسلاک قدیم وقویم شرعمزده ومحمدیت سنیهك اساسنده اکبر جنایاتدن عد اولنان کتم حقوق وشهادت کاذبه بزم عندمزده درجه اباحته وارمش برعادت جاریه حکمنه کیرمش! بوایکی واسطه ملعونه ایله بردوسته قارشى حقوقتوازلق، وفاشعارلق ایدلمك استیلور. دول غریبهیه منسوب بعض اقوام وملل عندنده بویه برفلک ذاعلنه جانی نظریله باقیلیور. بزده ایسه احوال وساطتیله وهیچ شبهه یوقدرکه کوردنك وجهالت بالاسیله بردوسته آیلک ایدیلیور!..

«عذاب هذه الامة جعل بایدیها فی دنیاها» حدیث شریفی جامع الصغیرده موجود اولان احادیث شریفهك اقسام صحیحه سنددر. صدق رسول الله: [برقوم ایچنده که کذب ونعدی حقوق عادت حکمنی آلور ایسه، آرتق او جماعتدن، اوخلقدن کندی هیئت اجتماعیهلری نامه نه فائده بکهنیلور!..]

هرنه ایسه کاظم پاشاده شوکت پاشاکی برمیلور اولدیغی حالدده، یوقاریدن آشاغی شوکت پاشائی تکدیر ایدرک دفتری - برای تصحیح - یوزینه چارپارجه سنه اعاده ایتدی شاید ایش تباررده مشیر پاشیه عکس ایدر قورقوسدن ناشی شوکت پاشا سنی بیه چیقارمه رقی دفتری تصحیح ایتک اوزره آلوب کیتدی.

ای، شمدی بیورک افندم! بو اولدیمی؟! فلان ذاتک اوغلی اولق ویا فلان مرعی خاطر برذاته منسوب بولمقی ایله وپارتی وکوتورتی ایله ایش کومه کتیریلرک بزم ملازم انندی یوزباشی وایله برفرستدن دخی بالاستفاده قول آغاسی، دیرکن بیکباشی اوله جق وبراکی سنه ایچنده قومانداسنه یدی سکزیوز کیشیاک برطابور، دولتک ملتک ناموسیله برابر تسلیم اولنه جق؛ صکردهدها بیویه رک عباداللهک باشنه بلا کسینه جک؛ صرف نفسانی وجهالت اثری اولق اوزره عظمت فروشلقدن بشقه هیچ برایشه یارامیه جق... هله بونلرک بعضیلری ده، مملکتک جانی وعباداللهک قانی ایله تجربه لر اجراسنه قالقیشوب اکمال نقصان ایدمه جکده ایش کوردجه کدر..؛ احوالده بالقاعده رفته رفته قانونک واستحقاقک یتشدیردیکی

آدم کرده و آلائی و طاہور لرلہ طاغ باشلرنده سورونه سورونه جانی بورنہ کلش اولان ضابطانده کوکلمی قالیر؟!

الحاصل محاربه کر چکدن ناموسکار و حقشناس آدملر ایستور؛ اوایله، وظیفه عسکریه-نده کوریلہ جنت مناسب سزلکی ستر ایچون مطلقا شارلاتانلق ایله و چکه زوریلہ ایشہ برقرہ کوز ایندیروب مافوقی اغفال ایدن و صکردهده شویله اویدر یوردم دیه ایندیردیکی قره کوزی کندیسنجہ برهنر عد ایدن ذواتک شرندن، ذات مصلحت اللهه صغینر.

ضابطانک ایشہ یاریوب یارامیانلری بچشده باتجربه شونی خلاصه ایتدم که، نصل آدم ضابط اولمیدر هر کیمکه حال آسود کیده حیلہ کارلق بیلمز و یاخود بیلیر اما اجرایه تنزل ایتمز؛ سوزینه و معاملہ سنہ امنیت اولنور؛ دائما اُرکشی نیتہ یورور؛ یا کلش برایشی سبیلہ مافوق طرفندن تکدیر اولنور کن قباحته ایجاب و مناسبت کیدر مکه قاتمق-یوب یا کاشک کر حکدن یا کلش اولدیغنی آکلایرق یوزی تیزاریر و آلیش ویریشنده صاعلام و صاف یورکلی اولور ایشہ، محاربه ایشنده هیچ تجربه سی حکماش اولسه بیلہ، تجربه سزلکنہ باقلمق-میزین اوداته حرب ایشنی قورقیه رق امنیت ایتلی و آله بروظیفه مهمه ویرمیدر. دیگر برنبی ده، لافزنلکی کیمسه یه ویرماملکه برابر سوزنده و عهیدنده دوامی اولماز و حیلہ بازانی هنر عد ایدرک آله ویریلان وظیفه. موته ویا دائمه نک ظاهرنی جر بزه دینیلان یالان طولانله قلایلار و برایشک اساسنده کی جور و کادی. مجرد مزاجه خوش کورنمک ایچون، کتم ایله بو حالی ده اوزکا و درایتدن عداید و حسب البشریه ظاهر اولان برخطاسنی لاقیردی پاتردیسيله ستره قاتیشیر ویلانی ظاهر اولدیغنی وقت صیقلماز و آلیش ویریشنده دائما حق سزلغه میل ایله علوجنا به منافی حالدرده بوانور و شخصی برحق انکار و بورجنی تأدیهده مخاطبه بی عادت ایدر ایشہ، او آدمی ده محاربه یه هیچ صوقاملی. آئی ده اخلاقنک اقتضا ایتدیکی یرلرده و اداره مأموریتلرنده قوللا نلیدر.

نعلر کوردک و نه حالدره تصادف ایتدک!... عسکرک بیوک ارکان و امراسندن آدم کوردم که، محاربه یرنده عسکر ایچون کییلان قویونلرک قوی و قلارنی، جادرینک یاننده قوردیردینی قازانده اوتیدر درک طلوملره باصدیروب اضر و مده کی اوینه قدر آشیریور ایدی؛ ردقنده کی بو قدر ضابطانه فعلیله برسو، خلق دربی

ویریور، هیچده صیقلیموردی. الحاصل مکتبلی اولسون آلایلی اولسون، عالم اولسون جاهل اولسون؛ ینه تکرار ایدرمکه محاربه، صاغلام وناموسکار آدملرک وجودیله وبوده تربیه ایله اولور.

برده محاربه؛ عزمنده ثابت، هراشی کافه لوازمیله دوشنور انکار عسکریه صاحبی بیوک برذات ایستور؛ اما، انک پک نادر اوله رق بولنه جفی و بولنسه بیله بیوک بیوک وظیفه لرده بولنسنه، ینه اوزاتک کندی طبیعتی سوق ایده جکی جهته، بزم بحثمز کوچک قطعه قوماندانلریله امرا و ضابطان عادییه عأددر.

شوراسنیده علاوهً بیان ایده لمکه، ضابطک شخصنده بروقارک وجودی شرط اولقله برابر برده محاربه ایتدیکی قومه قارشی شخصاً بر فکر انتقام و بر نظر خصومت بسله ملیدرکه، ایشی جان حقیه طوتسون و محاربه یی بر آغاریه عد ایتسون. آلمانیا اردولرینی تشکیل ایدن ضابطانک اکثریسی، کرک فرانسه و کرک روسیه یه مقابان بر فکر خصومته مالک و اوتیه کیارده عینی مسلکه سالک ایشلر.

روسیه ایسه، بزم دولتمزک ایکیموز سنه دنبری دشمن جان و حیاتیدر. آبا واجدادیمزدن نیجه لرینک قانه کیردی. استیلا ایتدیکی ممالک اسلامیه ده مسلمان نامنه بر فردک قالماسنی کن دیسنه دیانه و ملیه بر وظیفه مهمه عد ایتدیکنه، تحت استیلا و اسارتنده قالمش اولان ممالک اسلامیه نك حال حاضری شهادت ایدر. دیمک که موسقوفلر، هم دینمزک هم وطنمزک دشمنیدرلر. بونلرک جلی اولان عداوتلرینه قارشی برنکر عداوت بسله مامک و انتقام املنده اولماق کبی عجز و ذلدن متولد اوصاف ذمییه یی قبول ایده جک هیچ بر مسلم تصور ایدیله مز؛ مکرکه خصمنک احوال تاریخیه سندن و تصور اتندن جاهل اوله.

دیمک که جهالتمزده خصمنمزک موفقیتی تسهیل و بزم محومزی استلزام ایدر بیلور؛ او یله ایسه کافه ضابطانمز روسیه نك بزه مقابل ایتدیکی غدارقلری و بتون ممالک اسلامیه ده اتخا ذیلدیکی مسلک قلع و احمای ناطق قلمه آلمسنی، ارباب و قوفدن اولان اخوان دینمزدن تمی ایلدی کمز خصوصی، بر تاریختک عادتاً از برجیسی اولمیلدرکه، وجودینی آرزو ایلدی کمز فکر انتقام، هر برینک سینئه شجاعتنده پرورشاب کمال اولسون.

اردونک هنکار
دوزنه و عقیبا
چتر بابا به چیتسی

کله م چوتدنبری آیرلمش اولدیغمز صده و یکی اردوگاه اتخا ذیلدی کمز
هنکار دوزینک حالته : وقتا که هنکار دوزینه چیقلدی؛ قارلر هنوز تمامیه

قالمش واولديغىز اورمانك ايچىندە اولك اولك قارلرە تصادف اولغىلە برابر عالمده چاموردن بردريايە مستغرق بولمىشىدى . خندقلرمز برمعتاد ياپىلەرق عسكرمز تيعيە ايدلدى . اردويه سوارى لوالغىلە درسعادتن كوندريلان مصطفى صفوت پاشا دخى اوكون كلدى . شاهين پاشا قومانداسدن جلب ايله بزه التحاق ايتدىرلمش اولان طابورلرە قوماندان نصب اولدى .

ينه بوئانداه بزم حالمزى وروسيەنك تعرضاتى درجاتى كوزيله كوروب واقعاتك حقيقتە انتساب ايتمك ودولتە صحیح واساسلى راپور وخبرلر ويرمك اوزرە انكلترە دولتى طرفدن جنرال (كمبل) نامندە بريى كلكرك مشير پاشا حضرتلريله كوروشدى . وبركيجه صوغانلى طاغندە قالدقن وبزم حالمزى كوردكن صكرە ارضرومە عودت ايتدى .

صامسون وسيواس جەتلرندن مرتب اولان چركس سواريلرينك ، طاقم طاقم ارضرومە كلكدە اولدقلى خبر آندىنى كې ؛ سيواس ، حلب ، دياربكر ولايتلى مثللو جوار ولايتلردن وآطندەن عساكر معاونه سواريسى وبو ولايتلك سوارى ضبطلەرى ترتيب اولنەرق پيدىرى كوندركلكدە اولدينى خبرلىدە آندى . حسابە كورە آيچە سواريمز اولەجق ايسەدە بونلك ديرلنوب طوپلانمى لاقلا ايكي آيە محتاج ؛ دشمنمرك ايسە اوقدر مساعدهكارنە حركتدە بولنەجنى وزى اھمال ايدوب ايتيەجكى مجھولدر . باتەلم آينە دوران نەكوستردىہ واقعات روزمرہہ قارشو حكمة وقاعدە نہ يايلىمق لازم كير ايسە آنكلە امرار ايام اولنوركن بعض دشمن سواريلرينك ، ايكي كون اول بزم قالدقيغىز (باردىز) يولندە كزىمككە اولدينى خبرى كلدى .

بوخبرك آلمسندن اول ، آردھانە امداد ايچون كيدوبدە يتيشەمامسە مېنى پىنكدن عودتە امر ويريلان شوكت پاشا ، طابورلريله برابر باردىز جەتندن چاقىر بابايە چيقەجق يولاك محافظەسندە بولمق اوزرە براغلمش ايديسەدە ، حسب الاحتياط بزم يانمزدەكى طابورلك دخى چاقىر بابايە كيتىمى اقتضا ايتىم ايدى . چونكە ، آرقەمىزى آتق ايچون دشمنك مروريەتە مساعد بريكى طريق عسكرى ، قارلرە قالمسىلە برابر كندىنى كوستردى . بوحسابجە اولديغىز يردن برساعت تدر دھا كريدە بولنان چاقىر بابا موقعنە چكندى . چاقىر بابا دىنلان ير ، يوللك ايكيىنى اوچنى نظرى آئندە بولندىرەيىلەجك درجە شموللى بر

مد بصره مالك اولمسیله، اوكونك حانه مناسب اولمق اوزره اون نقطه انتخاب اولمشیدی، بناءً علیه نقطه مذکورده بریکمش اولان اون اوچ طابور پیاده، موقعك ایجابنه و بونیلان عمومی حالك انتضاسته کوره تعیبه قلندی، یوللر بر درجه یه قدر طولندی، هر طابورک عندالایجاب حیقه جئی آتش خطی کوسترلیدی. یوقاریده دیندیکی وجهله یتش نقر موجودلی بر بلوک سواریمز اولوب بونلرده هم کشف، هم مخابره، هم ده قره غوللق خدمتارنده اون بش یکرمی کوندنبری بلا آرام قولالانیله قولالانیله حیوانلارنده جان قالماش [*] اولدیغندن، ایلری قره غوللنی وظیفه سنی ایضا ایتمک ایچون سواری بولمقده گوجلک چکیلیورایدی. سواری، براردونک اوزاقدن کوره جک کوزی وایشیده جک قولانغی حکمنده در. سواریسز اردو، کوزسز پهلوانه یکزر. هر نه ایسه فاقدالحواس اولان فرقه مز، - هله برکت ویرسین - اوکونلرده چرکس موسی پاشانک سواریلرینک برر برر کلمسیله براز جانلاندی. ظن ایدرسهم کلنلرک عددی هان بیگ نفره بالغ اولدی.

چرکس سوار-
بلرینک موسی
پاشا ایلر اردویه
التمحاق ایتی

بوفرتیه ییه جکئی روزمره اوله رق اون، اون ایکی ساعت قدر کرمزده قالان کوپری کونینده تشکیل اولنان اداره دن آلدینی کبی، هیئت اداره مذکوره الشکرد فرقه سنک ییه جکئی دخی کوندیریور ایدی [**]. کوپری کونینده کی اداره، بزه چواللر ایله اون و آياقلى قویون کوندیریور ایدی. بو اونلر عسکر بیتنده تقسیم اونوب هر بلوکده درجه کفایده موجود اولان قره وانه لرده خامور یوغریلور وینه برابرلرنده اولان ساچلرده اکمک پیشیریلیر، قیونلرده کسپیلرک تقسیم اونوردی. لکن اکمکی دیدک!، نعوذبالله حفظ صحتک ضد تامی اوله جق درجه ددر. [***]

[*] بیلم هر نه دن اولیورسه سواری و طوبچی حیوانلرینک کزیده واعلا اولمسنه حین مبیاعده پک زیاده دقت اولنورکن، یا فتاری تضادف ایدیور، یا آلدنقدن صکره باقیله میورده حیوانلر دبرت کون ایچنده اودونجی بارکیرینه دونیورلر. عجباً بو طالعزلک یالکیز بزمه میدر، یوقسه بتون دولترک طوبچی و سواری آلایلرنده کی حیواناتده بویه میدر؟! ..

[**] امان ییه جک دیدیکدن، زمان حشرده عسکر ایچون ویرلسی معناد اولان اون سکنز قلم ارزاق آکلاشلمسون! ویریلان شی موجوده کوره، نقر باشنه یارم اوقه اون ایله، - بولندینی وقت - سکان درهم آندن عبارتدر.

[***] زمان حشرده عسکر ایچون یاپیلان ارزاق قونطورا تونلرنده (فلان مشهور یرک پرنجی. وفلان یرک یاغی وفلان مملکتک شوچنسدن آتی اوله جق، و شویله متق، بویه تمیز و شوی نمونه لره موافق بولنه جق. اولمزایسه، متعهدک باشنه قیامت قویه جق!) کبی شرطلر وشارلاناقللر

فقط شمدی سوارینک چوقلاشمی سبیلله برده آرته بلیه سی باشه چیقدی .
 نقلیه حیوانائی درجه کفایه ده اولمیدیندن ؛ آرته مزده قلمش اولان یرلرک حاصلاتی
 وقت احتیاطه قلمق اوزره ، بو سواریلرک ، فرته نک اولک طرفنده قلمش اولان
 قارص جهتی کویلرینک حاصلاتیه کچنیرلمسی ایجاب آیلدی . سواریلر بویله جه
 اداره ایدیلیرسه اورالرده کی ذخایردن ، ممکن اولدینی قدر دشمنک استفاده سی
 منع اولته جتی و بویولده بزمکیلرده هر قچ کون بسنیر ایسه لر کارعد ایدیله جکی
 درکار اولغله برابر ذاتاً فرقه مزدن اوزاچقه بولنمق اوزره بر یرده سواریه
 محتاج ایدک . بئاً علیه نقدر چرکس سواریمی ککش ایسه ، جمله سی ، فرته نک
 سواریه قرده غولی حکمنده قارص اوومنه طوغری ایلریله رک کزملری و بر
 تهله ک کورمز لر ایسه ، قارصه قدر صوقیلوب برقچ کوندنبری حاللرندن خبر
 آله مامش اولان قارصده کی جماعته بزم آره مزده ، واسطه مخابره و مواصله
 اولملری و بونلره خلیجه ده آچه ویرلیدکندن ، قارص جهتنده کی کویلرک
 حاصلاتندن بالمایه ، کنیدیلری و حیوانلری اداره آیلری تنبیه اتی ویریلرک
 ینه موسی پاشا قومانداسیه یوله چیقارلمش و بو سوارینک حرکاتی دوزلتوب
 مهما ممکن منتظم عسکرجه سنه ایندیروب قالدیرمق و کزدیرمک اوزره موسی
 پاشانک رفافته ، ارکان حریبه قائم مقاملرندن شوکت بک دخی ترفیق ایدلمش ؛
 و ینه موسی پاشانک طلبی اوزرینه بوسواری مفزده سنه ایکی قطعه ده طاع
 طوبی ویرلمشدر .

شمدی عموم ارضروم جهتی اعتباریه آناطولی خط حربینک (صاغ جناح) نی ،
 قره کایسا و آلتکرد و مرکزینی قارص و (صول جناح) نی آردهان تشکیل
 ایدیور ؛ قارص ایله ارضرومک آره برنده اخذ موقع ایدن بزم فرقه مز دخی ،
 — هپسک احتیاطی اولمقله برابر — عموم اردونک دارالمهماتی اولان ارضرومده
 برده اولمق اوزره بولنیوردی که ؛ عموم آناطولی اردوسنک وضع و تبعیه سی
 تمام برقز آتانی سکندره اولوب اوچ بارمقارینک اوجی ، [آلتکرد ، قارص ،
 آردهان] و طبانی [ارضروم] در .

بالماسبه یوقاروده دخی دیش اولدینی وجهله ، بو اوچ موقع ، بربرددشمن

درج اولنورده ، اصل عسکرک ، آیهه باقله سی و بسانلمی لازمکن سفر بک حانده ،
 عسکره ، دوه عسکری حکمنده اولان ساج اککی یعدیلر . نقدر باککش بر حساب
 نه رتبه غلط بر معامله !!!...

بسینک ایچون
 بو سوارینک
 ایلر ویه سوق

طرفدن محاصره قونیلوبده اوست طرفنده کی قوتی ارضرومه طوغری سوق ایتمه موفق اولادی، معاذالله دولجه عمومیت اعتبارله حال بشقه شیردی.

هله الحمدلله خزار بوغازینی طوتمق موفقیتی، - بدرجهیه قدر - بوتهلکه یی برطرف ایتدی؛ اما، آردهانک اُلدن کیتسیله، بوکرده بشقه برتهلکه یوز کوستردی. چونکه آردهان، بزم فرقهک دخی صول جناحی حکمنده ایدی.

شمدی صولمز آچیق قالدی. بزم ایچون هم اوکمز هم صولمز مخاطره لشدینی کبی، اوزرمزه اوغرامقیزین پَنک واولتی طریقه دشمنک ارضرومه کیتسی ملحوظدر. هله درویش پاشاقومانداسیله باطومده بولان اردوی هایونک ارقه سی دخی، آردهانک دوشمی سببی و چوروق نهری بونجه باطومه کیدن ایوانه طریقک آچیق قالمی ملابسسیله تهلکه یه دوشدی. بوباده یوز کوسترن محاذیرک جمله سنه بردن علاج اولمق اوزره، آردهاندن لیوانه یه و اورادن باطومه کیدن طریقک اوزرنده و آردهانک اون، اون ایکی ساعت صولنده واقع اردنوج قضاسنک مرکزنی اولان نفس آردنوجده، ولودرمه چاتمه اولسون برقوت بولندیریلورسه بوقوت هم باطومه پرده اولور، هم ده بوعسکری اولدینی برده برافه رق بزم صولمزده و طوغریدن طوغری یه ارضروم جهته دشمن ایلرلیله من مطالعه سی خاطره کلدی ایسه ده، فقط بوقوت هانکی احتیاطدن تشکیل و قوای موجوده نک هانکیسندن تقریق اولته جقدی؟! چونکه اردونک بر عموم احتیاطی یوق که اواحتیاط قوللانسون؛ اَلشکرده و بزده موجود اولان قوتلردن برطابور تقریق جائز دکل... بواش قوماندان پاشانک خیلیدن خیملی یه ذهنی مشغول ایتدی؛ و سکرده بالضروره تدبیر آتینک اتخاذینه مجبورت آلوردی. شویله که:

کورجیلرک اشرافندن اولوب اوحوالیجه نافذالکام بولان و شمدی یعنی زمان حربده ارضروم سنجاغنه تابع کینی قضاسی قائممقامی اولان ایوانه لی دده بکک، آردنوج قائممقام نصب اولته رق کوندرلمی و [ایوانه، شاوشت، آردنوج، طاوسکر] قضاالردن نفیر عام صورتیه، محلری اعیان و وجوهی قومانداسنده اوله رق طوپلایه بیله چکی باشی بوزوق تعبیر اولسان غیر منتظم عساکر معاونه ایله و - تعبیر آخرله - اهالی بیغدیسیله آردنوجده اقامت ایتسی تنسب اولندی. بولرک خط حرینی و مدافعنه نقطه لرینی کوسترملک ایچون برقاچ نفر دده عساکر نظامیه ضابطی بوجاعته رفیق اولنورایسه، مهمالمن تهلکه سی برطرف ایدلش و عقلک و احتیاطک دلالت ایتدیکی برتدیرده تشبث

اردو منک صول
جناحک آچیق
قلمی

صول جناحی
تقویا ایچون دده
بکک آردنوج
مأموریتی

اولنش اولور مطالعه سیله، ددهك، چاقر باباده كي اردوكاهه جلب و دعوت اولنه رق اقتضا ایدن اوامر و تنبیها ت اعطا اولندی و ایجاب ایدن يرلره بيورلدیلر یازيله رق و اوامر مقتضیه و يريله رك ددهك ده تقلد وظيفه ايتك اوزره (اردنوب) ه كوندردی. اردونك هم اوكنك هم صولتك محافظه سی ایچون اتخا ذ اولنان شوتدیر نتیجه سنك علی وفق المرام ظهور ایدوب ایتیه چكي خلیجانی باقی اولق اوزره درمیان اولنان تدبیرظاهری، توفیق الهی به معلقا بادی تسکین اضطراب قلب اولدی.

چركس سوار.
بلمرك بكلی
احمدده باصقین
ورمرك بوز.
لمری

چركس سواریلرینك قارصه طوغری سوق اولندی همان بش آلتی كونه باغ اولدینی حالد لایقوله احوال خصوصیه لرندن معلومات ویرمیورلدی. بركون ایكندی وقتی فرقه مرك پیاده قره غولندن بزم چركسارك غیرمنتظم بر حالد رجعت وعودت ایتمكده اولدقلى اوزاقدن كوریلور اولدینی خبری كلدی. بوحال، مطلقا ایلریده دشمنه چا ت دقلرینه و دشمن اردوسنك اوزرمزه طوغری حرکت ایتدیکنه دلالت ایتسیله، فرقه مز درحال سلاح باشنه جمع اوله رق هرظا بور کندیسنه مدافعه ایچون حاضرنش اولدینی موقعلى طوتدی؛ كوزلرده كال دقتله سواریلرك كلدیكي جیهه معطوف قالدی. سواریلر مزدن ابتدا بش اون نفر كلدی. عودتلى سبی سؤال اولندقد، اوکیجه بونلرك بیتوت ایتدكلى بكلی احمد قریه سنی، دشمنك برقچ آلاى دراغون سواریسى باصمش وینلرنده قلیسج قلیجه بر حرب وقوعولش ایسه ده، کیجه حالیه کیمك نه اولدیغنی بیله مدكلىغنی، آرقداشلرندن یازله نش اولان اوچ بش كشی یی كتورمش اولدقلىغنی سوبلدیلر. براز صكره بش اون ده، برچاریك صكره قرق اللی ده، الحاصل بویه بویه جمله سی ظهور ایدرك، عاقبت قوماندانلى اولان موسی پاشا ایله ارکن حریه قائم مقامی شوكت بك دخی مجروحاً یوزی كوزی صاریلی اولدینی حالد كلدیلر. واقعه لى صورلدی.

مكربونلر، قارص اووه سنده برقچ كون كزندكدن صكره، قارص یونلك منتوح اولدیغنی آكلایه رق و قرصه كیرمك اوزره ایلریله رك، بكلی احمد قریه سنده بیتوت ایتدكلى صروده، کیجه یاریسی دشمن سواریسى بونلری باصمش، وهرکس آتی بولق، البسه سنی کیمك، اشیاسنی طوپلامق، سلاحنی طاقمق تلاشه دوشمسیله، بو حال دخی براز کیجه طاورائمرینه سبب اولمش اولدینی حالد، غیر منتظم اوله رق پارچه پارچه کویدن خارجه فرلادقلرنده، کویك کنارنده دشمن سواریسىله توجا قی تو جاعه گلشیر و بررلرینه قاریشمشیر.

طرفین سوارپسی دخی باشلری قاباقلی اولدیغندن احدهما آخری تفریق ایدمه رله
آل یوردامی، کوز تخمینله تفنک، طباخچه، قلیچ استعما آیشلار؛ برمدت صکره
لسانلرک دلالت و یاردیمله هر حزب بر طرفه آیشلار ایسه ده، کیم اولوب کیم قالدی،
کیم یاردلی اوله رق نر دیه دوشدی؛ بونی آیرمق ایچون مطلقا شمسک طلوعی
لازم کله رک، برکنارده طلوع شمسه قدر موسی پاشا ایله بکلینلرک ویردکاری
خبره کوره دشمن سوارپسی ایشنی بجر دکن صکره چکلیدکندن آلردن نه
اولوب نه قالدیغنی آکلایه مامشلر ایسه ده. شو قدرکه. بزم ایکی قطعه طاغ طوبنک
کیشم اولدیغنی تحقق ایش و یاردلی و شهدامزک مقدارینک دخی اوراده آکلشلمسی
ممکن اولموب، چونکه برطاقی صباحی بکلمیه رک کیجه دن یوله دیزلشلر ایش.
قائمقام شوکت بک باشنک اکسه طرفدن قلیجه یاردلی ایدی. موسی ایله
حکایه ایدیور ایدی که: [بو قضانک وقوعه چرکسلرک سوز آکللامسی
وقوماندان دیکللامسی سبب اولمشدر. وقتا که کویه اینلیدی؛ برمعتاد کویک اطرافه
قره غوللرینک قونلسنی اولجه موسی پاشایه سویله مش ویرلینی تعریف آیشیدم.
چونکه بن چرکسجه بیلیم که اقتضاسنی اجرا ایده ایدم. برده لسان بیلسم بیه
جنسیتم حسیه له نم سوزمه اعتبار اتمیه جکلرینی بالتجربه بیلیر ایدم. موسی پاشا
دخی اقتضا ایدن تنبیهاتی نم تعریفم وجهله ویردیکنده شبهه یوقدر؛ زیرا
کندیسی عسکردن یشمش برجزالدر. لیکن قویدیمز قره غوللر، آتیه اوت
بیدیرتمک، کندیسی ده طاووق، یمورطه یشک اوزره موقعی براقهرق کیجه لین
کویه کیرمش و اولره طاغلمش اولسه لر دی؛ بو قضا باشمزه گلزدی؛ لیکن
قره غوللر کیم ایدی، و نر دیه قونلیدی، و نیچون یرلرنده طور مدیلر؛ بو قضانک
وقوعندن صکره انی تحقیق ایدوب میدانیه چیقارمق تقدیر کوچ شی...]

ینه شوکت بک حکایه ایتدیکنه کورده، عسکرک بری برینه قاریشدقلری
و آرتق سلاح سسی کسیه لره قلیچلر پارلادیغنی صررده، بریسی کندیسنک
آرقه سندن چاهه رق بر قلیچ اورمسیله باشنده کی یاردنی حصوله کیشمش ایسه ده،
جارج روسمیدر، چرکس میدر؛ اوراسنی کیجه نک تراکغندن وایشک
قاریشقلغندن ناشی تفریق ایدمه مامش ایش.

آیه، بک اعلا! چرکس سواریلرینک حرب ایتدیکی یرله بزم آره یرمزده بش
آلتی ساعتدن زیاده برمسافه وار. هر نه ایسه اولان اولمش؛ شمدی اردو بی بتون

بتون ایلمری قره غولاسز براقوبده ، بورایه قدر عودتله فرقه‌نک ایچندن کچوب کری یه کیتملرنده برمغا وارمی؟! موقع حربدن سلامتجه کری یه بریره چکیلوبده ، عسکرک چوروکئی صاغلانندن آیردقدن وچوروکارینک چاره‌لرینه باقلدقدن صکره ، برمناسب یرده اقامتله التزام وظیفه ایدلک ووقوعات اردونک قوماندانه بیلدیریلوب ، بعده انک طرفندن ویریله جک امره کوره حرکت اولمق قاعده‌سنک نیچون اخلال اولندینی موسی پاشادن سؤال ایدلایکنده : « قوماندا ایتدیکی عسکر برمنتظم عسکر اولمادینی کبی ، کندیلرینه قوماندا دخی جاری دکلدیر . همان هر فردی کندی باشنه ایش کورمک ایستر . خصوصیه بونلر قبائل مختلفه یه منسوبدرلر ؛ هر قبیله کندیسنی دیکرینک فوقنده طوتدینی جهته ، بشقه برقیله یه منسوب اولان بر آمرک ، بر قوماندانک ، بر ضابطک امرینی دیکله مزلر . هر قفادن برسس کایر ؛ کندی عقللرینک ایردیکی جهته کیدرلر . والحاصل بونلری عسکر لکدن مطلوب اولان دائره یه صیقشدیرمق قابل دکلدیر ! » جوابیله ، اداره و قوماندانلرندن اظهار عجز ایتدی .

معلومدرکه عسکر لکک خلاصه سی و روحی (اطاعت) در . اطاعت اولمزه عسکر یوق دیمکدر . شمدی چرکسلر اردونک سوادینی تکثیر ایلدکاری جهته ، اردو مزده جسماً موجود و افراد مزدن معدود ایسه لرده ، علی وجهه المطلوب قوللانمده قلملری ملا یسه سیاه حقیقتده مفقوددرلر . شوخالده سواری جهتدن اردو مزک بشقه صورتله باشک چاره‌سنی آرامسی لازمکلدی . بوندن صکره ده ، چرکسلرک اردوده ، بر غلبه لق اولمق اوزره بولندیرلمسی و عمومیتله جسیم بر حرب و قوعنده کیف ما اتفق دشمن علیه سوق اولمق صورتیله بسلنملری ایجاب ایلدی ایدی .

بناءً علیه اردویه براق آلائی نظامیه سوارینک تدارکی چاره‌سی در سعاده عرض اولندی . بشنچی اردودن یعنی شامدن و آلتنجی اردودن یعنی بغداددن اوچ آلائی نظامیه سوارینک بزه کلک اوزره ترتیب اولندینی جوانی تلغرافله آلتدی . جناب حق اردومزی دشمنک تعرض تهلکه‌سندن و موجود جماعتده اچلدن آمان و یررسه ، ترتیب اولتان بو اوچ سواری آلاینه ایکی آی صکره مالک اوله جغز . حالبوکه اردومز سواری یه او کونلرده عجماله محتاج ایدی . بالذاتیه اولخه بیان و انده اولندینی وجهله عموم آناتولی اردونک اوچ آلائی

نظامیه سواریهی وارد در. بونلرک موقع استعماللری ده: قارص، وان، آردهان، بایزید، آلشکرد، بزم فرقه ایله نفس ارضروم در. هر آلايك بشر یوز موجودی. فرض اولنسه، بهر موقعه ایکشیر یوز نفر سوارى دوشه جکدی. قره غوللق و کشافلق وظیفه لرندن قطع نظر، اردونک سیار تلغراف وسأرئسى اولدیغندن، عیارده وساطت ایتمک و پوسته طاشیمق کبی الک مهم وظیفه یی ده انلره کوردیرمک ایجاب ایدیوردی. بوسیلله سواریمزک مقداری، دکل بیوک ایشلری، غایت کوچک ایشلری بیلله کورمکه کافی ایدی. هر نه ایسه الله اردونی تضاسندن اسیر کسین.

چرکسلرک بعض
عادات و اخلاق

صکره لرلى - استخدام اولندیقه - بوچرکسلرک خیلی احوالنه مطلع اولدم. بونلر قبیله، فلان کبی قومى عادت و کورده نکلرک تضییفی آلتدن قورتاریلوب طوغریدن طوغریه نظامیه سواریهی کبی تشکیل اولندیقه، وجودلرندن، لزومى درجه ده. استفاده اولنهمیه جفته حکم ایتم. بونلرک حریده محف تحف عادتلى وارد. بو آدملر مجروحلری بزم جراحلره باقدیرمز و خسته لری بزم خسته خانه لره. یاتیرمز لر. کندی عادتلى وجهله کندی جراحلرینه باقدیرمق ایستلر. برچرکس یاره لندیمی، او عسکرک ایچنده احباب واقرباسندن، خسته نک حاله و آغراغنه کوره، ایکی، اوچ و بعضاً درت نفرانى آله رق، تاملکته و اوینه قدر کوتورمکه مجبوردرلر. فرض ایدمکه بر محاربه ده اللى چرکس یاره لندی؛ بواللى نفر مجروح، لا اقل یوز نفر صاغلامی ده بو صورتله تعطیل ایدیور. قومى و ملی عادتلرندن برشیئى. فدا ایتمکدن، عندلرنده اولومى اختیار ایتمک ده اهنودر.

استطراد - صددن چیقلیور ایسه ده، مناسبت کلدی ده یازمق ایجاب ایلدی: بیک اوچیز بر وایکی سنه لرنده عدلیه مفتشلیکله قسطمونى ولایتده بولنش ایدم. دور وقتیش ائناسنده، بولی سنجاغنه تابع دوزجه قضاسنه کیدرک یکرى کون، بر آى قدر اوراده قالدی ایدم. بوقضاده هان قافقاسیه اقوام و قبائل مختلفه سندن اوتوز بش بیک قدر نفوس مسکوندر. چرکسلرک اوراده بالذات کوردیکم عادتلرندن برى ده، بونلرک فن جراحیلری اقتضاسندنمیدر، نیچوندر؛ بریاره لی خسته یی کیجه اویوتماق اقتضا ایدیور. خسته نک احباسندن بریسی براوکوز کسوب اتی عادتلى وجهله پیشیردکن صکره خسته نک اولدیغى اود کتیریور و بتون جوار، قومشوقادینلر و قیزلر و ارککلر طوبالانوب او اوکوزی پاسته ایله یدکن صکره، قیزلر کنیدیلرینه مخصوص اولان شرق و ساز ایله،

تا بصبح خسته نك ياننده رقص ايدرك خسته ني اويوتيورلر. كوندوزده بيلم
نصل ايديورلر.. فرداسي كيجهده، خسته نك بر بشقه احباني براي نك كسيور؛
حكايه ايتديكم عادي تماميله اجرا ايديورلر. تا خسته نك كيجه اويوتلامه نك
آرتق ضرري اولميه جني جراحي طرفدن تصديق اولنجهيه ويا معروف اولان
زمانی حلول اينجهيه قدر حال بويله دوام ايديور. يا جراح افندي اهل ذوق
وهوا بر آدم ايسه..؛ ديمك كه كنديني اكلنديرك ايجون قيامته قدر خسته نك
كيجه اويوتلامه سنه راضي اولميه جق!.. (اتهي)

بزم چركس همشهريلر منفعلوني ده بك چوق سورلر. واقعا دنيا ده منفعتي
سوميان آدم اولمز ايسهده، بونلر كيكي لزومندن زياده در. مثلا اتفاقاً بر چركسك
آنه غنائمن بر آت ويا اوكوز ويا اينك والحاصل ختام مسئلهيه قدر اردر كاهده،
ياننده سهوتله صاقلانسي قابل اوليان برشي كچر ايسه، ولو خانه سي يكرمي كوناك
مسافه كرينده بولسون؛ مطلقا كوتوروب اوشيئي اوينه بر اتوب كلي در. اما
غيوبت ايتديكي ائاده اردوده مهم مهم وقوعاتلر اوله جق! وظيفه سنده بيله
دكلدر. اوينه كيمك ايجون ضابطي اذن ويرميور؛ اني ده قيد ايتز. هر قبيله
كندي بكنك علو قدريني بيلور؛ ديكريني اصغ ايتز. يالكيز بعض قبيله منسوب
امرا واركه، هر نصل ايسه احوال عاديده انلرك امري قبائله عموميتله نافذ
اوليور. مثلا قبارطاي قبيله سندن غازي حسين بك كي. بو حسين بك دينيلان
ذاتك دخي. اردو قوماندانك امرو مسلكنه موافق اوله رق استخدامده نكدر
مشكلات چكلدي.. نه كيم قوللانيه مدي يا!

موسي پاشا ايسه منسوب اولدني قبيله جه بك ويا اوزدن دكل ايتش. چوك
ياشده روسيه نك مكتب و خدمت عسكريه سنه كيردرك رفته رفته ترفيع مراتبه
جنرال اولش ۱۲۸۱ تاريخنده بشيك خانه قدر حچن وقبائل مختلفه قفقاسيه
ايه ممالك دولت عليه ده هجرت ايتش؛ و دولت ده پاشاي موسي اليك جنرالغني
لوانغه تحويل ايله قبول ايتش ايسهده، چركسكلك استداري اوزدنك و بكلكي
توجيه ايدمه مامدر. بوجهتله موسي پاشا دخي بو جماعتك قومانداسندن وضبط
وربطارندن اظهار عجز ايديوردي. بر حريك وقوعی عقبنده قوماندانك جادريه
يغيايورلر. كيميبي آتم اولدي. قيعتي الی ايرا ایدی، بهاسی ویرلی؛ كيميبي
طبانجه مي غيب ايتدم، بهاسني؛ و كيميبي آتمك نعلي يوق، اني ايستم دير
۷ — باشمزه كلانلر

وايستدیکي شئي ده مطلقا آلمق اوزره عصايي ديگر طورور؛ دفع ايني آکلاماز،
يوقدر سوزيني ديکه مزلر.

لکن حربه صوقلمزدن اول وحرېك وقوعدن صکره ، اردو قوماندانه
واداره مأمورلرينه ويردکاري اذيته واولبابدهکي يورک اوزونتيسنه تحمل
اولنه بيلورسه ، اثنای جريده شجاعت وجسارتلرينه ده آفرين ! دنيليور.

صکره موسی پاشاده بونلرک قوماندالردن استعفا ايتهدی يا ؛ چونکه ايش
تحمل درجه سنی آشمش ايدي . قوماندالری ، سواری لوارلردن ادهم پاشايه
ويرلدي ؛ اوده عهده سندن کله مدي . کويا آلاي آلاي ، بلوک بلوک تقسيم اولنه رق
هر بلوک بزم نظاميه سواريلردن برر يوزباشي ويرلدي وکندي بکاري ده
- ايجابنه کوره - بيکباشي ويوزباشي نصب اولندي . انتظام احوالردن ،
نظاميه يوزباشيسي ؛ اطاعت وانقيادلردن ، کندي بکاري مسئول اوله جقدی ؛
بوده ممکن اوله مدي . الحاصل چرکسلر آغز طاديله اردوده قوللانيه مديلر .
تهديد ايدلديلر ، اولمدي ؛ يوزلرينه کولندي ، هيچ موافق کلمدي ؛ سهل الاغفال
وسريع الاعتماد برعجايب قومدرلر . اولدجه اصلاح ايديلرلر ؛ ديرکن ، برمفسدک
افساديله درحال بوزيلورلر . بکلرنده دخی سواد وبياض اموري محاکمه ايدنه جک
مئاتت افکار وقوه ميزه يوقدر . عاقبت برقصاص مسئلہ سي وبرمفسدک افسادی
اوزرينه کلیاً طاريلوب وطاغيلوب کيتديلر . صره سي کلديکنده آتیده يازيله جقدر .
هرنه حال ايسه لاتبديل خلقل الله !

چرکسلرک بوزيلوب کلدکاري کونک کيجه سنده دخی بررايکيشر ياره ليلري
کليور ايدي . حتی کيجه نك ساعت اوچنده چاديرمزك ايلربسنده برکورولتي ،
برغوغايشتدي ايدم . چيقوب باقديغمده ، برياره لي چرکس ياننده ده بر بشقه سي ،
اردونک برقره غول نفرينه : [بويکجه قالمق ايجون مطلقا بزه برير بول !]
ديه اصرار ايديبور کوردم ؛ اوده : [بن قره غولم ؛ بن بيلم ، ضابطه کيدک]
ديبور اينسده ، چرکسلر نفره ير بولديرمق اوزره اصرار ايدوب طوريبورلر .
محاربه نك دها اوائل اولمق جهتيه آليشلمامش اولديغدن ، دشمن طرفدن يازه
آلمش بر آدمک بويله کيجه لين آحيقده قالمسني وسور وکلنمسي ، کوکلم بردلو
تجوير ايدمه يورک ، آدجکزي کندي چاديرمه آلم ؛ کيجه نك اووقته طيب
وجراح بولنه ميه جغدن چاي ، ماي تدارک ايدرک خسته يه ايجره بيلم ايدي .
ساعت بشه کادي ، بنده ياتدم . صباخلين ايرکن قالديغمده باقدمکه ، بزم خسته

قلمدا میور؛ یوقلادیغمده، الی رحمة الله تعالی شهید اولمش اولدیغنی آ کلادم .
صباحلین ایرکن چادرلرمن بیقیلیور وفرقه من کوج ایتک غایله سیله مشغول
اولورایکن، فقیرده بوشهیدک دفنی خدمتنده بولتیوردیم. بونی یازمقدن مقصده،
نوابی برایش کوردیکمی آ کلامق دکادر؛ شهیدمن یالکز برنفر اولوب فقیر
ایسه اووقته قدر هنوز امثالی کورمدیکم جهته، فیکرمده حاصل اولان دهشت
اوزرینه اوخدمتی اختیار ایتش ایدم. صکره لری امثالری چوغلغه، بشیوزوبیک
نفر شهدا بردن دوکولمکه باشلادیغندن، — کوز آالشدینی جهته — شهدا
ومجروحینک آرتق عندمده اسکی اعتبارلری قلمدی؛ یعنی، انلرک خدمت
تدینیه سنده بولمق ومجروحینه نظر شفقتله باقیلوب اعانه ایدنک کبی حمارتقلر.
حیولت ایدن موانع عیددنک وجودندن ناشی اجرا ایدیه من اولدی.
ای! نشمدی فرقه من چادرینی نیچون سوکدی؛ زده کیدیور وکیده جک
ایدی. اوراسنی تصریح ایدم:

وقتاکه سواریلرک باشنه بوقضا کلدی؛ فرقه نک ایلری قره غوللغنده کیمسه
قلمدی. بواندیغمن موقعک ایسه صاغ جهتی، صاری قامشدن مجنکرده کلان
یول مناسبتیه اچیق وتهلکده ایدی؛ زیرا، اویوله قاروقیش قلمدی. خصوصیه
بکلی احمد وقعه سی سببیه دشمنه جسارت ده کلدی. صوغانلی طاعنی اوزرندن
کلان اوچ یولک برلشدیکی نقطه لرک برموافق یرنده اوتورلمق اقتضا ایدیور
ایدیسه ده، اراضی حالنک مجهولیتک وخریطه سزلنک ایجابی اوله رق، اویرک
زده سی اولق اقتضا ایده جکی، چاقربادان قالمزندن اول کسدریله مدی. ایلروده
کوزله کوریلوب انتخاب اولنه جق برموقعده اختیار اقامت اولمق واهوموقع
مختاره مهمالمن استحکام فلان پالمق اوزره، هدف مجهول اولدینی حالد علی
برکة الله رجعت اولندی. اوچ درت ساعت قدر کری به طوغری یول آلتدندن
صکره، (قره اورغان وزیون) قریه لری جوارنده بولسان خوروم دوزی
اسمنده کی موقعه کندی. اورانک مدافعه به صالح، تمام آرایلان برموقع عسکری
اولدینی، قوماندان پشاورکان حربیه رئیس فیضی باشا طرفندن کشف اولته رق
آ کلاشدق دتصکره عموم فرقه اورایه قوندی. عسکر ایجاب موقعه کوره تبعیه
ایدی. هرطایور کندینه مقتضی اولان استحکامی یانغه اسلادی. قوتلر
درجه سیله موقعک حکمنه نظر آقارصدن بزمله برابر چیقارنش اولان درت
قوندق برطایره طوب کفایت ائیه جکندن. عسکرک اداره نیچون مرکز اتحاد

اولئان و بزم کریمزده بولئان کوپری کوینه بارکیرلری، قوشوملری و سائر اولوازماتی باتیهی اولجه ارضرومدن جلب ایتدیرلش اولان آتی فوندلق بربطاریه طوپ دها اردو کاغزه کتیردلی. واقعا ارضرومده طوپ چوق ایسهده او طوپلرک لوازمتی ا کال ایله سیارحانه قویق نقدر کافته محتاجدر؛ انی اوغرا شانلریلیرلر. فرقهده موجود بولئان طابورلرک تعلیم و تعلمده مهارتسز لکری وار ایسهده، هله ردیف طابورلری افرادی بتون بتون تعلیمسز بولندقلرندن، صباحلی آقشاملی عسکره آوجی تعلیملری یابدیرلغه اعتنا نلندی.

الشکر دفرقه سنک الشکر دفرقه سنکده بزمه متناسباً ایلری، کری حرکت ایتسی و بینمزده کی کری چکامی مواصله نك هر حالده تحت امنیده طوئسی لازمکلیکندن، بالخابره فرقه مذکوره دخی الشکر دله دلی بابا بوغازی آره یرنده واقع ظاهر کدیکی جهته چکلدی. بایزیددن اولجه حقیقش اولان ایکی طابورک، بارکیریده اقامت ایدن فائق پاشا فرقه سیله برلشدیکی یازلمشیدی. فائق پاشانک بوفرقه سنه - حسابیه کوره - الی بیک نقرده کورد عساکر معاونه سی ملحق اوله جقدی؛ چونکه حکاری جهته طریقت علیه خالویه رجاندن سیدطه حضر تلرینک مخدومی و او طر فلرده بولئان عموم اکرادک سندی و معتمدی اولان شیخ عبیدالله افندینک، پیاده و سوار ی الی بیک نفر عساکر معاونه ایله اردوی هایونه کله چکی آوازه سی عالمی طولدیرمش ایدی. شایعات مذکوره، ظنمه قالیرسه، ولو ممتعات طبیعیه درجه سنده اولسون؛ هر برعسری اولیای امورک نظرینه یسر مطلق صورتنده اراءه ایله قزانه جفی میل و توجه درون پرده سی آلتدن منفعتنه و کارینه رواج و بر مکه معناد اولان مأمورین کراغزدن بعضیلری، شیخ عبیداللهک بوقدرتنی واهالینک حس و ظنروری ایله مألوفیتی شغشعلی سوزلرله در سعادته قدر عرض ایتش اولدقلرندن، هر کسه برابر مرکز خلافت دخی شیخ عبیداللهدن اولیه بر خدمت مقدسه بکله مکده ایدی. بناء علیه فائق پاشا بردوزییه شیخ افندی ایله خنابره ایدیور وانک معروضات و مطالباتی تسهیل ایلوردی. آتیده کوریه چکی وجهله صکره بولنرک هیچ بریسنک اصلی، فصلی چیقمدی یا!...

یا لکز شوقدر واره که اخیر آشیخ افندی حضر تلری، بزم اردونک بایزید جهتندن روسیه حدودینه تجاوز ایتدیکنی ایشتمکدن یعنی بزم انتظار من زمانتی ایکی آی قدر کچیردکن صکره، سوار ی و پیاده برایکی بیک قدر عساکر معاونه ایله «مصون» کدیکنده بولئان الشکر دفرقه سنه یعنی بایزید اردوسنه ملحق اولمشیدی.

خوروم دوزنده قره مزك اقامتی انساننده بائی بوزوق سواریمی بر طرفندن ده
تکثیر اونیوردی . بکلی احمد وقوعاتندن صکره جسارتی تزید ودها زیاده
حالی تنظیم ایدن دشمن ، بر طرفدن قارصك محاصره سنی تشیید ایتمکه برابر
عموم شهری واستحکاماتی طوبه طوتمق اوزره یرلرینی حاضر نمده اولدینی خبرلری
آلتمده اولسون؛ بر طرفندن ده، آردهان جهتنده کی عسکرینک بر قسیمیله، بزم
صول جهتمزه یعنی پنک واولتی طرفلرینه بر تعرض اجر اسنه قیام ایلدیکی ایشیدلدی .
تعرضك صورت وقوعنك تحریرینه بدأ اولمزدن اول ، استانبوله ، عموم
آناطولی جهتنك درجه کفایه ده قوته مالک اولمدینی بیلدیرلیدیکندن ، برنجی
وایکنجی اردوی هایونك صنف ثالث ردیف طابورلرندن طوپلانیله بیلن مقداری
سلاح آلتیه آتیه رقی پی در پی ارضرومه سوق اولتمده بولمیش ؛ حتی بونلردن
صدقلی ، یلواج ، عشاق ، قره حصار طابورلری کبی بعضیلری ارضرومه واصل
اولمش وارکان وامراجدهخی اردوی هایونك اکمال نقصاننه مدار اولمق اوزره میرلوا
حاجی راشدباشداخی درساعتندن ارضرومه کوندرلمش اولدینی ذکر ایتک اقتضایدر .
پنکده بولان میر آلائی حق بکک تعلیمات و مأذونیتی درجه سی ، دها پنکه
کیدرکن بالاده یازلمش اولدیغندن بوراده تکرارینه حاجت یوقدر . فرقه مزك
خوروم دوزینه مواصلتندن اوچ بش کون صکره میر آلائی حق بکک مختار
باشا حضرتلرینه کلان بر مکتوبنده ، دشمنك قوه کایه ایله پنکه متوجهاً
آردهانندن حرکت ایتمش وکولهیه مواصلت ایدرک آره یرده بولنان (قانی کجید)
نام مخلصن کچمکده اولدینی خبر آلمش اولدیغندن ، کنديسیده ، تعلیماتی وجهله
ارضرومه حرکت یعنی رجته مهیا بولندینی بیلدیرلمشدر .

پنک بوغازینك طارلقی واوراده اوفه جق بر قوتله خیلی دشمنه قارشی
طوبه بیله جکی ، وپنک اولمزسه بیله آرقه طرفنده کی اراضی اون ، اون ایکی
ساعت طوانده جبال شاهقه ایله مستور ونهر جاری بونجه اولتی قصبه سینه
وسیوری طاغنه طوضری تمتد بر طریقندن عبارت اولدینی جهته مدافعه سی قوه
کثیریه محتاج اولمیه جنی درکار ایهده ، مع مافیه صنف ثالث ردیف ومستحفظ
طابورلرینک ، عساکر معلمه ومنظمه قدر سلاح استعمالجه احتیاج ملدیکدن
اولمقلری وخصوصیله اکثری یاشلری حکمین اهل و عیال قیدیه مقید ؛
فکرلری ، مملکتلرینده ترك ایتدکلری ایشه کوجه معلق اهلیدن بولمقلری
جهته بولنده حواله اولمجه جق ایش ، نظامیه عسکرینه وردیظك صنف مقدملرینه

حق بکک پنکدن
صاووشمی

تکلیف اولته حق خدمات حربیه ایله بالطبع مساوی اوله ماق لازمکیر. بوجهته اوراسنک قوتنک تزیید مقداری ایجاب ایلدیکندن، اوچ طابور عسکر ایله میرلوا شاهین پاشا، پنکک آلتی ساعت کریسنده چلدر سنجاغنک متصرفلق مرکزی اولان اولتییه کیتمک و حسابیه کوره اولوقت یا پنکده و یا خود اولتی جوارلرنده اولسی لازمکن حقی بکله برلشهرک اقتضای حاله کوره حرکت ایلک مأموریتیه نزد مرده کی فرقه دن چیقارلدی.

ارضر و مرده کی راشد پاشایه ده، استانبولدن کله رک شمدییه قدر اوراده بریکمش اولان عسکر دن درت طابورله اولتی جهته چیقمسی و شاهین پاشا و حقی بکله بولوشهرق حالک ایجابیه کوره حرکتله، هر حالده دشمنک او جهتن ایلروایه مامسنه و بزم فرقه نک صول جناحنک آمین بولمنسه اعتنا ایلسی تلغرافله یازلدی. حقی بکده، راشد پاشا ارضر و مرده و شاهین پاشا بورادن عسکرله کلیور، انرله بالخابره برلشهرک حال و موقع نهی ایجاب ایدیورسه اکا کوره طاورانسى، الحاصل فرقه مزک صولنک دشمنک تهدیدن و قایه و اقتضاسنه کوره استفاده ایدلمسی اشعار ایدلدی.

دقت بیوریلیوریا! بونلرک جمله سنه اساس مقصد کوستریله رک «حالك ایجابیه کوره نه یایلمق لازمکایر سه اتی یاپیکز» امری ویریلیور و هیچ بریسنک دأرء حرکتی تحدید ایدلیور. حکمت و تبصر اربابندن اولان بر قطعه عسکریه قوماندانی، بودرلو اوامرایله چوق نافع ایشلر کورده ییلر؛ هم برده باش قوماندان بومقوله مسألده: [فلان جهته کیدیکز، فلان یرده او طورکز و یا حرب ایدیکز، یا خود مدافعه ده بولنکز و یا حریفلری أسیر ایدیکز و یا اوزاقدن برنمایشده بولنکز] امری ذاتاً و یره مزکه...؛ چونکه او یله بر موقع و حالده آمر اوله حق شی آنجق طبیعت مصلحتدر، امنیتدر؛ قطعه قومانداننک جوهر ذاتیسیدر. قطعه قوماندانی بر جهته عسکر یله صاقلانیر و صکره ده، [طبیعت حال ایجاب ایتدی ده کندی هیچ کوسترمدم] دیر ایسه، باش قوماندان «نیچون او یله یایدیکز» دیه مز؛ دیر ایسه حقسزلق ایتش اولور. بودقایق حقیله تقدیر ایدوب ده عقل و بصیرت دأرهنده حرکت ایدن اولی آنها قوماندانلرک و ضابطلرک بزده چو قجه اوله رق یتشدیکنی کورمه دن اولمک، نم ایچون مرادم کوزمده قاله رق کیتمک دیمکدر. یوقسه عجباً بر (خیال محال) می تمنی ایدیورم...!

حقی بکله یازیلان بواصر، مومی الیهی اولتی نک درت بش ساعت کریسنده

واقع سیوری طاعنده ارضرومه طوغری قاقچده ایکن بولمشدر . مکر حق
 بك . دشمنك اولجه بولنديني پنك نقطهسنه متوجهاً كلكده اولديغی ایشیدیر
 ایشیتمز . بالاده یازیلان اخبارنامه یی باش قوماندانه یازدقدن صکره پیلینی
 پیرتینی طوبالیهرق طبانہ قوت ارضرومه چکیلوب کیتسکه تصدی ایتش ایتش !!
 حق بك بوتصویرینی اجرا ایدز وحاجی راشد پاشاده اولتی یه متوجهاً کیدر
 ایکن ، ایکی قوت ذکر اولنان سیوری طاعنده بربرینه ملاقی اولمشلر . اورایه
 قدر جاهه صیرم یورودلمش اولان حتی بکک عسکرندہ جان قالمش اولدیغی
 حاجی راشد پاشا کوروب تأسفلر ایتش وحتی بکه ارضرومه عودت وراحت
 ایتمک اوزره رخصت ویردکدن صکره حتی بکک طابورلرینی کندی قومانداسنه
 آلمشدر . اوصرده اولتی نك صاووشمش اولان هیئت حکومتی دخی ارضرومه
 کیدر ایکن حاجی راشد پاشایه اوراده تصادف ایتدکلرندن جمله سنی طوردیروب
 دشمنك تحقیق احوالیچون وسائط استکشافیدیه مراجعت ایتمشدر .

اولتی نك دشمن
 طرفندن استیلا
 اولتی

کلهم دشمنك حانه : برآلای قدر سواری ، ایکی طابور مقداری پیاده ؛
 برکشف اجراسیله برابر اولتی یی وحوالیسنی چالقابوب عالی خلجان و هیجانه
 دوشورمک وکوزلرینه کسیدرلر ایسه اولتی یی ضبط ایله اوراده او طور یورمک
 اوزره آردهان قوماندانی جنرال (قاروف [*]) طرفندن اوجهته جیقارلمش ؛
 حتی بکک دشمن کلبور تلاشیله پنك موقعی ترک ایتدکدن صکره ، دشمن
 مفرزه سی دودوکی . ترانپتمنی چالهرق پنکه واوراده اوکنه چیقمدجق ویاخود
 یولی اوزاقدن اولسون تهدید ایدمک کیمسینی بوله مدینی کی آهسته آهسته
 یورویهرک اولتی یه کلش کیرمش ؛ ردیف دیوینی و سائر املاک میریه یی ضبط
 ویغما ایتمکله برابر مفرزه نك قوماندانی اولان ذات . حکومت قوناغنده استراحتله
 اوراسنك روسیه دولتی حسابنه ضبط اولندیغندن دولت مشارالیه نك عدالتدن
 وهرکسک کندی حقوقدن وجانندن آمین اولسی وروسیه حکومتنه خاضع
 ومطیع بولمسی لزومی اعلاناملر ایله اهالی یه بیلدیرمشدر .

شاهین پاشانك
 حالی

برده شاهین پاشامزك حالی کوردم :
 زمانك . اهل زمانك بر اقبله بر آدمی تلقیب ایلسی ، افکار عمومیه قارشوسنده ،
 اوزاتک حاندن و اخلاق واقعاتندن ویردیکی امتحانه مقابل آلدینی ذکر جمیله
 بکزرکه . بوندهده حقوق کرده لر خالقان اصابتی کورولمشدر . نه کیم بعضیلرینه

[۹] بوجنرال قاروف صکره دن باطوم جیتنه قوماندان نسیب اولتمشدر .

دلی حسن، اوکوز محمد، آبی کاشف، تلکی واصف، تبدل ممش، بلبل اینیش، کول احمد دیدکلری کبی، بزم عسکرده بعدالامتحان، بوزات شریفی یعنی شاهین پاشای (قارغه پاشا) لقیله یاد آلمشلردر. اوله دکلای! ذاتاً بزده [بکید لقیله آکیلیر] سوزی ضرب مثلر جمله سنه کیرماشمیدر؟! [*]

شاهین پاشا بزم اردو کا همزدن حرکت ایتدیکنک ایکنجی کونی، تمام اولتی قصبه سنه ناظر بولان طاعک اوسته مواصلت ایدر. شهره طوغری صارق قده ایکن برده دشمنک قصبه نک ایچنده اولدینی خبرینی آلمسیله برابر خوشابک یاغی کسلیلرده اولدینی یرده طوکه قالیر. براز وقت تحیردن صکره، دشمنک برضررینه اوغراماق ایچون کوچ حال ایله براز کری چکیله بیلیر.

اردوی هایونک خدمت جهادیه سنده بولمق اوزره خوروم موقنه گلش اولان «اولتی» نک معتبران اها لیسندن خیروبک زاده نعمان بک وعیسی بک زاده نجیب بک کبی بعضلری مفرزمزک حرکاتی تسهیل ایتک ویوللری بیلدکلری ایچون قلاغوزلقده و خدمت کشفیه ده بولمق اوزره شاهین پاشا رفاقته تعین اولمشلر ایدی. بونلر اجرا ایلدکلری تحقیقاته مبنی اوله رق پاشایه خبر ویرلرکه: (اولتی قصبه سنه داخل اولان دشمن برشرزمه قلیله دن عبارتدر. دارالمهماتندن بوقدر مسافه آیرلمش و اوکومزده کی طار بردره نک ایچنه کیرمش. ترکجه سی آله دوشمش وصیقشمش بر آو دیمکدر. رجعت ایتک ایچون شمدی اوزرینه ناظر اولدیغمز یولدن بشقه ده یولی یوقدر. بویولده ایکی طرفی جبال شاهقه ایله مستور آلتی ساعت طولنده بردرین دره در. یولک برکنارینی اختیار ایدرک کچرلر ایکن اوزرلرندن طاش یووارلاسه قبیله کافیدر. ساحل سلامته چیمملری ممکن ومتصور دکلدر. راشد پاشاده ارضروم طرفندن کلیورمش. اودشمنک ارقه سندن کله طورسون؛ بزده بورادن اوکنه اینه رک یولنی قبار ایسه ک حریفلری کاملاً اسیر ایدرز.)

هپسی اعلا، جمله سی کوزل اما؛ بو حقیقی اوزات محترمه ا کلاتمق کوچ. صکرده دن بومبارکک بازید جهتنده بولندینی زمان دخی حالتی ایشدک! بر بورو چانوبوده عسکر سلاح باشه کچر ویا طوب تفنک پاتلار ایسه، کندیسینی

[*] شاهین پاشانک اسم قدیمی اولان شاهینک، زمانک وخلقک بالامتحان طاق دینی لقب اولیوب آناسنک، باباسنک اولاد حقنده کی حسن ظنلری ویا انلرک حسن تمیناتی نتیجه سی اوله رقی طاقیلان اسملر عدادندن اولدینی معلوم اولغله، پاشانک بواسنی، اودرلو لقبلردن عدا ایدوبده صورت تحریرمه مزده تناقض کورلیه!

قورقوسندن سانجی طوتار ایش. ظاهر اولتی نك اوزرنده کی طاغدهده سانجیسی
طوتمش اولمیدرکه؛ اوراده بیوده یره ایکی کون اختیار اقامت ایتدی ده،
دشمنی کال امنیت و سلامته اولتی دن چیقاروب یوله سالدی.

اولتی ده کی دشمن مفرزه سی، طاعنك اوزرینه بزم عسکرك کلدیکی اولتی نك استغلا
وارضروم جهتدن دخی باشقهجه عسکر کلمکده اولدیغی خبر آلدینی ساعتده
شاهین پاشانك سانجیسندن زیاده سانجییه اوغرایه رق درحال اولتی بی ترك ایله
چیمش ونیم جانله اوزون اوزادییه دره لری کچرک پتک وکوله طریقیله اون
سکر ساعت اوزاقده بولان آردهاندکی فرقه سنه التحاق آیلشدر.

اوغراقلری تهلمکدن سلامته قورتولدقلرندن طولایی روسلر بربرلری
تهیه وتبریک ایده طورسونلر؛ روسیه مفرزه سنک رسم کچند اجرا ایدرجه سنه
بولندینی موقعک آلت طرفندن کچدیکنی کورمش اولان و «بکا ضرری اولمان
بیان بیک ییل ایشاسین» ضرب مثله بالاتباع کال وقار وسیکنت ایله دشمنک
رجعتی سیر ایدن پاشای خائفکده مشیر پاشا حضرتلرینه برتیشنامه سی کلدی.
مألی: [رغتمده کی عسکرک، اولتی نك اوزرنده کی طاغده کلدیکی دشمن خبر
آیر آلماز، عسکر مزدن کورده جکی حمله شیرانه وصولت قهرمانانه طیانهمیه جغنی
بیلوب وکال تلاشندن اولتی ده نه یاه جغنی ده شاشیروب، حتی بعض احوال
واقفانی ده براقوب خنده لری موجب اوله جق برصورتده منزلانه بر رجعتله
صاووشوب کتدی. بوده، - اکثریا بزده وخصوصیله، صرف حقیقتدن عبارت
اولسی لازم کله جک اولان محررات رسمیه ده عادت اولدینی وجهله - موفقیات
حضرت پادشاهی و خلوص نیت جناب مشیریلری جمله جمیله سندن بولمش...]
کبی سوزلر ودها درلو درلو شعشعلی ترهات ایله کاغذینی طوناتمقن عبارتدر.
بزم ایسه ایشک حقیقتدن خبریمز اولمیدغندن (های الله جزاسی ویرسین!
یازق اولمش! ظاهر شاهین پاشا یشمه مکرمین دشمن صاوشمش وطالعی اقتضایی
اوله رق سلامت یقاسنی بولمشدر.) دیور ایدله قازک آياغاک اويله اولموبوده
یوقاریده دیدیکم صورتده اولدیغی برابرند بولسانلردن وسائر اولتیلرندن
سکردهن آکلادق اما نه نأده !!

آرتق شاهین پاشانك اوراجه ایشی قلمدیغندن، کلوب فرقه سنه التحاق
ایلسی کندیسنه امر اونندینی کبی حاجی راشد پاشایده اشعار اخیر ورودینه
دکین اولتیده ایلسی ویشک بوغزینی نظر ترصددن دور طوتامی امری ویریدی.

هر نه ايشه كچشه تأسفه كرى قالميم. حاجى راشد پاشا دشمنك مقدارى واولتى قصبه سنه كيرديكنى او كړه نه رك، بریدن ده شاهين پاشانك كيمكده اولديغنى آكلایه رق كمال حرص وهوسله كلور ايكن. فرداسى كون دشمنك صاووشديغنى و آله دوشن بوياله برقيستدار صيدك نصل قورتيلوب قاچديغنى ورفقتى طرفندن شاهين پاشايه وقوع بولان اخطارلرك درجه سنى ايشيده رك يانار، يا قيلور اما... قورى قورى يه يانوب يا قيلمه نك مصلحته برآئده سى اولماز. نه چاره (يكيت بيك يشار، لكن فرصت بردوشر) مثلى اونو قيميم. راشد پاشانك غايت اجرا آتى اولتى يه مواصلايه متصرف پاشايه حكومتى تشكيل ايتديره رك ايشنه باشلا تدير مقدرن عبارت اولور.

ماشاء الله امراض ايجنده حزم واحتياطى جبات درجه سنى آشمش آدمى آزارسكز!... و بر خدمت حربه يه مأمور اولوبده رفاقتدكي عسكردن بر فردك بيله بورنى قامق سزين، اولديغنى یرده طوروب محافظه موجوديت ايتديكنى موفقيتدن عد ایدن ذواتك مقدارينى مى صورارسكز؟ پاك چوق!... (يكيتلك اون در، طقوزى قاقچق، برى هيچ كورنماك) مثلى جاله موافق اوله رق زبازرد اولشه بكنزيور.

خورومده بولان فرقه، بر طرفندن عسكرك تعليميله مشغول ايكن ديكر جهتدن ده پيدزى كلكده اولان معاونه سواريليله سوادينى زياده لشديرييوردي.

روسار قارصك محاصره سنى تشديد ايتديلر. بوصرده اوراسيله خبايره مز. كوچاشدى. يولسز اوله رق طاغدن طاغه كيمك اوزره چوبان واكراد شكل وقيافه لرند مكافات نقديه نك تدارك ايتديكى بعض فداكاران وساطته انحصار ايتدى. محصورين، اميدلرينك استقبالى وقوة الظه لرى اولان فرقه مزك وجوديله متسلى اوله رق، بوقوت مغويه نك يارديميله آرائقده قارصدن چيقوب محاصرين ايله بوغاز بوغازه حرب ايتكده اولدقلى خبرى متوالى الورود اولتله برابر. بر طرفندن ده، دشمنك قارصك زعيم و[*] كولى جهتلىر يه يرلشديرديكى بيوك چاپلى محاصره طوپريله هم ملكتى، هم ده استحكاماتى كيجه كوندوز دوكر ك تعجيز ايتكده وچولوق چوجق ايجنه دانه لرك دوشمندن وانسانجه وابنيه جه خسارلر وقوعندن ناشى اهالى يه طارى اولان دهشتلره قارشى دخی، خورومده كى فرقه مز سرمايه تسلى اولقده ايمش. «ختار پاشانك فرقه سى بش

ارصك محاصره.
ى. عسكربك
اهل بيك حالى

گونه قدر کله جگمش وشویله کسوب بویله بجه جگمش» کبی شایعات ایله اهالی آووندریلور ایش خبری ده بشقه جه آلمقده ایدی.

معلومدرکه جمعیت بشریه نك دوام وقوامك برسبی ده امید دنیا لان رابطه معنویه در. بونك زوالی حائده قانون جمعیت بوزیلور وامر اداره زیر وزیر اولور. اشته بومطالعه یه مبنی اهالی بی وعسکری یأسه دوشورمامك ایچون فصل ایدمك ونه یایلق تصوراتی، مختار پاشانك آرام واقمیتی سلب ایدرجه سنه ذهنی اشغال ایدوب طور دینی کی، قارص قوماندانك بزم جهته عكس ایدن اجرا آت وحرکات غیر معقوله سی دخی دقت نظریه بی جلب ایده جك درجه ده مهم ایدی. چونکه قارص محاصره حائی آلوب ده توانین عدلیه وملکیه نك تعطیل اواندینقی وامر ونهك منحصرأ اداره کیفیه سنه قالدینقی قوماندان حسین حامی پاشا کوردیکی کبی کندی شخصی اوزرندن مسئولیت حالیه وآیه قورقوسنی قالدیروب استبدادی اله آیش وهله محاصره حائده برسأله تسلیم زمام مسئولیت ایتیه جگنی محقق بیلدیکندن (برکونك بکلیکی ده بکلیکدر) دیه کیف مایشاء ونختار قامتی آزدره رق جنت خفیه سنی اظهار ایش ایش. عادتاً آخر زمانده ظهوری منتظر اولان مهدی نك ذات سعادت لری اوله جغنی ویوزندن بیوک بیوک فتوحات ل ظهور ایده جگنی، حسن ظن اوانور بعض فقرای درویشاندن وأرنلردن مستبشر اولدینقی محرمانه اوله رق کوروشوب قونوشدینقی ذواته خبر ویرر اولش. هله رمل حساب لری، فال کتاب لریله اشتغال ایتمك عادت مضره سنه قاپلدیغندن، کندی کندی سنی خزینۀ غیب مفتاح داری مقامنده عد ایدر ایش. هر زمانده، هر یرده، کندی منفعتی خلقك مضر تنده آرایان ارباب اغراضدن اوراسیده خالی اولدینقی جهته اومقوله لر بالذات ویا بالواسطه پاشایه مقارنت ایدرك (علمی مهدی یه دوزلندیره جکز) یولنده صورت حقدن کورونه رك وانك کشفیاتی تأیید ایدر سوزلر سویله رك ورؤیانر کورده رك بیچاره یه خیالیه خندق آتلاتدیزلر مش ودشمنه جاسوسلق ایدیور دیه اونه جق بر شپه نك وجودیله بعضیلرخی آصیری ویرمشر بعضیلرخی ده قارص قلعهنده قوماندان اولان طوبیجی میر آلا ی حسین بکك همیله قلعهنك بولندین یوکسك بر قیادن آشاغی آتدرمشر بو حسین بک ده هم آلدینقی امری اجرا ایدر، هم ده پاشای مجنونك حانه کولر ایش، هله مجرد دشمنلر نك اثر سعایتیله قره باباق طاقه سندن قارصك آق بابا ناجیه سنده مسكون ونجارت وزراعتله مشغول اشحاب ناموسدن

انای محاصره ده
قارص قوماندانی
حسین حامی پاشا
نك بعض جنتی

حاجی ولی اغانا خانسنى، یوقاریده ترجمه حالى بیان اولان مهرعلی واسطه سیله
باصدیروب کندیسنى تحت الحفظ قارصه کتیرتمش و بلا محاکمه، مجرد حقن ده کی
مسئوعاته بناءً صلب ایله اعدام آیش ایش .

قدیمدنبری قارصک وجوهندن ثروت وعقله معروف آت باش زاده براحمد
افندی وار ایدی که، محاربیدن اولجه بالمأموریه برایی دفعه قارصه کیتدی کمده
خانه سته مسافر اولمش ایدم. کریم النفس، مهمان نواز، عالیجناب بریسی ایدی .
بواحمد افندی نیک آبی بر آدم اولدیغی وقوناغنه مجهول الاحوال بعض کیمسه لر
کیدوب کلدیکنی، پاشانک کندینه مخصوص اولان خفیّه مأمورلری خبر ویرمش
اولدقلرندن، اصلحق اوزره احمد افندی بی ده اخذ وجس آیش ایسه ده،
ارکان حریه رئیس حسن کظم پاشانک واحمد افندی بی بیان سائر ارکان
وامرای عسکرینک واهالیدن برجم غفیرک شفاعت لیله اعدام جزاسندن عفو
ایتدیرلمش وپاشانک خزانه غضبه برمصرف بولنه ییلمک ایچون احمد افندی نیک
نقینه قرار ویریلوب، قارصک مواصله سنک انقطاعیه محاصره سی ده اوقدر
کسب شدت ایتزدن اول اضرومه آشیرلمشدر .

احمد افندی اضرومه کچر ایکن یولی اوستنده اولان فرقه مزک اولدیغی بره
اوغرا دی . مشیر پاشایه حائندن ومظلومیتندن بحثله خیلجه شکایتلرده بولدی
ایسه ده؛ قارص حال محاصره ده، زمان ایسه پک تنک وتک برصورتده اولمسه
منی مصلحت وقت ملاحظه سیله هیچ برشی دینه میهرک بالضروره تجاهل عارفانه
اختیار اولندی واحمد افندی ده تسلی فلان ایدیهرک منافسه قدر کوندرلدى .
الحاصل پاشام کوکره مش آرسلا نه دوئمش وخفیّه مأمورلرینک یالان یا کاش،
غرضلی مرضلی القاییه بتون قارص اهلینى قیصدیروب قوز قابوغنه سوقش
ایش . اهالی یالکیز روسیه نیک مملکته آتدیغی طوپلرک دکل؛ پاشا حضرتلرینک
دحه لرینک وفاسد الاخلاق جاسوسلرک صاوردقلری قاطر چیفته لرینک دخی
محموری ایمشدر . چونکه اقتضای حال وزمان پاشایی باب اللهدن بشقه سته
شکایته بر بر اقامش اولمسیله، اهلیدن عقلی باشنده اولانلردن بعضیلری کیجه لر
برلشه رک جناب قاضی الحاجاتدن اوزرلرینه مستولی اولان شریتدن برینک رفی
نیازنده بولورلرمش .

اخیراً قارصک محاصره سی نتج اولندقدن صکره برکون قارص متصرفی

شفیق پاشا مرحوم ایله مصاحبت ایتدیکمز اثناده، حسین حامی پاشانک مجرد غلبه سوء ظنله، دشمنله مخابره خفیه سی وار دیه نیجه جانلرد قیمش اولدیغنی و خارجده کی اردونک کلسیله عموم قارص اهالیسنک ایکی درلو محاصره دن قورتارلیدیغنی برلسان شکر وستایشله یاد ایدیوردی . برآردلق فقیر ، متصرف پاشا، حسین حامی پاشانی سومه دیکندن ویابرغرض شیخسینک سوتندن ناشی فصل ومذمتنده التزام مبالغه ایدیور ظننه ذاهب اولدیغنی آ کلاتمق ایچون ، ظن ایدرسه بویاشان اوکنه کچمک اوزره بعض تدابیر اخذ بیورلوق ممکن ایدی اما؛ هر نه سببه مبنی ایسه سکوت اختیار بیوراش « دیدیکمده : » افندم بن نصل ، نه جسارتله حریفک اجزا آتنتک تخفیف مضرتنه بر یول آرایه بیلور ایدم که ، شاید خبر آلوبده قیزدیغنی کبی بنی دهه جاسوسلقله اتهام ایدرک آصار ایدی . مملکتک تکمیل قوه عدلیه وصلاحت تنفیذیه سی آئنده ؛ کیمدن کیمه ، نه واسطه ایله شکایت ایده می ؟! هر نه امر ایدرسه ، (اصابت و کرامت بیوردیکز) دیه خوش آمد کولقدن بشقه نم آلدن نه کله بیلیر ایدی ؛ چونکه محصور ایدک ! » جوابیله مقابله ایتدی .

صکرده دن ایشتنک که ، مکر برسیدن طولانی قوماندان ایله متصرف بیتند حاصل اولان اختلاف افکار اوزرینه متصرفی . [سنی آصارم !] کلامیله تهدید ایتمش . اندن صکرده ده متصرفک هیچ بر سببه ارتق سسی حقیقماز اوئش ایتش ! العهده علی الراوی .

ایشته قارص اهالیسی بوصورتله ایکی آتش آردسند قالدقلری خالد ، صبر ومنازلری وخصوصیله بالذات سلاح آلهرق عساکر مکلفه ایله برابر دشمنه قارش کوسر دکاری صوات وشجاعتلری . هر وقت زیور لسان ابنای وطن وزینت بخش صحائف تواریخ اولسه سزادر . حققلری انکار اولمز . قریم عماریه سی زمانده وقوعبولان مشهور قارص محاصره ومدافعیه سی اثناسنده دخی بوآدمترینه بوصورتله وبلکه ده؛ زیاده ابراز آثار مردانکی وشجاعت ایتشلر ؛ وحقوق وطنک محافظه سی امرنده عهدله رینه ترتب ایدن وظیفه جانسپارانیه یی حقیقه ایفا ایتشردی . بودفعه ده کیجه لی کوندوزلی کوله یاغلق شرطیله یکر می بدی کون مملکتجه طوبه طوطلدیر . جوق خانه لر ییقلدی ؛ ذکور ولسه احتفال وصیاندن نیجه لری واصل مرتبه نهادت اولدی . رحمة الله علیهم اجمعین .

قارص محاصره
سنک تکمله
وقوعاتی

بولنر تضییق واقعك ائمله مشغول اوله طور سولار ؛ بر طرفندده روسیه اردوسنك باش قوماندانی (لوریس ملیقوف) قارصده کی عسکر واهالی بی بهوده یرده تلف ایتدیر مامك ایچون تملکتی وقلعه بی تسلیم ایتلر بی قارص قوماندانه تکلیف ایله، آرتق هیچ بر جهتن امیدلری قالدیغنی وبر امداد بکله ماملری لازمکله جکئی بیلدیر یوردی . قارص قوماندانی ده او بولده کی تکلیفه جواب ویرمه رك، بعضا دخی ردا جواب یازد رق آره صرد بر قاچ طا بور خط محاصره نك بر جهتی علیه چقاروب اهلیدن دخی بر چوق جماعت بو عسکره رفاقت ایدر کدن اولدم اولاسی به اقشامه قدر محاربه ایدر لر و صکرده هر کس یرلی رینه چکیلور لر ایش .

امکن نه بیوریلور ؛ محصور بولنان بر عسکره عرض تسلیمیت ایتلری تکلیفك وقوعی عسکرک قوه و اهمه سی اوزرنده اجرای تأثیر ایدرک جمله سنك عادتائبات قلبه طوقونور، جسارتلری قیریور؛ بو جهته محصور بی جانلیجه بولندرمق ایچون بعض خدعه حربه ایجاد واختیاری ضروری حکمنه کیریور .

محصورینک تعذیر
قلبی
حتی بردعه ینه بومقصدی محافظه ایچون مشهور مهر علی، رفاقتنده بولنان کزیده سواریلردن قرق الی کشی ایله روسیه خط محاصره سنك آرقه سنده کزینوب قسمت آرامقده ایکن، دشمن اردوگاهنه کتیر ائکده اولان اون درت آراهه بقال اشیاسنی آراهه لر یله برابر ضبط ایدرک هیئتله سور دیروب قارصه کتیر مشدر . قارصه کلیر ایکن بولده اوکنه چیقان دشمن سواریسله چارپیشه رق انلری رجعته مجبور ائمکله مرداکنی وشجاعتی اثبات ایش وبالجمله محصورینک امیدنی تجدید ایله یوزینی کولدیر مشدر . ینه بشقه دفعه لرده بومهر علی، دشمنک بیکرله مقدار اغنامی اغتام ایله قارصه صوقش اولدیغنی ده اونو تیهلم !

بو حالک صورت وقوعی، مهر علینک شجاعتی دخی داخل حساب اولدیغی حالده، قارصده کی عسکرک اشتغالات ذهنیه سی تجدید ایش و ینلرده خلیجه مدار کشت و شنید اولش اولسی جهته شایان تحسین بولنش ایسه ده، قارصده کی عسکرک چیقوب چیقوبده روسیه نك محاصره سیله حرب ایتسنک فائده سی ویهوده یرده آدم تلف ایتمکدن بشقه ثمره بی ندر، اوراسی بیلنه مدی .

براز تأمل اولنور سه انسان کندی کندینه بولور که ! جمعیت بشریه نك موجودیتی ارکانک بریسی ده جلب منفعت و رفع مضرت اساسی اوزرینه مبنیدر .

محاصره ائناسنده
چیتوبده دشمنله
چارپشقه متعلق
مطالعه

دوشونملى که يالکز قارص استحكاماتنده بزم اوچيوزدن زياده طوميز وار.
 كوللهلرينك تداريكيچون بوييه بريوقلق و قتنده نقدر باركي و نقدر زمان ايستر؟..
 الحاصل حرب لاف ايله اولمور. پاك چوق شياره و كاي فداكارلقلره محتاجدر.
 الله حاضر لقسمز حرب بيله سنك تكررندن دولتمزي اسير كه سين !

و قوعات آتیه نك، محاکمه امورده مدار اولدینی ایچون درمیانی ده فائده دن
 خالی دکلدر. دشمنك (زعیم) جهته تعییه ایتدیکی طوپلرله قارصك قره طاغ
 و قره پاتلاق استحكاماتی آشاغیدن یوقاری دوکر ایکن یوگسك قوس اوله رق.
 آتدینی كولله لر بعضاً بزم استحكاملرك اوزرندن آشهرق مملكتك ایچنه دوشیور
 واهالینی زیاده جه دهشته اتقا ایدیور. دشمنك بو طوپلرینك تعییه اولدینی
 یری، یان جهتدن آتیه طوتورق طوپلری کورلتمک ایچون، قره پاتلاق استحكامك
 صولی ایلرینه، بزمکیلر اونجه قی بر استحكام یاپوب ایچنه اوچ طوب قویملر؛
 بو طوپلرك آتیه دشمن طوپلرینی کورلته مدکاری کی، دشمن طوپلرینك
 اوزرینه بر هجوم ایدلمسنى تصور ایتملر. دشمنك پیاده سى ده، بزم طوپلرك
 آتشدن آمین اولمق اوزره کندی طوپلرینك ایکی اوچ کیلومتره قدر کریسنده
 موقع طوتورق اوزاقدن طوپلرینك محافظه سنى درعهده ایلر ایش. بزم عسکر
 برکون صباحه قارشى دشمن طوپلرینك اولدینی موقعه هجوم ایتش ایسه ده،
 دشمن طوپلرینك محافظی اولان پیاده عسکری درحال یتشهرک شدتلى بر محاربه
 و قوعند نصکره بزمکیلر رجعته مجبور ایدلمش و خلیجه مسافه ده تعقیب اولمشلر
 ایش. اثنای تعقیبه کوردکاری شدتک حکمیله قره پاتلاغك ایلر وسنده بولان
 اوچ طوپلى موقت استحكامی طوتدیره میوبده، اصل قره طاغ و قره پاتلاق
 استحكامات جسیمه سنه التجا ایتدکاری کی بونلری معقب اولان دشمن بزم
 او اوچ طوپلق استحكامك ایچنه کیروب عجله ايله طوپلری یرندن نقل ایده میه جکبری
 جهته يالکز طوپلر مز قالرینی چکوب کورتورمشلر و او طوپلری معطل برحالده
 اویله جه براقشدر. دیمک که قارصی دوکدورتماک ایچون دشمنك تعییه ایتدیکی
 طوپلر اوزرینه وقوعبولان هجومزده، آنجق دشمنك کندی طوپلری اوسته
 برقاتدها نظردقتك جلب ایدلمش اولمسندن بشقه برایشه یارامدی.

طوپلر مزك دشمن
 عسکری طرفندن
 خساره اوغرامسى

بوکونلرده آردهاندن بوشالمش اولان جماعتك لیوانه دن طاوسکر طریقیه
 ارضرومه یتشدکاری خبری آلدیغندن، او طابورلره عساکر مستحفظه دن ده

عسکر علاوه سیله متدارلری حد لایقنه ابلاغ و اقتضا ایدن ضابطلرینک نصیله ارضرومده تنظیم و اصلاح اولنقده ایدیلر .

فرقه من چاقرباادن قالقوب نردیه کیدوب اوطوره جغنی بیلمدیکی سردهده یعنی خوروم موقعنک ایشمزه کله جکی اکلالمزدن مقدم، الشکرد فرقه منی قوماندانی طاتلی اوغلی محمد پاشایه، باش قوماندان طرفندن ویریلان امرده ایکنجی برامر کندیلرینی استقبال ایدنجه یه قدر، اولدقلری یردن قاعده عسکریه وجهله یواش یواش کری یه چکملری یازمشیدی . فرقه من کاویده دوت ساعت کزیده خوروم ونام دیکری زیون موقعنی، عسکر اقامه سنه آلوریشلی بریر بولایینی کبی، الشکرد فرقه منک آرتق اوقدر کری چکلمسنه لزوم قالمامش وایکی فرقه ایسه یکدیگرینه هنوز تلغراف ایله مربوط بولنمیش اولدیغندن، مشیر پاشا حضر تلرینک یاورلرندن بیکیاشی حسین راغب آندی، طاتلی اوغلی محمد پاشایه کوندیلرک، بزمله مواصله لرینی تهلکدار اتمیه جک امین ومدافعه یه صالح بریرده اخذ موقع ایدرک اوطورملری ودها کری یه چکلماملری لزومی بیلدیرلیدی. مشارایه محمد پاشاده (طاهروحات) کندکاری انتخاب ایدرک عسکری نیعیه ایلدیکی خبری آندی . شوالده اوفرقه ایله باش قوماندانک فرقه منی آردیرینی اون ساعتک تدر برمسانه فصل ایدیور ایدی دیمکدر.

بزم فرقه منک عسکری نصل تعلیم ایله مشغول ایسه طاتلی اوغلی فرقه منی ده عین مشغولینده ایدی. انکده پیدرینی لوازمانی اکل اولنیوردی . بوکونلرده ارضرومندن کوپری کویته واصل اولمش اولان ایکی طابورک الشکرد فرقه سنه کیمسی امری ویرلایکی سردهده، طاتلی اوغله مقابل وجترال (دیرقو قازوف) قومانداننده بولان روس فرقه سنک حرکته اولدینی ینه مشارایه طرفندن بیلدیرلیدی ایدی. حتی بعض خصوصاتی شفاهاً بیان ایله اقتضا ایدن اوامری آلتق اوزرده طاتلی اوغلی طرفندن شتارپاشا حضر تلرینه گش اولان ارکان حربیه قول آغالرندن خلد بکدن، عسکرک موقعنی ومدافعه یه صورت صلاحیتنی صوردی؛ چونکه موتک حالی باش قوماندانجهده معلوم دکل ایدی. خلد بکک ویردیکی معلومات وایتدیکی تعریفاته کوره، تعبیه جهه و موقعجه بعض تصحیحات اجرایی ومطلقا برصا غلام یر انتخاب اولنمسی لازمکلمسیله، خلد بک تعلیمات لازمه ایله در حال عودت ایتدیرلیدی. آرتق بزم جهنک نظر دقتی، دشمنک تعرضی اولدینی آکلایشان الشکرد فرقه سنه، یعنی اردومزک صاغ جناحه معطوف اولمسی لازمکلدی.

اولئیده کی قوتیزک
بزه التحاق

بو آراق تحقیق اولدیغنه کوره، آردهانده کی دشمنک قوتی قالمیه رق
آردهانده لزومی مقدار مستحفظین بر اقدقدن صکره اوست طرفی کاملاً قارصه
نیکلمش اولدینی آکلاشدیغندن، قارصک محاصره سنی تشدید ایتدکن صکره
بزم فرقه نك دخی اوزرینه کایتلیجه بر قصد تعرضده بولنه جنی حساب ایدملکده
ایدی. بوجهته. اردومزک صوانی و دارالمهماتز اولان ارضروم طریقنی محافظه
ایتمک اوزره، دشمنک آردهانده کی قوته قارشی راشد پاشا قومانداسیله اولتی
جهتنده بولندیریلان آلتی طابورک، آردهانک بوشالدمسی سببیه اوراده معطل
برحاله قاله جغندن، آنره خورومده بولان فرقه مزه التحاق ایتمی امری
ویرلیدیکی کبی، کوزلیمز بزم فرقه اوزرینه، قولقلرده، أشکردده کی فرقه مز
علینه متصدی تعرض اولدینی قرأن حالیه دن استدلال اولان دشمنک حرکات
تعرضیه سنی کورمکه وایشتمکه حاضر نمشیدی.

غالباً حزیرانک یدنجی کونی اولمیدر؛ أشکرد فرقه سنک آرقه جهتده
واقع دلی بابا بوغازنده کی ادارده بولندیرلقدده اولان تلغراف مخبره مأموری،
بزم اردوده کی تلغرافچی ایله قونوشورکن: [بوکون أشکرد فرقه سی حربه
کیرشمش، عسکر مز بوزلمش ایشته بوزغون عسکر بورایه دوکلمکه باشلادی.
بن نه یاپه جتم، کیمدن نه امر آله جتم؟ ماکنه نی قالدیروب صاوشه می؟] دیه
صورمش اولدیغنی، بزم تلغراف مأموری قوماندان پاشایه خبر ویردیکی کبی
اورتالغک حالی دیکشیدی. درحال قوماندان حضر تتری تلغراف چادرینه کیدرک،
دلی باباده ضابط، نفر، موقع حربدن عودت ایتمش کیم وار ایسه بریسی ماکنه
باشنه ایستدی. اسمنی شمدی خاطر لایه مدیغ برکیمسه کادی. (حال نه در؟
ایش نه اولدی؛ پاشا نرده قالدی؟) دیه سؤال ایتدیکنده، صاحیلین فرقه نك
اوزرینه دشمن تعرض ایدرک حربه باشلانمش و خیلجه زمان محاربه امتداد
ایتدکن صکره، فرقه نك قوماندانی طاتلی اوغلی فریق محمد پاشا، باشنه اصابت
ایدن برکولله پارچه سنک تأثیریه شهیداً و ذات ایتمش اولمسیله، باقی عسکرده
بوزولهرق پیدرپی دلی بابایه طوغری آقوب کلکده بولنش اولدیغنی و فرقه نك
قومانداسنی درعهده ایدن میرلوا مصطفی جاوید پاشانک دخی هنوز یولده اولوب،
دها کلوب موصلت ایتدیکنی جواباً سویلیدی.

أشکرد فرقه سنک
محاربه سی، قوماندان
طاتلی اوغلی محمد
پاشانک شهادتی

ایشته بوحواددن ذهنلر حقیقه آلت اوست اولدی. تلغراف باشنده بولنان
ذاته، سریعاً مصطفی جاوید پاشانی بولوب ویا بولدیروب ماکنه باشنه کتیرمسی
تیمیه اولندیغنی زمان، وقته اتشامک ساعت اون برینه کلکده ایدی.

اقسامه یقین و یا خود اقسامدن صکره ؛ چکش کون خاطرمدن چقمش ؛ مصطفی جاوید پاشا تلغراف باشنه کلدی . (جاوید پاشا کانجیه قدر چکیلان اضطراب درونک درجه سی هیچ سؤال اولمسونکه پک الیم و فیعدر .) اولاً علی العاده حربک ژورنالی یازدی . بعده کنديسک ، مختار پاشا حضرتلری طرفدن استعطاقه کیریشلدی . کیجه یاریسنه و بلکه ده صباحه قدر استطاق و مخبره سوردی . نتیجه اوله رق شو آ کلاشلدی که : فرقه نک اوزرینه دشمن صاحبین تعرض ایتش و حرب و مدافعه یه قیام اوله رق پک کوزل و یولیه طاوورانش ایسه ده صکره دن محمد پاشا مرحوم شهید اولمش ، دشمن ده فرقه نک صاغ جناحی آلمغه باشلامش ، موقعلری تهله کاشمش . حسب الاصول فرقه نک قوماندانی اله آله رق جبهه نک حالی یوقلا دیغنده درجه کفایه ده اولدیغی آ کلامسیله عسکره رجعت امرینی ویرمش ؛ و بناءً علیه یولیه و قدومه نظامیه دلی بابا بوغازینه و اورادنده اداره نک بولندینی طای خواجه قریه سنه رجعت ایدلمش اولدیغی افاده ایتش ایسه ده . سیاق کلامدن فرقه نک اولیه یولیه رجعت دکل عادتاً بوزولمش و عسکرک بربرینی چیکنیه رک دلی بابایه کلوب دوکولمش اولدیغنه دلالت ایدمک پک چوق امارات مفهم اولیوردی .

عسکرک حالی کورمک و وقوعاتی تحقیق ایتک اوزره یاورقول آغاسی رضا افندی اورایه چیقارلینی کی مصطفی جاوید پاشایه دخی عسکرکی وقت ضایع ایتمکسزین اوکیجه بوغازک ایلرینده بولندینی خریطه دن و مدافعه یه صلاحیتی اولدینی بر درجه یه قدر وقوع بولان تحقیقاتدن آ کلاشیلان بوکسک صرتلره چیقاروب یارین ارضرومدن کله جک اولان فرقه نک یکی قوماندانی فریق احمد فضل پاشانک وصولته قدر او موقعلرک لایقیه محافظه ایدلمسی و شاید عسکرک حفظ انتظامی ممکن اولمیونده بوغازک طیشاریسنه یعنی ارضروم جهته چیقار و قاجارلر ایسه ، بوغازک آغزینه برقاچ بلوک منتظم عسکر قونه رق اوزرلرینه آتش ایتدیرلمسی الحاصل بوغازدن طیشاری کری یه طوغری برفردک صالیویرلامسی امر و توصیه اولنش و ارضرومده بولان اردو رئیس احمد فضل پاشایه ده ، الشکرد فرقه سنک قوماندانی درعه ده ایتک تلغرافی آلدینی ساعتده حرکته دلی بابا بوغازینه یتیمسی امر اولمشدر .

دلی بابا بوغازی ارضرومده اون درت ساعتک بر مسافه ده واقعدر . بو بوغازک بزم اولدیغمز موقع ایله باینده کی مسافه ده آلتی ، یدی ساعتدن عبارتدر . یاور

رضا انندی کیجه یاریسی اورایه یتشدی ؛ یازدینی تلغرافده ، عسکرک بوزوله رق
بردهشت فوق العاده ایله دلی بابا بوغازینه ایندیکنی وحتی الشکرد فرقه سنه التحاق
ایتمک اوزره کوپری کویندن ایکی کون اول حیقارلمش اولان ایکی طابور، دلی بابا
بوغازینک ایلرینسده بزم بوزوق اولان عسکره تصادف ایتملرله بونلری دشمن
دهشت آلمش وبالطبع قورتو سرایت ایدرک دشمنک یوزینی کورمدکلری و دشمن
انلره اوچ درت ساعت مسافه ده ایلریده واوزاتده بولندینی حالده طابورلرک
افرادى ، کرک برمعاد یانلرنده بولمسی اقتضا ایدن وکرک کوپری کونی اداره
عسکریه سی طرفدن فرقه نك احتیاجنی دفع ایتمک ایچون کوندریلان پکساد ،
چادر، جبخانه کبی لوازمانک محمول اولدینی مکاری بارکیرلرینک ایپارینی کسهرک
یوکلرینی یولده براقش اولدقلری حالده نفراک بعضیلری بو بارکیرلره بینوب
کرییه طوغری فرار ایلشلر ایش . حتی بوقراریلر دلی بابا بوغازنده ودها ایکی
ساعت کریده واقع طای خواجه قریه سنده ده قلمیه رق « آراس » نه ری کنارینه
دوکولکلرینی رأی العین کوردیکنی اشعار ایلشدر.

بوقراریلردخی طوبلانهرق بوغازدن ایچری سوردیرلمسی امری رضا انندییه
ویرلیدی کبی ، دلی بابایه مواصلتده آلمق اوزره یکی قوماندان احمد فاضل پاشایه ده
باش قوماندان طرفدن برتلغراف یازلدى . مالى : « موقعك حالى پك ائی بیله میور
ایسه مده ، دلی بابا بوغازینک ایلرینسده کی صرتلرک دشمن طرفدن کلان یوللرک
برلشدیکی مواقعک مدافعه سنه استعدادینی آکلایورم . سز وصولکزله برابراطرافی
کشف و انتضاسنه کوره عسکرک تعبیه سنی تصحیح ایله کیفیتی اشعار و دشمنک
احوالی تحقیق واستخبار ایله بزى ده خبردار ایدیککز » امرینی حاوی ایدی .

فرداسی کیجه احمد فاضل پاشانک فرقه یه واصل اولدینی خبری کلدى . ایرتسی
صبح ویردیکی تلغرافده ، دشمنک بو فرقه یه بردها تعرض ایتمک نیتده اولدینی
حرکتندن استدلال ایلدی کبی بیلدیردی . بواندقاری موقعک حال و وضعیتى و عسکرک ده
صورت تعبیه سنی تلغرافله تعریف ایلدی ایسه ده ، بوکادرویریلان معلومات مختار
پاشایه امنیت بخش اوله حق درجه ده وانح اولمديغدن وبرکون اولیسی ایسه اولتی دن
آلتی طابور ایله راشد پاشا بزم بولندیغمز فرقه یه التحاق و مواصلت ایلش بولندیغدن
الشکرد فرقه سنی تقویه و تحکیم ایتمک اوزره بزم فرقه دن میرلوا شاهین پاشا
قوماندانسیله اوچ طابور کوندرلیدی کبی ، بولندیغمز خوروم اردوگاهنده پیدرپی

الشکرد فرقه
سنگ تحکیم
و تنظیمی

كلوب بريكش اولان بتون عساكر معاونه سواريلرى ده، ميرلوا مصطفى صفوت پاشا قومانداسيله دلى بابا بوغازينه طوغرى حركت ايتديرلش وموسى پاشا قومانداسنده بولان چركس سواريلرينك كافهسى ده بوقوئامداديه ترفيق ايدلشدر. الحاصل الشكرد فرقه سنك حالى، قوماندان پاشا ايچون موجب خدشه درون اولوب چونكه يكي قوماندان احمد فضل پاشا بك اى، صاغلام، أمين، درايلى برذات ايسه ده شمدى به قدر هيچ بر موقع حريده بولنامش وعسكرلك ايچنده يو وارلانامش اولسنه نظراً، هر حالده حرَكَات حربه جه محتاج تجربه اولدينى كى، مصطفى جاويد پاشانك دخى دها يوزباشيلقده ايكن برقضا قورشونى، يمش آلتى تاريخنده كى قره طاغ محاربه سنده كو كسندن كيروب صيرتندن چيقمش اولسيله، يكرمى سنه صكره بيله بونك آجيسنى اونوده ميه رِق، بتون سلاح آرقداش لرندن زياده حياتى سومكده اولدينى ايشيدلمكده ايدى. بوحالده جاويد پاشانى تكرر تجربه به كيريشمك واو به كى احمد فضل پاشانك ده، - راس اداره وقومانداده اوله رِق - يكي دن جوهرى آ كلامق، تعليم ومانوره ميدانلرند و حضرى اداره زمانلرند اوله جنى وشمدى ايسه بو تجربه نى اجرا ايتك سفر برك زماننك طارلقى اولسه بيله، امتحانز دولت وملتك ناموسى وبلكه ده حيات وممانى صفحاتى اوزرنده وقوع بوله جفتدن، مصلحت اوزرينه ترتيب ايدن بومقوله تهلكى مطالعمرلى نظر اعتا واعتباره آمامق هر يكيدك كارى دكلدر.

ايشته بوحسابلرك اهميته وكيم بيلير كنديسنجه دها نه درلو اسباب موجه نك وجودينه مبنى مختار پاشا حضرتلرى بالذات الشكرد فرقه سنه كيدوب حالى وموقعى كوزيله كورمىنى بادي امنيت قلب بيله رك قرارى ووردى. بناء عليه، تلغرافى آلدنى آنده هان حر كته خورومه كاهرك كنديسنه وكالت ايتمى وتلمايى اردو كاهده موجود بوله جنى، ارضروم والدى مشير قورد اسماعيل پاشا حضرتلرينه يازدى. اسماعيل پاشانك وصوله قدر برابر مزده بولسان اركان حربه رئيسى عمارلى فريق فيضى پاشاده وكاله براقله قدن صكره، كنديسى بزم فرقه دن نردينه بشقه جه ايكي طابور دها آلهرق كيجه ساعت ايكيده الشكرد فرقه سنه متوجهاً خورومدن حر كت ايتدى. معاملات جاريه نك اولانلندن بى اسماعيل پاشا حضرتلرينه لازمك معلومانى ويرمك ورفاقتده بولنق اوزره فقيرى خوروم اردو كاهنده براقش اولديقتن، الشكرد سفرنده رفقا مازدن ايتنى مصطفى افندى باش قوماندان حضرتلرينك رفاقتنده بولايوردى.

مختار پاشانك
الشكرد فرقه
سنه كينسى
وقوردا - اسماعيل
پاشانك اردو مزه
وكاله كلى

الشكرد فرقه سیاه بزم فرقه نك آره سنده و تمام اورته یرنده برنهر وارد ركه اسمنه آراس نهری دیر لر . بو نهر ارض و مك جانب جنوبنده واقع بیک کول طاغلرندن نبعان ایله ولایت مذکوره داخلنده بولنان عموم نهر لرك ضدینه اوله رق شرقه متوجهاً جریان ایدر . پائینلر قضا سنده واقع خوراسان قریه سنك اوکندن کچر . صوغانلی ایله دلی بابا بوغازی و خالیاز سلسله جبالنی ، بو نهر ك تشکیل ایتدیکی وادی اورته یرندن قطع ایدر ك قارص سنجاغك قاغزمان قضا سنه واورادن ، روسیه ده واقع روان بلده سندن مرور ایله بحر حزره منصب اولور . بو نهر اولدجه جسماتی اولان صولردن در . لکن اوزرنده کوپریسی اولمدیغندن ، یاپیلمق ایچون دخی وقت مساعده اتمیه جکندن ایکی فرقه نك مواصله سنه ایقاع مشکلات ایتکده ایدی . هر نه ایسه کیجه یاریسی مختار پاشا صوئک اولدینی یره واریر ؛ برابرنده بولنان عسکر صویه اوغرا دیله رق تکمیل کچیر یلور .

اللهه شکر اولسون که کیجه حالیه بر سقطلق وقوعبولمز . صودن کچکدکن صکره کوندوزدن شاهین پاشا ایله چیقارلمش اولان اوچ طابورده تصادف اولنه رق ، آلد بولنان ایکی طابورده انلرك نزدینه براقیلیر . عسکره براز راحت ایتدیرلکدن صکره ، فرداسی کون عموم فرقه نك بولندینی موقعه کتورلمسنی مختار پاشا حضرتلری شاهین پاشایه تنیه ایدر ك یوانه دوام ایدر . فجر ایله برابر فرقه نك اقامتگاهنه واصل اولور و فرقه نك قوماندانی فریق احمد فاضل پاشا ایله کوریشور . دشمنك نه جهتده ونه وضعیتده بولندینی تکمیل اراضینك حالیه برابر آکلاشلدقدن صکره اردونك ایلری به حرکت ایتدیرلمسی لزومی تحقق ایدر . چونکه ایلریده ده احاکم نقطه لر واریمش . عسکر اوچ قولدن هان یوله قونیلور . اراضی غایت کسیک و عارضه لی اولدیغندن ، أمل دنیا کی کوز ایله کوریلان وپك یقینه اولدینی تصور اولنان بریوکسك موقعی فعلاً آلد اتمك ایچون پك چوق مشاق اختیار اولنور ایمش . اوزاقدن کوزلره کسیدیریلان مواقعه آقشامه قدر طبان تمکله آنجق مواصلت ایدیله رك عسکر نقاط لازمه یه تنیه ایدیله طورسون ؛ دشمنك بولندینی موقعك حالی آکلاشلق ایچون ، مختار پاشا ، لازمکن ارکان وامرا ایله براز ده طاغلر و تپه لر کچکدکن صکره ، دشمنك اردوگاهی کوریه جك و موقعك کیریلوب چیقیه جق یرلرینی کوستره جك بریوکسك تپه یه چیقار واطرافی لایقیه کوردکدن صکره کیجه نك حلول ایتسنه منی آرقه طرفده براغلمش اولان فرقه نك اولدینی یره عودت ایدر .

حالت حکمی و موقعی ایجابی اوله‌رق اولکیجه دشمنک اوزرینه برتعرض حالیا ز محاربه‌یی ایدمک لزومه قرار ویریلیر. ترتیبائی پایله‌رق هرلوانک و آلاک و سوارى قوماندانلرینک کورده جککری ایشلر و قیام ایدجککری وقت و ساعتلر تعیین اولنور. خبرله برابر عسکر یوله قونیلور. اردونک صول جناحنی تشکیل ایدن قوته‌یغی پیاده طابورلرینه میلوا چرکس موسی پاشا؛ و صاغ جناخنه دخی فریق احمد ذضل پاشا قوماندان تعیین اولنهرق کوندریلیر. مرکز حکمنده بوننه جق طابورلری دخی باش قوماندان پاشا رزقته آله‌رق هپ بردن ایلریه طوغری حرکت ایدرلر. نظامیه و عساکر معاونه و چرکس اوله‌رق تقدیر سوارى وار ایسه، انلرده مصطفی صفوت پاشا قومانداسنه ویریلیر، دشمنده بزم اردونک ایلرینده یورون سوارى یی کورمسیله وضعیت حربیه‌نی آله‌رق طرفین سواریلری آتسه بدأ ایدر؛ براز صکره بزم پیاده‌لرده یتیشه‌رک، بونلرده قارشیلرینه چقان دشمن طابورلرینه بالمقابله آتش ایتمکه بسمله‌کش ابتدا اولورلر.

اردوونک وضعیتى و خط حربیزک شکلی اؤکوز بونوزینه شبیه و دشمنک خط حربى دخی بزمکنه موازى برصورتده ایمش. اراضی دوز ظن اولتمسون؛ کیریتیلی و حقیقتیلی دره و تپه‌لردن مشکل اولدینی کبی. طرفینک دخی صاغ جناحی کندی صول جناحنی کورده من خالده؛ وهله بزم مرکز صول جناحنی رؤیت مانع اوله جق صورتده تپه‌لر و عارضه‌لره محکوم بروضعیتده ایمش. حربیه ذاتاً قورشونله باشلانیش و بزم طوپلرایسه ده‌ا یتیشماش اولوب؛ چونکه طوپلرک — حسب‌التعییه — خط حربیزک مرکزی حکمنده اولان تپه‌یه حیقارلمی لازم ایسه‌ده، تپه‌ک غیت دیک ویوکسک اولمى سببیه طوپلرک بورایه حیقارلمى متعسر ایمش.

موسى پاشانک قوماندان ایتدیکی صول جناحنیزک برقطعه عسکریه‌سی، بولندقلری موقعدن، قارشولرنده بولنان دشمنه بالمقابله آتش ایدیورلر ایسه‌ده، اوموقعک اولک طرفی، فن حرب اصطلاحنجه محل میته تعییر اولنان یرلردن، یعنی اوموقعک اؤکی دشمن مهاجینک، بزم عسکرک اینجه کیرنجیه قدر کورومى قبل اولمیان عارضه و جو قورلردن مشکل ایمش. دشمن برقم عسکرینی، بزمکیلری اغفال اینجون اوزاقدن آتش ایتکده براقوب. قیم اخیرینی ذکر اولنان محل میته دن یوروش؛ بزمکیلرده کندیلرینه هجوم ایدن دشمنی کورده عسکرینجون، اوزاقدن قارشیلرنده بولنان عسکره کماکان مقابله ایله مشغول اولورلر مش.

محل میتهدن مهاجم اولان دشمن عسکرینک همان همان بزم طابورلرک ایچنه کیره جک صورتده یقینلشمش بولندیغی مرکزدن توماندان پاشا کوریور اما؛ اوزاقلنی جهته امداد واعانه ایدمک ویاخود هیچ اولمز ایسه اوجهته کی عسکر مزی بولندقلری حال تهلیکدن خبردار ایتک ممکن اوله میور ایمش. چونکه هم موقعلری اوزاق، همده اینیشلی یوقوشلی اولدیغندن خبر کیدنجیه قدر انلره نه اوله جق ایسه اوله جق وتحفظی حرکتک انتطاف ثمرسنه میدان قالمیه جق، بزم مرکزده برقاق طوپ بولنسه، کولله لریله دشمنک اوغوم تولی دوکولوب طاغیدیله جنی مأمول ایسه ده طوپلر مزی نقطه مطلوبه ده حاضر دکل! طوپلرک بوتیه چیقارلمسی ایچون یوز کوسترن صعوبته غلبه ایدلمسه چالیشیلور اما، بارکیلرک ضعف حالی وسورومه طاقه رق طوپلری طاعه یوقاری چیقارمغه چالیشان پیاده عسکرک مقداری درجه کفایده اولسه بیه موقعک زیاده قوت استعمالنه مساعد اولماسی، مقصدی تأخیر ایدیور ایمش.

هر نه حال ایسه قارشوده عسکر مزی حال تهلیکده اولدیغی کورن مرکزده کی عسکر، طوپلرک باشنه اوشوشوب قوت وغیرت لک اجتماعیه اوچ قطعه طوپ تپه نک اوزرینه چیقاریله بیه رک آتسه باشلا نلشدر. بزم کولله لردن برقاقنک دشمن مهاجمینک ایچنه دوشوب پاطلامسی، بو طوپلرک آتشی آلتده ایش کورمکلکک ممکن اوله میه جغنی اشرا بایدر ایمش. محل میتهدن تپیه طرمانمقده اولان دشمن عسکرینک، کولله لرک زوریه پاترکوتر طاغدن آشانی دوکولله رک رجعت ایتدکلرینی کورن مرکز مزی عسکر کیفلرندن الله الله نعره سیله طوپجیلری وکولله لری آلتشیلرلر مش. علیه لرینه هجوم ایدن دشمنک بر بشقه طرفدن فصل دفع ایدلمکده وکندیلرینه اعانه و امداد اولنمقده اولدیغندن بزم صول جناحزک خبرلری بیه یوغیمش. آندن صکره دشمن طوپلری، بزم طوپلرک بولندیغی مرکز تپه سی اوزرینه تحویل وجهه ایدرک ایکی بطاریه اون آتی قطعه طوپک کواله سنی بردن مرکزک باشنده پاطلامغه باشلامشدر. دشمن کوالله لرینک شدندن مرکزده بولنان عسکر مزی اورکهرک بولندقلری طاغدن آشانی دوکولملشرا ایسه ده برکت ویرسونکه اوصرده دشمن پیاده سنی هجوم ایتدیرمیوب اوزاقدن یالکنز طوپ ایله مرکز مزی دوکملکه اکتفا ایدر ایمش والا حال مشکل اولور مش. ضابطانک اقدام وغیرتی وعادتا قامچی و دکنلرک زوریه هر کس یرلی رینه چیقاریله رق طابورلر تنظیم ایله عسکر موقعلرینه او طور دلمشدر.

اردونك صاغ جناحی مظفر آ هجومه باشلامش و دشمنك يندنه بولان موقعلری ضبط ايدرك ايلروله مکده بولنش ايکن، دشمن ينه هجومی کندي طوپلرينك اعانه سيله تقويه ايدوب بزم صاغ جناحی بوزدوق، ضبط ايتدکلری موقعی استرداد ایلدیکی مرکزدن کورولمش اولمسیله قوماندان پاشا حضر تلی، مرکزدن اورایه ایکی طابور کوندرمکه برابر کنديسی دخی کیتمش و بوزغون عسکر دوزلدیلرک تکرار هجومه بدأ ایتدیرلش ایش.

دقت بیورلسونکه دشمنك اوقدر کثیرالعدد طوپلرینه مقابل، مرکزده ره اوچ قطعه طوپمز و جناحلرده دخی اوچر قطعه طاغ طوپ بولنیورمش. چونکه زیاده طوپ نقلنه موقع مساعدده سی اولمینی کبی، طوپ بارکیلری دخی ایستیلان قوت و مقدارده دکل ایش.

آقشامدن بزم اردو پاسینلر قضاسنه تابع « اشك الیاس » قریه سنك اوست طرفنده کی صیرتلرده اخذ موقع ايدرك بیتوت ایش ایش. اوراسنك مدافعه به التوریشلی اولدینی جهته، معاذالله تعالی حرب ایتک ایچون ایلرله مش اولان عسکر مزك رجعتی اقتضا ایدرسه، اوراده اجتماع ایدمك ایچون بش طابور ایله مصطفى جاوید پاشا احتیاط اوله رق براغلمش؛ و شاید محاربه دن رجعت ایدن عسکر اوراسنی ایلری کچمک ایدرسه، یول اوسته بعض بولکلر چیقاریلوب، اوزلرینه آتش ایدلسی امری دخی مصطفى جاوید پاشایه ویرلش ایش.

— استطراد —

قریم محاربه سی زماننده یعنی ۱۲۷۰ تاریخی محاربه سنده ظریف مصطفى پاشا قومانداننده بولانز آناتولی ده کی اردومز، روسیه اردوسنه بر تعرض اجراننده بولندی ایدی. نهایت بزم اردو بوزولدی؛ عسکرک اؤکنه طورلق قابل اولمندی. اولدن ایکنجی بر موقع اجتماع تعیین اولغلمش اولدیندن، بوزولان عسکرک اکثریسی تا اولرینه قدر کیتدیله؛ مدافعه ایدمک اورتده همان عسکر قالدی کی در. بیلیم روسیه دولتک اوزمان قوتی یوقدی؛ یوقسه حربک ویا یوقمه کک انجایی اویله ایدی. بزم عسکرکی تمقیاً ایلرله مدی. اکر ایلرله مش اولسه ایدی، بتون آناتولی نی چالقار واستیلا ایدر ایدی. او وقت دولت بر سنه قدر اوغراشیر و آنجق تدارک اولنه بیلن عسکر واردو ایله فرداسی سنه ایشه باشلاردی. او محاربه اوچ سنه بویله جه دوام ایدی.

قریم محاربه سنه
متعلق بر استطراد

هر سنده بر محاربه وقوع بولدی؛ یعنی بر سینه متادیا چالشیر و عسکر مزی اردو مزی تنظیم ایله بغده بر حرب ایدر ایدک. حتی دشمن اردویی، قارصک ایلر یسنده واقع قره دیاک. حاجی ولی کوی. صوباتان و کدکارده بولاندینی حالده. زمان اولوردیکه قارشیسنده بزم بر نفر من بیله بولماز ایدی. دشمن ده کندی کندینه او طور طور ایدی. بونصل شیدر، اوراسنه بر درلو عقل ایردی رده مدم. شمدی ایسه بر کره دشمن ایله طاقلاشلدقدن صکره آیرملق ممکن دکل؛ تا نتیجه یه قدر بوغاز بوغازه کیتملیدر.

واقعا بردوزی یه ده حرب اولیور ایسه ده، او بوش دوریلان کونلری ده. فقیر بر شیئه بکزه دیورم. کانه ایکی مصارع خروسک قارشولشوب ده رایت حرب مقامنده اولان بوغازلرنده کی توپلری دائره وی اوله رق آوروب بر کره چارپشدقدن صکره اوتیه بری یه باقوب و هر ایکسی ده کویا یم یرمش کی غاغاسیله طور اقلری قارشیدر رق دشمنک طوته جق یرینی و حمله ایدیه جک محلی آله کتیرمک ایچون فرصت بکلدکلی کی، بوزمانک حربلری ده بعینه بویله در؛ طرفین ده حرب ایتدیکی کونلر بر برینک فرصتی بکله مکله و بیوده یره آدم تلف ایتدیرمامک یولنی دوشونمکله مشغولدر. اتهی.

اردونک صاغ جناحی اوکون بر قاچ دفعه بوزلمش و بر قاچ کره لر دوزلمش؛ عاقبت آقشام اولمش؛ مظفریت بزم صاغ جناحده قالمش، لیکن آقشام اوزری صول جناحیزک بوزلمش و عادتاً اشک الیاس جهته طوغری چکیلوب کیتمش اولدینی خبری مختار پاشا حضرتلرینه واصل اولور. اوراده مصطفی جاوید پاشا قومانداسیله ذاتاً بولندیرلان احتیاطک، بوزلمش اولان عسکر مزی ایلری کچیر تیموب اولدینی یرده طور دیره جفی درکار ایسه ده، هر حالده حقیقت حال کیجه دن آکلاشیلوبده صباحک تدبیری اکا کوره دوشونمک لازم اولدینی کی، آقشامک قراکلی حربیه فیصل و یرمش ودها طرفینک جنازه لری میدانده بولنمش اولدیغندن بتون بتون کری چکلمک مشکل اولدینی قدر عسکرک اولدینی یرده قالمسی دخی کوچ و دشمنک حالی دخی مجهول اولوب، بناءً علیه مصطفی جاوید پاشا وصول جناح قوماندانی موسی پاشا لرله خنابره ایدیلهرک صول جناحده کی انکسارک قابل جبر و تألیف برشی اولدینی تبین ایتمسیه

حالیاز محاربه -
سنگ تکمله سی

رجعت اولمبوب کیجه نك میدان حربده کچرلمی لزومی تحقیق ایدر؛ وبالضروره اوراده صاحلمیلیر.

صباحلین اُرکنجه دشمنك اوکنده بولان تپه نك اوسته بر روسیه سوارسی چیقهرق اورتالی کشف ایتش و بزم اردونك هنوز میدان حربده بولندیغی آکلادقدن صکره روسلر جنازه لرینی قالدیرمغه باشلادقلردن بزم شه دامزك دخی نقل ودفنه ابتدار قلنمش ایتش.

الشکرد فرته سنك مقداری صکره التحاق ایدن عسکرله برابر یکرمی بر طابور پیاده به بالغ اولمشیدی . انك بشی مصطفی جاوید پاشا ایله اشك الیاس جهتده و اوچ درت طابوری ده هیچ حربه کیرمکسزین احتیاطده و مرکزده قنش . شو حالده آتسه اون ایکی طابورله کیریشلمش اولدینی کبی دشمنده اون درت طابورینی آتسه صوقش ایتش . حساب صحیح و رسمی ایله ثابت اولدیکه اوکونکی محاربه ده، بزم بیک اوچیوز بوقدر ضایعاتی و قوعوبله رقانك درتیوز قدری شهید و اوست طرفی مجروحدر . دشمنك ضایعاتی مقداری قطعاً کسدریله مز ایهده اوکون براقچ دفعه لر حرب قزائش، غیب ایدلمش و پك شدتلی هجوملر اولنمش . محاربه مزده میدان محاربه سیدر؛ شو حالده دشمنك ضایعاتی مقدارینك دخی بزمکی قدر اولمی تخمین اولتورایسه مبالغه ایدلماش اولور. [*] اوکیجه صباحه قدر یوک بارکیلر مز یازدیلری طاشیمشدر . سیار خسته خانه اولدیغدن یازدیلرک آغرجه لری اوچ درت ساعت کزیده اداره نك بولندیغی طای خواجه قریه سنه کوندلرملش ودها خیفلرینك ده؛ بش ساعت دها کزیده بولان کویری کوبه واورادن ده اضرومه کوندلرملی ایجاب آیتشدر . بو خسته لق ایچنده بعضیسی یازدنك میخن اولمسندن دکل، مجرد قانك سیلانندن و ذات و بعضیسی ده در حال باقیله مامش اولمسنك تأثیریه ترك حیات ایتشدر .

طابورلرک حکیم وجراحلری درجه کافیه ده اولدیغی کبی ولو اولسه دخی آلات و ادوات و سیار خسته خانه طاقی موجود اولدقجه مأمورین محینه یابه ییلر؛ برکونك ایچنده دوکیلان بیک نفر مجروحك یازدنی صارمق و اقتضاسنه کوره دیکمك، تمیزله مك فیل قویمق قچ حکیمك . نه قدر زمانده کورده یسه جکی

[*] روسلرک اخیراً نشرایت کارینه کوره کانه بشیوز بوقدر نفر ضایعاتلری واریتیش . بلکه ده محبجدر، کتم ایتکده معنا نه در .

ایشدر؛ خصوصیه کیتدیکی خسته خانه ده در حال اوقدر یتاق نره دن بوانه جق؟ بو بر اوزون حسابدر، بوحال تعریفله بیلمنر، مکر بالذات بولنوبده کورملی که اهمیتی نظرلرده تقدیر اولنه بیلسین. هله یاره لی بر آدمک سمرلی بر بارکیر اوزرنده ایکی اوچ کون یول کیتمنی ذهنلر بر کره تصور ایتسونکه او آدم نه حاله کایر؟ هر بار کیرک باشی چکمک وخسته یه باقق اوزره برده آدم لازم. یامیدان حربدن بونلرک بعضیلرینک یاره سی خفیف اولورسه کندی کنندینه عودت ایدیه بیلر، یا آغر اولورایسه ربم سلامت ویرسین؛ زیرادر حال باقیله میور. بوراسی بوقدرله قالسون. اشبو حربده، صاغ جناحده سواری میر آلائی درویش احمد بک آیاغندن قورشونله مجروح اوله رق ارضرومه کیتدیکی کبی صول جناحدن دخی ارکان حربیه بیکباشیلرندن (زورلی عسکر) نامیه ملقب اولان مناسترلی رفعت بک آئندن باش پارمغیه شهادت پارمغنک اره یرنده کی اتدن قورشونله یاره لنه رق تا ارضرومه قدر عودت ایتدیکنی ایشتم. رفعت بک آرقداشلیری، رفعت بک یاره سنک صورت حصولی حقنده اوزون، قیصه چوق سوز سوبلدیلر ایدی. الهده علی الراوی. مع مافیه رفعت بک ایکی آی قدر ارضرومه بولندقدن وتمامیه راحت ایدرک وجودی ایولشدکن صکره اردومن قارصک ایلروسنده ایکن کله رک التحاق ایتدی. لیکن درویش احمد بک تاحربک نهایته قدر ارضرومدن بردها چیقمدی. عجبایاغندن آلدیغی یاره نک التیامی درت بش آی سوردیمی دیرسکر؟ بعضیلری دیدیلر که اوده ارضرومه آتاق سوریسه رک آلاینک قومانداسنه کیتمدی. اگر بویه ایسه حالنه تأسف اولنور.

قوماندان مختار پاشا بیوک بوزغونلقدن یعنی بو تاریخدن بش آی صکره ارضرومه مواصلتده درویش احمد بک تمارض ایتدیکنی تحقیق ایتش اولسنه مبنی عموم ضابطانه عبرت کوسترملک اوزره ارضرومه سالدک عسکریدن طرد اولان امرای عسکریه ایچنه بو درویش احمدی ده قاریشدردی ایدی.

اشبو محاربه ده دشمنک صاغ جناحی یعنی بزم صول جناح رک ده اصولی ایلرلی بک ضعیف ایمش. اوراسندن فوق العاده قورقشدر واکر اورادن ایکی طابور عسکر ایلرولش اولسه ایمش آرقه لری آله جقمش. بونی بعدالحرب نشر ایدیلن تاریخ حرب یازدی. لیکن یوقاریده بالمناسبه یازلدینی وجهله دشمن دشمنک حالی بیلمیور. اراضینک حالی ایسه قوماندانجه مجهول. دشمنک آرقه سنده نه درلو یوللر وار؛ نره لره،

محاربه نیچون
ختیار ایدلدی؟

نه صورتی اولیور، اوراسی بیلیمکیزین تعرضه ابتدار اولمشدر. اما اوکون تعرض اولمیه ایدی ده اراضی برآیجه کشف اولنه رق بعده اقتضاسنه باقیله ایدی» سؤالی وارد اولورسه، «اوکون تعرض اولمیه ایدی فرداسی کون بالطبع دشمن تعرض ایده جکدی» جوابی ویریلیر. چونکه ایکی کون اول وقوعبولان طائی اوغلی محاربهنک آلآن طادی دایاغنده اولوب، خصوصیه او حربک نتیجه سی استحصال ایتمیش اولدیغندن، بالتعرض استحصال نتیجه ایده جکدی. بزم طرفدایسه عسکر برکده بیلیمش اولدیغندن، معاذالله ایش دشمنک تعرضنه بر اقلسه ینه بر فالکات وقوعبولق احتمالنن قورقولور ایدی. تعرض ایدن عسکرک قلبی هر حالده کسب متانت ایده جکندن و دشمنک مقدار موجودی ایسه معلوم بولندیغندن برکون ده زمان کیرلمسی بیوک بیوک مضر تلری انتاج ایده بیلیدی.

فرقه سی عیننه بزم طرفدن بو صورتله تجاوز وقوعبولمش اولان جنرال دیر قوقازوف روسیه اردوسی باش قوماندانی جنرال لوریس ملیقوفه اوکون بر خبر اوچورده رق فرقه سنک بیتمش و بتمش اولدیغنی و امدادینه یتشلمز ایسه حالک فالسه جقنی بیلدیرمش ایش. لوریس ملیقوف بو خبری، قارصک محاصره سیله مشغول اولان اردوسنده بولور ایکن آلیر. در حال آتی آلی سوار و آلتش قطعه طوپ و بر فرقه پیاده — که اون آتی طابوردن عبارتدر — ایکی ساعتک ایچنده حاضر لایه رق و بالذات قومانداسنه آله رق ارکان حربیه رئیس جنرال «کیمن» ایله صوغانی یعنی بزم خوروم اردوگاهنه متوجهاً یوله چیقار. (دشمنک بو مقداری بعدالحرب تحقیق ایدن حقیقتلردندر؛ یوقسه قبلالحرب دشمن اردوسی کایور؛ سوزندن باشقه برشی ایشیدلر و اکثر دفعه حربیه کیرن دشمنک مقداری بعدالحرب آکلاشیلیر.

مختار پاشا حضرتلری دخی اولکی کون حرب ایتدیکی جنرال دیر قوقازوف فرقه سنه، ایکنجی دفعه بر تعرض اجراسی حاضر اغنده ایکن لوریس ملیقوفک قارصدن حرکت ایتدیکی خبرینی آلیر.

لوریس ملیقوفک خوروم اردوگاهی اوزرینه هجوم و تعرض ایتک احتمالی اولدانی کی. هیچ خورومه اوغرا مقسزین آرایه کیروب، مجرد دیر قوقازوفی تهله کدن قورقار مق اوزره بزم الشکرد فرقه سنک یعنی مختار پاشانک بولندیغنی فرقه نک آرقه سی آلمق و یا خود بر مقدار عسکر ایله خوروم فرقه سی مشغول ایدرک قسم باقیسی ایله مختار

پاشانك آرقه‌سنه يورومك تصوراتى دخى خاطرلره كلان معقولاتدن اولمسيه على كل التقدير. الشكر دفرقه‌سك آرقه‌سنى محافظه ايتمك و دشمن تجاوزه ايدرايسه آراس نهريشك كچيدنده مدافعه‌ده بولمق اوزره فرقه ايچون رجعت عموميه موقعى اوله‌رق تعيين اولنان اشك الياس قريه‌سنده بولنان مصطفى جاويد پاشانك نزدنده‌كى بش طابوره برطابورك دها علاوه‌سيه درت بش ساعت كريده واقع و آراس نهريشه قريب اولان طاي خواجه قريه‌سنه كوندرنش و شايد دشمن كليتيه كلهرك مدافعه ممكن اولماييسه فرقه‌يه اخبار كليتيه كنديسنك رجعت ايتمى تبئيهى دخى و يرلش ايتمش. بوندن صكره اردوى هايونده بولمق اوزره اوكون در سعادتن كلان اركان حربه مير آلايلرندن كوتاهيه‌لى عاكف بك. ذاتاً قوماندان پاشاچه قره‌طاغ محارباتنده مجرب اولمسنه مبنى دشمنك خط رجعتده‌كى كدكارى طوتمق ايچون احضار ايديلان لوايه قوماندان نصب اولمش وانك احتياطلى ويمن ويسار محافظلى دخى تعيين قلنه‌رق هر برينك كوره‌جكي ايش وطريقك و موقعك ايچايينه كوره كيجه‌لين يرلرندن حركت ايده جملكرى ساعت تعيين قلنه‌رق هر كس يرلى يرينه طاغلمش و مختار پاشاده بالذات كندى قومانداسنده «دير قوقازوف» فرقه‌سنه جبهه تعرض ايده جك عسكرى حاضرله مشدر. اكرچه او كيجه الشكر دفرقه‌سك صول جهتده بولنان صوغانلى طاغتك اوزرنده واقع ميللى دوز نام موقعده دشمن اردوسنك يعنى قصد تعرضيه قارصدن حركت ايدن لوريس مليقوف فرقه‌سك ياقدينى آتشارى شتار پاشا كورمش اولمسيه دشمنك صوغانليده اولديغه حكم ايتمش ايسه‌ده دشمنك كوزوكديكى يردن طوغريدن طوغرى به الشكر دفرقه‌سك اوزرينه كلمى ويا آرقه‌سنى آلمسى يولمزلق جهتيه ممكن اوله‌ميه جغتدن بالطبع «مجنكرد» و «خوراسان» طريقيه كلمى لازم كليركه بوده لاقلا ايكي كونه قدرده «دير قوقازوف» فرقه‌سك ايشى بتيريلور، انك اوتة طرفى ده حضرت اللهك لطف و كرمه قالير، ديهرك، عزمنده و مانورده سنك اجراسنده پايرجاي ثبات اولور. عاكف بك او كيجه بلكه ديكي ساعت حركتك حلول ايتمسنه مبنى عسكرينى قالديرر، يولنه دوام ايدر. آره يردن بر ساعت قدر زمان كچر كچمز مصطفى جاويد پاشادن برمكتوب آله‌رق دشمنك آراس نهري كنارينه ايتمش و كنديسنه محازى بر حاله كلكش اولمسنه مبنى رجعت ايده جكم ديمسونمى؟ اووقت مسئله چتاللاشير! هايدي عاكف بك ايشنه دوام ايتسين ديلم. صباح اولوبده حربك تمام

جیوجیولی زماننده «لوریس ملیقوف» فرقه‌سی آرقه‌دن کلوب چاته‌جق اولور ایسه اوحالده بزم فرقه‌نک کلیاً محوی اقتضا ایددجک . بناءً علیه هنوز ایشه باشلامق‌سزین عاقبه انتظاراً اولدقلری یرده قالمق‌لری لزومی تحقّق ایدرک عاکف بکک حرکتی تعطیل ایدلمش وعسکر یرلی یرینه اعاده اولنمشدر .

صباحین فرقه‌نک صول جناحنه یعنی صوغانلی طاغنه طوغری باققدقه طوپ دومانلری کورولمکه باشلامش وبعض دفعه هوانک صورت جریانه تبعاً ینه اوجهندن دریندن طوپ سسلری ایشیدلمش اولدیغندن، قارصدن کلش اولان دشمنک، خوروم اردوگاهنه تعرض ایدرک حرب ایتمکه اولدینی کرکی کبی آکلاشلش وشو حالده بریده بدأ ایدیلوبده تأخیر ایدیلن حرکتک، خوروم اردوسنده کی حربک نتیجه‌سه انتظار ایلسی اقتضا ایتشد .

مکر مصطفی جاوید پاشانک اشعاری ، تفصیلی آتیده کوریه‌جکی وجهله صرف وهمدن عبارت برشی ایش . بهوده یره فرقه‌مزی حرکات تعرضیه‌دن واغلب احتمالله کوره بیوک برقرانجندن آلیقویمشد .

«من جرب‌المجرب حلت به‌الندامة!» بوذاتک نه اولدینی وآلدینی یازدنک آجیسنی یکریمی سنه‌دنبری اونوده‌مدینی بالمناصبه یوقاریده بیان اولنمش ایدی . وقت آسایشده کیسه‌ینی بکنمز لافزن، طفره‌فروش قلمزنلرک اکثریسنک هنکام عملده حالی بویله‌در . «نعوذ بالله من قول بلا عمل»

شمدی برازده خوروم جهته عطف نظر ایدلم : اضرروم والیسی قورد اسماعیل پاشا حضرتلری کلدی . اردونک موقعی وحالی کزدی ، کوردی ، آکلادی؛ دیرکن قارصده کی محصور حسین حامی پاشادن ، طاغدن طاغه آشیرلمش جسدن شفره‌لی ینه برمکتوب ظهور ایتدی . نتیجه مفادی : دشمن آتشی صیقلاشدیردی . استحکاماتده کی طوپلرک کولده‌سی پک آز قالدی؛ اداره ایله قوللانیوروز . شو کونلرده بزم برچاره‌مزه باقیله‌مازسه حالک وخیم اوله‌جغندن عبارتدر . ایشه او مکتوبک صورتی‌ده بودر :

«قلعه خارچنده چند دفعه وقوع بولان حربلردن باشقه، اون درت کوندر شدت اوزره کره‌میت ویرلان طوپ محاربه‌سنده نوایجاد طوپلرک [۱] دانه‌لری

[۱] قروب قابرقه‌سنگ اون ایکی واون بش سانتیمترک طوپلری دیتکدر .

ختمام بملقدد اولوب مجبوراً ششخانه لر ايله بال يمز [۱] دانه لری انداخته . مباشرت اولنه جغندن او وقت مذکور طوپلر قوال اوله جنى وحى اوج ييولى ششخانه نك برى كندى دانه سندن ييولرى بوزيلوب قوال اولمشدر . دشمن قره طاغ وقره پاتلاق طابيه لرينه تخميناً درت بيك خطوه قدر تقرب ايلدى ؛ طوپ انداختيله منع اولنيور . خصوصاً دانه اولمايغندن اون دانه يه بردانه انداخت اولنيور ؛ وسوارينك فقدانى ، قلعه نك بوش براقيه مامسى خصوصاً لرندن . شى بوكون يكرمى طابور ايله درت آلاى سوارى ويوز قدر طوپدن عبارت اولان دشمن اوزرينه هجوم ايتمه ك تردد اوزره بوليلوب ، رفاقت دولترلنده بولان سيار فرقه سندن ده معاونت اولنه مامقدد بولنديغندن ، شو وجهله دانه ختمام بولنجيه قدر بقالم مولانيلر ؛ نيلرسه كوزل ايلر . اولبايده امر وفرمان حضرت من له الامر كدر .

حسين حامى

افرادى واعضاسى فيضى ومخلص وراشد وشوكت پاشا لر دن مركب اولمق . اوزره اسماعيل پاشانك چادر نده بر مجلس عقد ايدلدى . مصلحت اكنه بويته . تذ كردن صكره نهايت بومكتوبك مختار پاشايه كوندرمىسى وآنك طرفندن نه امر اولنور ايسه مقتضاسنه توفيق حركت اولتمسى قرارى ويرلدى . مكتوب ده . اسماعيل پاشانك بر مکتوبنه لف اولنه رق مخصوص بر ياور ايله مختار پاشايه كوندردلدى . مختار پاشا نه يپا جقدى . بيله مكه چونكه اوده امداد واعانه يه محتاج بريى ايدى .

واقعا صدددن خارج ايسه ده ، مادامكه بر سر كذشت يازيليور ؛ حربك دوام ايتديكى طقوز آى مدت ظرفنده ديشه طوتنان وشايدان . جماع وتذ كر اولان شيلرك كافه سنك يازلمسى ده لازمدر . وقتا كه مذكور مکتوبى مختار پاشايه چيقاردق ؛ برايش ايچون اسماعيل پاشانك ياننده ايدم . كندينه مخصوص طرز افاده ايله ديدى كه : [بابا والهى بزبومكتوبى بيهوده يره مختار پاشايه كوندردك . لكن نه چاره ؛ مجلس بر كره اويله قرار ويردى . يوقسه بكا قالسه بن نه يپا ز ايدم ؛ بزم يانمزه كيلردن والشكرد فرقه سنده بولانلردن بيك سوارى جمع ايدردم ؛ اضر ورمه يازره ق بيك صندوق كوله . بورايه كتير دير وسواريلرك آلرينه برر ليرا وقوجا قلرينده برر صندوق ويردك .

[۱] بزم طوپخانه معمولاتندن طقوز واون بر چاپلر نده آغز دن طولار طونج ششخانه طوپلرينك حالى آكلامقى ايتنيور .

قارصه ادخال ايدر ايدم. [ماشاءالله فتبارك الله؛ تدبيرده اولورسه بويله اولسون!!!
بر آدمكه بين الناس تحيز و تميز ايتمشدر؛ نيم اعتقادجه بوش دكدر، البته او آدمده
بروجه مزيت واردر. بعضيلرينك قائل اولديغي كي، صرف طالع و نخت
ديديكمز تصادفك حكيمدر ديهيم؛ بوبر اوزون بختدر، اوراسنى قاپايه؛ فقط
او ذاته من كل الوجوه عيبه زدرده دينيله مز. مشار اليه اسماعيل پاشا دخى احتمالكه
او آنده چوجقجه سنه بر مطالعهده و خيالى عالمدرده كزنديكى زمان، محصول
تصوراتى ذهنده ضبط ايدمه ركه اظهار ايتمشدر. بوندن طولاي تعيب ايدمك
اقتضا ايتمز. فقير ديدمكه، جمله محاذيرندن قطع نظر، بوسوا ريلر دشمنك خط
محاصره سنى ياروب كچه جكلرى صرهده حرب ايتيه جكلرمى و سلاح استعمال
ايلاهيه جكلرمى؛ او وقت صندوقلى نزميه قويه جقلر و بعدالحرب تكرر نصل
آله جقلر و نه وجهله قارصه كيرديره جكلر و صكره قارصدن كنديلرى نصل
حيقه جقلردر؛ هر حالده ايشك بوجهتلى شايان مطالعهدر. حال بوكه بوديديكم
محاذيره گلزدن اول دهانه قدر مانعلا و واردركه ايشك ممكن الاجرا اولمديغنى
تعين ايدر. بركت و يرسونكه بونك ممكن الاجرا اولمديغنى اخيرا كنديسيده
آكلايوب جهت اجرائيه سنه كتمدى. مسئلهده مسكوت عنه قالدى.

او كيجه هر كس اويقويه وارددن صكره اردومزك قره غوللرى قارصك
صوغانلى طاعى جهتده مسكون طاغستانك « قوموق » قيله سى مهاجرلرندن
بريىنى كيتريدلر. بوكلن آدم برتلاش و فرياد ايله، دشمنك اوزرمزه طوغرى
حر كنده اولوب حتى بوكيجه ساكن اولدقلى قريه جوارينه ايتمشلر؛ كنديسى
پياده اولدق بشقه كويه صاووشمش و اورادن برآت تدارك ايدرك خبر و يرمنك
اوزره اردومزه گلش اولديغنى مشار اليه اسماعيل پاشايه خبر و یردى. فيغنى
پاشا ايله حاجى راشد پاشانك چادري يقينجه اولديغندن انلر اويقودن قاديريله رق
مذاكره اولئدى. ذاتا بوفرقه نك رفاقتده سوارى اوحنجى آلايدن يوز باشى
حاجى عبدالله اغا قومانداسيله بر بولك سوارى بولنديغنى جهته، اولبولك افرادينك
ممكن اولديغى قدر ايلر و لهملرينه و كوره جكلرى شيلرى پيدىرى بيلدرملرينه
ويوخبير تهييج چيقار ايسه. نرم نه ياقمقلمز لازم كله جككتك دخى باش قوماندان
باشادن استيداننه قرار و یرلدى. بروجه قرار اقتضاسى اجرا قلندى اما، بو خبرك
يوق يره احداث اولمش برشى اولق احتمالى ده متصور اولوب هر حالده بالكليه
۹ — باشمزه كلانلر

خوروم مجربه
سنگ تحق
وقوعى

صحيحدر دينهميهرك ينه اويقويه وارلدى . صباح اولدى . برقاج ساعت چىمدى ؛ ينه ايلريده كى كويلردن دشمن كليور خبر جديدى چاندى . وىر مجلس مشاوره نك دها عقدى اقتضا ايتدى . خط حرب تكميل كزلدى . نره لرده ، دها نه لر نقصان وارسه ا كال ايدلدى . ايكنديدن صكره دخى مختار پاشا حضر تلردن بر جواب آلنديكه خلاصه سى : [حالك ايجابنه كوره عسكرجه حركت ايتمكلكنز لازمدر !] دينلمش .

شوحالده ينه بر مجلس عقد اولندى . اسماعيل پاشا حضرتلرى ، (نه ياقمقلمنز لازم كليرسه بالما كره قرار وبكا بر مضبطه ويريكز ؛ بنده او مضبطه مقتضاسياه عمل ايديم) ديدى . باقندى بورالرينى نه كوزل دوشونور !

هيئت فقيرك چادرينه كلهرك مذا كره يه ابتدار ايلديلر ؛ وبويله بر قرار ويريلوب مضبطه ياقمقلمنز عسكرجه موافق اصول اولهميه جغنى حضاردن درميان ايدنلرده بولندى . چونكه حرب حاليدير ؛ ايش بر كونده برقاج شكه كيور وهر برشكل ، بشقه بشقه مقتضالرى انتاج ايدر . اول وقت قوماندان كيملكه وهر وقت بوهيئى نرودن بوله جقده مذا كره ايدمجه ؛ دينلدى ايسه ده ، عاقبت بالما كره ، (اردومزه برخط حركت تعيين ايدرك قوماندانه بر مضبطه ويردم) صورتنده اتحاد حاصل اولدى ؛ قرارده ويرلدى .

نتيجه قرار اوچ شقندن عبارت ايدى . دشمن اوزرمزه كليرايسه متوكلا على الله حرب ايدرز ، نتيجه سنده ظهوراته تابع اولورز . اكرچه اوزرمزه كليوبده الشكرد فرقه سياه بزم آرمزه كيور وياخود الشكرد فرقه سنك آرقه سنى الملق ايچون اوجهته يورور ايسه بزده ترك موقع ايله دشمنى آرقه سندن يقاليوب اوغراشيرز . معاذ الله فرقه من بر قضايه اوغرا ايسه ، هر حالده رجعتكاهمز اولقى اوزره اردونك صول جناحتك مستند اولدينى طاعى اختيار ايدرك (نامروان) طريقيه ارضرومه كيدرز . پاسنلر اووه سنه ، كوپرى كوي يولنه دوشمير . چونكه اووه يولى ، دشمن سواريسنك كثرته مبنى كلياً موجب اضمحلالز اوله بيلير . ايشته صور مبسوطه كاغد اوزرينه قونلدى ومهرلنرك اسماعيل پاشا حضرتلرينه تقديم اولندى .

او كيجه ده صباح اولدى . خبرله برابر دشمن صوغانلى طاعى اوزرنده (ميللى دوز) نام محلى ترك ايله خوروم اردوكاهنك اوزرينه كلكده اولدينى خبرلرى آلندى كه ، حزينانك اون اوچنجى كوني ايدى ؛ كوندوز صباحلين

پلان تنظيمى
ايچون مجلس
مشاوره عقد
اولمى

خوروم محاربه .
سنة باشلانلى

ساعت ایکی به طوغری کلدی، بزم سواریلرله دشمن سواریلی، بزم مترسلی اردوگاهک ایلر بسنده چارپشغه باشلادیلر. بزم سواریلر آرتق آفاق آفاق کری به کیورلر ایدی. دشمن فرقه سی بطاریه لریله برابر تمام قارشیمزه کلرک طویلرینی تعیه ایتدی. واقعا دشمن هر قدر طوپ منزله کلدی ایسه ده، مسافه تعین ایتدیرماتک ایچون بزم طویلر آتش ایتدیلر. اولجه دشمنک بر بطاریه طوپنک دومان بزدن قالدی. کولله لری بزه کلدیکی کبی، اوکومزده عارضه لی بزمین اولدیغدن نزهیه دوشدیکنی ده کورده مدک. صکره تکر تکر برقچ طوپدن برقچ دفعه دومان قالدی؛ هیچ بریسنک کولله سی کوریه مدی. مکر کولله لر اوکومزده کی دره لر ایچنه قیصه دوشرمش. دشمنک کولله لری بزی طومدیغنی کورمش اولان بزم برنجی خط عسکری یوها! یوها!.. دیه باغیر یوره؛ وبوریلر دخی هپ بردن یوها! صدا سنه شیه برصدا چیقاریورلردی.

یوقاریده ده ذکر ایدلدیکی وجهه بزم اون ایکی قطعه طوپ ایله اون یدی طابور پیاده مزک تعیه سی دخی شو وجهه در: الی طابوردن عبارت اولان شوکت پاشا لواسی اردوگاهک جبهه سی وبرنجی خطی اولق اوزره یاییلان آوجی خندقلرینه قونلش وصاغ جناحه یعنی اردوگاهک صاغ ضلعنده کی تهیه دخی قائم مقام اکتلی عثمان بك قومانداسیله ایکی طابور اوطوردلش. الی طابورده راشد پاشا قومانداسیله ایکنجی خط اولق اوزره برنجی خطک تقریباً بیك بشیوز متره کریسنده یاپلش اولان خندقلره تعیه قلنمش؛ بزم طوپ بطاریه سنک بریسی، برنجی خطک مرکزنده والک یوکسک موقعنده یاپلش اولان طوپ طایه سنه وضع اولندیغنی کبی، ینه برنجی خطک بعض قولتقلرینه بر عددده طاغ طوپ اوطوردلش. طوپ بطاریه سنک ایکنجیسی ده عموم پیاده احتیاطنک بولندیغنی ایکنجی خطده دوردیرلمقده بولنمشیدی.

دشمن طویلری آتشی کسیدی. اهل وقوف بونک برآنی معنا اولمادیغنی تخمین ایشلر یعنی مرمرله بزم عسکری طوتدرمق اوزره طویلرک موقعلرینی تبدیل ایتمکه مشغول اولدیغنی آکلامشلر ایسه ده فیکرک عجمیلکم جهته کله جک کولله لرک دهشتی مطالعه ایتمکمزین ایلروده کی خطه کیدر وواقع اوله جق محاربه یی لایقله سیر ایدرم زعمیه آتمه بیندم. هر برده بندن آیرلیان بزم شعبان آغای برابر آلهرق اسماعیل پاشا حضرتلرینک رفاقت تحریریه سنده بولنان ارضروم ولایتی اوراق مدیری حافظ افندی

دخی یانده اولدیغی حالده ایلری یه کیتدم . تمام برنجی خطک اولدیغی موقعک
آز ییحق کریسنده بزم سواری بلوکنک یوزباشیسی حاجی عبدالله اغایه تصادف
ایدلی . بلوکیله برابر خط حربتزدن ایجری کیریوردی . « ایشته موسقوفی
کیتدک . اردویه تسلیم ایتدک ، نه یاپه حق ایسه کنز یاییکنز » دیه فقیره برلطفده
بولندی که هیچ اونو تمام ! . مع رفقا بزم برنجی خطه کلدک . دشمنک طوپلرندن
بتکرار دومان قالقدی . کوللهلرک باشمزدن چمکده اولدیغی ، هوایی یاروب
کلیرکن چیقارمقده اولدقلری عجایب عجایب سسلردن آکلاردق . بزم طوپلرده
آتش ایتدک بدأ ایتدیله . دشمن ، کوللهلرک مسافه سنی ودرجه سنی بولدیغندن آتشی
صیقشدردی . اوصرده بزم طوپلرک اولدیغی طایبه یه بریکه رک دشمنی سیر ایتدکده
بولنان بزم برایکی طابورک اجتماعکانه بردشمن کوللهسی اورمسیله ، چونکه
اووقته قدر عسکرمنز هیچ کوللهیه هدف اولماش اولدقلرندن آتیلان
طوپلری ، قدر کیجه سی ویا بیرام ایچون آتیلان شلک طوپی ظن ایدرک یوها ،
بوها ! صیحه لر یله اکنمکده ایدیلر .

برده کوللهلر یه اوروبده چوجق مزاری قدر ارضده یرلر آچدیغنی واوراده
پاتلایه رق کندی پارچه لر یله برابر او قدر طاش و طوپراغی عسکرک اوزرینه
صاچدیغنی و بر برنجی تعقیماً بوصورته کوللهلرک اونی ، اون بشی بردن کلمکه
باشلادیغنی کوردکاری کی ، حاصل اولان دهشتک تأثیر یله اوایکی طابور عسکر
کاملأ اورکه رک ، طوپ طایبه سنک بولندیغنی ته نک آرقه سنه قاجوب صاقلاندیلر ؛
طوپلرمنز طایبه نک اوزرنده یالکیزجه براقیدیلر . فریق مخلص ومیرلوا شوکت
پاشا ویکباشی حاجی سلیمان اغا و سائر ضابطانک یورکیلری ، آلرنده بولنان
قامجی و دکنکلرله عسکری اختفا کاهلرندن چیقارمق اوزره سعی ایده طورسونلر ؛
دشمن طوپ آتشی صیقشدردی ؛ بزم بطاریه نی عادتاً تحت تضییقه آلدی . لکن
بزم طوپلرک بولندیغنی یرده وقیله آره سپرلری یاپش اولدیغندن دشمن کوللهلری
اوقدر طوپلره ایقاع خسار ایده میوردی . الله ایچون اوکون بزم بطاریه یه قوماندا
ایتمکده بولنان قول اغاسی شریف اغا ، هم طوپچیلری تشجیع ، همده کندی
کولله لرینه ایش کوردوره یلمک ایچون صنعتی تحسین ایدیوردی ؛ زیرا طوپ
باشنده طوپچیلردن بشقه کیمسه قالمدی . محافظ بولنان پیاده لر تکمیل ته نک
آرقه سنه دوکولدیله ، دشمنده بوحالی کوره رک پیاده سنی هجومه بدأ ایتدیوردی .
برنجی خط مرکزینک بو اغتشاش حالی و دشمن مرملرینک تأثیراتی فقیره

ورفیلر مه دخی دهشت ویردیکندن « نه مزه لازم؛ ایکنجی خطه عودت ایدم »
 دیهرک یوله دوشدک اما، نهلر چکدیکمزی بن شمدی بوراده تعریف ایدم ؛
 زیرا، فقیرده کولله نك نصل کیرونه وجهله پاتلار اولدیغی اووقته قدر عین الیقین
 کورمامشیدم. حالوکه بزم ایکی خطک آره یزنده کی بیک بشیوز متره امتدادی
 اولان مسافه دشمن کولله لرینک سطح هدفی اولمش . بزم طوپ طابیه سنک
 اوستندن آشان کولله لر آره ره اوروب اوراده پاتلیور. کولله لر آردی آره سی
 سلسکسزین صاعغه صولمه دوشوب توزی طوپراغی بربرینه قاندقچه ظاهر بز
 آتلی بز ؛ دشمن طوپخیلری بزى کورده رک قوماندان فلان ظن ایتدیلمده بونک
 ایچون طوپلرینی صیقششیدر دیلر ظننه دوشهرک آتلدن یره دوکولوب پیاده
 یورومکه باشلادق ؛ ینه اولمدی، بندک اولمدی، ایندک اولمدی. تحف شی ! آدم تمام
 کندی اوزرندن کچن کولله نك صداسی ایشیدیکی کچی باشیمی قوپاروب کوتوره جک
 کچی برشیلر ظن ایدیور. وضعیت تحفظیلری ، درویشلرک بویون کسمسندن
 آله رکوعه وسجدهیه قیامغه قدر وجود انسانک مستعد اولدیغی حرکتلر
 میانده تقسیم ایلور. مکر کولله آدمک اوزرندن کچوب کیتدکدنصکره صداسی
 ایشیدیلر مش ؛ یوقسه انسانی اورده جق کولله نك سی ایشیدلماک قاعده دن ایش .
 بز بونی برحق زماندن صکره آکلادق وبوقدر وقت بهوده یره طوپراقلر
 اوستنده یووارلنه رق اصحاب جسارته قارشى کولونج اولدق. بو اثری بندن صکره
 اوقویه جقلردن بریسی برمحاربده بولنور ایسه کولله نك اومدهش سسندن
 آورکوبده بهوده یره یووارلنسون، خلقی کنديسنه کولدور مسون ديه تفصیل
 احواله مجبور اولدم . هر نه ایسه دوشه قالقه بزم ایکنجی خطه کلدک والحمدلله
 کولله لرک منزلدن چیققدق ، آرتق اوکومزه دوشن کولله لرک ایراث ایتدیکی
 احوالک ومحاربهنک برنجی خطمزا اوزرنده کوستردیکی اطوارک تماشا سیله مشغول ایدک .

ایلریده کی طوپ طابیه سندن آشاغی دوکوان اوایکی طابوری ضابطلر زور
 ایله قالدیروب یرلرینه اقعاد ایلدکلری کورولدکن صکره ، برنجی خطدن اوچ
 آتلینک آیریلر ق بز طوغری غایت زیاده سرعته کایور اولدقلری کورولدی .
 جله مزک کوزی بو اوچ - سواری به دینکدی . اوکده کی قبر آتک صاحبلى وبوی
 بتون قانلر ایچنده ایدی . بقیشلیدی کی کورولدی که ، مذکور قبر آتک را کی
 فریق محاس بشادر ، مجروح اولدیغی ایچون عودت ایش وقوروشونلر صاغ

فریق محاس
 پاشانک مجروحاً
 محاربده دن عودتی

آنک اوزرندن کیره رک آووجنک ایچندن چیقمش. پاشا، اسماعیل پاشا حضر تلیرنک اوکنده آت ایله دوره رق، کرک یاره سنک آجیسنندن وکرک حالک دهشتندن شایر مش برحاله آوازی چیقدی بی قدر «حیتسز عسکر! الحق عسکر، الله بلالری ویرسین؛ ناموس سز لر، اوتامز لر!» دیه بار بار باغیر یور. پاشانک بوفریادی وکورو لیتی اوزرینه، ایکنجی خطده کی عسکرده کاملاً باشنه طوپلانه رق سیرینه باقیور لردی. برکت ویرسین اسماعیل پاشا «صوص به آدم، نه باغیر یورسک! کل! فلان پاشایی آک، چادرینه کوتورک یاتیرک؛ هکیم، جراح چاغیرک. باقینلر، راحت ایتدیر سینلر» دیره رک پاشایی چادرینه آشیر تیردی. مکر بونک بویه فریاد ایدرک عسکرک فرارندن شکایت ایتسی، ایکنجی خطده بولنان عسکرک قلبنه طوقونور وجسارتی قیرار ایش! هر نه ایسه الله سلامت ویرسین؛ پاشای مجروح چادرینه وبعده ارضرومه واورادن استانبوله قدر کیتدی.

پاشا کیتدی؛ حربم زده کرمیء تام قزاندى. چونکه دشمن پیاده سی هجومه باشلادی؛ بزم برنجی خط دوماندن یاپلش برخط اولدی. تفنک صداسی انقطاع ایتدیکی ایچون سکتیه سز براوکولدی حانی آلدی. بر آراق طوپ سسلرینک تعاقبندن ناشی آرتق قولاق لر او اوکولدی بی ده دویماز اولدی. برنجی خطدن سواری چاوشلری و بعض ضابطان قوشه رق کلوب، وقوعات حربیه نك احوال متبدله سنی عرض ایله چاره لر، و بعض قطعه لرک پک صیقشمش اولمسندن بجنه ایکنجی خطدن عسکر ایستور لر. راشد پاشاده کوندر یور اما، برطابور ایستیلان یره ایکی بلوک سوق ایدیور وسؤال ایدیلان شیلره اقتضا ایدن جوابلری ویره رک کلانلری اعاده ایلور ایدی.

اوله بر زمانده صیجاغک تأثیرندن ویاخود عاقبتک مجهولیتی خلجانند نمیدر، نه دندر؛ حاصل اولان حرارتدن انسانک دوداقلری قورو یور، لایتقطع صواشهایی کسلمیور. سقالر متدایا صوطاشید قلری حالده یتشیر مه یور لردی. او ائشاده فقیر ده تلاش ایله آللریمی اوغوشدیر درق صاغه صوله کزینوب طور یور و جناب قاضی الحاجاته توجه ایله موفقیتمز نیاز و تضرعنده بولنیور دم. بزم ایکنجی خطده کی نفرات دخی کاملاً سپرلرینه کیروب وقوعه و لمقدمه اولان محاربه بی سیر ایدیور لردی. بر آراق فقیر بوسیرجی عسکرک اولدقلری یره طوغری کیدرایکن، آغستوس بوجکنک سسنه شیه فقط اوله متواری و مطرد دکل، متقاطع بر سسلر قولانمه کلیور ایدی. بعضاً ده اوسس پک

یا قیمندن کچور ایدی. الله بیلیر! فقیر بونی چکرکه ظن ایله یوزومه چارمسون دیه ائله قورونمق ایستیوردم. چونکه بعضاً قیرلرده صیجاق زمانده چکرکه آتارکن قانادلری عینی صدای چقارر.

او آرائق قیلجنه طیانمش وهیچ قپردانمهرق آیاقده طورمقدمه بولنش اولان برملازم دیدیکه: « بورالرده چوق کز نیمکزیرا اولدیغمن موقعی قورشون طوتیور. بر نقطه ده یا طوریکز! یا اوطوریکز! » هانیا قورشون ره دده در! [دیه استیضاح ایتدی کیمده « ایشه بوسلر نه در! » جوابی ویرنجه عقم باشمه کلدی. اوللری محاربه لا قردیسی اولور ایکن. بیک کشیدن قورشون سسلرینک فصل چیقدیغنی ایشتمشیدم. ایشه اونظر یانک تطبیقات و عملیاتی مکر بوایمش! دیه بیلیم نه حسابیه منی ایدی، هان اولدیغم یرده اوطورمشم. بر قاق دقیقه صکره قاقدم. بولندیغم نقطه برصرت اوستی ایدی. صرتک آرقه طرفنه کچدم. باشم صرتک ذروه سیله محازی کلک و مرمیاتک ایشه دیکی افقن آشایغینسده قالمق شرطیه مستور اوله رق یورودم. اسماعیل پاشا حضر تلرینک یانه یتشدم که، کنیدی براسکمه اوستنده اوطورمشم اولدیغنی خالد (دلائل الحیرات) اوقیوردی. اورا جقمده قالدرق حیران حیران متظر غنایت رب مستعان ایکن صانغزده، صولمزده بولان چاوش، اوشاق، سانس، پراکنده عسکر کبی جماعتدن بعضیلرینه دشمن قورشونی ایراث ضرر ایتمهک باشلادی. برده آرقه مزدن خبر آلدق که، بزدن دها بشیوز متره کزیده بولان چادرلر من قالدور حانه کیرمش؛ حتی اسماعیل پاشانک آشجیسنی مطبخ چادرنده قورشون اورمشم وایشنی بیتیرمشم ایش. آرتق صاقلانه جق بریر قلدیغنی و صاقلانمه نک قلدیسی اولمدیغنی تحققاتیدی. حکم قضا و قدره راضی اوله رق حرکات تحفظیه ایله آرقداشلرک نظرنده کوچوک دوشمه کلک معقول بر حرکت اولمدیغنی حسابیه اسماعیل پاشانک اوطوردیغنی صندالیته نک آرقه مننده متوکلاً علی الله اوطوردم و بر حیرت عالمه طاندم ایتدم. اولک طرفزده ایسه حاجی راشدا پاشا اوغراشیور، شورایه بورایه آدمه قوشدیر یور، عسکر کوندر یور؛ بر بشقه جهته جیجخانه امر ایدیور، همده آرقانده قاه قاه کولیور. نم ایسه خاجان قلدن قائم قورومشم اولدیغندن حاجی راشدا پاشانک قهقهه زنی جبر طیمت ایله جعلی بر کوروش و نایمحل بر شطارت عدایدک کر چکدن قیزیور ایدم. معلوم یا! هرشی یرنده کرک. شاعرک بریسی: « سردی بزم ادب خنده بیجاندر » دیمش ایش. تقدیر طوغریدر!

اوصرده دشمن، صاغ جناحزده بولنان تپه ایله جهبه مزاولان برنجی خطك اردیرنده کی فرجه دن زورله مغه باشلامسیله، اورانك برچاره سنه باقلمسنى برنجی خطده مشغول محاربه بولنان شوكت پاشا یاوريله مرکزہ اعلام ایتدیکندن اوفرجه نی قیامق اوزره ایکنجی خطدن حلب ردیف طابوری کوندردی. بیچاره عسکر خط حربہ واریر وازمز؛ ودها آیقده ایکن دشمنك شدتلی بر آتشنه طوتیلہ رق صاپر صاپر دوکولمکه باشلادی. مرمیاتك تأثیرنی آزالتمق ایچون عقیباً آوجی هیئتده یاییله بیلدیله اما، لایقيله تعلیم کورمامش اولدقلرندن برمدت ده آیاق اوستنده او شدتلی آتشنه هدف اولوب قالدیله. بر زماندن صکره ضابطانك زوريله آنجق یرہ یاتیريله بیلدیله امداد دشمن بطاریه لرینك شرنبللری ینہ بولنرك باشنده پاتیلور ایدی. کوردکلری آتشك، جهنمدن نشانه اولان شدتنه مقابل جسورانه و صابرانه ثبات ایله استعمال سلاحده قصور ایتدیله. جناب حق دستگیرلری اولسون. دشمن شدتلی آتشیله بوقهرمانلری یرندن سوکدیرمکدن مأیوس اولدیغی کبی بولنرك صوائی آلمغه باشلادی که بو حرکت، برنجی خطده کی شوكت پاشانی ده تهدید ایدیوردی. درحال شوكت پاشا، بیکباشی حاجی سلیمان اغانك طابورندن قرده جهنم زاده قول اغاشی عارف بك قومانداسیله اورایه درت بلوك سوق ایدرك حلبیلرک صوللرینی تأمین ایلدی. بواجراآت ایله ینہ حربك آهنگی دوزلدی.

اردو کاھمزك جهبه سیله صاغ جناحی یعنی صاغ ضلعی [*] آتشلر ایچنده یانیور ایدی. دشمن جهبه مزدن ایتدیکی یکی هجوملرینی سوکدورده میهرک برقاچ دفعه لر بوزولدی. ینہ دوزله رک یورودی. وقت ایکندی اولدی ایسه ده حریف هجومدن حالا واز کچمور؛ مطلقاً موفق اوله جغم دیه وار قوتی قورشونه، کولله یه هجومه ویریوردی. بز مکیلرده اولدم اولاسی یه آتشنه دوام ایله نشرمات ایدیورلردی. ساعت اون بره طوغری واردی؛ دشمن ده خط حربیمزك صولنه طوغری اوزانمغه باشلادی که بز مده قورقدیغمزك ضعیف یریمز اوراسی ایدی. ذاتاً آتش خطمز عسکرک حائنه وموجودینه کوره تنظیم ایدلمش اولدیغندن صول جهتمز بالضروره آچیق وضعیف بوانیوردی. باقی درده که، احتیاطده ده برطابور عسکردن بشقه هیچ بر قوته مالک دکل ایدک؛ زیرا صاغ وجهه خط حربلرینك فرجه لرینی قیامق ایچون برطابور، درت بلوك، بر بلوك فلان دیرکن کوندریله کوندریله چوق عسکر صرف اولنمش ایدی.

[*] جناح دکل ضلع تعبیری طوغریدر. چونکه وضعیمز برخط مستقیم اوزرینه دکلدر.

دشمنك صولزده طوغرى تعرض ايتديكنى كورمش اولان سوارى يوزباشى حاجى عبدالله اغا، حالك دهشتى آ كلامسيله برابر ايجاب حالى كنديسنه آمر بيلهرك، مجرد طبعندهكى جلادت عسكريهك سوقيه هيچ برطرفدن امر وقوماندا المقيزين، رفاقتدهكى سوارى بلوكيله صولزدن دشمنه مقابل برهجومه قاتلدى . اللهمك لطف وتوفيق بو قهرمانه ياور اولمسيله ، صوله متوجه اولان دشمن قولك يوزى كرى به چورلدى . حتى آرقه دن بزم سواريلرك برچوق قورشونى بيله ييديلر . [سوارينك پياده اوزرينه بوصورتله هجومى فن حرب اربابى تجويز ايتيورلرسده ، آش طاشجه كچهك بهاسى اوليه جنى ضرب مثلى بيلانلر - الضرورات تبيح المحظورات - قاعده سنه عرض تسليميت ايدرلر .]

هر نه ايسه صولر قراردى ، اقشام اولدى ايسده دشمن ينه صاغ وجهه جهتدهكى حرركات تعرضه سنى تعطيل ايتدى . تا عالم قراروبده كيجهك ساعت برى كلكدنصكره آتشنى براز خيفلندردى ؛ و اووقت بزمكندده سكونت كلدى . يانسودن صكره دشمنك قورشونلرى چات ، پات كلرك بزمى بوليوردى .

عجباشمدى نه اولدى ؛ قزاندقى ، غيىسى ايتدك ؟ .. بزم ترك موقع ايتديكمزدن غيب ايتديكمز آ كلاشيلور ايسده ، دشمنك كيجه قراكاغدن استفاده ايله نفلندكدن صكره يارين صباحين حربى استيناف ايتك اوزره كرى به مى چكلدى ، يوقسه بوزيله رق فناشدى ؛ ؛ بوراسنى آ كلامق مشكل ! او كيجه وياخود فرداسى كوفى اقشامه قدر بوجيهول حل اولنه ايدى دشمنك اوزرينه بودفعده بزم تعرض ايتكلكمز ويوك برتيجه استحصانه چالشمقلمغز لازمكلىردى . لكن نه چاره آ كلايه مدق !

يانسودن صكره اسماعيل پاشا ، برنجى خطده بولان عسكره وشوكت پاشايه كندى طرفدن عموم دولت نامنه ، ثباتلردن طولاي بيان تشكر و ممنونيت ايتك وجهلنه تشويق آميز بعض سوزلر سويلك اوزره فقيرى كوندردى ايدى .

كيجهلين يانده ايكي نفرده سوارى اولدينى خالد برنجى خطك مركززنده واقع طوب طابيهك آرقه يوزينه واصل اوله رق تپهك اوزرينه چيقاركن ، دشمنك تك توك آتمده اولدينى قورشونلرى يوزى طوتيوردى ، آتدن ايندم ، پياده اوله رق طابيهك ايغنه كيردم . شوكت پاشاي بولدمكه ، موسى اليه آرقه سنى بر سهره ويرمش و اوليه جه بوزوله رك او تورمش . براز قوورمه ايله كلك ييوردى . او كندهكى ساحه يده

برنجى خطدهكى
عسكره قوماندانك
معامله التنايه سنى
تايغه كيديم

شهادتی خرمین کبی بر برینک یاتنه سر مشارایدی. کیمینک باشی، کیمینک قوی، کیمینک
 آياغی یوق. کیمیسی طور طوپ اولش، کیمینک قولدری آچق قالمش، کیمینک
 بریجاغی چکلمش، بعضیمی بشقه صورتده بر طور انخنا آلمش، بعضیمی ده
 طوغریدن طوغری یه آرقهسی اوستنه یاتمش اولدینی حالدہ تسلیم روح ایتمش
 واوله جه طوکررق قالمش ایدی. شوکت پاشا ایله کوروشولدی، اوپوشولدی.
 شمدی بئم خارجدن کلش اولدیغی کورن و سپرلرک بویلی بوینه یاتمده
 بولنان عسکرلر (بقالم بویکی کلان آدمده نه خبر وار!) دیه هپ بردن آیاغه
 قالقوب باشمزه طوپلاندیلر. منظره نك دهشتی و حالك اهمیتی و عسکرک ثبات
 وغیرتی ذاتاً بئم قائمی تمییج ایتمشیدی. اوراده حاصل اولان تأثرک زوریه
 آغلیهرق صوت بلندایله شوکت پاشایه و حاضر بولنان عسکره خطاباً: پادشاهمز
 افندمزک و طرقدن کوندرلمش اولدیغ قوماندانک نامنه تبلیغ سلام ایدرک عموم
 جماعت مسلمینک و بتون ارواح کذشتکان شهدانک، شجاعتمزک غزالرینی تبریک
 ایلدکارینی سوبیلدیکم صروده صحیحاً فوق العاده برهیجان حالنده و زرده اولدیغی
 بیلمز بر صورتده ایدم. سوزلر مه دوام ایدرکن صول طرفده برطوپچی چاوشنک
 شهداً یرده یاتمده اولدیغی کوره رک بلا رویه جنازه نك آياغی اوپدکن صکره
 دیدم که: [بوچاوشنک عندالهیده نصل بر مقام قرب حاصل ایتمش اولدیغی عجا
 بیلر می یز؟ شمدی جمله مز شهدید مشارالیهک محتاج شفاعتی یز. عموم ملت اسلامیه نك
 ناموسی سزله ودیعه ایدلمش اولدیغندن او اغورده شهد اولانلرک مکافاتنک
 بیوکلکی درجه سنی تقدیر و تعریف ایتمک بزم کبی عجزه نك حدی دکلدرد. چونکه
 او حضراتک مداحی جناب خدا، هم رتبه لری ایسه کروه کرام انیادرد. بولنرک
 آياق لرینک توزی هرعلیک کوزینی تنویر ایده جک برتوتیادرد.] ایچنده بولندیغ
 جذبه روحانینک سوبیله لساندن فیرلایان سوزلردها بونک کبی برچوق معانی
 مؤثره یی حاوی ایدی. سامعیندن بولنان بعض عسکر لسانندن: (ان شاء الله صباح
 بزردده بوسعاده نائل اوله جغز!) جواب نورانیسی چیقوردی. ایشته بو مؤثر
 سوزلرک تعاطیسی اثناسنده عسکرک ایچنده برغلغه حادث اولدیکه درجه سنی
 تعریف ایده مم؛ دیرکن او ائنده نفراتدن بریسی یره دوشدی؛ مکرهنوز آتلقده
 بولنان دشمن قورشونلرندن بریسی اصابت ایتشده متأثراً ییچاره نك نعره اوردرق
 درحال الی رحمة الله روضه رضوانه کوچمش اولدیغی باقلدیغنده آکلاشدی.

فقیرده آنک ویردیکی دهشت اوزرینه سوزی کسدم. ضابطلر عسکری
یرلرینه طاغیتدیلر؛ بنده شوکت پاشا ایله وداع ایدوب اولدیغمن یرده کلهرک
اسماعیل پاشایه عرض ماجرا ایلدم.

ها! شوکت پاشا اوراده پیاده بیکباشیسی لیوانه لی حاجی سلیمان آغا ایله طوپیچی
قول آغاسی آخسخه لی شریف آغالرک بروجه پشین تلطفلرینی و سائرشایان مکافات
اولان و حسن خدمتی کوریلانلری ده، برکنیشلکه چیقدیغی آنده عرض ایده جکنی
سویلدی. حتی شوکت پاشا بیکباشی حاجی سلیمان آغالیچون: «نیم یوزومک آعی بوذاتدر»
دیه، عسکرک ایچنده یوزینه قارشلی اقرار ایلدی ایدی. بزده قورد حضر تیرینه
بویله جه تبلیغ ماجرا ایتدک. شریف آغالی بیکباشی و حاجی سلیمان آغالی قائم مقامقله،
یعنی بر درجه ترفیع رتبه لرله تبشیر ایتسین خبرینی شوکت پاشایه کوندردی.
برده بیکباشی ممش آغا نامنده برغیور ضابط وار ایمش؛ ایکندی وقتی
شهید اولدیغنی شوکت پاشا خبر ویردی و حقیقه عموم ضابطان، مرحوم ممش
آغالی دخی خیر ایله یاد ایدرک ققدانی بیوک ضایعاتدن اولدیغنی سویلدیلر. اخیراً
شوکت پاشانک بعضی اوضاعندن شکایت ایدنلر وار ایدیسه ده، فقیر بوراده
کندیغنی حسن حالده کوردیم. آرتق ایش حاجی سلیمان آغا ایله ممش آغا مرحومک
اقداملری ثمره سییی، یوقسه شوکت پاشانک جوهر ذاتیسی اقتضاسیسی ایدی؛
اوراسنی پک ده کسدره من ایه مده، شوکت پاشانک بتون بتون آتیه حق
درجه ده اصحاب جیانتدن لیاقتسز اولدیغنه ده بر آدم حکم ایده میهرک بر عسکره
لازم اولان ثبات و مماتاتی حائر اولدیغنی اعتراف ایدرم.

او کیجه یارده لیلرمن آرقه مزده کی اداره موقعنه یعنی سکز ساعت کزیده
بولنان کوپری کویته نقل ایدلدی؛ شهیدانک دفنی فردایه قالدی. زیراً عسکر
بورغون اولدینی و صباحین دخی نه یایله جنی مجهول بولندینی جهته آنلرک
اویقو او یومسی ملتزم ایدی. مجروحین نقل اولندی، بیتدی. متفرق بلوکار
طابورلرله برلشدی. حساب ایدلدی، یوقلامه اولندی؛ آکلاشلدی که درتیوز آتمش
بو قدر ضایعات وار. آنک یوز آتمش نقری شهید و او چیوزه قریب مقداری مجروحدر.
او کیجه دره ناک اوتیه طرفنده کی طاشغه دشمنک برلشدر ممش اولدینی بر بلوکار
عسکر ضایحه قدر بزی قورشونله مشغول ایدی طوردی. صکره دن آکلا بورر که
بولنک حکمتی، خط حربک اوکنه یعنی هجوم میداننه بزدن کیسه ایمسون

مقصودینه منی ایمشکه، کنیش کنیش جنازه لرخی قالدرده نه قدر ضایعاتی وقوعبولدیغنی بزه بیلدیرمه؛ ویاخود اردومزه دهشت نشر ایتمکه کنیدی برایش کورمش اوله!، ینه صکره دن آکلاشیلان اسباب موجبهلر دن بریسی ده شوکه، اوکومزده کی درده بارکیلری بیتهرک قلمش اولان برطوب بطاریه سنی اوقورشونلرک سایه حمایتدن قورتاروب اردوسنه چیقارمقله اوغراشیورمش.

هرنه ایسه قورشونلرک ویردیکی راحتسزلغه منی اوکیجه عسکرله برابر استحکام خندقلری ایچنده اویودق. صاحیلین ایرکنجه قاتقهرق استیناف اولتهجق حربیه یعنی دشمنک بردها تعرض ایتسنه منتظر اولدق اما اوپله برشی ظهور ایتدی. کونش طوغدی ینه دشمن طرفدن برشی آکلاشیلهمدی؛ شوقدرکه دشمن کافه قواسنی بر آردیه جمع ایله طور طوب اولهرق کوله منزلک بخارجنده و برسواد عظیم حالنده اوپلهجه طورییور اولدیغنی کوریلوردی.

برنجی خطده بوانان عسکر دن بعضیلری، (باقلم موقع حربده پلاچقه دن نه وار) دیه تک توك فرار صورتیه صاحیلین ایلرییه کیتدکلی کی، بعض باشی بوزوق کویلو، آشچی، اوشاق مقوله لریده اورتالغی طارامق ایچون کیتمشلردی.

کیدنلر، قوجاق قوجاق موسقوف تفنکی ایله عودت ایتدیلر. برریکر میلاک قائمه فیئات قونلدی؛ جمله سی مبیاعه اولندی اما مقدارینی اونوتدیغمدن شمدی استحضار ایدمدم.

شمدی دشمن نه حالده؟ عجبا کنیدیسنی تنظیم ایدوبده تکرار اوزرمزه هجومی ایده جک، یوقسه اولدینی یرده می قاله جق؛ یاخودیقیلو بده می کیده جک؟؟.. بزم ایچون بوراسنی آکلامق الزم ایدیه ده هر ناصاسه آکلایه مدق. لکن اوصرده دشمن طرفدن قاچه رق کلان بعض کویلولرک ویردیکی خبره کوره، کویا دشمن یارین بزم صول ضلع مزه بر هجوم ده ایده جکمش. ایشه بوحوادث فنا! زیرا بزم صولمز پک قوتسزدر. درحال اوجهته براز عسکر چیقاروب بعض سپرلر یاپدیرمغه شتاب ایتدک ایه ده، هر حالده دشمنک حالتدن بر خبر حییح آملغمز لازم فقط بوخبری هانکی یکیمم کتیره جک؟! ایشه اوپله متحسس ومتجسس بر آرقداش پک نادر وبلکده منعدم!

نهایت ویانه ناک (نایه فرایه پرده) غزته سنک خبری آوستریا طوپچی یوزباشیلارندن مجاری بارون (اشلوقه) نامنده اردو کا همزده بر ذات بولئوردی. مکر بو آدمجکیز

آینه بیند، کندی حسابنه اوله رق تحقیق ماده ایچون تی قارشیکی طاعلرک
آرقه سنه کیدوب اوکله دنسکره عودت ایدرک، دشمنک فاحالده بوزولوب اردوسی
قادر مق ایچون احمال واقعالی، یاره لیلرینی نقل وامواتی دفن اتمکله مشغول
اولدینی خبرینی کتیردی، الحمدلله وانه؛ ایشته شمدی مظفر اولدیغیز آکلاشدی.

استطراد وتصحیح

بومحاربه کونی دشمنک علیهمزده بش بیک نفر سوار ی قوالاندیغنی (گردوریان)
نامنده کی فرانسیزجه تاریخک تحقیق ونشر ایتدیکی صروده، ارکان حربیه ریاستیه
اردومزده بولان مجاری فریق فیضی پاشانک، محاربه کونی اردونک امر اداره
وقومانداسنجه فوق العاده غیرت و کفایت کوستردیکنی حتی بر آراق صاغ
جناحز محو. و پریشان اولق درجه سنه کلش ایکن، مقدار کافی عسکر آلهرق
بالذات اونقظه ضعیفه یه یتشوب تعمیر حال ایلدیکی والحاصل عثمانلی اردوسی
بومحاربه نی مجرد فیضی پاشانک اثر همت وتدبیر یله قزاندیغنی یازمشد.

یاهو آوروپا یلر! بوکونه قدر ترکلر یوزندن اشعه پاش بروز اولان بونجه فتوحات
ومظفر یاتک انوار مشععه سی کوزلر بکزمی قاشدیر بیورکه انلرک اجر آت واقعه سی
علی ماهو عایه کوروبده تعیین حقیقت ایده میورسکیز! بونقدر انصاف سز لقدر؟!
تواریخ کیزی نظر تدقیقندن کچرن مدققین علمای اسلامیه، اوکتابلر یکنزی
عثمانیلر علیهنده درلو درلو اکاذیب وار جوفه ایله مالی بولیورلر. تعصب دن بری
اولدیغکیزی وداًما حق تسلیم اتمکله معتاد بولدیغکیزی خاقه اعلام وترکلری ده
بالعکس تعصبه اتهام ایدیورسکیز اما کندی کندیکنزه بر نظر انتقاد وانصاف
عطف اتمیورسکیز. منطق ومعقولانک درجه قصواسنه یتشمک عزیمله مالدرینی،
جانلرینی تلف ایدن محققینکیزک اکثریسی مجرد سوق تعصبه وسطحی نظر انک
حکمیته ترکلر حقنده پک یا کاش ظنون و اوها مه تابع اولشار دز. ترکلر سزک دیدیکیز
وبیلدیکیز کی دکادرلر. لسانلرینی آییجه اوکرنکیز، انجلیرینه کیریکیز، اخلاق
وعاداتی لایقینه تحقیق ایدیکیز: دنیا اوزرنده دیه من ایسه مده، هله سرقده اننجیب
قوم اولق اوزره برنجی درجه ده کوستره جکمزدن اصحاب عقول آمیندر.

ایشته قیمنی پاشا حقنده کی تحقیقاتکیز ده پاکلشد؛ کندی خودی سندنلکیزه
تبعیت اتمش اولمکیز دن ناشیدر. کویا ترکلر ده آدم بوغیمش ده، بومحاربه بر آوروپا
قوماندانک ثمره تدبیر وسیله وجود پذیر فوز و ظفر اولمش ایش! نه قدر یا کاش

حساب، نهرتبه خلاف حقیقت بر تحقیق!! فقیر، محاربه‌نك بدايتدن نهایته قدر آناطولیده بولندم. نهرلرده، نهرلر کوردیم ایسه اولدینی کبی یازدم. هیچ بریرده، کیمسه‌نی التزام و کیمسه‌نك حقنی کتم ایتدیکم مثللو، بغیر حق کیمسه‌نك مدح و ذمنده بولندم. مقصدم، حیاطمه تاریخ نشر ایتك وانك ضمنده کندخی عالمه کویسترمك دکدر؛ امل، طوغری بی سویله‌رك خالصاً لوجه‌الله اخلاقزه بردرس انتباه و عبرت ویرمکدر.

فیضی پاشانك أوائل حالی بیلمز ایسه‌مده بئم کوردیکم محاربه اثناسنده سنی یتشه وارمش، کوزلری کورمکدن قالمش ایدی. سنك اقتضاسی اولق اوزره حیاتی، صحتی زیاده‌جه سودیکندن کافه حرکات و سکناتی اکا کوره ایسه‌ده، ناموس و تربیه عسکریه‌سی یولنده اولدیغندن بزم بعض ضابطانز کبی پرده برانداز تمکین دکل ایدی. محاربه‌نك امتداد ایتدیکی سکنز آی ظرفنده فیضی پاشا دائماً یالکز قالمشدر. هیچ بریرده انك رایيله برایش کورولدی؛ هریرده ایشی ترکدر کورمشدرلر. چونکه آتیده حکایه اولنه‌جنی وجهله فیضی پاشا حالنك و سنك اقتضاسی اوله‌رق فوق‌العاده مجبور احتیاط اولدیغندن، باش قوماندان مختار پاشا ایله بالضروره ائتلاف افکار حاصل ایدمه‌رك دائماً آلا‌رغه‌ده بولنیوردی. بئم کوردیکمه کوره خورومده کی محاربه موقعی تعیین و سپرلرینی و خندقلرینی ترسیم ایدن و عسکر مزی تعیه ایدن مختار پاشادر.

مختار پاشا اسماعیل پاشانی اورایه جلب ایدوبده کندیسکی الشکرد فرقه‌سینه کیتیمی عقبنده دشمن اوزرمزه تعرض ایتدی و بر محاربه وجوده کلدی.

ائناى محاربه‌ده عسکری سوق ایدن وحی (کردوریان) ک دیدیکی کبی، صاع جناهمزه شوکت پاشانك طلبی اوزرینه حلب ردیف طابورینی کوندردن وایشی اداره ایدن حاجی راشد پاشادر؛ چونکه حاجی راشد پاشا، هم احتیاط قوماندانی، همده اسماعیل پاشانك وکیلی و معاونی شکلنده (قارتیه ژنه‌رال) ده بولنیوردی. اوکون ترتیبات عمومیه‌یه عائد اولان کافه امر ونهی اوزاته عائد ایدی. حتی محاربه‌یه باشلار باشلاماز فیضی پاشا خورجلرینی، یتاغنی یوکلدوب اردومزدن چیقارمش و یاخود قاجیرمش ایکن، بوندن عسکرک قبلنه برفالق کله‌سون ديه اشیاسنی ینه اردوگاهمزه چویرتدیرن ترك ضابطلری‌در. بومحاربه‌نك وقوع‌بولدینی کون: اسماعیل پاشایه دلائل شریف اوقومق، فیضی

پاشایه هیچ سوز ایتمکسزین فوص فوص چپوق ایچمک ، حاجی راشد پاشایه ده باغیروب چاغیروب اوتیه . بری یه آدم و عسکر قوشدیرمق حصه لری وظیفه اوله رق دوشمش ایدی .

جانم بو آوروپا لیرک حالی نه تحفدر ! هر صنعتده متفن اولدقلری قدردهینه هر شیده همان همان حقه یقین درجه ده ساده دلدرلر . لکن نه چاره که ثروتلری ، قوتلری ، عیلملری اورتیور ؛ بزمده فقرمز ، ضعفمز کافه محاسنمزی ستروعیومیزی کشف ایدیور . آوروپا لیر هیچ برآیلکی ترکله یاقشدرمه یورلر . ایشه بویه مطبوعات اجنبیه نک بعضی ، اردومزک مظفریاتی دیدیکمز کی فیضی پاشانک قومانداسنه عطف ایتدیکی کی روسلرک بعض ساده ضمیرلری ده ، مظفریاتمزی ، اردومزده مخبرلکه موجود بولنان انکلیزی جنرال کامبلک تدبیرندن بیلدی . حتی بعضی ده ۱۸۷۰ تاریخنده فرانسه ایله آلمانیا بینده وقوعبولان محاربه ده ، (میچ) قلعه سنی عساکر کایه ایله آلمانلره تسلیم ایدوب مؤخرآ فرانسزلر طرفندن طردوحبس اولندقدنصکره دیاردیار فرار ایدن (مارشال بازن) نامنده کی سرسرینک ، کویا تبدیل اسم ایله کلوب بزم اردویه قوماندا اتمکده اولدینی ارجوفه سنه قدر قانع اولدی . حالوکه الحمدلله وائنه سوقیاتمز ، محارباتمز ، مظفریاتمز و تدبیرمزمک جمله سی ترک اوغلی ترک ، مسلمان اوغلی مسلمان ایش ارلرمز معرفتیه وقوعبولمش اولدیغندن ایسیده ، فاسیده هپ بزه عائددر . انلر خلاف حقیقت اعلانات ایله افیخار اتمک ایستدیرسه ده ، صکره دن ایشک حقیقتی ظاهر اولدینی کی ، عقلایه قارشو اولکی اعلانلریله ، مرض غرضله معلول اولدقلرنی اشاعه ایتمش اولدیلر . اما سن دیه جکسین که : [آدم اولوبده کندمزده افترا ایتدیره جک سر رشته لری دشمنلرمزه ویریمه ! یعنی قدرمزی ، خدمزی بیله م ؛ حدلرنی بیلدیره م !] اوراسی بشقه ؛ اکا دیه جکم یوق ! چالیشه لمده لطف حقن امیدوار اوله م !! . وماذک علی الله بعزیز .

الشکرده جهتده بولنان مختار پاشا ، بزم طوپ دومانلرینک تبدیل موقع ایتدیکنی بولندینی طاغدن کوردک یریمزده ثابت اولدیغمزده حکم ایتمش ایسه ده اجرانسه بدا یدرک مصطفی جاوید پاشانک تالشی اخباراتی اوزرینه تأخیر ایتدیکی حرکتی اتمام اتمک اوزره بزم طرفندن بر خبر صحیح وسالم آلمنه منتظر ایش . عقیب حربده قورد اسماعیل پاشا طرفندن مختار پاشایه یازیلان تحریراتده :

زبون محاربه سنک
الشکرده فرقه سنجه
متصور اولان حرب
کات عسکره بی منع
ایسی

اولدیغدن بزم آرقه مزى دكل؛ ترسلرى دونمش اولمقدن ناشى كندى يوللرى غيب ايدرك، كوندوز آقشامه قدر برطاغدن اينهرك برتهيه چقمشلا واوليه سرسرى اولهرق اودره لوده طولاشوب قالمشلا، تافرداسى كونى آنجق بالسلامه صوغانلى طاغى اوستنده كى اردولرىنه ملحق اوله بيلمشلا ايمش.

ايسته بوسواريلرك، يول آراق وجهت تعيين ايتك قصديه اوتيه برىيه چارپندقلرى صرده، ظاهر بر آراق برايكى بلوك سوارى ده آراس كنارينه اينمشلرده مصطفى جاويد پاشايى قورقوتمشلا درر. بو واقعه دن بزم فرقه نك هيچ خبرى يوق يا! فرقه مزى يالكز اوكنده كى بلانك دفعى غائله سيله مشغول ايدى.

هر نه ايسه فقير يوله دوام ايدرك اقشام ايله برابر معهود آراس نهرينك كنارينه ايندم. صونى چكدكن صكره طاي خواجه قريه سنده براز تنفسله ينه يوله دوام ايدرك كيجه ياريسندن صكره الشكرد فرقه سنى، وقره غولدن قره غوله و تپه دن تپه تپه نهرك بيك درلو كو چلكار له پاشارك اولدينى برى بولدم. بو كيجه باشدن كچن مشاقى تعريف بادی تطويل اوله جغسدن او ياراغى بوراده قاپايلم. فقير پاشارك اولدينى يره وارد يغمده كند بلىرى اوقوده بولدم. يرديدى كمز شى ده، طاغك اوزرنده روز كاردن محافظه ايچون يانه جق اولان ير انسانك وجودينه سپر اوله جق صورتده كون طوغرىسى و شمال جهتلرينه ييغديريلان طاشلردن حاصل اولان سدك ايچ طرفنى اتزامدن عبارتدر. بزم وصوله برابر بكيچيلرى اولان عسكر، پاشالرى اويانديرديغده، ياتانلرك احمد فاضل پاشا ايله مير آلاى عاكف بك اولدقلىرى كوردم.

عاكف بكة تا يوز باشيلقدن برى بسله نوب ييودمش اولان حقوق راخوتك دخى فوقنده اولمسيلا اوپوشولدى. قوقلاشلى؛ چونكه عاكف بك ايكي سنده نبرى قره طاغ و صربيه جهتلرى محارباتنده اولدينى ايچون تخمس مز حدنى آشميدى. مختار پاشا حضر تلرلى سؤل ايتدم؛ او كيجه ساعت اوچده بزم كادىكم زيوين اردو كاهنه متوجهاً حركت ايتديكى ويولده هر حالده تصادف ايتمش اولمقان لازم كله جكنى سويلدilar ايسه ده بن راست كېدم. آكلاسيان او بشفه بولدن كيتدى. فقير بشفه طرفدن كلشم. ياخود - اردولق حالى بو! - كيجه قراكلقده، سوارى

كله جكمش. درت طوبله دكل، بيك اللى طوبله تركلرك يزدن قانقاديلى وكوندريلان هجوم قوللرينك بوزيلوب بوزيلوب رجعت ايتديكى جنراللر كوردىكى، حدنلردن نه يابه جقلرلى بيلمزلر ايمش. « نه بوايئام؛ طواشان آوينى چيتديكز كه تازيلرك صولنى وطواشانك كوستمه چكى صورت حالى ايله اكله سكر!! ... »

و پیاده بر چوق آدمار کلوب یکجور ایدیلر؛ احتمالکه قوماندان پاشا حضرتلری آنلردن بریسی ایدی ده طائفه سزین کچلمشدر! عودتنک سببی صوردم؛ برکون اول زیوینده حرب ایدن دشمن اردوسنک بوزولمش اولدینی خبرنی آلدی؛ حالی بالذات کوروب آکلامق و تحییح ایسه دشمنی تعقیب ایتمک عزیمه کیتدیکنی و فقیرک کلدیکمده آرقه سندن ینه زیوینه کوندرمک کلمکی امرایتدیکنی سویلدیلر. الشکرد فرقه سنک قومانداسنه کافی السابق احمد فاضل پاشایی براقش و ایچنده بواندیغمر کیجه نك صباحی آنلرکده اوکلر نده کی دشمنلرینی تعقیب و ایجاب ایدرسه تعرض ایتملری امرینی ویرمش اولدینی دخی اثنای مصاحبتده آکلاشدی. حاله دأر براز آفاق محبتدن صکره احمد فاضل پاشا قاپوخی باشنه چکوب یآدی. فقیرده عاکف بکله برابر برسجاده نك آلتنه اوزاندق.

اویقوئی کتیرمک اوزره سجاده نك آلتندن ییلدیزلری سیرایدركن؛ ذهمن؛ دشمنی تعقیب ایچون مختار پاشانک زیوینه کیتمش اولسی سببی محاکمه و زرده ایش نیچون بویه اوایور؛ نیچون هر یرده باش قوماندانک بالذات بولنمی لازم کایور؛ حکمتی مطالعهیه صاپدی. سیکیرلرک بوصورتله اشتغال حاننده بولنمیسه برابر انسانک اویقو اوویه میه جنی بدیدیر. اولاً شوراسی وارد خاطر اولدیکه، نه دیمک! اوراده کی قوماندانلر تعقیب ایشنی یاپه مزلرمی ایتمشکه باش قوماندان بورادن اورایه کیتمکه مجبور اولمش؟! صکره دوشوندمکه اوراسی مرکز، بوراسی مرکزک بر جناحیدر؛ هر حالده باش قوماندانک مرکزده بولنمی لازمدر. پک آئی اما امر تعقیب عقیب حربده اولسی مقتضیدرکه دشمنک تکرار جانلامسنه و تنظیم احوال ایتمسنه میدان ویرلمک سزین چاریلوب ایثی بیترلسونده ایلر طوتار یری قالمسون، یعنی کاملاً ویا قسماً دشمن اردوسنی آسیرایتملی، و یا خودبتون اردوسنی پریشان بر حالده طاغیدوب طوپلرینی، ادواتی، مهماتی ضبط ایتملی در. حالوکه بزاولیه یامدق، شمدی آرهدن آئی زمان کچدی؛ دشمنده کنديسنی طوپلادی. بوندن صکره هیچ کنديسنی تعقیب ایتمیررمی؟

خورومده کی محاربه نك وقوعی عقیبنده بزنیچون دشمنک دالته بینمک؛ بیندیکمز بیلمدیکمز دمی، یا خود بیلوبده بینه مدیکمز دمی؛ و یا بشقه بر قصور و نقصاندمی؛ هر حالده بوخطا آلات و ادواتک نقصانلغدن نشأت ایتمش اولسه کرکدر، دیدم ایسه ده عجا هیچ بر نقصانمز اولیه ایدی؛ همان تعقیبه قیام ایله استحصال نتیجه ایده جکمی

سجاده نك آلتنده
اویقو کتیرمک ایچون
مضامعات

ایده مطالعه سنده بولندم؛ ینه کنیدی کندمدن خیر جوانی آلدیم. نیچون؛ یادشمنک
کر چکدن بوزولوب بوزولدیغنی بیلیمور ایده. بز فرداسی کون اوراده حربک
وهجومک استیاف اوئه جغنه منتظر ایکن، برده دشمن بزی صول جناحزده هجوم
ایده جگمش شایعه سیله اغفال ایتشیدی. بز صولمژک محافظه سی قیدینه دوشدنه.
آنکه مشغول اولدیغمز صرده دشمن ده کنیدی تنظیم ایتدی. آتیده بیوک بز
سقطغه دوچار اولمیهیم قورقوسیه شمدی ده صاووشوب کیمکی قوردی. پک اعلا!
بوصورتله اغفال اولنماش اولسه ایده و دشمنک ده صحیحاً بوزولش اولدیغنی بیلسه
ایده ینه تعقیب ایده جگمی ایده؛ سؤالی خاطره کلدی ایسه ده بونده ده ینه خیر!
جوابیه مجاب اولدم. نیچون؟ یا بز موقعمزه خندقلر ایچنده حال مدافعه ده
اولدیغمزدن، دشمن اوزرمزه کلورایسه حرب ایتکه، یوق ایسه طوروب باقغه
واوموقک محافظه سنه، و آنی آلمزدن چیقارماغه مأمور زده انک ایچون!

بویه یاه جقسکر دیه آلمزده بر تعلیمات وارمی؛ خیر یوق اما؛ حالمز، عادتز یوق
اقتضا ایدیور. دولت علیه نک خسارات متوالیه سیاسیه ده بولمغه باشلادیغنی زماندنبری
میدان آلان اوسته لردن اویله اوکرنک. اقتضای حال اوزرینه و یادولتمز نامه بر نتیجه
خیریه یی احراز ایتک تصویریه ایش کورمکه آلمدق. بویه شیلره جدی،
موجد، مخترع بر فکر لازمدر، مصالحتک ظامرینی پارلاتق کبی قلاخیلقدن بشقه
برشی ایله بزم فکر مزک تمرینی یوقدر.

پک آئی! بوزیلان دشمن کنیدی تنظیم ایدرده ینه کلیرایسه؛ بزده دیشمزی
صیترق ینه مدافعه سنه دوام ایدرز. معاذالله اولدیغمز مستحکم موقع ترک اولتوبده
هیچ دشمن تعقیب اولنورمی؛ یا ایش ترس کلهرک رجعتز اقتضا ایدرده اسکیدن
اولدیغمز یریده طوتدیره مزایسه سکره نه یاپارز؛ محاسدنمژک انصافمز تعرضاتنه
قارشى جائزى نر دیه قویارز؛ هارشی وارکه باقا کا دیه جگم یوقدر. بویه براقضا
وقوعنده کیفیتى باش قوماندان استیدان ایدرزده؛ اوده قالمک تعقیب ایده امرینی
ویرسه، انک کاغذینی نسخه کبی حرزجان ایدرک ومسؤولیتی آنک اوزرینه
یوکنه دک قالفار یورورز. اما بن استیدان ایدوب جواب آنجیه قدر آلورن فرصت
فوت اولور ایش! وارسون اولسون؛ ترکیه سی بن باشندن قورقارم کنیدی کندمه
برایش یامغه جسارت ایده م. الحمدلله عقل، تجربه م، اذاتم وار؛ هیچ امرسز
واستیدانمز اویله برایش بجرمکه بلتیرمییم! بونک ایچنده دوشوندیکم ده نتیجه،

نیجه شخصی محذورلر واردركه انلرك بریسی سولیمم. الحاصل اوزون سوزمرك قیصه سی قورقاق اولیم؛ صاغ اولیم والسلام!

اشته دائرة تصورده بمحاورات ایله ذهن مشغول ایکن نتیجه شورایه منجر اولدیكه، عاكف بكك دیدیكى، بوجه مطلوب بر نتیجه استحصال ایتك ایچون تعقیب حربی دكلدر؛ بلکه بزم اردومزی ایلریتك و اقتضا ایدرسه قارصه قدر صوقق اوزره یالکیز برکیدیشدر؛ یوقسه اصل تعقیبک تاوی کچدی. نته کیم شمدی ایچنده بولندیغمز فرقه نك اجراسنه مری اولدینی حرکت دخی بوقیلدندر. شومطالعات ایله حاصل اولان ذهن یورغونلنی سیکرلرك رخاوتی انتاج ایتسیله براز مدت او یوشم. آرقداشلرك اویانوب لاقیردی ایتكده اولدقلمنی ایشیدرك اویاندیغمده اورتالق صباحك آلاجه قراکلفی حالنه کلمشیدی.

هپ برابر قالقدی؛ فقط قالدیغمز یر برطاغك باشی اولوب موقع ایسه معلوم اولدینی اوزره ارضرومك دها ایلریسی و یوکسکیدر. ضغوغك زیادهجه مقدارده کوریلان تأثیری ایله تتره نیله تتره نیله برقهوه ایچلیدی. نقیر اویاندیغمده عسكرك برقسى دها یارم ساعت اول یوله قونلش، باقیسی دخی حرکت اوزره بولنش ایدی. عاكف بك ایله وداع ایتك؛ او حیوانته بنهرك برطرفه کیتدی، فقیرده آیریلهرق اوکله دنصکردهجه زیوین اردوگاهنه کلدیم، مختارپاشا حضر تلرینه ملاقی اولدم. درسعاده و جهات نسائره یازیلهرق برچوق تلغراف و محررات بریکمشیدی. بز انلری چیقارمقله مشغول اولدیغمز صرده مشارالیه ده عسکری سفر بر ایتك ترتیباتیه اوغراشیوردی.

اوصرده قورداسماعیل پاشا حضر تلرینی الشکرد و وان فرقه لرینی برلشدیردك قوماندلرینی درعهده ایتك اوزره همان یوله چیقاردیلر. چونكه احمد فاضل پاشا اوکنده کی دشمنی تعقیباً الشکرد فرقه سیله برابر ایلری کیده جك، اگر مانعه تصادف ایتزه بالطبع بازیده واصل اوله جق.. فائق پاشاده اوصرده بازیده اینمش اولدیغی کوره جك، شوخالده ایکی فریق ایکی فرقه ایله اجتماع ایده جك. بالضروره انلرك اوزرلرنده بر قوماندانك لزومی تحقق ایله جکندن، ایشته او قوماندانده اسماعیل پاشا بولنه جقدر.

مکر مختارپاشا (خالیز [*]) ده محاربه ایدوبده نتیجه یه انتظاراً طور دینی کون

[*] مختار پاشانك الشکرد فرقه سیله برابر حیب ایتدیكى یرك اسمینر.

قورداسماعیل پاشانك
الشکرد و وان فرقه-
لری قوماندانلرینه
موریتی و وظیفه سی-
ودشمنی بزم تعقیب

فائق پاشایه بر تلغراف چکړک اوکنده کی دشمنک حالنی بیلدیرمش ؛ و سربعاً قومانداسنده بولان عسکرایله برابر بازیده اینوب الشکرد جهتده کی دشمنک آرقه سنی آلمسنی امر ایش ایش . آرد یردن برقاچ کون کچدیکی حالده فائق پاشانک خبر حرکتی آله مامش ؛ انک ایچون اسماعیل پاشایه امر ویرمشکه ، طوغریجه الشکرد فرقه سنه کیدوب احمد فاضل پاشا ایله کوروشه رک حالک ایجابه کوره انلرک حرکت تعقیه سنه وایکی فرقه نک برلشه جکلری موقعه دائر سوز ایتدکن صکره کنیدی آریله رق یالکز باشنه (ملاز کرد) و (غنیات) طریقله مسارعة بارگیری به کیدوب وان فرقه سنی بولسون وبالذات قومانداسنی درعهده ایدرک فرقه نی تحریک ایله بعده ایکسینی ده برلشدرسون .

اسماعیل پاشا الشکرد فرقه سنه ، دشمنی تعقیب ایتمکه اولدقلری حالده یتشیر ، وکم بیلیر نه مطالعه به منی ایسه بالذات وان فرقه سنه کیمیه رک ؛ فائق پاشایه تلغرافلره اوامر مقتضیه نی ویردکن صکره ، حاضر قاچقده بولان دشمنی تعقیب ایتمکه اولان الشکرد فرقه سنی قومانداسنده قالور . فرقه یواش یواش کیدر ایکن برایکی یرده اولارنده کیتمکه اولان دشمنه طاقلمق ایستلر ایسه ده ، حریف غایت شدتلی طوب آتشیله بزملکلی توقه مجبور ایدر و بی محابا یوانه دوام ایدر کیدر و تفصیلی آتیده کوریه جکی وجهله قره کلیسانک ایلریندن صوله طوغری تبدیل استقامتله موصون کدیکندن آشه رق حدوددن ایجری به کیدر ، بزم معین ده حدودک آغزنده باقه قالیرلر . الله سلامت ویرسین !

کله لم بزم جهته : قارشومزده کی دشمنک فنا حالده بوزنش اولدینی ورجته مجبور اولاجنی تحقق ایتدی . بوحالده تعقیب ایتدیله رک قارصک امدادینه یتشلمک اسلاً مقتضی ایسه ده ، اخیراً حسین حامی پاشادن استمدادی حاوی آلمان برمکتوب اوزرینه اواقضاً ، واجب الادا بر فرض حکمنه کیردی . ایشلرمن یتدکده صکره وقت ایکندی اولدی . دشمنکده بر اقدینی دمدارینک کنیدی اردوگاهندن حرکت ایتدیکی کورولدی .

بزم سواریلرملرک اکثرینی الشکرد اردوسی رفاقتده اولوب هنوز بزم یتشمدکاری و دیرلوب طوبالانوب بزمه برامکاری ایسه دها برایکی کونه متوقف اولدینی جهته ، یتش سکسان قدر مریدان و محبانی ایله مجرد اجرای فریضه جهاد و غزا ایچون خالصاً لوجه الله . مسلمانجه سنه اردوی هایونه کیش اولان طریقت علیه نقشبندیه مشایخندن واعی علمادن ارزنجانی حاجی فهمی

شیخ حاجی فهمی
افندیک ذکر حنبلی

دشمنی تعقیبه قیام
ایلی

افندی حضرتلری کندی جماعتیه وارد و مزده طوپلایه بیلدیکی سائر دوکوتی باشی بوزوق سواریلریله ایلری به کیدوب اردونک پیشدارلق قره غوللق خدمتی ایفا ایلوردی. شیخ افندی حضرتلرینک، ساعت بساعت تبدل ایدن حرکتدن دشمنک نیتی استدلال ایدرک پیدرپی قوماندان پاشایه کندیسنک خط دست مبارکیه ژورناللری متوالی الورود ایدی. حضرت شیخ اخلاق حسنه و محمدیه ایله بعدالاتصاف امور خارجیه و داخلیه دولتی بیلمش، خسته لغمزنک منشأ و موردنی آکلامش اویانق، سیاسی برکامل انسان ایدی. علما و مشایخ ایچنده مثلنی کورم دیکیم ایچون ذات عالیه نظرمدده محبوبیت فردیه درجه سنده در. دنیاده علما و فضلا و صایلمقله توکنمز پک چوق مشایخ وار، فقط بز نهیز، زمانه در، آوروپانک حالی نصدر، ملت و دولت نهیه محتاجدن، حاله و زمانه کوره دولتک سیاستی نهیه مقتضیدر؟ بونی بیلمز لر. دولت اسلامییه بوندن بیک سنه اولکی قوت و شوکتنده باقی و ثابت ظن ایدرک کافه معاملات سیاسییه و مدنییه مزى اونقظه نظر دن کورور لر. یالکز اوکعبده قسطنطنیویه ینه طریقت علمیه نقشبندیه خلقتسندن شیخ سید افندی حضرتلرینی کوردمکه احوال و اطواری حاجی فهمی افندی مرحومی آکدیرر ایدی.

حاجی فهمی افندی: (وَأَعَدُّوْا لَهُمْ...) آیت کریمه سنی عصرک ایجابی وجهله تفسیر ایدرک آیت جلیلهنک آلت طرفنده اولان (ماستطعم) کلمه مبعجه سنک شامل اولدینی جامعیت، حصول قوت و قدرت ملت ایچون هر فردی تحت مسئولیتیه آلمشدر. کلمه مزبور دنک متضمن اولدینی تهدیددن کندیسنی وارسته ظن ایدن آدم، محاکمه اموره مقتدر اولیانلر و یاخود جمعیت اسلامییه ایچنده هیچ آدم صایلمیانلر در دیر ایدی. واقعا عقلا، دنیاده ویرلمسی الک قولای اولان شیئک نصیحت اولدیغنی ادعا ایدرلرکه پک ضحیحدر؛ لکن شیخ حضرتلری بویله دکل ایدی. بو حضرت نفسنده بالذات اجرا ایتدیکی ایتارک علویتدن بحث ایدرک خاقی معالپرور اولق اوزره تشویق ایلر ایدی. دایما چوالدیزی کندیسنده، ایکنهینی مقابلهنده بولنان ذاتده استعمال ایدرک (أَتَأْمُرُونَ النَّاسَ...) کریمه تهدیدیه سندن حذر اوزره بولنور ایدی.

محاربه و قوعندن ایکی سنه اول فقیر برایشله ارزنجانه کیتمشیدم. حضرت خواجهیه اوراده ملاق اولدم. طانیدم؛ اخلاق و اطوارینی عقمک ایدرکی قدر سنجیده میزان تدقیق ایتدم، لوحش الله! فضیلت، سخا، کرم، ذکا، علم و عرفان وجود کیمشده

بو حضرت اوش ظن اولنوردی. مشارالیه اصلاحات محیطدن مرکز کیتسی رأینده بولندی ایچون بیوک شهرلردن زیاده اولاً کویولرک هیچ اولمزه حکومتدن کله جات برامری اوقویه جق قدر بر سرمایه قراشته، تحصیلدارد وقوعبولان ویرکو تأدیاتیله بورجی آلا جغی بیله جک قدر حسابه واقف اولمیری، هله ضروریات دنیه نیری مطلقا بیللمیری لازم اولدینی فکر حکیمانہ سنده بولندیغندن کوی خواجه لری تشویق ایدر. مکتبی اولیان کویلر مکتب یاپدیرمق اوزره اغانلر طوبلار. خواجه تعییننه چالیشیر، بو یابده خلقه قارشى اظهار آبرو ایتکی کندینسه بر خدمت مقدسه عد ایدر ایدی. قوناغنده وسفره سنده هر وقت بش اون نفر مسافر وغربا بولنوز، جمله سنه بالذات خدمت ایتسنی سور ایدی.

قریم محاربه سنده اعلان حربک وقوعیله برابر آتیه ینهرک سوزی ونازی کچدیکی محبائی آلوب ینه قرص جهته فریضه جهادی اجرا ایچون چقدینی کی، صدد تحریرنده اولدیغمز بیک ایکیوز طقسان درت سنه سی محاربه سنده دخی ینه اوصورتله حقیقه کلمشیدی. آیلق فلان برشی قبول ایتیه رک. یالکز کندیلرینک و آتلیرینک ییه جکلرینی آنااردن آیلرلردی. حضرت شیخک اوتارینخده سنی آلتش بش راددسنی کچمش اولدینی حالده تفنکی اوموزنده، ردوولوری یاننده، قادی بلند چویک، تنک بر آتشیاره جلادت وشجاعت کسلمشیدی. خصمه قارشى ک توانا، الک کنج غازیلمزک کوستردیکی یارارقلردن زیاده ایشکدارلق ایدیوردی. کیجه لری یاتاق یوزی کورمز. حرکات عسکریه زمانلرنده اوقوسزلانی و راحتسزلانی وقوری پکسماد ایله قعاتی، کندینسی ایچون عبادتک الک اشرفی عد ایدر، عسا کر مسلمینده دائماً صبر و ثبات توصیه سنده بولنوردی.

حضرت خواجه نک محاربه یرنده هر درلو احتیاجلر و راحتسزقلر ایچنده یشادینی زمان. ممالک محروسده بولنان وامثال کرامی اولان علمای اعلام ومشاخ عظام غنوده یستر استراحت و کویا بر جمعیت علیه دن خارج بیطرف بر هیئت کی مالازم باب جر منفعت ایدیلر. « هر دو مقبولند اما این کجا و آن کجا » کثر الله امثاله.

صده عودت ایتمزدن اول بورا جقدده بر شیک ده اذ کرینی مناسب کور میورمز. داخل مالکده غده دولت علیه نک، تنظیمات خبریه نک اعلانیله برابر بانجیوریه اصول مرکزیتی انیس واسکی زماندن قلله دره بکات اصولی لغو ایتسندکی اصابت وحکمت ناقابل تعریفدر. لکن بیلیم هب انسا بلر بویله میدر، یوقسه یالکز برمی بویله یز. صلاح حالی موجب اولان کافه افعالی سوء استعمال درجه سنه وارد یریز.

حکومتار یعنی والیر و متصرفار بینده ، یولی یولسز طشره لرده اصحاب نفوذ و اقتدارک حیثیتی قیرمق عادی موده اولدی یا! آرتق بودرسی ایلری یورودکجه یورودمشلر؛ و کویا اهالی به قارشی توحید اداره اولندیغنی کویسترمک بونکله قابل اولورمش زعمیه پک چوق مناسبستزلک لکرده بولنشلردر. حیثیتی قیرمق ایستدکلی ذاتک اوجزایی کورمک ایچون استحقاق اولسون اولسون!

یوقاریده ذکر ایتدیکم وجهله فقیر قسطمونیه بالمأموریه کیتدیکمده برچوق مأمورین و اهالی ایله ملاقات ایتدم. هرکس بر صورتله دردنی آکلادر و بر چوقلری ده بریکی مأموری غرض شخصیسنه آلت ایتک ایچون ابتدادن قولاغنی زهرلمکله ابتدار ایدر. ایشه بوقیلدن اولمق اوزره مأمورین قسمندن و متعینان اهالیدن بعضیلرندن قسطمونیده شیخ سید افندینک، حکومتک امورینه مداخله سندن و خلق ایچنده نفوذ قزانوب بونکله فیرلداغنی چویرمک صنعته کمال درجه تهالکندن بحثله هر حالده مومی الیه قایلنلمامسی و کسر نفوذینی موجب وسائطک اجراسنه تشبث ایدلمسک بادی موفقیت اوله جغنی اخطاردن خالی قالیانلر اولدی. اوزاتک فعلاً اجراسنه تصدی ایتدیکی شیلردن برازینی صوردم؛ دیدیلرکه از جمله کندیسک مریدی یاخود طلبه سی یا محبی یاخود بیلدکلی ایکی کیمسه بیننده کی منازعاتی کندیسکی فصل ایدرک محکمه یه و حکومت ایش بر اقامغه و خلق بیننده کی نفوذینک وقایه سنه سعی ایدر. [او آدملری ویردیکی حکمه ارضا ایتک ایچون صوری ویا معنوی اوله رق وسائل مجبره دن نه استعمال ایدور؟] دیه صوردیغمده «شیخک حضورنده حقسز چیقان آدم مملکتکجه درکار اولان نفوذینه منی ضروری اوله رق سکوت و او حقسزلغنی قبوله مجبور اولور. چونکه حضور شیخده حقسزلغنی ظاهر اولان بریسی اخیراً محکمه یه مراجعت ایتسه شیخ افندینک محکمه ده دخی جاری اولدینی ظن اولنان تأثیری سببیه فضله برشی قزانمیه جنی قورقوسی بالضروره کندیسنه توجه ایدن بلایه قاتلانمسی موجب اولور» جوابی آلدیم. [متخاصمینک حقی ویا حقسزلغنی طارتمق ایچون النده کی میزان هانکی قانوندر؟] دیدیم. «نفوذینه اعتماداً یولی یولسز صلح ایتکی التزام ایدرو ویردیکی قرارک قطعی اولسنه و یورودلسنه چالیشور» سوزیه بحاب اولدم. بشقه یرلرندده تحقیق ایتدم. بیلرندده منازعه حاصل اولان ایکی محبتک، و آنندن کلسه بتون مملکتده بولنان منازعلرک علی طریق المصلحه نزاعلرینک فصلیه بیلرندده حادث اولان خاصمه یه نهایت ویرمسی و هیچ کیمسه نک محکمه یه کیتامسی ایسترامش.

صکره بکا شیخ افندینک تسلطاتندن درد یانان ذواته دیدمکه، [آجام !
 اسکیدن واعظ افندیلر جامعلرده : (جناب حق درد و یروب حکیمه ، دعوا
 و یروب حاکمه محتاج ایتمین !) دعاسنی مؤثر بر صورتده ایراد ایدرلر و موجود
 جماعت ایسه قیاب جوامعی باطلادرجه سنه اودعانی آمین ایله حسن استقبال
 ایدرلر ایدی . دولتک بوقدر مضارف اختیاریه احداث ایتدیکی محکمه لرك علت
 غایبه تشکیلیهسی آنجق ارضای خصما مقصدیدر . مادامکه بر مملکت ایچنده ایکی
 خصم صلحاً ارضا ایدیلور؛ هر هانکی طریق ایله ، کیمک حضورنده اولور ایسه
 اولسون ، حکمت حکومت انی نظر خشنودی ایله کورور و بویه کورمسی ده
 لازمدر . حتی دولت ینه مصارفه قاتلانهرق محاکم صالحیه تشکیل ایتک عزمنده در .
 سبی ، خلق محکمه لرده بدایه و استینافاً و تمیزاً سنه لره اوغراشو بوده برچوق
 مصرفه دوشمسونلر ؛ عزیز اولان زمانلرینی غیب ایدرک ایشلرندن کوجلرندن
 دور اولسونلرده منفعتلری محافظه قلنسون حکمتیدر . طرفین بیتده خصومت
 دوام ایتدکجه متخاصمین یکدیگریک دشمن حیاتی اولور و ایش بالآخره مانع
 اتلاف اوله جق برحاله کایر . بناء علیه شیخ افندی حضرتلری ، تمام حکمت
 اداره نک آرادیفی ذوات نادرده دن اولسه کر کدر .]

واقعا صکره دن کنسیله ده کوروشدم ؛ کوردمکه اکثر احوالی حاجی فهمی
 اندی مرحومی آکدیرر ایدی و بلکه ده اونسخه نادره نک جلد ثانیسی ایدی .
 نتیجه شوا و ایورکه هر مملکتده بویه برر دکل ، برقاچر آدمک یتشمسنه
 حکومت سعی ایتلیدر . بلغارستان مسئله سنده وقوع بولان خبرتلرده اهالی نک
 عرضنه ، جانشه ، مائه ایدیلان تعرضک درجه سی معلومدر . ان شاء الله اونودلز
 ایسه انی بشقه جه تاریخلرمزده حکایه ایده جکدر . عقل بویا ! فقیر قایلر ایسه
 بزم مرحوم طونه ولایتده خلغمز اولدجه عصیتله باقی قالمش و اهالی
 ایچنده نافذ الکلم متحیز آدملر بولمش اوله ایدی و بوقوله لرك محافظه
 حیثیتی و قبیله حکومتجه التزام ایداش بوانه ایدی او مملکتلرده بولان حکومت
 مأمورلری الحاحات حربیه دن ناشی کرییه چکلمسیله برابر اهالی نیز چوبانسیز
 قویون ، ضابطسز عسکر کبی اورته یرده قاله قالدوده او قدر آلم فخرت و خذلانه
 اوغرا منلریدی . در حال ایچلرندن سکر اون آدم چیقارقی یا هو طوریکز کنسکرکری
 تلاشه قایدرمیکز ! نره یه ناچیورسکز ، برکره مطالعه ایدم ؛ اقتضا ایدرسه
 بلغارلره قارنی کندی سلاحتلره مدافعه آلیلم یا خود بعض شرائط تحفضیه

اختیار یله ساحل سلامتہ چیقہلم! دیرده باشی بوش، اورکش حیوان سوریشی، ویا چیل یاوروسی کی چولوق چوجقار یله بلا قصد برعلت غایہ تدبیر و تصور ی، اولمق سزین طاغیہ رق قیشدن، دشمندن، آجلقدن و سائر بیک درلو و سائلط مهلکدن تلف اولمالرینه بریول آرارلر ایدی .

بونک ایچون مملکت مزک حدودی مادامک هروقت منافع و اغراض مختلفه اصحابندن اولان دشمنارینه قارشى سینہ کره جکدر، وهله بعض یرلرده کی اهانیزک ایسه بلغارستان، مثللو تهلکه لره دوشمسی ملجوظدر؛ حین حاجتده باشلرینک چاره سنی، آراق و ایجابی حالنده فلزلنمک ایچون کنیش وقتلرده استعداد ناسه بعض تحمیلر بر اقلملی و حکومتده آدم اولوبده اوتخملرک نشو و نماسنه وسوء استعمال سببیه معوج بر حالده قالماسنه دقت ایتلیدر .

مطالعہ معروضه دن صاقین آوروپالیلرجه (آریستوقراسی) دنیلان اصل زاده لک امتیازینک مملکت مزده احداثی تمیده اولدیم معناسی چیقارلمسون . کندیلرینی روح القدسدن واصلزاده اولیان افراد امتی عفونت هوادن خلق اولمش هوامدن عد ایدن خذله و متکبرینک مملکت مزده وجودینی محو ایتمش اولان شرع اطهر محمدی یه شو صرده ده دخی تقدیسات و تشکرات ایله برابر، مقصدم هر یرده عندالحاجه رعیه کوسمنلک ایدرک انلری برورطه هولنا که توجهدن منع ایده جک بر قاچ نفر سوز صاحبی، ایش آری، مطیع، مطاع آدملر یتشدر مکده کی محاسنی اخلافک اولیای اموری انظارینه عرض ایتکدر . بوده هر نصل عالمده دن اولورسه اولسون؛ معارفه تزیین ذات ایدن و حسن اخلاق ایله انظار عامه ده کندینی کوسترن و قومنک سلامتتی کندی سعادت و سلامتته مرتبط بیلان آچیق کوزلی حیتمندانک دولته منظر نظراتفت اولمسیه حاصل اولور . کله م صدده : شیخ افندی حضرتلرینک ، دشمنک کوردیکی و آکلادینی احوالنه دائر قوماندان پاشایه ویردیکی معلومات اوزرینه اوکون ایکندیدن صکره اردومز حرکت ایتدی . اقشام اذانیله برابر دشمنک ترک ایتدیکی موقعه مواصلت اولنه رق اوکیجه اوراده قالدی .

بعدالحاجره دشمنک مجبور رجعت اولدینی تحقق ایتدکن صکره دشمنک بولندینی موقعک آرقه جهتلرنده کزنمکده اولان بعض پراکنده باشیبوزوق سواریلرمنز، دشمنک قارصه طوغری کیتمکده اولان بر پوسته چانطه سنی آله کچور مشلردی . چانطه قوماندانلق مرکزینه کتیرلدی اوکیجه سوکولدی،

باقلدی؛ همان اکثریتیه نفرات وضابطانك بعدالحصار به مملکت آورنده کی اقارب ومتعلقاته یازدقلری مکتوبلردن عبارت اولدینی بالترجمه آ کلاشادی .

روسار بومکتوبلرند ایکی شیدن پک زیاده شا کی ایدیلر. بریسی عندالنصارا (اون اوچ) عدد مشئومك شامته اوغراملرندن یعنی جزیرانك اون اوچنجی کونی محاربهیه سوق ایدلملرندن، ایکنجیسی ترکارك. کرچکدن جهنمدن نشانه اولهرق صاحبقلری غایت شدتی آتسه قارشى تحمل قدرت بشریهك خارچنده اولمسیله نصل مدهش بر بلایه مقابل بولندقلری قوماندانلری تقدیر ایدمیهرك انصافسزجهسنه او آتسه صالدرملریدر. توماندانلری دینسز وایمانسز اولمسه هیچ عسکر اویله برمشئوم کونده محاربهیه سوق اونورمی ایش! « بزه اولدیه او عدد مشئومدن اولدی. صاغ قالانلر مجرد حضرت مریمك مدد روحانیسنه تصادف ایدنلردر. الله بردها امثالی کوسترمسین! » دیه هربری برکونه تعبیر ايله اوزون اوزادییه درد یانوب طورمشلر ایدی. تحفی بوکله تفصیلی آتیده یازدجغمز کدکار محاربهسی دخی قضایای اتفاقهدهن اومق اوزره اغستوسك اون اوچنجی کونده وقوع بولمیشدی. بومحاربهدهده موسقوفلر بوزولدی. اردولری زیر و زبر اولدی. انلرک بعض خیالسی بونیده اون اوچ عدد مشئومك نخوسته تصادف ایتدیرلمك اوزره بزم طرفزدن تصداً التزام اولندیغی معناسی ویرهجکلری درکار ایهده، او حربی ایجاب ایدن اسباب مطالعه اونورکن کوریه جکدرکه بزم اویله تشأمله واشرف ساعتله مناسبسز اونوب بزه کوره مجرد مقتضای حالدن بشقه رهبر معامله یوق ایدی. نه حاجت! بومحاربهده نیشانك اون اوچنجی کونی روسیه دولتی اعلان حرب ايله تجاوز حدود ایتدی ایدی. اگرچه بو عددك عندالحقیقه مشئوم اولمسی لازم کلیدی، اختیار اولان عمومی محاربهك نتیجهسنی بز قزاملی ایدك. روسار مغلوب اولمی ایدیلر. غالبانه بر مصالحه عقدیه ایشك ایچندن چیقملی ایدك. بویله شیلر عندالعقلا مطمح نظر اعتبار دکل ایهده، قضا وقدر میداننده بازیمچه دست انقلاب اولان انسان، فعلری اولان عجربی، ضعفی اعتراف ایدمماکدن ناشی حسب المعامله ظاهر اولان محاسنی کندیسنه وئالنی ایهه بر سبب آخره عز و اسناد ایتك خلقیه مجبول بوالفضول عجیب بر مخلوقدر.

آردهاندن چیقمش اولان عسکر، افراد جدیده علاوهسیله متفغان اتی

طابوره ابلاغ اولمیشیدی. بوعسکر هم الشکر د، هم بزم فرقه لک احتیاطی اولق اوزره کوپری کوینه جلب اولدینی صروده، بولری کیمک قومانداسنه ویرمک لازم کله چکی مختار پاشای خلیجه دوشوندرمیشیدی. واقعا آردهانک امیر اوغلی طابیه سنده یولیه طاورامش اولدینی ایشیدیلان میرالای قپودان محمد بک شمدی ارضرومده بولدینی جهتلہ بوقوماندایه قونمق اوزره جلی ممکن ایسه ده، اون سنہ اول وقوع بولان کرید محاربه سنده قپودانک ده جباتنه دائر بعض سوز ایشتمش اولمسیله ذهنی محتل اولوب آردهانده وقوعی مسموع اولان غیرت واقدا منک دخی ندرجه یه قدر صحیح اولدینی دها بیله مدیکندن برلوا قوماندانلیه اردومزه کتیریلوب کتیرلما سنده متردد ایکن یوقاریده اسمی کچن ارکان حرب میر آلای عاکف بک، قپودانک اهلیت عسکریه سنک وشجاعتنک ثناسنده بولنش واردهان وقوعا تنده ده جدأً وحقیقہً ایفای وظیفہ عسکریه ایتدیکی بودفعه درسعادتن ارضرومه کلدیکنده اردهان وقعه سنده بولنش اولان ضابطاندن متواتراً ایشتدیکنی بیان ایله قوماندان پاشا حضرت تاریخی تأمین ایله مشیدی. چونکه خالیاز محاربه سنده بعض ضابطانک ارأه ایتدیکی اطوار والوان، قوماندان پاشای احتیاط کاراغه مجبور ایلش ایش. هر نه ایسه ضرر سزجه بر یرده بردها تجربیه قونیلور مطالعه سیله کوپری کوینده کی الی طابور بعد الحرب خورومده کی اردوکاهه جلب اولدینی صروده قپودانده برابرجه کتیریلورک رتبہ حالیه سیله بو طابورلرہ لوا قوماندانی نصب اولندی.

آراس نہری اوزرنده الی طابورلہ بولنان مصطفی جاوید پاشانک دخی بوفر قہیه انتحاق ایلسی امری ویرلدیکندن خورومدن قالقدینی کونک فرداسی جاوید پاشا دخی رفاقت موجوده سیله اردولشمش ارلان فرقه مزه یتشدی.

شمدی اردومزک قوہ عمومیه سی یکر می سکیز طابور پیاده وایکی بطاریه طوپدن وبرمقدار باشی بوزوق سوار یسندن عبارت اولدینی حالده دشمن تعقیب اولنیور. خالیاز محاربه سی اثناسنده عموماً الشکر د فرقه سنہ کوندرنش اولان عساکر معاونه سواریلری دخی پیدرپی آرقه مزدن کله رک اردومزه ملتحق اولنیور ایدی.

فرداسی کون مجنکر دک اوکندن کچمه رک خان دره سی طریقہ صوغالی طاغندن صاری قامشه طوغری اینلور ایکن قارص اووده سی کوزو کدی، طرفیندن آتیلان

طوبلرک دومانلری، آتیش پاموقلر ویا افقده مترکم بیاض بلوطلر کبی فرق اولمغه باشلادیغندن بو دومانلر دشمنک کولاله لری آلتده قالمش اولان قارص شهرینک بولندینی نقطه یی تعیین ایدیوردی. هیئت امدادیه مزک غلیان ایدن فکر جلا دتی؛ اوساعت، اودقیقه ده دشمنک کبرونخوتله مالی اولان سینه سنه آرسلانلر کبی نجه صالمق ومحصورینک انتقامی آلمق ایستیور ایدیه ده واسفاکه آرایمزی همان آلی کیلومترولق برمسافه فصل ایدیوردی. کورولمکده اولان (بومباردمان) دومانلری نظرلرک احاطه سی آلتده اولدینی حالده اوراده عسکره برموله ایتدیردی.

«موله یرنده قارصه وعسکره وحاله باقهرق بر ملاحظه»

موله یرنده حاله
نظر آبر ملاحظه

بویولک، بویولجیلنک طبعه ایراث ایتدیکي نشاط روحانی، پک مهمدر. زیرا تاریخ ملیمز کوز اوکنه آنورایسه کوریلورکه ادوار اخیره اینجده، هله بوسوک ایکی عصر ظرنده روسیه دن کوردیکمز مظالم وتعدیاتک وحقسنر حقسنر عاممزه اختیار ایتدیکي تجاوزاتک آغز طادیه اوجنی، انتقامی آلهام مشرذر. موسقوف بزم جهلمزدن، غفلتمزدن، غرورمزدن چوق استفاده لر ایتدی. فکر استیلا جویانه سیله همجواری اولان نجه نجه حکومت وملتلرک جانی یاقدی. روسلنی معصور اتمک عز میله عالمی ییقدی، یوز میلیون جماعتک بر دولت قویه وقدره تشکیل ایتدی. بزمایسه دشمنمزه قارشى ایتدیکمز خطالردن قطع انظر، اداره داخله مزجه بیله صافی درونقله اختیار ایتدیکمز قصور وخطیئاتک حدود حسابی یوقدر. بویله برعدو مهینک قوم مشوسى اولدیغمزدن ودائما جانمزه وخانما مزه قصداتک فرصتی کوز تمکده بولندیغندن غفلت ایدرک مجرد جهلمز و اوجهلدن نشأت ایدن سوء اداره مز سببیه مملکتلر مزى خراب ایتدک. ثروت ملیه مز محو اولدی؛ انک ضمتده قوت سیاسیه مزده بیتدی. تدبیرسزک ومسلکسز لکمزک ایجابیه خرسیتان اولان تبعه مز زرده قالدی؛ دولتمز ترک، آرانود، کرد، عرب کی اقوام غنائفدن تشکیل آیلدیکي حالده وطنک مدافعه سی وشمع جمع اسلامک مصایب روز کاردن محافطه سی شونده اون ایکی میلیون زیاده تخمین ایدمده بکمز ترکیه سولیلان اهلیمزک دوش حیت وهمتنه محمول وترکجه سوبله میان اقوام عثمانیه دن ملی ودینی وطنک استفاده سی پک محدود قالدی. وقبیه اولاحلر، صربیلر بیله عثمانلو اردولری افرادندن اولدقلری حالده نه شکل وصورتیه کیردیلر اوراسی تاریخ آشنایانه کوزده معلومدر.

هیئت اجتماعی دولته اخیراً حادث اولان آثار تفرقه نك سبیلری بر بر یازیله جق اولسه هر بری بر جلد کتاب اولور .

روسیه دواتی یوز ملیون اهلیدن عسکر آلیور؛ بز ایسه ترجه سویلیان اون، اون ایکی ملیون قدر جماعتک ویره بیلدیکی عسکرله، موجود تیزی پای استیلاسی آتیه آلق عزمنده بولسان او هیکل عظیم شالی بی مدافعه ایتک ضرورتنده بولنیورز. ثروتی، قوتی بزم اون مثلزمه مساوی اولان بویله بر دولتک انتظام اداره سنی وقانونلرنده کی شدت تأثیری بشقه جه حساب قاتوبده ایشی لایقیله محاکمه و مطالعه ایدنلر و طرفینک حالی اوزاقدن میزان ایلانلر، ترکاری بر حمله نك آواره سی و بر ضربه خفیفه نك محتاجی کوردکلرندن حاله کوره کیمی آجیر، کیمی ده بی طرفلق سببیه اکثر کولر؛ کیمسی ده غیظی ملا بسه سیله محو و پریشان اولسنه انتظار آلردی. حتی اعلان حربدن اول (پانسلاو یزم) آتشنک مروحه زن انتشار و توسی اولان استانبولده کی روسیه سفیری جنرال (اغاتیف) دخی ترکاری بونقطه نظر دن کوره دک، عموم اسلاو لرك اتحادی نامه دولتی محاربه یه تشویق ایتشمیدی . بناءً علیه کره ارضمک قطعه معموره سی اولان بتون آروپا خلقیه برابر خصمنز اولان روسیه دواتی ده ایشی بویله حساب ایتش، و بویله بر نیت اشتها پرورانه ایله محاربه یه کیریشمیدی .

حتی یوقاریده بر یرده بالمناصبه اسمی کچن انکلیرلی جنرال کامبل بیله، مظفرانه دشمن وطن و ملیتی تعقیب ایدن اردوی هایونک ایچنده وجوارنده بولمقدن حذر ایدرک مظفریات واقعه بی دشمنک بر حیل و خدعه سنه حمل ایله بر درلو یا تمزه صوقوله مازدی . ساعت بساعت اردونک بر پوصویه، یا خود بشقه صورتله خصم طرفندن تهیئه قلنمش بر مملکته دوچار اوله جغه انتظار ایله، دولته بویله بر خبر آلمی عرض ایتک حاضر لغنده بولندی افعال و حرکاتندن استدلال اولنیوردی .

ایه! شمدی بتون عقلاجه ورطه هولناک هلاکده اولدیغنه حکم اولنان بر جمعیت عسکریه، کندی اوزرینه مستولی اولان مصیبتی، مجرد امداد و اعانه الهیه نك مجلاسی اولان افرادینک قودا پازوسی و ثبات و سکینت قلییه سی نتیجه سی اوله رق دفع ایدوب یکیدن کسب حیات ایتدکن فضلّه برده کافه جهانیا نك تصویری خلا فنده اظهار بدیعه قدرت ایدن حضرت مسهل الاصعابک توفیقنه مستنداً غالبانه بر صورتده دشمنی تعقیبه قیام ایتک کبی بر خارقه یه مظهر اولسی، یوزلرجه سنه لر ایچنده بر کره کوروله

بیان نوادر وقوعات بختیاریدن معدود بولنسیاه، بویه براردویه منسوب اولان
عسکرک اوصرده تهیج ایدن قلمبرینک حسیاتی تعریف ایتمک، نیم کی برعاجزه
کوره البته پک کوچ برشی اولور.

قارصی احاطه ایله ایچنده کی ابنای وطنی تضییق ایدن طوپ و قومباره
دومانلرینک قطعه قطعه هوایه صعود ایدنلرینک اوزاقدن فوق الافق کورونشی، کویا
مملکت دروندنده بولنان بحجزه نسوان وصیانتک آتش آنین اضطرارندن تکون
ایتمکده اولدیغنی احساس ایتدیریور. ینه بودومانلری، نظرلر، محصوربولان
اخوانمرك بزه طوغری اوچوردقلری کبوتر استمداد واعانه صورتنده تشکیل
ایدیوردی.

لکن نه چاره که آره مزده کی مسافه نك اوزاقلنی او جهته برنظر تحسیر
عطفندن وتصورات خیالیه ایله عسکریمرك ایچی اوزوم اوزوم اوزمکدن بشقه
برشیئه میدان ویرمیوردی.

ثبات قلب، صبر و سکینت کی، اثنای محاربه ده یو طیلان ایکی جنس مرالمذاق
علاجک شوضف حال ایله متواری قبرقنا اولان خسته مزه ایتدیکی تأثیر بدیع
حقیقه "حیاة و مائة بیننده کی فرق قدر بیوک و اهمیتلی دکلدر (کل مر دواء) جمله
حکیمیه سی مکر سیاسیا نه ده قابل تطبیق ایتش. (کم من فته) آیت جلیله سنک
(وان یکن منکم مئة صابرة) کریمه مبعله سنک حکمتی و نمونه فعلیه سی
مشاهده بیوریلدیورمی؟ عیاناً ثابتدرکه اردومرك شوغالیبتی و بونتیجه مبتهجه نی
ادراک ایتسی، جهنمدن نشانه اولان دشمن آتشرینه و حجماتنه صابرا نه کوکس
و یرن افراد عسکریه مرك یرندن قلم امامسی نتیجه سی اولان مدد معنوی نك اعانه سیله
حصول بولش و کافه عقلانی حیرته بر اقمشدر.

مروقت مغلوبیت، رعب دینیلان برحس مغنوی نك ساحه وجودنده نابت آجی
برمیوهدر. غالبیت ایسه صبر و ثبات نتیجه سنک تولید ایلدیکی بر داروی مرض
برآندازدر. (فاعدوا لهم ما استطعتم ...) امر و اجب الاتباعنه بعدالامثال، عسکر
صبر و ثباته ترغیب اولندیغنی و آرقه لرنده ضابطلرینک موجودیتی، سلسلری
ایتمکله آکلا دقلری حالد بالانجاب محاربه یه طو تشیلور ایسه، مقدار قوت مرك
آزلغندن، دشمنک چوقاقلندن و هم ایدلیوب متوکلا علی الله مرکس حصه نه
عاند وظیفه نی اجراده قصور ایتدیکی حالد، عاقبت معوده و محموده نك احراز
اولانه جفنده شبهه ایدلسون. نه کیم بوندن صکره دخی شومدغانی تأیید ایددجک

خیلی شیر حکایه اولنه جقدر. خلاصه ایش؛ اخلاق سالم، ناموسی مکمل ضابطانک وجودینه واروب طیانور.

اوصرده شهبازانه و متأثرانه برچوق حسیاتک مرورکھی حکمنی آلان، و موسیقیه لک ترنم آیلدیکی وطنی هوالری ایشتمکله بستیون بشقه لاشان عسکر، حال انبساطک غلیانیله عادتاً مست اولمش ایکن، برده انلرک ایچنده بولان شن یورکلی بعض کنجبارک، صرتلرنده طاشیدقاری طنبوردرلری چیقاروبده، هرملکت خلقی کندیسنه مخصوص اولان تورکیلرینی چاغرمقده ایدیلر. اورتالقمده مشهود اولان حالت نشاطک تأثیریه رقصه کلان برطاقم عشقپاز دلیقانی همشهریلرک کیغنی کوروبده کیندن اوینامیلر. یالکیز رتبه و مقامک حکمنی محافظه ایچون خفت اظهار ایتمکدن چکینلردر. عسکر ایشه بوصورتله خندان ورقصان، صاری قامشدن قارص اوودسنه متوجهاً قول ایله طابور نظامنده طاقم طاقم اینرلر ایکن، برطرفدنده فوران ایدن وجد حال ایله الله الله! صدای دهشت آتماسنی برغلغله زهره چاکانه ایله عیوته چیقاریورلردی.

دشمنک قارص اوودسنه یاییلدینی ائاده، تحت استیلا ده قلمش اولان کویولر مزدن انک منهنز مار جعتی و کندیلرینی بند ایدن زنجیر اسارتک قیرلدیغنی و عساکر عثمانیه ناک غالباً و مظفراً کلکده اولدقارینی کورنلر، کیمسی اکمک، کیمی صو، کیمی میورطه، کیمی طاووق، کیمی یغورت، کیمی ایران، الحاصل هرکس قدر تنک یتیه ییلدیکی تقدیمه و هدیه لر ایله عسکرک استقبائله قوشوشدقاری صرده، چولوق چوجق، قاذین ارکاک کافه سی غلبه شوق و سروردن ناشی هونکور هونکور آغلیورلر ایدی. بونلرک ایچنده، شوغز اتمزک آیقارینک باصدیقی طوبراقاری اوپوبده کوزلرینه، یوزلرینه سورنلرک حد و حسابی وار!.. الحاصل حالزک حکمیله معکوساً متناسب اوله رق وجود بولان شو مظفرتک بخش آیلدیکی نشوه روحانی بن تعریف ایده میورم و السلام.

ایشته بویله رنگین مطالعات و حسابات و حسیات ایله قارص اوودسنه اینیلهرک برصوباشدینه برموله ایدلدی. بعده براییکی ساعت تدردها یول آلنه رق اقشامک تقرب ایتسیله مدانعه یه صالح اوله رق انتخاب اولنان بر موقعده عسکرانه بروضیت ایله قانندی. فردای صبح یوله دیزیلندیکی صرده اردونک ایچنده خفیفجه خفیفجه برفسلدی دونمکه باشلادی. دونوب طولاشان بو خبرخنی ده، کویا عسکر صارق قامش طریقیه صوغانلی طاغندن قارص اوودسنه اینش ایشه ده، کلیر ایکن صولمزدده. قالان چپلاقلی

بن مقیمده اردوی
بور احتیاط ایده-
ک درجه ده ظهور
دن ار جوفه

و هنکار دوزی طریقی چون دشمنك اوجته خلیجه قوت حیقارمش
و بوضورتله آرقه مزی آلمش اولمی حوادی ایدی.

اردو ایچنده هر درلو جماعت و مختلف مختلف افکارده ، حتی ایش آری
اولق اوزره پک چوق ذوات بولنه جغندن ، بو حوادی قلوب ضعیفه و آرای
سخیفه احبابندن بریسنك ، « بز قارص اووه سنده بویه جه سربست برحالد
یوریورز اما ، عجا هنکار دوزی طریقیه دشمن آرقه مزی آلمسون ! » یولنده
مع الاحتمال برخطابه سویلیدی مطالعه ذاتیه شکندده ایکن ، صکرده دن خلقت
مبالغیه میلی سبیله مخاطبدن بر دیگر مستمعه کیدنجیه قدر شکلی دیکشدریر ؛
صکره آغزندن آغزه یایلیرکن ایشك روحی بتون بتون اورتهدن قالقار . نهایت
بر مطالعه شخصیه حکمنده اولان برسوز ، عالمك یاقیشدریشنه ، میل مبالغه سته
کوره اولمش بتمش بر مسئله صورتندده کسب قطعیت ایدر . اکثر ارجوفه نك
صورت انتشاری ده بویه دریا ! هر نه ایسه او طرفك تحقیق احواله مأمور لر
چیقارلدی . لکن او کونلرده سرعسکر ردیف پاشادن کلان بر تلغرافنده ، دشمنك
هم الشکرده جهتندن ، همده بزم او کونلردن رجعتی برخیه حربه یه وعسکر مزی
بر اووه لقی اراضیده اوزرینه چکوب ایستدیکی بر طوزاغه دوشورمك املنه مستند
اولمی ملحوظ ایدو کندن هر حالده اویانق بوللمسی و احتیاطك ایدن بر اقامامسی
بوصیه اولمسیله ، بوندن و دشمن آرقه مزده ایشك کی اورتالقدده دوران ایدن
قیل و قالدن بر (عجیبا !) لفظی ذهنلره لایح اولدی ؛ و امر تعقیبده کی عزم
قطعیه ده شبه یوق که خلل و یردی .

اردونك صولی کریسنده قالان هنکار دوزی طریقندن بر خبر صحیح آنه بیلمك
انتظاریه خطوات تقدیمزه براز تائی کادی ایسه ده ، حمد اولسونکه ینه او کون
قورقیدیمز جهتك دشمندن سالم اولدینی خبری آندی . لکن اردو قارصه
متقرب بر حالده ایکن صوغانلی طاعتك بشقه طریق ایله دشمنك آنه چکمی
واضر و موله مواصله هرک کسامسی احتمالی وارد خاطر وارکان حربه رئیس فریق
فیضی باشا ایسه دائما بوجه حق خاطر و متذکر اولدقدن بشقه سرعسکرک تلغرافات
حکمی ده میدانده اولدیفندن قوماندان پاشانك ، اردوی هاپونك ارکان و امر ایسه
براستشاره اتمسی ایجاب ایلسیله عسکره اولدیمز یرده موله ایستدرلدی .

ارکان و امرا بر تبه چك اوزرینه جمع ایدیلهرك مسئله میدان تذکره قونلدی .

مذاکره نك موضوعی، آلدہ بولنان بوسیاری اردومزہ برخط حرکت تعین
ایتمکدن عبارتدر. [نہ پاہلم؟؛ ہیئتجہ طوغریجہ قارصہ کیدوب انلری محاصره دن
قورتاردقندن وقارص قلعه سنك موجودیلہ برلشدکدن صکرہ حالک ایجابنہ کورد
ایلری یہ طوغری حرکتی اولنسون، یوقسہ صوغانلی طاغنك دشمن طرفندن
طوتیلوب آرقہ مزك آلمسی احتمالنہ مبنی اردومز کری یہ یعنی صوغانلی طاغنہ
عودت ایتدیریلہ رك وضع تدافعی آلدقندن صکرہ دشمنك تعرض ایتمسہ انتظارمی
ایدلسون؛ ویا بر مقدار قوت تفریق ایدیلوب صوغانلی یہ کوندرلدکن صکرہ قارص
ایلہ صوغانلینك آرایرنده مناسب بر نقطہ مدہ موقع آله رق ایجابی حالندہ قارصہ، یاخود
صوغانلی یہ می یتشلسون؟] بورالری وبونلرك محاذیر وفوادی اوزون اوزادی یہ
محاکمہ ومذاکرہ ایدلدی. نہایت تفریق قوت ایتمکسزین اردومزك ہپ بردن
قارصہ کیدوب اورادہ کی قوتلہ برلشمسی، اندن صکرہ حالک اقتضاسنہ کورد
حرکت آیلسی قرارندہ اکثریت آرا حاصل اولدی. یالکز ارکان حریہ رئیس
فیضی پشادشمنك حالندن آمین اولمدیغی ایچون صوغانلی نك ترك ایدلامسی واورادہ
مدافعہ یہ ابتدار اولنسی رأیندہ اولدینی ایچون اکثریتہ مخالف قالدی. چونکہ
فیضی پاشا اسکی قریم محاربہ سی ائناسندہ، قارصك حال محصوریتندہ ومدافعہ سندہ
بولنانلردن اولدینی ایچون: [قارصہ دشمن هجوم ایدہ مز و آز عسکر ایلہ
اوزاقدن محاصره سیلہ قباعت ایدر. ہر حالہ بزم سیار اردومزك برچارہ سنہ
باقق مجبوریتندہ ونیت تعرضی بزم علیہ مزددہ در. بز صوغانلیدہ حال مدافعہ مدہ
بولنہلم، اوزرمزہ کلیر ایسہ حرب ایدہلم؛ صکرہ مدہ حربك وحالک حکمنہ تابع
اولہلم.] مطالعہ ورأیندہ ثبات ایتدی طوردی.

فیضی پاشانك بورأیدہ حق دہ واردریا! چونکہ سنی یتشہ یاناشمش، چوق
تجربہ لر کورمش؛ اساساً آوروپا مطبوعاتی مطالعہ ایلہ ذہنی پرورش بولمش
وادارہ مزیدہ کورمکدہ بولمش اولغلہ، ترکار بوکونکی کونذہ نہ در وروسہ
دولتی کیمدر؟ بورالری عقل وحکمت نقطہ نظرندن باقہ رق پك اعلا طائیش
اولمقندن ناشی احتیاطکارلنی التزام آیلشیدی. لکن آلورن فرصتی فوت ایتماک
دخی حربك وعسکر لکک اک بیوک دستور حکمتی اولدیغندن، قارص ایسہ قریم
محاربہ سندہ کی محاصره حالی کی فقط موارداتنك قطعیلہ محصور اولیوب، بوصوک
سنہ لردہ داهیہ اختراعاتندن اولان طویلرك کولہ لری آلتندہ ایکیم ایکیم ایکلہ مکدہ

بولنديغندن، هر حالده قارصك قورتارلمسى راينك ترجيح ايدلمسى ضرورى ايدى.
الحاصل فيضى پاشانك راينك خلافنده اجتماع ايدن آرا ايله باش قوماندان
پاشا حاضر تارى متوكلا على الله عسكرى يوله قويدى. ايلرى طوغرى كيديليركن.
اوكون دشمن قارصك برى جهتنه موضوع بولنان محاصره خطنى قالد يروب شهرك
اوبر طرفنه نقل ايتديكى ويا لكز صيقجه طوپ آتشنه دوام ايتكده اولدينى خبرى آندى.
اردوى هايونك كلكده اولديغنى و محاصره خطنك بر نصقنك آجلديغنى
قارص اهاليلى ايشيد رايشتمز. آتنه و ياغنه كوو دن سوازي و بياده استقبالجىلارى
سوكون ايتدى.

كلنرك ينه بوراده تعريفندن عاجز اولديغ طاتليلى، آجىلى بر طاقم ملاحظات
وحسياتك سوقيه كوزلرنده دموع شادى و مسرت، ديللرنده دعاى دوام عمر
وشوكت ملت و دولت جارى ايدى. بو حال مسرتك اثر انعكاسى اوله رق بزم
كوزلرمزدن دخی قطرات متابعه آقيوردى. الحاصل طرفينده ناقابل تعريف
مقابل بر سرور ايله تلاقى ايدىوردى. ايكنديدن صكره قارصك صاغنده ايكنى
ساعت قدر اوزاغنده بولنان چيويلى قيايه اينلدى. بو چيويلى قيا موقعى قريم
محاربسى هنكامنده ينه قارصمز محصور ايكن روسيه ازدوسنك مركزى ايش
بودفعده بركون اول ينه دشمنمرك برقوه كافيه سنك اقامتكاى اولمش ايدى.
آرتق قارص ايله اردومرك آره سنده كى يول بر چارشى يولى حالى آلدى.
قارص متصرفى شفيق پاشا ملكسك قاضيى. مفتيسى. اشراف و اعيانيله كلرك
قوماندان پاشا حاضر تاريه كوروشدكلى صروده ايشيدنلرى پك متأثر قيله جق
صورته سوزلر تعاظى قلندى.

آقشام اوستى قوماندان پاشا اطرافزده كى جبال و تلالى اركان حربه رئيسيله
طولا شهرق عسكرى و طوپلرى موقعك حكمنه كوره تعيه ايلديلر. او كيجه
اوراده ياتلدى؛ فرداسى صباح قالدديغنده، دشمنك قارصك او برجهتدن قارصه
طوغرى آتمقده اولدينى طوپلرك سنك چيقيمامسندن قارصك طرف شرقيسندن
دخی دشمنك خط محاصره سنى قالد يردى تين ايتدى. آرتق قارصك محاصره سى
بالكليه ختامه ايردى.

دقت بيوريلورمى تا بزم چيويلى قيايه مواصلت ايتديكمز كونه قدر دشمن ملكته
كواله آتمقده و محاصره ايتكدن دارغ اولدى. عثمانلى اردوسى غالبانه بر صورتده

قارص محاصره سنك
رفع اولمسيه ظهور
ايدن احوال

کایورمش دیه پاتردی به بابو سچ براقدی؛ عادت اولدینی وجهله دائماً وقوعاته و فعلیاته حصر نظر ایتدی، کندیسنی قطعاً تلاشه قایدیرمدی. فاعته وایاضباط العساکر !
بوابده قارصده کی اهلینک وچولوق وچوجنگ سرورینی وغلغه افراخنی بریرامه تشبیه ایتک ممکن اوله من. زیرا بیراملرک ویردیکی نشئه معتاد و بوسرور ایسه مافوق المراددر .

بویله سونجولره عصر لر کچرده تصادف اولنه من؛ عمر لر آخر اولورده ادر اکنه هراسان موفق اوله من. هیچ بکرمی یدی کیجه وکون کوله آلتنده چولوق وچوجنگ اضطراب و فریادی ایچنده واک کوچکی عرض نقصانلقی، حیات اضاعه سی، اویقلمق بلاسی، وطنک محو اولسی مطالعه سی کی مخاوف و مهالکک کافه سنک بردن اجتماعکاهی اولان بر عاقبتک تصویریه برابر محصور اولدیغمز واری ؟

ایشته بزم قارصده کی قرداشلر مرکز جمله سی مادی و معنوی بویله برتضییقک آلتنده ایکن حضرت قادر علی الاطلاق قدرت باهره سنی کوردیلر. فعلاً امداد و اعانه الهیه مظهر اولدیلر « الحمد لله الذی اذهب عنا الحزن » .

فرداسی کون مختار پاشا حضرتلری قارصه کیردی . در سعادتن مخصوصاً قارص قوماندانلغنه تعیین اولنوب اردونک صاری قامشدن آشاغی ایندیکی کون کلوب التحاق ایتمش اولان شیراندن ملامنجی مصطفی توفیق پاشا حضرتلرینی دخی برابرجه آلوب وظیفه سنی ایفا ایتک اوزرده مقامنه اقعاد ایتدی. قوماندان سابق حسین حامی پاشا وسائر ارکان و امرا ایله کوروشدی. جمله سنه ثباتلرندن طولای بیان تشکر ایدرک عسکری و استحکاماتی کزدی . دشمنک نره لردن نه درلو حرکتلر اجرا ایلدیکی یرلری؛ قارصی دوکمک ایچون طوپ تعیه ایتدیکی مواقعه برابر کوردی . لازمکلن ترتیباتی اجرا و وصایای لازمه ایفا ایدرک قارصده ارکان حربیه ریاستیه بولنمقده اولان حسن کاظم پاشای رفاقته آله رق چیویلی قیا اردو کاهنه کتیردی . فیضی پاشای ده راحت ایتک ایچون انک یرینه قارصه کوندردی .

چونکه بوندن صکره قارصجه ایش قالمدی، آرتق پایله جق شیرلنه وارسه جمله سنی سیار حالنده بولنان بزم اردو پایله جق و اقتضاسنه کوره قارصده کی عسکری دخی یانته آله جق ایدی. فیضی پاشا ایسه واقعا صاحب حزم و احتیاط بر عسکر ایسه ده

اختیارانی ملا بسه سیلہ رکوب و نزولہ غیر مقتدرایدی۔ حالو کہ اردو مزدہ بولنہ حق کائنہ امرا و ارکانک آتی و پیادہ کز مک ، ایخت ، چیمق ، اویقوسز قالمق کی سفر برک حاکم ایجاباتندن اولہرق ظہوری متصور اولان راحتسز لککیرک جہانسنہ قاتلانمغہ مستعد اولسی اقتضا اید یوردی ۔

قرصده کی عسکر واستحکامات کز یلیرکن ایش کورن و خدمات فوق العاده سی قرصده کی ہاشم سابق ایدلرک کیملا اولدینی ایشیدلیدی صرده برده قرطاع و قرده باتلاق نامندہ کی جہاد استحکامیہنک قوماندانی بولنان میرلوا ہاشم پاشانک مدحی قولاقارہ واصل اولدی۔ چونکہ کیجہ و کوندوز دشمنک کوللہ لرینہ ، الزیادہ اوجہتک عسکری و استحکاماتی هدف اولش و بورادن یعنی ہاشم پاشا لوانسک اوزرندن صاپان کوللہر جہات سائرہ و قصبہ دوشرایمش۔ قارص قوماندانی حسین حامی پاشا ہاشم پاشایہ : اون بش کوندرسزک لوا کز کیجہ لی کوندوزلی کولہ قارشیندہ درہ عسکر کز راحتسز اولور ، اویقوسز قالور؛ سزی دیکشدرم دمہ برازدہ بشقہ برلوا عسکر کوندردہ لم دیر۔ ہاشم پاشادہ : [بن وعسکر مک کلان کوللہ لردن نصل تحفظ ایدیلہ جکنک قولایخی آلدق ، آلدق۔ شمدی آشامش برہیت کتیریلیر ایسہ انلری آلدیرنجیہ قدر خیلی تلفات ویریلیر۔ احتمالکہ دشمن طرفندن بر هجوم و قوعبولورسہ عجیب لکری ملا بسہ سیلہ بر سقطلق ظہورہ کلہ یلیر۔ بناءً علیہ بن دہ وعسکر دمہ حاملزدن راضی یز۔ سز جہات و جہاد سائرہنک تحت امنیتدہ اولسنہ غایت و ہمت بیورکز] جوابیلہ اولدینی یردہ مقاومتہ قرار ویر۔ باقدی بیوکلکہ ! باقدی علوجانہ !۔ بویلہ اعزہ غزاتک نصل آیاقلری اوپونز۔ ہاشم پاشا کی متانت و شجاعتک تمثالی اولان بر ذات نیچون قیامتہ قدر دیلرردہ رحمتہ یاد اولمز ؟ البتہ اونور۔ (ان الله لا یضیع اجر المحسنین) آیت جلیلہ سنک شمولی دائرہ سنہ ہاشم کی اعظم طور رکن بشقہ کیملا داخل اولہ حق !

[خالیاز موقعندہ وقوعبولان محاربه دنسکر جہ اردو کز متشت بر حالہ بولنور۔ برتہلکہ کیہ دوشولمکدن توق ایدلسنی توصیہ ایلہ برابر بوندن صکر دہ نہایہ جکسکر ، نہایش کورہ جکسکر] یونندہ سرعسکر ردیف پاشانک تلالش آمیز شرملی بر تلغرافی گلش وینہ بومالده مابین ہایون باش کتابتندہ بر تلغرافنامہ آنخشدی۔ انلرہ جواباً عتار پاشانک یازدینی تلغراف اردو نکت حالی و حرکات و تصوراتی ناطق اولسنہ مبنی وارد اولان تلغرافلرہ برابر عیناً بورایہ درج اولندی۔

سرء کردن دین

پاشا نك الاشلى

بر تلغرافى

« متفرق بولنمقدن بغایت اجتناب اولنمسی بالدفعات اخطار اولنش و بوده حالا
فرقه ده حرکتی اسباب لازمہ نك هنوز امنیت اولنور درجہ ده وارمیدنی اشعار
علیه لرندن آکلا شلمقدہ اولمندن نشأت ایتشد. حال بویله ایکن دلی بابا فرقه سی
مختلرده ایلری یه حرکت ایتدیرلمش ، ثقلیه حیواناتنك قلتدن واسباب سائر دن
ناشی بوفرقة تکرار رجعت ایتش ایدی . مؤخرآ بالذات اورایه عزیمت وایلرویه
حرکت بیوریلوب ، مظفریت دخی استحصال اولنش ایسه ده ، دها ایلری یه حرکت
قابل اوله میه جنی کبی بولندیغکز نقطه دن شمدی کرى چکلمك دخی مخدوردن
سالم اولوب اولمیدنی وشو حرکتاردن نه درلو فائده حاصل اولدینی ویا اولانه جنی
بیله میور وعسکرک ، بلکه ده هر کون شورایه بورایه تبدیل موقع ایتلرندن طولانی
یوروله جقلری و ثقلیه حیواناتی دخی عملدن قاله جنی و بوحالك ، عسکرک تعلیمه
مانع ومن جهة سوء تأثیری موجب اوله بیله جکی دوشوندکجه و خصوصیه بویله
شیلرده عجله حرکتك اکثریسی سوء نتیجه حاصل ایده کادیکی نظر دقه آلدنجه
افکار واذهانی اضطرابدن بری طومتق قابل اولمیور . ۸ مایس ۱۲۹۳ تاریخندن
۱۲ یه قدر آلتی قطعه تلغراف عالیرینك هیچ برینك مآلنی دیکرینه توفیق ایتك
قابل اولمیور ؛ مسوده لرینه ده مراجعت بیوریلور ایسه طرف سامیلرندن دخی
تصدیق اولنور . ۱۲ حزیران ۹۳ تاریخلی تلغرافنامه عالیرنده ایسه ، دشمنك
خوروم اردو کاهی اوزرینه حرکت آلیکده اولدینی وبوندن مقصدی ایکی فرقه نك
آرده سنی کسمك اوله جنی محتمل بولندینی بیان بیوریلوب بشقه کونا ایضاحات
ویرمیدیکزدن طولانی ندرجه لرده مراق واندیشه حاصل اوله جنك تحدیدینی
انصاف عالیرینه جواله ایدرم . ادخار ارزاقه هر طرّفه فوق الغایه اقدام اولمقدہ
اولدیندن آثار فعلیه سی مشاهده اولنش اولمیدر . عسکرى حال تفرقه ده طومتقدن
وفائده سزیره یورمقدن بغایت اجتناب بیورلمسنى حسب الاخلاص تکراراً
وخاصةً اخطار ایدرم . شمدی دشمن نه حرکت ددرو نه پایه ییلور وسز
نه پایه پیله جکسکز ؛ و دشمن ایکی فرقه آرده سنی کیرر ایسه حال نه اوله جقدر ؛
و دشمنه شو حرکتی اجرا ایچون فرصت ویرلماسی نه یه متوققدر و طویل بولنامق
ایستلما سمنك سببی نه در ؛ لطفاً و سریعاً ایضاح بیورلمسنى تمنی ایدرم . ماکنه
باشنده جوابه منتظر م .

ردیف

۱۳ حزیران سنه ۹۳

(جوابی)

مقام جلیل سرعسکری به

۱۳ حزیران ۹۳ تاریخلی وشفره لی تلغرافنامه سرعسکریلرینی خالیا ز
طاعلرنده آلدیم . متفرق بولمقدن اجتناب اولغنی واقعا هر وقت اخطار
بیورولور؛ فقط نظریات اوزرینه اولان اخطارات ، عملیات و خصوصیه حکم
موقعه توافق ایتیهجکی حقدده اعطای ایضاحاته حاجت کوریه مز . دلی بابا
فرقه سی بزنجی رجعتده صاعلام برنقطه ده اوطوره جق ایکن اونقطه یی ترک
ایدوب غایت چوروک برنقطه یه چکلیکندن وفرقه مذکورده نک اویله فنا بر
نقطه ده براقلمی خدانکرده بتون خط مدافعه مزک مدافعه دن سقوطنی ایجاب
ایله جکندن اولوقت درحال ایلری به حرکتله اوراسنی طومسی امر اولمش
ایسه ده دشمن دها چابوق طاوارمش واوباده ایتدکری حرب ده ضایع اولمش
اولسندن فرقه مذکورده ینه اوچوروک نقطه یه کش اولغله ، اوحالده یاو فرقه یی
آلوب ایلری کوتورمک ویاخود بتون بتون خط مدافعه یی ترک ایدوب ارضرومه
چکلمک ایجاب ایدردی . واقعا اردومزک متفرق بولنیوب طولی بولغنی الزم
آلوب اونقطه ده آنجق ارضروم نقطه سی اولدیغندن بشقه ذاتاً بتون کون
قلتندن فریاد ایدیلان اسباب نقلیه سزک دخی بالخاصه بووضعیتده زی موجب
ایدی . بووضعیتده حساب الحال جانہ منت وامنیتله بادی مظہریت کورولمکنده
ایسه ده ، اوتہ دئیری ارضرومه ادخاری ایستیلان ذخیره نک حالا وجودسز
قالسی بی اجتماعدن منع ایدیور . زیرا بوکون اورایه جمع اولسه ق ایکی کون
سکره دشمن سواریسناک طریزون یولنی قطع ایتمی ملحوظ اولدیغندن
وسواریسزلکمز دخی محتاج تعریف اولدیغندن بلکه یکریمی کون سکره
ذخیره سز قالمقلمز طبعیدر . اشته بو حال اسباب نقلیه سز لکله برابر فرقه
عالمده بزه عادتاً فدا کارلق ایتدیریور . خدا علیم آرقه مده برقاوطدن بشقه
یاقده هیچ برسیم اولیوب یانکیز برکسمادله کیجه وکوندوزی دشمن قارشینده
طوپراق اوستده کچیرمکده ییم . اشته اجتماع حاله کچمدیکمک فدا کارلقده
کز دیکمک سبی مقتضای حیثیتدر . چونکه اسباب نقلیه نک اکال اوله میه جغنی
ومقدار وافی ذخیره نک ارضرومه ادخار ایدیه میه جکنی آکلادیم جهته ممکن
اوله بیلان فدا کارلقله ارضرومی قورتارمغه چالیشمینی کندیمه وظیفه دن عد
ایدیورم . تلغرافنامه لرمدہ مباینت اولدینی کویستلمش حال بوکه انلر هر طرف
قوماندانسک کندی قره غوللرینک مشہوداتی ناطق آلوب بنده کز انلرک

اونلغرافه ویردین
جواب

موثوقلرینی برصورت مجله ده بعدالیمان آنک اوزرینه ده بنای مطالعه ایدیورم. زیرا دشمن حرکتی و قصدینی بزه بیلدیرمیه جکشدن مطالعاتک بعضاً خلافی ده ظهور ایتیمی طبیعیدر. دشمنک هرکون نه حرکتده بولندیغی مشهوداته و اطرافدن آنان معلوماته کوره عرض ایدلیکی کبی اکا قارشنی یاپسی لازم کلان اجرا ات دخی یازیلور. فقط انک آتیده نه حرکتده بولنه جغنی و بزم نه حرکت ایده جکمزى ابتدا سندن تعیین ایتک قابل اوله میه جغنی درکاردر. خورومدن (یعنی زیویندن) بوجانبه حرکت ایده جکم صروده دخی ینه بویولده برقطعه تلغرافنامه سپسالاریلرینی آلدیم ایدی. فقط مندرجاتنده حالا اداره یومیه من تأمین اولندیغیه اسباب نقلیه سز بولندیغمزى عرض ایتک لزومدن بشقه سی جالب جواب کوریه مدیکندن و مذکور تلغرافنامه یی ایسه کیجه ساعت اوچده خالیازه متوجهاً آیاغمی اوزونکی به قور ایکن آلدیغمدن جواب عرضه زمان و موقع مساعد دکل ایدی. عفو سپسالاریلرینی تمیده اولدیغم معروضدر
 ۱۴ حزیران سنه ۹۳ احمد مختار

ما بین هایون باش کتبتندن احمد مختار پاشا خضرلرینه
 معیت علیه لرنده بولان فرقه نك ایکی به تقسیمى تخدیش افکاری موجب
 اولدیغندن بوباده کی مطالعات دولترى باراده سنیه سؤال اولور
 ۱۴ حزیران سنه ۹۳ سعید

جوابی

تفریق قوته دأر اولان مطالعات بندکانه م باراده سنیه سؤال بیورلمشدر. افندم شمده یه قدر اک بیوک نام قزانان قوماندانلر ظاهر اولان بر فرصتدن آن غیر منقسمده استفاده ایتک نیتیه حرکات مقتضیه و سریعه ده بولنلریله قزانشلردر. چاکرلری کرچه درکسر بر عسکر ایسه مده دشمنک دلی بابا بوغازندن و صوغانلیدن ایکی قول اوله رق ایلرولمکه باشلایه جغنی حس ایتدیکمدن و فقط یالکز بهرینه قارشنی قوتلر من تأمین مقصد ایده میه رک بری بوزولسه دیکریده رجعت ایده جکندن و ذاتاً خوروم اردو کاهنی آز قوتله قالسه بیه دشمنه مقاومت ایده بیه جک وجهله و قتیه انتخاب و تحکیم ایتدیکمدن اوراده (یعنی خالیاز ودلی بابا جهنده کی فرقه ده) دشمندن قوتلی بولنق ایچون برکیجه برمقدار قوتله دلی بابا فرقه سنه التحاق ایتدم. درحال ایلری به تعرضه بحول الله

ما بین هایونه
 ویریلن جواب

دشمنی پوسکورتدک. بورایه (یعنی خورومه) کلان دشمنی ده عساگر شاهانه نك غیرتیه حکم موقع طرد ایتدیکندن و بوکون ینسه بورانك قوتی یکرمی اوچ و (داهار) یعنی (دلی بابا فرقه سنك) قوتی یکرمی ایکی طابوره ابلاغ ایدیوب بویکجه ینسه خورومه کاندی. هم بیوک ایش کورولدی، همده قوت تقسیم اولنماش اولدی. چونکه اصل هنر، امکانك مساعدده سنه کوره جزئی قوتی و قتیله هریره یتشدیروب فرصت غائب ایتمکدر. سایه حضرت رسالتناهیده توجهات جهاندرجات جناب شهرباری ثمره سی اوله رق بودفعه ایکی حربدهده قزایان شرف غایتك درجه سی برهفته یدکین اجنبی غزته لرده کوریلاییه جکندن. بوحرکتدن وقوعه کلان محسناتی تعریفه حاجت اویوب عاجز لری صاغ ایکن سایه رسول اللهده قلب شاهانه نك مراق اوزره اولماسنی تمنی ایدرم. واقعا دلی بابا فرقه سنك ایشی هنوز تکمیلأ بتدی ایسهده بعدما اوراسی چون حل ووقته کوره ینسه بشقه مانوره و ترتیاته قیام اولنه جفندن، ویاخود بوراده کی دشمن فرقه سنك رجعتی اکاده سرایت ایده جکندن، ظن ایدرسهم دها بشقه تشبه شمديك احتیاج قالمه جقدر فرمان. ۱۵ هزاران سنه ۹۳ احمدختر

ایلری سنك نقل و حکایه سنه کیریشلمزدن اول بوراجقده بر از توقظه ایشی قوماندانلرك انتخابه برکره دها میزان و مطالعه ایدم: بن قوماندان اولسهده سرعسکر ردیف پاشا متعلق بعض مطالعات اخلاقیه و حکمیه و تاریخیه حضرتلرندن اولتغرافامه یی آسه ایدم، مطلقاً عزیمده کی ثبات زده نلرك عودتی اختیار ایدوب صوغانی طاغنه چقار واوراده استحکاملریاهرق دشمنك کلوب نی اورمسنه انتظارأ وضع تدافعی یه کیر ایدم؛ ویاخود الشکرد فرقه سنی ده نزدیمه آلهرق اضروم استحکاماته کلیر قبانیر ایدم. اما قارص محاصره یه طیانمه رق کیدر ایش؛ وارسون کیتسون نیم نهمه لازم؛ چونکه قرصك استحکامی یاپیش؛ او استحکامی محافظه یه کافی اوله جق درجهده ایخنه عسکری ده قونمش؛ آرتق وارسون او عسکر ایغای وظیفه ایتسون. اما ایغای وظیفه ایتماش، اوراسی بندن رسماً مسئول دکدر. ولو حقیقت حاله موافق اولسون، سرعسکرک مقصدینه توفیق حرکت ایدرك وایشی ماشه اوچله طوته رق بن کندی مسئولیتدن قورتارر ایدم؛ وایشی ده تمامیه قانونه و کتابه اویدرردم؛ آرتق اوتوسی بکا عائد دکل والسلام.

زیرا آمده کی ادواتك مکملیتنه و حالك مساعدده سنه و عسکرک قلبك معبورلغه و اراضینك طبیعتی بکا موافق اولسنه و ایشك اقتضاسنه، الحاصل

برقاج درلو لزومه مبنی ایلری یه کیدرک برحربه طوتیشه جق اولور، (والحرب - جمال) حکمنجه طالع حرب بکا موافق اولمیهرق اومئادیم یردن عکسی برحال ظهور ایدرده بوزولور ایسه هم صکره بن مسئولیت متصوره دن یقامی نصل صیره جم؟ و [افندم قوتم شویله ایدی؛ اراضینک حالی بویله ایدی؛ بن فرصتی قاجیر مامق وقارصت تهاکده اولدیغنی کوردیکدن؛ ببرد اورایه امداد واعانه ایلک اوزره مجبوراً حربی اختیار ایتدیده تدبیرم تقدیره موافق کلدی، عسکر طیانهمدی، ایش ترسنه دوندی] عذرلرینی کیمه آکلاده جم؟

زیرا دیه جکلرکه «سن کورمی ایدک! روسیه دواتی کی عسکری وقوتیه بتون دنیای صارصمش و تترمش اولان بردولت اردوسنک قارشینده بولنیورسک. هیچ تاریخ اوقومدمکی؟ فتوحاتیه بتون کره ارض اوزرنده مشارالینان اولان عموم آوروپایی زیر وزبر ایدن (ناپولئون بوناپارت) کی بر نادره وبادره زمان بیله روسیه نیک ایشته بویله بر رجعت مانوره سیله دامنه دوشدی وبتون اردوسیه اوبحر اقتدارک ایچنده نینایوب کیتدی. علی الخصوص که بورالیرینی تذکیراً تقدمله سکاخبار حال ایدرک تلغراف ده یازدق. اوامرواخباری دیکله مامک جسارتی زه دن آلدک؟» او وقت بن دیهم که: [چونکه بو دولت بویله برداهیه ایدی پولیتقه نیک اساسی نیچون صاغلام طوتمدیکز؛ نیچون ایشی محاربه یی انتاج ایده جک درجه یه کتیردیکز؛ بویله بر دولته قارشی حرب ایتک، بر آدمک کندی ایله کندی حیاتنه قصد ایتسنه بکره مزمی؛ بویله بر قصد ایسه آنجق اختلال دماغدن نشأت ایده بیلور.] یوق!، بویله اولمیوبده، «نه یاپیم، ایکی آل بزباش ایچوندر. مادامکه دشمن بزم حیاتمه قصد ایله تعرضده بولندی؛ بزده المزدن کلدیکی ووسعمرک یته بیلدیکی قدر مدافعه سنه مجبور اولدق.» دیه جک ایسه: [قلعه واسته حکاملرده اختیار اقامت ایدوبده خصمک محاصره و محوم ایتسنی بکله مک عبث اولمازمی؛ بو حال عسکرک قلبی قیرمازمی؛ احتمال که دشمن اوقلعه لره، او استه حکاملره هیچ محوم ایتمز ویهوده یره عسکر تلف ایتدیرمز. عسکر چیقارمقده بزم کی کوچلک چکمیان بویله بر مقتدر دولت، علیه مزده ایکی اوچ فرقه زیاده عسکر استعمال ایلر ایسه مطلوب ثابت اولور و بزم نقاط مستحکمه یی محاصره ایدرک قوای مجموعه مزی اورالرده باغلا دقن صکره اوست طرفده آرتان عسکر یله سلمه السلام عموماً مملکت مزی چالقار طورر. بو حالده سلامت مزی آرایه جق و حقیقه مدافعه ایده جک ایسه، حالک ایجابنه کوره طاوراملی و مطلقاً سیار اردولرله

مناسب موقع علودده دشمنله پنجه شملی وبر یرده حبس اولوب قلاملی مطالعه سی
نی اردو ایله حرکتیه وسیار حالنده بولمغه مجبور ایتدی ایدی؛ بناءً علیه ایفای
وظیفه عسکریه ایدرکن قضازده اولدم.

نیم مدافعه در میان ایده جکم بوسوزلری اوله بروتنده کیم نظر اهمیت
آلور؛ بوزغونلق عار ومسؤولیتی کیم یوکانور؛ کورمز می که آدم طاوله و شطرنج
اویونلرنده بیله یکلدیکی کبی سیدی بشقه سینه عطف ایتکه وسیله لر آرار .
خصوصیه بوزغونلق عموم دولت وماتک بادی انقلاب اوله جق درجه ده آغر
اولور ایسه اولوقت ایش شطرنج اویوننده بکزمیه جکندن مسئل بستیون بشقه ل شیر .
هرکس حب نفسک الجاسیه ای ایشی کندیسنه و ظاهر اولان فسادک
سببیتی بشقه سینه یوکانمک طبیعتیه مجبور اولدای کی . عموم مللک دولت لرنده
حالی بویه در . هیچ بر قوم ، هیچ بر حکومت کندی قصور ونقصانندن
وقوتلر لکنندن ناشی اردولرینک بوزولمش اولدیغی کورمک ایسته مز؛ مطلقا
برینک اهانتیه ویاسوه اداره سنه حمل ایدرک ایشک آلتندن صیرلوق ، ولو کندی
کندیلرینی آلداتق صورتنده اولسون ، صورت ظاهرده فکرلرینی بر نقطه
اطمئانه واردرمق وبرغایته ایردیرمک آرزوی طبیعیه سنده درلر . آنک ایچون
حکومتلر افکار عمومیه نک جریانیه بر جهت استقامت تعیین ایدلمش اولوق
وتصورات وتخیلات عامه یی بر نقطه یه طوبیایوب خلقت کفتمکوسنی بر مرکز
باغلامق اوزره نیجه بیکنه ایش ارلرینک قانه کیرمشلردر .

شمدی ردیف پاشانک اخطارینه قارشی اختیار اولنان حرکت سببیه ایش
برعکس اولور ایسه . علمک نظرلرنده خائن دین ودولت حکمیه محکوم اوله جقم
درکاردر . اکا کورده ده جزای علم عدالت وسیاست نامه ترتیب اولنور . آندن
بشقه قیامته قدر خلقت نظر لعن نفرینه ولسان طعن و تشیغه هدف اولورم .
اولاد وعیالم دخی نیم حاملدن عاز ایدرک ، « کاشکی بویه مروی اخلاق اولمش
برذاته منسوب اولیه ایدک ! » ندامتیه اشک ریز تأسف اولورلر .

خصوصیه بویاغینک اساسی حسد کی ، رقابت کی ، خائنلور بر قتل جکندن
نشأت ایش ایسه ، محسود علیه بنای موجودیتی محو ایتک ایچون ایش
اوقدر تدبیری واطرافلی طوتیلور که آتشک دوشدیکی یرده ذره مقداری اثر
عمارت قالمز ویچاره فقیرک تبریه ذمت ایتسه هیچ میدان ویرلر .

شمدی ردیف پاشا حضرتلرینک مطالعه سنه کلام : شیطان اکا شو بولدن

ظهور ایدرک دیرکه، « شاید مختار پاشا موفق اولور ایسه بوندن مکره سنی سنک نامکی کولکده براقیر. روسیه قارشی شمدیکی حالده کوریلان سعی هیچ شبهه یوقکه دولتجه بر موقع تخیر احراز ایتک وستی موقعدن دوشورمک ایچوندر؛ یوقسه حسب وظیفه پرورلک دکلدر. نائل اوله جنی موقع ممتاز ایله مطلقا آتی ده سنک شرفکه ایراث نقیصه ایده جکدر. دیمکه بو آدم سنک دشمنکدر. حاضر دشمنک فرصتی آله کچمش ایکن سرد ایده جکی اعذاره قولاق ویروبده یقاسنی صالیورمک عقلاً و حکماً مردوددر. درحال بو آدمی بتملیدر... » بو قرارک صورت اعطاسنده حسد جنابلرینک رأی و تنسیبی و یاخود ایش منحصر آتک ترتیبیه وقوع بولدینی احتمالی ده باقیدر. بودرجه یه کلدیکی کبی آرتق انی موقع اجرایه قویه جق بر دیوان حربک بولمنسندده کوچلک چکلمز. چونکه ترفیع رتبه ایدیم ویا بر نشان آلهیم، یاخود بنی طشرده بر عجزا یره کوندرمسونلر، استانبولده قالايمده ایستلر ایسه بابامک بیله اعدامنه حکم ایدیم دیه قابو قابو کزینان یادکارانک بزده قحطانی می وارددر؟...

ایشته اوتلغرافک بویه بر مقصده منی یازلمش اولدیغنی تصور ایدن بر قوماندان، هیچ شبهه یوقدرکه اردویی رجعت ایتدیرر ایدی. لکن مختار پاشا بودرلو اوهامه (اوهام اما اخلاقزی تصویر ایدن اساسلی و حقیقه یقین بر اوهامه) قولاق ویرمدی و حاضر آله کچمش اولان فرصتی فوت ایتیمه رک قارصک محاصره دن قورتارلمسنه سعی ایتدی، توفیق الهی ایله بر سقطلغه دوچار اولمق سزین موفقده اولدی؛ قارصده کی قوتله برلشدی.

اگر مسئولیت آتیه قورقوسیه اردوسیچون سپرلر والتجا کاهلر یا تمقاه مشغول اولسه ایدی، روسیه دولتک عزیمی وارزوسی کبی اعلان حربدن صکره بر آی کچر کچمز، مصالحه امضا اولنوردی..

مقدم ردیف پاشانک شخصی علینه سوز سوبله مک اولمدینی صورت تحریر رمزک عمومیت افاده سیله معلوم اولور. بزده کی اصول جاریه ایجابجه اومقامده هرکیم بولنسه آنکده کوره جکی ایش بوندن عبارت اوله جغه نظراً ألم، تحسین اصول اداریه یوللر بولمنسی و وجدانه و انصافه مالک محکمه و دیوان حرب اربابی یتشدیرلمسنی و ضابطانه براز علم حقوق کوسترلمسنی توصیه در.

هر نه حال ایسه.. ایشته احوال مبسوطه دن آکلا شیلیورکه بر قوماندانک

مسئولیت آتیه دن قورقمسی، قورقامسی قدر مهلکدر. رأس اداره ده بونی تمیز ایدجک قوۋ مقتدره پک آز کورینور. بر قوماندان ماهیتله طانیله رق انتخاب وتعیین اولندی می اندن صکرده سی بالتوکل اللهه براقلملیدر.

فقیرک حال شبایده ارض ورمده صولاق زاده احمد اقدی نامنده علم و عقل ایله مشتهر برخواجه و ارایدی. برکون خلقه تدریسند بولنورکن بانسابه دیمشیدیکه: «خی ماهیتله طانیان بر آدمک قوی واسیری اولمقلنی احوال صوریهم اعتباریله، فقط ظاهر می طانیان برذات سلطانی وسیدی بولمقلنه ترجیح ایدرم.» حقیقه ده بوله در. سنی ماهیتله طانیان اولان بر آدمک چین جینی یالکر ظاهر کدن طانیان ومقامکه مناسب طرز اختصاص اظهار ایدن سطحی نظرانک التفات بسط آمیزندن بیک قات خیر ایدر.

أوت! ایشه بوله ماهیتله طانیان برذات برکره انتخاب وتعیین اولندی می، آنک مدیری، مدبری (ایجاب حال) نامنده کی آمر مطلقدر. ایجاب حالک امرینه کوره حرکت ایدنلرک افعال واجرا آتی البته موافق حکمت اولور. یکر می بش سنده در دوات ایچنده یووارلانیورم. هله برسنده متمادی احوال حربیه ایله مشغول اولدم؛ محاکمه ومطالعهمک نتیجه سی اوله رق شونی بولدمکه، هر برده ایشکدارلق وخصوصیه زمان حربده برآنی عسکرلک، ایجاب حاله توفیق حرکت ایتمکدن عبارتدر. ایجاب حال دیوبده خفیفجه کچیمه. بونقدر مهم برشی در، ضمتده نهلر وارد؛ اوراسنی حکمت وبصیرتله ممتاز اولان احباب تجربه ومعلومات پک اینی تقدیر ایدرلر.

دکل یالکر امور حربیه، کافه شعبات ادارهیه مأمور وموکل اوله جقلرک حسن اتحانی، اداره ملکک شرط اعظمیدر. بدایت نشأتندبری ناموسکارلقله متانت افکارله وادب دائره سنده حقیقت پرورلکله [۱۰] یشامش ویتشمش اولان برذات بر

[۱۰] آه! حقیقت پرور دیدمده خاطریه کلدی. بونام مبعلاک آلتندده پک چوق قلتبان وشارلاناقلر اختا ایدیور، حقیقت پرورلک خصلت مدوحه سی اغراض نفسانیه سناک اجراسنه نیجه برده ایدنلر بولنیور. انسانه بولک چور وکنی صاعلامندن آیرمق ملکسی، استخدام ایله، زمان ایله، تجربه ایله براز کلیور ایسه ده، منتخب فکر سلیم وطبع مستقیمه مالک اولسی ده شرطدر. علم، عقل، ذکا، دهاکبی مزیات انسانیه بشقه، آدم طایقی، طائی کدیکنه قویقی خصلت کله بشقه در، دهاک طویقی بولنده آدم انتخاب اولک سجیمس رموه ره رایبه درک توفیق الی هاککی قومت کاج برسمه اتی اوله چین وضع وطرز هاکی ملو نامور ایدجک ایسه اوله بیه لایه اوفولک اوله بیه حال وعتدیک فرق میاهانده بعه تار اولور، دیکدن بشقه تعریف حقیقت ایچون سوز بولنه ماز والسلام.

ایشه تعیین اولندی، عربلرک (ارسل الحکم ولا توصی) حکمتی یا قالا یوب دور ملی، اوزون اوزادی تکریر و صایا ایله او آدمی اوصاندر ماملی، علوجنابخی محافظه ایتلی. اداره عمومی دولتک اوصاف متمایزه ایله طانیدینی وهله زمان حربده برایشه تعیین ایتدیکی آدمک شکر و شکایتی بلا انتقاد متمر او ملیدر. دنیاده اولان واشکال اشخاص نه قدر مختلف ایسه اغراض انسانیهده اورته متخالفدر.

برایش اریزک اجرا آتی، بر سبب نفسانی ایله بر بشقه سنک خوشه کیمیه بیلور. وهیچ نفسانی بر غرضه مستند بولمسه بیله اختلاف مشارب ایجابجه بر سنک رأی دیگرینک تصوراتنه موافق کلیه بیلور. ایشته جزئی بر مخالفتک حصولیله برابر در حال درلودرلو مزور لکلرک اجراسنه میدان آچیلور، فکر انتقام ایله قولاً و فعلاً هر درلو تعرضاته قیام اولمقله برابر حاصل اولان انکسارک ایجابی اوله رق آله ایدیلان سلاح تعرضک متمماتندن ایجاب اولان بعض ترهات و باطلیده صورت حقه قونه رق اولیای امورک سمعنه قدر ایصال اولنور و ایشده بوزولور. مسئلهنک بوجهت لرخی تصور ایدن برایش آری، بر قوماندان ایفای وظیفهده قصور ایدنلرک تأدیب و کوشالنده اغماض و اهماال ایتمهک مجبور اولیور. حالبوکه حکمت و مصلحت هر وقتده خصوصیه زمان حربده مکافات و مجازاتی مستلزمدر. مجازات صورتی آله آندیمی قیامت قویور. چونکه اثنای حربده دیوان حرب تشکیلیله بالمحا که بر جانییه، بر وظیفه مقصرینه قانوناً جزا ترتیب ایتدیرمهک وقت مساعد اولمدقندن بشقه، دیوان حربده او یله بر زمانده، اوقدر بیوک رتبهده ضابطان وارکان و امرا بولندیر مرقده کوچ اولیور. بوجهتله اوقصور صاحبی اولان ذاته بشقه بر عذر بولنهرق ایشدن آل چکدیر لمکله اکتفا اولنیور. صکره اونا زلم بر تقریبیه مرکز سلطنته جان آندیمی.. آرتق طبیعت حال کندیسنه بر قاچده رفیق بولیورده رک کیرمدک قپو بر اقیورلر؛ کندیلرخی ایفای وظیفهدن دور ایدن ذاتک فصل و مذمتیه قویولیورلر. « بز شویله ایش کوردک، بویله طوغری بی سوبلدکده آنک ایچون فنا اولدق. یقین زمانده کور رسکرکه اوراسی نه حاله کیرر. افندم اوزات خائن دین و دولندر، مرتکب و مرتشیدر. » باقدی حریف اللهندن قورققسزین صرف کندی غرضی نقطه نظرندن حقوق و ناموسه نصل تخطی ایدیور. چونکه نظرانده ناموسک قدری یوق که!..

حاصل اولان بودرلو وسائل اتهامیه، اولیای امور ایچنده اوزاتی چکهمیان

ويا سوه ميانلرك تمام غرضنده موافق دوشهرك ايشى حضرت پادشاهه اسماع
ايجون قبولر يايغه باشليورلر. اولجه صورت حقدن كورينهرك ايدمش اولدقلى
طرفدارلر واسطه سيله اوزا قى محو ايدم جكلر ايدى اما، نه يابسونلركه وقوعات
و فعليات آنلرك تصوراتنك عكسنى اثبات ايدور؛ چونكه اردونك موفقيتى
دوام ايلور. شوحالده ديدم دوز فرصت اوله رق قضارا او ايش آدمك آياغك
سورچىنى ويا طالع حربك برعكس اولمى بكارلر، انتظارلرينه موافق برحالك
ظهوريله برابر و قيله ترتيب اولمش اولان هجوم قوللريله همان اوزرينه چوللانهرق
ايشنى بترلر. تاريخ مطالعه بيورلسون، دولتمرك تكميل ماسبقى كوز اوكنه
كتيرلسون؛ بو ترتيب و مانورلر ايله نيجه نيجه اعظمك جاننه قيبلى؛ هريرى
كرچكدن نادره روزكار عد ايدلمكه شاين اولان نه قدر دهاته اكابر ك دوچه
خاتمانى كو كندن سوكلى. ايشته بو حالرك جهل سى دولت عثمانيه وامت اسلاميه
يك بيوك ترقيلردن منع ايتدى، نيجه فرصتلر قاچيرلى. الان نه فرصتلر قاچيور...
اللهم ارحم امة محمد.

كله لم صده: الشكرد قوماندانى طاتلى اوغلى شهيد محمد پاشانك دشمنله
طوتشدينى ائنده مختار پاشا، بار كيريدم بولمان وان قوماندانى ذائق پاشايه بر تلغراف
جكرك بوله بيلديكى قوتله بايزيدم طوغرى ايلرو ايلهرك محمد پاشايى تضيق ايدن
دشمنك خط رجعتى تهديد و بايزيد قصبه سنى دشمندن استرداد و ضبط
ايتنى امر ايتشيدى. ذائق پاشاده فرقه سنىك قوه موجوده سنىك عدم كفايه سندن
بختلر و كر دلرك حالندن شكابتلر ايدر ايدى. هر درلو اعذاره ممكن اوله بيلان
صورتلرله نهايت و يريلوب موجود اولان قوتى نه دن عبارت ايسه انكه ايلرو لمى
امر قلعيسى و يرلمى اوزرينه كوچ حال ايله ذائق پاشا يردن قلد ايه رق ايكي طابور
عسكر و بدايت اعلان حربدن اوتار نيجه قدر يعنى ايكي آى مدت ظرئنده
طوبلان بيلمى اولان عساكر معاونه دن پياده و سوارى اوچ بيك قدر در بدر ايله
بايزيد جوارينه مواصلت ايتديكندن شهر ايجنده كى قشله ده دشمنك ايكي طابور
پياده عسكرى بوله رق اوزون اوزادى بر طاقم نزاع وجدالدىن صكره دشمنك بو
ايكي طابورنك تسلیم سلاح و اختيار اسارت ايتمى طرقيجه معاخره قرار و يرلور.
روسار سلاحلرى ذائق پاشايه تسلیم ايتمك ايجون طاقم قشله دن حيقارلرك
عمر نده موسقوف عسكرى كور مامى اولان كر دلرك نظرى روسلر تعلق ايتمكه

برابر مال بولمش مغربی کبی بردن بره اوزرلینه هجوم ایله برخیاپسینی اولدیرلرله. شوحالی کورن ودها قشلهك ایچنده حاضر لمقده بولان برطابور قدر بقیه روس عسکری، قشلهك قاپولرینی چوپروب بزمکیله تسلیم نفس ایتمکدن امتناع ایدرلر. ذائق پاشا کردلرک رؤسای معرفتیه کوچ حال ایله اولکرینه طورور، بلامقاومت اسیر اولان وهردرلو تعرضدن مصونیتی اقتضا ایدن روسلرک بقیه سیوفی اولهرق آلد قاله بیلان یتیش سکسان نفری تکمیل صویولوب صوغانه دوندیرلش حتی بعضیلرنده ستر عورت ایدهك بر شی دخی قالمایش اولدینی حالده عریان وکریان اولهرق قورتاروب نظامیه طابورلرینک اولدینی بره کوندرمش واطابورلرک زیر حمایه سنه ویرمکه بقیه مذکوردهك حیاتی محافظه ایلشدر. صکره بو اسیرلر وان والیدی بولان حسن پاشا طرفندن کیدیریلوب قوشادیلوب حلب طریقله استانبوله کوندرلدی ایدیلر.

بوراجقده کردلرک ینه بر مناسبتسز حاللرینک صورت مؤاخذهده نقل و حکایه سی، حصول عبرت ایچون فائدهدن خالی اولسه کرکدر: الشکرد فرقه سی دشمنی تعقیب ایدرایکن، اثنای راهده وفات ایتیش اولان مجروحلرینی وخصوصیه خالیازده کی حرب موقعنده دفن اولمش اولان روس امواتی البسه لرله کومشیلر ایش. بزم کردلردن بعضیلری بو مدفنی آچهرق البسه لرینی صویق طمعیه جنازه لری قبرلردن چیقاروب عریان و آچیق صاچیق میدانده براقشیلر؛ وعلمی تغناه طولدیروب علل ساریه حصوله خدمت ایتیشلردر. کیم دییورکه بزم آدملرمز تجارتی سومز؛ هانکی آغزی قاره افترا ایدیورکه بزم اهالی تنبلدر، کسب ثروت ایتک یولنی بیلمز؟.. ایشته کوز اوکنده عیاناً کورولیورکه تجارت ومنفعت حصوله کتیرمک ایچون طبایع سلیمه اصحابنک، بلکه ده بالعموم انسانلرک نفرت ایتدیکی نبش قبر صنعتی بیله اختیار ایدنلرمز وار! بویله شیلره مجاسرت ایدنلرک طوتیلوب قورشونه دیزلمی امری ویرلدی اما، دشمنی تعقیبه مشغول اولان فرقهك، متجاسرلری بالتحقیق میدانه چیقارمغه وقتی اولمادی، فضاحت واقعه دخی ایدنلرک یانسه قالدی کیتدی.

اسیرلر برطرفدن کردلرک آلدن قورتاریله طورسون، بر جهتدن ده قشلهیه تحصن ایتیش اولان بقیهك الده ایدملری چاره سنک استحصانه قیام اولتور. محصورین قورشونه جواب ویرر. هر نه قدر اوغراشیلور ایسه تسلیمدن امتناع ایدرلر. بونلری

حصر و تضییق اوزره کردلر ایله برابر ذکر اولنان ایکی طابوری، ارکان حربیه میرلوارلرندن قصریه‌لی محمد منیب پاشا ایله بایزیدده براقه‌رق، بیلم نه‌سبیه مبنی ایسه فائق پاشا، فرقه‌سنگ مرکزی اولان بارگیری موقعه‌عودت ایدر. صکره شیخ عبدالله افندینک اصراری اوزرینه بو طابورلر نزدینه فائق پاشا اخیراً اوچده طوب کوندرر. قشله‌نک حصر و تضییق کسب شدت ایدر. محصورینک صو آلق اوزره چیقانلرینی اولدیرلر، تسلیمه اجبار ایدرلر اما؛ بر کره جمله‌سی اولدقلری یرده اولمکه قرار ویرمش و یکدیگریله عهدلشمش اولدقلرندن تضییق واقعک ثمره‌سی کورولمز. قشله‌نک پنجره‌لری عساکر نظامیه‌نک و کردلرک قورشونی آلتده اولدیغندن کیمسه باشی چقارده‌ماز اولور. بر طرفندن ده طوب کولله‌سیله قشله تضییق اولنور، قشله‌نک باشلرینه ییقيله‌جنی آکلادیلور ایسه‌ده، اسکی کارگیر بنانک متاتنه کورده‌نرک ینه تسلیم اولمازلر. حتی فائق پاشان مختار پاشایه کلان ۱۳ حزیران ۹۳ تاریخی تلغرافنامه‌ده، قشله‌ده ابتدا ایدن حربدن شدی‌یه قدر بر قانمقام، بر قول آغاسی، بر یوز باشی ایله اوچیوزده قریب کوچک ضابطان و نفراتی اتلاف و مسلم و غیر مسلم یوز اوتوز درت نفری اسیر ایدلرکی کجی، عساکر معاوندن اولان اکراد طرفندن آلتی، یدی یوز قدر حیوانات (آکلاشیلان مملکت دروننده‌کی اداره‌سندن) و بر مقدار اسلحه و سائر اغتام اولمش و روسیه عسکرندن اوچ نفرده مسلمان طاغستانی فراراً التجا ایش اولدیغندن طابورلره قید اولدینی بیلدیرلشدر. ینه اوکون فائق پاشانک کلان بر دیگر تلغرافنده، محصورینی قورتارمق اوزره ایچریدن یعنی حدوددن چقه‌رق امداده گلش اولان سوارى و پیاده بیک بشیوز قدر دشمن عسکرینه مقابل بر مقدار سوارى عساکر شاهانه ایله بیک قدرده معاونه آتلوسی چیقوب حرب ایشلر؛ بزم عسکردن طقوز شهید و دشمندن قرق قدر تلفات وقوع بولدینی حالدده دشمن عسکرى منهنزماً جبللی کدیکنندن حدوددن ایچری طرف ایدلرکی اشعار اولنلشدر.

الحاصل محصورینک بو جهتدن دخی امیدلری کسلش اولدینی حالدده ینه نباتلرنده دوام ایدییورلردی. محاصره‌نک زمانى و مدتی اوزاد قجه‌اوزار؛ محصورینک امواتی کنسدى ایچلرنده قالیر و قوقار؛ آجلقدن و صوسز قدن صولک درجه‌یه کاورلر ایسه‌ده صیق بر عهده قارشى خارجدن کوردکاری تضییق آجه ایتز. شدتله مقاومت ایدرلر. روایت اولنورکه، خسته‌خانه خدمتجیلکنده فلانده

بولمق اوزره ايجلارنده برقاق نضر موسقوف قادىنى وار ايمش؛ ارككلر اوقادىنلرك تشويقيله بوقدر مدت مدافعهده ثبات ايتمشلر ايمش.

مختار پاشا تلغرافلارله ذائق پاشانى تشويق ايدرك، بالذات كيدوب بوايشه بر نهايت ويرمىنى امر ايدر. پاشامز هر فصله بولندينى بار كيرى موقعندن قلايه ماز؛ الشكرد فرقه سيله دشمنى تعقيباً (ديادين) ه وارمش اولان قورد اسماعيل پاشا دخى: [قشله ايجنه قياشم اولان درت بچق خذله يى وياخود قهرمانى بوقدر وقتدنبى ائله ايدماملك نه ديمكدر؟] ديه قالقار بالذات بايزيده كيدر وبايزيده كلديكنى وتسليم اولملىرى محصورينه آكلادير وامنيت ويرر؛ ينه ممكن اولماز؛ حريفار سلاح ايله جواب ويررلر. آندن صكره اسماعيل پاشا: [طوپلرى شورايه قويكر و قشله يى بوجهتن بتوركز، عسكرى شو طرفدن هجوم ايتدريكر] كې، محمد منيب پاشايه بعض امر ويردرك ديادينده كى اردوگاهنه عودت ايدر. اسماعيل پاشانك اردوگاهيله بايزيدك آره ىرى ىدى سكر ساعتك بر مسافه در. مدت محاصره اوتوز كونه وارير، محصورين آجلاقدن كندى لاشه لرينك ائتى يرلر، ينه تسليم اولمازلر. آمان شو صرده خاطره كلسونكه، بلكه بونلرك بر بكدكلى وياخود بشقه صورته بر نقطه اميدلى واردر. خير، نه كزر؛ بر آيدنبى اهالىنى، فلاتى طابيدقلى و غريب اولدقلى بر مملكتده وبربنانك ايجنده قانوب قالمشلىر، كيمكه خنابره ايدجكلر و آنلره، كليوز ديه ثبات ايتملىر خبرنى كيم ايصال ايدجك؟ هر نه ايسه حريفار اودرجه ثبات وصبر ايلدلىركه، عاقبت موفق اولدلىر وغيرت واقداه لرينك ثمره سنى كوردىلر. توفيقك، غيرته عاشق اولدينى، وغيرت نرده ايسه توفيقك لاجالله اوراده يوز كوستره جكي حقتده عظماى اسلافك بالتجربه سويلدكلى سوزك واو دستور حكمتك بر آلت تطبيقده ايشته بوقعه در.

بزم محصورين كندى لرى مدافعه ايدوب طورركن، اسماعيل پاشانك تعقيباً كتير وبده موصون كديكندن ايجرى حدوده طيقمش اولدينى جنرال ديرقوازوفك فرقه سى، حدوددن ايجرى كيتدكن ىدى كون صكره، بايزيدك اوكنده كى جبالى كديكندن تكرر چيقه رق طوغرىجه بايزيدك اوسته كاير. آئى، ىدى ساعت كريده بولنان اسماعيل پاشا اردوسنى واوست طرفده بار كيرى جهتدنه بولنان ذائق پاشا فرقه سنى هيچ كوزينه آلميه رق، وآلسه بيله محصور بولنان قرداشلرى قورتارمق اوغورنده بتون فرقه لرينك باتمىنى جانه منت بيله رك،

محصورينك لده
ليدنبى امرنده
قوعبولان خطايا

محصور دشمن طابو.
رىنى جنرال ديرقو-
قوازوفك قورتارمى

محاضر بولنان بزم اوچ طابورله و بعض اكراد عساكر معاونه سيله محاربه ايدر.
بزم اوچ طابوری قاچیر؛ برآز اسیر ايله برابر بزمکیرك آلرندده بولنان اوچ
طوبی ده آلیر، محصورینی ده قورتاریر.

دشمنك بازیده کلوب حرب ایتمکده اولدیغنی خبر آلان ایشکرد فرقه سی،
آلتی طابور عسکر، ارکان حرب میرالای عاکف بك قومانداسیله پیشدار
مقامنده کوندرمش و دیگر آلتی طابوری ده بالذات اسماعیل پاشا آلهرق فرداسی
کون یتشمشار و خلیجه ده طوب محاربه سی ایتمشار ایسه ده، بو طوب محاربه سی
اوزاقدن آغز طالاشی حکمنده اولدیغندن، طرفین دخی بربرینه بر خسار ایراث
ایتمک برین دشمن فرقه سی دودوکنی. طاوولنی چالهرق بزم ایکی فرقه نك یعنی
اسماعیل و وثیق پاشار فرقه سنك وجود لرینه رغماً کمال عز و وقار ايله ینه کلدیکی
بولدن حدوددن ایجری چکیلیر کیدر.

تحفدرکه بوابده ۲ تموز سنه ۹۳ تاریخله مشار الیه اسماعیل پاشادن مختار
پاشایه کلان بر تلغراف نامه ده: « اوچ ساعت قدر طوب آتشنه دوام اولنش
و دشمنك بازیده بولنان کلی ذخیره و اشای سائرده سی ویکرمی قدر نقلیه
و خستکان عربهلری ترك ایتدیر یلرک بازیددن چیقارلش و نهایت رجعت قهقریه
ایله بازیدك اوچ ساعت ایجریسنده قره بولاق نام محله قدر چکلمش و دشمنك
تلفاتی یوز نفر قدر اولوب بزم تلفات ایسه له الحمد بك جزئی بولنش؛ اثنای
محاربه ده بازیده کی طابورلردن بر بولك قدر عسکر غیبوت ایش ایسه ده بونلرکده
فرار و یاخود طاغملری مأمول بولنش، فلان، فلانده سایه مایه شاهانه ده
مظفریتده بزده قالمش ایش» باقدی یالنه! بزم عسکردن غیب دیدیکی اسیردر؛
اغتنام ایتدیکی ذخیره و اشای سائرده ایسه اوچه عبیدالله افندیك کردلری
مملکت ایچندن صفای خطرله بجرانه مشار ایدی. بزم طوبلرک کیندیکنك هیچ
ذکری یوق. الحاصل دشمنك عسکرلکتنی، همتی، موفقییتی عالمه اشاعه ایدن
بروقعه سی پاشای محترم حضرتلری بزم غالبتمز صورتنده تصویر ايله اعلان
مظفریت ایدیور و حقیقتك خلافتی یوتدیریور!

برده ینه مشار الیه اسماعیل پاشا حضرتلرینك ۲۷ حزران سنه ۹۳ تاریخلی
اولهرق مختار پاشا حضرتلرینه وارد اولان بر تحریر اتنده دخی شمدی
قره غولار مزله جاسوسلرک کتیرمش اولدقلری خبره نظر آدشمنك روان جهتنده
بولنان قوتندن بر خیلی سواری تفریق اولهرق بازیده کی محصورینی قورتارمق

اوزره جبلی کدیکندن تعرضه باشلایه جغی آ کلاشلمسی اوزرینه درحال [*] بوراجه لازم کله جک تدابیر و تشبثاته ابتدار اولدیغی مثللو وان فرقه سنک «تپه ریز» دن بالاستصحاب بایزید قصبه سنک آرقه و اوکونده بولنان نقطه لری طوتدیرلمسیله برابر محصورینک استیمان ایتدیرلمسی و یاخود سائر صورتله ازاله وجودلری فائق پاشایه یازلدینی بیلدیریلور.

دیمک که دشمنک حدوددن چیقوب محصورینی قورتاره جغی بش کون اول طویدق. بواشی طویان الشکرد فرقه سیله بایزیدک آره یری ده سکر ساعت، «درحال» لفظ جلیلیله اردوسنجه اسماعیل پاشا حضرتلرینک تشبث بیوردقلرینی حکایه ایتدکلی تدابیر نه ایدی اورانی آ کلایه مدق!! زیرا دشمن ۱ تموزده بایزیدی باصدی و محصورینی و بزم طوبلرایله برابر عسکر مزی اسیر آلدی. بزلر حضرت آتی الشکرد فرقه سنکدن ۲ تموزده یعنی برکون صکره کمال مظفریتله عودت ایدن دشمنک آرقه سنه، طاقلدق، شو حالده آرقه دن بزم آتدیغمز طوبلر، دشمنک موفقیتینی اعلان ایچون آتیلان شلک طوبلری مقامنه قائم اولدیمی؟ آیه! شمدی کلکزده بواشی محاکمه ایدم! نره سنی محاکمه ایدم؟ «اغنی الصباح عن المصباح» دیلمده سکوت ایله م. چونکه مسئله میدانده در. روسلر بو موفقیتلریله قیامته قدر فخر ایتسونلر؛ بزده اولمابده کی مسکینک و مناسبتسز لکمزله او وقته قدر خجیل و شرمسار اولم.

بقیه احوال
خطایه

صکرده دن ایشدک که مکر مختار پاشانک صیقه شیرمسی اوزرینه فائق پاشا، هر حالده محصورینه بر خبر آ کلاتمق اوزره فرقه سیله بایزیده طوغری کلیر ایکن، پیشداری بولنان ایکی طابور بایزیدک اوست طرفنده واقع بر تپه یه کلوب چیقمشلر و محاصرینک، ایچریدن یعنی حدوددن چیقان دشمنله حرب ایتکده اولدقلرینی کورمشلر. علی القاعده اولدقلری رده طورده رق بایزده حرب وقوع بولمقده اولدیغی آرقه لرندن کلمکده اولان فائق پاشایه اخبار ایلملر، مشارالیه ده بلکه باشمزه برقضا کلور دیهرک توقف ایدن طابورلری کریه آلمشده عاقبت حاله انتظاراً اولدیغی رده بکله مش طورمش. فائق پاشانک پیشداری بولنان اشبو ایکی طابورک تپه نک اوزرنده اولدیغی دشمن دخی اوزاقدن کورمش

[*] بزم محررات رسمیده اسراف درجه سنده استعمال ایتدیگمز بو «درحال» لفظنک دخی آلدن الله!

و خلیجہ تلاش آیش ایسده اخیراً طاہورلرک کری یہ کیتدیکنی دخی کورہ رک
نفسی کیشلہ مش و بی محابا ایشہ دوام ایشدر.

مناسبتسزلکک، قورقافلک، جوہرسزلکک درجہ سی کوریلوری؟
رتیسزلکک، احتیاطسزلکک مقداری آکلاشیلوری؟ روسیہ دولتی بو محاربہ ده
ابراز شجاعت ایش اولان عسکرینہ عموم (مدای) ویرمشی. بازیدہ کی
مدافعینک جملہ سنہ مخصوصاً آلتون مدایر ترتیب ترتیب ایدرک ویردرمشدر.
دکل آلتوندن، الماسدن بیله یاپدرسہ آذر. چونکہ انلرک ابراز ایتدکری جوہر
شجاعت وغیرتہ موازن کلہ جک مکافاتک دنیادہ بولنسی قولای دکلدر.

ہرنہ ایسہ واقعا صکرہ دن فائق پاشایہ ایشدن ال چکیدرلدی، عزل ایدلدی.
بعدالحرب دیوان حرب حضورندہ محاکمہ ایدیلہ رک رتبہ سی دفع و عسکردن طرد
ونفی اولندی اما، ممکن دکل جبر نقصان ایدیلہ مدی.

مادامکہ دشمن عسکری قشلیہ قیادلدی و بش بیک کشیدن زیادہ دخی ہر درلو
آلات وادواتی حائز قوتمز موجود ایدی و بای وجہ کان آلدہ ایدملری دخی تحت قرارہ
آلغشیدی. شو حالده او قشلیہ ی زیر و زبر ایتک ممکن دکلیدی؛ واقعا آلدہ ایدیلہ جک
اولان محصورین مقدارینک آزلغنہ کورہ روسیہ دولتی اردولرینہ قوتجہ بر نقصان
ترتب ایتزایدی؛ فقط موفقیتمز حالندہ بزم شان و ناموس عسکریمز محافظہ
اولمش و دشمنک دہ فخری اورتبہ یہ ایصال ایدلامش اولوردی.

ہر حالده بومسئلہ نک شامتدن فائق پاشا کلیاً حصہ دار ایسده دشمنی تعقیباً
اورایہ قدر کیتمش اولان اسماعیل پاشا فریقہ سنہ واسماعیل پاشایہ دخی بومسؤلایتدن
بر بیوجک حصہ آیرمق لازمدر. زیرا تعقیباً حدودہ قدر قوغدقلری و حدوددن
ایجری یہ صوقدقلری دشمنک یدی کون صکرہ او بر طرفدن چیقوبدہ بویلہ بر
ایش کورہ بیلہ جکنی حساب ایتامک پک بیوک قباحتدر. ظن ایدر ایسہ؛ دشمنی
تعقیب ایش اولان بزم الشکرد فریقہ سی، دشمنک تکرار کندی اوزرینہ هجوم
ایدہ جکنی دوشونوب، انک اسباب مدافعہ سی اکمال ایلہ مشغول ایدی. الحاصل

روسیہ فریقہ سنک قوماندانی جنرال «دیرقو قازوف» و اولاد و احفادی کوزہ بازید اردوسی نامی
کسدرمش اولان بویلہ بر بیوک جسارتدن طولای افتخار ایتسونلر.

قارص اردوسیہ بر ایش اولان قوہ مظفرہ عثمانیہ بقیہ و قوماتی یازمزدن اول،
الشکردن فریقہ سنک تعقیبہ ابدار ایدلکی نہ مومی ایلہ جنرال دیرقو قازوف فریقہ سنک
تفصیلاتی

کچن زمان وقوعاتی اجمال ایدولم : فقیرک حال یازده کی ، یعنی اشک الیاس قریه سنک اوست طرفنده بولان فرقه دن آریلو بده زیوین اردوگاهنه کلدیکم کون، الشکرد فرقه سی قوماندانی فریق احمد فاضل پاشانک، دشمن فرقه سنی تعقیب اینک اوزره عسکری یوله چیقاردینی یازیلهرق ایش اوراده بر اقلمشیدی. اوکون بزم فرقه نک پیشداری حکمنده بولان سواریلرمن دشمنک دمدار سواریلرینه چاتوب حرب ایدرک یورو مشلر، « داهار » ویاخود « طاهر » کدیکنه قدر کیتمشلردر. فرداسی کون یینه دشمنک حرکت رجعیه ابتدار آیللی اوزرینه عسا کر عثمانیه دخی آرقه سندن یوله دیزیلهرک « زیدکان » ک بر ساعت قدر بریسنده، یینه دشمنک دمدارنی بزم پیشدارمک صیقیشدیرمی اوزرینه، دشمن تکمیل فرقه سنی طور درمش و آقشامه قدر طوپ محاربه سی ایتمش اولدینی احمد فاضل پاشا طرفندن وقوعات یومیه صره سنده مختار پاشایه بیلدیرلمشدر. اوکون دخی، یازید ووان فرقه لرینک قومانداسنی آلمق اوزره اوجهته اعزام قلمش اولان قورد اسماعیل پاشا حضر تلی الشکرد فرقه سینه واصل اولمشدر. کیجه لین دشمن زیدکاندن دخی قالمش ؛ فقط اورایه ادخار ایتدیکی کیتلی ذخایرنی قتل ایدمه دیکندن، ذخایر مذکوریه بز قالمق اوزره عادت حربیه دن اولدینی وجهله یاقش واللی، آتمش قدر نقلیه (فورغون) تعمیر اولنور عربهلرینی دخی بردها استعمال اولنمه یه حق درجه ده قیرمش، دوکش اولدینی حالده بزم پیشدارمن یتشهرک یانمقده اولان ذخایرک بقیه سی بولان الی آتمش بیک قیه مقداری شیئی قورتارمشلردر.

فرداسی کون یینه بزم فرقه نک زیدکاندن حرکتنده ایلروده بولسان کرد سواریلری، دشمنک، اردوسنه یتشمک عزمنده بولان پراکنده بر بلوک سواریسنه چاته رق حرب ایلشلردر. مذکور بلوکن خیلی تلفات وقوعیه برابر بزمکیلردن دخی اوچ شهید ایله اونش قدر یاره لو وقوعبولمش اولدینی حالده دشمن یینه یوله دوام ایدوب طور مشدر. اندن صکره دشمنک فرقه منزه مه سینه بزم عسکر برده قره کایساده یتشمشدر. دشمن اوراده اسکیدن موجود بولسان استحکاماته صوقولمش اولدینی حالده اوزرینه طوغریدن طوغری یه هجوم اولنق صورتیه دکل خط رجعتی اوزرینه بورینلمش اولمسیله چاتلشمش و اول کون دخی بر حرب ایدیلهرک دشمنک یوز نفر قدر ضایعات و تلفاتی اولدینی و بزم طرفندن درت نفر شهید ویش اون قدر یاره لی بولندینی آکلاشلمش و طرفینده اولدقلى یرده کیجه له مشدر.

صباحین دشمنك کیجه دن صاووشدینی کوریهلرک ینه تعقیبه قیام اولمش
اشبو قره کایساده دخی کایتلیجه ارزاقی اغتام ایدلکیکی اسماعیل پاشا حضر تلی
۲۰ حزیران سنه ۹۳ تاریخی تلغرافیه بیلدیرمشدر .

اندن صکره آلمان ۲۲ حزیران سنه ۹۳ تاریخی تلغرافده، دشمنك، اوچ
کلیسانك بر ساعت بریسنده واقع کرد علی قریه سنده اولدینی، اولکیجه ساعت
سکزده تعقیبه قیام اولنه جنی محرر بولمش و ۲۳ حزیران سنه ۹۳ تاریخی
تلغرافده دخی بزم سواریلر دشمنك دمدارینی اوچ کایساده یقالدقلری و حرب
ایدلرک ایلرولدکلری اشعار اولمقله برابر فرقه مزدخی اوچ کایسانی کچهرک حدوده
بر ساعت مسانده بولان ایپك کدیکنده ده دشمنه چامش وساعت اون بره قدر
حرب ایدیلرک دشمن اورادنده رجعته مجبور ایدلکیکی بیلدیرلمشدر . اسماعیل
پاشانك ۲۰ حزیران سنه ۹۳ تاریخی تلغرافده یعنی قره کایسادن یازدینی بر
تلغرافده، عسکرک یورغونلق آئقده اولدینی اشعار ایسی اوزرینه مختار پاشانك
۲۲ حزیرانده جواباً یازدینی تلغرافده عسکرک یورغونلق آلمی بجایایسده
دشمنك غایت ضعیف وقتی اولدینی و وقت قزاندریلور ایسه امداد آله بیامك
احتمالی بولنشدینی و طابورلرینك موجودی تنزل ایتدکن بشقه ضعف حالی
قارص جهتجه دخی اجرا قلنان تحقیقن نمایان ایدوکی جهته شو فرصتدن
استفاده ایدلک اسبابنك استحصالی والحاصل حالک حکمنه کوره مانوره اجرایی
لزمی توصیه اولنمشیدی .

ینه مشارالیه مختار پاشا بردوزی به تلغرافلره وان فرقه سی قوماندانی فائق
پاشایه دخی « الشکر ددن دشمن فرقه سی رجعت ایدیور . نه قدر بائی بوزوق
سواریی وار ایسه آرقه سی آلق اوزره ایلرویه چیقاریکنز » امرینی ویرور
ایدی . حتی شیخ عبیدالله افندق بلکه فائق پاشانك امرینه اطاعت ایتزماملایله
شیخ افندی به دخی موجود معیتله ایلرویه حرکت ایتمی امرینی ویرمشیدی .
شیخ افندینك وردیکی جواب فائق پاشانك ۱۹ حزیران سنه ۹۳ تاریخی تلغرافیه
بیلدیرلمش و غایت تحف اولسنه مبنی عیناً بورایه درج اولنمشدر .

حضور سامی مشیر افندی به

ایلرویه حرکت ایدلمی حقنده شیخ عبیدالله افندی به تسطیر بیوریلان
امرنامه مشیریلرینی کوردم و افادینی اخطار ایلدم ایسده ده اوزاق اولدیغندن

کیده میوب اوچ کایسیاه سواری کوندره جکی جوابی ویردیکنی عرض ایلرم.
 ۱۹ حزیران سنه ۹۳ رئیس ارکان قوماندان فرقه بایزید ووان
 احمد فائق

بونکه اکتفا اولنیوب بر طرفندنه عسا کر معاونه نك جلب وجعی
 و لوازماتنك تهیه سی ایچون فائق پاشا ایله برابر بولنان وان والیسی حسن پاشا
 حضرتلرینه دخی تبلیغات وقوعبولور ایدی . مشار الیه حسن پاشادن کلان
 جواب تلغرافی ده شودر :

حضور سامی مشیر افخمی یه

بایزید قشله سنده متحصن دشمن عسا کر محصوره سی دونکی حالده بولنوب
 آنجق روسیه لونك الشکر ددن رجعت ایدن فرقه سنك یولنی کسوب شاشیرتمق
 اوزره کوندرلیدی عرض اولمش اولان سواریلره التحاق ایچون ، شیخ
 عبیدالله افندی معیتده بولنان سکز یوز سواری دخی دونکی کون آقشامدن
 اول یوله چیقارلمش و مجموعی ایکی بیک بشیوز راده سنده بولنش اولوب ،
 سوقلرینه ده مقدار کافی سواری عسا کر شاهانه ایله میرآلای احمد بک مأمور
 ایدلمش اولدیغنی عرض ایدرم . ۲۲ حزیران سنه ۹۳ والی ولایت وان
 حسن

اسماعیل پاشادن آلتان ۲۴ حزیران تاریخلی تلغرافده ، ایپک کدیکنده
 بولنان دشمن فرقه سنك کاملاً حدوددن ایجری کیتدیکی و فرقه مزك ایسه
 مذکور ایپک کدیکنده اخذ موقع ایدرك اوطوردینی و کندیسی دخی ، بایزید
 قشله سنده محصور بولنان دشمن طابورینك برچاره سنه باقق اوزره بایزیده متهی
 حرکت اولدینی بیلدرلمشدر . ایشته افندم : مصحوباً بالسلامه دشمن فرقه سی
 حدوددن ایجری کیتدی ؛ و بزم اردوده حدودده کی برکدیکک آغزینه کلهرک
 طیانندی قالدی .

فائق پاشانك و وان والیسنك صورتلری یوقاریده یازیلان تلغرافلرینه دقت
 بیوریلورمی ؟ ایجابی حالده الی بیک سواری و پیاده ایله دشمن اوزرینه حرکت
 ایتکمه ییابولنان شیخ عبیداه افندی نه لریا پیور ؟! کوچ بلا اولهرق وان والیسی ایکی
 بیک بشیوز کردسواریسینی اوچ کایسیاه کوندردیکنی بیان ایلدیکی ، وفائق پاشانك
 ۱۹ حزیران سنه ۹۳ تاریخلی تلغرافی دخی کردرك کوندریله جکنی تأیید ایلدیکی حالده
 دقت بیورلدیمی ؛ دشمنك رجعت ایتکده بولنان معهود فرقه سی اوچ کلیساده کیمسه یه

تصادف ایتمکسزین کال عز ووقار ایله کچدی. حالبوکه بایزید ایله اوچ کلیسانک آره یری برکونلک یولدر. هایدی آغریورویه جکلری جهته بزم اکرادحضراتی اویولی ایکی کونده قطع ایتسونلر. حسابجه حزیرائک یکریمی برنجی کونی اوچ کلیساده اولملری لازمکلیردی. دشمنمز ایسه اوچ کلیسانی آیک یکریمی اوچنده کچدی. معافیه کردلری سوق ایتک اوزره عساکر نظامیه میرالایلردن احمد بکده تعین اولنمش ایش. هانیا، احمد بک نرده؛ اوده میدانده یوق!!

طوتلدینی ایکی بیوک محاربه ایله قوتنک برهمم مقدارینی ضایع ایدرک خائباً رجعت مجبور اولمش و حیائلردن قطع امید ایتشجهسنه مصیبت ادبار طوتلش دیر قوقازوف فرقهسی کی فلکزده برعسکر اوزرینه بزم ایکی بیک بشیوز نفر سواریمز اوغرامش و آدم کی طاورانمش اولسه لردی، حسب الحال اون ایکی بیک بشیوز کشیک ایش کوریه بیلیر ایدی. لاف دکل، ایکی بیک بشیوز سواری بو! انسان بوقدر سواری بی بریده کورور ایسه، غلبه لیک دهشتدن حیاتی آلت اوست اولور. بونلر فرقه نیک عمومئی اسیرایده مزلسه بیله مطلقاً طوپلرینی و سائر اسلحه و اقال و مهماتی تکمیل دوکدیرلر ایدی؛ اندن صکرده تکرار تجاوز حدود ایدوبده بایزیدده کی محصورینی قورتاره جق قدرتلری قالماز ایدی. روسلر براینجی فرقه تسلیم و ترتیب ایدنجیه قدر خلیجه وقت چکر و بلیکده قارص جهته کی قوتدن براز عسکر تفریق ایدرک بایزید طرفه سوقه مجبوریت آلورر و بوحاک فرصت عدیله قارجهده علی خلاف القیاس ایشلر کوریلور و دولتمزک یوزی کولردی.

لکن کیمه نه سوبلیه جکز؟؛ نیچون طاورانم دیکز دیه کیمی مسئول طوته جغز؟ غیر منتظم کوللو قارغه دیرنکی حکمنده اولان برسوری خلق ایله ایشی کوریلور!.. کانه بو کردلری بردارّه انتظامده حرکت ایتدیرمک، معقول بر صورتده ایلری، کری آلق اوزره جمله سی میرالای احمد بک قومانداسنه ویرلش ایش. و قوتدن دکل، مصالحه دن صکره بیله اولسون سؤل اولمندی کی: «یا هو نه یایدیکز؛ نیچون وقتیه یتشه مدیکز؟ یوقسه یتشدیکزده مقاومتی ایدمدیکز؟» ایتشه بوقعه نیک اسبابی ده سائر خصیای عسکریه مز کی برعمای خفا ایچنده صاقلاندی قالدی و یا محو اولوب کیتدی.

نظام عسکرینسی بوزمیهرق سلامتله یقای قورتارمش بر قوماندانه نادراً تصادف اولئور. دیر قوقازوفی روسلر خیر ایله یاد ایتلیدرلر. دیر قوقازوف حدودی تجاوز ایتدی، اوتوز بوقدر ساعتک یول آلدی. دارالمهماتندن آیرلدی، رجعتی تهدید ایتک ایچون بارکیری ده بر قوت عثمانیه نکه ده موجود اولدیغی بیلدیکی. حالده ایلری یه یورودی، بزم طاتلی اوغلی ایله بر بیوک حرب ایتدی، اندن صکره مختار پاشا ایله ده خالیازده بر بیوک محاربه یه طوتوشدی، ینه ناموسنی بوزمیهرق طویلجه قالدی و ایفای وظیفه ایتدی. اوچ درت کون صکرده رجعته باشلادی. انک دمدماری دایما بزم پیشدارمزنک آتشی آلتنده ایدی. بعضاً فرقه سنی طور دیروب طوب محاربه سی ایدر، و بزم عسکرک یعنی سوارینک اوزرینه کوله یاغ دیررکن فرقه سنی صاوشدیرردی. اداره عسکریه سی، ارزاق آنبارلری بزم ألمزه کجی؛ کیجه قالدیغی یرلرده نصل ارزاق تدارک ایدیور و خصوصیه سواری و طوبیجی بارکیرلرینه نه ییدیر یوردی؟ طقوز کون بویله آتش و مهالک ایچنده نصل کیتدی ده برطوب براقیدی و برنفر یورغون ویا قالغین اولسون اسیر ویرمدی. بورالری شایان حیرتدر!

دوشونیورمده بودرلو برحرکتک اجراسنه ذهنمده یول بولامیورم. ایچنده بولیمان، بوحالک دهشت و عظمتی تقدیر ایدمزن. خصوصیه رجعت ایدن عسکرک قلبی بوزلمش وعادتا یورکلری طاوشان یورکی حالی آلمشدر. عسکرک قلبنک بوزوقلغنی یعنی رعب وهراسک توالی ایتسی جهتیله جنرالک قوتی اون ایسه بره تنزل ایتمش؛ بزم عسکرکده غالبیت نشوده سیله قلبلری بیومش اولدیغندن قوتمز بردن اونه ترقی ایتمشدر. حال بویله ایکن جنرال حضرتلری آمناً و سالملاً حدودی کجی و عسکرینه اوچ بش کون طرفنده یکیدن چکی دوزن ویره رک حدودک دیگر جهتندن چیقوب بایزید قشله سنده کی محصورینی دخی قورتاردی کیتدی. بو آدمک جسارتی و عسکرینک اطاعت و مزیتنی بردرلو اونوتامیورم؛ و محاسنی یازمقدن کندی می آله میورم. آرتق آلورر الاالله!!

شمدی حکایه مزی براقدیغمن نقطه یه ارجاع ایتدیرم: اردوی هایونی چیویل قرص ایله پریشان عسکر مزنک احتیاجاتی قیایه قدر کوتوروب اوراده براقش ایدک. دیمک اولدی که بزم اوکمز جه رجعت ایدن دشمن، قارص اوزرند بولنان قوه عمومییه سیله و بزده قارصده کی قوتمزله براشدک. قارصده بولنان اوتوز طابور عسکردن یکر می دردینک سیار حالنه قونه رق

مختار پاشا حضرت تالرينك نژدينه آلمسى و آلتى طابورينك دخى احتياطاً قارصده براغلمسى صورتنه قرار و يرلمش ايسهده قارصدن آلهجق طابورلرى سيارحالنه قويلىق ايچون لااقل هر طابور اوتوز و سقالتق ايچون دخى سكرر كه جمعاً اوتوز سكر راس يوك حيواننه محتاج اولوب بونك مجموعى طقوز يوز اون ايكي حيوانه بالغ اولهجنى و قارصدن چيقاريله جق سيار طوپلرك دخى حيوانه و مكارى يه بالطبع احتياجى بولنه جنفى جهته ، تيز آلدن هيچ اولمازسه بيك ايكيوز راس يوك حيوانك تداركى چارهسى و عسكرك ارزاق مسئلهسى بر طرفدن تحت نظر مطالعه اولسون، ديكر جهتدن دخى دشمنك احوال مرئيه سنك اقتضائيتديكى حاله كوره معامله اجرا اولمق و برده قارصك ايلريسنده بولنان اراضينك حالى قوماندان پاشا حضرت تلرنجه مجهول اولديغندن ، بورلرى دخى بالكشف لايقيه آكلاشلق اوزره چيويلى قياده و چيويلى قيانك ايلريسنده واقع (وزين) كوي جوارنده بولنان آق پيكار نام محله سكر، اون كونلر زمان كچيرلدى.

بادى توقف اولان مسئله نك دردى دخى مهمدر. انك بريسي، قارصده كي طابورلرك سيار حاله قومئيدىز. او طابورلر، بزم يانمزرده اسكيدن برى موجود اولان طابورلرك مكاريليله اردويه جلب ايدلدى. آتيد او طابورلر ده مال ايدملك اوزره اقتضا ايدن حيوانات اضر و مدن ايسئلدى؛ كابر ايسه توزيع اولنور.

ايكنجيسى ارزاق مسئله سيدر. بوجهتهد ايجيه مهمدر. چونكه جوار كويلر و عموم قارص قضالرى، بر كره دشمنك يداستياسنه دوشمش اولمق ملابسه سيلاه محمولانندن خير قلامش و خير قانلارى دخى آتيناك مجهوليتنه منى احتياطاً اهالى طرفندن صاقلانش اولمى ايئى كو حلسدير مكله برابر. او جوارده بولنان اهالى، اردولر نامنه وقتيله هر نه وير مشلر ايسه برپاره آله مامشلر؛ و بدللرى آله مامقندن ناشى بيزار قالوبده بر خدمت مفتخره اولمق اوزره خزينه دولته ترك و تبرع ايدلن سندانن بشقه اهالى ينده تاحرب سابقدن يعنى قريم محاربه سندن الله برطاقم آلهجق سنداقي بكمه مكدده بولمش اولديغندن، كويللر ده اكل و دقيق و سائر لوازمات ايچون مراجعت اولندجه، يوقدر! جوابى آليوز ايدى. واقعا بزم ايسديكمز كللى مقدار ذخيره مالك اوله ميه جقلرى ده دركار دريا!

قارصده مدخر بولنان ذخيره آل صونلسه، يارين بالحاربه اردونك بر رجعت ايتسى اقتضا ايدوبده قارص ينه محاصره حاله كيرسه اوراده حاضر آنبارد قونش

اولان ذخیره تعرض اوله رق محصورینک حقوقه تجاوز اولنش اوله حق و طولایسیله دولته بروخامت عاقبه دوشیله جکدی. عسکرک یومیه محتاج اولدیغی قرق الی بیک قیه دقیق و یکسجاد و شعر کل یوم اردویه یتشدرملک اوزره ارضرومده کی هیئت اداره نک تنظیم امور ایسی اقتضا ایدر ایسیده بوتنظیمک وقوعی ده لاقلا بر آیه محتاجدر. چونکه او یولده یوکل برمکاری حیوانی ارضرومدن اردو کا همزه سکر کوندن آشانی کله مز. آرتق بالضروره بر طرفدن قارصده مدخر و موجود بولان ذخیره کوز دیکلدی؛ برجهتدن ده ضابطانک جیلرینه اون بیک، یکر می بیک غروش قائمه آچه قونیلوب پیشین آچه ایله ات، بولغور، دقیق، بعضاً اکمک مبیاعه اولنق اوزره کویله و قضالره چیقارلدی. اگرچه قارص حکومتی و تشکیل واعاده ایدیلن سائر قضالر قائم مقام قلمقری ایشک ایلری کیتمسنه همت ایتیور دکالر ایسه ده، یومیه قرق، الی بیک قیه ارزاقک ولو اون بش کونلکنی اولسون بولوب چیقارمق قولای دکلد. خصوصیه اهالی محلیه ده اوقدر تحمل ده قلاماش. مطلقا بشقه ولایتلرک اعانه سی ده اولمیدر. اولدی دکل؛ عموم ولایتلرده فدا کارلقدن کری قالمدی. بالعموم و طنداشلر من الله ایچون فوق العاده خدمت و همت ایستیلر؛ چالشدیلر، چوق شیر و یریدیلر و نقد و اشیا و مأ کولات اوله رق اعانه لرده بولندیلر. لکن یولیه اداره اولنه مدی. ایش، «اوغلان یدی، او یونه کیتدی؛ چوبان یدی، قویونه کیتدی» ضرب مثلنک ماصدق اولدی. بیلیمکه، هانکی بجی طوتسم اوزایوب کیدیور...

بشقه دولتری بیه من ایسه مده بزده اها ایدن اعانه و ایمه جه صورتیه طوبلانیلان شیرلی حسن اداره ایتک مشکل اولیور. مأ کولات، حیوانات اشیا سائر صاحبسر لکدن، باقسزلقدن آیاقلر آلتنده شونک بونک آلتنده تلف اولوب کیدیور. بویه شیلری مبیاعه صورتیه آلد ایدینوبده اداره یه قاتمشه قینه اوله میور. نصلسه وظیفه شناسلق سجیه سی بزده پک آز اولدیغندن عموم ایشلر من یا اها و یا سوء استعمالدن قور تار یله میور.

بواشی پاره یه کوردیر مکدن بشقه چاره یوقدر. بکا: [شوقدر کونده شوقدر لوازمی کیم در ویره جک؟] دیه «هل من مزید» بر اعلان ایتلی؛ ظهور ایده جک متعه دلره اوایش تسلیم اولنوب یالکز توزیع و تقسیمی مسئله سنی بزم اداره لره بر اقلیدر. ایشته پاره سز حربه کیریشلمش اولسی بعض یرلرده صحیحاً

قوماندانلرک انی آياغنی باغلیور . بعض مواقعدهده بومسئله ستر جیات وکت
حقیقه سبب عادی اولیور . مشاهیر سیاسیونک دیدیکی کبی حربک مایحتاج
الهی پارهدر پاره ؛ پارهک حصولی نهیه متوقف ووجودینه وصول هانکی
اسبابه منوطدر ؟ انی اولیای امورمن الله ایچون وقت اسایشده دوشونسونلرده
عثمانلیلرک ، ترککلرک یعنی دولت محمدیهک موجودیت سیاسیہسنی محافظه ایلسونلر .
مختار پاشا حضرتلری هر تالغرافنده مقام سرعسکری به وماین هایونه
پارهسزاتقدق و ارزاقسزلقدن واسباب نقلیهک فقدانندن شکایت ایدیوردی
واورادنده اطرافه ، اولسون ، یانلسون کبی شدید اوامر کیدیور ایدی ، فقط
آتیده حسن استعمال وادارسدندن امین قالنسه نیله بجهلہسنک حصولی زمانه
محتاج ؛ یول یوق ، شندوفر یوق ؛ الکسریع اسباب نقلیه ایسه اوکوز عربسیله
دوددر . بونقصانلرک ویردیکی سببیت بلاسیله برامر مهمک حین اجراسنده اردونک
برساعت قدر تأخر ایتسی ، دوئی اساسندن صارصه جق قدر واقعات فجیعه تولید
ایدهیلیر . بویازدقلم هب اخلاف کرامک تبصر واتباهنی دعوت ایچونددر ،
یوقسه مؤرخلک یولنده معلومات فروشلق دکلددر .

اوجنجیسی : اراضینک مجھولیتی مادهسیددر . باش قوماندان و عموم امرا
وضابطان بوندقلری اراضینک حائی بیامیورلردی . نرلردن ، هانکی یوللر
کلیور ؛ بویوللر فصل یوللردر ؛ هانکیلری عمومی ، هانکیلری خصوصیدر ؛
حرکات عسکریه اجراسنه وطوب ومهمات سائرہ نقلیه هانکیلری مساعد ،
هانکیلری دکلددر ؛ بویوللر نرلرده براشور ؛ اراضینک نرلری بطاقلق ، نرلری
دوزلک وطاغلقددر ؛ کوریلان طاغلرک آرقه لری نصلددر ؛ اورالرده نهوارددر ؛
انلری بیلوب اکا کوره عسکری تعییه ایتک ، زمان حربده اقدام فرائضدندر .
الده بومعلومات اولمزسه هیچ برکونا حرکت اجراسی قابل دکلددر .

دردنجیسی : حائزه کوره اجرا ایدلمسی لازم کلان حرکتدر . یعنی اردومز ،
لوازماتک وجودی ویاخود نقصانی حالنده نهپایه جق ، اکا برخط حرکت تعین
ایتمکدر . روسیه اردوسنه غلبه ایدوبده قارصک ایلروسنه وحدوده طوغری
اردوی هایونک ایلرولمه سی کیسه نک خاطر وخیالنه کلزدی ، بوراسی هیچ
حسابده یوغیدی . بناء علیه اولجه یابیش اولان پلانلر ارضرومک وقارصک
مدافعه حالنده بولنمنه منحصر ایدی . واقعا شمدی دخی مصلحتک اساسی
اواپیمده مدافعهک شکلی وموقعی دیکشیدی . مدافعه لفظی یازمقائمندن ،

محافظه سی آرزو اولئان نقاطك استحکام وقلعه لرند و طور یلورده مدافعه ایدیلر جکدر آکلاشلر سون. فن حرب اقتضاسیجه مدافعه نك اسباب متمم سی، تعرض؛ تعرضك وسائل مکمله سی مدافعه اوله یلور ایش، بونك محافظه سی ایستیلان موقعك ولوالی ساعبت اوزاغنده اولسون اجرا قلئان تدابیر و حرکات عسکریره هپ مدافعه معاسنه محمول اولور ایش. بوحركات كرك صورت تعرضیه ده و كرك شكل مدافعه ده اولسون.

ایشته «الحرب سیجال» قاعده سیجه اردومز اولجه خور و مده مدافعه حالده ایکن دشمنك نائل حرام اوله مامی ملایسه سیله طالع حرب، نوبت تعرضی بزد؛ وضعیت تدافعه ده بولنقلنی دشمنه ویردی ایسه ده حقیقی تغییر ایتدی. ینه دشمن متعرض در. بزد مدافع؛ یا لکز ایشك شکلی دیکشیدیکی ایچون حسابلر کاملاً تبدل ایتدی. شمدی دشمنك اوزرینه بز تعرض ایدر ایسه ك نصل ایده لمکه هم برتهلکيه دوشمیه لم، هم ده استقبالی تأمین ایلیم؛ بواجرا ایده جکمز تعرض ده شاید مغلوب اولور ایسه ك اجتماعکامز وایکنجی خط حربمز فلان موقع اولسون؛ قزانور ایسه ك فلان موقعك ائده ایدلمسیله اردونك امنیت استقبالیه سی تأمین ایدلسون. چونکه مسئله غایت نازکدر. عسکر مزك اکثریسی تعلیم کور مامش ردیفدر. ضابطامزك ایسه برقاچ نفرندن ماعداسنك جوهری مجرب دکل؛ چونکه اکثریسی اصول وقاعده یتشدر مامشدر. معاذالله برکره بوزغونلق یوز کوسترر ایسه کریده کووده جکمز بر احتیاط اردوسی یوق. دشمنمز اوکنی بوش بولهرق ایستیدیکی کی یورییه جك، بالعکس قزانیلورده روسیه مملکته ایچری کیریلور و برمدت صکره دشمنك جمع ایده جکی معلوم اولان قوت جدیدنك صدمه سیله رجعت ایدیلور ایسه ینه ایش فئالسه جق؛ بونك ایچون صاعلام و امین بر خط حرب طوتیه رق خصممزك وضعیتنه و طاورانیشه کوره حالدن والویره جك فرصدن استفاده ایدیلرک زمان قزابلق ایچون دشمنك اردو کاهلری و جولانکاهنی بیلوب کورمک وایجابنه کوره چارقمق لازم کایوردی. چونکه اوده اردولرینی هنوز یرلشدیر مامش و بزم آق پیکار موقعنده کی ترصدمز اثناسنده انلرده آیق اوزرنده بزی مترصد بولنش ایدی. جرکس سواریلر نك جرکس سواریلر مزك احوالی طادسز، خوزسز کیدر ایکن بو صرده بتون خلاق اردویه ویرد. بتون طادینی قاچردی. یوقاریده بلناسبه ذکر اولندیغی وجهله بونلرک قوماندانی کلری انبیک درجه سی اولان موسی پاشا استعفا ایتدی. قوللانیه جغنه دائر قطعاً جواب ویردی.

بونلرک هر درلواذیتدن بشقه، کویلر اها لیسنه ده ظلم و تعدی یی آرتوردیلر. کیمک قویوتی، کیمینک اینک و اوکوزی، چالارلر، یاخود مملکتلرینه آشیردرلر. اها لیی دوکک، سوکک، یارملق کبی ایتدکری تجاوزات وایشیدیلان شکایاتک حد و حسابی بوق. غلعلری میدان چیتاریلوب مجازات ایدلسنه وقت مساعد دکل؛ اولسه بیله قوماندانلری مقتدر اوله میه جغنی بیلدیردی ایدی. اها لینگ فریادی ایه عیوقه چیقور. هله بعض ارمی کویلری اها لیس بونلرک تعدیاتدن محافظه اولمق ایچون روسیه نک موفقیتنی آرزو وئسپیل ایدر اولدیلر. آرتق باش قوماندان، اوکنده بولان مهم ایشی براقوبده اها لینگ فریادی استماعله. چرکسلره سوز آکلا تمله مشغول اولماق ایچون بونلری ایکی لویه تقسیم ایدرک بر نصفی میرلوا مصطفی صفوت و دیگر نصفی ادهم پاشا قومانداسنه ویرلدی ایدی؛ اود اوله مدی. الحاصل خام، خام تکلیفلرینک هیچ برینک عهده سندن کنمک ممکن دکل. دشمنله بورون بورونه یکدیگرینک حرکته ومله سنه منتظر بر حالده بولان بر اردو ایچنده ظهور ایدن بومثللو قاریشقلرک الک فنا علامتلدندر.

ینه بو ائاده بکلی احمد قریه سنده بر ارمینک جبراً آلدقلى قویوتی ویرمامک اوزره مقاومت ایدن بیچاره فقیری اولدیرمشله؛ ارمیلر جمعیتله قوماندان پاشایه کوب فریاد و شکایتلر ایتدیلر. تحقیق اولمادی، قتل میدان چیقدی. درحال قارصده کی محکمه نظامیه ده محاکمه سی اجرا اولنوب بر موجب قانون قاتلک اعدامه حکم ویرلدی، قوماندان پاشاده اجراسنه امر ویردی. قارصده قتل حکومی آحدیلر. بوچرکسک آلمسی آتیده نقل اولنه جق اولان سوارى محاربهنک فرداسی کونه تصادف ایتدیکندن صامسون جهندن گلش اولان آلتیوز بوقدر نفر چرکس سوارسی اوکون میری به عائد سلاحلرینی ترک ایدرک کاملاً صاووشدیلر. سبی بومصلوب قبیله لرینه منسوب اولدیغندن ایچون سیاهرق خلقه قارغو قبیله لرینک ناموسنه طوقوش ایش. باقیدی جهالته؛ کورندی خفت عقلی؛ واردن استفاده ایتمک یوئی آکلامازلر. یول هیچ بیللمزلر. آرپه. صمان وسائر لوازمات ایچون چیقاردقلى مشکلاته جانلر تحمل ایتمز. بونلری عادتلری و قومیتلری اوزرلرنده باقی اولدیغی حالده مجتمعا بویله حرب ایشلرنده قوللایمق خطای محضدر. یامغراقاً نظامیه سوازی آلا یلرینه تقسیم ایتلی، یاخود هیچ قوللایملی. واقعا بر محاربهنک اجرا اولدیغی ائاده حربیلرک یکدیگرینک،

جسارتلرينك بهاسى اولمز وهر بررى بر آرسلان كسلديكنى انكار ايدمهز ايسه مده
لكن حربك فرداسى كوفى بونلرك قومانداسنه مأمور اولانلرك باشنه
چيقاره جقلى مشكلاته كوكس ويره جك ذاتكده وای حالنه !

دشمن ايله هموى
بر سوارى محله -
ر به -

هر كون دشمنك قوتنك و اراضينك حالنك كشفى ايچون سوارى و پياده قوللر
چيقاريلور. دشمنده مقابله چيقار، بش اون طوپ آتيلور. بر آز كزينيله رك حال
واراضى آكلاشيلور و طرفيندن بعض سقطقلر و قوعوبلر قعودت اولنور ايدى.
حتى بومدت ظرفنده بردفعهده قارصدن بعض پياده طابورلرى؛ قارصك
جهت شرقيه سنده بولنان زعيم قريه سنه طوغرى بر كشف تعرضى اجراسنه
چيقديلر. آتیده اردوى هايون ايچون خط حركت تعييننه مدار اوله جق ايجه
معلومات استحصال ايلديلر ايدى. بو حركت استكشافيه اوزرينه دشمن، زعيم
قريه سنده كى اردوسنى، ايكي ساعت قدر كريده واقع و مدافعه يه صالح آچه قلعه
نام محله چكمش و بزه ناظر اولان بر قسم اردوسى ده « پالدير وان »، « پريكيد »
و « كورك دره » جهتنده يرلشوب حركاتمزه انتظار ايتكمده بولنمشدر. سياق
حالدين دشمنك قوتنك جهت، جهت پراكنده بروضعيته اولدينى آكلاشيلور
ايسه ده جمله سنك بر برلريه مواصله سى تحت امنيتده طوتلش و اراضينك حالنه
و بزم و قارصك وضعيته كوره صاغلام بر صورتده اخذ موقع ايلمشدر.

تموزك آلتنجى كوفى دشمنك پريكيدده كى اردوسنده بعض حركت حس
اولنشى و بر مقدار قوتنك صاغ جناح آچيغمزه طوغرى يورومكده اولدينى
كورولمى اوزرينه، موجود اولان عساكر نظاميه سواريلرى ايلرى يه سوق
اولندينى كى صوف سائر عسكر يه دخى عموماً سلاح باشنده اجتماع ايتديلدى
ايدى. بو ائاده دشمنك جهت استقامتى تعديل ايله كدكلر نام محله طوغرى
يورومكده اولدينى كوريلوب آنك بو حركته مقابل وضعيت حربه آلمق اوزره
عموم اردونك يردن حركت ايتمى اقتضا ايتديكندن، اردونك حركته پردم
اولمق ايچون كافه چراكسه و معاونه سواريلرى اردومزك صولنه چيقاريلديلر.
بزم سواريلر، دشمنك ايكي آلاى قدر سواريسنه چاندى؛ طرفين سواريسى ده
آوجى يه ياييلوب آتش ايتكمده ايتدى. نهايت يكديكره هجوم ايدرك قلنج قلنجه كلديلر.
اوتة كيلر مقاومت ايدم دكلرندن مجبور رجعت اولديلر. بزمكيلر آنلرك تعقيبنه دوام

ایتمکدهلر ایکن ، دشمن ، بتون اردوگاهنده بولنان آلتی بیک قدر سوارینی
بندوروب حرب ایتمکده اولان سواریلرینک امدادینه قوشدیرمش وشوخالده
مین بزم سواریلره توجه ایتمشدر .

اوکارنده کی مغلوب سواریلرک بویله کایتلی وجهیتلی برامداده مظهر اولدقلری
کورمش اولان بزم سواریلر ، شاشیرمیه رق ورجعت دخی ایتمیه رک صاغه صوله
طاغیلوب ینه آوجی وضعیتنه کیردیلر . بریحق ساعت قدر امتدادی اولان برساحده ده
طرفینک اون . اون ایکی بیک سوارینسک تقسکی بردن پاخلاپور ایدی . بونک
ذهنلرده حاصل ایتدیکی دهشت وعظمتی . اوقویانلر کندی ذهنلرنده باتصور ینه
کندی کندیلرینه بولماریچون فقیر اوجهتی تفصیل ایتمدم . حرب هان اوج ، اوج
یحق ساعت قدر امتداد ایتدی . اووقته قدر بزم عموم پیادلر وطوپلر ، دشمنک
حس اولنان نیتنه مقابل اقتضایدن وضعیتی آلدی صرده ده ، دشمن سواریلری ده
بزمکیلری صیقشدره رق رجعته مجبور ایتدیلر ایدی . بزم بشقه سواریمز یوقکه
امدادلرینه قوشدیراسون ! بوحالی اوزاقدن کورمش اولان قوماندان پاشا ،
بولندیغمز موقعک صاغجهتی ایلرونده بولنان برتیه بریطاریه طوپ قویدیرمش
ودشمن سواریلرینک بزمکیلرینی تعقیماً کوالله منزله کلشنه ترصد ایتمکده بولنش
ایدی . بزم سواریلر ، بزم طوپلرک آتشی ساحه سندن ایجری کیردیلر ؛ دشمن
سواریلری دخی ، قارشولرینه مستور بر حالده تعیه ایدلمش اولان طوپلری
کوره مکسزین کوالله منزله کمال غفلت و امنیتله کلدکلری کچی . بطاریه من بردن
بره آنلرک اوزرینه غایت صیقهجه کوالله یاغدیرمغه باشلادی . کواللهلر سوار
آلایلرینک غلبه ایکی ایچنده پاطلادقچه حاصل ایتدیکی طاغلهلر بزم ایچون یعنی
نماشاکرانه کوره سونجلی وکونجلی حاللر احداث ایدیوردی . دشمن سوارینی
رجعته مجبور اولدی . بزم سواریلر دخی ، طوپلره کووه نه رک تکرار تعقیبه
باشلادیلر ایسه ده . بطاریه نک کوالله لری منزله طیشارینه حقیساملری امری
باش قوماندان طرفندن کوندرلدی .

الحاصل کونش غروب ایتمک صره لرنده ایکن دشمن سوارینی کیرییه
پوسکوردی ؛ طوپلرینی کتوروب باشلوجه ایشه کیریشمکه قتدده مساعده
قالدی . اشبو عظمتلی سواری حربنه بوصورتله نهایت ویرلدی .

سلاح سنک کلدیکی صرده اردوی هایونده کاملاً موقعی تبدیل ایله

آق پيكازك بريچق، ايكي ساعت قدر صاغي ايلريسينده بولان آلاجه طاعني طوته رق خط حربني طاغك و دشمنك وضعيته كوره تشكيل ايلدي .

اشبو محاربه ده دشمنك مقتول و مجروحى ايكي يوز اللى نفر قدر تخمين اولدى . بزم شهدا و مجروحينمز دخی مقداراً آشاغى اولمى . چركسلردن قائم مقام ذكرا و بيكباشى رشيد بككر مجروح اولديلر و ياره لرى آغيرجه اولديغدن طلبلى اوزرينه درسعاده قدر كوندرديلر ؛ اخيراً حيات و مائلىنى تحقيق ايدمدم . ينه بو محاربه ده رؤساي مهاجريندن حاجى مراد و حاجى مصطفى بككر شهيد اولديلر . ايكي ، اوچ يوز قدرده سوارى حيوانى ضايع و تلف اولدى .

بقية احوال
احتياجه

نظاميه سواريسيله طوپچيلرك حيواناتنك تلف اولمى سبيله جبر نقصان ايجون و قوعبولان مساعى كوندلسزجه كچيور ؛ لكن چركسلرك تلف اولان حيوانلرينك بدلى و يرمك و انلرى تكرر سوارى ايتك اوغورنده چوق زحمتلر چكيلور . كيميسى بزم حيوانك قيمتى اللى ، آتمش ايرا و كيميسى يكرمى ، او توز ليرادر دير و حيوانك جنسى ، نادرالامثال اولان جنسلردن اولديغى سويلر . قيمتلىرينك حقيقتى ايسه مجهول ! يالاندن بربرلرني مصدق شهادتنامه و مضبطلر ياپارلر . وسطياً حيوانلرى مرد اولانلره يكرمى بشر ليرا و يرمك اقتضا ايتسه درت بش بيك ليرا ايدر . اردوده ايسه قائمه آتجه وار ؛ اوده پك نازلى . آدجكزلر يوقدر ! جوانى طانيازلر ؛ « پاره كز يوق ايسه نيجون محاربه ايدسيورسكيز » ديه بار بار باغرلر . هايدى پاره لرى بولنسونده و يرلسون ؛ او قدر حيوان ، اوجوارده نرده بولنوبده مبايعه اولنه جق ؛ يا نظاميه ، طوپچى و سوارى و مكاريلرك حيواناتى ضايعاتى نردن اكال اولنه جق ؛ انك ىرى ده پك اوزاق ! تى آنا طولى ايجريسندن حيوان مبايعه اولنوبده كتيريله جك .. نه اصحابى عهده سنده ، نه ده ميريدى حيوان يتشديره جك چفتلكلر مز يوق !! .

قارشو مزده كى خصمىزك قفقاسيه اردوسنك ، نرده قالدى مالزمه دائمه سى ، احتياط حيواناتى بيله يتشديرمك اوزره ميرى چفتلكلرى و قشلاقلى و واردر . آنان اشبو درس عبرت اوزرينه ، (امانك پاره يتشدير بكنز) ديه مقام سرعسكرى يه ، ماين هايونه مراجعت اولندى ؛ « ايجانى دردست اجرادر ، باراده سنيه ولايتجه ستقراض عقدينه مأذونسكز » ديه جواب كلدى . ولايتده كيم وار ؛ كيمن پاره آلنه جق ؛ اصحاب ثروت نرده ؛ هم اويله برصرده و آتنيك غايت قراكلق اولدينى

برزمانده آدمه کیم پاره ویرر؟ بورلری دوشونلیور. صکرده استانبولدن نقد پارهده کلدی یا ! یالکز بردفعه جقدده اون بیک لیرا قدر بر نقد کلدی . اوده بایزید اردوسنه کوندردلی . زیرآ آنلر بعض کرلر محتاج اولدقلری ارزاق ایراندن مبایعهیه مجبور اولیورلر، وایران تجاری ایسه ، بزم قائمیه آلیمهرق صاندقلری اشیا مقابلنه نقد آلتون ایستورلردی .

ایران دولتی حربک ابتدا سنده کوستردیکی بعض کونا اوضاع ایله بغداد جهتهجه دولتی احتیاطه مجبور ایلدی ایسهده ، صکره رسماً بیطرفلغی اعلان ایتدی . بوجهته ولو آلتونمزله اولسون، اوصرده ایران تجارلرینک بایزید جهتهدهکی اردویه ارزاق صاتماری منع ایتماسی و پولتیق و سیاسی محذورلر مطالعه سیاه احتیاجلرک تصعیه دوچار ایدنامسی شایان تشکراحوالدن اولدینی اونودلسون ! نیساندن کانون ثانییه قدر اون آی دولت حرب ایتدی، مصالحه دن صکردهده عسکر برقاق آی سلاح آلتده قالدی ؛ عموم نفرا ته وهله بعض ضابطانه یا بر ویا ایکی آیلق ویریه بیلدی . (لکن بیوک ضابطانک اکثریسی ، کوچکلرکده دیشلیجه نری هب آیلقلرینی آلمشلدرد . بوراسندن غفلت اولنیه !) عسکرک ضرورتی درجه کاله کلدی . صره سی کلدیکه آتیده یازیه جقدر .

الحاصل حرکسارک بوبابده کوستردکلری خشونت وجهالت ، برکون اولکی حربده ابراز ایلدکلری جسارت و شجاعتلرینک طباعه ایراث ایلدیککی حس خشنودییه پرده اوله جق درجهده غلیظ و قیل کوریهلرک، نه او خدمت، نهده بومنت لازمدر دیه هرکس مهاجرین مرقومه یی نظر نفرین ایله کورمکه باشلادیلر . عموم عساکر معاونه سواریلری حیواناتی تعین اولنان اهل خبره لر معرفتیه معاینه اولنهرق تقدیر اولنان قیمتاری، کنیه دفترلرندهکی اسملری اوزرینه شرح ایله مهرلندیرلدی . بوندهده سوء استعمال وقوعه کلدیکنده شبهه یوق ایدیهده ، فقط نه چاره ! اولکی خسارلره مقابل بوسوء استعمالک اوقدر حائر اهمیت اولیه جقی درکازدر . بوحاربهده وبوندن اول اجرا قلنان سواری حرکتلرنده ، سواریلرک اللرنده بولان « وریخته » تفنگلری ، روسیه سوارینک آلرنده بولنان « بردان » تفنگلرینک منزلیله مساوی کلدی . روسیه تفنگلری بزم سوارییه پک اوزاقدن خسار ویرمکه باشلادی ویرمکیلره دشمنک بش آتی یوز خطوه یقینه قدر صوقولق عبوریتی ایشته بوندن کلدی . بوتجربه اوزرینه بعدما حربیه و آتیه صوقوله جق سواریلر پیاده

عسکر مزك آئنده بولان « مارتینی هانری » تفنکی ایستدیلر که حقیری ده واردر . قارصده کی آباردن برازمقدار مارتینی هانری تفنکی کتیر یله رك بعضیلرینه ویرلدی . چونکه بومارتینی هانری تفنکارینك اوزونانی آت اوستنده مانع استعمالدر ؛ لکن بر بلوکه بش اون دانه مارتینی تفنکی بولنورسه غایت اوزاقدن دشمنی زده لکه باشلایه جغدن آنك تأثیری سایه سنده ونجستر تفنکلی اولانلرده صوتیله بیلور . چر کسلره وبالعموم عسا کر معاونه فراریلرینه دائر مقام سرعسکریدن اراده سنیۀ حضرت پادشاهی ایله عموم ولایاته یازیلان تلغرانامه ده خلیجه حدتلهر شدتلهر کوسترلمش ؛ حتی اومقوله فراریلرک دردست اولنه رق درت سنه زجرأ عسا کر نظامیه سلکنده استخدام اولنق اوزره مواقع عسکریه یه تسلیم لری لزومی حکومت محلیه یه بیلدیرلمش ایسه ده هیچ برنفرک دردستیه انفاذ اراده ایدلکی بعدالحرب اولسون کوریه مدی ، بردها بوامرک ارقه سی آرانیلوب صورولدی . بوکامانع اولان حال نه ایدی ؟ هیچ شبه یوق که محافظۀ حقوق قواننده کی اهلز !

(چرکس فراریلرینی زجرأ مدت معینه ایله عسا کر نظامیه سلکنده استخدام ایتک زده قالدی ؟ حتی محاربه دن اون درت سنه صکره ، حالا آنلر قرعۀ شرعیه ایله هر سنه عموم تبعۀ عثمانیه نك مکلف اولدینی خدمت عسکریه یه بیله صوتیله میورلر . سینی نه بن سوویه ییم ، نه ده سر صوریکز . یالکز بو صره ده « قادیلر حاکم عالمدرلر » جمله فلسفه سنی تکرار ایله اکتفا اولور .)

دشمنک کمری قصبه سی ویا شهری ، ایکنجی درجه ده دارالمهماتی اولدیغدن ، بالتعرض اوراسنك ولوموقۀ اولسون ضبطنه قدرتسز لکمز درکار ایسه ده ، دشمنک تفریق قوتنه مدار اوله جق وسائط آله ایدمک وبوسبیله سهل الاستفاده فرصتلهر دوشورمک اوزره بعض تدابیر اتخاذه لازم کلدیکندن تجاوز حدود ایدرک آرپه چاینک کجیدر لرینی آکلامق واردمزك صاغ جهتی ایلرو سنده بولان دشمن اراضیسنک حالنی کشف ایدرک اها ایسنه دخی ملایمت وملاطفت کوستریله رك ممکن اولدینی قدر ایلرویه کیدوب کوره بیلدیکی یرلرک خریطه سنی تنظیم وعودت ایتک مأموریتیه ، تموزک اون اوچنجه کونی اقشام اوستی میروا مصطفی صفوت پاشا نظامیه ومعاونه دن مرکب ایکی آلائی سواری ایله حدود دن ایجری یه حرکت ایتدیرلدی . بومانوره نی خبر آله جق اولان دشمن مطلقا فرداسی کون بعض تدابیر تعرضیه وتجاوز

مصطفی صفوت پاشا نك
سواری ایله تجاوز
حدود ایتدی اوزرینه
اختیار اولان خفیف
برمامله حریبه

حدود ایدن مصطفی پاشای تصدیقه ابتدار ایله چکی بلکده برتهلکه یه دوشیره چکی ملحوظ اولدیغندن سواریمزك بو حرکتی ستر ایچون اردو کا همزدن برقچ طابور پیاده بر مقدار طوبله برابر اردو مزك صاغ جهتده بولان « آتی [*] » خرابه سینه طوغری چیقارلینی کبی؛ صول جهتدن دخی میرلوا ادهم پاشا قومانداسیله سائر معاونه و نظامیه سواریلری دشمنه مقابل حرکت ایتدیرلمشدر.

دشمن بو حرکتی بر حقیقی تعرضه حمل ایدرك توه کایه سیله میدان چیقوب وضعیت حربیه سنی آلدی. اردو سنك صول جناحنده بولان « آتی » خرابه سی جهتده کی صرتلری طوتمق وصولی تأمین ایلک اوزره درت آلائی سوارى وایکی بطاریه طوپ دخی کال سرعتله ایلر یلتدی ایسه ده بزم عسکرک آتشدن کوز آچه میهرق عودت ایتدیلر. دیگر طرفلردن دخی عسکریمز جداً ایشه صایدیرنامسیله یالکز آغز طالاشی مقامنده اولمق اوزره آراق آراق طوبلرله تعاطی خصوصت اولدی. بوسرده ادهم پاشانك سواریلری دشمن سواریلرینی اولدجه صیقتشیدر دیلر؛ حتی رجعت بیه مجبور ایلدیلر سده رجعت ایدن دشمن سواریلری مقداراً بزمکیلردن چوق برشی دکل ایدیلر. صاغ جهتده یعنی « آتی » خرابه سی طرفلرنده پیاده لر مزك همتی دخی خیر ایله یاد اولنه جق درجه ده در. تجاوز حدود ایتدیکنک ایکنجی کونی ایکندی یه طوغری مصطفی صفوت پاشا موجود رفاقیله برابر سالماً عودت ایتدی و کزوب کوردیکی یرلرک خریطه سیله معلومات شفاهیة سائرینی دخی کتیردی. بوسرده هوا بوزوله رق شدلی طولو ویاغور یاغمه باشلامش و مقصد دخی حاصل اوله رق مصطفی صفوت پاشا دخی سلامتله کش اولدیغندن پاخردی کو توردی یه نهایت ویرلمش. هرکس یرلی یرینه کلرک میدان حرب ووزا، صاعقه بلوطلرینک نمایشلرینه آچیق براغلمشدر. بو حرکتک اجرایی، اوچ بش شهید ایله بش آتی قدر مجروح و براز سوارى بارکیرینک اتلاف ایدلمسیله نهایت بولمشدر. محاربه مذکورده دشمندن دخی یکر می قدر تلف و مجروح و قوعبولدینی، اوتوز رأس قدر دخی

[*] بر آتی خرابه سی دبلان بر، حدود سر اولان آربه چایه ناظر بر شهر خرابه سیدر. بو شهر و قنیه ارمنی حکومتک برادر اق بای تخی اولش و صکرده ایرانلرک جماعت مختلفه سنك قبل الاسلام یکدیگره هجوملر ایدرك نجه معمورلری خراب ایلدکلری سرده ده بو شهرده اولوقت خراب اولش در دیه خلق بیننده ده مشهور ایسه ده احوال حقیقه تاریخیه سنی تدقیق ایتکه وقم اولدی.

میدانده قطانه لاشه‌ری کورلدیکی ادهم پاشانک ژورنالی مآندن آکلاشمشدر.

تموزک اون آلتیجی کون دشمن اردوگاهنده بعض تبدلات و نقلیات وقوعبولدینی و کدکلر اردوسندن براز چادر و عسکر قالدیروب آرپه چاینک اوتیه طرفنده واقع «اغین» قریه‌سینک اوزرنده کی تپیه کوتوردیکی صرهده حرکتی ستر ایتک اوزره اون ویا اون ایکی آلائی قدر تخمین اونان برسواری فرقه‌سی سواری بطاریه‌ری دخی برابر اولدینی حالد یخیلره، بزم اردومزک صول جناخه ودها طوغریسی قارص ایله بزم آره یریمزه کیرمک اوزره سوق ایتشیدی. «وزین» کویی جهتده فرقه‌سیله بولنقده اولان قارص قوماندانی سابق فریق حسین حاجی پاشا یخیلره طوغری ایلریدلمش اولدینی کی اردوگاهک مرکزندن دخی ادهم پاشا لواسندن بیک بشیوز قدر سواری اوجهته چیقارلمش و برمقدار پیاده طابورلری و بریطاریه طوپ ایله دخی فریق حاجی راشد پاشا بوسوارلره قوه‌الظهر اولق اوزره کوندرلمشدر.

دشمن یحیی تپه‌سینک برطرفدن طیرمانور ایکن بزم سواریلر دخی دیگر جهتدن چیمقده ایدیلر. دشمن سواریلری دها اولجه طاورانش اولدقلرندن تپه‌نی طوتمشدر ایسهده بزم پیاده و سواریلر، دشمنک ایتدیک آتیشه باقیه‌رق ایلروله‌مش و پالدر کولدر تپه‌دن آشاغی دشمنی پوسکورتشمشدر. رجعت ایدن دشمن، حاجی راشد پاشانک آتشنه دخی اوغرامامق ایچون غایت آچقندن برقوس رجعت اوزرنده حرکت ایدرک ساعت اونبردن صکره آنجق اردوگاهنه وارد بیلیمشدر. بومحاربهده بزم سواریلرک هجوملری پک دهشتلی ایدی. عادتاییک بشیوز قدر سواریمز، بش مثلی نسبتده بولان دشمن سواریمی اوزرینه هجوم ایدرک قارشمشدر و پیاده عسکرمز دخی فوق‌العاده هم‌تلا ایتشمشدر.

حتی اوصرهده پیاده طابورلرینک برنده قول اغامی بولسان ثابت افندی نامنده سودیکمز برذات وار ایدی. بوذات اوائل حالندن بری کنه‌دینسی بیلانلر نظرنده آوزینه سوزینه طوغریلقله اشهار ایتش؛ مداهنه بیلماز، ایدندن حظ ایتمز، صره‌سی کلنجه سوزه قاریشیر؛ عقل وادبی قدرده خاطرشناس؛ ناموسلی، عقیف و معلومات فروش جهان اولان هرزه وکیللره مصاحبتدن محترز اولق اوزره طانمشدر؛ بوذات اشبو محاربهده سل سیف ایدرک آرسلانلر کی نعره اوردرق عسکری تشجیع ایدر وباشندن فی چیقاروب دیشلریله طوتمش اولدینی

دشمنک قارص ایله
اردومز آره‌سینه
جیلول ایتک ایچون
اجرا ایتدیک حرکتی
مقابل بر محاربه‌ت
وقوعی

قول اغامی ثابت
افندی‌نک ذکر جیلی

حاله پياده اوله رق عسکری تشويقاً طابورك اوکنده طاغه يوقاری هجوم ايدر ايکن باشنه تصادف ایدن بردشمن قورشونيله عازم کشفنسرای عليين اولمشدر. عموماً طابوري افرادی شهيد مشاراليه ايچون قان آغلاديلر. بتون احباسی دختون ايتديسه ده شهادتيله کندی روحی ممنون ايتدی. قدس الله سره العزيز. بوراده روحیچون برفاتحه اوقونسون. چونکه چوق طوغری آدم ایدی، چوق ناموسلی ذات ایدی. اولقدر دین ودولت غیرتی وار ایدیکه انک درجه سنه هر یکیده نصیب اولور سعادتار دن دکادر. ايشته جناب حقه مکافات اخرويه سنی دنيانک ذکر جليله برابر احسان ايتدی.

بوحاربه ده دشمن «روکت» تعبير اولنان برنوع فشنک دخی استعمال ایدیور ایدیکه بوروکتدن خالیاز محاربه سنده دخی چوچه قولانمش وعسکر مزه پک چوق شاشیقنق ویرمشدر. بوحربه بزدن اون ایکی شهيد ايله طقوز مجروح وقوعبولمش وسواریلردن اون اوچ رأس اسب تلف اولمشدر. دشمنکده آلوب کوتوردیکندن بشقه اوتوز قدر مقتول، الی رأس قطانه بازکیری لاشه لریله برابر میدانده قالمشدر. سواریلر میاننده بولنان چرکسارک بوصرده دخی فوق العاده جسارت وشجاعتلری کورلدی.

چرکس سواریلرینک برقسمنه مختار پاشا حضرتلرینک یاورى بیکباشی حسین راغب افندی قوماندا ایدیور ایدی. راغب افندی ايله سواری اوچنجی آلاک برنجی بلوکی یوزباشیسی اولوب معلمکله چرکس آلاينده بولنان نورالدین افندینک فوق العاده شجاعت واقداملری تصدیق اولندیغندن بوايکی ذاتک برر درجه رتبهلری اوکون ترفیع قلندی. [*]

بوحاربه ده اقدام وغیرت وشجاعتلری کوریلان بزم سواریلرک حرکتلری شایان تقدیر ایهده آرقه لری، یاقینلارنده بولنش اولان پیاده طابورلریله بسنلشم اولدیغندن قیلیری اطمشان تامک تحلیکاهی، ودشمن سواریلری ایه اردولردن زیادجه آیرلش اولمارینه مئی برتهلکجه دوشوریلوریه قورتلق امکانشک کو حجه اولمی تصویریه ذهنلری مالی ایدی. شجاعت وجبانت بحثلرنده بو حالک دخی

[*] نورالدین افندی حقه ده وقوعبولان شهادته دیه جکم یوق ایهده مشیر پاشانک یاورى بیکباشی راغب افندی ایچون وقوعبولان شهادت بزم اخلاقز ایجاغه محل نظر در. زبوا راغب افندینک اهلیتندن زیاده شجاعتنه شهادته مشیره خلوس ایدلش اولقی شبهه سندن کندی قورتاره مدم، آم بز، آم بز!

دخل کلمبی اولسه کرکدر. هر نه ایه فصل اولیسه اولدی؛ ثمره غالیته بزم طرفدن اقطاع اولندی ایش اوراده در.

مکر دشمنک بو حرکتی، اوچ کون اول مصطفی صفوت پاشانک حدوددن ایجریه کیدوب کلمسندن اورکهرک ویاخود او حرکتدن بزم اردونک بر نیت تعرضی استدلال ایدرک، اردو سنک وضعیت حریه سنی، اولباده کی حسیاته موافقت ایتمک اوزرد تبدیل اتمی جمهوریتدن ایاری گلش اولدینی، فرداسی کونی مصطفی پاشانک کچدیکی کچیدلری مدافعه ایتک ایچون تحکیمات لازمه یه تشبث ایتش اولمسیله آکلاشلمشدر.

طرفین اردو - بوراده طرفین قوتلرینک بر کره حساب و میزان ایدلمسی محاکمه مصلحت سنک میزان قوتی ایچون نأئده دن خالی دکادر .
و بمقداری

(روسیه نك او كمزده كي قوتی)

| پیاده فرقه سی | طلیعه لواسی | سواری آلاهی |
|---------------|------------------|-------------|
| ۳ بهری طابور | ۴ طابور | ۱۳ |
| ۱۶ | ۲ بشقه جه بولنان | |
| | ۶ | |
| | ۲ استحکام | |
| سیار طوپ | ۸ | جموعی |
| ۱۵۰ | | ۷۰,۰۰۰ |

پیاده طابورلرینک موجودی طقوز یوز یکریمی نفر اوزرینه مرتبدر. ملیس سواری سی بالاده کی اون اوچ آلاهی سواری یه داخل دکادر. شو حالده خصممنر بحساب صحیح، مقابلزده یتش بیک موجودلی بر اردو ایله بولنیور. آتیده کوریه جکی وجهله دشمنک بوقوتی اوزرینه صکره دن ده برچوق قوتلر علاوه ایتش وعلی الخصوص کدکدر محاربه سنک وقوعندن صکره موسقودان برنجی غرانادیا پیاده فرقه سیله نیژه نوغرووددن اوچنجی پیاده فرقه سنی و برده بر پیاده لواسی دها کتیرمش وایکی لواده طوپچی علاوه ایلشدر. بهر طوپچی لواسی قرق سکر قطعه طوپدن عبارتدر. دشمن عسکرینک بوراده بیان اولنان مقداری، مصالحه دن صکره نشر اولنان رسمی اوراقدن واجنیسیلرک یازدقلری واریخدن استنباط اولندی .

اوصرده یعنی ۲۰ تموز سنه ۹۳ هـ بزم اردونك مجموع قوتك مقداری شود:
نفس قارص استحکامات و قلعه سنده محافظ بولتان اون بر طابور پیاده دخی
داخل حساب اولدینی حالد:

| طابور پیاده | طابور لرك مجموعی | طوب بطاریه |
|------------------------------|------------------|------------|
| ۶۳ | وسعیاً | ۱۱ بهری |
| نظامیه، چراکسه و سایر معاونه | ۶۵۰ | ۶ |
| سوارسی | مجموع قوت | |
| ۵۰۰۰ | ۴۶,۹۵۰ | |

شو حالد یتش بیکه قارش قرق آتی بیک موجود ایله و دشمن ایله
بورون بورونه او تور مقده بولتان اردومن مترصد فرصت و دشمن دخی عینی
معامله ایله اسباب غالیته استحصاله منتظر در.

بو کونلرده مابین هایوندن کلن بر تلغراف نامه ده، روسیه عسکرینک آنا طولیده
برایش کورده مامسندن طولانی باش قوماندانی دولتی طرفندن تکدیر اولمش
و شمدی هر طرفدن تعرض و هجومه حاضر لندقلری خبر آلمقده بولمش اولدینی
مختار پاشانک نظر تیقف و انتباهنه قونمش، مختار پاشا طرفندن یازیلان جوابده
توفیقات صمدانییه عرض افتقار ایله متحکم اولان تیقفده دائم اولدینی درمیان
اولوب شو قدر که اردونك آچمه و اسباب نقلیه درکار اولان احتیاجی هنوز
بر طرف ایدیه مامش اولدیغدن آچمه ویریه مامت ملاسه سیله اهالینک اکثریسی
ذخیره نی خفیاً غالی فیأت ایله دشمنه صاتمقده بولندقلرندن شکایت ایتدی واشبو
تلغراف نامه جوانی دخی هیچ شبه یوقدر که امثالدری وجهله (باقلسون، یابلسون)
امر لریله دواثر و اقلامده معامله یه قونیلدرق یالکزر آلد بولتان تلغراف کاغدی
اورتدن قالقدی. اردونك احتیاجاتی ایسه ینه باقی قالدی.

بو اتانده صخوم و چم جرده بولتان فرقه عثمانیه ک اورادن قالدیریه جفی
حوادثی اردومنزده ایشیدلمسی اوزرینه مختار پاشا حاضر تلرینک. استانبولده عثمانیه ک قلدیر
سر عسکر قائممقامی بولتان فتحی پاشا زاده داماد شهر یاری محمود جلال الدین لردک شهاب
پاشایه یازدیگی تلغراف ایله مشارالیه دن کلان جواب، صخومده کی فرقه ک حاله
وقالدیرلمسی اسبابنه دلالت ایتکله برابر دولتک و او حوالی خلقتک معامله و اخلاقه
دخی وسیله انتساب اوله جفندن صورتلری بروجهر بر عیناً درج ایله اکتفا اولدی.

نام جلیل حضرت قائمقامی سرعسکریه
 صخوم وچام چردهده کی فرقه هایونک روم ایلیه نقلی مقرر ایدوکنی
 ایشتدم. واقعا بوحالک دولتجه برلنرزم و تدبیر عاجله مستد اوله جغندن قارشمنی
 خارج ازوظیفه بیلور ایسه مده حد اولسون شو آرائق روم ایلیدن مظفریت
 خبرلرینک مع التشکر آلتقده اولسی بنده کزده بروجه زیر بعض مطالعه
 عرضه جسارت ویردی. شویله که: صخوم طرفدن آله جق اولان اون قدر
 طابورک جزوئی حسیله روم ایلیه نقلندن بکنه جک فائده، بو طرفه تکیون
 ایده جک مضرتک دها غالب اوله جفی مظلوندر. چونکه صخوم طرفنده کی
 عساکر شاهانه یه کوردنه رک روسیه یه قارشی اعلان عصیان ایتمش اولان بیچارکان
 اهلینک جمله سی شمدی روسیه لونک طعمه تیغ غدیری اوله جغندن بعدما قفقاسیه
 جهتده کیسه سنک بو طرفدن کیده جک سوزلرد حواله سمع اعتبار ایتیه جکی [۱]
 واوراده کی روسیه قوتنک اندن صکره بورایه یوکنه جکی طبعی اولدیغندن وهر
 حالد الزمک لازمه ترجیحی در سعادتجه بیلنه جکندن اجرای مقتضای منوط
 رأی سپهسالاریلریدر. ۲۲ تموز سنه ۱۲۹۳ احمد مختار

سرعسکردن کلان جواب شفره

صخوم وچام چردهده کی فرقه هایونک اگرچه روم ایلیجه فائده سی حسن
 اولنه جق درجه ده دکل ایسه ده شمدی یه قدر اورالرده لایقیله برایش کورلماش
 واهالی سلاح آنجیه قدر سعی و غیرت کوستروب و دأثر اتحادی بدرجه یه قدر توسیع
 ایدوب اندن صکره بر قسمی بوسلاحاری اوزرمزه استعمال ایتمه باشلامش [۲]
 واوراجه حرکات عسکریه نک توسع ایتسی، لا اقل دها یکرمی طابور عسکرک
 ارسالنه متوقف اولدینی و بو اولماز ایسه فرقه مزبورنک مخاطره دن مصون
 اولیه جفی تحقیق اولوب اورایه عسکر علاوه سنه ایسه حسب الحال چاره وامکان
 بونه مامش اولسنه بناء و تهدیدکدن اجتناباً فرقه مذکورنک و طالب هجرت اولان
 اهلینک نقلی بااراده سنیه قرارگیر اولدی. مع مافیه بعونه تعالی ذات دولتیرینک

[۱] اوت بومطالعہ پک وارددر، زیرا قفقاسیه نک طاغستان طرفلرنده برایش چیقاره بیلیمک
 ایچون ینه دولتجه دردست اجرا بعض تدابیر مهمه وار ایدی. بو حال او مقصدی دخی
 اخلاص ایتدی.

[۲] دقت بیوزیلورمی اسلامیت نامی آلتنده اجتماع ایدن افراد و جوالای وحشیه نک
 حرکات تأسف کارانه سنه !!!

موفق اوله جقلری حرکات و تدابیر تیقظکارانه، فرقه مذکوردهک آلدیرمسندن تولد ایدمکک تأثیری هر حالده حکمسز بر اقهجی و صخومی هر زمان قبضه تسخیره آلیش ممکن اوله جنی بدیهی اولمغه دعای افزونی موفقیت دولتری شو سردهده دخی تکرار اولندی. ۲۴ تموز سنه ۱۲۹۳ محمود

قارص محافظه سنده بولان عسکرک قوماندانی مشیر مملنجی مصطفی توفیق قارص و بایزید قوما- پاشا حضرتلری ایله بایزید جهتدهکی قول اردونک قوماندانی اولان ارضروم وانیسی قورد اسماعیل پاشا، استانبول ایله آیرنجیه مخبره ایتمکده اولدقلری آکلاشیلوب حال بوکه بتون آناتولی حرب اردوی هایوننک قوماندا و امر ادارهسی احمد مختار پاشا عهده سنده اولوب قطعه و فرقه قوماندانلرینک کافه معاملاته مرجعلرینک اوراسی اولسی اقتضا ایدر ایکن او ایکی پاشا لر حضرتانک در سعادته معامله و مخبرده بولنلری قوماندا امرینک وحدتندن منتظر اولان فائدهنی اخلاص ایدمکدن سر عسکرک مقامه مختار پاشانک او بایده تلغرافله وقوع بولان شکایتی اوزرینه جواباً کلان تلغرافنامه سر عسکرکی دخی شایان مطالعه آناردن اولسیله عیناً قید اولندی.

شفره

مختار پاشا حضرتلرینه

۲۳ تموز سنه ۱۲۹۳ و شفره لی تلغرافنامه دولترینی بوکون آلدیم. در حال اسماعیل و مصطفی پاشا لره اجرای تبلیغات لازمه ایلدم. مع مافیه مشار الیه مانک وقوعات حریه نی طوغریدن طوغرییه بو طرفه یازملرندن طولانی افکار عمومیجه برکونه تأثیر حاصل اولامیه جنی درکاردر. چونکه آناتولی جهتدهکی کافه موفقیت توفیقات سبحانییه استناد ایدن تدابیر صائبه دولتریله تیسرئمای حصول اولمقده اولدیغندن جمله سی ذات آصفانه لرینه عائددر. (مقصد اودکل باهام، ایشک ایغندهکی خرددلری کورمکدن بیچون تغافل ایدیورسک؟) بونک مضر جهتی توحید قوماندایه اولان تأثیری اولوب بویسه بوراجه مجهول ایدی. (فسبحان الله نبيوك غلط، نه عظیم خطا!) تبلیغات واقعه اوزرینه ان شاء الله بوندن بویله توحید قوماندایه مناف معاملات دخی وقوعه کلز. بنده کز بوراده ذات آصفانه لرینک قائممقامی اولدیغنی حق احق عالی رنده اولان توجهات سنیه پادشاهینک درجه سنی تقدیر بیورمقی ایچون محرمانه اوله رق تبشیر و ایما ایدرم. (سکرده دن یعنی استانبوله وصولزدن سکرده رهین رتبه ثبوت و تحقق

اولدیکه بتون روم ایلی ده بولان قوماندان پاشالرده دخی سرعسکرلک مقامده بولغان بوذات طرفندن بولسان استعمال اولنورمیش و «مائی بونجق کیمده ایسه بنم کوکلم آندهدر» ضرب مثلنک مستند اولدینی فقرهیه توفیق حرکت اولنق حکمتی اختیار بیوریلور ایش . مقصد سرعسکرلک مقامی منحلدر . قائم مقام ایله اداره اولنور؛ هایدی باقهلم کیم ایش کورور ایسه بومقام اکا ویریه جکدر . «هلموا الی میدان المسابقه» دینر ایش و بوتدیرک تأثیریه انلردن ایش امید اولنور ایش! ایسته بویه بویه حاللر روم ایلی اداره عسکریه سی و قومانداسنی آلت، اوست ایتدی یا! بناء علیه اوراجه حرکات و تدابیر عمومیجه هر نیایاق مقتضی ایسه ایجابنک اجراسیله مستعیناً بتوفیقه تعالی استحصال موفقیت کامله یه همت و بذل عنایت و تزئید مآثر مدوحیت بیورلسی متمنادر .

۲۴ تموز سنه ۹۳ محمود

بایزید و باطوم قوما . شمدی باب دولته برابر بزم اردونک جماعتی بیله بزدن نتیجه لی بر محاربه یه ندانلرینک حرکتیز . و بر مضمریه منتظر ایدیلر . لکن روسیه دولتی کبی شدید الشکیمه بردشمن لکی و آکا د اثر بعض مطالعات اخلاقیه قارشوسنده نتیجه سی مجهول بر حرکتیه بی محابا جرأت هر حالده بادی خسارت و ندامت اوله جنی کبی بر فرصت دوشورلمکسزین آئی، قولنی صالایه رق سلمه السلام یورومک دخی تهلمکدن سالم اوله میه جغندن مطلقا بزه مساعد بر حالک حولنه انتظار ایدلسی پک طبعی ایدی . کندیلکنندن آلور میان فرصتک تدابیر معقوله ایله آلد ایدلسی دخی موافق قاعده کار آزمایی و حکمت اوله جغندن بایزیده بولان قول اردوی هایونک حرکتندن بالتسلسل استفاده ایدلک اوزره مذکور اردونک قارشوسنده کی دشمنی علیه حرکت تعرضیه قیام ایتدیرلسی تدبیری ضروری و مجبوری کوریلوب چونکه : اواردونک مقابلنده بولان «دیرقوا زوف» فرقه سی اوغرا دینی بلیه محاربات و رجعت سببیه ذاتاً زده نمشدر . دشمنیز اوفر قه سی تقویه و تعمیر ایچون بزه مقابل بولان قارص اردوسندن براز قوت تفریقته مجبور ایدلکدن صکره بورادنده بر تعرض اجرا ایدیلور ایسه فائده لی نتیجه لر استحصال ایدلش اولور، مطالعه لرنده بولندی . بایزیده کی قورد اسماعیل پاشا حضرتلرینه باش قوماندانلقدن اوامر لازمه ویرلدی ایسه ده اسماعیل پاشایی یرندن قلداتمی ممکن اوله مدی . بونک قلدانامسی اقتدار عسکرینک اولماسنه ویرلش ایسه ده ایشک قورنازلغه حملی

اوتنه کنه عطف اولمسندن دها زیاده موافق صدق و صواب اولسی لازم کایور.
 نته کیم باطومده بولسان قوماندان درویش پاشا حضرتلرندن دخی بویله
 حیلله ای احتیاطک عینی و انواعی مشاهدده اولندی، چونکه دشمنک باطومده
 دخی برفرقه عسکرندن زیاده عسکری اولدینی (حتی برفرقه تمام بیله دکل
 ایش) اخیراً نشر اولنان اوراق رسمیه سی مندرجاتندن تبیین ایتدی. قارشوسنده کی
 دشمنک بومقدار قوتی اولدینی اولوقت درویش پاشاچه دخی مجهول اولدیغنه
 شبهه یوغیدی. حال بوکه باطومده درویش پاشا قومانداسنده اللی یدی طابور
 نظامیه وردیف و معاونه اولق اوزره عسکر موجود ایدی، دیورلر، صکر دلری
 کوربله جکی وجهله بزم قارص اردوسی محاربه لر و آتشلر ایچنده چایر، چایر
 یانوب طورور ایکن مذکور اردونک صاغ وصول جناحلری مقامنده بولنان
 بایزید و باطوم اردولری سیرجی اوله رق باقه قالدیلر. هیچ اولماز ایسه بولنرده
 برر فرقه یه بالغ اولیان دشمنلری علیه تعرض ایده ایدیلر حال بشته لشه رق
 دشمن قارص اردوسی اوزرینه کلیتله یوکنه مز ایدی. حربک ابتداسندن بزم
 اردونک بوزولدینی زمانه قدر کچن آتی آی مدت ظرفنده درویش پاشانک
 وقوعات یومیه تلغرافلری معاینه اولنسون. بوکیچه برچته چیقاردی، الحمدلله
 اوچ دشمن شاقه سیله درت تفک کتیرلر کدن بشقه براردو بر عسکر حرکتی
 دینیه جک بریشی کوریلور می؟ بونه غفلتدر؟ بونه حالدر؟ سببی بیلنه مدی کیتدی....
 بعدالحرب باطوم و بایزید اردولرندن بولمش اولان موثوق الکلم بعض
 احبادن ایشدیکمه کوره قورد اسماعیل پاشا رفاقتی مأمورلری جانبندن تعرضه
 تشویق اولندیجه کندیسنه غصوص تعبیر ایله (بابام، سز کنج آدم لرسکز،
 بوموستوف دواتک فصل برعزیت اولدینی بیلمزسکز، بوندن یکر می ایکی
 سنه اول وقوع بولان قریم محاربه سنده آناتولی اردوسنک پیاده بشنجی
 آلاینک میرالای ایدم. بوموستوف بزم آمدن او آلای اسیر آلدی؛ بزم باشمه
 نلر کتیردی. آئی بن بیورم؛ بقم. کامل، علم. یکیت دینیلان کنج قوماندانلر من
 حرصلرخی، هوسلرخی آلسونلر؛ انلر ایله صکره کوروشورز) دیر ایش.
 بوندن مقصدی احمد مختار پاشادر و انک عزمنه و تدابیر و حرکاتنه اعتراضدر.
 درویش پاشاده باطومده مختار پاشانک مظفریت خبرلرخی آلدیجه بعض محرملرینه
 کولر و (صوکنه باقم!) کلام شومنی سویلر ایش.

مجرد مختار پاشانك اقبالی، شهرتی کسرايمك ايچون بروخامت عاقبتہ دوچار اولمسنی کورمات واوله بروقتده کی حالی سیر ایتکده کی لذت نفسانیہ، دولت وملت شان وناموسنک وهردرلو اقبال و منفعتنک فوقتده طوتمق جبلت بشریه نك آلوده اولدینی لوٹ حسدك تقاضای طبیعیه سندندر.

بزم جماعت مزدن بریسی بر موقع اقتدارده بولندیمی، اطرافی طبیعیدرکه بر طاقم خوش آمد کورله طولار. انلرک هر بریسی بر منفعت اومار. چونکه قانون وقاعدنك حاکم امور اولماق حبیلله ایشك بویله اولمسی ضروریدر.

بو حضراتك ویا حشراتك جمله سی کندی کارلرینك رواج بولمسنی اولر رئیسك طبیعنه مخالف کله جك اوضاع وکلماتك اظهارندن توفی واجتباب ایتکده بولنه جتقرندن ولواغراض نفسانیه ایله مالی اولسون، اولر رئیسك کافه مطالعاتنك محض صواب وعین اصابت اولدیغنی اودرجه ده برهانی واثباتی مقدماتله تأیید ایدرلرکه، اودات عظیم الشان دخی مطالعه سنك حسدندن، کبردن، دنائتندن، بخندن، ضعف قلبدن عاری و صرف حقانی اولدیغنه قناعت ایدرک منبسط اولور. بوجاعت هواداران ایچنده نظرینی اوقدر پرده غفلت و منفعتله سترا تمامشیری ده واردر. بونلر اولدجه عاقبت بیندرلر؛ لکن بونلرکده شیطانی صورت حقدن کورینه رك رئیس محترمك بو رأیی واقعا مستحسن دکل ایسه ده مافوقك رأی مطالعه سنك تقیضنه اوله رق سوزسویلك اول ذاتی تجهیلله قدر چیقار و بومعامله بیوکلر مزدن، استادلر مزدن کوردیکمز وایشتدیکمزده کوره ادبه طوقور، (دقت بیوریلورمی افظم مبارک ادب نره لرده استعمال اولنیور! اگرچه رئیس مکرمدن برده برأیيلك کورمش ایسه وسوسه شیطانیه قاتمرلشورده دیرکه: « بنم تقیضنه اوله رق درمیان ایده جکم مطالعه دن مرجع مفخخم خوشلامیوبده ایش برچین جینی انتاج ایدرایسه، بلکه اوصرده بنده علو ظہم و جنابم حرکت ایدرک دیک سوز سویلش اولورم. اولوقتده نانکور و نعمت ناشناس اولدیغمنه عالم نظرندہ حکم اولنور، استقبالده کی فیضمه طوقور » دیرک سکوت ایدر.) اگرچه بوتفس وشیطانك بوجاهده سیله مشغول اولان شخص عاقبتین ناچار قالیر ایسه، (ظهور ایده جك وخامت نتیجه دن بن مسئول دکل یا! نهمه لازم وارسون نه اولورسه اولسون بن نه ایچون راحتی فدا ایدیم؟) اغواسی کندیسنی عموم آرقداش لریله هم آهنگ ایدر.

خیلی یرلرده متصرفلقله بولنش عالم، ذکی، شاعر، قره حصار شرقیلی مشهور برعبدی افندی مرحوم وارایدی، بوعدی افندی برارنده یازمشیدیکه، (دولت علیه نك بادی برباد و خرابی حالی ایکی شیدر؛ انك بریسی التماس معناسنه اولان التزام، ایکنجیسی « نه مه لازم ! » ی التزام در) نه قدر طوغری، نه رتبه حکمت آمیز برسوزدر ! .

ایشته صدد بچشمزده ده « نه مه لازم » کله سی قوجه بر دولت عثمانیه نك موجب هرج و مرجی اولیور. بزم اردونك صاغ و صول جناحی یعنی باطوم و یایزید قوماندانلرینك اطراف وجواری ده اوصاف مذکوره ایله متصف ذواتدن البته خالی دکل ایدی یا ! ..

هر نه ایسه یایزید اردونك بو حرکتسز لکنك برسببی ده احمد فاضل پاشانك تجربهمسز لکنه و اسماعیل پاشا حضرتلریله خوش کچینامسنه حمل اولنه رق باش قوماندان پاشا حضرتلری بوسره ده احمد فاضل پاشایی قارصه چاغردی؛ میرلوا مصطفی صفوت پاشا فریققله احمد فاضل پاشانك یرینه، وارکان حربیه میر آلای عاکف بک ده میرلوالقله یایزید قول اردونك ارکان حربیه سی ریاسته تعیین ایتدیرلدی .

احمد فاضل پاشا یایزیدن کلمکده ایکن، آردهان قوماندانی فریق قصاب حسین صبری و وان قوماندانی فاتق پاشارک محاکمه سیچون ارضرومده آشکل ایدن دیوان حربیه مامور آکیتمش اولدیغندن، احمد فاضل پاشا آلاجه طاغدن اردومزه کلدیکنده نفس قارصك قوماندانلغنه مأمور ایدیلرک کوندرلدی .

آردهان جهتنده کی دشمنك احوالی اکلایوب بر خبر صحیح کتیرمک و او جوارده کی اهالیزه امنیت و تسلیت و یرمکله برابر دشمنه دخی حاک انجبابنه کوره سلطوت اراهه ایتک اوزره نامنی یوقاریده تجیلات لایقه ایله ذکر ایتدیکم مهرعلینک رفقته کزیده اوله رق بیك نقر قدر معاونه سوارسی و یریلوب سوق اولمشیدی. مومی الیه کوله ناحیه سنده دیر قو قریه سی جوارنده تصادف ایتدیکی بر آلای دشمن سوارسی ایله حرب ایدرک سواریلری منهزماً مجبور فرایتمش، آرقه سنندن دشمنك اوچ طاہور پیاده سیله بر قچ قطعه طوی جیقمش اولدیغندن انزلرده مقابله دن احتراز ایتامش و صکره روسیه نك سوارسی چوغاله رق هجوم صددنده اوله قری آلکلاشدیغندن، مهر علی، انخاب ایتدیکی سکمان قدر آدمی بره صوبه

مور علی نك کوله طرفنده بر محاربہ سی

قویه رق کندیبی بقیه سیله برابر رجعت ایتدیکی ائناده ، تعقیب ایدن دشمن سواریبی پوصونك شدتلی آتشنه طوتیلوب ایلریده کلمکده اولان سواری بلوکی همان کاملاً دینه جك درجه ده دوکولمش ، وایشی آکلایوبده رجعت ایدنیجه قدر آرقه دن کلانلر دخی خلیجه آتش بیدکلری صررده مهر علی ده موجود معیتله تکرارایشه صوقلمش ؛ واصل ییدی سکز ساعت مقداری دوام ایدن بو محاربه ده دشمنك وقوعبولان برقاچیوز تلناتنه مقابل مهر علی جهاعتندن ایکی شهید ایله درت یاردلی وقوعبولمشدر .

بوصورتله اولدجه بیوک بر حرب ایچنیده بزم عسکر دن او قدر شهید و مجروحك وقوعبولمشده کتم حقیقت اولنمش و یاخود دشمنك تلفاتنك مقدارنده مبالغه صورتی اختیار ایدلمش کبی کورونور ایسه ده ، مهرعلینك طفره فروش ولافزن یکیدلر دن اولدیغی بیلدیکم ایچون ویردیکی خبره اینانمقلغمی کندی کندیمه لازم عد ایتشمدر .

مهرعلینك عودت ایتدیکی کیجه قارص جوارنده مسکون جامادانی عشرتندن لزکی آغا ۲۴ تموز سنه ۹۳ کیجه سی ، عشرتی افراندن قرق نفر سواری ایله اردونك دوریه قره غولغی اجرا وظیفه سیله کشت و کذارده ایکن صباح وقتی دشمنك سواریسنه چاتممش وینلرنده اولدجه شدتلی بر محاربه وقوعبوله رق عادتاً کونش چیقنیجه قدرایش اوزامش و صکرده ده ایکی طرفدن چقاریلان امدادلرک معاونتله فریقین بربرندن آیرلمشدر .

دشمنك طقوز مقتولی میدانده قلمش ولزکی آغا طرفندن دخی بر شهید ایله اوچ مجروح وقوعبولمشدر . واقعا اردوگاهده هر کیجه ویا کوندوز قره غوللرک بر برینه چاتمسیله باتردی و کوتوردی و حاله کوره طرفینجه دخی خساراً کسک دکل ایسه ده لزکی آغا وقوعاتنك عموم اردومزك سواریلرخی بیدیره جك قدر کورواتیلی اولمش اولسیله قید و تحریر قلندی .

۲۷ تموز سنه ۹۳ ده دشمنك اردوگاهلرنده بریردن بریر دقل اولنق کبی بر حرکت کورلدی . هر نه وقتکه دشمن اردوسی وضعیتنی کندیسنجه معلوم اولان بر سبيله دکشدرمکه ججور اولور ایسه اشبو نقلیات عسکریه صرهنده بر سقطلغه اوغرامامق ایچون اردومز قارشو برنمایش اجرا سنه قیام ایله اجرا ایده جکی حرکاته اشبو نمایشی پرده ایدرو یاخود او نمایش سایه سنده و هم ایتدیکی تهرضمن دن امین اولور ایدی . ایشته یه

آلاجه ضاغ اردو-
گاهنده بر محاربه
خفینه

بوقیلدن اولوق اوزره دشمنك بر مختلط لوانی پالديروان اردوگاهندن وایکی بطاریه طوبه اول مقدار عسکری کدکلردن اردوگاهمزه طوغری ایکی جهندن ایلرله مکده اولدینی کبی برلوا عسکری ده اوچنجی قول اولهرق اردوگاهمزه صاغ جناحی حکمنده بولنان آتی خرابه سنه طوغری یناشدینی کورولدیکندن صول طرفزدن تعرض ایدلره مقابل سواری میرلوانی ادهم پاشا، لوانسیله برابر چیقارلمش، وصاغ جناحز دخی وضعیت حربیه یی آلهرق دشمنك کلسنه انتظار ایتمکده بولنمش ایسه ده صاغ جناحدن ایلرولیان فرقه صوقولیهرق اولدینی یرده طوردی. ادهم پاشا سواریلری دخی صول جهندن محاربیه طوتوشدی. طرفینك آتشی کالیه شدت بولدینی صروده روس سواریلری رجعت ایتدی، بزمیکلر تعقیبه پاشلادیلر. آرقه دن دشمنك بطاریه لریله بش آلائی سواریلی میدانه چیقمسيله بو حال بزم سواریلره بادی توقف و موجب رجعت اولدی. سواریلر مزه امداد اولوق اوزره فریق غازی شمویل محمد پاشا [*] سواریلریله چیقارلمش ودها حکمرلری کوریلان لزوم اوزرینه بشقه جه نظامیه سواریلری دخی یندیریلوب کوندرلمش اولدیغندن حربمزه شکی عاداتا برجیت صورتی آلدی وایش قیزیشدیغندن دشمن، طوبلریله بزم سواریلر اوزرینه شدتی آتشلر ایتدی. الحاصل میدان ینه بزمیکلر ده قالدی، موسقوفلر رجعت مجبور اولدی. بشقه سواری محاربهرنده آکلاشلدینی کبی بوسواری حربنده دخی دشمن سواریلرینك کثرت مقدار ونفوسلریله برابر بزمیکلردن ییلمش اولدقلری بالفعل تین ایتدی. دشمن سواریسندن خیلی قطانه تلف اولغله برابر الی نفر مقتول وبر اولمقدارده مجروح وقوع بولدینی وبزمیکلردن دخی اوچ شهید؛ سکر مجروح وبرقاچ حیوان تلف اولمسيله ایشه خاتمه ویرلدیکی ادهم پاشانك ویردیکی زورنال ما لندن آکلاشلی.

دشمن تلف اولان حیوانلرینك آرقه طرفنده بولنان میری چفتکلکرینك محاربهرده بولندیریلان محصولاتیه نقصانی جبر ایدر ایسه ده، بزده اویله چفتك، میفك اولدیغندن طوبنجی وسواری حیوانلرمن تلف اولسون دیه اودیمنز قویور ایدی. بوراده جمله معترضه اولهرق یازمجم فقره آتیه دخی شایان دقتدر.

[*] اشبو شمویل محمد پاشا، قفقاسیه ده سنه لرله روسیه اله حرب ایدن مشهور شیخ شامل ویا شمویل حضرتلرینك بیوک مخدومیدرکه، روسیه ده ایکن پدری شیخ مشار الهیک مکّه مکرمه ده وقوع ارتحالندن سکره روسیه تابعیتی ترک اله دولت علیه التجا ایتسه منی عهده سنه فریق فرقه یی توجیه ده دولتجه قبول اولنشد.

« نظامیه و معاونه سوارسی ضبطیه، باشی بوزوق الحاصل آتلی جماعتک و عموم طوپ بارگیرلریله طابورلرک مکاریرلرینک و ضابطان بینکالرینک جموعی اردوده اون بیک حیواندن زیاده در. بواون بیک حیوان یومیه اوتوز، اوتوز بش بیک قیه آرپه به محتاجدر. بوده کل یوم تاقرق ایکی ساعت مسافه آرقه مزده قالان ارضروم آنباردن کله جک! برکون آرقه مزدن قافله کله مز ایه اوکون عسکرده حیواناتده آچ قاله جق. بوسبیلله اردویه کلان آرپه کال تصرفله صورت آتیه وجهه تقسیم اولنیوردی. اولاً: طوپ و طوپچی بارگیرلری، ثانیاً: قره غوله چیه جق سوارسی حیواناتی، ثالثاً: استراحتده بولنان سوارسی حیواناتی. رابعاً: سقا و مکاری بارگیرلری. خامساً: ضابطانک و اردوده متفرقاً موجود اولان سائر ذواتک بینکالرینه ویریه رک اهمی مهمنه تقدیم اولنور وهانکی درجه نك تقسیمده آرپه بتر ایه ویریلانلر ایه اکتفا اولنوب اوست طرفی آچقده قالور ایدی. بسیزلک ملاسه سیله طوپچی حیوانا تمز پک جانسز قالدی؛ حد ذاتنده دخی چلیمسزدرلریا!

روس قطانلری ایه جنسلرنده کی قوتلرندن بشقه بسیلری دخی یولنده اولدیغندن برحرب وقوع بولور ایکن برته نك اوسته طوپ چیقارملق و یاخود عارضه لی زمینده صاغه وصوله طوپ کزدیرمکده هیچ مشکلات چکمزله؛ درحال طوپلرینی استدکلیری موقع و نقطه ده تعیه ایدرلر ایدی.

بزه کلنجه محاربه ایدیلور ایکن طوپلرک یری دیکشیدیرلمک ویا بر یوکسک طاغ و تپه به چیقارملق و یاخود عارضه لی بر موقعده حسب الاقتضا صاغه وصوله حرکت ایتدیرلمک ایجاب ایدر ایه رهم سلامت ویرسون! بارگیرلر، داح، چوش یاغردلریله غیرته کتیرلمک ایچون قیامتله قوپاریلور. قامچی و صوپه لرله ییچاره حیوانات دوکیلور؛ بوقدر کورلدیلر یتمزده برده آراقده پیاده نفراتمز سوروتمه تعیر اولنور حالاتلر ایه قوشیلهرق و ساعتله اوغراشیلهرق طوپلر نقطه مطلوبه به اولیه جه کوتوریلور. بعض وقتده برطوپک ایستیلان موقعه چیقاریلوب قونلسنده احوال مبسوطه الجا آتیه کچیریلان زمانک لزومندن زیاده اوزامسی، طوپک موقع مطلوبه وصولندن صکره آلورین فرصتکده زائل اولمش اولدیغنی کوسترده وقوع بولان تأسفلر جکرلری یاقار. هله غلبه لکه پیاده نفرلری قوشیلوبده طوپک چکلمکده اولدیغنی اراضینک حالی دشمنه کوسترر ایه دشمن برقاق طوپنی اوجهته حواله ایدرک خیلجه سقطلقلر ایقاع ایدر و طوپمزک حرکتی ده تعطیل ایلریا!

ایسته بارکیرلینک قوتنه کوندیکی جهته اثنای رجعتده روس اردوسی
طوپلرینی قالدیرمیهرق مناسب بریده ابقا ومعاقبنی کولله وشرایحل وپشرو ایله
دو کدرک بوزغون عسکرینک ایچنه سواری وپیاده مزک کیرمسنه مانع اوله رقی
حربلر مزی نتیجه سز براقدریر، بز ایسه بارکیرلر مزک جانسز لغنه مبنی رجعت
ایده جکمز زمان ایلك اول طوپلر مزی قاجیرمغه مجبور اولوروز. زیرا صکره یه
قالور ایسه طوپلر مزی دشمن سوارینسک هجومندن قورتارمق مشکل اوله جغنی
پک اعلا بیلوروز.

روسلر علی العموم طوپچی وسواری ویوک وینک بارکیرلرینی بیوک وقوتلی
قطانه جنسندن یتشدیرمش اولملریله برابر قارده، قیشده، آچقده بولندیرمغه
وترلی، ترلی صغوقده و میدانده براقوب بلکهده اوله ترلی، مرلی قار ایچنده
یووارلندیروب تیار ایتکه آشدیرمش اولدقلرندن انلرک حیواناتنه سفر برلکنک
بر تأثیری اوله میور، جمله سی قوت اصلیه سی محافظه ایدوب کیدیور.

لکن بزم حیواناتمکز اکثریسی عرب، کرد، ترک، ترکمن الحاصل اراضی
واهویه مختلفه یتشمش اولمقدن قطع النظر ایام حضرده طوپچی وسواریلر مزک
حیواناتی، پنجره لری جاملر، قاپولری پرده لر ایله محافظه ایدلش، ساتیغراد ۲۸
وبلکده ۳۰ درجه ده ودها زیاده ایصنمش آخورلرده بسلنمش وخصوصیه اصول
تربیه واداره لری بستیون بشقه طرزده بولنش اولدیغندن، عادات مألوفه لرندن
دور اولدقلری بر زمانده ضعفیتک وخسته لغت انواعی و بونلر اولماز ایسه نشو سزلک
ومسکینلک کبی سولیان حاللرک جمله سی بر آزده حیواناتمزده ظهور ایدیور .
دائما آخورده ناز ونع ایله پرورده اولمغه الشمش اولان حیوانات آیلرله
آخور یوزی کورده میهرک یاغفور، چامور وایجابی حالتده قارلر، بوزلرک آلتده
قالور وبوکا حسب الحال باقسنز لنده منظم اولور ایسه طبعیدرکه او حیوانات
انواع امراضه دوجار اوله رقی اکثریسی تلف اولور، اولیانلرده توپلری برر
پارمق اوزامش، کیکلری چقمش، اوکسورکلی، طیقسرقلی، صاقاغیلی بر حانده
وشورادن شورایه یوریمکه بحالی اولیه جق درجه ده بر ضعف ایچنده مابین الحیات
والمات سوروکنور طورور، هیچ بومثللو حیوانات راکب وصاحبلرینی
قوغدیفنه یتشدیرر، قاجدیغندن قورتاررمی؟

ایلول حلول ایدوده هوالرک رنگی دکشدیکی کبی ذاتاً بوضویرتله ضعیف اولان

حيواناتمز بتون ، بتون فناشدی ، اردو کا همزك اطرافی حیوانات لاشه لریله طولدی ، هله يوك بار كيرلرینی هيچ حسابه قاتمه لم؟ زیرا بچاردلرك انسا نجه سنه باقی جیلری ده اولمديغدن انلرك قرقی برجان ایله كزییوردی .

اخلاف كرامت بوزالرینی اوقویوب عبرت آسونلر و عندالایجاب بزم اوغرا دیغمز مشكلاته اوغرامامق ایچون اردولرك دارالمهماته جوار یرلرده چققلكر ایجاد و حیواناتك جنسینی تصحیح ایله قوتلی قطانلر یتشدیرلمسنة و تربیه لرینك دخی اراضینك و دشمنلرینك حالته كوره اولمسنة همت ایتسونلر؛ زیرا لزومی حالده يك صیقندی چكرلر ، بوایش غایتله مهم بر مسئله در ، عادتاً اردونك حیاتی حكمنده در . بوندن هیچ بر وقت غفلت اولنمغه كلز « واعدوا لهم ما استعظم من قوة ومن رباط الخیل ... » آیت کریمه سنده کی (رباط الخیل) امر جلیلی بوباده هیئت عمومیة اسلامیة بی برمسؤولیت مشتركة تحتنه ادخال ایدرك جمله سنه بر وظیفه مهمه تعیین ایلشدر . اتمی . »

بازیده کی اردو- بزم بازید اردوسی بازید قصبه سنه طوغری يك زیاده ایلری صوقیله رق مزك تجاوز آرقه سنی موصون کدیکی جهته آچیق براقش اولدینی اسماعیل پاشا حضرتلریله حدود اتمی بخابره آكلا شلمسی اوزرینه شاید موصون کدیکندن دشمن تجاوز ایدرسه بزم اردونك آرقه سنی آله جنی و اوحالده درلو درلو فذا القلر حادث اوله جنی مطالعه اولنمسنة منی خط رجعتلرینه دشمنك صوقیله میه جنی بر موقع اتخابنی و یاخود بشقه درلو صور تأمینیه ایله اوتهلکدنك بر طرف ایدلمسنی مختار پاشا حضرتلری انلره توصیه ایدوب طور ییوردی . نهایت اسماعیل پاشا اولاً اوکنه و آرقه سنه نظارت و مناسبتی اولان (ارزاب) نام موقعه چكلمش و بر ایکی کون مقداری اوراده قالدقند صکره موصون کدیکنك و اوحودك ایچریسنده کی دشمن اراضینك حالی بر درجه به قدر تحقیق قلتمش اولدیغدن ، آلتی طابور پیاده عسکر و بر خلی مقدار نظامیه و معاونه سوار یسیله موصون کدیکنی طوتمق و ایچریده طیشاریده اردونك اقامته مناسب بر موقع اله ایدنك اوزره ارکان حریبه رئیس میرلوا عا کف پاشا حرکت ایدرك موصون کدیکنك صرتلری اوزرنده یرلشمش بولنان اوچ درت بیك نفر قدر پیاده و سوار ی روسیه عسکر یله محاربه ایدرك انلر بزم عسكرك هجومیله منهنم اولدقلرندن عسکر مزك مظفر آ تجاوز حدود ایتدیکی و ایکی ، ایکی یچق ساعت قدر حدودن ایچریده بولنان (زور) یا یلا سنك هر صورتله مدافعه یه صالح و عسکر اقامه سنه الویریشلی بر موقع اولدینی کشف اولندیغدن عا کف پاشا اوراده قلمش

ودشمن اردو سنك يعنى دير قوقازوف فرقه سنك دخى كوچك ايكدير نام محله
اخدموقع ايش اولدينى عاكف پاشا طرفدن اسماعيل پاشا حضر تارينه يازلى
اوزرينه اسماعيل پاشاده اردونك بقيه سنى قالدوروب عاكف پاشانك بولدينى
زور يايلاسنه بلاوقوعات مواصلا ايش اولدينى ۲۵ تموز سنه ۱۲۹۳ تاريخلى
تلغرافيله مختار پاشايه بيلدير مشدر .

اسماعيل پاشا بوتلغرافنده دشمنك ضايعات عسكريه سى مقدارنى بيان ايتامش
ايسه ده بزم كيلردن اون ايكي شهيداييله اوتوز مجروح وقوع بولدينى ودشمنك يوزاللى
رأس قضا نه بار كيرى اتلاف ايدملكله برابر بيكلرلده قويون اغتنام اولدينى
يازمشدر . پاشانك صورت اشعارينه كوره بزم عسكروكسك تپه لره تحصن ايتمش
اولان دشمن عسكرى اوزرينه آچيقدن هجوم ايتمش اولديغندن شو حالده بالقاعده
انك تلفاتى مقدارينك بزمكندن ده آاز مقدارده اولسى اقتضا ايدر ايدى .

مختار پاشا حضر تارنده بولان حربه متعلق اوراق مخبره يى تنظيم ايتك اوزره
مباحثه دن صكره استاجولده كوزدن كچيرايكن اسماعيل پاشانك بوتلغرافنامه سنك
آرقه سنده مختار پاشانك خط دستيله يازلىش بر مطالعه كورمش اولديغندن تحف
قيلندن اوله رق عينييله بوراجغه يازلدى . مطالعه مذ كوره يالكر تحف دكل ،
هان هان آيينه اخلاق زده اوله بيلور ، فسبحان الله ! .

صورت مطالعه

« موصون كديكندن راست كتوريان دشمنك مقدارينه دائر تعميق فكر
ايدبور ايسه بده » يالان اولدينى آكلاشيلور ايسه ده صكره دن عاكف پاشانك
كلان زور نالدىن بربلوك قدر قزاق آتولسى اولدينى آكلاشلمش واغتنام اولان
حيواناته دائر اولان قسمى ايسه معاونه سوار يارينك اهل قرادن غصب وسرقت
ايتديكي قيون وبار كير كچي شيلر اولدينى تحق ايتمش و صكره دن بونرك استردايله
احسابنه اعاده سنه چايلشلمش ايسه ده شونك بونك آلدن اولوب آشورلمش
و مقدارنده نامعلوم بولمش واهل قرا ايسه بو حالدن توحش ايدرك فرار آ
طاغلمشادر » اتهى

الدىن صكره اسماعيل پاشا حضر تارينك كلان تلغرافنامه سنده تجاوز حدود اولمقى
سبيله جوارده بولان روسيه كويلرى اها ليسى اردوى هاييه نه مراجعته عرض تابعت
و طلب امنيتده بولند قلردن يدلرينه امنيتنامه لر و يرلديكى اشعار اولمشدر .

یوقاریده ذکرى سبق ایدن مصطفی صفوت پاشانك آلاجه طاغ اردوگاهندن آرپه چانی حدودینی کچوبده ایچریده براز کزینوب چیقمسنك ویردیکی دهشت یالکز دشمن اردو سنده قالمیهرق اهالی محلیه دهشمنك اوجوارده بولنان کویلری خلقنه دخی سرایت ایتشدر. مذکور کویلولر فارسی العبارة مضبوطلره وکیلار کوندردهرك عرض تابعیتله مختار پاشا حضر تبارندن دخی امنیتنامه ایسته مشار و طلباری اوزرینه اورالره برر بیورلدی کوندرلشدر. بوا میتنامه کویلولرك باشی بوزوق ومعاونه سواریلرینك یغما وغارتندن محافظه ایدلسی مقصدینه منی ایستلمش اولوب عجباً بزم طرفندن جداً بر تجاوز حدود وقوعه کیش اولسه یدی او اهالی یغما وغارتندن سالم قاله جقلرمی ایدی؟ اوراسنی وقوعات حل ایده جکدی؛ فقط فقیرك ظنه کوره اوله توز دومان ایچنده دکل بیورلدی؛ حتی فرمان بیله اولسه قولاق آسان نادر بولنور. بوضرده اسماعیل پاشانك تجاوز حدود ایلش اولسنه و خطر رجعتك هر درلو تهدیددن محافظه سی الزم بولنسنه منی ارضرومده تنظیم اولنقمده بولنان عسکر کردن ایجابنه کوره قارصه وبایزیده کوندرلک اوزره کویری کوبنده موجود ومرتب اولان آتی ظابور پیاده، ایکی بطاریه طویله مختار پاشا طرفندن ویریلان امر اوزرینه بایزید اردوسنه کوندریلهرك قوتلری تزید وتحکیم قلنمشدر.

دشمنك بزم اهالیزك
حقوقنه وقوعبولان
تعدیسی وآکا دائر
مطالعات

مهرعلینك كوله ناحیه سی [*] طرفلرینه چیقوبده روسیه قزاقلریله حرب ایتدکن صکره اوجهته متعلق بعض اخبار ایله عودت ایتسی اوزرینه روسیه نك اورالرده کی قوماندانی، مهرعلینك کلسنی ومذکور حربك وقوعنی فقیر کویلیلر مزك خیانتنه حمل ایدرك مهرعلی صاووشدقدن صکره روسیه سواریلی ناحیه مذکورده نك ددهشین قریه سنده کی جامع شریف ایله کوله مدیری رضا بکک وبوکوبده بولنان عموم اهالینك خانلرینی احراق، اوروت قریه سنده دخی آرسلان پاشا زاده حسن بکک خانه سنی هدم ایله مذکور قریه لر اهالی سندن اوچ نفرینی جرح واون التیسی بغیر حق شهید ایتش اولدینی چلدر متصرفلغندن بیلدرلیدیکی کبی قارص کوییلرنده وبایزید جهتلرنده دخی بومقوله وقوعاته تصادف اولنمیدی دکلدر.

بورالرینی ذکر و افاده دن مقصدم، هانیا اهالینك طائفه عسکریه دن اولمدقلری

[*] خریطیه مراجعتله دخی معلوم اولورکه اشبو کوله ناحیه سی آردهان طرفنده، یعنی آردهان ایله چلدر سنجاغنك مرکزی اولان اولتی نك آرهرنده واقع اوتلی، صولی، اورمانلری قیثی چوق قرق الی پاره کوبدن عبارت بر ناحیه در. حیوانات یتاغیر، زیاده مقدار قیون وقره صغیر حیواناتی یتشدر.

جهتله دشمن شرندن سالم قاله جنى حقنده موجود اولان برواھى اعتقادك بوشلق وچوروكلكنى بيلديرمكدر. اهالى اوضاع واطواريله دشمنى توحىش وانظارغضب وانتقامنى عليھلرينه جلب ايتسه، يعنى ظاھرده برقباحتارى بولمسه بيله دنى الطبع بعض فسدنك مجرد جلب منفعت ايچون اهاليدن بعضيلرينى حيات وجاسوسلق وروسىھيه قارشى صداقتسزلق كېي حاللر ايله اتھام ايدرك جان ومال وبعضاً عرضلرينه بيله قصد ايتدير بيوزلر. بونك ايچون، بز اهالى يز، دشمن شرندن امين قاليرز؛ زائل اولان حكومت آغامز اولور ايسه، انك يرنده قائم اولان حكومتك دخى بكمز اولمق لازمكه چكى فكرينى قفالدردن چيقارملى وزمان مدنيتده بولمىوز. اسكى زمانده كى تجاوزلر كېي تجاوز اوله ماز سوزينده قاله آلامليدر. بوكوز نھلر كوردى!... چونكه تجاوزات دوليه دن خساره اوغرايانلرك حقوقى احقاق ايتك ايچون عالمده دھا برمحكمه تشكىل ايتدى. وجود نازنين حق وعدل (الحكم للغالب) قانون طيعيدنسك دست استبدادنده كيف مالتفق بازيجھ اوليور. بونك ايچون آچ قالمى، سوسز قالمى، اولمى. دشمنك مملكتمزھ پاى انداز تجاوز اولمىنى (من حيث ما استطيع) منعه چالشملى. خلكنھلرك بين اخلق معروف وزبازرد اولان (چالى ايدى، چرى ايدى، اويم ايدى!) تركىنى تقدّر معنيدار ونه رتبه حكمت آميزدر. نه اولورسه اولسون؛ اوزم اويمز، حكومت بزم حكومتمزدر. ربم زوال ويرمسون!

زمان اغستوسى بولدى. ارضروم حواليسنك طاغلى همان ايلول ابتداسندن اردوني بسلھمك بدا ايله مسافر قبول ايتماكمه باشلار، بعضاً آغستوسك اون بشنده طاغلى قار ايله اورتيلور. شو حالده مقرب الدخول اولان قيشده نه ياپه جغز؛ حرېمز اوزار ايسه عسكرى نرھلرده ونصل بارنديره جغز؛ چونكه قشھلر يوق؛ عسكرجھ زمك تعبير اولان زير زمين اقامتكاھلرى هيچ برطرفده غير موجود. بونلرك ولوازمات سائر نك مهمالمكن تسويھى بشيوز بيك ليرايه متوقف اولداني عندالحساب آكلاشله رق مقام سرعسكرى به مراجعت اولئدى. كلان جواب وواجوبه ويريلان جواب بروجه زير يازلدى:

مقام سرعسكرين مختار پاشا حضرتلرينه شھرلى تلغراف

قارص وبازيد واراضروم جهتلرندھ متحشد جنود جناب ملوكانهك ترتيب لوازم شتايھ سيچون طلب بيوريلان اللى مليون غروشه محسوباً بوراجھ آله بكن مبالغك او طرفه ارسائھ چالشمقده ايسه ده، خريته جھ عقدى مصمم اولان

اردوني بسلھمك
امرندھكى تصر
فكار لغز

استقراضك هنوز ياييله مامسى و اموال عموميه تحصيلاتندن دخى حسب الحال مصارفك اونده بر قسمنى بيله اداره يه كافى آخه استيفا اولنه مامسى ملا بسه سيله اولطرف ايچون اداره يه كافى آخه يتشدير مك امكانى شمديكى حالده مفقود اولمغه، اوراجه چاره سنه باقلمق مطالعه سيله شمديدن نظر كاه عاليرينه عرض و بيان حاله مجبور اولدم. حال دولتى تعريفه حاجت يوقدر؛ بوراجه بولنه بيلان مبالغك ارسالنده تجويز تسامح اولتماز؛ فقط اوراجه ايلوك تقريبه شتا حكمنى اجرايه باشلار. محاربه نك نقدر امتداد ايده چكى دخى مجهولدر. قيش با صدقن صكره عقد مصالحه اولنسه ده، عسكر ك محالرينه اعاده سنه قيشك مساعده سى اولوب اوليه جنى بيلماز. شو حالده عسكرى قيشلا تمق واورالده محافظه ايتك ايچون نه ياللق لازم ايسه شمديدن تسويه و اكال مقتضيات اولتمق و تدابير صائبه آصفانه لريله هر درلو مشكلاتك حليه تسهيل و تسويه مصلحت بيوريله جنى، آناطولى اردوسنك اولكى حاليله شمديكى حال و مظفريتى موازنه و مقابله ايله معلوم و مسلمدر. دردنجى اردو افرادينه مقتضى البسه و آياق قابرينك بر قسمى اردوده اعمال ايتديرلمكده اولوب بوراجه معاونت ممكنه نك اجرا سنه حصر مقدرت اولنه جنى بديهي بولمغه، البسه و محروقات كى عسكر ك صغوقدن محافظه سنه لازم اولان شيلرك فوق العاده سرعتله ايجاب ايدن محالردن احضار اولنسى حقتده تدابير لازم نك اجرا سيله عسكر ك قيش موسمنده زه لرده بارنديرلمسى و نه ياللى ايجاب ايده چكنك و قارصده نه مقدار عسكر و ارزاق و محروقات بولنديريله بيله چكنك و يايزيد جهتى قوه عسكر يه سى نه حال و حر كته ده و هانكى موقعده قاله چكنك و الحاصل ارضروم موقى دخى داخل اولدينى حالده بونلرك احتياجات و ترتيبات عموميه سنه متعلق مطالعات صائبه دولتلىرىنك سريعا و عاجلا اشعار بيورلمسى رجا اولنور.

۲ آغستوس ۱۲۹۳ محمود

جوانى

۲ اغستوس ۹۳ تاريخلى و شفره لى تلغرافنامه خديويلرى آلندى. عسكر ك مشتالديرلمسنه عائد لوازمك تهيه و تداركى، بولنيان عموميت احواله كوره وينه او حالك ايچنده آرامق مجبوريتى طبيعى اولديغدن اداره حاضره من ذاتا نسبت معروضه دائره سنده دوران ايدىيور. قويون دريسندن معمول آلتش بيك كورك ايله عادات بلاد وجهله بومقدار چزمه و ياپوستال ويوز آلتش بيك چفت چورابك لزومى ارضروم، سيواس، وان، ديار بكر و ايتلريله خرپوت لواسنه يازيله رق هر بر لر نجه

بونلرک قدرلرلرینک برآیه قدر اعمال و تدارکی قابل ایسه بریاندن یاپدیرلمسینه باشلانوب، بریاندن دخی یاپیلانلرک مقدارینی اشعار ایلری جهلمسینه کمال اهمیتیله یازلدی. بوراجهدخی تعینات لمیهیه صرف اولنان قویونلرک دریلری ذاتاً کورک یاپدیرلمقدهدر. مشتا حقنده دخی اکثر طابورلرک متفرقاً کویلدرد باریدیرلمسندن باشقه طریق اولیوب [*]، البسهجه اولان احتیاجک برقسمنک شوصورتله اکالی چارهمسی بولندیغی حالده باشلیجه ایش تعینات روزمردیه قالدجنی و بونک قسم اعظمیله مطلقاً مبیاعه صورتیه اوله جغندن، شو حالده یالکز ارزاقه صرف ایدلمک اوزره مهم امکان شمیدین بر مقدار آقچه ارسالی خصوصنه عنایت بیوریلور ایسه شویلهجه اداره مصلحت امکاتی لطف حقندن امیدایتمکده اولدیغی وقارصده وارضر و مده بر مقدار زمملکرلر یاپدیرلمسنی مقدمجه اقتضا ایدنلره یازمش اولدیغیم کبی، پکده شمیدین عموم عسکرک مشتا موقعی تعین و تخصیص ایدمیه جگمی [**] و بونک هر حالده ایلورده حالک ایجابنه کوره اقتضاسنه باقمق لازمکله جگمی عرض ایدرم. ۴ آغستوس سنه ۱۲۹۳ احمد مختار

عاقبت نه دولت ایستیلان پارهیی یوله بیلدی، نه ده جوار و ملحقات ولایتلر طلب ایدیلان کورک، چوراب و سائرینی بروجه انتظار ایفا ایتدی! وریلانلر، کلانلر دخی یویله استعمال اولنه مامقندن ناشی یوللرده، طاعلرده، سوقاقلرده دوکیله قلوب اکثریسی محو و نابید اولدی. حرب ایددجک عسکرک یاتهجنی یولرک، کیه جکی ویه جکی شیلرک چارهمسی باش قوماندان دوشونمکه مجبور اولیور: صکرده حرب پالانلری ترتیب ایدیور، قزاعه نک یولنی آرایور، غیب ایدرسه محو اولماقلاک چاره لرینی دوشونیور؛ بر عقل هانکی برینی دوشونسون!

ییت : دله همونی براؤدر کورینور اوزلنک :

نیجه بیک اؤدری بربرده تخیل نه بلا :

بزم بشقه یرده کی فرقه و قول اردولر مزکده حالک بویله اوله جغنده هیچ شبهه ایتیم. ایستیلان بشیوز بیک لیرا آؤدر بیلله. بر میلیون لیرا اولمی که بعضاً

[*] آئیده کوریلجکی وجوله بز بویله حساب ایدرکن مصلحت و حال ایشی بشقه صورتیه منجر ایتدی. قیش موسمنده دخی دشمن حرکات عسکریمسنی تعطیل و بر مشتا اختیار ایتدیکندن عسکریمز اضرور استحکاماتنده و چادرلر آلتنده بولندیردی.

[**] اسکی محاربیلر مثلاً اوله ایدی عسکره مشتا تعین اولنه بیلیر ایدی. عمر حاضر محارباندنه مشتا تعین اولنه میور و مشتا تعین اولنبدقه زمملکرکده بالضروره نرده یاپدیریلجکی بیلنه مددکی ایچون یاپدیریله میور.

نفراتده آلیق ویریلرک الیرنده قهوه ووتون وایکته، ایلیک پاره سی بولنه بیلش اولسون. براردو بر قیشی بر میلیون لیرا ایله چیقار ایسه، یوقلق سببیه بزره مخصوص اولان تصرخیلنی وقناعتکارانی ینه اثبات ایتش اولورز؛ یوقسه بویه قوت لایموت ضرورتلر ایچنده کچمک وینه صادقانه چالشمق آروپا اردولرینک عقلنک ایشی دکلدرد.

یوزبیک کشیک آروپالی براردو بش میلیون لیرا ایله حربه کیریشور ایسه، اوایشی، همده ده اعلای و مؤثری اولق اوزره اول مقدار ترک اردوسی مطلقا بر بچق، ایکی میلیون لیرا ایله بجرر. بونک ایچون پاره وصریات مسئله سنده آروپالیر ایله بشده ایکی نسبتنده و ناقص طرفنده، کوریلرک ایشده دخی بشده اوچ وزائد جهتده بولنه جغمزده قطعاً اشتباه اولنسون. یالکیز ضابطه، ضابطه، ضابطه؛ برده نشان آتمده و تعیین مسافده نفرات ایچونده ملکه، ملکه، ملکه.. بشقه شیلر و سوسلی و سوسلی تعلیملر هیچ لزوم یوقدر.

آغستوسک آلتیجی کونی بر حریمز وقوعبولدی. چونکه دشمنه بورون بورونه قارشولقی اوطور مقده اولدیغمزی صره سی کلدکجه کراراً یازمشیدق. دشمنک قوماندانی، عموم آروپایه قارشو روسیه اردوسنک ناموس عسکر یسنه تعلق ایدن موفقیتسزلیکی اوزرینه دولتدن آلدینی و صایا سببیه بزدن ظهور ایتسینی بکلدیکی فرصتی بوله مدیغدن تجربه طالع قیلندن اولق اوزره بر کره بزلی چاریمغه قرار ویرمشدر. اردومزک مرکزی آلاجه طاغک وسطی حکمنده بولان بر سطح مائل اوزرنده اولدینی اونودلمسون؛ صاغ جناحز آتی خرابه سنه متصل اولان ناخرجی تپه سنده، صول جناحز یخیلر [*] جهتده واقع ویزین کونی تپه سنده در.

روسیه ایش ارلرینک عموماً غایت حیلر کار و فوق العاده دیسیسه شعار اولدقلری ده خاطر دن چیقارلمسون. مرکز انتشاری ینه روس اردوسی اولق اوزره بزم اردوده هان هر کون بر حوادث شایع اولیور ایدی. بونلرک آلت انتشاری ده بزم کویلولریمز بیه دشمنک جاسوسلریدر. بر آراق بزم عسکر بینده شایع اولوردیکه روسیه نك قوتی یوقدر. قارشوده کوزله کوریلان چادرلرک اکثریسی بوشمش، بعضیسنک ایچنده ده اوچ درت نفر آنجق بولنور

[*] اشبو یخیلر قارصک ایکی بچق، اوچ ساعت قدر اوکنده ایریلی، اوققلی ایکی تپه در. برینسک اسمنه بیوک، اوتکینه کچوک یحی دیرل.

دشمنک بزلی دامه
دشمنک ایچون
یتدیکی دیسیسه لر

ایمش؛ اردوسنك مجموع قوتی طوپی طوپی اون آلتی طاہورلق بر فرقه‌دن عبارت ایمش. طوپلری آز و بوزوق، باروتلری ده لہلی باروت فابریقه جیلرینك خیانتدن ناشی بتون کور چقیور ایمش؛ سوارسی ایسه کوردیکمز درت بچق دیرتی ملیس عسکرینه منحصر ایمش. بر تعرض و هجوم ایداسه بتون اردوسی ضبط اولنورمش؛ لکن نه چاره که بزم قوماندانك قورقالمغندن ناشی هجوم اولنه میورمش. بویله بوش بوشه بکله مکدن نه چیقاجق؛ قورققلق سببیه اوقدر بکنیله جك که عاقبت دشمنك امدادی کله جك. بزم آلتیزی اوستیزی چورده جك کبی اوہام و شایعه لرله عسکریمزك قلمبلرنده کی متانته و قوماندانلری حقتده کی امنیته طوقورلر ایدی که بونك ضمتنده کی معنوی قزائج روسلر ایچون پك بیوک اولدیغه شہہ وارمیدر! بوسوزلر دکل نفراتك، اکثر ضابطانمزك بیله بر لرلرله اجتماعلری هنکامنده مدار افتتاح کلامی اولور ایدی.

ینہ دشمنك اشاعتی جله سندن اولق اوزره بر آوچ قوتیه روس اردوسی دوز اووده آرسلانلر کبی صالنه صالنه یوریور و بلا پروا آچقده اوطوریور، زہ میدان اوقیور. ترک اردوسی ایسه کثرت قوتیه برابر منع الوصول تپلری اختیار ایدرک قورقوسندن کوستبک کبی ظور اقلره کومیولیور [*]. الحاصل بزم عسکرک قاننه و حیثیته تعلق ایدہ جك و انکسار قلوبی مؤدی اولہ جق و بلکده اطاعت طوقه جق صورتده انتشاریدن ار جوفنك حدونہ یاتی یوق ایدی. باش قوماندان بوسوزلری ایشیدرک مضطر و مضطرب اولور ایسده حقیقی کیمه آکلاتسون، دردینی هانکیسنه بیلدرسون؛ چونکه دشمنك اساساً قوتی معلوم اولدینی کبی موقعمزك یوکسکلکی ایجاچه دشمنك کافہ حرکات و سکناتی ده کوز اوکنده در. خصوصیه هر کونك برقچ ساعتی مختار باشا دورین اوزرنده کچیریور، دشمنك طاہورلری. طوپلری اراضینك عارضہ لی اولیان یرلرنده صایله بیله جك درجده کوریور ایدی. دشمنك اوزریمزه تجاوزینه مانع اولان حال ایسه موقعمزك مناعتہ منضم اولان سپرلرمن و خندقلرمنك وجودی اولدیغنده شہہ می واردر؛ بونك ایچون او بزی کندی اوزرینه چکوب اووهلق اراضیده برایش بحرملک عزمنه دوشدی و شایعاتک انواعی صالیوردی ایسده بری طرفده استماع ایدن اولدیغندن املنه موفق

[*] بزم عسکر، نو برکجه اولسون اقامت ایدہ چکی یرده خط حرجی تعین و ایجاب ایدن خندقلری قازمق ایله معناد ایدیلر.

اوله مدی. مراجعت ایتدیکی وسائط عیدیه دیسه بازی ایله اغفال ایدمه دیکی کبی نهایت کنیدی بر تعرض اجراسنه قرار ویردی؛ فقط چیقماز بریوله دوشلما ماک اوزره ایتدیکی هجوم حرکتده پکده صورت جدیت کوستر ماسنه باقیلور اینه واقع اولان تعرضی تجربه طالع قیلندن اولسه کر کدر، تعرضک تفصیلی شو ووجهله در: او کون صباحلین طالع شمس ایله برابر دشمن کدکارده کی چادرلری ییقبوب کدکار وپالدیروان وپرکید اردو کاهلرندن قرق سکیز طابور پیاده و سکیز طوپلو اون درت بطاریه طوپ واون آلائی سواری ایله خط حربمز جبهه سنک هر طرفدن قول قول ایلروله مکده اولدینی کورولدیکندن درحال عموم اردو من وضعیت حربیه سنی آلدی. ترتیبات ایجابیه اجرا قلندی. صباحلین ساعت اون ایکیه طوغری صاغ جناحزدن ایلرولمکده اولان دشمن «ناخرچی» ته سنک طوپ منزله کادیکندن قارشولقلی کولله لر تعاطی اولغنه باشلادی. وزین کویی ته سنده بولان صول جناحزده کی حسین حامی پاشا فرقه سنه دخی، یخنیلر ته سنه طوغری کلکده اولان دشمنه مقابل ایلروله مسی امری تلغرافله ویرلدی. دشمنک یخنیلر ته سنه حقیقی بر تجاوز عزمنده اولدینی کورولدیکندن نفس قارصدن دخی یدی سکیز طابور پیاده، مقدار کافی بطاریه امر تلغرافی ایله چیقارتدیرلینی کبی آلاجه طاغ مرکزندن دخی آلتی طابور پیاده ولزومی قدر بطاریه ایله فریق حاجی راشد پاشا، حسین حامی پاشانک وقارصدن چیقان عسکرک معاونته قوشدیرلدی. اردو منک صول جناحی سواریسی دخی میرلوا ادهم پاشا قومانداسیله کوندرلدی. حرب کرمی تام بولدی.

اردو مزده ینه
برخاربه و قوعی

او صره ده دشمن یخنیلر ته سنی طومق اوزره بشقه یولدن برهجومه بدأ ایتدی، بز میکیلرده اوراده آتشله مقابله ده قصور ایتدیلر. نهایت سواریمز یخنیلر ته سنه هجوم ایتمکده بولان دشمن سواریسنه مقابل کلدی، بز میکیلرک آتشنده کی شدتک تأثیریه دشمن سواریسی اورادن رجعت ایتدی. ساعت یدی به کلدی، پیاده آوجیلر مزه قارشو آتش ایتمکده بولان دشمنک پیاده آوجیلری ده رجعته باشلادی. آنک اوزرینه اردو منک مرکزندن میرلوا شوکت پاشا دشمنک مرکزینه ویحی جهتدن رجعت ایتمکده بولسانلرک خط رجعته طوغری چیقاردلدی. حاجی راشد پاشا دشمنی تعقیبه ابتدار ایتدیکی کبی صاغ جناحزده بولان عموم سواری قوماندانی فریق کدک علی پاشا وغازی شمویل محمد پاشا دخی صول طرفزدن رجعت ایتمکده بولان دشمن اوزرینه سوق اولندیلر.

بو قدر قوتله کوله، وقور شونك تصيقي آلتده اقسام اوستی ساعت اون بره قدر تعقیب اولدقدن صکره ویریلان امر اوزرینه بزم معقین یرلی یرنده طور دیرلدی. بعده هرکسک اسکی یرینه کلسی امری کوندرلدی. بووقعده دخی پیاده وسواریمزك وخصوصیه طوپوچیلر مزك همت وغیرتی منکر دکادر. الله راضی اولسون، پک بیوک همت ایتدیلر. حربك صورت وقوعی عظیم بر میدان محاربه سی حکمنده اولدیغدن الله ایچون جمله سی ابراز آثار مردانکی وشجاعت ایلدیلر، وار اولسونلر.

بو محاربه ده بزم یوز قدر ضایعات عسکریه مز اولدینی کبی دشمنك دخی یوز قدر تلفاتك میدانده قالدینی کورولمشدر؛ لکن میدان حربده مقتول نغشی براقامقانی اك زیاده التزام ایدن دشمنمزك میدانده یوز قدر مقتول جشمی براقسنه وساعت یدی دن اونره قدر درت ساعت عسکر مزك وطوپلر مزك آتشی آلتده رجعت ایتش بولنسنه نظراً مقدار ضایعات عسکریه سنك بیك، بیك ایکویز راده سنه وارده جغنده اهل نظر ووقوف توقف ایتمز.

دشمنك بوحربی اختیار ایتسنك بعض سبیلری یوقاریده ذکر اولدینی کبی، بر سابی دخی یخیلر تپهنده عسکر مز اولماق جهتیله اوراسنی طوتوب سپرلر قزوب بزمه قرضك آراسنه من جهة حیوانات ایتك، وکلی بر هجوم ایتکمزین، مجرد طوتوبنی موقع قوی وحکمی ایجابجه خط مواصله مز تهیدایدرك اردو مزی آلاجه طاغدن کری چکدریمك مقصدی ایدی؛ الحمد لله والته موفق اوله مدی.

غریبه—روسیه حدودینك بر ساعت قدر بری طرفده مظفر آ اردو سنی قورمش اولان عسکر مزك بو موفقیتانی، انکلتزه دولته اخبار واقعات حریه ایتك مأموریتیه ایچمزه بولنان جنرال کامبل، ینه خصمنمزك بر حیه سنه عطف ایدرك بردرلو اینانه مز ایدی. آوروپالیر، ترکاری نظر لرنده او قدر چور و تمشدر درکه، صحیحاً غالب اولدیغمزى آلامق ایچون بوجنرال بعدالحرپ آتیه ینه ريك بالذات میدان حربی کنیز و طرفینك مقتول ویا مجروح لرینی کوزیله کورورده دولته اکا کوزه فورنال ویرایدی. وقوعبولان رجعتلر روسیه نك بر حیه سندن نشأت ایتکده اولمق مایه سیله، بر دقیقه سیله احتیاطلر بولمقلنك پک بیوک مخاطره یی موجب اوله جفی مطالعه سنه صابلاشمش و میخلائمش اولان انگلیز قفسانی یرندن قلمده ماز ایدی. ایشته بوجنرالکده حسانی بویله. بزم اردوده کی ساده دلانک ده فکری، الآن

روسیه اردوسنك بزه مقاومت ایدہ جاك اقتدارى جائز اولدیغندہ در. آرتق اردونك باش قوماندانی اوجنی، اورتہ سنی بولسون دہ یاغہ، بالہ ویرسون.

واقعا احتیاطکارانہ طوراً تمق بر عاقلہ کورہ الہ الزمشی ایسہ دہ جنرال حضر تارینك احتیاطی بزه سوء نظردن تولدایدن احتیاطلردن ایدی؛ ویا خود یالان، دولانلرلہ مرکزى آوومق و آلداتمقدہ بولنان کارگذاران مشاہیرر جانلرک بوار دودہ دخی موجود اولدیغنی ظن ایتکدن ایلری کلیور ایدی. صکر دلری تصحیح ذهاب ایتدی یا!

دشمن نہ ایچون
تعیب اولنہ، یور

دشمنك بالادہ یازیلان رجعتی اوقویان اخلاف. (رجعت ایتکدہ وعادتا قاحقدہ بولنان دشمن اردوسنك آرقہ سندن سواری هجوم ایدوبدہ نیچون محو ایتدی؛ و پیادہ لرمز دشمنك رجعتی اثناسندہ اللہ اللہ! صداسیلہ سونکو طاورانش اولدینی حالہ قوشہرق دشمنك بوزغون عسکرینی شیشلیوب نہ سبلہ خاک ایلہ یکسان ایتدی؛) کبی خاطرہ لرلہ احتمالکہ عسکرک ویا خود قوماندانلرک ہمتسز لیکنہ قائل اولہ بیلورلر. بو محاربہ دہ قارصدن چیقمش اولان طابورلردن بریسنك بیکباشی بروسہ لی احمد جلال افندی یہ منسوب بر فقرہ وارد؛ آتی یازار ایسم اولدقجہ او خاطرہ ازالہ ایدلمش اولور ظنندیم.

فقرہ لطیفہ

احمد جلال افندی طابوریلہ قارصدہ او طور و رایکن قارص علماسندن بریسی بیکباشی افندی ایلہ حقوق و مناسبت پیدا ایدرک یانہ کیدرکلیر و دائماً طابورک ضابطانی حربہ ثبات و شجاعت اظهارینہ تشویق ایلہ وعظ ایدرو برکون حربہ کیتدی ککزدہ نی دہ برابر آلیکز دیہ ضابطاندن بعض محبانہ توصیه ایدرایمش.

الطیفہ

وقتا کہ ۶ اغستوس سنہ ۹۳ محاربہ سی وقوعبولور، جلال افندی دہ طابوریلہ محاربہ یہ مأموراً یولہ چیقار، خواجہ افندی بی دہ برابرینہ آلیر. خواجہ افندی قول نضامنندہ یوریمکدہ اولان طابورک اوکندہ کیتکدہ بولنان بیکباشی افندی صاغ یانہ کچہرک صوت بلند ایلہ عسکرہ خطاباً: « هایدی قوزیلرم، یورندی دین قرداشلارم. جنت قپولری آچیلدی، حوریلر بزه منتظر در، ارواح شہدا استقبالمزہ چیقہ جق، ملائکہ کرام سلامہ دیزلمش لر » کبی تشویق آمیز سوزلری آرتق، آراق تکرار ایدرک موقع حربہ یاناشیرلر. دشمن طرفندن آتیلان کولہ لر بر صدای دہشت افزا ایلہ ضابورک اوزرندن کچمکہ و بعضاً دہ ایچنہ دوشمکہ باشلانچہ بیکباشی افندی طاבורی آچار، عسکرى آوہ یایار، ایلری قومانداسیلہ یوریدیر، خواجہ

افندینک ایسه نفسی قیصیلر ق سسی کسیلور ، یواش یواش کیری یه طوغری
آیاق سوریمکه باشلار ، اولوقت احمد جلال افندی : [خواجه افندی ، خواجه
افندی ! ایشته باق موسقوف دای جنتک قپوسنه ایکوز قطع طوب دیزمش
وار ایسه ایلری یه بیوریکز] دیدیکنده ؛ نه کزر ، اوصرده خواجه افندینک
قورقوسندن دوداقلری قوریمش اولدینی کورده رک انصاف ایدرده بیچاره خواجه
افندی یه کریده تهلکسز بریردن محاربه یی سیر ایتک اوزره اذن ویرر ؛ اندن
صکرده بردها خواجه افندیدن (جنت قپوسی آچقدر) سوزی ایشیدمز اولور.

ایشته جلال افندینک دیدیکی کبی موسقوف دای آدمی کیفنه براقیورمی که
تعلیم میدانلرنده اولدینی کبی پیاده و سواری یی دشمن علیمه الله غلغله سیله
هجوم ایتدیرم قباق طوغرار کبی بتون اردوسنی کسوب بیچم ؛ زرده ؛ حریف
بزی سربسته یورومکه براقیورمی !

کورشمکه اولان ایکی پهلوانه سیر ایدنلردن بریسی طرفدار اولدینی پهلوانه
خطاباً : پهلوان ! ائی آل ائی ، دیه برتعریفده بولمش ؛ مخاطب بولنان پهلوانده
ألدن کلسه جانی آله جغم دیمش اولدینی کبی ، بزده دشمنمزك آرقه سی بزه
دوندیکی وقت نلریابه جغز اما ، یا آدمی کیفنه براقیورلرمی ! چونکه خصممز جدا
مغرور برعسکر دولتی اولدینی ایچون رجعتی اناسنده بیله نظامنی محافظه وقدمه
اصولیه رجعت ایدیور . طوبی جوق . مثلاً ایکی اوچ بطاریه طوبی رجعت ایدن
عسکرینک آرقه سندن بزه متوجهاً دیزیور ؛ بو طوبلری محافظه ایدجك قدر
برایکی طابور پیاده یی ده طوبلرک آرقه سنده آوجی هیئتنده یاتیریور ؛ [*] قصور
عسکری ، طوبلری ، مهماتی ، سوارسی کلیاً صاووشوب کیدیورلر .

ایشته دشمنك بوراده تعیه ایتدیکی طوبلرله طابورلر ، بزم معقین اوزرینه
شدله آتش ایتکه دوام ایدیورلر . عسکرمز پك زیاده حوقولدی کبی . هیچ
تلاش ایتمیرك شراپل دینیلان بشوز قورشونلی اومعهود بوسکالی بالای آتوب
بزم مهاجرلرک تایننده باطلاتیورلر . بزمکیرك کوزی ایسه بوندن زیاده جه
یلمش اولدیغندن نه قدر اولسه حساب وتائی ایدرک وسیر آلهرق یوریورلر .

[*] بزم رجعتلرده قوماندانك الله نظامی بوزلامش صاعلام ایکی طابور کچمزه عموم
اردوسنك انتظام رجعتی محافظه ایچون استخدام ایلون .

ای شمدی بیورک افندم! سونکو ایله پیاده یی، وقیلیچ ویا مزراق ایله سواری یی هجوم ایتدیردم! نه ممکن! اوله شیلر تعلیم کتابلارنده اوقونور، واپیلدینی دخی دیوارلرده کی رسم تابولریله تعلیم میدانلارنده کوریلور؛ فعلاً تطبیق واجرایه کلنجه ایش بشقه لشیور. اوراده تعرضده اولدینی کبی آوجی هیئتده یاتهرق واراضینک عارضه لرندن استفاده ایدرک اوصورتله یوروملیدر. اسلحه جدیده نك آتش پوسکوردیکی بوعصرده سپر آلمسزین طوبلیجه یورومک ممکن دکلدر. بواننده بزم طوبلر مزده یوکسک قوسله آتیلوب، قدمه نظامیله مدافعه ده بولنان دشمن عسکرینک اوستندن آشیریلهرق کولله لرینک رجعت ایدنلره یتشدرلمسسه سی اوانیوردی. مدافعینک صاغندن صولندن فرجه لر بولنهرق کریده کی صاوشانلره قورشونلر مزك تقریب ایدلمسی ایستلیوردی. یوقسه هرکس کوکسی کرده ك محمد صلوات آرش ایلری باقهلم، قوشار آدیم کیده له کلدیکی کبی، طبیعت حال آدمه (یاغمه یوق!) جوابی ویریور. دشمنک طوبلری بوصورتله ایش کوروب طورر ایکن یاریم ساعت کریده ینه بویه برقدمه تشکیل اوانیور. اولکی قدمه ده بولنانلر قورشون وبعضاده کولله لرینی آته آتهرجعت ایدوب تشکیل اولنش اولان ایکنجی قدمه یی بولوب کچیور. وهلم جراً ایش اولوب بیتور. بومحاربه نك کیجه سنی بز کال راحتله کچیردک. صاحبین خبرله برابر دشمن «صوباتان» جوارنده بولنان وایلری قرده غولمز حکمنده اولان طابوری باصمش. انلر بیننده سلاح استعمال اولنه طورسون، برقسیمی دخی براز ایلریله رک بزم مرکزده کی طوبلرک منزله قدر یاقلاشمش اولدیغندن ینه طوب و تفنک سسلریله هرطرفنزی بردهشت قاپلادی. عموم اردومن وضعیت حریبه سنی آلدی. پاتردی، کوتوردی بر ساعت قدر دوام ایتدی، برقاچ شهید و مجروح وقوغندن صکره دشمن چکیلوب کیتدی؛ بزمکیلرده یرلی یرینه عودت ایتدی.

یا کلشلقه بر
جغیف محاربه

مکر بوکورولتینک اصلی و سسیمی دشمن اوکیجه بزم اردونک کندیسینی باصه جنی وهمیله عسکرینی تابصباح حاضر اقد و سلاح آتنده بولندیرمش؛ برقسیمی دخی کیجه دن ایلری یه سوق ایتش ایمش. کیجه دن ایلر بیلانلرک برطاقی بزم قرده غولده کی طابورده چاتمش، بشقه جهتن کلانلرک دخی بزم طوبلرک آتشی ساحه سنه قدر صوقولمش اولدقلمش خبرله برابر تحقق ایدرک ایشک اوصورتله آتسه نتیجه ویردیکی صکره دن تحقق قلمشدر.

فقیر نفسہ عطف الہ سویلورم. دشمن قارشوسندہ بولنان بر اردو کاہدہ
چادر آلتندہ یاتیلور ایکن صباحہ قارشو عموم اردو بوروی و حاضر اول سلاح باشندہ بوریلر۔
باشنہ قومانداسیہ او یقودن او یاتمق کبی دہشتی برٹی تصور ایدم۔ برگرہ
باش قوماندانک یاندہ کی بوریزن، بوریسیلہ (عموم اردو) اشارتی چلمسیہ
فرقلہ، لوالر، آلایلر، طابورلرک بوریلری چالینان قوماندان بوریسنی ایشدکارینک
علامتی اولق اوزرہ ہپ بردن تکرار ایدیورلر۔ بری طرفدن (حاضر اول
سلاح باشندہ) نوطہ سیلہ سس ویرلدیکی کبی، فروعات بورولری آلدقاری امری
ینہ بر آغزندن جماعتلرینہ تبلیغہ قالمیشیورلر۔ بوحال کویا اردو کاہمز بر مصلا
ایشدہ فیض و فتوح رب مستعانی مراقب اولہرق سلاحلنی بلندہ، تفکی
اوموزندہ، چارینی آیاغندہ منتظر صباح الحیر ظفر اولان جماعت کبرای موحدینی،
مؤذنین حرب ووغا حکمنندہ بولنان بوریزنلر (حی علی الجہاد) و (موت الشہادۃ
خیر من نوم الحیات) صدای رقت افزاسیلہ اکتساب حیات ابدیہ دعوت ایدیورلر
خاطرہ سنی تولید ایدیور۔ بو خاطرہ نک وجودیلہ برابر بردہ فجر و قتندہ عالمی احاطہ
ایدن فیضی و روحانی بر سکونت ایچندہ یتمش، سکسان قدر بورونک بردن بردہ
انتشار ایدن و طاغلرہ، طاشلرہ عکسیلہ دہ ازدیاد بولان صداری۔ انساندہ محشرک
ہول و دہشتی قدر مؤثر و حیرتما برتائیر حاصل ایلور۔

ایشتہ بونک کبی تصورات خیالیہ نک وجودیلہ برابر بردہ، نہ اولورز ویا
نہ اولہ جغز؛ دیہ مصاحتک حانک و آتینسک مجہولیتی قورقوسی و محافظۃ حیات
قیدی و صباحہ قارمئی بولندیغمز طانک جگرلرہ کچق صغوق روز کارینک تأثیریلہ
حاصل اولان انفعالات نفسانیہ و وجودیہ، آدمی تیم تیم تیرہ تیور؛ دیشلرینی
دکرمن چاقاغی کبی چتر چتر بر برینہ چاندیور۔ بعضاً بوحال یاریم
ساعت، بر ساعت قدر دوام ایدیور۔ فقیر حرب آزما امرا و ضابطانک بعضلرینہ
بوتیرہ مکدن شکایت و سبیدن سؤال ایتدیکمدہ : آیشیرسکنز، کچر؛ برٹی
دکلدر دیدیلر اما محاربہ نک مبدل صلح اولدینی زمانہ قدر ایشک ایچندہ بولندم؛
آلشق ممکن اولہمدی کتدی والسلام۔

صباحہ قارشو ایدیلن محاربہ لرک جلمہ سندہ او حالی حس ایتدم ایدی۔
بک حرب برتائیر و عجاب برتائرد۔ حتی بعض آرقدا شرم دہدہ بوحالی کوریور
ایدم۔ تجربہ ایدنلرک عجمیلکی درجہ سنی تقدیر و تصدیق ایدرلر۔

ہرہ ایسہ برینہ صددہ کلہم : اردومن حالا تقایہ سنی و ذخایرینک اطراد حیحی راندہ پادشہ
۱۰ — باشمزہ کلانلر ارضومہ کیتیمی

و توالی و رودنی یولنه قویه مدی . واقعا بوسرده والی وکالتیه باراده سنیه
 ارضرومه بالا انتخاب کتیرلمش اولان طریزون دفتردارى حاجی عاکف افندینک
 مصلحت آشنا وحیت وغیرتیه ممتاز و معروف رجالدن اولدینی و ارضرومه
 وصولدن صکره اردولرک اولدقجه تأمین احتیاج ایلدیکی درکار ایسه دهه، مأمورین
 عسکریه ایله ملکیه بینده اوتهدنبری عسکرلک و باشی بوزوقلق کبی طرفینک
 عوام هوامنه مخصوص اولان بز، سز تعییرلرندن، دیمشسکز، دیرزکه، دیدیلرکه،
 دیدک که کبی دیدی قودیلردن ظاهر اوله رق بیسوکله تدر تأثیر ایدن افکار
 اختلافیه نک دفعیه اطراد مواردی تأمین ایتک و حلولی یاتلاشان تیش سیبیه
 اردونک محتاج اوله جنی شیلرک تدارکی مقدماتی حاجی عاکف افندی ایله بالاتفاق
 وجوده کتیرمک و نقلیاتجه تأسیس اصول ایتک مأموریتیه اردومزک ذکاوت و فطانتیه
 ممتاز اولان ارکانندن فریق حاجی راشدپاشا ارضرومه کوندرلدی . بوبابده مختارپاشا
 طرفندن مقام سرعسکری یه یازیلان ۱۰ آغستوس ۹۳ تاریخلی تلغرافنامه اردونک
 حال حاضرینی مصور اولسنه منی اوچ کون صکره وقوعه اوله جنق محاربه نک تفصیلاتی
 یازلقدن صکره اوتلغرافنامه ده دیگر بعض تلغرافلر ایله برابر درج اولنه جقدر .
 دشمن، ایش دینیه جک صورتده قارصه قارشى دها برشی یاپه مامش ؛ شمدی یه
 قدر مراجعت ایتدیکی وسائط و تدابیر تعرضیه نک جمله سی ده بقوته تعالی بوشه
 چیقوب اوزرمزه قطعی رهجومی ایسه ایتدیکی تجربه لر سببیه کوزه کسیدرمه مامشدر .
 لکن بواننده احتیاط کلی ایله مقابله ایتک اوزره بزدن بکلدیکی هجومی دخی کورده مدیکی
 کبی آرتق بزم اولدیغمز یرده مدافعه یه قطعاً قرار ویردیکمزه قانع اولدی وهیچ شبهه
 یوقدرکه بوسورتدن پکده ممنون قالدی . زیرا بریرده اوطوروب دشمنک بزه هجوم
 و تعرضی بکلیه جک ایسه ک آلتیزی اوستمزه کتیرمک کنديسنجه پک قولایدیر .
 قریم محاربه سی زماننده اولدینی کبی طوبلیجه برقوتله بزم آردهان و بایزیده کی
 کوچوک کوچوک قوتلرمزی آیری آیری بتردکدن صکره قارصک اوزرینه هجوم
 ایدی ویردی ؛ اورانک ایشنی ده محاصره ایله غایته ایردی ایدی . بودفعه ده ایشی
 اولیه یایمق تصویرینه دوشدی ؛ چونکه آردهانده کی قوتلرمزی ذاتاً اولجه بیتیرمش
 واوراده کی فرقه سنی بزم قارشومزه آله رق تقویه ایلشیدی .

کدکار محاربه سی
 مقدماتی

لکن قارص جهتنده اعلان حرب بدایتدنبری یایدینی مناوهرلرک هیچ بریسی
 امیدینه موافق صورتده نتیجه پذیر اوله مدیغنی و عکس تأثیرلر حاصل ایتدیکنی

کوردیکی کبی شمدی بایزیده کی قول اردومزی آردهان کبی محو ایدرک اوراده کی فرقه سنی دخی بزه مقابل اولان عسکر یله برلشدیروب آرقه دن بشقه فرقه لری کلکسین قفقاسیه اردوسنک موجودیله ایشی بیتیرمک عزمنه دوشدی. چونکه قوای کایه مجموعه سیله بزم اوزرمزه هجوم ایتسه بیله بایزیددن ارضرومه طوغری ایلر یلیدی کبی ارضرومی محافظه ایچون بزی نفیسز وپابوجسز ارضرومه قدر رجعت ایتدیرر ورجعتمز ائسانده کیم ییلور باشمزه نه بالار کتیر ایدی. دشمنک بوتصوده بولندی بی آغستوسنک اون ایکنجی کونی کدکار اردوسندن سکیز. اون طابور قدر عسکرینی قالدیروب آرپه چایندن ایچری کچیرمش اولمسیله ثابت اولدی.

حدوددن ایچری کچیردیکی عسکرک بایزیده کی دیرقو قازوف فرقه سینه ایکی ویا ایکی یچق کونده اصل اوله جنی درکار ایسه ده بزم اردوگاهدن اسماعیل پاشایه امداد کوندرسه سکیز کوندن اول یتیشه مز. زیرا اراضینک ویولرک حکمی اوله در. بولدیغمز اراضی هر نه قدر عارضه لی ایسه ده موقعمز غایت یوکسک اولدیقتن دشمنک کدکار اردوسندن آیردینی طابورلر آقشامه قدر مختار پاشانک سپائی دوربینک احاطه نظریه سندن عیب اوله مدی. آرتق او طابورلرک بالاقضا عودته امر ویرسه بیله یدی، سکیز ساعتدن اول دشمنک اردوگاهنه اصل اوله میه جق درجه ده اوزا قلاشدقلری کرکی کبی تحقق ایتدی.

دیمک که شمدی بز غایت مهم برزمان ایچنده بولنیورز. اگرچه ایکی، اوچ کون آرددن وقت کچر ایسه دشمن بایزیده کی مقصد واملنه نائل و هجوم آناطولی حرب اردومسی محو اولدوق ممالک عثمانیه. بتون آناطولی قسمی تانقره وادمیدره قدر پای اعدانک جولانکاهی اوله جقدر.

اوکون ایکنیدین صکره قوماندان پاشا حضرتلری ارکان حربیه رئیس حسن کاظم پاشا ایله حال اوزرینه مشاوره ایدوب دشمنک کدکرده کی بقیه اردوسی علیه تعرض ایتک قرارینی ویردیلر. تعرضک بوجه قرار اجرا و تعلیقنه تشبث ایدمک اوزره اردوده بولنان ارکان و امراک جلیله هرکسک وظیفه سنک وکوره جکی ایشک تعینی مقتضی ایسه ده، بوبابه ایکی درلو خاطریه مبنی مسئله نک برایی ساعت قدر تأخیری ایجاب آیلدی ایدی.

انک بریمی دشمن اردوسیله پک یقین اولدیغمز دن اردومزک حاضر لغه، قیامیه دشمنه ملال اولسنک آره برنده چوق برمدت قلاسون؛ زیرا بلکه اردونک ایچنده

دشمنك جاسوسى وار ايسه دشمنه خبر ايصال ايدلمسنه فرصت ويرلمش اولور؛ انكنجيسى مختار پاشانك چادري دشمن اردوكاندن كوزو كمكده وداىما تحت رصدده اوله جغدن غلبه لك برهيتك چادره كيروب چيتمسندن بلكه قوشقولانه رق متيقظ بولنور. الحاصل بلكه نلدى، كوش غروب ايتدى؛ تمام صولر قراردى، اوزاقدن كيمسه كيمسه يي كورده من بر حاله كلى؛ اندن صكره مختار پاشا فرقه ولوا قوماندانلريه سائر اقتضا ايدنلري جلب ايدرك چادرينك آرقه طرفنده كي طاشلق بريرده عقد مجلس آيلدى. بوكجه دشمنك كدكار اردوسنه تعرض ايتكل كمز اقتضا آيلديكندن جمله سنك اوسيله مبنى چاغيرلديغه وبعض وظائف عسكريه دائر مجمل و خلاصه اوله رق بر نطق ايراد ايتدكدن صكره هجومك صور اجرائيه سنج اولجه حاضر لاش اولان پلانك تطبيقاته كيريشلدى، هر كسك كوره چكي ايش تعيين اولدى.

شويله كه شمدى اوراده موجود اولانلر چادرلرينه عودت ايدوب براز زمان كچيرلدكدن صكره طابور قوماندانلري جلب اوله رق [بلكه صباحه قارشى بر حركت عسكريه اجرا ايديلير؛ طابورلرك لوازامتجه بر نقصان وار ايسه اكمل ايدلسون امرى ويرلمى؛ اندن صكره طوپچى وسوارى ضابطاننده حاضر بولنلري تنبيه اولملى، كيجه نك ساعت بشنده بورو چالقمسزين چاوشلر واسطه سيله عموم عسكر اويتودن قالديريلوب فشنكارى تقسيم اولملى، جبخانلر يوكلدلى، فقط مكارى بار كيرلرينك بوينده چنغراق فلان وار ايسه قوپارلمى، هيچ بر طرفده آتش ياقلماملى؛ هله عسكر يوله ديزلدكدن صكره سيغاره وچبوق ايجلمسنه رخصت ويرلماملى [*]. كيجه ساعت يدى بچغه وارد يغنده فلان لوا شو وضعيته، فلان يرد بولملى وفلان لوا، فلان يره واصل اولديغنده اوراده قاله رق صكره حالك ايجانه كوره شويله. بويله حركت ايتلى؛ سواريلر شوراده شو وضعيته بولتوب آله جقلى امره كوره حركت ايتلى؛ طوپلرك احتياطلى فلان يرد بولملى؛ سائر بطاريه لده كوستريلان موقعلرينه تعيين اولنان ساعتلرنده مواصلت ايدرك آتسه

[*] چونكه قديم محاربه سى ائاساننده مصطافى ظريف پاشا آناطولى اردوسى قوماندانى ايكن دشمن اردوسى فنارلر ياقه رق باصقنه كيتش و عسكر مرك وصولدن اول دشمنك بزم عسكره متوجهاً كلكده اولدينى صباحه قارشى كوربلرك حربه طوتوشلش ايسه ده بزمكدر محاربه نى غيب آتش ويوك برضايعاته اوغرامش اولدقلى مشهور ايدى. اوغاربته نك اسى ده كدكلر محاربه سيدر.

باشلامیدرلر، ديه كرك شفاهاً وكرك خريطه اوزرندن آیری آیری هر كسك درسی ویرلدى .

صكره قوماندان حضرتلری : بكا بر متعرض لوا لازمدر كه دشمن اردوسنك استادكاهى اولان قزل تپهيه هجوم ايتسون ، بولوا كوكلی برلوا اوله جقدر ديه حضاره بر خطاب عمومیده بولندی و اطرافنه باقتدی . دردنجی اردونك بشنجی «وان» ردیف آلاينك میر آلايی آردهانده امیر اوغلی طابیه سنك مدافعی بولان قبودان محمد بك اوراده لوا قوماندانلی صفیله داخل مجلس اولمش بولدیغندن جمله دن اول سوزه باشلیه رق ، اك ایلری کیده جك متعرض لوانك ، کندينك قوماندا ايتكمده اولدینی لوا اولمسی رجا ایلدی . چونكه بيك ایکی یوز سكسان اوچ تار یخنده کړیده وقوع بولمش اولان محارباتده بو محمد بك قورققدیر کچی شایع اولان برسوء شهرتی ، مختار پاشانك ذهننی اشغال ایتكمده اولدیغنی محمد بك بیلدیکندن دیدیکه : یارین بن لوامله تعرض ایدم جکم ؛ یا موفق اولوب مكافاتاً ترفیع رتبه ایدرلک بالفعل میرلوا اوله جقم و یا خود نظر کزك اوزرمده کورمکده اولدیغنی لکدی قائمه تمیز لیه جکم . احصا لله ایتسون ، موفق اوله مندیغ حالده صاغ اوله رق عودت ایتك نیم ایچون دکلدیر ... بوسوزی غایت مؤثر وجدی برطور ایله سولدیکندن ایشه قرار ویرلرک فاتحه سی چکلدی . محمد بك ، ارضرومه کیدن حاجی راشد پاشا فرقه سنك ایکنجی لواسی اولدیغندن برنجی لوا هاشم پاشا دخی محمد بك لواسنك احتیاطی ، و بوا یکی لویه ده سواری فریقی کدك علی پاشا وكالة فرقه قوماندانی تعیین اولندی .

شمدی یالکز برجهت قالدی ، اوده بو طرفدن کدکلر اردوسنه تعرض اولنور وان شاء الله موفقیت حاصل اولور ایسه ده دشمنك قره یال و پالدیروان جهتنده بولان و تقریباً کدکلره اون کیلومتره قدر مسافه ده اولان اردوسنی اشغال ایدوب کدکلره کتیر تمامک ایچون وزین کوی تپه سنده کی حسین حامی پاشا مأمور ایلدی . حسین حامی پاشانك یری ، مختار پاشانك اقامت ایتدیکی مرکزده ایکی اوچ ساعت قدر اوزاق اولدیغندن ، بالذات چاغیرلمسندن صرف نظره تلغرافله امر ویرلدى که : « یارین خبرله برابر دشمنك کدکلر اردوسنه تعرض ایدم جکز ؛ سز بویکجه فرقه کزی حرکت ایتدیرمدرک یخیلر جبلنك بریکی یوزنده صباحی بولکز و صباحلین حالک ایجابنه کوره طاورانه رق هر حالده اردومزک صولی دشمنك قره یال اردوسنده کی قوتنك تعرضندن عافیه ایدیکیز » .

حسین حامی پاشاده جواباً بر تلغراف چکدرک دیرکه : (جاسوسلرک کتیردیکی خبره نظرآ دشمن اقشامدن بنم اوکده کی « جاموش بوغان » کوانه طوغری کش ، بوکیجه نی اوراده کپوروب صبا حلین بنم فرقه مک اوزرینه هجوم ایده جگمش ؛ بوکیجه اولدیغم یردن بنم حرکت ایتدکلکم تهلکه لیدر .) مختار پاشا حضرتلری ده جواباً یازارکه : « بنم موقع یوکسک اولدیغندن اردوگاهمزا کاکثر جهتی کوزومک اوکنده در ؛ حتی سز کوره میور ایسنه کزده بن سزک اوککیزی کوریورم . جاموش کولنده کیسه یوقدر ، اشعار اول وجهله حرکت ایدیگز . » حسین حامی پاشا ینه جاسوسنک سوزینک صحیح اولدیغنی ومع مانیه امتثالاً للامر حرکت ایده جکنی بیلیردی . هره ایسه فریق پاشایه کوچ حال ایله خبر آکلادلی . اندن صکره قارص قوماندانی فریق احمد فاضل پاشایه ینه اوکیجه تلغرافله دینلیدیکه : « صباحه قارشو اردومزجه بعض حرکت حربه اجرایی متصوردر ؛ سز ، یدی طابور وایکی بطاریه طولله فجر ایله برابر قارصدن چقوب حسین حامی پاشانک فرقه سنک صولنی محافظه ایدرک دشمنک قره یال اردوگاهنه طوغری ایلرولیکز ، صکره استقبال ایده جک حاله عسکرانه حرکت ایدیگز ؛ مع مافیله دشمنله موقع تلاقیه وصول کزده ینه مخبرده ایدرز . »

شمدی دیمک که اردومز آرقه سنی آلاجه طاغه وصاغنی ، دولت علیه وروسیه اراضی سنک حدودی اولان آرپه چاینک صعب المرور دره سنه ویره رک اوجهته کی موقعک متانیله صاغ جناحنی تأمین ایتمش وصولنک تأمینده حسین حامی پاشا فرقه سی وانک صولنک محافظه سنه قارصدن چقه جق اولان احمد فاضل پاشا مأمور ایدلشد .

ایشته تدابیر مذکور کیهنک ساعت ایکی بجق ، اوچنه قدر بایلدی ، بیتدی ، آرتق بزده صباحک کوستره جکی آفتابک موافق بخت وطالع اوله رق طلوع ایتسی دطاسنه باشلادق ؛ نه مناسبت اویقومی کلور !

الحاصل ساعت بش اولدی ، هر آلائی وطابور وظیفه سنی سسز و کورولتیسزجه اجرا ایدرک عسکر یوله دیزلدی . ساعت طقوزه طوغری قوماندان پاشا حضرتلری دخی آبدست آله رق بر قاچ رکعت نماز قیلدقن صکره سجده یه قبانهرق بارگاه قاضی الحاجاته تضرع و نیازلر ایتدکن صکره فقیری مرکزده براقرق ایجابنه کوره لازم کلن یرله امر ویرمک اقتضا ایدرسه ، کوندره جکی

خبر اوزرینه تلغرافلر چکسکلکمی و مرکزده کی آلات وادوات تبلیغیه واجراییه ایله کوندره چکی اوامری انفاذ ایتمککلکمی امر ایدرک آتیه بئیدیکی سردهده خبر ظهور ایتمکده ایدی که، فرقه متعرضه نیک پیشداری بولان سواریلرده دشمنک ایلری قره غوللرینه چاشمش و آتش باشلامش ایدی .

الک اول هجوم اولنه جق نقطه، دشمنک کدکلمه کی اردوسنک استنادگاهنی محاربه نیک صورت اولان قزل تپه نامنده کی براوفاجق طاغدر . دشمنک اردوسی بوتپه نیک آرقه وقوی ویان جهتلرنده وایجابی حالنده چیقلمق اوزره یالکیز تپه نیک محافظ دائمیسی اولان عسکری یوقاریده و باقیسی آشاغیده کی اردو کهنده اولوب تپه نیک اوسته طیرمانقده بولان عسکرمن اوزرینه دشمن قره غوللری طرفدن آتش ایدیه طورسون؛ برطرفندن دشمن اردوسنده بورولر چالنیور؛ کورواتی، قیامت عیوقه چیتیوردی . حتی صکرده دن ایشیدلدی که دشمن اردوسنده دولتنک ضانی آلتده بقالار وسائر صایحیلر وارایش؛ کیجه نیک قراکخنده بردنبره بویله بر قیمت قویدیغی کوردکلی کی هرکس بلس قوماندان لوریس ملیقوفه توشه رق کال تلاش ایله نه یابه جقلرینی ، کندیلرینک واشیارلینک نردیه قونیله جقنی صورارلر . لوریس ملیقوفه : [به آدملر بن نه یابهیم! شمدی سزده جواب ویرمه که وقم یوقدر . عموم اردومن تهلکده یولنیور؛ سزده درت یحق روبه لاک مالکزی آریورسکیز دیه یاندن قوغمش ایش . (المهده علی الراوی) بونی حکایه دن مقصدم تعرض واقعت روس اردوسنه فوق العاده القای دهشت ایشمش اولدیغی بیاندن عبارتدر . چونکه انلر بزم اردودن برتعرض حرکتی امید ایتمککلی یوقاریده یازمش ایدی . امید وتصورك فوقنده ظهور ایدن کافه احوالک طبع بشره ایراث دهشت ایشمی تقاضای حکم خلقتدن دکیدر !

آشاغیده کی تپه ده بولان موقعلرینی محافظه ایتک اوزره تپه نیک برطرفندن ، بزمکیلر دخی اطمنان بخش هرقلب اولان الله الله ذکر رعب افشانیله دیگر طرفندن طیرمانقلری سردهده تپه نیک اوزرنده کی استحکامک آتش خطنده کی روسلرده ، اوکلرینه طوغری یعنی بزم عسکرک اوزرینه شدتی آتش ایتمکده وطرفینک طویلری دخی ، چونکه عسکرک وموتک وضعیتدن ناشی آتیلان تفنگلرک آتشی مختلف ومعوج بر خط نورانی تشکیل ایدوب صانکه قراقلق کیجهده آشاغیلی یوقاریلی ایکی کجکی دیزمش میلونلره آتش بوجککرینک قایناشقده اولدقلری مواقعی نشان آلهرق

کواله آتمقده ایدیلر. ایشته بودهشتلی منظره‌نی، سلاح باشنده ظهور ایده‌جک امره انتظاراً، متعرض لوامزك آرقه‌سند بکله‌مکده اولان احتیاط لوالرینک افرادی دخی سیرایدیورلر ایدی. یا آنلرك اوصرده هر برینك برباشقه فکر، برباشقه لسان ایله وقت سحرده بارکاه الوهیته قارشى معرض دعا ونیازده حزین حزین سزلملری و آتش ایچنده بولنان قرداشلرینک سلامتلى وفوز ونصرت کامله‌یه مظهریتلری تمثیاتبه کوستردکاری آنین واضطرابك درجه‌سنه الك قاتی قلیلیرك بیه یورکلری طیاماز ایدی. او ائناده افراد عسکریه‌مز ایچنده هان آغلامدق کیمسه یوق کبی ایدی. زیرا موسم یاز، وقت سحر، دشمن مقتدر، نتیجه مجهول؛ الحاصل دنیاده حسیات رقیقه‌یی تحریک ایده‌جک نه قدر اسباب وار ایسه آنلرك جمله‌سی او کیجه‌نك او ساعتده، اورا جقده اجتماع ایتیشیدی. فضولینك مشهور شو مصرعی بوراده حسب‌حاله پك موافق کایور:

درد چوق، همدرد یوق، دشمن قوی، طالع زبون

هر نه ایسه بومدهش حال و آجیلی، طاتیلی منظره بر ویا بریحق ساعت قدر سورمدی، عسکر مز مظفراً تپه‌نك زروه‌سنه چیقدی. بوتپه‌نك زروه‌سنه ایلك ابتدا چیقان سواریلار، شیخ شمویل زاده فریق غازی محمد پاشانك طاغستان سواریلریله قارصك کرد عشیرتلرندن جادانلو، ذیلانلو، قسقانلو عشیرتلرینك آغلاری مقصود، احمد آغلر قومانداسیله ککش اولان دلاوراندرلر. دشمن عسکرى پاطر کوتر تپه‌نك اوبر یوزندن آشانی دوکیلور ایکن آرقه‌لرندن بزم عسکرک قورشونلریله ده دوکیلور ایدیلرکه، او وقت هنوز دها کونش طوغمامش ایدی. تپه‌نی مظفراً ضبط ایدن عسکرک الله الله! غلغلئ محموده‌سیله قاریشیق پادشاهم چوق یشا صدای بشارت اتماسی ایشیدن انسان، اسلام ایسه پولاددن بر قلبه مالک دخی اولسه کوزندن اشك شادی ومسرت آقیماسی محال ایدی.

آیه پك اعلا! شمدی ایش بیتدی دیوبده استراحته وارمیه‌لم، اصل ایشك بیوکی بوندن صکره کندیسینی کوستره‌جک. چونکه اويله عظمتلی بر دولت اردوسی بویه برهزیمتی یوتماز. نه قدر تلف اولورسه اولسون، عسکرک صرف اولنیدیغنه باقیه‌رق اکمال ناموس ایتدن طوراماز اولدینی اولجه دوشونلش، خصوصیه بر ساعت صکره قره یال اردوسنده کی عسکرینك کلوب چاته‌جفی داخل حساب بولمشدرد. بو جهته ضبط اولنان تپه‌ده بولنان عسکر مزك تقویه

و تحکیم ایدلمسنى متعاقب تپەنك اوبر جهتندن دشمنك هجوم قوللری یوریمکه باشلادی. دشمنك، ذکر اوانان تپەنك صاغ وصول جناحاری صاردق ایلری به طوغری یوریمی طبیعت ارض اقتضاسنجه ضروری اولسنه مبنی، بزم اردومن دخی مذکور تپهیی مرکز اتخاذ ایدرك قوللری تپەنك صاغنده. صوانده بوانان واوزاقدن دوز اووه شکلده کورینان عارضهلی بر زمینه طوغری صارقتیدی. بوصورتله تشکل ایدن برخط حربه دشمن هجوم ایدیور، و طرفینك آتشی شدتلندکجه شدتلیوردی. کونش چیتقدن بر ساعت صکره، تپەنك اوزرینه هجوم ایدن دشمن عسکری خیلدن خیلی تقرب ایتدیکی حالده بوسکوردلیدی. آنک اوزرینه وار قوتی طوپه ویردرك تپەنك قارشیننه تعیه ایتدیکی بطاریه لر ایله، ذاتاً اوقدر وسعتی اولمیان بو تپەنك ذروه سنی کوله ضربیه عادتاً نطس ایدلمش ترلا هیئتته صوقدی.

دوربینلرله باقیله رق کوریلور ایدی که، دشمنك قره یال اردوسندن فوج فوج چیقمقده اولان عسکری، آلزده محافظه سیله اوغراشدیغمز قزل تپهیه طوغری قره بلوت کبی کلور. آقشامدن حسین حامی پاشا فرقه سی ایلریله رك دشمنك بو اردوسندن کلنی ملحوظ اولان عسکرینی اشغاله و بزم متعرض فرقه مزك صوانی محافظه یه مأمور ایدی. صباح اولدی، حسین حامی پاشادن خبر یوق؛ کونش چیتقدی، حالا حسین حامی پاشا فرقه سی کوزو کمز. دشمن تقرب ایتمکده، و معاذ الله قزانش اولان بر حربی ضایع ایتمکدن قطع نظر، بتون بتون اردومزك محو اولسی حسابی ذهنلرده بیومکده ایدی. حسین حامی پاشانك سریعاً ایلریله سی ایچون قوماندان پاشا بربری آرقه سندن یاورلر قوشدیریور، قبلرده صبر سزلقله حسین حامی پاشانك عسکرینه انتظار ایدیور ایدی. او صرده کچن زمانك هر دقیقه سی تحیحاً بریولا اوزونتی و قورقونج برخلجانك تضییقی آلتنده قلدی. ساعت اوچه واردی. صیجاق کایاله عالمی احاطه ایتدی؛ حالا حسین حامی پاشا کوزو کمز. دشمنك اوزرمزه کلکده اولان عسکری دخی همان طوپ منزله یا فلاشمقده و آرتق بزمده مایوسیتمز یوز کوسترمکده ایکن، کلکده اولان دشمن عسکرینك بردنبره صاغنه طوغری تبدل استقامت ایتدیکی کورولدی. مکر ارض عارضهلی اولق سببیه، دشمن حسین حامی پاشا فرقه سنی کندی خط رجسته طوغری ایلریله مکده اولایغی بزدن اول کورمش و آکا کوره وجهه حرکتی تحویل ایتش ایش. چاریک ساعت سورمدی؛

منتظر اولان فرقه مركز دشمنه تقرب ايتديكى بزم موقعمزدن دخي كوزوكدي؛
آردن چوق وقت كچمكسزین آنلرده آتسه باشلادیلر.

شوحالد بزم حربله مشغول اولان عسكر مركز قره يالده كي دشمن اردوسندن
برقورقوسى قالمدي ايسه ده، قزل تپه يه مقابل بولنان دشمن عسكرى شدتلى
هجوملرني تكرار ايدوب طور مقده ایدی. مختار پاشا قزل تپه نك اوستنه چيقوب
اورادن عالمه باققده واقتضا ایدن يرلره ايجابي وجهله امرلر كوندرمكده ايكن
كنديسنيك اوک طرفه دوشمش اولان بردشمن كوله سي باطلا يه رق، پارچه سيه
حيواني بورنندن اورمش ويچاره حيوان ياره نك تأثيريله قيچ اوستنه
اوطوره رق برقاچ دفعه دخي فرل فرل دوشمش ايسه ده ينه كنديسني طوپلامش
ومشار اليه دخي استيفي بوزمقسزین ينه ايشنه دوام آيلشدر. بو صره ده بشقه
بركوله ده بزم برطوب قپاقليسنه تصادف ايمسيهله ايجنده كي جبخانه آتش آله رق
برقاچ عسكر مركز بادی شهادتي اولمشدر.

حسين حامی پاشايه كيدن ياورلر عودت ايتديلر. مكر مشاراليه فخرله برابر
عسكريني يوله قوميش ايسه ده، قزل تپه نك اوستنده باطلايان افواه ناريه ني
دشمن آتشي ظن ايدرك نره يه كيمده جكني عادتاً غيب ايدوب فرقه يي دوردرمش
ونتيجه حاله ويا بر امر آخره انتظار ايتكمده ايمش. قزل تپه نك اوستنده كي
آتشلرك بزم عسكرك آتشي اولديغني واو تپه نك طرفزدن ضبط ايدلمش بولنديغني
وشمدي كنديسي بولنديغني استقامتده ايلريه طوغري حركت ايدرك قره يالدين
كلكده اولان دشمنك خط رجعتي تهديد آيلسي لزومنك امر اولنديغني
ياورلردن ايشيدنجه، قوت قلب حاصل ايدرك يوريمش ايمش.

بوآننده قزل تپه نك اوستنده بولنان مختار پاشا، تپه نك صاغ جناخنده
حرب ايتكمده ودشمنك هجومي مدافعه آيلكمده اولان عسكر مركز، آتشك
شدتنه مقاومت ايدمه يه رك بوزيلوب كرى يه قاقچقه اولدقلىغني كورمسيهله تپه دن
آشاغى ايتهرك اورايه قوشدى. سواري اوچنچي آلايك مير آلاي عمر بكك
رفاقتنده كي سواري يي آوه يايه رق بوزغون عسكرى اولديغني يرده طومغه سعي
آيلديكني وفراريلرك ايسه موقع حربه اويله قولايلاقله عودت ايتكم
ايسته مدكلريني آكلامسي اوزرينه، بو فراريلرك اوستنه سواريمز طرفندن
آتش ايديله رك اورلمسني امر ايتمش واحتياطدن برآز پياده عسكرى جلب ايله
منكسر اولان خط حرب يوله قونلش و اوكلرنده كي دشمن اوزرينه هجوم

ایستدیریلرک بوسکورتدیرلمشدر . غیر بکک اوگونکی غیرت و اقدامی ویرامر
آلمسزین طبیعت مصلحتی آمرییلرک عسکری آوه یایوب فراریلرک مرورینه
ممانعت ایتسی قوماندان پاشانک موجب تحسینی اوله برق کککار عماریه سی سببیه
مکافاتاً ترفیع رتبه ایدنلرک بریمی دخی بو عمر بک اولمشدر .

کک قول تهدن وکک جناح لرندن بوسکوردیلان دشمنک اراتق بتون ،
بتون ییقیاوب کیشمش اولدینی ظن اولمسون . نظام هجومی تجید ایدرک ینه
اولکی وضعیتنی آپور وخط حرب مزه قدم ، بقدم آتش ایتکله برابر یاقلاشمغه
جالیشور ایدی . روسک مهاجم اولان عسکرینک آرقه سنه تعیه قلنمش اولان
طوب بطاریه لری دخی آردی آردی کسلمکسزین بزم مدافعینک و تعیردیکرله
بزم مهاجمینک اوزرلرینه کوز آچدیرمیه جق درجه د ، کواله یاغدیریور ایدی .
حضرت موفق الامورک احسان ایده جکی نتیجه نی اقتطاف ایتک اوزره طرفین
دخی متقابلاً ایشنه دوام ایده طورسون ؛ قره یال وکورک دره جهتدن کلان
دشمن فرقه کیره سی ، اوکلهدن صکره حسین حامی پاشا فرقه سنک صولنی آلمغه
وفن حرب اربانک دائماً قورقدینی وینه انلرک اصطلاحجه « آنفلات » تعیر
ایتدکلری یاندن آتش ایتکله باشلامشدر .

فرقه مز هم جبهه سندن و همده یاندن آتش ییه رک فناالشمغه یوز طوتدینی
صرده د ، احمد فاضل پاشا قومانداسیله صباحلین قارصدن حیقمش و موقع حربیه
متوجهاً یوریمکده بولنش اولان یدی طابوز پیاده نکرده راستی حسین حامی
پاشا فرقه سنک تمام صول جهته محازی کلرک مواصلتبریه برابر ایشه و آتسه
بدا ایلدیلر . حسین حامی پاشانک صولی تطهیر و اوجهتده کی تهلکه امداد واعانه
الهییه ایله ازاله اولندی .

دشمنک وضعیتنه و حالک ایجابنه کوره خط حربک بوی اوزادجه اوزادی .
تخصیصه قایلر ایه . همان خطک برباشندن دیکراوجی اون بش کیلو مترو طوانده
براراضی نی اشغال ایلدی .

اگر حسین حامی پاشانک فرقه سنی دشمن بوزد رق انلر مقامنه قائم اولسه
ایدی معاذ الله اوچ آی صکره اردونک باشه کله جک اولان قضا . اوچ آی اول
کلش بولنه جقدی . یالکز قارص ایله دکل ، قارص ایله برابر آرقه مزده بولنان
دارالمها مزله و ممالک عروسه نکره قطع سیله مواصله مز کسیه جکدی . یا بتون
بتون اسارنه دوشمک و یا خود طوبلری و مهماتری و کافه لوازماتری براقه رق

محاربه نکی نتیجه
سنه دائر مطالعه

آياغنه وقوتنه كوه نان عسكرمز دشمنك خط حربي ياردرق چيقمغه مجبور اوله جقمديك. بوقوتندده صكره خير مأمول اوله مز ایدی. چونكه كریده بشقه براحتیاط اردومز اولمديغدن بوعسكرك تنظيم اوله ندرق بتكرار برعسكرك شكلنه قونلنجيه قدر بتون آناتولى آلدن كيدر ایدی.

اما نتیجه بردكلی؛ كرك اوچ آی اول اولسون وكرك اوچ آی صكره ظهور ایتسون؛ بونده تلاش ایدجك نهوارد؛ خير اویله دكل، صكره کی اوچ آی نظرفنده غالبانه صورتده وقوعبولان مدافعه لرمز وخصوصیه كدكلر حربنك حاصل ایلدیكى نتیجه ايله خلقك « مدنی عالم » تعین ایتدكلى آروپا افكار عمومیه سنجه تركرك وارلنی ویرارلنی ثابت اولدی. هیئت متفرقه اسلامیه انچنده دیشه طوقه جق صورتده برترك دولتی، برمسلمان حكومتی موجود اولدیغی مغرور روسلرله برابر عالمده آكلادی. بونی افكار عمومیه قریم محاربه سندن صكره آكلامامشیدی؛... اولوقنده آكلامش ایدی؛ لکن قریم محاربه سندن صكره بتون آروپا دولتری (بر مصیبت بیک نصیحتدن ایدر) قول حكیمسی حكمنجه بزم اومصیبتدن عبرت آلمش اولمقلغمز لازمكه جكنه و آرتق تنظیم احوال اداره ایدجك سزه عقل و حكمت نقطه نظرندن باقرق حكم ایتمشلر ایدی. واقعا حریفلك اوانتظارینی بوشه چیقاردق اینهده عمومیتله آتیه جق درجده نفوس زانده دن اولمديغمزی ده اثبات ایتدك.

بو كاده، الله روحنی تقدیس ایتسون سلطان عبدالعزیز حضرتلری مرحومك ترقیات عسكریه مزى جداً آرزو ایتسی زمانى سرعسكرك حسین عونى پاشا، افكار عسكریه سنی تطبیق واجرایه مساعد بر میدان عد ایدرك اردولرك اولدجقه تنظیم احواله چالشمسی سبب اولمشدر. اشته بزم طقسان درت سنه هجریه سنده کی محاربه مز پادشاه مغفور مشارالیهك وحسین عونى پاشانك مآثر عصریه سی برکاتی اولمغله مشارالیهامای بورا جقمده خير ايله یاد ایدرز.

لکن معلومدر كه یالكیز تنظیمات عسكریه ايله ایش بیتمز. اك اول عدالت، امنیت، معارف؛ ایكنجی مرتبهده تجارت وزراعت کی امر ادارنك اقسام مهسه سنی تشکیل ایلان اركانك جمله سی، الان اولدینی کی، آياقار آلتنده یاتور ایدی. تنظیمات عسكریه مزك یولنه كیرمش اولدیغی ائاده دن مقصدم دخی بالنسبه ایلری كیتدیكنی اعتراف ایتكدر. یوقسه انك بیان اولنان اركان اصلیه شدت

تعاقدی درکار اولمسیله انلری خلک اهل و مذنتده براقوبده قوه عسکریه یالکزیجه اولهرق برباشنه اوج علای کاله ارتقا ایدمهز دی .

آئی یا ! شمدی طقسان دوت حربندن صکرده برعبرت آلمدقی؟! خیر!... فقیره قانور ایسه ذکر اولنان لوازم ضروریه اصلیه نک هیچ بریسنه التفات ایتدیکمز کبی عسکرلک بختده دخی تمتع ایتیه رک سرمایه دن بیه ییدک. بوکون ایسه (اون دوت سنه صکره دیمکدر) او عسکرلکده قلمدی؛ اوانتظام اداره . اوطاعت دخی محو اولدی .

ان شاء الله ابنای استقبالمز ، دولت عثمانیه ودها طوغریسی امت محمدیه نی کوکلرک آرزو ایتدیکی درجه عز و کلمده کورور وعصرمز تاریخک هر ورقی اوقورلرده بزم چکدیکمز کوکل اوزون تیلرینه جسورانه و بی قیدانه ؟ مقاومت ایتدیکمز دن طولایی لایق ایسه ک؟ رحمتله یاد ایدرلر . اوت سلطان عبدالعزیز حضرتلرینک روحی او جهندن تقدیس اولنسون تمیسنده بولنور ایسه کده واقف حقایق احوال اولان بعض قلوبک دخی پادشاه مشارالیه دن ایجنمش اولدیغنی کتم ایدمهز .

فقیر بوسر نوشتی مشغولیت رسمیه دن اختلاس وقت ایتدیکمز زمانلرمصرده اولدیغ حالده قارالادی ایدم . مصرده بولمقلغمک سبی ده ، رسی و دیپلوماسی تعبیرایله اشغال وحقیقیسی ایسه استیلا صورته مصره کیرمش اولان انکلیزلری سوزایله ؛ جیمارمق ایچون مشارایه مختارپاشا رذقیله مصره کیش اولان هیئتک ایچنده مأموراً بولنیور ایدم . بوجهتله مصر نه ایش و فصل اولمشده بوحاله کیش وعصر عزیزینک ، شوزمانده مصرک کوردیکمز حال اضمحلاننه درجه یه قدر تأیری اولمشدر ؟ بورالری لایقیه تدقیق وتحقیقه فرصت آویرمشیدی . بوبابده انتساب اولنان حقایق ؟ حالک مساعد اولدیغی درجه ده قلمه آلنه رق ذیل کتابه درج اولدیغندن بالخاصه نظر مطالعه دن امرار ایدیلور ایسه ، اووقته ، او عصرک رجال امورینه قارشو « تجاوزالله عن سیئاتهم » دانسی اوقومغه مع اتانسف مجبور اولورز .

کله ایجه وقتدینر آیرمش اولدیغمز صده : اوکله ایله ایکندی آرده کدی بخاریه و بخاریه کرمی تام قراندی ائنده ، همان همان اوج ساعت ملوانده کی برخط سبک انجمنه حرب اوزرنده طرفیندن آتیلان طوپک عددی ایکوزاللی ایله اوجیوز آرده سندده تخمین اولنیوردی . آرق قشک قورسون سسری آرملان ایکادیسی ائنده سوزی

سینک ویزیدیسی قیلندن قالوردی. بو آردلق بزدن آتیلان کوله لردن بعضیلری دشمنک برطوب قپاقلیسنک تکمیل حیواناتی تلف و محو ایتمش اولدیغندن، یوقاریده نام جیلینی الفاظ تقدیسسه ایله یادایتدیکم مجاهدین پرور، تابع سن پیغمبر، خواجه معروف ارزنجانی حضرت فهیمی افندی قدس الله سره. یاننده کی سواری و پیاده مریدلریله قوشه رق قپاقلی بی یقالایوب سور و کلتیرره رک اردومزه کتیرمشدر. واقعا اولیله بر اردوده قپاقلینک قزانیلوب غیب ایدلسنک ذکره بیله دکری یوقمه ده، بویله اوافق شیلرک عسکرک تعمیر قلبنه و تشجیعنه پک بیوک مداری اولدینی و محاربه نک قزانلیسی ایسه عسکرک ثبات قلبنک محصلوی بولندینی جهتله حضرت خواجه نک خدمت واقعه سی اهل واریابی نظرند پک قیمتمداردر.

الحاصل وقت ایکندی بی کچدی، غروبه ایکی ساعت قدر زمان قالدی. دشمن ده هجوملارینک تأثیر سنزو بلا فائده عسکرک تلف ایتدیرمکدن عبارت اولدینی آکلادی. آرتق هر طرفدن رجعت کلیه ایله رجعته باشلایوب اوزاقلاشدیجه اوزاقلاشدی. اللهه حمد اولسون؛ میدان حربده عسکر مزک یادیء غالبانه سنده قالدی.

شمدی دینه جک که: [نیچون سواریمز دشمنک آرقه سندن هجوم ایتدیریلوب ده قطعاً بر نتیجه احراز ایتدک واردوسنی تکمیل باتیرمدق؟] بالمناصبه یوقاریده دخی ذکر اولندینی وجهله ایشته بومکن اوله ماز ایدی. هله بوسلا حار زماننده هیچ قابل اجرا دکلدز. حتی دشمنمز دخی بزدن قزاندینی محاربه لرک هیچ بریسنده او روپانک و بزم اسکی محاربه تاریخلرنده اوقوندینی کی سواریسنی هجوم ایتدیروبده آنلرک قلیچ و مزر راغندن استفاده ایده مدی. روسلرک بودنعه کی رجعتی دخی قدمه اصولیه در. ساعت اونبره واردی. خط حربک هر جهندن آتش کسلدی؛ هر کس

مجر و حلیرنی طاشیمق و امواتی دفن ایتمکه مشغول اولدی. عسکر یوقلمه اولنهرق اولنلر و قالانلر آکلاشدی؛ خلقمز بر برینی تبریک ایتدی. نصل هر کس بر برینی تنیه ایتسون که قزانلار شی، روسیه دولتی کی ایکوز سنه دنبری تعذیات نامتناهی سیله قلوب اسلامیانیه اوکولماز یاردلر آچش بولان بر دولت معظمه دن جسیم و اهمیتلی بر میدان محاربه سیدر. بزم شهدا و مجروحینمزک مقداری بیک بشیوز نفر قدر اولدینی کی، دشمنک ضایعات عسکریه سی دخی آتی یدی بیک راده سنده تخمین اولندی. چونکه دشمنک نقل ایده میوبده میدانده براقیدینی و دنلریله بزم عسکری مشغول ایلدیکی امواتک مقداری بیک آتش درت نفردر. بوحاله کوره آتی، یدی بیک نفر ضایعات یازلسنی پک انصافی و احتیاطلی بر

مخمينك نتيجه سيدر. زيرا قول ته يي اُمزدن اَلْمَق اِيچون اوكون درت دفعه
آچيقدن غايت شدتلى هجوملار اجرا ايتدى؛ دردنده ضايعات كليہ ايله رجعت
ايدلى. بو سلاھلرک بودور ترقيسنده اويله آچيقدن بلا پروا هجوم ايدلمكدن
حاصل اوله جق خسارک درجه سنى تجربه ايدنلر بيلورلر.

بومحاربه ده متعرض لوانك قوماندانى بولنان قبودان محمد بلك احتياطي اولان
هائىم پاشا لوانسى حربه بدأ اولندقدن برايكى ساعت صكره ايشه و آتسه صوقولمى
ايجاب ايدرك اوكون بودلاورلرک چوق اقدام وغير تارى كورلدى ايدى. بوهائىم
پاشا قارصك محاصره سى ائناسنده ابراز ايتديكى متانت افكار وشجاعت طبعى
بومحاربه ده كوستردى. ديرسكنه بر قورشون اصابت ايدرك كميكنى قيرمش
اولمسيه بالطبع ايشدن چكلى ايدى. متعرض فرقه مزك قوماندانى اولان فرياق
كدك على پاشادخى باشندن بر كوله پارچه سيله بخروج اولدينى حالمه اقشام اوزرى
موقع حريدن عودت ايتدى. قبودان محمد بك ده كوكسندن قورشونله بخروج
اولش ايسه ده حمد اولسونكه ضياعنى موجب اوله جق درجه ده مؤثر دكل ايدى.
هائىم پاشا ايله كدك على پاشانك وجودلرندن حريك صوكنه يعنى زمان مصلحه يه
قدر استفاده اولنمى. حتى كدك على پاشانك، مجرد ضربه نك تضيقيله ينى
زده لشمش اولمى كه، براز صكره شعورينه دخى خلل كلديكى صكره دن تحقيق قلدى.
بومحاربه ده دشمنك دخى، اسملرى بزجه مجهول اولان خيلجه بيوك ضابطانى
تلف اولدينى كې سوارى قوماندانى جنرال « جاف جوازوف » ك دخى مجروحاً
وفات ايتديكى حربمرك وقوعندن ايكي كون صكره ايشيدلى.

محاربه ختام بولدقدن وغروب شمسدن صكره مختار پاشا قبودان محمد بكي
چادرينه چاغروب وقوعبولان مساعى واقدا منه مقابل تشكرو دوات نامه خيلجه
التفات رايمش، و حربه كيريشلرندن اول بازارلق ايدلديكى وجهله رتبه سنك ميرلوانغه
ترفيه اولنديقى بشير ائشدر. نه قدر مباحث افزا بر توجه، نه رتبه دكلرى بر مكافات!
قبودان محمد پاشا كوزلرندن اشك سرور وشادى آقيدهرق موقع حربه بولنان
عسكرينك باشى اوچنده بولمق اوزره كلديكى يره عودت ايتدى. [*]

[*] بعضاً قونوشوب كوريشديكمز سمرده قبودان دير ايديكه: قدمك وعمرمك مساعده سى
اولوبده آتيد ترفيع مراتب ايله مشير بيله اولسم، خدمت مقابلى اولارق مكافأة آلدېم شو

او کیجه صباحه قدر بحر و حینی طاشیق، بلکه صباحلین حرب استیاف اولنور احتیاطنه مبنی کوندوزدن تشارلانیان مواقعه عسکر قوناق و هرکسک یاپه جنی ایشلر تعریف ایدمک کبی مهمات امورایله اشتغال اولندی. صباح اولوبده دشمندن بر حرکت حس اولمادیکی کبی صورت عمومیهده اوزاقدن مشاهده اولنان حالی و خفیاً کلوب کیدن کویلرک اخباری، دشمنک زده لشم اولدیغنه دلالت ایدیور ایدی. حتی کمری قصبه سنده کی اهالی اورادن صاووشمغه قرار ویرمشلر ایش. شو حالده طبیعت مصلحت طرفزدن دشمن اردوسی اوزرینه بر تعرضکدها اجراسنه اجبار ایدیور ایدیسهده بزم اردونکده حالی برقاق جهته محل مطالعه ایدی.

چونکه محاربهده قوللاندیغمن آتیش آلتی قطعه قروپ طوپنک بهرینک یوز الیشر کولله صرف ایتدیکی و عمومیتله اون بیک عدد کولله نك اړکون آتیش اولدیغی بعد المعاینه ثابت اولدی. دشمنمزک طوپنک مقصداری بزم اضعاغ مضاعفمن درجهده اولدیغدن، انکده اوکون قرق الی بیک کولله صرف ایتسی لازم کله چکی محل تردد دکل ایدیسهده، دشمنک دوت آتلی مهمات اربهلری آرقه سنده و یاقیننده بولنان کمری قلعه سندن متصل مهمات حربیه سنی طاشیور؛ بزم مکاری بار کیرلیله اوکوزار اربهلرینک قارصدن بزه کلمسه ایکی کون زمان ایتسیور. هله ارضرومدن قارصه و طربزوندن ارضرومه کلمک ایچون بالطبع کجیریه چک کونلری و چکیله چک زحمتلری داخل حساب ایتیمه!

برده دشمنک اولدیغی یرده درحال استحکام یابوب مدافعه حاله کیرمسی اوزرینه تکرار بر تعرض اجراسی بیوک بیوک حسابلره سبب اولدی. خصوصیه محاربه کونی قزل تپه نك صاغ جناحنده کی عسکرمنزک بوزلوب فرار ایتسی، باش قوماندانک عسکرک اخلاقنه اولان امنیتیهده زده لمشدی. موفقیت حاصل اوله میوبده بر رجعت اقتضا ایتسه کیده کووه نیله چک بر قوه احتیاطیه من یوغیدی. الحاصل شوراسی حساب ایدلدی، بوراسی اولچلدی، ییچلدی؛ ایشک چیقیشدیر یله میه جنی آکلاشلدی. تعرضدن صرف نظر اوله ورق آلاجه طاعک اوستنده بولنان اردو کا همزک حرب ایتدی کمز میدانه.

لوالنک نشو سنی بوله میه جفمندن آمینم. عجباً بورته نك عنواتی الی آخر العمر بنده ابقا ایده چک بر یول دوشنه مزه میسکز؟ زیرا فریق و مشیر اولق قولایدر اما، بویه بزموقعه، بوضورتله برایشده بولنوبده، مکافات عاجله سنی احراز ایتک هر قوله نصیب اولور سعادتزدن دکدر...

ایندیرلمسی و دشمندن ضبط ایستدیکمز قزل تپه نك بزم ایچون بر نقطه مدافعه اتخاذ اولنسی لزومه قرار ویرلدی. تکمیل لوازماتز طاعدن اووده ایندیریلهرک اختیاراقت اولنوب، اردوده کی انسانلر ارضك سهواتندن و حیواناتی ده اوودنك بولجه اولان صویندن و اووتندن انتفاع ایتسیله اکتفا قلندی. زیرا او قدرطوبجی و سواری حیواناتی اوتلاقمق ایچون اردو ییوک براحتیاجك محکومی ایدی.

بومحاربه نك صورت و قوعی اخباراً مقام سرعسکری یه یازیلان و حرکات واقعه نك علویتی تقدیراً، مختار پاشایه خطاباً شرفوارد اولان تلغرافنامه هایونایله بالعموم وکلای فحام دولتن تبریکی حاوی کلان تلغرافنامه صورتلری ایشته شونلردر:

مقام جلیل سرعسکریه

بویکجه دشمنك کدکلر اردوسی باصیله رق مظفرانه برحرب عمومی ایدلمش و اسسی کدکلر محاربه سی تسمیه اولنمشدر. شویله که فریق حاجی راشد پاشا ایکی کون اول بر مأموریت مهمه ایله ارضرومه کوندرلمش اولسیله مشارالیهک فرقه سنه سواری فریق علی پاشا تعین اولنهرق، دشمن اردو سنه حواله سی بوانان واوزری استحکام ایله ترصین ایدلمش اولان قزل تپه یی کیجه دن هجوم ایله ضبط ایتمکه مأمور ایدلیدیکی کی. ناجی پاشا لواسیله فریق حسین حامی پاشا فرقه سی دخی صول جناحدن ایلری یه سوق اولنش؛ و فریق احمد فضل پاشا دخی مقدار کافی عسکرله قارصدن چیقاریلهرق یه صول جناحزك تقویه سنه مأمور ایدلمش ودرت ساعتك طولی اولان برخط حرب اوزرنده برقدمه تشکیل ایدلمشیدی. بوحرک عسکریه یه متعلق اولان ترتیبات آقشامدن اجرا اولنهرق کیجه ساعت بشده مستعیناً بتوفیق الله تعالی عساکر شاهانه هر طرفدن یوله قونسیله برنجی وضعیت آلمش و ساعت یدی بحقده اصل حرکت تعرضیه بدأ اولنهرق سکر بحقده دشمن قره غوللرینه چالیش و محاربه یه بدأ اولنمشدر. اوصرده مشارالیه علی پاشا فرقه سنده کی هاشم پاشا و میر آلائی محمد بک لوالری مذکور قزل تپه یه کمال شدتله هجوم ایدرک ساعت طفقوزده بلطفه تعالی مذکور تپه ضبط اولنش واورادن دشمن اردوسی بزم مریمات ایله دوگمکه باشلامشدر. بونك اوزرینه اورتلق آغزر آغزر دشمنك پلادیروان [*] اردو سنده کی عسکری قوه

[*] پلادیروان، قره بال، کورلدره هب برجوارده بولال موافقک اسسی اولدیغی ایچون بشقه یلرده کوریلهرک اسامی مختلفه ذهنلری تنلیط ایتسون.

کلیه موجوده سیله صول جناحزه و ضبط اولنان قزل تپیه تعرضه چیمش اولدیغدن محاربه کرمی تام بوله رق وصول جناحه مأمور اولان قرقه ولورمز ایلریه رک آقشام اوستی ساعت اونبره قدر محاربه امتداد ایتیش و قارص اووده سنک برباشندن دیکر باشنه قدر اوزایان برخط حربده طرفیندن ایکوزدن زیاده طوپ ایشله مکده اولدینی جهته مذکور اووه آتشلر ایچنده قلمش و قزل تپیه استرداد ایچون اوچ دفعه معدانه هجوملر ایتیش ایسهده هیچ برنده موفق اوله میه رق لله الحمد و الله نسیم فوز و نصرت اردومزه متوجه اوزان اولدینندن محاربه موقعلری کاملاً عساکر شاهانه یدنده قلمش و دشمن قوللرینک هربری بر طرفه چکیلوب کیتشدرد. ایشته شومیدان محاربه سنک شانلی و قانلی مظفریت عظمادان معدود اولدینی تبشیر ایدرم. بومحاربهده دشمنک طقوز چاپنده کولله ایله مملو برقاقلیسی و برطوب طوپارلاغی آلدینی کی اوچ قطعه قباقلیسی دخی طوتوشدیرلشدرد. برچوق اسلحه و سائر اغتنام اولنش ایسهده، عساکر معاونه نک و شونک بونک یدنده اولدینی جهته مقدار حقیقیسی مجهولدر. دشمنک میدان محاربهده قالان لاشلری هنوز تعداد و دفن اولنه مامش ایسهده، مجروح ایله مقتولنک اوچییک ایله درت بیک آره سنده [*] و بزم طرفک دخی تمامیه ژورناللری آله مامش ایسهده بیک ایکوز قدر شهید و مجروح و قوعی مأمولدر. بومحاربهده فریق علی پاشا برکولله پارچه سیله ضرر سزجه یاره لشمش و هاشم پاشا ایله ردیف بشنجی آلیک میر آلائی اولوب هجوم لواسنه قوماندایدن مومی ایله محمد بک دخی کوکسندن ضرر سزجه یاره لشمش و عاجز لرینک آلتنده کی اسب دخی اورولمشدرد. دهابرخیلی ذواتک شجاعت و جسارتلری و خدمتلری درکار ایسهده، غزیه ایله نشر اولنق اوزره ایلزوده عرض ایدرم. شمیدکی حالد مومی ایله محمد و سواری اوچنجی آلیک میر آلائی عمر بککک لوالق لرینی تمنی ایلرم. بومحاربهده دشمنک سواری قوماندانی فریق (جافجوازوف) قورشوندن متأثراً تلف اولمشدرد. ایشته محاربه مذکور دنک حازر اولدینی مظفریت محضا اثر لطف و توفیق جناب حق و امداد روحانیت حضرت رسول مطلق اولدینی و مقتضای طالع فرخنده مطالع شهریار معدلت آثار بولندینی شبهه سز اولغله تشکر ایدرم. بوکونک ولادت هایون یوم مسعودینه مصادف اولدینی جهته دردنجی اردویه منسوب بالجمله عساکر شاهانه قوللرینک ناچیزانه بویولده مرمیلی، قانلی اوله رق

[*] بکره دن دشمنک ضایعاتنک الی بیک ایله یدی بیک آره سنده اولدینی آکلاشدی.

اجرا ایلدکری شهر آینلرینک و بوبابده هدیهلرینک رهین حیز قبول اولسی
معروضدر . ۱۳ آغستوس سنه ۱۲۹۳ احمد مختار

تلغرافنامه همایون

مشیر بساک سیرم احمد مختار پاشا

کدکدر محاربه سنده ابراز ایتدیکنکز غالبیت کامله ایله تاریخ عسکریمزک صحایف مهمه سنی تزین ایلدیکنکز . نصب عینم اولان عسکریمزک بو محاربه ده دخی ابراز ایتدکری ثبات و متانت فوق العاده ایله عثمانلیق خصلته تمامیه مالک اولدقلرینی اثبات ایتدکری کبی میدان حربده دشمنک تدایر ماهرانه سه هر صورتله مقابله ایله برابر نتیجه محاربه بی شانلی و مظفریتلی اوله رق قزاملری عسکریمک انتظام تاملرینک برهان بدیدسی اولغله مظفریت واقعه عندمزده باعث کمال تقدیر و تحسین اولدیغندن هیئت دولت و ملتله هیئتکزه تشکر ایدرم . استحقاقلرینه شهادت ایتدیکنکز امرانک آنها کنز وجهله ترفیع رتبه لرینه مساعده ایتدم ؛ انشاء الله سائر امرا و ضابطان و افرادک نشان مظفریتلرینی کندی المله تعلیق ایتمه دخی موفق اولورم . محاربه حاضرده دعوامزک صدق و حقه شاهد اولان حضرت عادل مطلق عنایتی و جمله مزک عروة الوثقای حاجاتی بولسان حضرت رسول اکرم افندمزک امداد روحانیتیه بوندن بویه دخی عسکریمزک مظهر نصر مبین و حروب و غزواتده علم اسلامی حمایه ایله کامیین اولملری جناب ناصر حقیقیدن اخص مأمولدر . سلاح آرقداشلرکزه فرداً فرداً سلام ایدرم . حق تعالی نصرت بالغه صمدانیه سنی اوزرلریکزدن اکسیک ایتسون .

۱۴ آغستوس سنه ۱۲۹۳

احمد مختار پاشا حضرتلرینه

مابین هایون باش کتباتندن

ذات عالی آصفانه لرینه خطاباً شرفصدور اولان تلغرافنامه هایون جنساب
پادشاهی عیناً بالایه یازلمشدر . ۱۴ آغستوس سنه ۱۲۹۳ سعید

ایشته بو تلغرافنامه هایونی بز دخی بالایه چیقاروب آلت طرفنه « ای سلاح آرقداشلرم ! . . . خطابیه بدایدن و حربک صورت و قوعنی عسکرک جمله سه تعریف ایلان مفصل بر ذیل ایله بتون فرقه لره کوندردک . بو ذیلده عسکرک ثبات و متانتیه بیوک بیوک تشکرلر ایلدیکی کبی ، بو محاربه ده حسن خدمت ایدن ارکان

وامرانك اسملى ده او ذيله يازيله رق اعلان اولندى . انلرده شونلردر :

فريق كدك على پاشا

فريق احمد فاضل پاشا

ميرلوا هاشم پاشا

اركان حربيه رئيسى حسن كاظم پاشا

ميرلوا ناجى پاشا

مير آلاى محمد بك

مير آلاى عمر بك

مير آلاى حمدى بك

طاغستانلى غازى شمويل پاشا

چركس ميرلوا موسى پاشا

قول آغاسى طاغستانى محمد بك

ذيلانلى عشيرتى رئيسى احمد آغا

جمادانلوعشيرتى آغاسى مقصود آغا وغيرهم

هيئت وكلا نامه صدر اعظم حضرتلرندن تلغرافنامه ساي [۹]

كدكلر محاربه سنك تيجه مظفرانه سنه دائر تلغرافنامه مشيرلىرى كال ابتهاج
ومسار ايله قرائت اولندى . جناب حقه عون وتوفيق سبحانيه سى تدابير
صائبه ليه ياور وتوجهات مقدسه شيريارى برابر اولدينى حالده عساكر شاهانه
قرداشلر مركز مهاجات ديرانه لرى و دشمنك اردوسنك پريشان ايدلمسنة موفقيت
جليله لرى حقيقه آتون قلمله تاريخ عصره قيد اولنه جق مظفريات عظيمه دن
ودولت و ملتجه افتخار ايديله جك وقوعات مسعوده دن اولغله ذات دولتلىرى
وبالجملة امرا وضابطان ايله عسكر قرداشلر مركز همت وغيرت حيتمندانه لرى
تبريك وتسعيد ايلرز . ۱۴ اغستوس سنه ۱۲۹۳

تاريخ قطيسى تعيين ايدمه من ايسه مده ، بزم روسيه ايله وقوعه كلوب بيانى
صددنده اولديغى محاربه دن برازا ولجه اولمليدر ؛ عموم آوروپا دولتلىرى مرخصلرندن
مركب اوله رق (جنوره) ده انعقاد ايدن برقونغريه دولت عليه طرفندن دخى
مرخص كوندزلمشيدى . او قونغروده طرفين متخاصمينده مروت انسانيه يي اخلال
ايدمه جك شيارك محاربه ائثالرنده ممنوع اولملى لازمكه چكنه دائر ويريلان برطاقم
قرارلر مياننه ، خسته خانه لرى ، سلاحله و مرمياتك اقسام سائر سيله تعرض اولنماسى
ومجروحين ومقتولينك رعايت ومحفوظيت احوالى ودول نصارانك صليب احمر
ودولت عليه نك دخى هلال احمر اشارتيله چكه چكى سنجاق محاربه ليه بواشارتلىرى
حائز اولان افرادك دخى تحت امنيتده اولملى قرارى دخى ادخال ايدلمشيدى .
كنديسيله حرب ايتمكه مشغول اولديغى دشمن بويولده كى مقرر اتك هيچ

جنوره قونغروده سنه
والحكمه للغالبه متعلق
بعض مطالعات

برېښنه رعايت ايتمدي. قارصك محاصره سې انساننده مملكتي واستحكاماتي طوبه
طوتديني سرده خسته خانه لره دخي كواله آتديني كې كدكې محاربه سې كوني
حسين حامې پاشا فرقه سې مجروح لرينك، فرقه نك آرقه طرفده برېره جمع ايله
جراح لرك واطبانك سيلان ايدن دمې طور درمق وسائره كې مجبور اجراسي
اولدقلى عملیات اوليه يي اجرا ايدر لركن بونلرك اولدقلى محله هلال احمر
اشارتي حاوی لزومي قدر بياض بايراق چكيله رك اوراسنك محفوظيت وامنيت
آئنده بولنديرلمسي اقتضا ايده چكي اعلان اولنمش ايكن دشمن بواشارت لرك
اعلان ايلديكي امنيت قطعياً رعايت ايتيه رك اطبايې و مجروحيني و بونلرك خدمه سني
اوراده بارنديرهميه جق درجه ده كواله ياغدير مسيله برچوق مشكلات ويوركلر
طيانميه جق حالات احداث ايلديكندن خسته لرك اورادن قالديرلمسي اقتضا ايلدي
ايدى. لكن اوئانده اسباب نقليه مزك برچونى موقع حربه جبخانه وسائره
لوازمات يتشديرك ايشلر يله مشغول اولدقلى بومقصد بالضروره وقايه
اولنهميه رق او قدر عجزه وضعفا، حالك وسعته انتظاراً حرك صوكنه قدر
كونشك آئنده، كوله لر آئنده قالدى. آرق اوئانده اوراده نه آجقلى ضايعات
حصوله كلدى، اوراسي هيچ صورلمسون

ينه بو حرك فرداسي كون دشمنك صليب احمر اشارتيله كوندرديكي نفرات
حجراتك اوتمسند برېښنده قلمش اولان جنازه لرني طويلاديني سرده بزمده
اورالده قالان بعض شهدامزى قالديرمق اوزره هلال احمر اشارتيله چيقارديغمز
افراد اوزرينه ميدان حربه ناظر بولان طاشقلىر ايخه يرلشديردىكي عسكـر
قورشون ياغديره رق بزمكيلرك منعه قيام ايلدى. انك اوزرينه بزم عسكـر ده
مقابله طاورانديني كې ممانعت ايدنلر اولدقلى يردن دفع اولديلر. بزمكيلر ده
بالامانع ايشلرني كورديلر.

يوقا ريده بالمناسبه دينديكي وجهله هر زمانده جاري اولان (الحكم للغالب)
قاعدۀ طبيعيه سني بوزمق ايخون بشقه برقانون وبرقاعده وضع ايتك، انسانلرك
يد اقتدارنده اولان قضايادن دكلدر. قونغره نك مقرراتنه قارشو روسيه نك مخالفتـه
ميدان ويرميه جك واوقرارك حكمنى انفاذ ايله جك اولان قوت هانكي قوتدر؟!
قراردوقي اجرا ايتديرك ايخون دولتلر هپ بردن طويلانوبده دولت مخالفيني
اقوال وعمليات تهديد ايله دائره مطلوبه يمي ارجاع ايده جكلر؟ نه كزر،
استغفرالله العظيم! بومثلو قونغره لردن، قونغره نك صادر اولمش نتيجه قرارلر

همده بويله انسانيتهد دكل ؛ دنيا نك استراحتنه ، امنیتنه ، سياسته متعلق پك چوقرأيلر ، پرتوقوللر كوردك ؛ تيجه اوله رق شوني آكلادقكه ، دنيا ده قاعده دول ، ضعيف اولانلرك حقسنلغندن ، اقويا ولو حقسنر بيله اولسه غير مسئؤل اولسندن وبلكدده اوقوينك حقسنلغنه برچوق معين وياورلر بولمسندن عبارتدر . هله ضعيف اولان طرفي ، اسلاميت كبي برده اختلاف دين آوروپاليلردن ايرمش ايسه ، آرتق او طرفه ربم سلامت ورسون ديمكدن بشقه چاره قالماز .

بونك ايچون بزلر ، حضرت اللهدن وكندي قومئزدن بشقه برشيئه ودول غريبه دوستلرمزك سياست ومعاونتنه كووه نماملر بزلر . انلر كندى منفعتلردن بشقه سنى طانجازلر . بزه بربرده معين اولشلرويا اوله جقلر ايسه ، كندى منفعتلرينك وقايه سى املنه مبتيدر ؛ يوقسه انسانيت وحقوق نامنه وبابالرينك خيرينه دكلدر . وفای حقوق ، رعایت خاطر ، دوشمشه امداد ، عاجزه اعانه ، حقه اتباع ، اضراردن توق كبي برانسان ايچون محاسندن ، همده محاسنك اك كزیده لرندن عد اولسان اوصاف ممدوحه ، بر دولته ، بر حكومه كوره عادتا موجب شين اوله جق درجه ده صفات حق وبلاهدن صاييلور . سببي ، دولترك بقای سياسيلرى ، موجوديتي ؛ محافظه منفعت تبعه اساسى اوزرينه متشكل اولديغندن باى وجه كان بواساسلرى محافظه به مجبوردرلر . بوعلت غايه محافظه اولنور ايكن زيدك ، عمروك حقوق آياقلا آلتنه آلنور ايمش اوراسى كوزهدلنز . اوزيد ، اوعمروده آدم اولسونلرده كنديلرينى وحقوقلرينى پايمال ايتديرمسونلر ؛ انلرده باى وجه كان منفعتلرينى ، حقوقلرينى محافظه ايدده جك اسبابك آلد ايدلمسى چاره سنى استحصاله چالشسونلر . اشته دنيا ده غوغا وقيامترك اساسى هپ بومنبعدن ظهور ايديور !

دشمنمز برنجى درجه ده يعنى اك خفيف برصورتده درالمهماتى اولان كمري قلعه سنى محافظه ايتك ايچون اردوسنى اوقلعه نك مدافعى حكمنه قويه رق اوغوزلى وقزل وانك وپالديروان وقره يال قريه وموقعلى آره يرنده بولنان نقاط مهمه يى درحال سپرلر ايله تحكيم ايتديكى كبي ، حدودمز اولان آرپه چاني اوزرنده واقع وكمري به ناظر بولنان اوچ تپه لرده استحكام ويرمش واتخاذ ايتديكى مواقع جديده عسكريه به كمري قلعه سندن جسيم قلعه طوپلرى كتيره رك تعبيه آيلش اولديغندن بومواقعك اوزرينه هجوم ايتك كى برتهلكه لى حركتى التزام ايدده جكمزه قانع اوله رق منتظر

اولمشر. دشمن اشبو تعبهٔ جدیدہ عملیاتی بعدالحرب اوچ کون ایچندہ یاپوب
بترمش اولدینی دخی خاطرده طوتلمیدر .

چونکہ نشؤ غلبه ایله سکران و مغرور اولسی امثال عدیده سیله عندنده ثابت
اولان عثمانی عسکرندن منتظر اولان شی، شدتلی بر هجوم دها ایتمکدر . حالبوکه
اوله بی محابا هجوملری ایتک ، عسکرینک کثرتی جهتیله ضیاعلرینی وظیفه
ایدنمان روسیه کبی بردواته مناسبدر . بز آنجق حالدن وفرصتدن استفاده ایله
مدافعهده بولمقدن بشقه چارویه مالک دکازر وایتدیکمز وبوندن صکره ایده جکمز
هجوملر وتعرضلرده ینه اکال مدافعه ایتک و دشمنک اوزرمزه هجوم ایلک
استعدادینی قیرمق ایچونددر . یوقسه روم ایلی جهتده سلیمان پاشا اردوسنک
شیقهده (اوسوتی نیقوله) بالقانی واستحکاماتی اوزرینه هجوم ایتدیرمی کبی
جسارتلی بر حرکتی اختیار ایلک ، یا کالیه حریص شان اولمقدن ، ویاخود
غرور غلبه ایله سکران بولمقدن نشأت ایدیلور .

شمدی بزم اردونک ایشی، لوازماتی اکال ایله دشمنک مواقع مستحکمه سی
اوسته اوغرا مقسزین اوزاقدن حرکت ومانورده لر اجرا سیله برفرست اویره ییلور
ایسه، اوفرصتدن استفاده ایتمی املنه منحصردر . بو حرکتلری اجرا ایتک ،
اردونک لوازم ومهماتنک حال انتظام وامیننده بولخسه متوقف اولوب ، تقرب
ایتمکده اولان قیش ملابس سیله آتیا بر مخاطریه اوغرا نایمی اسبابی ملاحظه
دخی مجبوریت درکار ایدی . زیرا معلوم ومشهوردرکه احوالیده ایلول ایچنده
قیشک پیشداری حکمنده بوانان یاغورلرله یوللرک چامور وبتاقانی بدأ ایدرک
انتقال وحرکتلر کسب بطاات ایلر . هله تشرین اول آیندن صکره چادرلرده
بارنمقده قابل اوله ماز . ترمومتره سانتیگراد وسطیا تحت الصفر ۱۵ ودها زیاده
درکه لرده کزتمک باشلار . اوتک کی دشمنک مدافعه سی اسبابنک استحصالی قدر
ماترم ایسه ، بودشمن مشترک دخی مضرتندن آمین قالمق ایچون اقتضا ایدن
تدابیره مراجعت اولنق اوقدر ضروریدر . بو بایده قوماندان پاشانک مقام
سرعسکریه ی یازدینی بر قچ قطعه تاغرافنامه دن برایکیسنک محاکمه احواله واردو
نادر ، ونه قدر شیئه احتیاجی واردر ، ونه ایله وجود بوله بیلیر ؟ مطالعاتی دریش
واستکماله مدار اولور اعتقادیه عیناً درجی مناسب عدایلدیم . ایسته برینی بودر :

مقام جلیل سرعسکریه (۱۰ آغستوس سنه ۹۳)

بو حوالیده منحصراً کز شاهانه نک اداره روزمره سی، اولدینی محاکم محصولاتنه

منحصر کبی قالب ، کرک اسباب نقلیه نك فقدانندن و کرک آچه سزاقندن ناشی ارقه مزدن ارزاق یتشه مامکده و یتشه بیلان دخی موجود قوته نسبتله هیچ حکمنده قالمقده در . بوجهته اسباب اداره نك تهیه و تدارکی امرنده بیک درلو مشکلات چکلمکده و آراقده احسان بیوریلان آچه ایله بعضاً پشین و ببط کره آئیده ویرلک اوزره اصحابی تأمین ایله اداره اولتمقده و بوده یتشه مدیکی زمانلر قارصک مدخراته ضروری مراجعت ایدلمکده ایدی . شمدی بو حال دها کوچلشوب ، چونکه صغوقلر حکمنی اجرایه باشلادیگی کبی ، بوندن برآی صکره صوغانلی طاغی کچیدلری انسداد ایتک درجه سنی بوله جغندن ، آرقه دن (یعنی ارضرومدن ویا آناطولی ایچریسندن) احتیاجزک شمدیکی قدر دخی کله میه جکی کبی قارص اووه سنده کی کویلر اها لیسنک اکثریسی طاغلمش و خراب اوله رق غیر قابل سکنا بولنش ویرنده قالانلرک اسباب اداره سی ایسه آیاقلر آلتنده قالدقلری ایچون مفقود حکمنه کیرمش اولدیغندن ، شو حال ایله قیش موسمنده قارص اووه سنده عسکر بارندیرمق امکانسزلنی رونما اولیور ؛ و او حالده شوره کل [*] ایله قارص اووه سنک ینه دشمنک پای خسارته جولانکاه اولسی مأمول قویدر . اگرچه بوندن بکرمی کون اول آلد کلی آچه اولسه ایدی ، موسمدن استفاده وخلق اطماع ایله ادخارات ممکن ایدیه ده بوندن صکره اوده ممتنع کبی اولدیگی ، ومعافیه قارصده مستحفظ قاله جق اوتوز طابور وانلره مقتضی سواری و طوبچی حیواناتنک هیچ اولمازسه سکز آیلق اداره لرینک جمع و ادخارینه چالشمقده اولدیغندن جناب حقک لطف و توفیقیه یالکز اوعسکرک احتیاجی تأمین ایدیلر ایسه موفقیت عد اولنوب ، او حالده برابر مده بولان سیار اردوی هایون منسوباتنک کاملاً صوغانلینک اوته جهتنده پاسین قضالری کویلرنده ، وایزید قول اردوی هایونک دخی وان ایله وایزید والشکرد وپاسین سفلا ده متفرقاً بارندیرلمسی و بو بوله اداره آرانلسی ایجاب ایدیور . بو بایده دخی ارزاقک طرف میریدن تدارکی ینه برطاقم صعوبات و مشکلات ایچنده قاله جنی جهته ، بونلرک عموماً حوایجی تعهد ایده جک قونطور اتوجی تحریمی مرکز (ارضرومه) یالزدیغندن ، وائنی عقد مقاوله ده عسکرک زره لره طاغله جنی کوسترلیوب ، عسکر ارزاقی ایستدیگی ره نقل ایتک اوزره ، قونطور اتوجیلردن یالکز اوراده (مرکزده) قبض ایدیه جکی مقاوله سنک مشروط اولسی دخی مقرر ایدوکنندن بو بوله بعض

[*] قارص سنجاغنه تابع برقضادر .

قونطور اتوجی ظهوری مأمول ایسهده، انلرک امر اداره سی دخی خلیجه پشین آچیه متوققدر. الحاصل دیگر تلغرافنامه عاجزانه مده عرض اولندی اوزره امید اوانان اسباب نقلیه نك آله ایدیه مامسی و وسائل مبرمه معروضه نك حیلواتی، مع التأسف تدبیر مزبورك اتخاذ واجراسنه مجبوریت کوسترمکده ایدوکی، وشونکله ینه مقدار کلی آچیه شدتله احتیاج بولندی، و تدبیر مزبور ایسه حال ناچار کیده اتخاذ اولنه جق شی اولوب کرچه شمیدیکی حال دخی بوا یسهده، بلکه ینه بر چاره سی بوانور امیدله شو بر آی ظرفنده قارصه ممکن اولدینی قدر ذخیره یاغدر مرق و هر کسک بینک حیوانلرینی دخی آلوب یوک یوکتکمک و بوبابده هرکونا اداره عرفیه تهثبت ایلک اوزره حاجی راشد پاشا حضرتلرینک دخی موقتاً بوا یسه مأموراً ارضرومه کوندرلسی مقرر ایدوکی و عمره تشبثانک ایلروده بیلدیر یله جکنی عرض ایدرم.

احمد مختار

ایشته بوتلغرافنامه مندرجاتی اردولرک احوال عمومیه سی ارانه یه کافی ایسهده، تقابضمه داتر بروجه زیر براییکی قطعه سی دهاسطیرا و لغشدر. حاجی راشد پاشا ارضرومه کتیدی؛ ینه تأمین اداره ممکن اوله مدی. عجبا اعلان حربدن اولجه مأمورین ملکینه یاپیورلر ایتمش؟ اوراسی مجهول! و دهاسطوغریسی من الباب الی الحراب هیئت اداره دولت مسئولدر. مادامکه حاضرلق یوغیدی، حرب ایدملک تهلکه سی کوزه آلدیرلما ملی و بزم عموم مأمورینده عادت اولدینی وجهله: سایه... وایه حضرت پادشاهیده هرشی یولندهدر؛ شویله اقدام اولتیور، بویله یاپیلیور؛ دیه اظهار اوانسان باتردی کوتوردیلره اینانملی ایدی. اوت! (آراهه چاموره باتدقن صکره یول کوسترن چوق اولور!) ضرب مثل مشهورینک فقیرک بویازد قلمهده تطبیق ممکن ایسهده، مقصدم، غیرتور و دینپرور اولملرینی غنی ایتدیکم اخلافک، مجربی بردها تجربه یه قالدیشمالرینی توصیه در.

بزه نیایدی ایسه خوش آمد کولق و مداهنه کارلق یایدی والا زده یاپیور! یونانیلردن عبرت آلام! بریحق میلونلق بر قومدن عبارت ایکن عالم سیاسیا ده موجودیتلرینی لاف ایلده دکل فعلاً اثبات ایدیورلر. حالبوکه بودولت بوندن الی التمش سنه اول دولت علیه نك برولا یتندن عبارت ایدی. اتحاد و اتفاق و تنظیم امور اداره سایه سنده دول معظمه یه بیله کندیلرینی صایدردیلر. عدا دت دولت علیه ده میدان اوقومغه باشلادیلر. نه اوزاغه کیدیورز! بلغارلر کوزیمزک اوکندهدر. تحریری

صددنده بولنديغم سرنوشتی ايجاب ایدن محاربه اثناسنده اوراسی طونه ولايتی. ناميله معروف برولايت ایدی. بومحاربه آنلری بزدن آيیردی، شمدی بش آلتی. سنه دنیبردر، مهمجه بروجود سیاسی ارأه ایتدیلرکه ولی نعمت وسبب دولتری اولان روسیه دخی شاشه قالدی. صرب قرالیتی ناميله ینه بومحاربه نك احداث ایتدیکی دولتی کچن سنه بلغازلر حرباً مغلوب وپریشان ایتدیلر. حالبوکه روسیه ايله وقوعبولان محاربه دن اولجه صربلیر دولت علیه یه قارشو قویدیلر وعادتا اردولریمزک دیشنه طیانیدیلر ایدی. باقندی ایشه که طونه ولايتی خلقنه دولتمک لریله برابر مغلوب اولدیلر. کرک یونانیلرک وکرک صرب وبلغازلرک چوق دکل بیک. اکیوز طقسان درت سنه سندن اوچیوز درت سنه سنه قدر کچن اون سنه مدت ظرفنده کوستر دکلری احوال غریبه و عجیبه یی وشو مدت قلیله ایچنده قطع ایتدکلری طریق تقدم و ترقی یی، عصر مزک تاریخی یازمق وظیفه سنی درعهده ایتش اولسی ملحوظ اولان ذوات کرامه ترک ايله مقصده رجوع ایده لم.

ینه سرعکرلک مقامه بر دیگر تلغرافنامه صورتیدر: ۱۵ آغستوس سنه ۹۳
۱۳ آغستوس سنه ۹۳ تاریخی تلغرافنامه عالی خدیویلری آلدی. ۴
آغستوس سنه ۹۳ تاریخی تلغرافنامه چاکرانه مده البسه مزک صورت اکلانه
دائر سبق ایدن اشعار بورالرک احوال فوق العاده سنه مخصوص اولان حالک
اجبارینه، یعنی محضاً صغوغک شدت تأثیرینه قارشو تدارک اولنه بیله جک کورک،
پوستال وچوراب کبی شیلردر. بوده ولایات متجاوز ايله هنوز تحت مخاربه ددر.
یوقسه عسکرک محتاج اولدینی پانطولون وستره وچاشور کبی شیلر مطلقاً غایت
علیه داوریلرینک انصرافنه متوققدر. اداره نك امکانش زنی ملابسه سیله صوغانلینک
اوتنه جهتنده قشلاق بختنه کلنجه بوده شو حالده مشاهده اولنان مشکلات
احواله ومشتا ایچون مقدمجه ایراد بیوریلان سؤاله مبنی اولوب، چونکه محتاج
اولدیغیمز اسباب نقلیه دن طولانی چکیلان ضرورتی تعریف قابل دکادر. از جمله
کچن کونکی مظفریتلی حربی آچ اوله رق ایتدک وکوچ حال ايله بعد الفتح
ایکسندی وقتی یارمشر قیه پکسماده دسترس اولدق. اکسیلان طوپ وتفتک
وجبخانه مزی بوکون حالا اکمال ایدمدک وآراقده ارسال بیوریلان آچه نك
دائماً استرحامه متوقف اولسی و وقتسز وغیر منتظم کلسی امنیت سالب اولیور.
بورالرک هوالرینک اطراد سزلنی شویله طورسون؛ موسمک تقرینه مبنی بردنبه
تبدل ایتک ویولار قیامق کبی خاطره لر هرکون ذهنلری مشغول ایدیور. حتی

۹ آگستوس ۹۳ تاریخنده آنسزین هوا بوزیلوب فوق العاده برودت حاصل ایتش و بناءً علیه چادرک خارجنده طوریه ماز برخانه گشیدی. هله همداولسون فرداسی کون آچلمش ایسه ده قلوبه ینه امنیت کله مامکنده بواندینی جهته احوال مزبورده الجا آتی سالف العرض تدبیره مراجعت لزومنی کوسترمشدر. اشبو اراده جوابیه خدیویرلندن ایکیوز بیات لیرالقی آچه ایله آندن صکره دخی بهر هفته ارسالاته مساعده بیوریه جنی تبشیراتی آلمش و بنا برین کرک مرکزجه و کرک بوراجه قونطورا توجی تدارک اولنه رق ایجاب خانه کوره پشین مقاوله سیله متعهد آرانیه جنی بدیهی بولمش اولمغه، حالک و زمانک حکمنه تبعیتله حکیمانه اداره مصلحت اولنق لوازم اموردن بولندینی جواباً معروضدر. احمد مختار

دقت بیوریلورمی؟ کوندریه جک آچه لیرا دکلدرد؛ اول مقدارلق آچه در، دیمک که قائمدر. قائمته نک اعتباری ایسه او قدر دوشکون که هیت اسلامی و محبت ندر؟ مایه تأثیراتی اولمه هیچ کیمسه یوزینه باقیه جق درجه ده تنزیل عیار ایدم جک ایدی؛ نه کیم صکرملری ایتدی. او وعد اوتان آچه ده کلدی یا! او آچه کلدیکی کبی ذاتاً ارزاق متعهدی ده بولنه مدی.. برده جواباً یازیلان اشبو تلغرافنامه نک آلت طرفنده حکیمانه اداره مصلحت ایتمکدکمز ضروریدر جوانی ویریلور. چونکه حکیمانه اداره مصلحت بزده فن اداره نک مفتاحی و بلکه ده خلاصه سی حکمنده میدان آلمش اولان (اویدیری ویر!) جهله مختصره سنک طمطراقلیجه یازنشیدر؛ بشقه دکلدرد. ایشه بو اویدیری ویر.. لفظی، شمدی به قدر نیجه نیجه ظلم و غدرلری اداره حسنه صورتنده دولته و مملکته اراء ایدی. بوسوزی اداره مز عادتاً رهبر حرکات اتخاذا ایتش، و کوچکلر بیوکلری و بیوکلرده کوچکلری، لایتغیر حالی آلان بو (دستور) ایله اداره ایدم کلش و یا خود آلدانمشدر.

الحاصل اوصردده سرعسکرلک مقامنی وکالته مشغول ایتمکده اولان فتحی پاشا زاده داماد محمود جلال الدین پاشایه یازلمش اولان تلغرافنامه لک مأمول اولندینی درجه ده تأثیر حاصل ایدمیه جکی ظن اولندیغندن، صورتی آتیده محرر اولان تلغرافنامه ایله ده مابین هایون باش کتابته دخی معلومات ویرلدی.

تلغراف ایشه بودر :

مابین هایون باش کتابت جلیله سنه ۲۳ آگستوس سنه ۱۲۹۳

کلان، قیش اولدینی جهته آتیک تأمین ایچون لازم کلان آچه نک مقتضای

حال ثلث راده‌سی چکنرده مقام سرعسکیردن استرحام ایتدم؛ وایکیوز بیک لیرالق آچه کوندریله جک جوانی آلم ایسه‌ده حالا فعلیاتی کوردمدم. موسم چکیور؛ برده شو آراتق تزییدینه چالش‌مقده اولان اسباب نقلیه‌ک، آله بولنان بیک درتیوز قدر مکاری اجوراته محسوباً درت آیدنبری برشی ویریله مامسندن آنلرک ایتدکاری تظلم حاله جانلر طیانمور. برطرفدن عساکر معاوندن بر قسمک (پارده‌سز طوره‌مایز!) کی ادبسرلک‌لرینه وخسته‌خانلرله سائر لوازماته صرف اولنق ایچون آله آچه اولماسنه تحمل اولنه‌میور. بو آچه‌سزلک بشقه‌جه دشمنه بیوک غلبه‌لر چالمق فرصتی بریاندن ضایع ایتدیریور. حاصلی پارده‌سزلق امرنده بولندیم موقع طاق‌فرسایه تحمل واداره مصلحت، تعریف اولنماز درجه‌ده کوچلشمش اولدیغندن بوبایده دخی مرحمت عالی‌یه صیغورم اولبابده احمد مختار ایشته بو تلغراف‌نامه‌ده بر معتاد باب عالی‌یه کوندریله‌رک (پاره بولسون ویرلسون!) اراده‌سی شرف‌صادر اولدینی جوانی دخی باش کتابدن آلمشدر. اولسون، باقلسون، یابلسون ایله ایش بتمور؛ ایش حکم وظیفه‌یه مراعی آدم ایستیور... شویله ایدلی، بویله یابلدی؛ نتیجه ایش یولنه قونیه‌مدی کیتدی والسلام! بپوده یورک اوزوتیلرینی یازمقله وقت کچیرمکدن ایسه، صکره وقایع حربیه‌دن دهانه‌لر اولدی، اوراسنه باقلم!

کدکار محاربه‌سنگ وقوعندن اول اسماعیل پاشا قومانداننده بولنان قول اردو، بایزید جهتدن تجاوز حدود ایدرک زور یابلاسند. حرکتسز بر حاله اختیار اقامت ایش؛ وقارشومزده کی دشمن ایسه زمانی بپوده یره کچیرمیوب وقت تقدیه منفعت استمال کی دقیقه‌سندن بر آن خالی اولماشدر. اسماعیل پاشا اردوسنگ بوحالی کورن ویرایش کورمک مجبوریتده بولنان دشمن، اوراده کی اردومزک بولندینی موقع اوزرینه جبهه هجومی کوزینه کسیدیره‌مدیکندن، فرقه‌سنگ برقطعه مغرزه‌سیله اسماعیل پاشای صول جناحندن واوزاقدن عباس کولی جهتده کزینه‌رک تهدید ایتمکده اولمسیله ارکان حربیه بیکباشیلرندن بکر بک قومانداسیله سوق اولنان بزم‌نظامیه وپاشی بوزوق سواریلرله دشمن کزندیکی یرلردن طرد اولدینی خبری آلدینی کی، بوخبری متعاقب اسماعیل پاشادن کلان برتخیریرانده، دشمنک عباس کولی وقولاب وکولایجه جهتلرینی ترک ایله ایکدیرده کی قوه مجموعه‌سیله برلشدیکی اشعار اولنیوردی. شو حالدن آکلاشدی که، کدکار محاربه‌سنگ وقوعندن اول دشمنک کدکار اردوسندن آیردینی قوتک اورایه

و صوليله برابر بايزيد اردوسي عالمنه قطعي بر تعرض اجراسي املنده ایدی .
حتی بزم کیلری چویرمک ایچون . قارص جهندن وصولته انتظار ایتدیکی عسکرک
کلسندن اول عباس کویله نقاط سائردهده وضع قدم تعرض ایتمکه ابتدار ایتش
ایسهده ، کدکار محاربه سنک وقوعیله برابر کسب ایتدیکی نتیجه دشمنی احتیاطه
مجبور ایدرک بايزیده کیمک اوزره بزم اوکزدن آیردینی قوتی ، کمری یه پرده
ایتمک ایچون کمری یه آلدینی کبی ، بايزیده کی فرقه سی دخی بالضروره تعرض
نیتدن واز کچهرک اطرافه طاغیتدینی قوللریخی طوبیلاوب اسماعیل پاشا اردوسنک
تعرضه انتظار آ ایکدیرده بولان مرکزنده اجتماع ایدوب قالمشدر .

لکن اورادن امید ایتدیکی تعرضی کورده مدی . واقعا دشمنک اوصردهده ،
اوجهنده بولان قوه عمومیة سنک اوز . اون ایکی طابوردن زیاده اولمدینی .
مصالحه دن صکره ینه دشمنک نشر ایتدیکی آثار رسمیه واجیلرک یازدینی
سائر کتب تاریخیه مندرجاتیله ثابت ایسهده ؛ مصلحتک اقتضا ایتدیکی ائنده
اسماعیل پاشا . دشمنک قوتی چوق برشی ظن ایدرک . تعرضه آغزینک طادینی
بوزمامقده ایدی . اگرچه دشمنک قوت حقیقیه سی بیلش اولسه ایدی ،
زندنه اولان اوتوز طابورله دشمنه بر تعرض اجراسنده بولنه جقمیدی ؟ ایشه
اوراسیده مجهولدر . بزم چوق یرلرده ، چوق نقصانمز اولدینی کبی ، دشمنک
قوتنک کشفنده دخی ادوات اطلاعیه من مفقود حکمندهدر . اردولرمز دشمنک
مقدار قوتنه دائر آئنان خبرلره اینانوبده مقتضی اولان حرکتی اجرا ایده میور ؛
کشافلرمزده رؤیت و تخمینده حدندن زیاده خطا ایدیورلریا . . چونکه مانورالر
اجراسیله ضابطانک کوزی اوزاقدن و یاقیندن عسکر غلبه لکنک تعیین و تخمین
مقدار حقیقیسه آلمش اولسه و موقعک و اراضینک حالی بیلنسه بدرجه یه
قدر سوزلرینه امنیت اولنه بیلوب ، فقط هرسوزده امنیت ایتمکه ده قوماندانک
ایشه گلیه جکی جهته ، ایشک ایچنده قوماندانک حسن نیتی اولسه دخی بودرو
نواقص حقیقیه نک وجودندن برچوق فرصتلر غائب اولیور .

برده عموماً مبتلا اولدینمز انفعالات نفسانیه دخی کلوکیرموفقیتمز اولیور .
هرنفسله رعایت وظیفه حکمی انفعالات نفسانیه یه غلبه ایده میور . بوکاده ظن
ایدرسه سوه تربیه سبیت وریور . بسوه تربیه نک منبیه سعادت و شقاوتک
مبدائی اولان کورده نکدر . محافل و مجالسده ، آدم فصل و مذمت ایتمکه مألوف

اولان نفوس طاهره و زکیه نك ذاتنده کی صفوت ، تكدر ایده ایده انسانك
 عادتاً فطرتی دكشیور. وغیبت و مذمتی ایشیدن قولاقلرك صاحبی اولان آدم ،
 مغتاب الیهی هیچ بیلمدیکی حالدہ، طویدیغی مذمتی ایجابنجہ دشمن اولمازسه
 بیله، اندن صکرہ پکده آکا بر نظر محبتلده باقہ میور ؛ دیرکن نفسانی اولان
 انفعال قلبندہ یر ایدیور. صکرہ مرض غرض ایله مالی اولان بوقلب مقصدینہ
 وصول ایچون یوللر آرایور، سوء ظن غلبہ ایلیمور، ایش حسدہ نتیجہ
 ویریور؛ آرتق دشمنہ غلبہ ایتک ایچون افترا و ہتان ایدیورمک ، صاحب
 حسد برقلبہ کورہ پک قولایلاشیور. ہر نقدر ادارہ کلام ایله ستر خیرہ مقتدر
 اولسہدہ انعکاس دینلان برسیالہ مغنویہ، محسودہ اعلام حال ایدرک، اودہ لازم
 کان مقابلہدہ قصور ایتیمور. ایشتہ بویله بویله برچوق وسائل متأسفہ ایله قبلرمن
 بری برینہ صارماش دولاش طاقلیور ؛ درت قلب متوافقی برآردہ بولوق
 کوچلشیور. آرتق حدک وار ایسہ ، محاری امورده جریان ایتکده اولان
 مصالح امت و ملتک اوکنہ طورمش اولان عوائق قالدیردہ ایشہ علی وجہ المطلوب
 برجریان ویر! ممکن دکل کہ!..

ایشتہ بو و بونک کی دہا نیجہ نیجہ ظاہری و مغنوی حکمتلرہ منی حضرت
 شارع مکرم افندمن، بز مسلمانلری غیبتدن وأولو آدم آتی یمکدن منع ایتمش
 وقرآن کریمدہ دخی (أُحِبُّ أَحَدَكُمْ...) نص جلیلی ایله کافہ مسلمین ارشاد
 بیورلمشدر. غیبتک میتہ آدمیہ بی یمکله مساوی وا کاشیہ طوتلسی قیسح و غلظتک
 شدتی افہام ایچون اولدیغہ شہہ ایدلمزیا! غریبہ تقدم ایتمش نقدر ائم واریسہ
 جملہ سنی بر نقطہ اخوتدہ اجتماع ایتمش کوریوروز. سببی ، جمعیتلرندہ مالایغی
 ایله اشتغال و آدم فصل ایتکی وزید و عمر وک احوال شخصیہ سی اوزرینہ سوز
 سولیک عادت ایتماشلردر. بونلر عقد جمعیت ایلدیک وقت اولقدر طوغری
 برقلب ایله یکدیگریہ مقابل کلیورلر کہ؛ قلبلرینک ، اوزلرینک، سوزلرینک
 طوغرواغی، خارجدن سیرجی طرزندہ نظر انصافلہ باقانلرک عموماً وعلناً
 کورہ جکلرینہ شہہ ایتیمور .

مصلحت عامہ نك تنظیمی امرندہ قوای مادینک نہرتبہ دخلی وار ایسہ ،
 وسائط مغنویہ نك دخی اولقدر وبلکہ اندن دہا زیادہ لزومی درکاردر. دیدیکم
 واسطہ مغنویہ ایسہ اخلاقدر. دنیانک علمنی اوکرنمش اولسہق، عالمک سیاستی
 محفظہ ادراکدہ طوتہجق استعدادہ مالک بولنسہق، اندن صکرہ ہر فردیمز

قهرمان قاتل کبی جسور ورسم داستان قدر شانی، جانی، قوتی اولسه، عن
جماعه محافظه موجودیتز بوحال ایله قابل اوله ماز. اخلاق تدارکنک چار سنه
باقی ز. زیرا مجاور بولان دولترک معدله رنده کی قوت پک یاقین وقتده بزی هضم ایدر؛
وبزی هاضم وجود، بزمه اوله بر قوت احراز ایدرکه، هان هان کر دارض ایچنده
متکلم وحده اولور قانور. چایشه لم، چایشه لمده؛ بزی یوتمش اولان اژدر سوء
اخلاق، امثال امر شارع ایله کسب صلاحیت ایدرک معدله سنده طورده لم، هضم
اولمیه لم، حریت واستقلالیت سزی غیب ایتیمه لم، نعمت موجود ایکن قدرینی بیله لم!
فقدانندن صکره قدری بیلنور، اما او وقتده ایش ایشدن کچمش اولور....

شوصره ده ۲۵ آغستوس سنه ۹۳ تاریخده توردا اسماعیل پاشادان آلان
برقطعه تلغرافنامه ده آجلقدن وچپلاقلقدن شکایت ایدیوردی. چونکه بایزید
جهتنده کی اردویی هم اضروم، همده وان ولایتی بسلیه جک ایدی. اضرومک
یوکی پک آغردر؛ زیرا هم قارصی طولدره جق، همده بزه ارزاق ولوازمات
یتشددیر جک. بوندن فضله ده دشمنک آردهانده براقش اولدینی قوته مقابل
خاصه بیاده اوچنجی آلاک میر آلاک حسن پک قومانداسیله (بنک) ده بوندیریان
آلتی طابور بیاده ده ارزاق ویر جک؛ برطرفندن ده بایزید اردوسنه ارسالانده
بولنه جق. حالبوکه اسباب ثقلیه سی درجه کفایه ده دکل؛ ولایات متجاوز همت
ایتمورمی؟ ایدیور اما، هر نهدن ایسه اووسائلطی یوللرده، کویلرده، شهرلرده
حسن استعمال ایتک و مطرداً و منتظماً ایشی یوزوتمک قابل اوله میور.

شمیدده وان والیسی بولان حسن پاشا، بایزید اردوسنک ارسالاتنی یوانه
قویمق ایچون بش بیک رأس استر ودوه وبارکیرده محتاج اولدیغنی بیلدیریور،
تدبیر اوله رق نهاییله جق؛ امثالی مثلاً مؤثر و آجیقلی بر تلغراف ایله سرعسکرلک
مقامنه مراجعت اولنق اقتضا ایدر جک؛ نته کیم اولندی، آنلرده شبهه یوقدرکه
صیقجه اوله رق ولایت والیرینی تلغرافله تضییق ایلدیلر، وانلرده متصرفلری
متصرفلرده قائم مقاملری، قائم مقاملرده مدیرلری، مدیرلرده مختارلری صیقشده یردیلر
وآلدقلری کبی صاندیلر. صاندیلر اما، حالا ایش تجمدی. اردونک احتیاجی
اولدینی کبی ینه باقی قالدی. یوقاریدن آشاغی اینمکده اولان امر، هراستاسیونده
بر مقدار قوتی براقه براقه مختارلرده صفره منتهی اولدی.

اردولرک احتیاجی مسئله سنی یازوب طور مق بیانی املنده اولدیقم واقعات
حربیه نی تأخیر ایدیور ایسه ده مادامکه اخلافه بر برکذار براقق مراقبده یز،

تکرر امثالندن اجتناب اولمق ایچون نظر دقت و عبرتی جلب ایده جک شیلرک حکایه ایدلمسینی دخی وظیفه دن بیلیرم . بلکه اوقورلرده دیر یوللرینک یاپلمسی مقصدینی تعجیل ایدرلر !

آغستوسک ۲۶نجی کونی صباحلین دشمنک سواری قره غوللری بزم سواری قوللرینه چاشمش و حرب طوشمش اولدقلرندن ، طرفین ده متقابلاً سواری آلایلری و پیاده طابورلریله سواریلرینی تأیید ایدوب طوررکن ایش قیزشدی و عاداتا اوفه جق بر حرب شکانی آلدی . او ائشاده طرفیندن دخی ایجه طوب آتادی ایسه ده ، ذاتاً طرفینک مقصدی باشلوجه بر حرکت اجراسنه مستند اولدیغندن . برایکی ساعت صکره هرکس یولو یرینه چکلدی . شوقدرکه طرفیندن آجلاری کلان و خسته خانه لرده نصیبی بولنان یکر می اوتوز نفرله اردولرک قوه عمومی سی تناقص ایتدی .

اوت بویله اوفق تفک و قوعات برشی دیمک دکل ایسه ده بتون اردویی . راحتسز ایدیور ، هرکسی سلاح باشنه سوق ایدرک انتظار عاقبت کبی قلملری . برخلجانه دوجار ایلور ، (حاضر اول ، سلاح باشنه !) بورسی تعلیم میداننده بیله . اواسه سوبلور شیلردن دکلدر . یا حرب موقعنده اولورسه دهشتی ملاحظه اولمیلدر . هله اوصرده بعض مزاجده بولنان آدملرک یورکنه بر چارپندی ، دیشلرینه بر چاتردی ، سیکیرلرینه بر تتره مک ، آغزینه بر قوراقلق کلور . واقعا برایکی ساعت صکره کچور ، کچوراما ، برحق اوزون تیلی تأثرلر احداثدن صکره کچور . بوصرده دشمن مملکتی داخلنده کی تلغراف تللرینی قیروب بوزارق خلقه بردهشت القائلک و دشمن اردوسنده کی عسکرک مبالغه لی شایعات ایله جساتلرینی قیرمق اوزره نامنی یوقاریده خیر ایله یاد ایتدیکمز مهر علی آغا یوز اوتوز قدر سواریسيله دشمن مملکتنه صالیورلشیدی . یدی سکز کون کزندکدن صکره . درت شهید ، سکز یارده لسی و باقی موجود رفاقتنک صحتیه برابر کلوب چیقدی . طوبجی یه و سواری یه آلورشلی اوله رق اردومزه یوز الی رأس قدرده روسک . قطانه بارکیرلندن هدیه کتیردی . بوقطانه بارکیرلری ، دشمنک میری چفتلکلی محصولدندر . کرک بارکیرلرک حین اغتنامنده و کرک کتیرمک اوزره یوله دیزلیدکنده آرقه سندن یتشان و اوکنه چیقان سواری آلایلریله حرب ایش ؛ وانلرک مقاومتنه غلبه ایده ایده اوصورتله چیقوب ککشددر . بوکا متعلق تفصیلات بقیه سی یوقاری یه مراجعتله معلوم اولور .

مهر علی نک روسیه
مملکتنه کیروب
چیتیمی واغتناماتی

دشمنك « كمرى » ايله « تفليس » وسائر مواقع عسكريه سنك تلغرافلرىنى دخى قيرمشدرد. شايد تلغرافلارك قيرلديغنه اينانلار مطالعه سنه مبنى بر قاچ قانغال تلغراف تلنى اردومزه كتيوه رك ارايه ايلشدر . مهر عليك افاده سنه كوره كندوسنه مقابليه چيقان دشمن سوارى آلاينك آلتش تمش نقر قدر ضايعاتى اولمش وبرمير آلايلرى دخى علمك وارلق يوقلق دغدغه سندن بر قورشون ايله قورتارلشدر. هر نه ايسه مهر على كې جلادت مجسمه اسحاجى آنالرك آزطوغورير.

ظن اولتور ايسه ، اردومزك بولندينى موقع غايتدن دولتجه استفاده ايدلك عزمنه دوشولمشدر كه ۲۷ آغستوس سنه ۹۳ تاريخنده صدر اعظم ادهم پاشا حضر تلرندن مختار پاشا حضر تلىر نه بر تلغرافنامه كلدى ، صورتى شودر :
محاربة حاضره نك صلحه مبدل اولسى زمانلرى تقرب ايتكمده بولندينى

جهتله روان اوزرينه تشبث اولنان حركتك حال وامكانك مساعد اوله بيله چكى درجه ده ايلر اولديله رك دشمن ممالكندن اوجهتن برازير قزانيلور ايسه بولتيقه جه فائده كيه سى كوريله جكندن وبوبابده دائره عسكريه دن دخى طرف مشيريلرينه تبليغ مطالعات اولنديغندن ايشك نظر دفته آلتش اوله جنى دركار ايسه ده ، بوملك بعونه تعالى قيش كئزدن اول حصوله كتورلىسى ضمننده اتخاذا بيوريله جق تدابير سريعه اوزرينه مطالعه دولتلىرىك طرف عاجزى يه محرمانه تلغرافله اشعارى متمنادر .
۲۷ آغستوس سنه ۹۳

زاد فى الطنبور نغمة اخرى !... باقدى ايشه !.. احتياجات روزمره سنى تداركدن عاجز اولان اردودن بويله بر خدمت بكلمك عيث اولماز مى ؟ بوكا ترتب ايدن مسموعات ومطالعاتى بعده درميان ايتكم اوزره مختار پاشانك بوتلغرافنه جواباً يازدينى تلغرافك صورتى آتیده محرردير . ايشته شويله :

مقام جليل صدارت عظامه

دشمن ممالكندن بعضير قرانلى اراده سنى متضمن اولان ۲۷ آغستوس سنه ۹۳ تاريخلى تلغرافنامه سامى وكاتپناهيلى حكيم جليلى هروجهله مطاعدر . چونكه شوحال چاكرلر نجه دخى موافق آرزو ومقصد اولوب آمال وتشبثاتمرك قسم اعظمى دخى هميشه اوجهته معطوف ايسه ده ، شمدى بولنديغمز موقعده كوفى كونه آنجق ارزاق يتشديره بيلديكمز جهتله عسكر ايلر اولدكجه احتياجات دخى متاسباً ترايد ايتسى طبعيدر . بونى دفع ايدمك اسبابك مفقوديتى اردوى

هایونی معلول براقیور. مع مافیه اوراده کی ملاحله حکمنجه عموم قفقاسیه نك
مطمح نظاری اولان قوالب نقطه سنك شمديلك زیر ضبطه آلمسی ایشك
ایلریسنه بر چیغیر آچه جغندن، منتظر اولدیغم نعل و میخك ورودنده یارین
ویا خود او بریسی کون سواریمزك اوجهته چیقاریله جتی وانلری اوراده بسله مك
دشوار اوله جغندن، شورادن بورادن استقراض وتدارك ایدیله ییلن الی بیك
غروش سكه خالصه آنحق برابرجه کوندریله بیله جکی جهته بمنه تعالی بوندن
حاصل اوله جتی نتیجه یی ودهانه یاللق لازم کله جکنی بعده عرض ایدرو برده سنکده کی
مفرزه مز آردانوجده کی عسا کر معاونه ایله آردهانه متوجهاً ایلرولدمش و باطومده
درویش پاشا حضرتلریله مخبره اولنهرق آجاره طرفدن آردهانك آرقه سنی
ترهید ایده جك وسائطك اجراسنه دخی تشبث اولنش اولدیغندن توفیقات
سبحانییه عرض افتقار آیلرم. ۲۹ اغستوس سنه ۱۲۹۳ احمد مختار

بعض حرکات تمر- اشبو تلغرافده بیان اولندینی وجهله قوالب جهته تعرض اولنق ایچون
بایزید قول اردو قوماندانی اسماعیل پاشا حضرتلرینه امر اولندینی کبی، اوچ
درت کون صکرده بزم سواریلرک بکلدیکی لوازم کلدی ولزومی قدر سواری
نخجوان [*] طرفه کونده ریلرک اسماعیل پاشا ایله بالخمخبره اورادن کله جك
عسکر ایله برلشهرک دشمن حدودی داخلنده بولان قوالب ملاحه سنی طوملری
وبعده ویریه جك امره کوره حرکت ایللری، ترتیب اولنان سوارینك قوماندانه
امر اولندی، عسکرده کتیدی. آردان اوچ درت کون کچدی، اسماعیل پاشا
اردوسندن کیمسه نك کلدیکی بزم سواری قوماندانی بیلیدردی. بوندن صکره
سواریمزك اوراده ده زیاذه طورمسی مخاطره دن سالم اوله میه جغندن اردو کا همزه
جلب اولندیلر. سبی نخجوان نقطه سی بزم اردومزك آرقه سی ایلروسنده در.
اوراده عسکرمزك بولمسی، دشمنه آرقه مزدن برقور قومز اولدینی فکرنی
ویره رك انی بعض تشبثاته سوق ایده بیله جکی کبی، یالکز باشه سواریمز برحره
وبرقضایه طوتیلورده برخساره اوغرار ایسه، اردومزك کورور کوزی. طوتار
الی، یورور آیانغی ضایع اولهرق کور وچولاق وطوپال قالنه جغندن، بزه نافع
ودشمنه مضر برایش کوره مکسزین سوارینك اردودن آیری بریده مدت
مدیده بولندیرلمسی جائز اوله ماز ایدی.

[*] نخجوان اسماعیل پاشا اردوسیه بزم اردونك آرمسی ایلریسنده برحوضه دن
عبارتدر. اورادنده هدف تعرض اولان قوالب نقطه سنه برکونده کیدیله ییلر.

کله لم پښک طرفندن آردهان اوزرينه اجراسی تصور اولان تعرض مسئله سته : ایشیدیلورایدی که دشمنک آردهانده سکز طابور قدر بر قوتی و ارایمش . شمدی بزم آلتی طابور عسکر ، پښکدن ایلر یلیه رک کوله یه واصل اولور و آردانوج جهتندن ده آردانوج قضای قائم مقامی دده بک قومانداسی آنتده بولان کورجی عسا کر معاونه سی ایلر یلیه رک کوله یه واصل اولان بزم طابور لرله بر لشیر و باطومک ارقه طرفنده واقع (آجازه) قضاسنده و آجازه لی شریف بک قومانداسنده بولان عسا کر معاونه دخی شلویت و بوسخویه ایلر یلیه رک اوراده کزینورایسه ، آردهانده بولان سکز طابور دشمن عسکری دیکیش طو تدرمه یه رق صاو و شورده شو یوله بر کو تور دی و پا طردی ایله بلدکه آردهانه بتر کر ارمالک اولور ز . اکر دشمن عسکری صاو و شیه جق اولسه بیله قارصده کی عموم اردو سندن بر مقدار قوت تفریق ایدرک آردهانه کوندر مسیله دخی مقابله زده کی روس اردو سنک بر فرصتی ده آل ویرمش اولور مطالعه سیله بزم طابور لر کوله یه طوغری ایلر بلدل دی اما آردانوج دن بکلدیکی عسا کر معاونه یی اوراده بوله مدی . بر ابکی کونده انتظار ایتدی کی مهسه کمدی . دیر کن آردهانده بولان روسیه طابور لر ی حقیقه رق سوار یسینی بزم آلتی طابور ده قارش ی اوزا قدن کوس تریکی کی طابور لر مز اولدیغی یردن کر یسین کر یه صاو و شیه رق بر تلاش ایله پښکه رجعت ایدوب قوماندانلری اولان میر آلا ی حسن بک صورت حالی مختار پاشایه بر مکتوب ایله عرض ایتدی . حسن بکک رجعتک اثر جبان ت اولدیغنه شبهه یو قدر . به مبارک آدم ! نه اولور سنک ؛ بر کره اظهار خفت ایتمه ده ، بکه ! او تور دیغک موقعی فن حرب نقطه نظر ندن با قهرق انتخاب ایت : پا طردی یه پا بوج براقه ! یراشمش و خند قلیغی پا هرق او طور مش اولان آلتی طابور یاده نک اوزرینه اولیه بر قوت جزئیه ایله دشمنک تعرض ایده میه جکی و ایدر ایسه بیله بیوک خساره او غرایه جغنی حساب ایت ده عسکر لکک و عسکرک ناموسنی بوزمه ! .. خیر ، بزم حسن بک مطالعه ایتشدر که : بن آردانوج دن کله جک اولان عسکر له بر لسه جکده . شمدی آردانوج دن بکه دیکم عسکر کمدی . شاید بن بالکر باشمه بر حربه طو تشورده قضاء ایشم ترسته کیدرایسه ، (بیچون بکه مکده اولدیماک عسکر یوق ایکن حربی قبول ایتدک) دیه مسؤل اولورم ... خانم برادر ! خاطر یکره قسسون اما ، بونورک جمله سته بی نماز عذری دیر لر . بیابور سنک که دشمنک سوک اردو لر ی اوتله رده در . کاسه کاسه سنک او کته سکز طابور که جک اومهاجم سکز طابور ؛ سن مدافع آلتی طابور سنک . برو فوق وظیفه طاور انیرایسه ک نتیجه دن فور قرسک ، مسؤل ده اولما ز سنک ! لکن بوم مطالعه یی ایتک اینچون افکار عسکر یه

لازمدر؛ یعنی انسان آناسندن عسکراولهرق طوغمغه متوقفدر. یوقسهرتبه آلایم، عالمه چالم صاتهیم؛ انک ضحمندهده معیشت ایدیم فکرله عسکراولانلردن برایش بکله ماملی؛ هله اومقولهلر راساً بر قوماندایه هیچ قوتلاملی. انلر دائماً رفاقتده ومعیتده تحت الامر والقیور قوللانیلدر.

آردانوجدهکی عساکرمعاونهک کله مامسی وآچاره جهتدن امید ایدیلان شریف بکک کوریه مامسی انلرک باطوم قوماندانی درویش پاشا حضر تلرینک قومانداسی آلتده بولمنسندن ناشی ایمش. چونکه باطوم قوماندانلغنک مختار پاشایه برارتباط ومناسبتی یوق. مختار پاشا طر فندن یازیله جق شیری اجرا ایدوب ایتماکده درویش پاشا مختار ایدی. ترکیه سی درویش پاشا، بیك دره دن صوکتیره رک بزم جهنک آرزوایتدیکی حرکتی اجرا ایتدیرمدی والسلام! در سعادته شکایت ایدلسون، فائده سی نه در؟ بزم جهته بیان اعتذار ایدن ذات او اعتذارک بیك درلوسی اورایه ایده مز می؟ ایثی کوره جک حسن نیتدر، حسن نیت اولمقدن صکره تعلیل مصلحت اوقدر کوچ برشی دکلدر. کوریلور می قلیلرک بررینه طوغری وصفوتله مقابل بولنمامسی دولتک، ملتک باشنه نه فناقلر کتیریور! بومثلوتکر رایدن ودولته فائده لی فرصتلر غیب ایتدیرن ده بعض حالات اوزرینه کیفیت استانبولجدهده معلوم اولدیغندن بروقت باطومک قومانداسی دخی مختار پاشایه ویرلمکه قاقیشلمش ایسهده ساده بر عنواندن عبارت قاله جق قوماندایي مشارالیه ایستمدی وقارص اووه سندن مؤثر قوماندا ایدیلهمیه جکی چونکه موقعک حکمی اتحاد قوماندایي قبول ایدهمیه جکی بالیان تکلیفات واقعه یی رد ایتدی ایدی.

کله لم اسماعیل پاشا اردوسندن نخبجوان طرفنه کوندریله میان عسکرک سبینه : بوبابده مختار پاشا طرفندن سر عسکر محمود جلال الدین پاشایه یازیلان شفره لی تلغرافی عیناً نقل ایدرایسهک کوکلرک انتظار ایتدیکی ایضاحاته جواب ویرمش اولورز.

صورت تلغراف ۱۳ ایلول سنه ۹۳

قوالب جهته تعرض ایدلمک امکافی تحری اولمقده اولدیغنی عرض ایتشیدم. اسماعیل پاشا حضر تلرینک اوطرفه تعرضی تسهیل ایچون بورادن نخبجوان جهته بعض سواری سوق اولنش ایسهده مشارالیهک حرکت ایده مامسی جهته بوسواریلر اردوگاهمهزه عودت ایتدیلر اسباب موجب ه سنی تحری ایتمکده ایدم. بودفعه آنسان محررات وتلغرافنامه لر مأثنه نظراً اردوی مذکورک بوراده اولدینی کی چارق سوزا کثرت اوزره عسکرک یالین آیاق وبعضیلرینک چپلاق بولنسی وبلاشعیر روزمره ارزاق واندن وارضر ومدن کیتمکده ایسهده کونی کونه تمامیه آلنه مدینی بیلدیریلور.

بوحال دائم اولدقجه مذکور اردونك تدافعی حالتده قالهجنی درکاردر . چاریق احضارینه بش آیدن بریدر چالیشلمقده ایسهده، هر نصلسه بردرلو جلبنه موفقیت حاصل اوله مامقده ویالکزاونده برکشیه ویرلک اوزره آراقده آلنه یلمکدهدر . بوندن ایکی آی اول استانبولدن استیلوب او وقت کوندرلدیکی بیسلدیریلان و طریزونه کلدیکی ایشیدیلان بشیک یغمورلق حالاً یوللرده اولدیغندن اكا دخی دسترس اولنممدی و اون بیک قات کوندرلدیکی اولجه امر بیسوریلان البسهك نرهلرده اولدیغی هنوز آکلاشلهمدی . قریباً قار ویغمور باشلار ایسه تقلیه ماده سنك نه صورت کسب ایده جکی تخمین بیوریله ییلور . یالین آباق عسکرک حفظ صحتی و حرکتی ممکن دکلدرد . ولایتلره بوندن بر یحق آی اول مراجعت ایدرك وعدلر آلام ایسهده حالا بر اثر اولدیغی کبی امین دخی اوله مدیغندن برچاره سریع بولنور امیدیه کیفیت عرض اولدی . احمد مختار

اشته اقدم اسماعیل پاشا طرفندن بکله نیلان عسکرک کله مامسی سبی صلح ایدلامسی
آکلاشادی ! بوحال بویه ایکن برده صدراعظم حضرتلرینک تلغرافنده حربک
مبدل صلح اولسی زمانلرینک تقرب ایتسی بجئی اوزرینهده بر قچ سوز سویلهده . اولتان خطیئات
فقیر بعدالحاربه استانبوله کلدیگمه ایشتمکه : روسیه دولتی اولجه ایلرولیهرك
دوات علیه مملکتلرینی استیلا ایتدی . صکردهده دولت علیه اردولری آناطولیده
روسیه اردولرینی حدوده قدر سوردی ، روم ایلندهده روسیه اردوسی طونه یی
کچهرک عالمی ولولویه ویردی . دیمک که طرفینکده ناموس عسکرینی هنوز
محفوظلرد . شو حالده آتیده مناسبتسز بروضعیتده بولنلمقدن ایسه شمیدین
صلح ایدلنک چاره سنه باقلسه دیه دول معظمه دن بعضیلری توسط ایتک عزمنده
بولنشلرده بزم هیئت اداره : بزدها چوق ایشلر کوره جکرز ، حتی دشمن
ممالکندن بعض یرلرده فتح ایده جکرز ، مطالعه ناقصه ویاأمل خامیه قبول
ایتماملر ایش : حتی اخیراً محاربه ختام بولوبده طرفین مرخصلری واسطه سیله
آیاستفانوسده معاهده پاییلورکن حدود دلرجه بعض ایضاحات ویرملک ایچون بایزید
قول اردوسی ارکان حربیه رئیس کوناهیه لی عاکف پاشا بزم مرخصلرک رفاقتیه
مأمور ایدی . فقیر عاکف پاشادن ایشتمکه ، برکون اووقت خارجیه ناخبری
بولتان صفوت پاشا ایله بر آراهیه بینهرك آیاستفانوسه کیدر وحال حاضر اوزرینه
دردلشهرک لاقیردی ایدر ایکن صفوت پاشایه سورمشکه ، ایش بوبرمه یه کلککیزین
روسیه دولتیله صلح ایتک امکافی یوقی ایدی و عجباً بولوبده بر تشبث وقوع

بولدیتی؛ ناظر مشارالیه ده: آکوزم! امکان یوقی ایدی دیمک نه دیمکدر؛ عادتاً متوسط بولمق مأمول ایکن بز او تشبیه رد ایتدکده شمدی ده بوقلا کته کرفتار اولدق، دیمشده کوزلرندن یاش دوکمش اولدیغنی عاکف پاشا نقل ایلدی ایدی. شمدی صدر اعظمک تلغرافنک مالی، ایشده صالح استعدادینک موجود وعادتاً صالح لاقیردینسک اوصرده جریان ایتش اولدیغنه تمام قرینه دره. حربک وقوعنه سببیت ویرنلره بشیوز دکنک اورلمق لازمکلور ایسه عقد مصالحه ایچون متوسط آرامق تکلیفی رد ایدنلرک قورشونه دیزملری اقتضا ایدردی. هر نه حال ایسه حقیقه جق قان طمارده طورماز؛ حکم قضا و قدرک تدبیر و تفکر ایله اوکته چکلمز دیلمده تسلی یاب اولهلم.

روم ایلی، آناتولی و قره دکز سواحلنده دولت علیه - روسیه اردولرینک سوق الجیش و تعبیه لری اوزرینه بیان مطالعه ایدن واسمنی نشر ایتیمکسزین عسکرلکه متعلق کتابلر تألیف و نشر ایدن ذاتک (کر دوریان - شرق محاربه سی) نامنده کی کتابک اوچنچی جلدینک [۶۰۰] نجی صحیفه سندن مأخوذ و مترجمدر:

سر عسکر ردیف و سردار اکرم عبدالکریم پاشالرک عزلرلی روسیه نک طونه نی کچمی، طرنوه نک بلامدافعه ترک اولنمی، بالقانلردن روسیه اردوسنک مرور ایلسی، نیکبولینک روسلر طرفندن ضبط ایدلمسی کبی مسائل مهمه ارتق ردیف پاشانک سر عسکرلکدن عزلی ایجاب ایتدیرمشدر. سردار اکرم عبدالکریم پاشایه کانهجه: بونک عدم اهلیت و بطائی چارک اردولرینک حرکات و اجراءات سر یستانه سنه و ترکیانک استیلا سنه سبب اولدیغندن هر طرفدن قوماندانلغک براهنه احاله و تفویضی آرزو اولنیوردی.

نیکبولینک روسلر طرفندن ضبط اولنمی اوزرینه استانبولده هیئت وکلا عقد مجلس ایلدی. بو هیئت میاننده یالکیز خارجییه ناظری صفوت پاشا حقیقت حالی تصویره جسارت ایدرک دیدی که: (من غیر مأمول طالعک یاردمیله آناتولیده دولت علیه اردوسی کوزل و حقیقی نتیجه لر حاصل ایتمشدر. آنجق روم ایلندن بومثللو مظفریتلر مأمول و حساب اولنه میور.)

بوکاده علاوه دیدی که: (صحیحاً بزم عسکرلر من قاعه عسکار، جسور، اطاعتلدرلر؛ بتون عالم بو حقیقتی تسلیم ایتدیکی کبی بالذات دشمنلر من بیله اعتراف ایدرلر. لکن بوغیور اردولر عدم اهتمام ونا اهملک ایله قوماندان و اداره اولنیور. بر مصیبت و آفتک وقوعندن اول احتراز ایتلی یز. اکر بز کاردانا سیاست آزما آدملر

ایسهك آناتولی جهتمده کی مظفریاتك نتایج حسنه سندن استفاده ایدرك آوروپانك توسطنی طلب واکا موفق اولماقغه سعی واقدام آیللی یز ؛ یوق اگرچه ساخته بروقار مسئله سنه تبعیتله صوك مرتبه یه قدر حرب ایتك ایستر ایسهك مالکی بریوك مخاطره یه انقا ایتش اوله جغمزی مطالعه ایدیورم. وجدان ووظیفهم بومعالمانی اخباره بنی مجبور ایتمدر .)

مشارالیهك بوسوزی هیئت وکلاجه فنا برحالده تلقی اولنه رق درحال عزل ایله یرینه نااهل اولان عارفی پاشا کچیرلدی ؛ برقاچ کون صکره بوده عزل اولنه رق یرینه حرب طرفداری اولان سرور پاشا تعیین اولندی انتهى (العهدة علی الراوی) بزم مجالس مشورتزده جریان ایدن احوال ومذاکراتی فرنک لرك بزدن اول طویدق لری معلوم ومجرب اولمسنه کوره کردوریانك بومعلوماتنك پك اوزاغه آتنامسی ویوقاریدن بری سوبلنیلان تفصیلاتدن حاصل اولان قرائتک تأیید مدعا آلیسی جهتیله ایشك صحتیه حکم ایتك لازم کلیور ظننده ایسه مده العلم عندالله . اردولرمن قره غول چاتشمسی ، سواری باطردیسی کی اهمیتی ، اهمیتسز وقوعادن هیچ برکون خالی اولموردی. حتی شوکونلرده اسماعیل پاشا اردوسنده کی هموند عشرتندن شیخ سعید افندی وقدری آغا رفقایله برطاقم هموند سواریسی کولایجه ایله ایکدیر آرمسندن روسیه ممالکنه طوغری ایلیلیهرك آراس نهرینی کچدکدن صکره روان جهتمده واقع وارمنیلرك انک بیوک بطریق لرینک اقامتکاهی بولان (احمیا زین) جوارینه قدر صوقیله رق روسیه اردوسنه کلکده اولان برقهله سنه تعرض ایدرهك کاملاً دوکدیر مشلر . حمله نك درحال نقل ایدلمسی قبل اولمديغدن احمالك کافه سنی بر آره یه طوبلایوب یاقرلر ایکن دشمنك ایکی طابور پیاده وبرمقدار سواریسی یتشوب بزمکیلری قوغمشلر وحمله نك بقیه سنی قورتارمشلرایمش . بوجاپولجیلر عودت ایدرلر ایکن سکنز نفر قزاق سواریسیله کچمکده بولان برروس پوسته سنه تصادف ایدرهك آدملرینی اولدیردکن صکره پوسته ده بولان اوراقک کافه سنی بعض اسلحه واشیای عسکریه ایله برابر زور وایلاسنده بولان اردوکاهه کتیردک لری اسماعیل پاشا وقوعات یومیه صرهدنده نلغرافه یازیورایدی . پوسته ده ظهور ایدن اوراق آجیلوب معاینه ایتدیرلدیکنده ، روسیه ضابطان وضرانك فملیانی افرادینه یازدق لری مکاتب شخصیه دن عبارت اولدینی آکلاشلدی .

بنه دمنجک یازدیغم اردو وقوعاتی بیوکاردن اولق اوزره قید ایدمک بر اوفه جتی محاربه

لازمکنند بریسی ده ایلوک برنجی کونی، دشمن، برفرقه یعنی اون آلتی طاہور پیاده و آلتی آلائی سواری و درت بطاریه، که جمعاً اوتوز ایکی عدد طوپ دیمکدر؛ بوداوت و افرادک ترکیب ایلدیکی قوتله، ضعیف اولدیغنی جاسوسلرندن یا کاش خبر آلدیغنی و یا خود طوغریجه کشف ایدمه دیکی صاغ جاحمز اوزرینه بخرله برابر بر هجوم ایتدی. لکن اوساعده هوا غایت یا عمورلی و اورتالق چامورلی اولدیغندن (قورد دومانی کونی سور) مثل مشهوری حکمنجه، بلکه هوانک و اورتالغک چپلمکنندن طبعه حاصل اولسی طیبی بولنان کرانلقه برابر سیر و حرکتده دخی ظهوره کله جک بطاأندن برکلاه قاپارم امیدیه بر طالع تجربه سینه قیام ایتدی ده دنیله بیلور. شمدی قارئینمز دیه جک کرکه: «دشمن بزم مملکت مزده یعنی براجنی مملکتده ایکن فصل اولوبده جاسوس بولیورونه جسارتله استخدام ایدیور؛ آه! آناسی قیزندن، باباسی اوغلندن آیران پاره آه! بونک وجودی اولسه بیله طرفین اردولرینک بولندیغنی اراضیده مسکون بولنان اهالی کرد، قره پاپاق و ارمیندن عبارتدر. بویله اولدیغنی حالده دشمن جاسوس بولمقده کوچلک چکمز. بونلرک ایچنده بعض قیمتی و غیرتلی اولانلری ده، لطف ایدرسه ایکی طرفه ده، یعنی بزده انلرده خدمت ایدر.

أرمیلرک فصل بر مقصده خادم اولدق لرینی تفصیل ایتک حاصلی تحصیله چیقار. قره پاپاقلردن ده هم روس اردوسنده، هم ده بزده مرتب سواریلر بولندیغنی سوبلک، انلرک تعیین اخلاق و طبایعنه کفایت ایدر. یوقاریده اسمی نای جمیل ایله یاد اولنان مهر علی آغا قره پاپاق اولدیغنی کبی، ناملرینی ینه بالمناصبه یوقاریده لعن و نفرین ایله یاد ایلدیکم تولوموسی ایله منصورده قره پاپاق طاقه سندن ایدیلر. کردلره کلنجه: بشقه یرلرده اولان کردلرک احوال و اخلاقی بیله مز ایسه مده قارص، بایزید، موش، بتلیس، وان، درسم جهتلرنده کی کردلرک جکرلرنده کی اینجه طمرلرینک طبیعتنه قدر و قوفم واردر. بو کردلرک اکثریسی عثمانیلر علیه فصل صغوق بر فکر بسله مکده اولدق لرینی تعریف ایدم. قبيله و اویماق لرینک تنوعی قدرده جهالتده و عثمانیلره عداوتده مختلف و متفاوتدرلر. معاذالله هله درسم ولایتی اکرادی نظرند بر موسقوف نفری بر ترکدن بیک قات زیاده محبوبدر. نفرتک بودرجه سینه مذهبکده دخلی واردر، تفصیلی آتیده بیان اولنور. کردلرک بدرجه یه قدر بزه محب اولانلری ده الان بزلره رومی و عثمانی دیرلرده آیری کورورلر. (عثمانیلر بی بختدر) لفظی بونلرک میسانده

حدود اوزرنده
مسکون اهالیرک
بعضینه متعلق بر
قچ سوز

کردلرک بزمه اولان
مناسبات و اصلاح
احوالرینه متعلق
مطالعه

مشهور بر مثل سائر حکمنده در . آرتق درجه حب و مخالفت بوا یکی نقطه منها
بیننده بر طاقم درجاته تقسیم اولور. عثمانلیلر بی بختدر دیمک : « سوزلرینه اعتبار
اولنماز، عهدلرنده وفا یوقدر، ایشلرینک چیقیشنه باقارلر، باشلری بر صیقیه کلیر
ایسه و اوایشک سنکه بیته جکنی آ کلارلر ایسه پرستش درجه سنده معامله
حیه اظهار ایدرلر؛ ایشی کورلدکن صکره هیچ طایمازلر « مغسالیله بی بخت
تعبیری تفسیر ایدرلر. بو عشیرت لک حالی حدودلرده اولوبده کورمیدر. اوفه جق
برشیدن کرد آغاسنک جانی صیقلدیغی کبی عشیرتی ایله برابر ایرانه کچر؛ اوراده
صیقیلیر ایسه، روس مملکته جماعتیه چیقارده مملک دولت علیه کلیر. حتی
بو محاربه ائساننده، قرق الی سنده نبری عشیرتیه برابر روسیه ممالکنده مسکون
بولنمش اولان ذیلانی جعفر آغا، که روسیه ده ایکن اسمی جنرال جعفر ایدی؛
انک اوغلی ایوب آغا قبیله سندن بزم طرفه کچمک آرزو سنده بولنان اوچوز
خانه خلقله چیقوب اسماعیل پاشانک زور یابلا سنده کی اردوسنه التحاق ایتدی.
صکره عشیرتی اورالرده اسکان اولندی؛ ایوب آغایه ده، مختار پاشا طرفدن
وقوع بولان انما اوزرینه دولته میرالامراق رتبه سی ویرلدی.

ایشته افندم، کردلرمزک بعضیلرینک حالی ده بویله در. نه یابالم؛ ینه بزم
جماعتز دندرلر، مسلماندرلر، سوادمزی تکثیر ایدیورلردیوبده قصور و کسورلری
عفو ایدم؛ زیرا جاهلدرلر، بیلمزلر، قصورلرینه باقاملی. وقتیه مأمورین ملکیه
وعسکریه مز آدم اولوبده ویا اصول اداره مز یولنده بولنوبده بونلر وحشت
وجهاتلری ازاله ایتلی ایدی. اگرچه تربیه فکر و تزین ذات ایدنلری
زیاده شیرسه جمیع اسلامیه بیوک بیوک خدمت ایدرلر. چونکه کندیلرنده جوهر
شجاعت موجود اولدیغندن یوزلرندن عالم اسلامیه کلی فائده کله جکنده شه یوقدر.
کله م صده : دشمنک محوم ایندیکی موقعده کی عسکر شدنه مدافعهیه قیام
ایلدیکی کبی، اوصرده مقابله میر آلا ی ابراهیم بک [*] قومانداسی آئنده
بولنان بریاده لواسی واردونک نظامیه سوارسی، غازی شمونل پاشانک
داغستان سواریلری ایلرولدیله رک طوب و تفنک آتشی قیزشمش و کوندوز
ساعت درت راده لرنده دشمن رجعتیه باشلامسینه بر معتادینه آوجی ایله برمدت
تعقیب اولنه رق صکره ایشه خاتمه چکلمشدر.
بو محاربه ده دشمندن بر خیلی اسلحه اغتنام اولندی؛ بر چوق بارگیر

[*] بوابراهم بک شمدی فریققله کرید قوماندانی اولان نامق پاشازاده ابراهیم پاشادر.

لاشه لرینک میدانده قالدینی کورلدی [*]. بزمده عندالمعینه اون شهید ایله اون یدی نفر یارلومز وقوع بولدینی آکلاشلدی. دشمنمیزک انسانجه وقوع بولان ضایعاتنک مقدارنی بیله مدک.

شمی اردونک احوال عمومیه سنی بردها میزان ایتمک اقتضا ایدیور. ینه اردونک احتیاجاته دائر برق سوز یوقلانلدی، حساب ایلدی. ۵ ایلول سنه ۹۳ ده درت بیک بش یوز مکاری حیواناتمز اولدینی آکلاشلدی. بونک بیک بش یوزی بزم اردوده ویک بش یوزی اسماعیل پاشا نزدنده کی قول اردوده ویک بش یوز رأس ده کرک بایزیده وکرک قارصه و بزه لوازم یتشدیرمک اوزره ارضرومده ویوللرده در. برطابورک سلاح انداز اوله رق موجودی درت یوز نفر فرض اولنسه وغایت آزدن آز اوله رق برحرب وقوعنده صرف اولنمق اوزره اسلحه جدیدنک بوحالنه کوره هردرت نفرک حصه سنه ده بیک فشکی حاوی اولان برجیخانه صندوق دوشه وهر حیوانه دردر صندوق یوکلنسه، یالکیز جیجخانه فی طاشیمق و طابورلرک یانندن بردقیقه آیرلماق اوزره هر طابوره دمیرباش اوله رق لاقل یکرمی بش حیوان ویرمک لازم کلیور. شوحالده نزد مزده بولان التمش ایکی طابور پیاده نک بیک بش یوز الی حیوانه احتیاجی درکاردر. سواری، طوبجی وعساکر معاونه نک محتاج اولدینی یوک بارکیرلیله، بوقدر عسکرک قازمه سنی، کورکنی، اکمک ساجنی ولوازمات سائر وسیله چادر نقل ایده جک حیواناتک مقداری جابا! هله ارزاق نقیلاتی هیچ قاله آلماملی؛ چونکه قارصدن آتی، سکز ساعت اوزاقده وقیرده بولان اردومیزک سلاح انداز موجودی اوتوز بیک ایسه صرف اکل اوله رق موجودی ۴۵۰۰۰ نفر اولور و بونک بویه اوله جغنی تجربه ایدنلر و ایچنده بولانلر بیلور. هر برنفر یومیه یارم قیه دقیقه؛ و بش آلائی نظامیه سواریسی و بوقدر سیار طوپ بطاریه لرله معاونه سواریسی و بیک بش یوز مکاری حیواناتمز وضابطان بینکی حساب اولدینی حالده لاقل اون بیک رأس حیوانمز وار دیمکدر، بونلرده یومیه اوچر قیه آپه دن اوتوز بیک قیه قدر آرپه یه محتاجدر. بوضورتده اردونک کرک انسانلرینک و کرک حیواناتنک یومیه ییه جکنی طاشیمق ایچون بش یوز رأس حیوان ایستر؛ یعنی بوبش یوز حیوان یوکلن اوله رق هر کون اردویه کیرمیلدر. دارالمیاتمز اولان نفس ارضروم، اردوکاهمه قرق ایکی ساعتک مسافه کیرمزده واقع اولمنسه کوره، ارضرومک

[*] آرقه سی وار اولدینی جوته بویه ضایعاتی هیچ وظیفه ایدنمز.

بزه وینه بزم مسافه من قدر ارضرومه اوزاقده بولسان یایزیده کل یوم اوزاق ویرمک ایچون ارضرومدن هرکون نقدر حیوانسک یوکلنوب چیمسی لازم کله جکنی ارباب مطالعه نك حسابنه براقیرزه شو حالده اردومن آجلقدن فریاد ایتزده نه یاپاره!.. واقعا احتیاج مسئله سنه متعلق تفصیلات ایله اوصاف ویردک ؛ لکن (هرکه زخمی خورد البته نغانی دارد) مصرعی موافق حسب حال بوله رق بوبابده سرعسکرلک مقامنه یازلمش اولان ایکی قطعه تلغرافنامه یی ده عیناً نقل ایله ممکن اولورسه بوندن صکره آجلق بختدن کف لسان ایدیه جکدر .

۳ ایلول سنه ۹۳

مقام سرعسکری یه

عسا کر نظامیه و معاونه سواریلرینه و طوبخیلرک برقسمنه شمدی یه قدر آربه بولنوب ویریه مامش اینسه ده موسم وزمان مساعد اولدیغدن طاغلرده و قیرلرده کی اوت ایله قوت لایموت اداره اولنیورلردی . حسب الموسم شمدی اورتالقدده اوت قالمامشدر . عسا کر معاونه حیواناتسک و کرک کندولرینک بولندقلری نامتاهی حال ضرورت اکثریسنک فرارینی موجب اولمش و فرار ایتیانلرک دخی ظهور ایدن صغوقلره قارشو چیپلاقلقلردن و کرک حیوانلرینک اداره سز لکگردن طولانی ایتدکاری ستملره جانلر تحمل ایتیمور و سوز کدازلرنده حقلی اولدقلری ایچون طبیعی برشی ده دینه میور ولایقوله ایشه و خدمته دخی کوندریله میورلر . بوراده کی عسکرک اداره روزمره سنی تدارکدن عاجز ایکن شمدی برده حیوانلره شعر تدارکی چارهمسی ایله اشتغال ایجاب ایدیور . الحاصل من کل الوجود غریق بحر احتیاج اولدیغمزی و بوبابده ارضرومی دخی هر بار تضیق واجباردن خالی اولدیغمزی برای معلومات عرض ایدرم . احمد مختار

بیچاره ارضروم نه یاپسون! واقعا اوراده دفتر دار و والی و کیلی بولنان حاجی عاکف افندی کیجه یی کوندوزده قاتمش چالشیور اما ، حکم امکان خارجه حقیقه مازیله اکاده استانبولدن پاره وسائر لوازمات و ولایات متجاوزه وبعیده دن اعانات و حیوانات کله جکده اوده ایجابنه کوره اردولره تقسیم ایده جک!... مع مافیه مشار الیهک همتدن چوق متشکرز .

ایشته افندم تلغرافنامه نك اوت کیسی ده :

قارصه ادخاری قرار و ترتیب اقتضاسندن اولان ذخایردن شمدیلره قدر برشی قونیه ممدی . بو کوندن اعتباراً ارضروم جهتدن بهر کون اورایه بیک بش یوز آرابه بغدادی و آربه قونیه ماز ایسه مطلب تأمین ایدیه مزم . بوده بر

آرابه نك، اقلی اون بش كونده بردور ایدیه یله جكنه نظراً یك رمی ایکی بیک بش یوز آرابه نك ویا بونستده حیواناتك شمیدن بردوزی به ایشه قونلیسه حاصل اوله جنی کبی، کون کچدکجه بومقدارك دها آرتمی لازم کلیر. چونکه نهایت بوندن بریحق ویا ایکی آی کچر ایسه قیشدن یوللر انسداد ایدرك نقلیات امکانی بولنه میه جنی معلوم عالی خدیو یلریدر. شمدی اداره روزمره یی تدارکدن عاجز اولدیغمز وهله سوارزی وطویچی حیواناتمز آریه سز وضعیف بولندینی حالده قیشین ایشك نزه به واره جنی واداره نك نه صورتله یولنه قونیه جنی بیلنه میور. هله وقیله ایکدیره طوغری تجاوز حدود ایتش اولان اردومزك قیشین اورالرده بارنق احتمالی یوقدر. زیرا اوراسنی بوراسی قدرده اداره ایدیه میورز. موش سنجاغك سین عتیقه محصولاتی حاضر اولدینی حالده درت آیدنبریدر نقل ایدیه مامش اولدیغی، شمدی متصرفك اسباب نقلیه تحریسه قیامندن آکلادم. كرك اورایه وكرك هر طرفه تبلیغات شدیده اجرا سندن کری قالدیغ یوق ایسه ده طوغریسی امیدسز بولندیغمدن وبوحاله آقچه سزك ده منظم اولدیغندن حالك درجه سی معلوم اولق اوزره بر دفعه دها عرض واطخارینه اجتسار ایدیورم. ۳ ایلول سنه ۱۲۹۳ احمد مختار

کچن سنه دن قارصك اولدجه ذخیره مدخراتی وار ایدی؛ لکن طوغریدن طوغری به سیار اردومزی ارضرومك بسلیه مدیکی کونلر قارصده کی عسکرله برابر قارصك مدخراته آل اوزاتیور ودها طوغریسی جان آتیوردق. انك ایچون بووقته قدر براز بسلنه بیلدك ایدی. فقط قارصك آئیده تکرار محاصره اولق احتمالی ملحوظ اولسیله شوحالده محصورینك هیچ اولماز ایسه یدی سکز آیلق ارزاقك تهیه سی مقتضیدر. هر نه ایسه بورالرینی کچلم!

دشمن کدکار محاربه سندن صکره وضع تدافعی به کوردی؛ برشی قوپاره بیلیرمی یم دیه اوچ دفعه ده تجربه طالع قیلندن اولق اوزره اردومزه باش اوردی؛ پك شدتلی ویا قلقله مقابله اثری کوردی. اندن صکره بش اون کونلر سکوته واردی. مکر ایستدیکی قوه امدادیه سنك کلسنه انتظار ایدیور ایش. خاصه اردوسندن ایکی مکمل پیاده فرقه سیله بر پیاده وبررده طویچی وسواری لوالرینك پیدرنی قارشومزده کی دشمن اردوسنه کلوب التحاق آیلکده اولدینی جاسوسلر واسطه سیله خبر آلییوردی، بزم ایسه کریده عسکر مز اولدیغی بیلدی کمز ایچون او یله بر امید وانتظار مز یوغیدی. خصم سزك حاضر لقمده اولمسندن

قطعی و بیوک محاربه لرك و قوغبوله جغنه حکم ایله اردومزه جناب حق جان پکلیکی ویرسون دعاسنده بولمغله برابر برطرفندده باشمرك چاره سنی آریوردق .

انک ایچون میر آلائی حسن بك قومانداسیله پنکده بولان و آردهان جهتنده برایش کوردمدکلی یوقاروده بیان اولسان آلتی طابور، اردومزه ایستلیدیکی کبی، ارضرومده پراکنده نفراتدن تجهیز اولمش بولان ایکی طابورکده، ینه اوراده تجهیز ایدیلان ایکی بطاریه طوپله و مجلس میر آلائی حق بك قومانداسیله اردومزه کلیری امری ویرلدی . دشمنك بوجهتده کی کلی تدارکاتندن بخله آلتی طابورده بایزیدده بولان اسماعیل پاشادن ایستلیدی . شوخالده یکیدن اردومزه اوندرت طابورعسکرکله جک دیمکدر . اندن صکردهده مقام سرعسکری به دیندی که : خصمmerk بیوک بیوک تشبثاتی واردر ؛ هیچ اولمازیسه استانبولدن ارضرومه آلتی طابور قدر عسکر کوندریکیز . برده طابورلرmerk سلاح انداز موجودی آزالدیغندن بولری اکمل اتمک اوزره قرعه وردیف و مستحفظ بقایاسنك دخی پیدرپی تعجیلی ارساللری چاره سنی استحضار ایدیکیز !

واقعا بو بقایانك جلب وجمعی بدایت اعلان حربدتبری ولایات والیرلیه بزجهده تحت غبارده ایدی ؛ لکن ایش طارلاشدینی کبی انتظام اداره غیب اولدی کیتدی ! نه اندرلایقیله کوندره بیلدیر ؛ نه ده بزاوبقایانی منتظم عسکر کبی تنظیم ایده بیلدک . اولدی ، بجره مدك والسلام . . . !

سرعسکرپاشا حضرترلرندن کلان جوابده، دشمنك طابورلری طابورلرmerk عددندن پکده زیاده اولدیغندن، موجودمزله اداره مصلحت اتمککمز لازم کلهجکی اشعار وایستیلان آلتی طابورک ارسالی دخی حالاً و زماناً ممکن اولدینی بیانیله اعتذار اولندی . واقعا آتمش ایکی طابورمز موجود ؛ پنکدن، ارضرومدن، بایزیدنده اوندرت طابورکلهجک، اولوقت موجودmerk عددی یتش آلتی طابور اوله جق اما، اووقتکی حساب واستطلاعمزه کورده دشمنك کی کلهکده اولان فرقه لرندن بشقه یتش ایکی طابور موجود حاضری واردر . انک طابورلرینك موجودلری طقوزر یوز . بیکر نفرلی ؛ زمکیلرک موجودی ، بری بری اوزرینه دردر یوزلیدر .

استطراد

طابور ژورنالرینك ویردیکی معلوماته کورده ۱۵ ایلول سنه ۹۳ تاریخده سکر بیک بشیوز نفر خسته merk فارص خسته خانلرنده اولدینی متحققدر . شقا دکل لوازمات سائردهن قطع النظر سکر بیک بشیوز یتاق ایستر .

شوخالده دشمنك يکيدن فرقه‌لری کلمه بيله موجود حاضری بزمنك ايکي مثله مساویدر. اوت، اولجه طابورلر مرکز موجودی آلتیشر، یدیشر یوز نفره بالغ اولیوردی، لکن بش آیدر حرب ایچنده یز. بوش آی طابورلر مرکز خسته سی، یاره لیبی، شهیدی، فراریبی متمادی الوقوع اولدیغنه کوره موجودمن آزالدی. دشمنمن دارالمهماتنده کی دبی آایلرنده یتشمکده اولان معلم وجدید عسکریله اردوسنده کی موجودینی پیدرپی آشیلهرق امداد آیلکده؛ بزده ایسه ایراد جدید اولمدقن بشقه محاربه نك بدایتدنبری موجوددن و سرمایه دن صرف ایدلمکده ایدی. لکن بودردمن کیمه آکلادیله جق ایدی؟! نه چاره بالضروره موجودایله اداره مصلحتدن بشقه طریق و امکان وارمی؟ حریفک یکی کتیردیکی طوبچی لواسی دخی داخل حساب اولدیغی حالده علممزه اوچیوزه قریب طوب استعمال ایده جک: بزده اخیراً ارضرومدن ایستدیکمز ایکی بطاریه طوب کلوب یتشیر ایسه، طوبمزنک عددی سکسانه بالغ اوله جقدر. هر نه ایسه «آزدن آز اولور، چوقدن چوق!» ضرب مثلی حکمنجه حضرت خیرالنصرینک حفظ ونصرت صمدانیه سنه بالالتجا (ایکی ال برباش ایچوندر) دهرک چالیشوب چنالیه جغز باقلم آینه دوران نه صورت کوسترر!..

میرآلای شا کر
بکک بر سواری
محاربه سی

زارشاد قضا سنک محصولات جدیده سی حیوانات عشرینک بتون قضا لردن اول نقل اولنسی ضروریات اموردن اولوب، زیرا اردومزنک رجعی اقتضا ایته، اوقضا الک اول دشمنک داخل اوله جنی برقطعه در. بوجهته اوراده میری ذخیره سندن برجه نك کری براغلمسی، دشمنه ذخیره ترک ایتک دیمکدر. بناء علیه کویلیردن تدارک اولنان اوکوز آرابه لريله کیجه لی کوندوزلی اوقضا نك اعشار ذخیره سنک آرپه لری عیناً، بغداییری اون یاپدیریه رق نقل اولنورایکن، دشمنک قارشومزده کی اردوسنه التحاق ایتک اوزره آردهانندن کتیرمکده اولدیغی سکر طابور پیاده ایله برآلای سواری و بر بطاریه طوبی قارص چایی اوزرنده واقع آنجه قلعه قارشوسنه کلوب قونهرق سواریسيله برابر ایکی بلوک پیاده سنی ایلری سوق ایله، زارشاد قضا سندن اردومزه کلمکده اولان یولی طوتمسيله ذخیره وارداتمز کسلمشدر. او یولی آحق و ذخیره قافله سنی بالاستصحاب کتیرمک اوزره بشنیجی اردونک سواری ایکنیجی آلینک میرآلای شا کر بکک قومانداسنه آلتیجی

اردونك سوارى برنجى آلاى وىرلەرك كوندىرشىدى. [*] شاكر بىك حسب المأمورىە كىدر ويولى قطع ايدىن دشمن سوارىسىلە محاربە يە طوتوشور. دشمن سوارىسى رجعتلە آرقەسەندە بولان ايكي پيادە بلوكىلە برلشيد. بزم سوارى آلاى افرادى آتلردن اينەرك آوجى هيئتەندە پيادە يە قارشودى محاربە يە كىرىشمىسەلە دشمنك بومفرزەسى كاملاً رجعت ايدرك آرقەسەندە بولان بيوك قوتە التحاق ايلر. بو محاربەدە بزم سوارى آلايندىن اون شهيد ايلە يكرمى ايكي ياردلى وقوعوبوش واون راسدە صاعلام روس قطانەسى اغتنام ايدىمشدر. دشمنك ياردلى وتلفاتىنك مقدارى دىخى بزمكى قدر اولسە كر كدر.

شاكر بىك وقوعائى اقشام اوستى بر ژورنال ايلە باش قوماندان پاشايە بىلدىردىكن سكردە يولك مەھما امكن محافظە امنيتى ايچون اقتضا ايدىن دايىرى بعدالاي فاطور دىرئمش اولان ذخيرە سوقياتە قضاىك قائم مقامى حامد افندى نى مأمور ايتىمشدر. بو حامد افندى ذخيرە سوقىدە وخدمات متفرقە سائرەدە اردوى ھايونە برچوق خدمتى سبقت ايدىن غيرتوران مأمورىندىدر.

فرداسى كونى دشمنك سكر طاپور پيادەسى اولدىنى يردە قالدى ايسەدە بزم ذخيرە يولزە ضررى اولدى. اوچىنجى كونى اورادن چكىلوب دشمنك قرە يالەدە بولان بيوك اردوسنە التحاق؛ شاكر بىك دە سوقياتى تامين ايلەدكن سكردە بالاسيدان آلدىنى امر اوزرىنە اردومزە عودت ايتدى؛ شاكر بىك محاربە ايتدىكى موقع ايلە اردومزەك آردەسەندە يكرمى بش كيلومترە قدر بر مسافە واردر. مختار پاشا حضرتلىرى شاكر بىك خدمتى تقديراً كندى ايلە صدرينە دردنجى رتبەدن بر قطعە نشان مجيدى تعلق ايلدى. اردومزە نشان آلانلرك يازمقلە كوسترلمكەدە اولسە نظرأ شاكر بىك دە انلر ميانە ملتحق اولدى.

شاكر بىك محاربە ايتدىكى كون دشمنك آردەھاندەكى عسكرينە مقابل بولان آلنى طاپور پيادەمز، پىنكەدە مير آلاى حسن بىك قومانداسىلە كلوب بزمە قاووشدى.

ايولك اون طقوزنجى كونى صدر اعظم ادهم پاشا حضرتلردن مختار پاشايە مختار پاشايە
كلان برتقراقنامە سامى در :
دولتجە غازى بىك
عنوانىك وىرلى

[*] دفت بيورليورى؟ برنجى آلابە قوماندان ايتك ايچون بشقە بر آلايك مير آلاى آلنيور. زبرا برنجى آلايك مير آلاى خورشيد بىك غالباً اهلينى اوابىنى رۇيتە كفى عد ايدنامەشدر. احوال واركة، برانفاربەدن قورندىق دىە خورشيد بىك دە ممنون اولمشدر.

جناب حَقِّك نصرت ربانيه سی و پادشاهمز افندمز حضر تارینك توجہات مقدسہ سی ایلہ كدكلر وسائر محارباده اعدانك تدمیر وتنکیلنه موفقیت مشیریلری دولت ومملكت وولى النعمت بی متہ پك بیوك بر خدمت اولدیغندن بو مساعی حیتمندانه لرینك مكافات سنیه ابدیه سی اولمق اوزره ذات دولترینه غازیلك عنوانی وبرمرصع نشان عالی ایلہ برسیف وایکی اسب احسان بیورلمش وبونلر بافرمان عالی دودست ارسال بولمش اولغله شوالطاف جلیلہ نك بالذات، وكلا حضر آئی طرفلرندن بالوكاله تبریک وتسعیدینه وهان بین العساكر اعلانی اخطارینه مسارعت اولنور.

۹ ایلول سنه ۹۳

بوابده سرعسكر فوسفور مصطفى پاشادن تلغراف

تبشیر بیورلدینی وجهله باعون خدا كدكلر محاربه سنده وسائر محارباده عساكر شاهانه قرداشلر مزك وجهله مزجه ملاذ وملجأ اولان عثمانی سنجانك نصرت وغالیته مصر و ف اولان همت وغیرت مكافات عالیہ سی اولمق اوزره بوكره ذات دولترینه غازیلك عنوان جلیلی وبرمرصع نشان عالی وبرسیف وایکی اسب احسان بیورلمش واشبو عاطفت سنیه سلاح آرقداشلغمز جهتیه حمله مزجه موجب ممنونیت ومفخرت اولمش ایدو كندن مجلس عسكری ایلہ برابر تبریک وتسعیدیه تكریر دعوات موفقیت وسلامت مشیریلرینه مسارعت قلندی.

۱۹ ایلول سنه ۱۲۹۳ مصطفى

ایشته دولت، مختار پاشا حضر تارینك مساعی واقداماتی تقدیراً مشارالیهك تلطیفی امرنده بوصورتی اختیار بیوردی. بوتاریخندن صكره پاشای مشارالیه غازی احمد مختار پاشا عنوانیه یاد اولندی. بوتلغرافنامه لرك واصل اولدینی کیجه بر دهشتلی کیجه ایدی. آتیده كوریله جکی وجهله اوچ كون امتداد ایدن یخیلر محاربه سنك مقدماتی بو کیجه ظهور ایتشیدی.

حضر ت پادشاهك مختار پاشا حقنده کی معامله تلطیفیه سی بتون عسكرك خدماتی تقدیراً شرفواقع اولدیغندن، تلغرافك وصولی آننده موقع اجرایه قونلقده اولان محاربه عظیمه دنصكره مآلی اعلان واردوجه برتشكر مضبطه سی یازیله رق مابین هایونه تقدیم اولندی. بومضبطه یی نفر دن مشیره قدر هر رتبه دن ایکیشمر نفر مهرلدی ایدی.

شمدی اردو مزك وضعیتنی بردها تعریف ایدم؛ زیرا كدكلر محاربه سندن صكره اردو آلاجه طاغدن آشاغی یعنی دوزاووویه ایتمش ویوقاریده تعریف اولنان وضعیت تغیر آیلشدر.

شویله که: قارصده محافظ اولدوق سکیز طابور مزله پنکدن یکی کلان عسکر مز دخی داخل اولدینی حالده آلد آلمش سکیز طابور وار. بونک بدیسی قارصک اوچ ساعت مسافه ایلیرسنده واقع کوچوک یحیی تپهسنه، وارزنجانک ردیف تالی طابوری دخی کوچوک یحیی قردغولی مقامنده اولق اوزره بیوک یحیی به تعیه اولمشدر. دیمک اولدی که بویحیی تپه لرنده بولنان عسکر اردومزک صول جناحی تشکیل ایدیور؛ وار دو ایله نفس قارص قلمهسنک مواصلهسنی تأمین ایلور. باقی صف حربمزدده، دشمندن کدکبر محاربه سیله آلمش اولان قزل تپه یی جهة تمام امام کبی اوکنه آلهرق آرقهسنی آلاجه طاغه وصاغ جناحی اسکی بر بیوک شهرک وجودینه دلالت ایدن و آنی خرابه سی دینکله معروف بولنان موقعه ناظر ناخرچی تپهسنه ویرمشدر [*]. ایشته آلد باقی قالان الی ایکی طابور مزده حاجی ولی کوی، صوباتان، کورخانه قریه لری آره یرنده کی اراضینک استعدادینه کوره تقسیم اولمش؛ آره مزده بولنان آلاجه طاغک زرودهسنه دخی ایکی پیاده طابوری قونمشدر.

هوالر صغودی، بزم معاونه سواریلری آرتق باریناماز اولدی؛ اکثریتله فرار ایلدیلر. قوتمزک بو جهتهده خلل ککش اولدینی اونودلسون! حتی اوصرده اردومزک ایلری قردغوللق وظیفهسنی ایفا ایتک اوزره بر کیجه معاونه وضبطیه سواریسندن چیقارلمش اولان اون بش آتلو اردونک ایلری جهتهده بولنان برکوی جوارنده کزینیرلر ایکن، کویده هم قارنمزی طوبوریرز وهمده براز ایصینیرز املیه کویه ویر ایکی اوطیه ایتمشدر. آرددن بر ساعت کچر کچمز، آکلاشیلان کویلورلرک دشمنه خبر ویرمسنه مجبوریت کسی اوزرینه، بر ایکی بلوک دشمن سواریسی کلوب بزمکیلری آنمزین باصهرق جملهسنی انیر ایدوب حیوانلریله برابر کوتورمشدر. غفلتک درجهسنه باقلسون!

یخچیلر محاربهسنک ذکرندن اول قیدایده جکمز برشی واردرکه اوده، آلاجه بر اربه مصنوعه طاغک آرقهسنده بولنان نخجوان جهته و بزم اردومزک آرقهسنه، عمومی محاربه دن ایکی اوچ کون اول دشمنک بر آرتوت کچیرمش ویا کچیرمک اوزره بولمش اولمسنک خبر آلمشیدر. بونک ایچون قائم مقام علی شفیق بک درت طابور پیاده ولزومی مقدار طوب ایله آرقه طرفمزدده بولنان قزل قلهیه کوندلریش

[*] بو ناخرچی تپهسنک اوتهمی آنی خرابه سی وائک اوتهمی روسیه ایله دولت علیه اراضینک حدودی بولنان آره چاینک کسمه قیادن عبارت اولان صعب المرور دره سیدر.

ایدی . مومی الیه علی شفیق بك انتخاب ایتدیکی موقعده طابورلریله اوطورمش؛
ودشمنكده برمقدار قوتی قوردینی کوبیدن آرپه چایی کچهرک بزم طابورلرک
اوزرینه تعرض ایتشدر . آرقه مزده کی طابورلره تعرض ایتدیکنی ستر ایچون
اوکون دشمن بزم صاغ جناحزده یعنی ناخرچی تپهسنه طوغریده برنمایش
اجراسنه قیام ایتدی . عموم اردو سلاح باشنه جمع اولهرق دشمنك ورودینه
انتظار اولندی ایسهده دشمنك حرکتنده بطائت حس اولمسنیله، بوندن حقیق
برتعرض فکرنده اولدینی آکلاشادی . دیرکن غایت دربندن طوپ سسلری
ایشیدیلکه باشلادی . یره قولاق ویریلهرک دیکله ندلیکندده، آرقه مزده بونان علی
شفیق بكک طابورلرینه تعرض ایدلیکینه ودشمنك آرقه مزنی آلمق املنده اولوب
ناخرچی تپهسی علینه اولان حرکتك دخی بومقصدینی ستر ایچون بر حرکت
جعلیه اولدیغنه حکم اولندی . درحال غازی مختار پاشا، ایکی طابورله اضرروم
ردیف تالی قائممقامی حقی بکی، علی شفیق بكک عسکرینی تقویه ایتک اوزره
آرقهیه کوندردی؛ بزم صاغ جناحزده دخی دشمنله قارشوقلی بر قاق طوپ
تعاطیسندن صکره بدأ ایدن یاغموری وسیله عد ایدرک دشمنمز طوپ منزلندن
کرییه چکلدی ایسهده، بزم اردومزنی آیاقده وسلاح باشنده طوتمق ایچون
بتون بتون اردوگاهنده عودت ایتدی . تا اوکلهدن صکره آنحق چادرلرینه
چکیله بیلدی؛ بزم عسکرده او چکلدکن صکره یریله کوندردلی .

علی شفیق بکه معاونته کیتمش اولان ایکی طابور واصل اولوراما، اورایه
هجوم ایتش اولان دشمنی رجعت ایتش بولور . آقشامدن صکره علی شفیق
بکدن وقوعات ژورنالی کلدی؛ اوچ بش طابور دشمن پیاده سیله برایکی آلائی
سوارایی، بولندقلری موقع اوزرینه هجوم ایتشلر؛ کوستردکاری مردانه مقاومت
اوزرینه دشمن تاب آور مقاومت اولهمیهرق مخذولاً قاقش؛ بوده محضاً اثر
موفقیات جناب پادشاهی وخلوص نیت حضرت قوماندانی ایش... کبی برطاقم
بکک سوزلردن [*] صکره بیلیم نه قدر تلفات ومجروحینی وقوع بولدیغنی پک
شعشعلی برصورتده بیلدیرمشدر .

لکن مصالحه وقوعندن صکره اصحاب وقوف ومعلوماتک ویردیکی خبره کوره بعضاً
بزم امرای عسکریه مزده عادت اولدینی کبی علی شفیق بكده ایشی دکرندن

[*] تحف دکنی! زده معنایه وخلوصه مقارن اولمیان هر سوزره بکک سوز دینور،
امور جاریه حکومتك مح تقدیری اولامازی؟!

زیاده مبالغه لیجه طومش و سرچه بی قاز قدر بیولته ترك اولهجه صامش ایش .
 علی شفیق بك زکی ، مستعد ، سوزی صحبتی یرنده ، عقلی ایشه ایرر جربزله
 برضابطدر . هر زمانده امور دولت ایچون موملرله آرنایان بومللو ذوات ،
 برازده صدق سر یرته مالک اولسه ایدی بك طاتلی اولوردی . علی شفیق بك
 محاربه واقعهك مكافات مظفرتی اولمق اوزره عهده سنه میرالایق رتبه سی
 توجیه اولمغه شایان کورولمسیله ، غازی مختار پاشا اولوقت کندوسنه نشان
 قویهرق چوق کچمکسزین اقتضاسنی اجرا ایتشدردی .

صکرده دن ایشك دكر سزایکی آكلاشدینی کبی علی شفیق بکه ویریلان رتبه ده
 نزع ایدلسه ایدی ، حقانیته موافق بر معامله اولمش اولوردی . هر نه ایشه بزم تركه
 ضرب مثله رز دندركه : « ایشنی بجزن سلطان ، کیسنی قور تاران قپود اندر » والسلام .
 علی شفیق بك مختار پاشا طرفدن یازیلان جوابنامه ایله تلخیف وتبریک
 اولندینی صرده حقی بك قومانداسیله کوندریلان ایکی طابورك اعاده اولمسی
 توصیه اولنشدردی . زیرا قرائن حالیه ، دشمنك عموم اردومزه کلی بر تعرض
 نیتده اولدیغه دلالت ایدیوردی .

جنرال کیشیشوفك یازدینی تاریخده ، آلاجه طاغك اوسته چیقوب عموم
 اردومزك ارقه سنی آلمق مأموریتیه وجزاك (چول قوناقوف) قومانداسیله آرپه
 جانی اوزرینه کوبری قورهرق تجاوز ایدن دشمن قوتی ، آلتی طابور قدر پیاده
 واون بلوك سواری وایکی بطاریه طوبودن عبارت ایش . کوبریدن التی یدی
 کیلومتره قدر اوزاقده بولان قزل قلعه ده اخذ موقع ایش ایلان ترك عسکری
 اوزرینه ایکی طابورله تعرض ایدرك حرب ایتدیکی ائنده ، روس اردوسی عموم
 قوماندانی لوریس ملیقوفدن آلدینی امرده دشمنله باشلوجه بر حرب ایشنه
 کیشیمسی امری ویرمش اولمسیله بالضع مجبور رجعت اولهرق کوبری باشه
 حکمش و فرداسی کون صاغه طوغری تبدیل استقامتله عالم کونی ضربیه
 یوریه ترك صباحین بزم اردونك آرقه ویرمش اولدینی آلاجه طاغك زروه سنه
 چیقمش بزم اوراده کی نو تحیلر قیزی بر حال غفلتده بولهرق جمه سی طوبوددن
 ووتیه باتش اولدیغوز استحكاماته عسکرینی یرلشدیردكدن خیلی مدت صکره
 یشدن خبردار اولان مختار پاشانك آشاغیدن سوق ایتدیکی قوه عسکریهك
 هجومه مقاومت اولنه ماقدن ناشی بوزیلهرق رجعت ایش واولجه کلدیکی
 طریقك قزل قلعه دن تهدید اولمق خوفی موجود اولمق ملاپه سیله یولسز

و مناسبتر بشقه یولاردن طولاشه رق قورمش اولدقلری کوبری باشنه بیگ کوچلکه جان آتورق سلامته حیققشالر ایش . جنرالک قزل قله اوزرینه تعرضی ائنده ۱۹ مقبول ایله ۹۳ مجروح ویرمش اولدینی تاریخ مذکورک مرویاتی جهل سندن در . اوله موخش و مدھش وایصسر طاغر ودرلر آرسنده شیطانلرک بیله کوچلکه بولاجنی یولرده جنرالہ تلاغوزلق وظیفه سنی ایفا ایدنلر کیم ایدی؟ هیچ شبرہ یوقکک اسلام اسی آئنده یاشایان و اوحوالیده مسکون بولنان قرہ پاپاقلرله حمیت دینیہ و ملیہ دن محروم بض منفعتجو کلدردن بشقه دکل ایدی . قتل الله الجھانہ !

یخنیلر حال حاضرینک امنیتده یواندیرلمسی اوراسنک قارص ایله مؤمن مواصله من اولق جهتیله مصلحتہ مقتضی اولوب اورانک قوماندانی بولنان میرلوا ارضرومی احمد رفعت پاشانک تجربه سزلیکنه مبنی احتیاطده اولان لوايه قوماندا ایتدیرنک اوزره جلب ایله احتیاط لواسی قوماندانی اولان قپودان محمد پاشا، باش قوماندان پاشا طرفندن یخنیه قوماندان نصب اولنهرق کوندردلی . حتی قپودان بومأموریتی مختار پاشانک بر اثر انفعالی اولهرق تبعید صورتنده تلقی ایله استیضاح اسبابنه قیام ایتدیکنده مجرد اوراسنک تقویہ سی انجاب ایلسنه و اعمیتنه مبنی کندوسنک کوندیرلیکنده اولدینی سویلندلی ایسه ده پکده قبول ایدمه رک مأیوساً چیقوب کیتدی ایدی .

لزو مسز یرہ تقریق و تقسیم قوت ، هر حانده جالب مضرت اوله جغدن آلاجه طاغث اوزرنده کی طابورلرده اشاغیده بولنان اردو کاکمزه الدی ، انلرک یرینه برطاقم نظامیه سواریمی کوندردلی . بوسواریلرک وظیفه سی ، شاید آرپه چایی طرفندن الاجه طاغی اوزرینه دشمنک عسکر چیقارمق نیتی آکلار و کورورلر ایسه درحال اردومزه بر خبر قوشدیر مقدن عبارتدر . بوقدر اوفه جق برشیئی قید ایتمکدن بر مقصد مهم واردرکه آتیده صرہ سی کلدیکنده کنديسنی ارائه ایده جکدر .

ایلولک اون طقوزنجی کیجه سی اردونک ارکان و امراسندن بعضیلری فریق حاجی راشد پاشانک چادرنده طوبلانهرق مصاحبت ایدرلر ایش . حاجی راشد پاشا فقری ده ایسته مش ایدی . ائمه بولنان یازی ایشلرینی بتردکدن صکره کیجه ساعت ایکی یحق اوچه طوغری کیتدم وطن ایدرایسه م درده بشه قدرده مصاحبت ایتدک . هرکس کیتدی ، فقیرده چادرمه کلک اوزره راشد پاشانک

یخنیلرده وقوع
بولاز محاربه
عظیمه نک مقدماتی

چادرندن چيقار ايكن كوزومز دشمن اردوكاھي جهته منعطف اولدى .
 برچوق غير معناد آتشلرک يانمقده اولدينى كورولدى . حاجي راشد پاشا ايله
 عجاندر، ويچوندر، ديه براز سوز ايتدك؛ برمغا ويره ميرهك آيرلدق اما وهم
 غالب اولدينى ايچون فقيرك ايچم راحت ايدمدي، ساكن اولديغ چادره كدم .
 مشاهداتمدن حاصل اولان راحتسزلكي بردلو هضم ايدميرهك غازى پاشا
 حضرتلرينك چادرينه كيردم . بيم چادر قپوسندن ايچرى يه طوغرى توجهمله
 برابر چادر قابوسنك حاصل اولان خشلايسندن اويانديغى ويرديكي سندن
 آكلادم . دشمن اردوسنده كورلمكده اولان حالى آكلاتدم، ذاتا البسه سيله
 برابر يانمقده اولديغندن آياغنه چيزمهلريني چكرك چادر ك قپوسنه فرلادى .
 آتشلرک يانمقده اولديغى اوده كوردى . دورينه باقدى، بلدك روسلرجه بريموم
 مخصوص ومعين درده شهر آيين اجرا ايديورلر معناسى ويردك ايسهده، تقويم
 وسالناملره مراجعت ايدلديكنده او كيجه نك، اويله بريموم معينه مصادق
 اولمدينى آكلاشلىدى . عجان روم ايلي طرفنده برمظفريته نائل اولدقلى سبيله مى
 شهر آيين اجرا ايديورلر مطالعه سته صاپلدى، انكده تحقيقه امكان بولنه مدي
 اما، ذاتا كلى بر تعرض وقوع بوله جنى اميديله حاضر اقمده وقولانغى قوشتموده
 اولان قوماندان پاشانك راحتسزجه اولديغى حالندن آكلايوردم . هر نه ايسه
 حقيقت صكره تبين ايدر ديهرك چادرلر قمره چكلك .

هنوز ده اويقويه وارماش ايدم، صاغ جناحزدن بريوك ديوار ييقيلورمش
 كبي برطابور آتشي اولدى؛ ايكي دقيقه فاصله لره بو آتش بر قاچ دفعه تكرر
 ايتدى . انك اوزرينه مختار پاشانك چادر ك ديشاروسنده سنى ايشتم . بوريزنه
 عموم اردونك حاضر اولسنى وسالاح باشته چيقمسنى امر ايديور ايدى .
 كيجه نك مدھش قراكانى ووحشت افزا سكوتى ايچنده مركززده بولسان
 قوماندان بوروسى آجى آجى فرياده باشلاديني كبي، اردوده هرلوا والاي
 وطابور ك نوبتى بوريلرى ده هب بردن بو بوريزنك ويرديكي امرى تكرار
 ايلدلىر . كيجه وقتنده دشمن قارشيسينده اويله بر صحرای واسعه فرياده
 باشلايان بورولرک سامعينك يوركنده حاصل ايدمچكى حشك تعريفى ممكن دكل
 ايسهده، بردرجه قدر يوقايزده بريرده تعريف ايدمچكى يلتلمش اولديغندن
 بوراده تكرارينه لزوم يوقدر .

صاغ جناحه ايشيديلان سبك اوجهت قرده غوللردن تحقيقى ايچون ياورلر

کوندردلیدی کبی بوری سسیله کوچوک یحیی یه خبر یتشدرمک قابل اوله مدیغندن تلغراف واسطه سسیله اورانک قوماندانی قبودان محمد پاشا اویقودن قالدیریلوب ماکنه باشنه چاغردی . تلغرافله مختار پاشا کنديسنه سویلدی که : یارین ایچون بریبوک محاربه یه شمدیدن حاضر اول ، و شمدی عسکری قالدیروب سپرله تقسیم ایدرک برهم وقوعاته منتظرأ صباحی بول . قبودان محمد پاشادن پک آیی جوابی آلدقدن و دیگر فرقه قوماندانلرینه دخی یاورلر واسطه سسیله بعض خصوصی امرلر تبلیع اولندقدن صکره وقت کچیرمک و صباحی بولمق اوزره مختار پاشا ، حاجی راشد پاشانک چادرینه کیتدی . فقیرده کیتدم ، اوتورلدی . یارین حربک الکهمی صول جناهمزده یعنی کوچک یحیی طرفلرنده وقوعبوله جغنی و صاغ جناحده ایشیدیلان طابور آتشی صداسی ، نظرد قتمزی اورایه جلب ایتک ایچون دشمنک اختراع ایتدیکی برحیله و دیسیه دن عبارت اولدیغنی غازئ مشار الیه سویلر ایکن تلغراف باش مدیری شوکت افندی کلهرک کوچک یحیی تلغرافنک کسلمش اولدیغنی خبر ویردی .

آکلاشدیکه دشمن کوچک یحیی تکمیل احاطه ایدرک اوده بزم کبی صباحک آچیلیمسنه منتظر در . یارم ساعت اول مختار پاشانک قبودان محمد پاشانی اویقودن قالدیریمسی و حاضر اول امری ویرمسی و عموم اردومزک حاضر لاندی ، بحمدالله مظفریتمزی و دشمنک خائب و خاسر قالمسنی موجب اولدی . کیجه غایت قراکلق اولدیغندن دورینه آدم کوریه مز برحالده ایدی ؛ انک ایچون سواری قره غوللرینه ینه امر کوندردلیدی که ، یاتوب یری دیکله سینلر و دشمنک طوب و سواری آلایلرینک وجهه عزیمتی ، نقلیات عسکریه سسیله بالطبع حاصل اولوب عکس ایدمک صدانک سمت جریانندن تعین ایلسونلر ؛ ممکن اولدیغنی قدرده اردونک زنجیر خطندن ایلری کیدرک حس ایدمک کلری احوالی پیدری بیلدیرسونلر که ، دشمنک نقطه قصدی تین ایتسونده انک اوزرینه تدابیره تشبث اولسون . کلان خبرلر سسک دلالت ایلدیکنه کوره آقندینک بزه مقابله وجهه وقوعبولمقده اولدیغنی معلوماتی متضمن ایدی .

خبر ظهور ایتدی ؛ اردوگاهک هرجهتدن مؤذنلر عظمت خدای تکبیرایله حی علی الصلاة ! نداسیله ولوله انداز جهان اولدقلری صرده ، اسباع حقیقت اوندا ی عالم کیری حی علی الجهاد ! تأثیر روحانیسی صورتنده تلقی ایدرک قلبلر بشقه برحس دینداری ایله متحسس اولیور ایدی . مختار پاشا ، راشد پاشانک چادرنده قيلمغه

یحییلر محاربه سی

باشلادقلری صباح نمازی هنوز بیتیر مامشلر ایدی که ، مرکز مژک ایلرینده بغداددن کلان فریق عمر پاشانک قومانداننده بولنان عسکرک اقامت ایتدیکی قزل تپه نك قارشوسندن دشمن بطاریه لرینک بردن آتش ایتدکاری و دانه لرینک دخی تپه نك اوزرینه پاطر پاطر دوشوب پاطلادیغی کورولدی . مختار پاشا نمازی اکمال ایله طیشاری چیقدی ؛ خجده کرکی کبی کندینی کوستروب اپی اوزاچه بولنانلر آرق فرق اولمغه باشلامشیدی . دورینه اطرفه باقار ایکن ، دشمنک اردونک تمام وسطنده اولان حاجی ولی کوی جهتدن ایلر یله دیکنی و بزم اوراده کی طابورلر مژک موجود اولمادیغی و عادتاً خط حری مژک اورتدن قیریش اولدیغی کورمسیله ، بویه هولنک بر مخاطره نك دفعی چاره سنی بولمق اوزره احتیاطدن اوچ طابور آله رق اوجه ته کیتمسی و هان اوراده بولنان عسکری تنظیم ایله خط حری مژده حاصل اولان انکساری تعمیر ایسنی ارکان حربیه منر رئیس حسن کاظم پاشایه امر ایدرک کوندردی . آرتقایش یالکز قزل تپه نك طوپ محاربه سنه منحصر قلمیوب اردو کا هک هر جهتندن دشمن تعرضه بدأ ایتش اولمسیله صباح نمازینک آلاجه قرا کلغنده اردونک کافه قطعات عسکریمسی طوپ و تفنک آتشلری ایچنده قالدی . شمدی اصل هنر ، دشمنک حقیقی اوله رق نقطه تعرضی نره سیدر ، اوراسنی کس دیروب مقابله اقتضا ایدن تدابیرده قصور ایتماکدر . اردونک هر جهتندن شدتلی آتشلر دوام ایدیور ایسه ده ، صاغ جناح مژده هپسندن زیاده قیامت لر قویور ایدی . لکن حقیقی اوله رق نقطه تعرضک صول جهت اوله جنی واردونک قرص ایله مواصله سنی کسمک نیتده اولدیغی و بالقاعده دخی اویله یاتمق لازمکه جکی قوماندان پاشا جه مقرر اولمسیله بوسبیه منی صاغ جناحک پاطر دیسه قولاق ویرمیوب صول جناح ایله زیاده جه مشغول بولنیوردی .

بومحاربه نك فرداسی کونی قبودان محمد پاشا ایله کوروشدیکمده دییور ایدی که : کیجه غازی مختار پاشانک تلغرافله امرینی آلدقندن صکره تکمیل عسکری قالدیروب سپرله صوقش ، فشک صندوقلرینی ده لوازمات سائر ایله سپرل ایچنه یرلشدیرمشکه صکره جیخانه منر بیتدی ، فلان شی نقصان اولدی کبی عذرله عسکرک ایلری ، کری کیدوب گلینه میدان قلمسون ، نزدنده بولنان بر بلوک سواری یی دخی طوتوب او طوردقلری آتش خصلدن ایلری کوندیرمش ایسه ده مکر سواری بر جهتدن ایلری کیتمش ، دشمن دیگر طرفدن کلهرک بولندقلری تپه یه تقرب ایش ایش . خجره برابر ارقداشی بولنان قائم مقام محمد علی

بکله دقلیجه اطرافه باقورلر ایکن بولندقلری تپه‌نک ایکی بیک متروقدن تقریباً اوزاغنده وایلرینده بولان برکوی خرابه‌سی ایچنده بعض عسکر غلبه‌لیکی خیالی حس اولنقده اولدیغنی برطوبچی چاوشی خبرویرر. دقله اوجهته باقارلر؛ عجبا آدم غلبه‌لکیمیدر، یوقسه اهالی حیواناتیمیدر؛ ویاخود زارشاد قضا‌سندن بزم اردویه اوکوز آرابه‌لریله ذخیره نقل ایتمکده بولان قافله خلقیمیدر؟ بردرلو کسیره مزلر. صکره قبودان هر نه اولور ایسه اولسون اورایه برکوله آتمده ایشی یوقیلم دیرده طوبچی چاوشنه اورای نشان آلمنی امر ایدر. بزم طوب آتشنیر آتشنمز، هدفلی نقطه‌سندن دخی هان برقچ بطاریه‌نک کندولرینه مقابله بردن آتشن‌دیکنی کورورلر. مکر دشمن طوپلرینی کیجه اوراجقده اقتضا ایدن یرلره تعیه ایتش وپیاده عسکرینی ده ایلرویه یوروتش وعادتا بزم عسکرک بولندیغنی موقعه تقرب ایشلر ایتش. آرادن بش اون دقیقه کچر کچمز یحیی‌یه هجوم ایتمکده بولان پیاده نفراتی دخی تفنک آتشنه باشلار. آرتق محاربه کرمی نام‌ایله حکم سورر. یاقبودان ده سواریلره امنیت ایدوبده راحتجه اوطورسه ایدی دشمن بورورلرینک آتشنه صوقیله جقدی ده خبرلری بیله اولمیه جقدی!

بومحاربه‌یی (کردوریان) اسمنده کی فرانسرجه تاریخ حکایه ایتدیکی صرده دیورکه: «روسلر کوچک یحیی تپه‌سنه تعرض ایدرایکن اوراسنک ایشدن خبردار اولمدیغنه امنیت ایدرک سلمه‌السلام صوقولورلر ایدی. عثمانلی اردوسنک عموم خط‌حربنه موازی اوله‌رق کیجه‌دن یوریمکده اولان دشمن قوللری ایلک اول کوچک یحیی تپه‌سندن فرلایان برطوب قاپسولیه آتشنه بدأ ایتدی.» بوندن مقصدی عثمانلی اردوسنک دشمنک هجومندن اول ایشی خبر آلهرق مقابله‌یه حاضرلانش اولدیغنی بیان ایتکدر.

حسن کاظم پاشا یوریدیکی موقعه‌ده حربه باشلایه‌رق پنجه‌لشمکده ومقابله‌ده اولان دشمن عسکری قوتلیجه کورونمکده اولدیغندن، حسن کاظم پاشای بقویه ایتک اوزره دیکر اوچ طابورله‌ده فریق حاجی راشدپاشا آرقه‌دن کوندرلشدر.

باقکزاموقعه‌ده بولان امرامزک غفلته‌که، اوکارنده سوارى قره‌غولی یوق وحی اولدیغندن خبرلری بیله یوق؛ دشمن کلیر، بالامان ولامزاحم اوجهته‌ده اقامت ایتمکده بولان بزم سوارى آلاینک چادرلرینک ایچنه قدر کیرر. حتی سوارى قائمه‌مقامی لافزنلکه مشهور ودلی رشید نامیه معروف حاجی رشیدبک چادرینی حالیه براتوب چیقش اولدیغندن میرمومی الهک کافه اشیاسی دشمن طرفندن اغتنام اولنور.

بزم اورادہ کی سواریلر مزدن حیوانی بولہ بیلنلر برتلاش. بردہشت ایلہ کری بہ قہررق قور شونلہ و دشمن سونکوسیلہ تہہ لٹک تہہ لٹک سندن قور تولورلر. سواریلرک آرقہ سندن چادرلری اولان وقائم مقام عفت بکک قومانداسی آلتندہ بولنان اوچ طاہور پیادہ مزدہ در حال سلاح آلودہ معین اولان خط حربلرینہ یعنی سپرلرینہ چیقہ جقلری یردہ، اندردہ اوکلرندہ بولنان سوارلی آلاینک اشرایتدیکی دہشتندن اورکھرک کری بہ طوغری قاچوب جملہ سی قرمہ قاریشق اولہرق آرقہ طر فلرندہ بولنان بردرہ یہ طولش اولدقلری خالدہ حسن کاظم پاشا یتشور؛ برابرندہ کی اوچ طاہوری دشمنہ طوغری آوجی یایوب ایلری بہ سوق ایدرک آرفہ دہ عفت بکک آلاخی دہ تنظیم ایلہ مشغول اولور. سوارلی پیادہ دن تقریق ایلہ عسکرک دہشتنک اوکنہ کھرک، سوارلی دیکر طرفدن ایشہ صالدرر؛ قائم مقام عفت بکک دخی یوزینہ توکوروب قوماندان اسقاط ایتککھ اکٹفا ایدر.

ہا نوراسی اونودلسون! قارص قوماندانی فریق احمد فاضل پاشاہہ دخی: یازین اردو کاٹمزہ دشمنک تعرض ایدہ جکی قویاً مأمول اولدیغندن کنیدیسی دخی نفس قارصدہ موجود اولان عسکر ایلہ برابر شمدیدن حاضر لانونب ظہور ایدہ جک حالہ کورہ حرکت آیتسی و ہر حالہ کوچک یحیی بہ طوغری ایلریسی کیجہ دن امر اولندیگی کبی، وزین کوئی جہتندہ بولنان حسین حامی پاشا فرقہ سی دخی ایقاظ ایدنشدی.

صبح اولوبدہ حربک بدایتدیکی کورولدیکی کبی احمد فضل پاشا کوچک یحیی بہ متوجہاً قارصدن چیقمش و حسین حامی پاشا دخی ذاتاً عسکریلہ برابر وزین کوئی جہتندہ احتیاطدہ بولندیغندن مشارالہہ دخی موقع حربہ طوغری ایلریلہ مشدر. کوچک یحیی تہہ سی قارصہ اون بش کیلومترہ یعنی اوچ ساعت مسافندہ واقعدر. پیادہ عسکریلہ احمد فضل پاشا بومسافہ نی آنجق دوت ساعتدن زیادہ برمدندہ قطع ایدرک مذکور تہہ نی دشمنک برچوق بطاریہ لرینہ هدف اولاش اولدینی خالدہ بولور. تہہ نیک اطرافنی دشمن کاملاً احاطہ ایدرک اورادہ عسکر مزک شدتلی هجومارہ مقابلہ ایتککھ مشغول اولدیغنی و کندوسندن اول موقع حربہ مواصلت ایتش اولان حسین حامی پاشا قومانداسندہ کی عسکرک دخی کوچک یحیی نیک جہت جنوبیہ سندہ یعنی بیوک یحیی نیک اوکلرندہ دشمنک بردیکر فرقہ متعرضہ سیلہ حرب ایتککدہ بولندیغنی کورور؛ کوچک یحیی نیک تخفیف باراضطرابی ایچون احمد فاضل پاشادہ تہہ نی احاطہ ایدن دشمنہ آرقہ سندن

تعرضه باشلار. دشمن ده احتیاطدن احمد فاضل پاشایه قارشى مقدار كافى قوت چيقاروب انلرله بوغاز بوغاز قاپشورلر. شو حالده یخینك مدافعه سی یالکیز اوکنه وصولنه منحصر قالوب صاع طرفنك و آرقه سنك یوکی احمد فاضل پاشا قوتی طرفندن رفع ایدیلر.

اوکلهدن صکره جه احمد فاضل پاشانك بجاغنه برکولله پارچه سی اصابت ایدرک قیرمش وبالضروره مشارالیه میدان حربدن قالدیریلهرق قارصه کوتورلمشدر. دشمن آتشنك شدتی، احمد فاضل پاشانك عسکری کیرکی کبی خیر پالامش وحتی یانی پیاده ایله و آرقه سنی سواری ایله آلمش وطابورلر مزده غایت صیقلمش ایکن قاچ کوندنبری ارضرومدن قارصه متوجهاً یوله چیقمش اولدیغی یوقاریده حکایه ایلدیکم ایکی طابور پیاده وایکی بطاریه طوبله مجلس میر آلائی حقی بك قارصه مواصلت ایدرک قارصك اوکنده کی یخنی تپه سنده محاربه وقوع بولمقده اولدیغی خبر آلدیغی کبی، یول یورغونلغنه باقیهرق بلکه برایش ایچون لازم اولورز فکریله قارصدن دخی چیقهرق محاربه دومانلرینك کوزو کدیکی نقطه یه توجه ایتشدرکه، دشمن سواریسنه هان بریحق ساعت صکره چاتمیش وطوبلریله آتسه باشلامشدر. دشمن، هیچ مأمول اولمادیغی حالده قارصدن اوصورتله برقوؤ امدادیه نك کلدیکنی واحمد فاضل پاشانك قارصدن کتیردیکی عسکرک صوانی و آرقه سنی آلمش اولان روس قوللرینك آرقه دن تهدید اولمادیغی کوردیکی کبی یواش یواش رجته باشلایهرق یخنی تپه سنك آرقه سنی کاملاً بوشالتمشدر. آرتق حقی بكك عسکری ده احمد فاضل وحسین پاشالرك عسکریله ایکنیدن صکره برلشهرک اوکلرندن رجعت ایدن دشمن عسکرینك براده یه قدر آرقه سندن ایلریله مشلدر. [*] یخینك جبهه سندن هجوم وتضییقه بولنان دشمن بو حال کورنجه، اودخی آرتق دیکیش طوتدیرمه رق طوبلرینی قالدیردی؛ عموم پیاده سنی رجعت حاله قویدی. یخنی تپه سنك صولته وایلروسنه طوغری اوزامش اولان اوفه جق برتپه نك اوستیده ارضروم تالی ردیف طابوریه دردنجی اردونك اوچنجی طلیعه طابوری مدافعه

[*] آفرین حقی بك! اعلان حربدن آزر مدت صکره پنك بوغازندن بروحه تبعیته لزومسز یره صاووشهرق اولانیك استیلاسنه سبب اولدك ایسه ده، بو محاربه ده حکمتشاسانه ووظیفه پرورانه برعسکرلک ایتدك، عساكر اسلامیه به بریو ك خدمتده بولنه رق اسکی قباحتی احباب وجدانه قارشى غو ایتدردك، سمیک مشکور اولسون! یاسن ده امثالك کبی، کیمسه برامر ویرمدی و بوظیفه حربه تعین ایتدی دیوبده ایشه صوقایه ایدك حال نه اولوردی!!

ایدیوردی. بو طابورلر اوکون اقسامه قدر او قدر شدتلی هجوملره مقاومت ایتشلردرکه غیرتک بودرجه سی عقالک ماوراسنده قالدور. بوتیه جک یحیی تپه سنه نسبتله برازمنحط اولدینی جهته جبهه یحیی تپه سنه هجوم ایدن دشمن عسکری، یحیی قیتمق ایچون بو کوچک تپه یه ایلاک اول آیق باصمی لازمکیوردی. بوسبیلده دشمن زیادهجه مقدار قوتی اوتپه نك ضبطنه حصر ایدرک بلابارانی کبی اورایه کولله وقورشون یاغدی ریوردی. متادیا ایکیشر، اوچر طابور پیاده ایله هجوملر تجدید اولنیوردی. هجوم ایدن عسکر، مهاجم علیه اولان بوایکی طابوردن شدتلی آتش ییه رک بوزفولوب کیری یه دوکیلور وینه تنظیم وامداد اولنه رق سوق اولنور. الحاصل بویله بویله اوکون دشمن بوایکی طابوره مقابل اقسامه قدر هجوم قوللرینی دیکشدره رک تعرضه دوام ایدر ایسه ده طابورلریمزک برنفرینی یزندن برقاریش قلمده مز.

شاقا دکل. مورخ جنرال کشیشوفک اذده سنه کوره اوکون کوچک یحیی به تعرض ایدن عسکر ۲۱ طابور پیاده، سکر بلوک دراغون، ۱۸ بلوک قزاق، ۲ بلوک چیچن ایله طقسان آلتی قطعه طوپدن عبارت ایمش. بو طقسان آلتی طوپ بزم آلتی طوپلوق بریطانیه مزله ددر یوز موجودلی یدی طابور پیاده مزک مدافعه ایتکده اولدینی برکوچو جک تپه یه صباحدن اقسامه قدر کولله لرینی یاغدیروب اوراسی وولقان حائه وبارینلمز برشکه قومشلردر. طقسان آلتی طوپک کولله سی او قدر مدت ظرفنده برعظیم شهره آتسه هیچ برکوشه سنده اثر عمارت براقاز، زده قالدیکه براوفه جق تپه یی مدافعه ایدن اوچ بیک نفر اوزرینه متقاطر اوله !

دیمککه اوقطعه یه تعرض بولان دشمنک مقداری لا اقل یکرمی بیک فرض اولنورسه تپه نك اوستنده کی بزم شرمه قایله مز آلتی یحیی مثلی برقوتله پنجه لشمش وعاقبت الامر نائل امل و امید اولمشدر.

« بچ وبارور طیانتر هت مردانه !... »

اوکون یخنیده عموم طابورلرک بیکباشیلری شهید اولدینی کبی ضابطاندن دخی پک آزی صاغ قالدینی و دشمن آتشدن سپر آله جق یعنی سلامت قالدنه جق بربر اولدینی حاله قبولان محمد پاشانک صاغ قالمسنه. اجانک گماش اولدینی معنای ویریلیدر. دشمن هجومه پاشالار پاشلامز، بوایکی طابورلرک بیکباشیلری بربری متعاقباً شهید اولمشدر. قبولان محمد پاشا یاننده کی عسکردن ایکی قول آغاسنی بیکباشیق

وظیفه سیاه بوطابورلرک اولدینی یره کوندرر. انلرده برایکی ساعت صکره کروه شهیدایه اتحاق ایدرلر. الحاصل بوا یکی طابورده و یخیده بوانان دیکر بعض طابورلره اوکون رتب مختلفه دن برقاچ دفعه ضابطه نصب اولمش؛ جمله سی ده دینلری، وطنلری و وظیفه لری اوغرینه ینه اوکون قربان اولوب کیتشلردر. رحمة الله علیهم اجمعین. محاربه نك فرداسی کونی یخنی ده کی عموم طابورلرک درجه غیرت واقدا می باش قوماندان پاشاجه آ کلاشیله رق، قوماندانلری قپودان محمد پاشانک، حقلرنده حسن شهادت ایتدیکی غزاة ترفیع رتبه ایله تلطیف اولمش و اوایکی طابور افراد یچون نشانه افتخار ابدی اولمق اوزره سنجاقلرینه اوچنجی رتبه دن ایکی قطعه مجیدی نشانی تعلیق ایدلشدر.

دشمنک کیجه دن ایلرلیدیکی صره ده، کوچک یخینک قره غولی حکمنده بوانان بیوک یخنی تپه سنده ارزنجان تالی ردیف طابوری بولنیوردی. کوچک یخنی شدتلی هجومه طوتلیدی کی بیوک یخیده کی طابورینه امداد ایده مامش و بلکه ده آنی کورمکه بیله وقتی قالمامش اولدیغندن، دشمنک اورایه هجومیه بو برطابور خیلجه طاورامش اولدیغی آتشارندن نمایان اولمش ایسه ده، صکره نه اولدیغنی قپودان محمد پاشا دخی آ کلایه مامشدر. چونکه ضباچ اولوب اورتالق آغار دقده اشبو بیوک یخینک بوکرنده اون آلتی طابور قدر دشمن عسکری قول نظامنده اوله رق یوقازی یه حقیقه مقده ایدیلرکه طاغک زروه سنه بعدالوصول اوراده قالدیلر، و بزم طابورک نه اولدیغی آ کلاشیله مدی. زیرا عقیب محاربه ده او طابور دن ولو برنفر اولسون کوریه مدی که دوچار اولدقلری خالدن کاهی حقه برخبر آلسون. عجا کاملاً اولدقلری یرده محو اولوب بیتدیلمی و یاخود جمله سی اسیر ایدیلرک کوتورلدیلرمی؟ بونک آ کلاشیله مامسنگ برسپی ده بعدالحرب بیوک یخنی تپه سنگ دشمنک آئنده قالمسیدر. [*]

شمدی کله م اردومزک مرکزنده کی واقعات جریه یه :

حاجی راشد و حسن کاظم پاشالر، بزم عسکرک چادرلرینه قدر کیرمش اولان دشمنی قورشون و کولله ضربه سیاه یواش یواش خطوه بخطوه کری یه سوردرک خط حربیه حاصل اولان انکساری دوزلتدیلر و قبل الحرب عسکریمزک بولندیغنی وضعیتی بولدیلر. حتی ایلرویه طوغری هجومه بیله باشلاتدیلر. دشمن خط

[*] جنرال کیشمیشوف بو دابور دن بقیه موجود قالمش اولان یوز التمش بوقدر نفرک اسیر ایدلش اولدینی یازیور.

حرمزى بوجهتدن قيرمق تدابيرينك ممكن الاجرا اولمديغندن مايوس اولديني
 كجي برېشقه مانوره اجراسنه قيام ايتديكي مشاهده اولندي .
 شويلاه كه : حاجي راشد پاشانك عسكرى محاربه ايدن دشمن قطعه سيلاه
 اوغراشوب طوروركين اوقطه عسكريه مزك صولى ايلروسنه طوغرى بر قاچ
 طابورلق بر دشمن قوتك ايلريلاه مكده ووجهتده بولانن اوليا تهسنى ضبط
 ايتك املنده اولديني محاربه نك عمومى اداره ايتكده اولان مختار پاشانك
 اولديني موقعدن كورولدى . اوليا تهسى بيوك ينجى تهسك صاغنده وتمام بر
 كواله منزلى قدر بعدنده و حاجي راشد پاشانك بولنديني حاجي ولى كوينك
 صولنده واقع و اوچ دوت طابور عسكرك استيعابنه كافى يوكسه جك بر تهدر .
 او تهده بزم عسكريمز يوغيدى ؛ زيرا اولجه دشمنك نقطه هجومى مجهول
 اولديغندن اكا نافع وبزه مضر تقاطك جلهسى مدافعه حائنه قونيلور ايسه
 عسكرك طاغيدلش اولور . صكره بر قسمك ديكرينه معاونت ايدميه جكي كجي .
 حسب الموقع بتون بتون معطل اوله رق قالمشلى ده بولور كه اثنائى محاربه ده
 وجود لرندن هيچ استفاده اولنه ماز . انك ايچون اوليا تهسك صولنده ينجى
 و صاغنده كي حاجي ولى كوي جهتلى آلد اولدجه اورانك دشمن انه دشسى
 تصور اولنماشيدى . ليكن خصمن عسكرينه وعسكرك لئكه كوودنك تعرضك
 هر درلوسنى اجرادن چكمندى ؛ عسكرينك بر قسمى حاجي راشد پاشا ايله حرب
 ايدر و قسم ديكرى اوليا تهسكه متوجه آ كيدر ايدى . اوصرده مختار پاشا
 ارگان حريميه بيكباشى مناسترلى ابراهيم بكه صولى ايلروسنده عاقبت انتظاراً
 بكمكده اولان سوارى ايله ايكي پياده طابورى ويرهك سواريلرى قوشديره رق
 پياده لریده كل سرعتله يوریده رك دشمندن اول مذكور اوليا تهسنى طوتوب
 مدافعه ايلسى امرنى ويردى . ابراهيم بك ده عسكرى آله رق يوریدی . دشمن
 ابراهيم بك صاغندن و ابراهيم بك صولندن كيتكده اولديني بزم بولنديغنز
 موقعدن كوزوكمكده ايسه ده اراضى عارضى اولديغندن دشمن ابراهيم بكك
 عسكرى كوره ميوردى . بزلر جناب خيرالناصريندن ابراهيم بكك دشمندن اول
 مذكور تهيه مواصات ايتسنى تمى ايدرك دورينلرله باقر ليكن انتظار مزك
 ايتديكي سرعتى ابراهيم بكك عسكرنده كوره ميور ايدك . بوجال طبع بنرده
 مستكن اولان عجوللغك ائلى بر تأثيرى اولملى در . حال بوكه ابراهيم بك
 عندالحقيقه سرعت كامله ايله يوريور ايسه ده بزه قايت اغر يوريور كى

کوزیکور ایدی. هر نه ايسه ابراهيم بک سواريلری ته يي صارمغه باشلادی؛ دشمن ايسه هنوز اورالره يناشه مامشدی. ديرکن پیاده عسکرکه ده ته يي طوديني و دشمندن اول اوموقی ضبط ایلدیکی کورولدی. الحمد لله رب العالمین. اگرچه بو ته يي دشمن بزدن اول طوتمش اوله يدی. یخنی ایله اردونک مرکزی آردسته حلول ایده جک و او کون باشمزه بک بیوک بالار کله جک ایدی. دشمن مذکور ته نك اوستنده بزم عسکری کوردیکی کی. ته يي اولدن مستحکم فرض ایتسندمیدر، نه در؛ هر نه مطالعه یه منی ايسه هجوم ایتیه رك قورشون منزلتک دخی خارچنده قالوب ته نك صاغنده صولنده کیندی خوردی؛ و بر آراق بر مقدار سوار یی یوقاری یه صالیدری ايسه ده، بزم عسکر دن شدتلی بر آتش ییسیله عودت ایتیدری. اردونک صاغ جناحی و مرکزی و حاجی راشد پاشا طرفی و کوچک یخنی جهتی آتشلر ایچنده یا تمقده و مختار پاشاده دورینیه خط حربمزی صیقجه صیقجه نظر امعاندن کچیرمکده ایکن، اردومزک مستند اولدینی آلاجه طاغدن آشانغی بر کردک فریاد ایدرک کلکده اولدینی کورولدی. کرد کلدی؛ دشمنک اردونک آرقه سنی آلمش و تمام آلاجه طاغک اوستته چقمش اولدینی خبر ویرمسونمی!.. بزم اوراده بکچی سواریلر مز و اردر؛ بوخبر حیح اولسه البته آنلر بر معلومات ویرلر ایدی مطالعه سی در میان اولندی اما، کرد فریاد ایله: کوزلرمله کوردم و حتی آللرندن کوچله قاچدم قور تولدم دیه تلاشه ییملر فرلادیور ایدی. بزم دورینلر ايسه طاغک اوستنده کیمسه یی کوره مدیکندن، کردک تلاشه، و همه قاپلش ویا شعورینه خلل کلش معناسنی ویریور ایدک. اوراده بولنان جماعتک هربری برر سؤال ایله کردی استنطاق ایله مشغول ایکن، مختار پاشا حضرتلری بوجاعتک ایچندن طوبجی لواسی ترک حسین پاشیه: (شو ایکی طابوری آل؛ صاغ طرفدن شو طاغه یوقاری یوری) امرینی ویردی. ینه او آنده احتیاطده بولنان میرلوا شوکت پاشایده جلب ایله دیگر ایکی طابورله اورته دن، نامق پاشازاده میر آلا ی ابراهيم بکی دخی بشقه جه ایکی طابورله صولدن طاغه یوقاری یوروتیدری. مکر بز کرد ایله لاقیردی ایدر ایکن قوماندان پاشا، دشمن عسکرینک، بزم اسکیدنبری او طاغک اوزرنده موجود اولان بوش سپرلر مزده کینمکده اولدینی کورمش ایش.

دشمنک اردومزک
آرقه سنی آلمی

بوراده شایان قید و تذکار بر شی قالدی؛ اوده صباح اولوبده عالم آتیشه باشلادینی کی، احتیاطده اولان طابورلر خط حربمزک بعض اقسامجه حاصل

اولان انكساری جبرائیل ایچون اوتیه برییه سوق اولندیغندن احتیاط اوله رق
 آلدیه بر نفرک بیله قالماسی و کونش چیقوبده آتش حربک هر طرفده کی درجه
 شدت و خفی لایقیله تقدیر اولدقدن و دشمنک مقصد تعرضی اولان نقطه
 آکلاشدقدن صکره، آتشی خفیف اولان موقعلردن مختار پاشا برر ایکیش
 طابوری بوتدیغی مرکز نقطه سنه جلب ایله وجوده کتیردیکی اوفه جق بر فرقه
 احتیاطیه دن اقتضا ایدن واقعه یه برر ایکیش سوق ایتدی در . اللهه چوق
 شکر اولسونکه دشمن آلاجه طاغک اوزرینه چیقدیغی ساعته آلدیه آلتی
 طابور احتیاط وار ایدی . دشمنک اورایه چیقدیغدن براز ارکنجه جبرمز
 اولمش اولسه ایدی، آلدیه احتیاط موجود اولدیغندن خط حریدن عسکر آتیق
 اقتضا ایده جکدی که، اووقته عموماً حرکتیه بر شاشقنلق طاری اوله رق
 ایشمز فئالسه جقدی، اردومزک آرقه سی دخی آلمش اوله جغندن آرتق امید
 سلامت و نجات قالمیه جقدی .

دشمنک آلاجه طاغک اوسته چیقوب یرلشمک اوزره کوندردیکی طابورلر .
 قائم مقام علی شفیق بکک ایکی کون اول باخاربه بوزدم دیدیکی دشمن عسکریدر که .
 علی شفیق بکک اولدیغی یرک اوزاقلرنده حلول زمانه منتظر اویسایوب طور بیورلر
 ایش . هر نه ایسه بزم طابورلر آلاجه طاغه طیرمانغه باشلادیلر . اولدیغیز موقعدن
 طاغک زروه سنه بر پیاده نفری آتیق ایکی ساعته چقه بیلر . عسکر طاغک یاری
 یولی قطع ایتدی؛ دشمن ده طاغک اوسته چیقاردیغی طاغک طوبولریله بونلری
 تضییقه باشلادی . اووقت یوزباشی یاور مصطفی بک بعض اوامر تبلیغ ایتک
 اوزره طوبوخی لواسی حسین پاشایه کتیدی صرده ، عسکر مزنی تقویه ایچون
 اوآنه قدر احتیاط موقعنده بریکمش اولان سرمایه دن بر طابور ایله بر قچده طاغ
 طوبی کوندردی . بزم عسکرده آرتق دشمنک قورشون منزله قدر صوقولمش
 اولمیه طرفیندن ده آلابیلدیکنه تفکک آتشی بدایتدی . شمدی بزم دور بینلرمزدن
 باقن کوزلر، هم اوکرده کی عمو خط حربک هر جهتک ، هم ده آرقه مزده کی
 طاغک حرکات حربیه سنک کسب ایده جکی نتیجه یه صبر سزلقه منتظر ایدی .

طاغک اوسته و قتیله قونش اولان سواریمزک قیدسزلنی اردونک باشنه
 بوتهلکینی کتیرمش اولدیغندن، اوصرده اوسوارینک ضابطی آله کچمش اولسه
 ایدی مطلقاً قورشونه دیزلسی لازمکیر ایدیه ده، محاربه نک کمال شدندن و وقعه نک
 دهشتدن بوسواریلرک ترتیب جزایی مسئله سی حربک ختامه تعلیق اولندی ایدی .

بعد اتمام طاعنك اوستنده كى اهالى چو بانلارندن تحقيق اولندي كه، مكر بزم مبارك سواريلر طاعنك بزه ناظر اولان جهنمهده هپ بردن اوطوروب حيوانلارنى اوتلاتير و آشايده وقوعبولمقده اولان محاربه پانوراماسنى دالغينقله سير ايدر كن آرقه دن موسقوفلر چيقمش و بردنبره بونلرك اوزرينه اوغرايه رق جمله سنى اسير ايدوب كوتور مشلرايمش. صكر ددن بوسواريلرك بر نغزى بيايه اله چمى كه ايشك حقيقى آ كلاشسون !

رعايت وظيفه ده كى
قصور لر من

آه وظيفه سزلك ، آه وظيفه سزلك ! سياسياتده و معاملات عاديه و اداريه ده حتى احوال شخصيه ده بيايه نه بالار كوردك چيرك ودها نلر كوره جك ايسهك هپ وظيفه سزلك سبيله در . رعايت وظيفه نه اولديغى بيلمورز ؛ بودرسى ، تا چوجقلى زمانك تربيه اوليه سنى درعهده ايدن ابوين ، اندن صكره مكتبلرده كى معاملر و يرمليدر . واقعا بزم آنا و بابالرمز و معلملرمز حضراتى كندى سلفلرندن او يولده بر درس آلدقلى جهته (آله دن ويرمك اللهه مخصوصدر) ديه اعتذار ايدم بيلرلر ايسهده ، زمانك اهميته كوره اويله بيناز عذرلرينه قولاق و يرلمز . قارشومزده كى اقوامك سبب رفعت و علويتى اولان وسايلك تحقيق و تداركنه امر شارع اكرم ايله مأمورز . (فاعدوا لهم ما استطعتم من قوة ... الخ) آيت . كريمه سنى كوزلجه تفكر ايدوب اصول تربيه و تعليمى تبديل و عصر ك ايجابنه توفيق ايتلى ز . معلملر مأمور تدريسى اولدقلى درسله باشلامازدن اول . هر صنفك سنه وادرا كنه كوره عشق وطن ، ميل ديندارى ، حب مليت ، سوداى قوميت ، ازاله وهم ، رفع جبات ، علوجناب ، ذلندن اجتناب ، رعايت وظيفه كى مهم مهم بحثلر آچالى ؛ هر برينه مثاللر كتيره رك و عظملر ايتلى در . عادتاً هر كون تدريسى معناد اولان علوم و فنون درسارينه باشلانمزدن اول ايجابنه كوره بر چاريك ، يازم ساعت قدر زمان چوجقلمه بويولده سوز سويلنمك ايچون مكاتيك درس جدوللر نده و قتلر تخصيص اولمليدر . رعايت وظيفه نه عزيز ، نه مهم برلازمه انسانيتدر ، انى معلم اولان ذات بالفعل اجرا ايدر ك ويا ايتديره رك آ كلاتمليدر . لكن بزم خواجه افندى ويا پدر افندى دولت قپوسندن چكينر بر ذات ايسه ، سوز سويلك ايچون درس ائناسنده صره بولمقجه ضم معاشى ويا ترقى صنفى ويا ترفيع رتبه سى املهه فلان بيوك ذاتى كورمش ؛ عرضحال صومش ، آياغنه قپاشمش ، اتكنه ياشمش ، هونكور هونكور آغلامش ؛ اندن صكره اوبيوك ذاتك منسوبلرندن بريسنهده هديه و يرمش ويا پاره وعد ايتمش ، اوصردهه فلان

بیوک ذاته ده چاتمش آرتق بوندن صکره بر ولی انعمت قاپوسی ایدمیش اولدیغنی وکویا عالمده بوندن بشقه بر فریضه آدمیت بولمادیغنی حالیه ، قولیه ، فعلیه آکلادهرق شاگردینه ویا اخلافه بویولده مستکرمه بردرس امتثال وعبرت ویرر؛ مخاطبتک فطرت اصلیه سنده کی ساده لکی وکوزللیکی بوزار .

شاید اومعلم اولان ذات تجار و اصافدن ایسه ، اوده موقعی و مشربی ایجابجه بای وجه کان جلب منفعت ذاتیه یوللرینی کونسترر. دقت بیوریایوریا ؛ بای وجه کان دینلیدی؛ آرتق تفصیلنه لزوم یوقدر .

اگر فاملیا و اولاد معلمی اولان کیمسه زراع صنفندن ایسه ، ذاتا او بیچاره نك داخل دائره تربیه سی اولانلر هر درلو مناسبتر اخلاقدن وارسته اوله رق بر درجه یه قدر اصل مایه لرنده کی ساده لکی محافظه ایدرلر ایسه ده . بونلرک صکره دن ایکی اولکی صنفده کیلرله اختلاطی وقوع بولانلرینک ده اخلاقی بوزوله رق صنوف عامه جه بر آهنگ ائتلاف حاصل اولور .

بعض حقایق
اخلاقیه

هر نه وقتیکه زده بقای قومیت ، حفظ حقوق جمعیت فکری اویانیر و اذهانمز تنور ایدرک شو عالمده بر حق سیاسی وهستی به (عن جماعة) مالک اولدیغیزی بیلیر و یا خود دمیر الیمی بر (مستبد عاقل) ه تسلیم زمام اداره ایدر ایسه نه . اووقت وجودینه انتظار اولنان محاسن اخلاقیه نك جمله سی بری برینک وجودینی اقتضا ایدرده میدان حصوله کلیر ؛ والا بویله لکه سوکمز ؛ الان آلد بوانان طریق تحصیل ایله دینی ، ملیتی حیاتی قدر سوه جک آدم یتشمز . شو صوک عصرلرده زده آدم اوله رق یتشانلر مجرد محصول دست طبیعتدرلر ؛ یوقسه بر آورده حسن تربیت دکلددرلر . یا اودرلو مکمل خلقت مالک اولانلر برده آرزومز درجه سنده تربیه کورمش اولسولر . ملتزم عالم سیاستده فصل بر موقع عال العالمه شعله پاش نهامت اولور ، اوراسنی حساب و تخمین ایتک قدر لذتی بر تصور بوانه مز . قوم نجیمزه مجرد سایه حضرت محمدیده بخشایش الهیه اولان اوصاف عالیه یی یانکمز موقعنده استعمال ایتش اولسوق . یک یاقین وقتده شهرت مرکبته آذفکیر جهان اوله جفنده هیچ بر عاقل تردد ایده مز . (نه ایدرم اوله آلتون لککی که اینجه قان نوکورورم) ؛ ضرب منای ، خوشمه کیتدیکی اینجون بوراده بردها ذکر ایتک عبور یتده قادم . واقعا بر آلتون لککنه مالکوز و بلکه هیئت مجموعه مز بر آلتون طباقدره ؛ لکن یولسز استعمالر سببیه سفایاره احتقار کی حکمیز . دکرسز بر کوشیه آتلق قالدق !!

برده شوراسنی ائیجه بیلیملی یزکه، ملتارک مابه‌الاجتماعی یا حب دیانت و یا خود عشق وطن در. بواکیسندن بریسی اولدقجه برملتک پایداری اوله میه جفی درکاردر. یونان و روما مدینتلی اوزرینه تأسیس بنای حکومت ایدن آوروپا دولتلی، یونانلیدرده وهله روما لیدرده شعار مخصوص حالی آلا. حب وطن سجه سنک ولد مکرمی اولق اوزره صوک عصرلرده برده غیرت قومیه خصلتی حادث اولدی که؛ برانکلینز انکلینز لیک، بر فرانسز فرانسلرک، نه اوزاغه کیدیورز؛ بروم، ده درت بحق کون اول تشکل ایش اولان الینوزلرک محافظه شرف و شانی یولنده مالیه جانیه چالشمی و او اوغورده اولمکی مدار افتخار عیدیدیور. بزم مابه‌الاجتماعی ندر؛ ترکجه سی باشمز نه یه باغلیدر؛ شریعته دیزمی یز!!

اوله ایسه بزدهده عشق دیانت حکمفرما اولدی در. اوله بر دیانت که — تدقیق و تعمیق ایدنلرک معلومی اولدینی اوزره — بتون جهانیا ناک تاج سر مباهانی اولق استحقاقی حائز عمیم الفیض بر دیانت. اسلافک ثمره غفلتی اولق اوزره دوشدیکمز تفرقه ورطه سی، بزی دور فتوحاتدن، یعنی کله مبعله توحیدی تعمیمدن آیتودی. شمدی، باری غفلتدن او یانه رق بو دین جلیک و مستدالیبی اولان کلمه اللهک اعلاسی ایچون دکل، یالکنز محافظه سی املیه حضرت شارعلک امری موجبجه هر درلو فداکارنی اختیار ایدم! بر مسلمان، مسلماننی اوغورنده ترک حیات ایتکی نهدن جانیه منت بیلسونکه ممانتک عین حیات اولدینی نص قرآنه ثابتدر. چونکه مسلمانلرده دیانت، ملیت، قومیت برلشمشدر. دین و ملت ایکسی برشی اولدینی ده چو جقکن علم حالدرده او قومدقی ایدی! اما دینله جک که بو عصرده دیانت موده سی کچدی، خیرخیر، استغفرالله کچمدی. کره ارض اوزرنده بی بشر باقی اولدقجه بودعواده باقی در؛ زیرا برابر طوغمشدر. دوشونم؛ برکرده اطرافره باقم! همحدود اولدیغمز دولترک، ملتارک بزه قارشلی اظهار عداوت ایتلی آنجق مسلمان اولدیغمز ایچوندر؛ بزی ترقیدن آلیقوبلری و تدبیر مملکت و تزئید ثروت و قوت امرنده بزه مقابل کوچکلر احداث [*] ایتلی مسلمان اولدیغمز ایچوندر. انجیل جمعیتلرینک زوری ندر؛ میسیونرلرک مسلمان مملکتنده نه ایشی واردر؟؟ دهادهایوب دو کسنی تطویل مقاله باعث بیلدیکم حرکات تعرضیه لرینک هپسی مسلمانغمزک علیه دکلده ندر؟! بوکونکی کونده آلمانیا دولتی بتون دنیانک مرکز اداره سیاستی اولدی.

[*] بونلرک نصل کوچکلر اولدینی ایش آرلرمز بیلیر.

سببی حب وطن وغیرت ملیہ نک ایجابی اولہرق افرادندہ حصولہ کلان علم وادراک، وبونک نتیجہ سی اولمق اوزرہ ہرکسجہ عادت حکمنہ کیرن رعایت وظیفہ سجدہ سیدر۔ اہالینک حفظ شرف ملیت وقومیت امرندہ کی اسٹلاف واتفاقہ وا کثرتنک حائر رتبہ تمیز وادراک اولسنہ مقابل حکومتک عاقلانہ ودور اندیشانہ حرکتی برامر ضروری حکمنہ کیرمش؛ ولا بحال لہ بری آخرینک وجودینی اقتضا ایئشدر۔ ایکی بحق میلیون عسکرہ، الی میلیون اہالیہ، یوز یکرمی میلیون لیرا وارداتہ مالک اولان آلمانیانک، نصفی وئلی مقدارددہ اولیہ منتظم عسکرہ وینہ انلرک ثائی ویا یاریسی قدر اہالیہ وربعی قدر وارداتہ صاحب اولسہق، برازدہ وظیفہ بیلسہک، عالمک عمومی پواتیقہ سنہ قارشی تأثیرمز، آلمانیانک شمدیکی تأثیرینہ مساوی وبلکہ اندن دہا زیادہ مؤثر اولہ جفندہ شہہ ایتہلم۔ بوقدر قوت وقدرتی اکتساب ایتک، یالکز حائر اولدیغمز رأس المالك بحق یولیہ قوالانسہ متوققدر۔

برده نور معرفتک تنویر عیون ابتصار، وصیقل حکمتک تجلیہ عقول وافکار ایتدیکی شوعصرده اعلائی کلمہ اللہ ایچون بزلسل سیفہ وشد رحلہ محتاج دکاز۔ ہم کندینی، ہم منسوب اولدینی قومی واصل سر منزل سعادت ایتک ایچون تحری حقیقت اوغرنده آسینک سیریالری، آفریقانک موخش صحرائیری تشنہ اب ومتواری انواع بلایا وتعب اولہرق سیر وسیاحت ایدن مدققین عقلانک مصادف نظر دقتی اولہجق برکروہ طوغری مسلمانک اطوار وحرکتندن ظاہر اولہجق نور حکمت وحقیقتک بوکونکی کونده ایدہجکی تأثیر، اسلاف کرامک شمشیر جلادت قدر بارقہ نثار اولہ جفندہ شہہ وارمیدر!۔ برنظر عبرتہ باقلسونکہ عصر نہ حالہ کادی، بر فکر حکمتلہ تأمل اولانسونکہ زمان فصل بشقہ اشدی !!! سیف وسنانک منہای قوت وضعت بشر اولہرق طانندینی برعصرده مسلمانلر بازار عالمده سوریلان متاعک الک کزیدہ سنہ مالک اولدقرندن سیف سطوتلرینہ جہانیان باش اکمش ایدی۔ علمک، معرفتک، اخلاقک، صنعتک میدان آلدینی بر زماندہ ایسہ، نیچون عصرک حکمنہ کورہ تجارت راجعہ دہولتسونلر؟؟ نیچون معرفتلیلہ، اخلاقلریلہ عالمہ قارشوینہ حائر قصب السبق اولسونلر؟؟۔ (وما ارسلناک الا رحمة للعالمین۔ وما ارسلناک الا کافۃ للناس) فرمان جہانہاسیلہ اولیت وآخیریت سیادتتی جمع ایدن نبی امی ائندمزک امت وجاعتی، بوسیادت

وسعادتی بالارث والاستحقاق نیچون احراز ایتمسون؟!.. بلغ آمانا وآمن خوفنا
یارب العالمین.. (انہی) .

محاربہ تک بقیہ
وقوعاتی

دو نہ لم صدہ : آلاجه طاغہ هجوم ایلہ چیقمقدہ ویوقاریدن آشی آتیلان
قورشونلرہ باشلرینی وکوکسلرینی هدف ایتمکدہ بولنان عسکرمنز صیقلدجه
بیوک طاشلری وارضک عارضہلرینی سپر آلہرق ، خصوصیلہ طاغک اوستندہ
بولنان اوفق تفک سیل یارقلرینک وچیم ییغندیلرینک وجودندن استفادہ ایدرک
آیاق آیاق طاغک زروہ سنہ یناشمقدہ ایدیلر. الحمدللہ زروہنی طوتدیلر. دشمن
عسکرینی اورادن پوسکورتدکارندہ ساعتدہ اقشام اوستی اونی کچمکدہ ایدی.
ظن ایدر ایسہم بزم عسکرک حرب ایدرک آشاغیدن یوقاری طاغک اوستنہ
چیقمسئ همان درت ساعت قدرمتمد اولدی. دشمنک طاغک اوستندہ کی عسکری
آرقہ دن قورشون ضربہ سیلہ بربرینی چکنیہ رک آرہ چاینہ طوغری قاجہ طورسونلر؛
اردومزک جہہ سندن تعرض ایدن دشمن عسکری دخی یواش یواش رجعتہ
باشلادی . ظن اواندیغہ کورہ اوکمزده کیلرک ثباتی، آرقہ مزنی آلمش اولان
عسکرک برایش کورمسنہ متوقف ایمش؛ اوایشی کورہ مدکلرینی وبوزولدقلرینی
کوردکلری کبی اوکمزده کیلرہ پالاماری چوزدیلر، حرکت رجعیہ بہ ابتدار
ایلدیلر. شمدی شورادہ ینہ سویلنیلہ جک براقچ سوز ایجاب ایتدی :

مختار پاشا طاغک اوستنہ چیقان عسکر ایلہ برابر طاغہ چیقمدیکہ شویلہ
یاپکیز، بویلہ یاپکیز دیہ امر ویرہ ایدی. اوراسی حالک ایجابنہ کورہ اوعسکرلہ
طاغہ چیقمش اولان قوماندانلرک وظیفہ سی اولہ جقدی. اگرچہ قوماندانلرمنز
طاغک اوستندہ غالبی اولدقلری دشمنک تعقیبنہ دوام ایتمش اولسہ ویاخود قزل
قلعہ دہ بولنان علی شفیق بک بش آلتی کیلو مترہ اوزاغندہ واکندہ دشمنک
یایمش اولدینی کوریری ضبط ایلہ اورادہ اوتورمش بولنسسہ ایدی ، دشمنک
ساحہ رجعتی، آرہ چاینک یالچین قیالردن تشکیل ایلدیکی مخوف ومہول بردرہ
ایلہ محدود قالہ جغندن اووقت دشمن عسکرینی یا کاملاً اسیر آلور ویاخود برنفر
قالینجیہ قدر محو ایدہ ییلورلر ایدی. خیر بزم امرای کرام : (مأموریتمز شوطاغی
ضبط ایتمک ویاخود قزل قلعہ نی مدافعہ ایلک دکلیدی ؛ ایشتہ اودہ حصول
بولدی، دہا نہ ایسترز! فضلہ ایشکذارقلہ آغزیمزک طسادینی بوزمیہ لم) دیوب
طورمشلر واولیلہ بر آوک آلدن قالجیرلمسنہ سبب اولمشلاردر. بومثللو صعب المنال
برطاغ اوستندہ کی استحکاماتہ یرلشمش اولان آلتی طاہور دشمن عسکرینی

هجوم ایله بوزوب قالدیرمق کبی خاطر وخیاله کلیان بر مظفرتی مادامکه الله
افدمز توفیق ایتدی، ارتق تکمیل نتیجهنک آلمسی اوقوماندانلرک عهدۀ
فطرتنه وحمیتنه محمول اولسی لازمکلیر ایدی، ایشته اوده اولهمدی. چونکه
خارجدن بر مرشدک ویا بر آمرک امریله ایش کورمکه آلمش اولان امرامز
کنیدلکندن افکار عسکریه قوللاندقلری؛ وحرک نتیجهسی دولته نهدر
وایش نه اوله جقدر واستفاده اتمک ایچون نصل حرکت اتمک لازمکه جکدر،
بولدینی اراضینک حکمی نهیه مساعددر؛ حرب ایتدکلری دشمن عسکری
اسلحرکاتندن زیادهجه آیرلش اولدیغندن اوکون امداد آلا بیلیمکلکلرینک
احتمالی یوقدر، دیمکه بونلری روسیهنک بیوک اردوسی عادتاً فدا ایتشددر،
بوجهته ایشی اساسی وتدبیری طوتهلم؛ تصوراتی ذهنلرینه آلدقلری یوقکه؛
برده عسکرلکی ودولت وملت دوشونمک تربیه سیله بیومامشلرکه ایشی عالی
واحاطه لی بر نقطه نظرندن مطالعه ایتسونلرده اکاکوره طاورانسونلر. ایشته
وقوعوبولان سقطلقلرک بر قسم اعظمی ده بویه بویه خطایانک وجودندن یلری کلدی.
از جمله یوقاریده علی شفیق بک قزل قامه ده کی محاربه سنه امداد اولمق اوزره
ایکی طابورله قوشدیرلش ولان قائم مقام حق بک کیتدیکی موقعه لزومی
قلمدیغندن طابورلریله برابر اردوگاهمزه کللی امر اولمشیدی. حق بک
بولدینی یرله عموم اردوگاهک آره سی آنجق دوت بش ساعتک بر مسافه در
وکلجه کی یولده تماماً اردومزک آرقه جهته در. مکرسه میر محترم کلرکن
ره راستی اولسی لازمکلان آلاجه طاغنده طویلر وتفیکلر آتقده وبرمحاربه
وقوعبولقده اولدیغی آکلاهیرق برخیلی مدت کریسین کرییه کیدرک بولدینی
عمیق برده ایچنده طابورلریله برابر اختفا ایدر؛ کیجه یی اوراده کچیرر.
(پیرجی قوشک عمری آز اولور) ضرب مثالی وقتیه کوزلجه بلغمش اولملی که،
صباحلین عالمی واطرافی کوزلجه تحقیق واکوتی، آرقه سی لایقیه کشف ایتدکن
وبرقورقو اولدیغی آکلادقندن سکره یوله دیزلرک کلوب عموم اردوگاهه واصل
اولور. مومی الیه طابورلریله کلرکن آزیغق ایلری به وارمش اولیدی، آلاجه
طاغک اوسته چیمش اولان دشمن طابورلرینک تمام آرقه سندن ظهور ایدر جکدی.
اوجانده دشمنک اوکندن بزم عسکر هجوم ایدر ایکن آرقه سندن ده بویکی
طابور پاوردی به کوتوردی به باشلادینی کبی، دشمن نصل بر ترس خلط ایندیکنی

و نه قدر حسابسز یوریدیکنی آکلایه رق تدیری شاه جق و تسلیم اولمقدن بشقه چاره سی قالمیه جقدی. بزم احتیاطکار! قائم مقام بك، گایر کن بر سق طاعه او غرامق سزین تدایر اختفائیه سی سایه سنده آمین و محفوظ اوله رق اردو کاهه یتشدیکنه تشکر و رفقاسی اولان سائر ضابطانی هیچ شبهه یوقکه تبریک ایتشدرد. سلاح سسلرینی ایشیتدیکی ورده راستی ایلرینسده کی غلبه ایکی کوردیکی آندده طور و بده: «بونه اوله بیلیر و موقعك حالی نه یی ایجاب ایدر. دشمن مطلقا بزم سلاح آرقداشلمر علیه استعمال سلاح ایلکده اولدیغندن انلره بر فائده و دشمنه بر ضرر ایراث ایدیه بیلیر می یم» دیه بر کره دوشونسه و یا خود صاغ طرفی اوزرینه ایکی سواری ایله برایکی ضابط صالدر و ب ایشك تحقیقی املنه دوشسه و برده عموم ضابطانك تعلیمات اساسیه سی خاطره کتیرسه ایدی، مطلقا احراز رتبه نیک نام ایدردی. چونکه مختار پاشا حربك اوائلنده نشر ایتدیکی بر تعلیماتده جمله یه خطاباً دیمش ایدی که: عسکرک وظیفه اساسیه سی (طوب سی ایشتدیکك یره قوش ویتیش!) قومانداسنك دائم الجریان اولدیغنی بیلیمکدر. ماشالله حق بك افندی بو تعلیماته توفیق حرکت ایتمامك مطالعه حکیمانه سیله کندیسنك و نزدنده کی عسکرک حیاتی تأمین ایتدی اما، آره برده ناموس دولت و ملتیه تعلق ایدیه جك بر یواسزلق اختیار اولندی. ذاتاً اونی کیمك آزادینی وار که حق بك ده آراسین...

الحاصل اردو مزك هر طرفندن آتش کسلدی وصولر قرار و ب کیجه اولدی. هر کس اولدیغنی یرده قالدی. عسکر یوقلامه اولدی، شهدا و مجروحین آیرلدی؛ کوچوك یخی تپه سنده کی قپودان محمد پاشا لوانسك پار جای ثبات اولدیغنی خبری آلندی، اللهه شکرلر ایدلدی. آلاجه طاغ اوستنده کی وقوعاتك تفصیلاتی میرالای ابراهیم بك کله رك مختار پاشایه خبر و یردی. اجراسی اقتضا ایدن او امر و تنبیهات و ترتیباته وقت یاری کیجه یی بولدی؛ قره غوللر یرینه قوندی، صباخلین حربك استیفاف اولنه جنی انتظار ی ایچنده براز او یقوده کسیدرلدی.

طاك یری آغاردی، یواش یواش صباح اولدی؛ طابورلرک اولدیغنی یرده یعنی عموم اردوده اذائلر او قوندی، نمازلر قیلندی. کونش طلوع ایتدی، دوستمزدن حالا بر حرکت یوق! انکده او کمزده آفاق اوزرنده اولدیغنی و صاغه صوله حرکتده بولندینی آکلاشلدی. بز انك تعرض ایتسنه انتظارده یز؛ اوده بزم حمله مز ی بکله مکده و طرفین بری برینك کوزی ایچنه باققده ایدی.

ساعت اوچه طوغری مختار پاشا اطرافى كشفه كىدى ، اوليا تپه سینه
چىقدى؛ آتش خطك هرجهته بولسان دشمنك ، اردوگاهنه چكلمیوب
اولدقلىرى یرده طور دقلى وهله یخنى تپه سنك او كنده كىلرك آیاقده بكه مكد
اولدینى كورولدى. شاید بونلرك رجعتنه مدار اولور مطالعه سیله میرلوا چركس
موسى پاشا لواسیله بوفر قه نك خط رجعتنى تهدیداً قره یال اردوگاهنه طوغری
یوریمسى امر اولندی؛ موسى پاشاده اوكله دن بر ایكى ساعت صكره حر كته
ابتدار ایتدى . ساعت سكزده حربه باشلاندى اما اوفق تنك آوجى
محاربه سندن عبارت ایدی. ساعت اونه طوغری حرب شدتلندی، او قدر صیق
ومهم آتش وهجوملر ایدلدى كه تعریفى ناقابلدر. هر نه ایسه كیجه حلول ایتدى،
هر طرفدن ینه آتش كسلدى؛ او كیجه ده اولكى كیجه كى هر كس اولدینى
یرده وسلاح باشنده قالدی .

صبح اولدى ؛ دشمنك ینه وضعیت سابقه سنده طور دینى واردوگاهنه
چكلمش ایدوكى كورولدى . بونك مطلقاً بر تعرض نیتده وقطى بر نتیجه
قرائىق املنده اولمى لازم كه جكندن اقتضا ایدن تهیاته ابتدار اولندی، انلردن
بر حرکت حس اولمى ایسه ده شو قدر كه یخنى تپه سنك او كنده كى فرقه سى
قباق تهیه یرلشكده اولدینى كوریلوب، بونلر اوراده یرلشیر ایسه مطلقاً قرص
ایله بزم آردمز حیلولت اتمك ترتیبى قورمش اولدقلىنه ذهاب ایدلدى .
دشمنى قباق تهیه یرلشدر مامك ایچون حاجى راشد وحسن كاظم پاشالر
قومانداسیله بفرقه سوق اولدینى كى، قبودان محمد پاشاده لواسیله بوفر قه نك
آرقه سنى تأییده مأمور ایدلدى . قباق تهیه ایلروسنده و یخنى جهتلرنده كى دشمنه
چاتدیلر، حربه بدأ ایتدیلر. دشمن ده شدتلیجه بر مقابلهیه قویولدى؛ آتش
حرب خانمانلر بیقارجه سینه آلاوریز اشتعال اولدى . دشمن یواش یواش
میداندن چكیلرك قباق تهیه حقیقده . بزم عسكردده آیاق آیاق ایلرله مكد
ایدی. دشمن عسكرى تمامیه قباق تهیه وآرقه جهته چكلدی . آرتق بزم
عسكردده اولدینى یرده طورمى ایجاب ایتدى. زیرا دشمن قباق تهیه پیاده
سپرلى یامش وخصوصیه قباق تهیه هجوم اولسه بر خیلی مدت دوز اوودده
دشمنك آتنى آتنده كىلك حسب الموقع مقتضى بولمىش اولوب، حال بوكه
اوچ كوندر بلا فاصله دوام ایدن محاربه ملاسه سیله عموم اردومز هر درلو
ضرورتلر ایچنده اویقوسز و صوسز اولدینى حالد آیاق اوزرنده اوله رق تاب

ایکنجی، اوچنجی
كونلر محاربه سى

وتوانی کسلش و شمدی برده بر حرب موقعی اوزرینه هجوم ایتمه وقتی قالمش
واوتیه ضبط ایدلش اولسه دخی برچوق جان تلف ایدلکه آنحق آله کیره جکی
وبلکه ده کیره میه جکی درکار بولنش اولغله، عسکریمزک ده ایدر یله ماهی امری
ویرلدی. اوکونده سحراده وسلاح باشنده اولهجه وقت کچرلدی.

خط حربک دیگر جهتلرنده ده دشمنک آچیلقدنه و اوزاقلا شمدده اولدینی
کورولوب، آقشامدن صکره بزم عسکرده، بش اتی کیلومتره مسافه آرقه ده
قلمش اولان چادرلرینه چکیله رک مهمامکن راحت ایتدی.

بو حربک اوچنجی کونی یعنی قباق تپه جهته تعرض ایدلدیکی کون، حاجی
راشد پاشا فرقه سنده بولنان قره حصار شرق ردیف طابوری دخی موقع حربه
کیتمکده ایکن ایچلرندن برنفر برطاشک اوزرینه چوکوب قالمشیدی. آرقه دن
چاوشی کله رک نفرک نیچون اوراده قلمش اولدینی سؤالنه: (آجلقدن دیزلرمک
قونی کسلدی، یورویه میورم) جوابی آنجه، چاوش ده اوجوابه جوابا دیرکه:
(به قوزوم! بوراده آجلقدن مردار اوله رق کبره جکنه بر قاچ آدیم ایلری به
کیتده بردشمن قورشونی بیه رک شهید اول!) باقندی اعتقاده، باقندی قوت
قلبه! بویله بر عسکره افکار عسکریه صاحبی اولان ضابطان قوماندا ایدر
وهر دورلو لوازماتی ده یولنده اولورسه، مقدارینک بش اون مثلی دشمنه نصل
غلبه ایتمز! لکن آه ضابط، ایکنجی درجه ده پاره پاره! ایشته آجلق مسئله سی
عموم اردوجه بودرجه ده ایدی.

اوکونده وفات ایدنلر قلدرلدقن و مجروحلر قارصه قدر کوندرلدکن
صکره عنها، منها حساب ایدلدی، اوچ بیک بش یوز نفر قدر ضایعاتمز
اولدینی تحقق ایتدی. دشمنک ضایعاتنک دخی بو اوچ کون ظرفنده،
مختلف محاربه لر سببیه، بش اتی بیک نفر درجه سنده اولدینی برقاچ کونلر
صکره جه ایشیدلدی. زیرا انک، یالکنز یخیلر تپه سی اوزرینه برکون اقشامه قدر
آچقندن اوله رق هجومی ائناسنده ضایع ایلدیکی قوتک مقداری اوچ بیکدن اشاغی
تخمین اولنه ماز ایدی. خط حربک دیگر جهتلری ایسه سکاچا! ایشته بزده ده
برچوق ضابطان ونفرات و بونجه بیکباشیلر شهید اولوب بیتدیکی کبی، فریق احمد
ذصل پاشا مجروح و قائم مقام حلیم و حبیب بکار مثللو اردونک عمده شجاعان ارکانی
رحمت حقه واصل اولدیلر. اشبو احه فاضل پاشاده بر بچق آی صکره یاره سنک
حاصل ایلدیکی غاغرن سببیه داخل خلد برین اولمشدر. رحمة الله علیهم اجمعین.

خدمت قهرمانانه لری بالاده آرایش سطور افتخار اولان و طابور لری
 سنجاق قرینه نشان ویرلدیکی بیان ایدیلان ارضروم تالی طابوریه اوچنچی طایفه
 طابورینه قوماندا اتمکده بولسان قائم مقام علی بک دخی بر قاچ یردن مجروح
 اولدینی حالد، اسنی اونوتدیغم بردیکر مجروح قائم مقام بک ایله قارصه کوندرلدی.
 مورخ کشمشوف اوچ کونلک محاربده کندیلرینک ضایعات عسکریه سنی اوچیکه
 یاقین کوسترییورده، جاسوسلرک اخبارینه استناد ایله بزم ضایعات عسکریه مزیدی
 سکزیبک راده سنه چیقارییور. فقیر بزم آلائی طابورلردن آلدیغمز رسمی ژورناللرک
 منطوقنی یازییورم؛ کشمشوف ده او یله یازیور ایسه کندیلرینک ضایعاتی حقه ده کی
 خبرینک صحیح، و بزم تلفات مزه متعلق ویردیکی خبرک یاکاش اولسی لازم کلیر.
 مجروحلر، اردونک وسائط نقلیه سنک اک سربعی واک راحتجه سی اولان
 سمرلی بارکیرلرله واقغنی دنیلان اوکوز آرابه لرله اوتوز، اوتوز بش کیلومترده،
 الحاصل موقع حربک مختلف مختلف اوزاققلرلردن قارصه نقل ایدیلیور ایدی.
 منتظم شوسه یوللر اولمادیغندن چاقرلی، چقورلی، طاشلی، دره لی یوللرده یوریان
 اوکوز آرابه سیله مجروحین نقل اتمکده کی حالک دهشتی و غجبتی بیلمک، مطلقاً
 مجروح اولوبده او یله یوللرده اومثالو آرابه لرک اوزرنده یاتمه، و مجروحینک فریاد
 و انینی ایشتمک ایچون مأموراً آرابه نک یاننده کیتمه توقف ایدر. آرابه نک
 صارصندیسندن و یا خود یولده یار سنه باقیلوبده نداوی اولیه اجرا اولنه مامقدن ناشی
 وفات ایدنلرک مقداری کی مسه تعیین ایدمه مدیکی ایچون فقیرده بورایه قید ایدمه مدم.
 برده خسته خانه لرک و اطباتک حالی دوشونه لم. ذاتاً طیب و جراح لریمز
 مقدار کفایده دکل ایدی. خسته خانه لرده و متفرقاً شوراده بوراده کی خسته خانه
 اتخاذ اولان اولرده سائر خسته قلردن قطع النظر، بش آلتی بیک نفر مجروح
 بولئیوردی. حتی اخیراً رتبه تحققه واصل اولدیکه، مجروحاً خسته خانه ده یاتمه ده
 اولان بریکباشینک یارده سی مجرد دکی شیر یله مامکدن ناشی تعفن و آشنج ایدرک
 بیکباشینک وفاته سبب اولمش و بوده بعدالوفات اوزرندن البسه سی حیقاریلور
 ایکن آکلاشلدشدر. آرق بر خسته خانه ده هر صورتله سوزنی دیکتمکه مقتدر
 اولان بریکباشی بوصورتله ضیاع ابدی به اوغرار ایسه، اوفقی تفک ضابطان
 و نفرات ایچنده نه لر اولمشدر، اورانی هیچ حسابه قاتماملیدر؛ واقعا سرطیب
 مسؤل ایدلدی، بیلم نه اولدی اما، سرطیب نه یاپسون و سائر اطبا فصل ایشه
 یتسوز؛ مقدار لری نقصان، لوازمات غیر مکمل؛ زمان اولیورکه اطباء ده و یقو

یوزی کوره میور ایدی . دوندی طولاشدی، ینه ایشک اوجی پاره سزلغه
 یناشدی. پاره، پاره! حرب پاره ایله اولیور، بشقه شیه ولاف ایله دکل....
 مجروحلرک احوالی یازیلورکن قائممقام حبیب بکک صورت شهادتی خاطریمه
 کلدی. موئی الیه اخلاقه تعلق ایدن بر وقمه نك صاحبی اولدیغندن احوالک بر
 نبذه سنی بوراجغه قید ایتدم. یحییر محاربه سی دیدیکمز و تحریری صددنده
 اولدیغمز اوچ کون محاربه سندن اول وقوعبولان بر محاربه ده، مختار پاشا حضر تلی
 خط حربی کوزدن کحیرر ایکن آق صقاللی بر بیکباشی بی فوق العاده اقدام
 وغیرت و اظهار شجاعت ایتمکده اولدیغی کورور، برقاق کون صکره برقائمقام
 نصبی لازم کیر، لوا و فریق لردن، بر آق صقاللی بیکباشی کورمش اولدیغندن
 آ کلاشیلور. نهایت آرانیر، مختار پاشانک کوردیکی بیکباشینک بشنجی اردونک
 حلب ردیف طابوری بیکباشیمی حبیب افندی اولدیغی آ کلاشیلور. حبیب
 افدینک قائممقام اوله جغنی خبر آلان واول آلایک قائممقامی بولنان شاملی محمد
 علی بک مختار پاشایه کلهرک بوییکباشینک وظیفه بیلمز، تنبل، جاهل، اخلاق سز
 بر آدم اولدیغندن بحثله ترفیع رتبه یه لایق اولدیغی سویلر. مختار پاشاده او
 بیکباشینک، کندوسی بالذات موقع حربده آت اوزرندده اولدیغی حالده اقدام
 وغیرتی کورمش وعلینده سوز سویلیان قائممقام بک ایسه هیچ بر حربده
 کوزینه ایلشمامش اولدیغی بیان ایله قائممقام بکی تکدیر واستثقال ایدر؛ حبیب
 افندی ده حبیب بک اولور کیدر. مکر کنج قائممقام بک فوق العاده اخلاق سز
 ومتکبر بر آدم ایمش. بزم حبیب افندی ایسه بر کرک زماندیده دکل، بر غضنفر
 وغا آزموده اولدیغندن قائممقام بکک کندوسندن بکله دیکی خلوصی سوزلری
 وقدیالی تمنا لری ویزده بیجا اوله رق ابدن عد ایدی لان تبصصلی معاملاتی
 بجره مز ایمش. قائممقام بکک جاهلانه چاللی احوالی اوزرینه ده ایش کچید
 باشندده معلوم اولور دیهرک بیق آتندن کولر ایمش. ایشته افندم حبیب بکک
 روایت اولنان اخلاق سیئه سنک خلاصه سی بوندن عبارتدر. باقندی اخلاق سز لغک
 درجه سنه که، مجر دکندی کیفنه خدمت ایتماش دیه حبیب بکک محاسنی کورولیه رک
 سیئات احوال ایله بیچاره اختیار اتهام ایدمک ایستلمشدر. ایشته بزده بویه
 نیجه نیجه اصحاب اهلیت بر غرض شخصی اوغرینه فدا اولوب کیتمشدر.

هرشیده اجرایی ملتزم اولدینی کبی ترفیع رتبه خصوصندده برقاعده نك
حاکم اولمامسندن ناشی ضابط یتشه میور و یتشمیور. حبیب بکک قائممقام نصبندن
برقاج کون صکره وقوعبولان اشبو محاربه ده آلاجه طاعه چیمش اولان
دشمن اوزرینه هجوم ایتمکده اولان عسکره متینانه وشجیمانه آت اوستندده و قلیچ
أئنده قوماند ایتمکده ایکن کوکسندن اصابت ایدن برقور شونک تأثیریه بختیار
اختیار عازم کلشنسرای علین اولمشدر. اندن صکرده ایشه کوردیکز می ،
نصل اثبات مدعا ونه یولده اظهار آثار مردانکی ایتدی دیه حاکم استقامت ندای
حقیقت حبیب بک علینده غرض شخصی اجراسنه قیام ایدن محمد علی بکک
یوزینه توکورمشدر. لکن حرب یتدی، مصالحه اولدی ، آلائی طابورلر یری
یرینه چکلدی . محمد علی بکک بورنی بیله قامادی ، وهیچ برفالق یتشمدی.
« صدقه قاچان مردانک آرقه مسندن بددعا بیله یتشمز ! » ضرب مثلی براییکوز
سنه اولکی یکچیریلردن قالمه مشهور برضرب مثل اولق کرکدر.

یت : برآتم آچدیرمه صاقین آغزیمی زنبار ظلم بنی سوبلتمه درونمده نمل وار!
دیده سکوته واردم .

اوج کون دوام ایدن بو محاربه پک شانلی در. حقیقه ناموس عثمانیانی اعلا
ایده جک صورتده شجیمانه وقوعبولمشدر. دهشتی خصممنک توارخی یازده جفی
کبی اهمیتی دخی سائر تاریخلرک لسان ستایشله یاد ایده جک لری درکاردر. چونکه
هم استحکام، هم میدان محاربه سیدر. هم هجوم ایتدک، هم هجوم اولندق. اوقدر
مهم و دکرلی سوقيات اجرا اولندی که، مکتبلرده فن و تاریخ حرب اوقوده جق
اولان اخوانه مثال اوله رق ارانه اولنق اوزره هر بری برر برکذاردر؛
والله حرب ایچنده بوتان عسکر آرقداشلر مزدن تفصیلاتی یازانرا اوله جغندن
ایلریده کورورزده نمون اولورز .

ایلوک یکریمی اوجنچی کونی وسائط نقلیه من قارصه کوندریلرک مقدار
کافی ارزاق کتیرلدی. عسکر من استراحت ایتدیلدی. آتای محاربه ده طوئش اولان
بش اون نفر اسیرانک استطاقدن وألده ایدیلان مقتولین شابقه لرینک جنس
ونومرولردن آکلاشدی که، موسقوده غرانادیه فرقه سی ایله اسمنی اونوتدیغ
دیگر برفرقه جدیده کلوب روس اردوسنه ملحق اولمش اولدینی کبی، باطومدن
و بایزیدندن برچوق قوت آلمش وانک اوزرینه قطعی نتیجه لی ایشلر کورمکه

عزم ایتشدرد . زیرا یخچیلر محاربه‌سی بدأ ایتزدن اول اقامت ایتدیکی مستحکم اردو کاهدن چقان دشمنک بر قسمی میدانلرده آلآن کزینور ، ودیگر قسمی دخی ، قارص ایله بزم مواصله مزى تأمین ایتکده بولان یخی تپه‌سنه مقابل قباقی تپه‌ی مرکز واقمتگاه اتخاذا ایدرک استحکامی شیلریابوب طورییور . بزم ایسه توه عسکریه مزجه خیلجه ضایعاتمز اولدیغی کی . انک جسور واک کزیده ودکرلی ضابطانمزدن دخی غیب ایتدیگمز ذواتک تأثیری ، نفرات عسکریه ضایعاتندن اردو ایچون دها آلم اولوب ، شوخالده بر قضایه اوغرا ائامق اوزره مدافعه‌سی کوچجه اولان دوزاووددن چیقلمق واوزینه کلفتله تعرض اولنور بر نقطه‌ی طوبلیجه اوله‌رق اردوگاه اتخاذا یتک ایجاب ایلدی .

اردونک الاجه
طاغه چکلمی

انک اوزرینه ایلولک یکریمی بشنجی کیجه‌سی [*] عموم اردونک کدکار محاربه‌سک وقوعندن اولکی موقعی اولان آلاجه طاغک اتکالینه چیقملرینه وهر آلاى و طابورک کوندوزدن کوسریلان یرلزه یرلشمالینه امر ویرلدى . بوسرکت کوندوز اجرا اولنه‌مدی ؛ زیرا دشمن پک یاقین اولدیغندن عسکرمز طاغه یوقاری رجعت ایدرکن آرقه‌مزه طاقیله جفی مطالعه‌سی ، و نقل حائده بولان عسکرک قاریشیقلى ضروری اوله‌جغندن برتهلمکيه اوغرا ائاق خوفی وارد خاطر ایلدی . کیجه‌دن هرکس یرلی‌رینه چیقدی . یالکز اردونک اداره انباری اتخاذا ایلدیکی کورخانه قریه‌سندده کی لوازماتک نقلی ضروری اوله‌رق کوندوزه قالدی ؛ زیرا مکاری حیواناتمز کیجه سلاح انداز عسکرمزک چادرلرینی وسائر لوازمات مهمه و ضروریه‌سی نقل ایله مشغول ایلدی . وقتاکه کوندوز اولدی ، حیواناتمز دخی مرکز اداره‌ده بولان جیخانه و ذخایر و مهمات و لوازمات اجتیاطیه‌مزی نقله باشلادی .

لکن دشمنک اوکوز مطلقا تعرض ایتک و اشیا مزی اورادن نقل ایتدیرمامک احتمالی اقشامدن دوشونلش اولدیغندن ، میرلوا شوکت پاشا لواسیله برابر اداره‌نک محافظه‌سنه هیئت مترصده اوله‌رق براقلمشیدی . کوندوز اولوبده‌اشیانک نقل اولتمقده اولدیغی و عموم اردو موقعمزک تبدل ایتدیگنی دشمن کوردیکی کی ، نقلیاتمزک عسکر ایچنده احداث ایتسی ضروری اولان قاریشیقندن استفاده

[*] بکیجه رمضان بایرامنک کیجه‌سی ایلدی ، فردای کون بایرامدر . بز اردوده رمضان وبایرامی بیلدیگمز یوقیا ! بزه کوره هرکون بر ؛ فقط اولکون غزاة کرامک ملکترلنده کی اودا واجبا و اقربای مراسم عیدی اینا ایتدیگری مرده‌ده عسکر قرداشلریمزده فریضة جهادی اجرا ایدیورلردی .

ایتمک اوزره قوه کیه سی و آلتش قطعه ضوپایله ایلریله مکده اولدینی کورولدی. شوکت پاشا لوانسک کفایتندن دشمنک اضعاغ مضاعف زیاده اولدینی آکلاشمسیله، مصطفی جاوید پاشا لوانسک قوماندایی حسن کاظم پاشایه ویریلرک شوکت پاشانک صوانه حیقارلدی و صکره دن برقچ طابورلده فریق حاجی راشد پاشا کوندرلدی. یوک حیوانامز اشیای موجوددی نقل ایده طورسونلر؛ دشمن ده برطرفدن طویلرینی صاغمه باشلادی، بزمکیلرده مقابله به بدأ ایتدی. اوکون درت بش ساعت قارشولقلی طوپ محاربه سی اولدی. تا ساعت سکره واردینی صره لرده دشمن پیاده سی هجومه باشلامسیله آرتق تفک آتشی ده کندینی کوستردی. بزم آوجیلر بولندقلری طاشلغه پک کوزل صاریلره رق مهایچینک پای اقدام و تقدمنی قورشونله کسر ایدیورلر، ویا لکز عسکر مزک موقعی پک طاشلق اولمسیله دشمن کولله سندن زیاده جه متأثر اولیورلر ایدی. چونکه کولله طاشلق یرده دوشر ایسه لایعد ولا یخصی قیروب قوباره جفی طاش پارچه لرینک هریریی برکولله حکمنی آله جفی ارباب تجربه عنندده معلومدر. پیاده لر مزک اوزرینه هجومی صیقلاشدیران دشمن لایتنقطع آتشدوام ایدرک قیامت لر قوبارمقده و بزم آرسالانلرده فتورسزجه ایشلرینه باقمقده، و آوجیلر مزده آرقه دن قوه امدادیه ایله بر دوزی به تحکیم قلمقده ایدی. کونش غروب ایتدی. اداره نک نقایاتی ایسه، اندر حرب ایله مشغول ایکن کولله وقورشونک تضیقنه باقلمیه رق ایرکنجه بیتیرلدی. واقعا دشمن مرمیاتی بر چوق نقایه حیوانامزی اهلاک ایتدیه ده ایشمزده تماماً کورولدی. غروب دن صکره دخی دوستمز ایشنه و آتشنه دوام ایدیورلدی. ساعت یارمدن صکره، بره طوغری آتشنه نهایت ویردی؛ بزمکیلرده سکوت واردی. یاره لی و مجروحینمزک ایجابانه باقلدی، درت یوزتیش بو قدر ضایعاتز اولمش؛ دشمنک ده بیک قدر ضایعاتی وله جفی تخمین قلمشدر. زیرا آچقندن هجوم ایتدیکی ایچون حال آنی کوستریور ایدی.

بومحاربه ده ده برخیلی ضابط غیب ایتدیکمز کبی برده شوکت پاشا لوانسک آب روی حکمنده اولان قائم مقام کورجی حاجی سامان بکی غیب ایتدک. مومی الیه ک کولکندن بر قورشون سکره ک کتاب حیاتنک خاتمه سی حکمشدر: جناب حق غریق بحر رحمت ایتسون. قورد اسماعیل پاشا حاضر تلری قومانداسیله حربک باشلانغجنده یالیش اولان خوروم محاربه سنده و محاربات سائرده ابراز شجاعت فوق العاده

کری به چکیلنور
ایکن وقوع بولان
محاربه

ایتمشدی. حاجی سلیمان بک بولندینی جیتک عجبا عاقبتی نصل اولور، دیه هیچ مراق ایدلزدی. سوزینه صاحب، ایشنی بیلور، عقلی باشنده، یالکز جزئیجه اوقومه سی وار، یازیبی یوق، شجاعته متصف، صحیحاً مصلحت آشنا برذات ایدی. شهادتندن برکون اول برایش ایچون فقیرک چادرینه کیشیدی، اوتهدن بریدن قونوشیلورکن دیدیکه: بوندن ایکی سنه اول ارضرومده تأهل ایتدم، بیکباشی ایدم، زفاف اولدیغمرک فرداسی کونی طابورمن صربیهیه مأمور اولدی. همان اوکون درسعاده متوجهاً ارضرومدن چیققدق، حرمتی ده مملکتیم اولان لیوانیه کوندردم، صربیه محاربه لر ییتدی، موسقوق محاربه سی چیققدی، شمدی ده بونکله مشغول، صاغ قالور ایسهم محاربه دن صکره برقاچ آی اذن آلوب کیدوب مملکتیمده راحت ایده جکم، وسوق کلام ایله حرمتک آلی آله طوققامش اولدیغینده آکلاتدی ایدی. ایچنده بولندینی آن وساعتک اوتهنده ندر اولدیغنی بیلیمان وباشه ندر کله جکندن خبری اولیان غافل انساندر!

اوکیجه عسکر یرلی یزینه آلدی. صاحیلین دشمندن برحرکت کورلمدی ایسه ده خط حربمک هرجهتک لایقوله تحکمی اقتضا ایدوب، چونکه اردومن هرکون حالاً ومالاً وقوتاً کسبضعفیت ایدیوردی. قطعات مختلفه عسکریه نک بولندینی یرلر تحکیم ایدیلورکن یخنیلر محاربه سی کونی آلد ایدیلان اولیاتپه سنه قونیان اوچ طوب و اوچ طابورک قومانداسنه قائممقام علی حیدر بک مأمور ایدلیدی کبی بزده خرپوط زریف میر آلائی علی شوقی بکده اوزرلینه قوتنش وعلی حیدر بکله بالمذاکره ایش طومسی میر آلائی بکه مختار پاشا طرفندن تنبیه اولمشیدی.

باقندی حکم قدره! بومیر آلائی بک قارصده انبارلرک اداره سنه مأمور ایدی که اکا اداره مأموری ده یرلر؛ قارصدن مختار پاشا حضرتلرینه برمکتوب یازهرق قدمندن بحث ایله رتبه سنک ترفیع ایدلمسنی استدعا ایدر. قوماندان پشاده قارصده اوطورمق ایله رتبه قازانیله ماز؛ اردوکاهه کلوب محاربه ده ابراز اهلیت ایتلی ده بعده رتبه آلمیلدر جوانی ویرر، انک اوزرینه علی شوقی بکده اردوکاهه کلیر، اولیاتپه سنه مأمور ایدیلن عسکرک قومانداسنه وعلی حیدر بکک یانه کوندربلیر. چونکه بوعلی حیدر بک فوق العاده جسوروشجیع برعسکردر؛ کافه محارباتده تجربه اولندینی

کبی یخیلر محاربه سی کونی، روحانیت حضرت پیغمبری نی کندیسندن خشنود ایده جک درجه ده یارارقلر کوستردی، وانک اوزرینه اوکون مکافه قائم مقام اولدی ایدی.

میر آلا ی علی شوق بک ایسه غیر مجرب، هنوز کسلماش برقرار یوز اولدیغندن هر حالده اویله بر مهم موقعده تجربه سنه قالدیشیق جائز اوله مازایدی. انک ایچون قائم مقام ایله متحداً بالذاکره ایش طومسی امریله اولیا تپه سنک محافظه سنه مأمور قلندی.

بوراده: بر میر آلا ی فصل غیر مجرب برقرار یوز اوله بیلیر؟ دیه قارئینک تعجب ایلی احتیالی خاطره کلدی ایسه ده، یوقاریدن آشای یازیلیر کن بعضاً قلمک صدددن چیقوب کزندیک یی لرلر دقتلیجه مطالعه اولندیغی حالده هیچ تعجبه محل قالماز؛ ایشته اوراسی اویله در والسلام!؟

اردونک وضعیتی دیکشدی؛ شمدی بولنیلان حالی بردها تعریف ایدلم: صاغ جناحز ناخرچی تپه سنده، مرکز من آلاجه طاغک وسط یرنده، وینه وسطک بر قسمی اولیا، وصول جناحز ده قبودانک قوماندان اولدیغی یخی تپه سنده در. اردو کا همزجه اقتضا ایدن تحکیمات اجرا اولمش وارضک اقتضاسنه کوره قوه عسکریه من تبعیه ایدلمشدر. بوسره ده دشمن، اردوسنی بزم اولجه کندیسندن آلبده بودفعه ترک ایلدیکمز قزل تپه نک صاغنه وصولنه طوغری اوزاتمش و تپه نی ده شدتلی طوب آتشنه طومش ایدی.

بولندیغمز موقعک ایلری سنده واقع یالچین قیادن کسه بر قوری دره نک اوته سنده دشمنک اردو کا همزی برکون بک آز مقدارده دشمن عسکرینک کز نمکده اولدیغی بزم ایلری قره غوللر من کیجه لی کوندوزلی طوبه طومسی خبر ویردی. دورینلرله باقلدی؛ بونلرک اوراده عملیات ترابیه ایله مشغول اولدقلری کورولدی. مکر دشمن، بزی دوکمک اوزره کتیردیک بیوک چاپلی استحکام ضوبلریخ اوراجغه کومر ایش. فرداسی کون اونقطه دن غایت مهیب بر صدا ایله بر طوب باطلادی؛ کواله سی اوزر من دن آشدی کتیدی؛ بو حال دشمنک - عسکری تعبیر نجه - بزی بومباردمان ایده جکنه دلالت ایلدیکندن، انک طوب کومدیکی محل تخریب ایله اورالرده بارندیرلماق اوزره، طوب کومدیکی موقعه حواله سی اولان وچادرلر منک اوکنده بولان بر تپه جکه ایکی بطاریه طوب قونه رق دشمن طوپنک اوزرینه کواله یاغدیملری امر اولندی. طوبلر من بردن آتش ایتدیلر، خیلی مدت کواله آتدیلر.

اواننده دشمن طوپلری سکوت ایدرک هیچ جواب ویرمیوردی. ظن اواندی که اوموقع طوپلریله برابر زیر وزیر ایدلدی. آرتق بزم طوپلرده آتشی کسیدی. آره بردن چاریک ساعت کچمکسزین برطوپ، آرقهسندن بردها، بردها صاغدیغی کورولدیکی کبی، آکلاشلدیکه بزم طوپلر، انک طوپلرینک کومولدیکی یره هیچ برخسار ایراث ایدمهامش. دشمن طوپلرینک دوماننک چیقدیغی محل نشان آلهرق تکرار آتشه باشلانلدی، چونکه اورالرده، دشمنک طوپلری نرده. قالدی؛ ولو برنفری اولسون ظاهرده کوزوکدیکیچون بالضروره دوماننک چیقدیغی موقع هدف اتخاذا وانیوردی. بزم طوپلرک هپسینک بردن اونقطایه یاغدیرمقده اولدیغی کوللهنک تأثیرندن ناشی آرتق اورالرده بارنمق ممکن اولهمیهجنی. هدف نقطهسنک نطس ایدلمش تارالا حاله کیردیکنندن استدلال اواندی و آتشد کسیدرلدی ایسهده، بزم آتشنک کسلمسنی متعاقب دشمن برطوپ دهها باطلا تسموئی!! آرتق بزم طوپلرمزک انک طوپنه و طوپنجیسنه برضر و یردهامش اولدیغی حالاً و فعلاً آکلاشلدی. اندن صکردهده بزدن دهها طوپ آتنامق لزومی امر اولندی. زیرا بزم کوللرلر بارکی صیرتنده اولهرق طربزوندن بزه آنحق برآیده اصل اوله بیلور. اوله عزیز و قیمتدار شینک بلافائده اسراننده. معنا یوقدر. دشمن هر چاریک ساعتده برکولله بزه یعنی قوماندانک چادرینک. بواندینی مرکزده، برکوللهده اولیا تپهسنه کوندرمکه دوام ایدرک ذاتاً کوندوزدن. طوبک درجهسنی و هدفی یولنه قویدینی ایچون کیجهلریده سکوت اتمدی. ایسهده خساری پک آز ایدی. بتون یکریمی درت ساعتده آنحق یدی سکز کشی ایله برقاق مکاری حیواننه ضرر و یردیلور ایدی؛ لکن تأثیر مغویسی ضرر مادسیله معکوساً متناسب برحالده ایدی؛ چونکه کیجهلی کوندوزلی دشمنک کوللهسنه هدف اولمق، عسکرک اویقوسنه وراحتنه طوقمقله برابر قیبلر ندردهده بروهم حصوله کتیردیکنندن ایشته دشمن آتسنی بوندن صکرده قزانمغه باشلادی. هله اوصردهده فقیرک قلبی کاربانسرای اوهامنه دوغمشیدی. هیچ بردقیقه اومناسبتمز مسافردن خالی قالمدم، اوستمزدن کولله کچرکن باشمی قوپارهحق کبی و همملر تولید ایلدیکنندن هیچ فائدهسی اولمیدیغی بیلهرک صاقینیر و یرلریاتار، قالقار ایدم. حتی کیجهلری اگر اویانق اولدیغم حالده کوللهنک کلکده اولدیغی اومدهش وسولمز سسندن آکلار ایسههم، کویا فائدهسی اوله جقمش کبی اوزرمه

أورتونديكم ذنبه می باشمه چكر ايدم . يانمزدە كي تلغراف چادريني اوردى ،
 ماكنه نى فلانى پارچه پارچه بتوردى ؛ قوماندان حضرتلرينك ياوولرينك چادرينك
 تپەسنى كوتوردى ؛ الحاصل اردوده قلب راحتىز لكندن شكائت ايتمك كيمسە قالدى ،
 حتى فقيرك چادرينك ياننده برچادري اولان اركان حرب قائم مقامى حسن
 بصرى بك بر مهم افادە سنى اسماع ايچون كنديسنك چادرينه دعوت ايتدى ،
 كيتدم ؛ بو ذات چادرينك ايچنדה كي قاريوله سنك اوستنده اوتوريور اما ، بكنزنده
 قان يوق ، دوداقلرى بىم بياض اولمش ، ياننه اوتوردم ، خوش ، بشدن صكره
 قولانغمە محرمانه ديديكە : بن قورقورم وايكى كيجه در اويقو يوزى كورمدم ،
 حال بويله دوام ايدر ايسه چيلدیره جغم ، بر آيىلك ايدرك اركان حريبه رئيسى
 حسن كاظم پاشان بكا رخصت آيرسە كز ارضرومه ويا استانبوله كيدرم ،
 قيامتە قدر سزه دعا جى اولورم . مجرد قورقو اوزرينه يعنى قورقونى علت طوتەرق
 رخصت ايستمك جائز اولەميه جغندن هر حالده بشقه برسب كوسترلسى لزومى
 وبوسوزك بالاخره استقباله كي فيضنه طوقه جغنى سويلد يكمدە : بن استقبالدن ،
 فيضدن وحتى شمدى حائر اولديم رتەدن بيله واز كچدم ، بكا يالكز حياتم
 لازمدر ، تك حياتده اولەيم ، برقورى اكمك پارچه سيلاه معيشت ايدەيم ، راضى يم .
 جوانى غايت جدى بر طور ايله ويريخه ؛ باقمەلم ، ما قالم سوزيله يانندن آيرلىق اوزره
 ايكن دشمنك بر كوللەسى صدا سنك دها كلكدە اولديغى ايشتم . باقمە ، مير محترم
 حضرتلرى يانمەن غيب اولدى ، عجبا نه اولدى ، نره يە كيتدى ، اطرافه باقنور ايكن
 قاريوله نك آياق طرفندن باشنى چيقارمش بكا باقبيور اولديغى كوردم كه اووقتە
 كوللە اوتورديغمز چادرك يوز خطوه قدر آچيغنه دوشمشمە باطلا مشيدى .
 هر نه ايسه قائم مقام بك اولدينى يردن چيقدى ، يانمە كلوب اوتوردى . ايشته هر وقت
 حالم بويله در ، اوصاندم اقدم امان دهرلك ينه رجاي سابقى تكرر ايتدى . مكر
 ميرمز قاريوله نك آياق طرفنده برچوقور قازديرمش ، كيجهده كوندزده كوللە نك
 اودهشتلى سنى ايشتكە كنديسنى اوچقوره آتار ايش . اووقت بندن دها
 زياده برقور قانك عالمده وجودى اولديغى كوردمده بولنديغم حالە شكر ايلدم .
 اقشام اوستى حسن كاظم پاشاي كوردم ، بو آدمك وجودجه راحتىز لغندن
 بخله اذن وىرلسى تى ايلد يكمدە : قلبزك هيچ برشئى يوقدر ، مجرد كوللە دن
 قاجيور ، عباد اللهى بورادە آتش ايچنדה براقوبدە صاوشق حيتىز لكنى اختيار
 باشمزه كلانلر

صابطا تترك بمضيلر-
 نيك درجۀ خوفنه
 بر مثال

ایده جک، بن اکا اذن و پرلسنه توسط ایدم، وارسین کبرسین جوابی ویردی.
هر نه قدر رجایی تکرار ایلدم ایسه ده حسن کاظم پاشاده اثر اجابت کورده مدم.
ایشته آفندم حال بویه در، برقاج سنه صکره بوذاتی استانبولده کوردم،
میر آلائی اولمش و طور و حرکتیه فتح عالم اولدیغنی کوستر مکده بولنشیدی.
منسوب اولدیغنی دائره عسکریه ده کی آرقداش لرینه محاربه دنصکرده دیر ایمشکه:
بن حربده شویله تدبیر ایتدم، شوپولده ترتیبات اجرا سی اخطار ایتدم، اجرا
ایدن بولمندی ده اردونک باشنه اوقضا کلدی، یوقسه بکا قالسه ایدی، ایش بشقه
اوله جقدی کبی تمدح نفسیه ایله عالمی بیزار ایدر ایمش.

جانم بونه قدر انصاف سزاق، نه رتبه یالان خیلق! انسان بوقدر یالانی مطلقا
سویله مز و عدمی. وجود دیه کوسترده مز؛ بلکه دماغنه خفی برخسته لق عارض
اولیورده عالمی و او عالم ایچنده کندی أفعالی حقیقتک غیری اوله رق کوریور
و کوردیکی شیئی حقیقت صانیورده الدانیور. یوقسه بویه اولمه بویه کوریلان
ساخته کارلقلردن اوتانلق اقتضا ایدر و اوتانیلان برشیدک ده بالطبع وبالضروره
خلقک یوزینه قارشی میدانه چیقاریله مامسی لازمکلیر. بوذات شریف شمیدی ده
یعنی بیک اوچیوز آلتی سنه سنده ده میرلوا بولنیور، الله ایتسون یارین برحرب
ظهور ایده جک اولسه، یا برقول اردونک ارکان حربیه سی ریاسته و یا خود
مستقلاً برقول قوماندانلغه تعیین اوله جق، صکرده ده اوقولک باشنه نصل مدهش
قضا لر کله جک؛ اوراسی اللهدن بشقه کیمسه بیله مز.

عجبا بونی نیچون ترفیع ایتدیردیلر و نیچون بر قوماندانلغه تعیین ایتدیلر،
قباحت مومی الیهک مرجعی اولان سرعسکرده میدر؛ خیر سرعسکرده نهدن
قباحت اولسون! زیرا سرعسکر اوذاتک بر موقع حربده نه پایدیغدن و نصل
جبانیت اظهار ایتدیکندن خبری یوقیکه!.. سرعسکر حضرتلری آنک چکه سنه،
مطالعه سنه، ادرا کنه باقدی، آرقداش لر ایچنده ده قدملیجه کوردی، ترفیع
رتبه به بحق استحقاقی تقدیر ایتدی، پایدردی.

ضابطانک ترفیع
رتبه لرینه متعلق
مطالع

اوله ایسه بونک احوالندن و قتیه نیچون منسوب اولدیغنی دائره معلومات
ویرمدی دیه هنوز صاحبی بوله مدیغمز قباحتی حرب موقعنده بولنان بیوک
قوماندانه نسبت ایدم، قوماندان ده قباحتی قبول ایتز. برنجیسی قوماندان دیرکه:
بکا کیمسه دیمدیکه، یا هو! سز محاربه ده برچوق امرا و ضابطان استخدام

ایتمش ایدیکیز؛ بونلرک علی الاعلی، اعلا، اوسط، أدنا، أدنادن أدناسنی تفریق ایدرک بردفتیری و یرده بعدما آنک اوزرینه معامله یوریدلم. اودفترده کوستریلن آدمیری اقتضا ایتدکجه بیودلم. ایکنجیسی : بن اویله دفتری ویرمش اولسه دخی مغالطه پردازان زمان بیک درلو وسائل ایله اولدفترده نسبت نقصان ایدرلر. کیمی قوماندانک بکا غرضی واردر. کندیسسه شویلهدر، بویلهدر، یوقسه دنیاده دهابندن ایشکذار، بندن درایتکار برآدم یوغیدی؛ دیر وبعدهما اوقوماندانک شخصیا دشمنی اولهرق هتک عرض وناموسی ایچون وسیلهلر آزار، طورور. دشتنک چوغالدلسی وراحتنک ضیاعنی هانکی عاقل قبول ایدرکه بزم قوماندانده قبول ایتسون. کیمی بشقه بشقه وسائل ایله تبریه ذمه قیام ایدر؛ چونکه بوعلمده هیچ کیمسه حقه راضی دکلدر.

دیمک که شمعی قباحت نه ترفیع رتبه ایدنده ونهده ایتدیرنده ونهده قومانداندهدر، قباحت اصولدهدر. دولتجه برکوزل اصول وعداتلی بریول قونیلور ایسه ایش دوزهلور. دیمک که بتون بتون دوزهلور؛ لکن اولدکجه حق وعدله وایاقت واستحقاقه کوره معامله اولنور. بواصول نصل وضع اولنور، کیم وضع ایدر، صکره استقامت جریانه کیمیلر نظارت ایلر؛ اوسرکدشتنامهک وظیفه سی خارجنده قالدییی ایچون اکا دائر برشی دیهم.

اوسرده فقیرک رفیقارندن یعنی وظیفه وقلم چادری آرقداشلرندن کیغیلی برحافظ احمد افندی وار ایدی. حسن خلقنک وسعتی نسبتندهده ایفای وظیفه یه ساعی ایدی. روس کولله لرینه هدف اولدیغمز کوندن اعتباراً مومی الیه یمکدن، ایچمکدن، آرقداشلیله کولوب سویلکدن کسادی. خسته کبی برحاله کلدی، نهایت فقیره کشف راز ایدرک بو حال ایله برمدت دها قاله جق اولورسه انفعالات نفسیه سنک تأثیریه اوله جکنی ومشراف ضیاع اولان برحیانک صانون آلمسنی واوحیات ایله اخیراً مادام البقا منتدار قاله جقنی سویلیه رک فوق العاده سزلندیی ایچون رفیقاریمزدن فلان خسته در، فلاندر دیهرک مختار پاشا حضر تلرندن اذن آلدیم، یانه برسواری ترفیقه اوساعتده سلامته دکیتدی. قورقونک بودرجه سندن خفیف اولانلری ده وانلردن دها خفیفلری، الحاصل درجه درجه هیچ تورقیانلره قدر مبتدا ومنها بیننده درجات متفاوتینی حائرک چوق ذوات کوردم.

یوانیمه بر مرکزده دائم قونوشوب کوروشدکیم وکندولیه دکیه برجه بر مطامع تجریم

بولدینگ بکرمی کشی واریسه ایسته ایکسی صوک درکه خوفه دوشمشلدندرکه اسلریله حاللری یازدم. دیمک که اردو کا همزده موجود اولان عسکرک یوزده اون، بلکهده بکرمیسی بو حاله کیش ایسهده دردینه درمان بوله میه جغندن آمین اولدیغیچون سینی چیقاره میور ایدی. اما نصل اولورسه اولسون شوکولله نك طبعه ایراث ایتدیکی دهشتدن بر ساعت اول قورتولمنی قلباً تنی ایدیور ایدی. حتی وهمنه مغلوب اولانلردن وبرطریق تسلی بوله میانلردن اولق اوزره فراریلر مزده چوغالیدی؛ ایش بویله کیدر ایسه حال وخیم اوله جغندن نفرات عسکریه دن طوتیلان بعض فراریلر طابورلرک اوکنده قورشونه دیزیلرک خلقه عبرت کوسترلیدی. بونکله فرارینک اوکی آلدی. لکن بوتدیر وعلاج مادی نك مرض معنوی باطنی به مبتلا اولان قلوبه تأثیری اوله مدی. نته کیم آتیده کوریه جکدر. عسکرک پای عزم وثباتی بوضورتله اخلاص ایدن سبیلرک ریسیده اورای ترک ایدرک آلاجه طاغه چکلمک کمزدر دیه ییلورم.

واقعا ده متین بر موقعه ده زیاده طویلجه بولنلق وموقع یکیدلکندن دخی استفاده ایدمک نیتله کری به چکلندی؛ لکن اسمی رجعت دکلی؛ واردی عسکرک قلبه طوقانیدی، کیتدی!..

اوتهدنبری معروف ومشهور ایسهده فقیرده عیناً وعیناً تجربه ایلدم که بزم عسکرک مزاجنه رجعت مسئله سی قطعاً آویر میور. مثلاً رجعتدن اول یوزدرجه قوت وماتتی حائز اولان قلوبک درجه ثباتی صفره تنزل ایدیور؛ اما بو حالدن قطعاً متأثر اولمیانلرده وار ایسهده متأثر اولانلر اکثردر. حکم ایسه غالب شایعکدر، یوقسه نادرک دکلدر!

رجعتدن دکل اما کولله دن نهمده قلم متأثر ایدی. احتمالکله رجعتدن دخی دهشته دوشه ییلور ایدمسهده حسب الحال رجعتک حکمتی بیلوب محاکمه سنه مقتدر اولدیغ ولزومنی ذهنده اثبات ایلدیکم ایچون کندمده رجعتدن او یله بر حال حس ایدمده؛ لکن کولله بونک خلافتهدر. کونلرله کیجه لرله اردو کا همزده آتیلان کولله نك اوچ بش کشی ايله بش اون حیواندن ماعداسنه ضرری اولمیدیغی عالمه برابر بنده کوردیکم ومحاربه لرده قورشونک ایراث ایتدیکی خساره نسبتله کولله نك لاشی حکمنده قالدیغی بیلدیکم حالده انک او یله دهشتلی دهشتلی کلیدندن ویره دوشوبده باطلا یشندن پک غریب ومدهش بر تأثر حصوله کلیور. آنک ایچون نه وقت اوزرمزدن برکولله کچه یرده قیامقصرین طوره مدیغمی یوقاریده سویله مشیدم.

حتی برکون صباح نمازی وقتنده مختارپاشا حاضر تلی، چادرنده بکابر مسوده تعریف ایدرکن اوسرده دشمنک ینه برکولله سی کلدی ایدی. کولله کچرا یکن پاشا سوزنی کسمیرهک بردوزی یه دوام ایتدیکی ایچون فقیرده آنک یاننده یره یاتمقدن اوتانه رق یالکز اولدیغ یره وجودیمی و دیشلریمی قیصوب صیقمقه بالا کتفا متأثراً منفعل اولدیغمی کتم ایتدم...

دیمک که قورقاقلقده، جسارتده طبیعی برشی ایسهده یکدیگره انعکاسک دخی تأثیری وار. متانت قلبه مالک بر رفیقه نائل اولان آدم هیچ اولماز ایسه مقارنتدن اوتانه رق جباتتی اظهار ایده میور. عسکرک کولله دن صاقمسنک و اوسرده یرلره یاتمسنک عسکرک عالمده پک بیوک معاییدن عد ایدمک لازم کله چکنی محضا حکمت اوله رق دوشمنلرده وضع ایشلر. هر حالده عسکر بری بری تعیب ایتلیرلر؛ زیرا برینه باقره رق عمومیه بردن قورقاقلق مستولی اوله جغنده هیچ شبهه یوقدر. هر نه ایسه انسان بری برندن بوزیلوب دوزه لیور و السلام... برده زمان حربده تشجیع آمیز سوزلر پک بیوک ایشلر کوردیکی کورلیور ایدی. یخنی تپهنک مدافعه سنده بوانان قبودان محمد پاشا، کندی باشنه بر بیوک ایشک عهده سندن کله چک و مرشد وره بر سر یوله کیده چک اذ کیادن دکل ایسهده غایت مؤثر سوز سوزلر، عسکر یله یرینه کوره لطیفه شیر. کندیسنی فقراته سودیر بر آدم ایدی. یخنی تپهنده وقوع بولان محاربه کونی صیقشدقلری بر صرده غایت کور و قالین اولان سسیله: [عسکر! بن کوریورم، پیغمبریمز افندمز، حضرت علی وسائر اصحاب کرام هپ بردن کلشلر، بزه باقیورلر، موفقیتمز دعا ایدیورلر؛ حتی بری صاغنده اوته کیلرده صولمده در، بو کوزلرم کوریور، نه طور یورسکز!] دهرک آياقلىرى یره اورر وقوتلى قوتلى وضعيتلرله: [دها بزم نادن قور قومز اوله ییلور، ثبات، غیرت] دیه فریاد ایدر ایشم. بو حالک عسکره اودرجه بر تأثیری اولمش که عادتاً جهل سینه یکیدن جان کلش و بیکلرله امداد آلمشلر کی فوق العاده بر صورتده غیرت نمیشلر ایشم.

(وایدهم بجنود لن تروها) آیتک معناسی و سری باقندی باقندی نره لردن باش کوستریور!.. هر نه ایسه بوبحث دقیقده صدمزک خارجنده ایسهده، مناسبت کلدیکیچون شو فقره یی ده بورا جقده نقل ایتهدن کچمه حکم:

فقره، آیتده کوریه چکی وجهله، بوزغو نلقلرک توالیسی سسیله اردومز ایله نفس

ارضرومه قیاندیغیز ائشاده قپودانك بونجه وقتدن بری وقوعبولان آئارقدان کارسی
مکافاتی اولمق اوزره باش قوماندان پاشا باباقپودانه کوچ حال ایله اوچنجی رتبه دن
برنشان عثمانی ویردیلمشیدی. قپودان نشانی آلدیغی کچی طوغریجه فقیرك اولدیغ
یره کلهرك: [بونشان سبيله براویون یاپه جم. کل برابر کیده لمده سیرایت] دیه
أمدن طوتدی. عسکرینك ساکن اولدیغی یره قدر کوتوردی.

عسکرک اقامتگاهي مرکزینه ایندی کمزده تحت قومانداننده بولنان طابورلری
سلاح باشه جمع ایدرك عموم عسکرلی طیشاریدن بردارده شکلنه وبتون ضابطانی ده
اودا ائردنك ایچریلنده برخلقه صورتنه قویوب کندیسیده مرکزده قائم اولدیغی
حالدده معروف ومعهود قالین سبيله ضابطانه وعسکره خطا بادیدی که: [آرقداشلرم،
قارداشلرم ! شو محاربه نك ایتداسندن بو کونکی کونه قدر آلتی یدی آی ظرفده
ایتدیکنز یارارقلری. کوستردیکنزدان کارلقلری تحسیناً علامت رضا وخنودی
اولمق اوزره پادشاهمز اقدمز قپودانك لواسنه یعنی سزه برنشان کوندرمش؛
ایشته نشان ائده در. (نشانی ائده طوتهرق یوقاری یه قالدیروب هر طرفه
کوسترجه سنه صاللا دقدن صکره) ایه شمیدی نه یاپه لم؟ نشان بر، سز چوق ! بو
نشانی ایچکنزدن کیسه ویردم که عمومکنز نامه او طاققسون؟ (هر طرفه دونوب
رأی صورارجه سنه وقوعبولان استیضاحتنه قارشو هرکس ساکتانه برحال ایله
طورور ایگن) ایچلرندن برضابط : سز طاقکز، سزه لایقدر، سوزنی فیزلادی
ویردی. قپودان ینه عمومه دونوب : [باقدی عسکر ! آرقداشلرمزك بعضیسی
سز طاقکنز دیه بکا تکلیف ایدیورلر، بنده ایسه لیاقت یوق، هراشی کورن
سز، اوزریکزه هجوم ایدن دشمنکزه قارشو آسلانلر کی کال ثبات ووقار ایله
بالمقابله انلرک یوزنی کیری یه چویرن سز، یویله اولدیغی حالده بن نهجسارتله سزه
مخصوص اولان نشانه مکافاتی طاقه بیلیرم، نه دیرسکز؟ الاهی سورسه کز صیقلیمکنز،
طوغری سوبلیکنز؟] دیسمیله عسکرک عمومی بردن سز طاقکنز، سزه مبارک اولسون
نه غله سیله قپودانك خطابی قارشو لادقلری کی: «ایله ایسه سز دوکالة ایشته طاقورم دیه،
» بسم الله الرحمن الرحيم « فاتحه قدسیه سیله نشانی بوینته طاق ویردی. [ایشته
افندم طاقندم. باقکنز یاقشدیمی؟!] دیه برطور لطیفه آمیز ایله عسکرلی کولدیره رکدن
هر طرفه دونوب کوستردکدن وموسیقیه برسلام چالدیروب (پادشاهمز چوقیشا)
کلبانکتی بوجه معتاد چکدیردکدن صکره: ایله ایسه بو کون ینه دوکونمز

وار، هایدندی عسکر، اوینایکز باقهلم! دیه موسیقهیه اوینون هوالری چالمسی امر ایتدی؛ کندیسیده ینه شوق آمین، لطیفه انکیز سوزلرله عسکرک ایچنده بر آز کزینوب سیر ایتدکن صکره چکیلوب ایشنه کیتدی.

شمدی حقیقت حاله نظر بصیرتله باقان بر جدی آدم، احتمالکه بو مثللو عوامپسندانه معامله ایله کندیسینی خلقت نظر قبولنه عرض ایتمکن مستغنی کورور. بعضیسیده بویه شیلری یایمق ایجابی تفکر ایدر ایسهده طبیعتک یاردمی اونامق جهتله اجراسنه موفق اوله مدیغدن یاپانلرککنی خوش کورمز اولور. لکن هر نه اولورسه اولسون، بزده قازانمق، عسکرک مزاج و اخلاقی آییجه آکلامق وطاتلی قوللانمقله اولور. بز ترکر عموماً کبرلی آدمدن پک متفرز. بر آلمان ویا بر روس ضابطک آلمان و روس نفراتنه ایتدیکی درشت معامله لری، غیر معقول چالملی تقلیده قاتقیشور ایسهک مطلقا غیب ایدرز. بزده بر قوماندانده بولنه حق اوصاف حمیده آرهنده، اوپرکن ایجابنه کوره ایصیرمق وایصیررکن اقتضاسنه مبنی اویمک خصلتکده بولنسی مطلقا لازمدرکه ضابطک رفاقت موجوده سی کندوسندن هم قورقسون، همده سوسون؛ هر حالده معامله پدرا نه لازمدر. الحاصل عموم ضابطانمک براز متجلده اولغله برابر برزده بشوش، خوشکو، طبعاً سخی، متواضع اولسی، وهله آره صره عوامپسندانه معامله ایله عسکرینی تطیب ایده جک لابلایلک کرده بولنسی شرطدر. سویملی حرکاتیه رفاقتک جلب قلبنه موفق اوله میان جدی. مشکپسند قوماندانلر؛ ایش زمانده مزاج ایله قاریشیق طاتلی معامله ایله خلق ممنون ایدن صاف سیرت امرادن زیاده تهلکهیه هدف اوله جقلرنده شبهه ایتمیلدر. (اتهی)

ها! شوراسنیده اونو تمیلم که، ضابطانکده ایی خطابت ایتسی لازمدر. زمان تحصیلده عادتاً مشق ایلیدرلر، تأثیرلی سوز سونلک یونلی اوکره نوب ملکه حاصل ایتیدرلر که عندالاجه چوق چوق قزانجاری مؤدی اوله. بزده ایسه بواسولده هان یوق کیدر. نه قدر فاحش نقصان، نه رتبه مناسبتر بر معامله! ان شاءالله اخلاف کرائمز. دیدیکمز نقایصک جمله سنک اتمامه موفق اولورده شو متعظم و حریص دشمندن انتقامنری آیلر!....

بیولک یعنی تپه سنی

دشمن طرفندن اردوگاهمک کو اوره طوگسندن ایکی کون اول دشمن غلبه خطراتک املیه

بزم بر تعرضمز ده و قوعبولدی ایدی اما اندهده موفقیت حاصل اوله مدی. و قوعبولد خسارانی

کوچوک یخنی تپه‌سنگ قره‌غولی حکمنده بولان بیوک یخنی تپه‌سندە کی طابورک محو اولدیغنی واوراسنک دشمن آنه کچدیکنی یازمشیدق. بز اولیا تپه‌سنی طوتقدن صکره جوازنده اولان بیوک یخنینک دخی آلدە ایدلسی لازم کلهرک بوتپه‌نک اوستنده دشمنک بعض نفرات عسکره‌سی کوریلور ایدیه‌ده مقداری چوققیدر، آزمیدر؛ تپه‌نک اورتە یری چوققورجه اولدیغندن بوراسی آکلایشله میورایدی. بوتپه‌یه قارشو برکشف تعرضی اجرا ایدلک واکر اوزرنده کی قوت برقره‌غول هیئتنده آزرشی ایسه همان قبوللنوب ضبط ایدلک، دکل ایسه ایش آکلشلمش اولق امریله مختارپاشا حضرتلری یاور مصطفی بکی وزین کویی جهتنده برقمه تشکیل ایتک اوزره بر قاق طابورله اوتورلمش اولان طوبچی لواسی حسین وسواری لواسی ادهم پاشا‌الره کوندردی. آنلر بر صباخلین حرکت ایتدیلر، سواریلری و آرقه‌لرنده‌ده خاصه‌نک پیاده اوچنجی آلائی میرالایی حسن بکله ودها بعض طابورلرله یوریدیلر. تپه‌نک نصفندن زیاده‌سنی چیقیدیلر، اوزرنده هیچ کیمسه یوق ایمش دیه نمونیتله یورویشلرینه بر آز سرعت بیله ویردیلر. همان زرویه چیتملرینه اوچپوز خطوه‌بیله قالدی؛ دیرکن سکوته وارمش اولان دشمن تپه‌نک اوزرندن نشر ممت ایدرجه‌سنه بردن بره بر شدتلی آتش ایتسیله برابر، همان ایلک آغزده ایکوزدن زیاده عسکریمز یره سرلدی؛ چونکه سلمه السلام پک قیدسز کیدیورلردی. عادتاً تپه‌نک اوستنده بش اون نفر وار، شمدی آنلری ده طوته جغز خننده بولنیورلر ایدی. ایش، مأمولک خلائی اوله‌رق ظهور ایتدیکی کبی عسکریمزک بقیه‌سی عموماً اولدق‌لری یرده چوکوب قالدیلر. ده‌ا بر خطوه ایلروسنه کیتمکه جسارت ایدمه‌رک یواش یواش رجعت ایتدیلر، بیوک یخنی تپه‌سی ینه دشمنک آلدە قالدی.

بو دیدیکم خاصه‌نک اوچنجی آلائی اعلان حربدن بر قاق آی صکره استانبولدن ارضرومه کلشیدی. مختار پاشا آنلری ایلروده ایجاب ایدجک موقعه سوق اولمق اوزره بر مدت ارضرومه براق‌دی. بز ارضرومه دورمایز، مطلقاً موقع حربه کیده‌جکر، حرب ایتمکه کلدک، اوتورمغه کلدک سوزلرله بو عسکرک عادتاً اختلاله باشلادیغنی ارضرومدن مختار پاشا حضرتلرینه یازلدیغنی کبی نفراتدن بعضیلری ده ارضرومدن فرار ایدرک، مجرد حرب ایتک اوزره اردوگاهمه کلشار ایدی. صکره مصلحت اقتضا ایتدی، بو آلائی اردهان جهته متوجهاً

بنکه کوندردی، اوراده نصل جبات اظهارايتدکری بالماسته يوقاریده يازلمشیدی. ايه! شمدی أوائل حالده بودرجه جسور، بورتبه حربه ايستکلی اولان برعسکر نه اولديکه بويه اولدی؛ نه اوله جق! مير آلايلرينک ودها بعض جين ضابطلرينک شراره شامته اوغراديلر؛ متانت قلب، ثبات قدم کي محاسن اخلاقيه اصلیه يي اخلاق عارضه مستوليه ستر ايتدی. حتی آتیده صره سی کاديکنده کوريله جکدرکه، ارضروم جوازنده واقع دوه بويونده حرب ايديلر ايکن بو آلايك بيکباشيلردن رمضان اغا نامنده بریسی بریو جک طاشک آرقه سته التجا ايتش اولدینی و او صرده قوماندان پاشاده عسکرک ایلری یورومی آمرینی ویردیکی حالده بزم رمضان آغا قفاسنی یره صوقش، قیچی چقارمش، قورقوسدن بوغاناق برس ايله (عسکر ایلری، ایلری!) قومانداسنی ویرر ايکن برقورشون کلهرک قیچندن اوردیغنی واوراده یره سرلديکنی و قورشونلرک بعضاده بويه مناسبتلی ایش کوردیکنی مختار پاشادن ایشتمش ایدم.

أیلولک یکرمنچی کونی یخنیر محاربه سی بدأ ایتدی ایدی. تشرین اولک ابتداسنی بولدق. همان هرکون بر وقوعات و بر حرکت حربیه ايله وقت کچیردک. تشرین اول ایچنده آلاجه طاغک اوستنده و چادر آلتده بولمق کوچلشدی. ضرورتدن، چپلاقلقدن هوانک او حوالیجه معروف اولان درجه برودتندن هرکون اوکوز آرابه لريله قارصه خلیجه خسته عسکر کوندرمکه باشلادق. اولدیغمز طاغ اورمانسز بر چپلاق طاغدر، اورمانلی بر یر اولسه رطوبتلی وغایت صفوق زمانلرده بول بول آتش یا قیلهرق چوبانلرک طاغلرده بزندقلری کبی عسکریده بزندیرر ایدک؛ لکن بزم اورمانمز عموماً قارصک اورمانلدر، اوراسی ده صوغانلی طاغیدر. بو طاغ ایسه یتش بش کیلومتره یعنی اون بش ساعت قدر کریمزده در، شمدی مکاری حیوانمزه و عموم کویلورده برده اردویه اودون چککمک وظیفه سی ترتب ایتدی.

دشمنک ایکنی کره
اردو کا هرک آرقه.
سنی آلمی

ذهنلر بو حاله دخی بر مخلص تحریر سیله مشغول اولدینی صرده تشرین اولک ایات کونی دشمنک برفرقه سنک آرقه مزدن آربه جای یعنی حدودی کیمش اولدیغنی خبر ویردیلر، بوحال، موسمده حس اولنسان صفوقک تأثیرندن دها زیاده صفوق بر تأثیری موجب اولدی. ایش صحیحی، تجاوز ایدن دشمنک وجهه توجهی نریده در؛ مقداری نصل تخمین اوانه بیلیر؟ اوزاقدن کوزیه کوروب

برخبر صحیح یتشدرمک اوزره بعض کشافلر کوندردلی . مسافه نك اوزاقلنی جهتمله کاشفلر منسکزر ، اون ساعت صکره آنجق عودت ایده بیلدیلر . کتیر دکاری خبر ایشک سختدن و دشمن عسکرینک نخجوان طرفه طوغری یورومکده اولدیغنی کورمش و مقدارینک دخییدی ، سکز طابور راده سنده تخمین ایده بیلمش اولمردن عبارتدر .

بو خبرك آلمسنى متعاقب آلتان بر دیگر خبره کوره دخی اردونك ارقه جهتمده کز نمکده اولان دشمن عسکری یالکز برایکی آلائی سواریدن بشقه دکلایش . اگر حال بویه ایسه دیمک که اوسواریلر یالکز برکشافدر ، زده سواریمزى اولره قارشى کوندردلمده وظیفه مأموره لیرنى اجرا یه یول ویریه م . نهایت شیخ شامل زاده محمد شمویل پاشانك قاخی طاغستانى قول اغاسى محمد بك [*] برخبر صحیح کتیرمک اوزره کوندردلی ؛ زیرا بو محمد بکه من کل العجوه مختار پاشانك امنیتى وار ایدی . ملکیت درجه سنده حائز اولدیغنی نور صفوت یوزندن لامع و شجاعت فوق العاده سنى ایسه دشمنلری بیله مقر و معترف ایدی . آنچه بر مدتدن صکره محمد بك ده کلدی . دشمنك شاطر اوغلی طاغنه طوغری یوریمکده اولدیغنی و مقدارینى دخی اون ایکی طابور پیاده و نسبتده طوپیجى و سواری اوله رق تخمین ایلدیکنى سوبلدى .

آنک اوزرینه ذکر اولنان شاطر اوغلی تپه سنى طوتمق ایچون میرلوا محمد ناجى پاشا واسیله یعنی الی طابورله چیقارلدیغنی کبی ناجى پاشانى تقویه ایتک اوزره ناجى پاشانك منسوب اولدیغنی فرقه نك بقیه سى اولان دیگر آلتی طابورده فرقه نك قوماندانى بولان فریق مجار عمر پاشا ایله ارقه سندن کوندردلی . شاید بولر مظفر اولوبده دشمنى رجته مجبور ایدرلر سه در حال بورجعت ایده جک دشمن عسکرینك ارقه سنى آلمق و ایجاب ایدر سه اولدیغنی یرى مدافعه ایتک اوزره میرلوا موسى پاشا دخی اوچ طابورله آلاجه طاغك ذروه سنه چیقارلدى . مختار پاشا حضر تلرینك کندیسی دخی ، عمر پاشانك کوتوردیکی طابورلرک ارقه سندن کیتدی . بو معامله تشرین اولك ایکنجى کونى اولیور . وقت ایکندى زمانى اولدى ، کیدنلردن هنوز برخبر آله مدی . فقیرده ایشى زیاده جه مراق ایستدیکمدن آتمه بیندم . ارقه لرندن کیتدم . برخیلیجه

[*] بو محمد بك اخیر آ سلطان عبدالحمید خان ثانی حضر تلرینك سلاحشور لغنده بولنه رق لواله قدر ترفیع رتبه ایتش ، شمدى دخی ایشیدلکیکنه کوره بغداد اردو سنده استخدام اولمقده بولمشد .

کیتدکدن صکره مختار پاشا حضرتلرینی غایت سرعتله عودت ایدیور کوردوم .
رنك ولوتنی تعریف ایده میه جکم درجسهده بوزوق بولدم . ایشده بر فسالق
اولدیغنی حس ایتدم ؛ بنده کری دونه رك برابرجه اردوگاهه کلدیم ، کونشده
غروب ایتدی .

قوماندان پاشا اوکیجه لواو فرقه قوماندانلرینی جمع ایله عموم اردونك رجعت عموم اردومزك
ایتمك زمانك حلول ایتدیکنی وخض حربك دکیشدیرلمی لزومنی تبلیغ و دشمنه رجعت حالته
برشی برافلاساق اوزره اول امرده احوال و انقال وجبخانه و چادر وارزاق کپی کیرمی
شیلرک نقل اولنسنی امر ایتدی .

مکرناجی پاشا لواسیله دشمن شاطر اوغلی تپه سنك اتکلرنده حربه طوشمشلر ،
آرقه دن عمر پاشاده یتشه رك اوده ایشه کیرشمش اما ، دشمن غالب کله رك طاغث
اوستنی بزم عسکردن اول حقیقه رق طوشمش ، ویر شدتلی آتش اجراسیله بزم
عسکری آشاغی دوکمش . و برده ایش ، خلقک و کشافلرک حساب و تخمین کپی
اولیوب ، دشمن یکرمی طابوردن زیاده بر قوتله اورایه کلش ایش . [*] بویله
بر قوتی حائز اولان دشمنه قارشی بزم اون ایکی طابورک و آتی قطعه طومزک
طوته مامی بزم طابورلرجه موجب مسئولیت دکلدیر . برایکی ساعت اولجه طاورامش
اوله ایدیلر ، احتمالک دشمندن اول شاطر تپه سنی طوتارلر ایدی ؛ لکن بوصورتله
طاورانلماش اولمندن طولانی دخی ینه انلر معاتب اوله ماز ؛ ایش ، اصولک فناغده
و کشفک یا کاشغنده در . ضابطانک کوزی مانورلر واسطه سیله عسکر قرالیدینک
تعین جنسنه و تخمین مقدارینه آلمش اولسه ایدی ، حرکت واقعه کشف صحیحجه
استاد ایش بولنوردی ؛ بلکه ده بوقضا وقوعه کلز ایدی .

اردومزك رجعتی ایچون تعین اولان محل ، ینه کوچک یحی تپه سی صول جناحز
اولوق اوزره ورین کوی تپه سی و بوزلق و سائر برطاق نقاط مناسبه ایدی که ، تماماً
نقلمز ممکن اولوبده یتشدیرمه سیله ایدی ، شاطر اوغلی تپه سنی مقابلمه آله جق و دشمنی
اردونك آرقه سنده برافامش اوله جق ایدک . احوال و انقال چوق ؛ و بونلرک
محتاج اولدی مکاری حیوانانی یوق ؛ کیجه عموماً چادرلر یقلاقی ؛ بر طرفدن
بوکوت کدیور ، و ورین کونه دوگدرک بار کیرلر عودت ایدیور که بشقه شیلر

[*] (اردو زمان) نامده اول برابره تاریخ حرب . اوکون آرقه سنی آلا ردفنک
یگرمی سکر طابور پشاده ، آله جق قطعه اولوبده . و یگرمی سکر طابورک سواریلر عسارت
اولدیغنی ذکر ایتشدیر .

یوکللسون. وزین کوئی اولدیغمز یره ایکی ساعت قدر چکر. عزیمت وعودتک درت ساعت زمانه محتاج اوله جنی وارسته ایضاحدر.

اوکیجه قافله لر برطرفدن یوکانوب کیده طورسون؛ بزده ایصنمق اوزره برطاشک آرقه سنده یاقدرلمش اولان آتاشک باشنده مختارپاشا حضر تلی ده برابر اولدیغی حالده جمعیتله اوطوررایکن اوکمزده کومومش اولان دشمن طوپلری، بربرزه، برده اولیا تبه سنه برمعتاد کولله لرینی کوندروب طور یورایدی.

کیجه ساعت سکزدن صکره اردونک اوراق مهمه سی خورجلرینی آلوب قارصه کیتمکلکمی و صکره ده آله جغم امره کوره حرکت ایتمکلکمی قوماندان پاشا امر ایتدی. فقیرده خورجلری یوکتدیردم؛ یاتمه ایکی سواری آله رق اردوگاهدن چیقدم. کیجه فوق العاده قراکلق ایسه ده، کیدیله جک یول، اردونک رجعتی سیبیه ناسک غلبه لکی جه تیله عادتا چارشی یولی حالتی آلمشیدی. تمام اولیا تبه سنک آتته کلدیم؛ دشمن کولله سنک تأثیریه لیه برایکی دفعه طاش یاغمورینه طوتلدق ایسه ده، وجودجه برضرری اولمق سزین سلامتله قورتولدق. چونکه اولیا تبه سی غایت طاشلق بر موقع اولدیغندن دشمن کولله سی دوشوبده پاطلادجه بیکرله طاش پارچه لرینی اطرافه صاوور یورایدی.

صباحلین ارکنجه وزین کویته واصل اوله رق اوراده غایت پریشان برحاله ده برعسکر غلبه لکنه مصادف اولدمکه برطرفدن ده آرقه سی کلکده ایدی. سز کیمسکز، نه سکز، زهدن کلیورسکز، ضابطلریکز زده در؛ دیه سؤال ایتدم؛ یازید اردوسندن آلاجه طاغ اردوسنه یعنی بزم اردویه کلیرلر ایکن، شاطر اوغلی طاغنک آرقه جه تنده، هیچ مأمول ایتدکاری حالده آقشام اوستی تصادف ایتدکاری دشمنله حرب ایتشلر؛ وبوزلوب کیجه لین اطرافه طاغله دقن صکره، صباحه قارشو کوزلرینه ایلشمش اولان بوکویه پی درپی کلوب طوپلانمقده بولنشلر ایش. بو عسکری کتیرمک اوزره بزم اردودن استقباللرینه کوندرلمش اولان قائم مقام علی شفیق بکی سؤال ایتدم؛ محاربه لری ائناننده مجروح اولدیغی و یارم ساعت اول قارصه کوتورلیدیکنی سویلیدلر.

بونلرکده تفصیل احوالی شویله درکه: یخنیلر محاربه سندن صکره بزم عسکرک مقدارینه عارض اولان نقصانی اکمال ایتک و دشمنک بکی فرقه لر ورودیه تکذرایدن جمعیتی افرادمز بینده شایع اوله رق قبلر منکسر اولدیغندن،

بایزیددن کلن
طابورلرک صو-
رت انهرای

بزمده امداد آلدیغیز خلقه کوستریلهرك قیلرده مشاهده اولنان انكساری
 جبر ایلک اوزره قورد اسماعیل پاشا حضرتلردن آلتی طابور ایسته نشیدی .
 چونکه حربسز فلانسز روسیه نك بر فرقه سنه قارشو اوتوز آلتی طابورمن
 اوراده بغیر حق اشغال ایدلمکده ، و دشمن ایسه وار قوتی بزم علیهمزه جمع
 ایتیش اولدیغندن ، اردومن محاربه آتشرلی ایچنده چایر چایر یایمقده ایدی .
 « استطراد » (بزه آلتی طابور کوندرلمسی تلغرافنی اسماعیل پاشا حضرتلرینه
 فقیر یازمشیدم ؛ اندن صکره مختار پاشا حضرتلری محاربه موقندن کندیدی
 بالذات اسماعیل پاشایه بر تلغراف یازدق اون آلتی طابور ایستمش اولدیغنی سوبلیدی .
 اسماعیل پاشاده اولیه بر تلغراف آلدیغنی ویا لکنز آلتی طابور کوندرلمسنه دائر
 آلدیغنی بر تلغراف اوزرینه کوندردیکی عسکری یوله چیقاردیغنی ، بعد الوقوعات یعنی
 ارضرومه رجعت عمومیه وقوع بولدینی ائاده اولنان سؤال اوزرینه بیان ایدیوردی .
 حقیقت حاله باقیلیرسه بایزید جهتی ، بویله بر تلغراف آلدق دیه انکاره قرار
 ویرمش اولمیدر . هر نه ایسه بومقوله اوامرك صورت تبلیغ و تبلیغنده احتمالات
 انکاریه محافظه احتیاطکارانه معامله لر اجرایی اقتضا ایتدیکی ده اونودلمسون ؛)
 بایزیددن ورودلرینه انتظار اولنان اشبو آلتی طابورک طوغری یولدن بزه
 کیمی لازمکلسه ، اون بش کونده آنجق واصل اوله جق . حالوکه ایشک اومده
 تحملی یوق . بناء علیه طاغردن ودره لردن غیر معروف اوله رق انتخاب اولنان
 یولردن بو عسکر کتیردلمش وقاغرمان قضاسی اهالیسندن ایسته بویله غیر معروف
 اولان یوللری بیلنلردن بریسی قائممقام علی شفیق بکه ترفیقاً کوندریلهرك
 عسکره ملاق اولدیغنده قومانداسنه آلوب سلامتجه اردومنزه کتیرمسی مومی الیه
 شفیق بکه امر اولمشیدی . حال بویله ایکن دخی بو طابورلر اون کوندن آشاغی
 بزه واصل اوله مدیلر . اراضینک بوقسمی دشمنه پک مساعد اولدیغندن انلر ،
 ایجاب ایدر ایسه اوچ کون طرفنده بر برینک معاونتلرینه یتشه بیه جکلری
 ماناسیه یوقاریده ایراد ایدلمشیدی . ایسته بایزیدک بو عسکری سلمه السلام کلکده
 ایکن ، بزه واصل اوله جکلری کون انشای طریقه من غیر مأمول دشمن
 سوارسینه ملاق اولمشلر و حرب ایدرك بوزولمشلر . تصادف ایتدکلری دشمن
 عسکری ، بزم آلاجه طاغ اردوسنک آرقه سنی آلان دشمن عسکری در ،
 بشقه سی دکلدر .

صکره دن آ کلاشدیغه کوره بو طابورلر پیشدارسز، جانبدارسز یان یوریشله یولک بویسه ایپ کبی اوزامشله؛ ووقتده ایکنیدن صکره اولدیغندن. آ کلاشیلان یورغونلقدن ناشی یوریدکلری یان یوریشده دخی انتظاملری یوغیمش. ایشته بو صورتله کلیرلر ایکن، قولک باشی آ کسزین هیچ مأمول اولمیدی حالده دشنه چاتمیش و عسکرک وضعیت حربیه آلمغه وقتی قالمیهرق قیون بریکندیسی کبی غیرمتحرک برحالده طوبالانوب قالمشله؛ و شاقینلق علامتی اولهرق بردوزی یه قورشون یمیش طورمشله.

قارصه مواصلت ایتدکدن صکره فقیرخسته خانهده علی شفیق بکی کورمشیدم؛ دیدی که: بو عسکر تعلیمسز ردیف صنف ثالث و مستحقظلرندن عبارتدر. سواری یه قارشو قلعه یاییلهرق مدافعه ایدمک قومانداسنی و تدبیرینی بردرلو آ کلاده مدم ویایدیرمدم! نهایت باغردمکه: جانم عسکر! یوزکنز طیشاری یه اولدیغنی حالده اطرافه طور طوب طوبالانکنز و بردوزی یه آتش ایدکنز! انک اوزرینه کوچ بلا ایله براز مدافعهده بولنه بیلدم و اوصرده مجروح اولدم. برده ظن اولندیغه کوره عسکرک اوکی آتسه طوتدیغنی کبی اوزاقده و آرقده قالمش اولان بعض جوهرسزلرکده اولدقلری یرده اختفا ایتدکلری ملحوظدر.

الحاصل دشمنک فرداسیکون بزم اردونک علینه اجرا ایدلهجک جسیم پالانلری اولدیغندن کندیلهی مشغول ایتماک ایچون بوخلق ییغندیسنک ویا عجزه اهااینک اسیرایدلمسیله مقید اولیهرق کیجهنک حلول ایدن زمان استراحتک صدقه حسنی امراری اولهرق بونلری آزاد آیمشله؛ انلرده اوپریشانیء حاللریله کیجهدن بالاستفاده حیاتلری تحت امنیتده اولهرق وزین کوینه دوکولمشلردر. بو عسکرک نه قدری دشمن قورشونیه وفات ایتدی؛ نه مقداری مجروحدر، مجروحلری نرودهدر؟ طاغله التجا واختفا ایدن فراریلرینک مقداری ندر، انلر نه اولدی؟ اوراسنی اللهدن بشقه کیسه بیلمز. اوکون واندن صکره دوام ایدن کونلر بزم اردو بر حال آسودکیده بولنسه ایدی، بلکه بو طابورلرک بیکباشیلری دینیلان ذوات ایله برحساب کوروله بیلیر ایدی؛ لکن اردو ایچون اووقتده بولمندی، بوایشده آره یرده محو اولوب کیتدی.. بو طابورلر هانکی مملکتلرک طابورلری ایدی و بیکباشیلرینک اسملری ندر؟ انی فقیرده بیلیمورم. عموم اردو بوزیهرق قارصه کیردکدن صکره بو طابورلر طابورهیئتدن چیقاریلوب

آلاجه طباغ
محاربه‌سی، اوليا
ته‌سنگ سقولى

افرادى، ديكور طابورلرك اكلال نقصانى اينجون قوللانمش اولديغنى خاطر ايرورم .
وزين كوينده بو طابورلرك ضابطان وپرا كنده افراديله قونوشور ايكن ،
او كزده قالمش اولان اوليا ته‌سندن طويلر محاربه‌يه بدأ ايله ته‌نك
اوزرنده قيامتار قومغه باشلادىغى كورولدى . مكر بن اردوكاهدن
ايرلدقدن صكره بزم عسكر و مكارى حيواناتى نقل ايله مشغول ايكن صباح
اولمش ، دشمن بخرله برابر اردوكاهك هر جهتدن هجومه بدأ ايدرك اصل
نقطة تعرض اولدوق اوليا ته‌سنى ضبط ايتمش اولان فرقه‌يله الاله ويره جكلر ،
واوخلده بزم اردويي اورته يرندن ايكيه بوله جكلر ايتمش . كونشك طالعندن
اول حرب بدأ ايتمشيدى . بوحالده نتيجيه انتظار مراق طبيعى اولديغندن
قارصه كيتدم . وزين كوينك او كنده يوكسه جك بر موقعه حيقه‌رق دورينله
محاربه‌يى سير ايدىيور ايدم اما ، يور كمدن ده قانلر كيدييور ايدى . زيرا وخامت
عاقبت پك بديهي ايدى . اوليا ته‌سنگ عليه ايديلان آتش او قدر شدت
بيدا ايتدى كه . دشمنك متوارد و قوالى السقوط اولان كولله‌رينك پاخلامسندن
ناشي ته‌نك اوستى وولقان كبي آفاقه نشر حررت و حرارت ايدىيوردى .
ته‌نك اوزرنده بولنان اوچ طابورمرك اوچ طويده وار ايدى . يارم ساعت
سورمدى ، بزم اوچ طوبك آرتق سى چيقماز اولدى . چونكه قارشولرينه
دشمن قرق سكر قطعه طوپ تعيه ايتمش ، ورميلرينك ايسه ته‌نك اوزرنده
قرق بيك آرشون مريغنده برسطلحدن عبارت بولمشدر . او قدر جك يرد
طوبى طيانر ! چوقدن قيريلوب پارچلنمش اوله جغه شهبه يوقدر . بزم طويلرك
سى كسلدكن صكره دشمن پياده‌سى ده ته‌نك اوزرينه هجومه باشلادى . ته‌نك
ايلرسندن حاجى راشد پاشا فرقه‌سنگ بولنديغى جهتدهده طوپ دومانلرى
كونو كور ايدى بوندن آكلاشيوركه او فرقه‌مرك افرادى ده حرب ايله مشغولدرلر .
اوليا ته‌سنگ يوكنى تخفيف ايتك ومهاجمنى كندى اوزرينه دعوت ايتك
اينجون نامق پاشا زاده ابراهيم بك قوماند ايتديكى پياده لواحى ، اوليا ته‌سنگ
صولندن ايلرى به سوق اولندى ؛ بونلر دشمنك مهاجملرله قارشولشديلر .
صكره دشمن بزمكيلره قارشو بر بشقه مفرزه احتياطيه چيقاردى . آنلرده
بوغاز بوغاز ديه‌جك درجده كرمى تام بولان حربى اداره ايتكده اولسونلر ؛
اوليا ته‌سنگ اوستنده بولنان و پك زياده صيقلمش اولدقلرنده هيچ شهبه

ایلمیان اوچ طابوره امداد ایتک اوزره تپه‌نک اوستنه بر طابور دها سوف اولندی . صانکه بو طابورده دهشتلی بر صورتده نشر شراره ایدن بر یانغین آلاوی ایچنه خارجدن آتیلدی کیردی . چونکه تپه‌نک اوستنده کیلرک حالی قوماندانه و قوماندانک امرینی انلره اعلام و تبلیغ ایتک اوزره تپه‌یه یاور کیدوب کلک احتمالی یوقدر . توالی سقوط مرمیاتدن کیدن آدمک صاغ قلمسی تصور اولته‌ماز . ایشته بو صورتله بر طابور چیقاریلیر ایسه ، بلکه برازی دوکیلور ، برازی ده صاغلام اوله‌رق تپه‌نک اوستنه واصل اوله‌بیلیر ایدی . نته‌کیم او یله اولدی یا! تپه‌نک صول جه‌تده بولنان ابراهیم بک لوانسک چیقاردینی آوجیلرک اوزرینه بشقه‌جه و مخصوصاً تعبیه ایتش اولدینی اوچ بطاریه‌ایله دشمن سرپنل مسلط ایدرک بر طرفدن دخی قورشونله تضییق ایدیوردی . حق سویلینجه ، بزم آوجیلرده کوزلجه ثبات و دوامده بولنیور ایدیلر .

نهدن اولدی ، نصل اولدی بیله‌م ؛ اوصرده بزم آوجیلر بردنبره کری‌یه قاچدیلر . رجعت دکل ، عادتاً قاچدیلر! هر نه قدر اوکلرینه ضابطلر طورودی . ایسه‌ده ارجاعه موفق اوله‌مدیلر ..

ایشته او آوجیلرک او محاربه‌دن یوزلرینی کری چویرمش اولملری ، عموم آناتولی حرب اردوسنک فاتحه‌ اضمحلالی اولدی . بوندن صکره یازیله‌جق شیلر ، هپ یورک اوزوندیسینی آرتدیره‌جق شیلری و سولیه‌جک وقوعات متوالیه‌یی و برعکس اولان طالع حربی ناطق اوله‌جقدر .

آوجیلر مزک کری‌یه پوسکوردیکنی اولیا تپه‌سنگ اوستنده بولنان طابورلر مز کوردیکی کبی ، انلرده بر برینی چیکنرجه‌سنه تپه‌دن آشانی بر بیوک اورکوتی ایه دوکلدیلر . (الله ایچون) درت ساعت قدر او یله متینانه مدافعه و ثبات ایتدیلرک ، دشمن آتشنک اودهشت و شدتیه کوره طبع نشرده نه‌درجه صبر و شجاعت و ثبات مکنوز ایسه انی فعلاً ارئه ایتدیلر . ینه‌ده دوام ایدوب کیده‌جکلر ایدی . کندیلرینک یوکنی تخفیف ایتک ایچون آشاعیده حرب ایتمکده بولنان آرقداشلرینک قاچدیغنی کوردکلری کبی امیدلری کسلدی ؛ اوصرده قبلرنده حاصل اولان حضرت صبرک آره یرده دها ایشی قالمیه‌رق اداره ، خوف و دهشتک آنه کچدی . دنیا ده قاچق و قورتلق فعلنک موجود و ممکن اولدیغنی . عسکرک عقلنه کتیردی . یوقسه بوندن اولجه قاچقده وار ایش کبی بر مطالعه .

اوراده کی عسکرک عقلنه بيله گيوردی. ايشته قاجان عسکرلری کورمکه حاصل اولان وهم، سريان وجريان اَلکتریقی کبی جله سنک قلبنی برآنده آلت اوست ایدرک بونلرک هیئت جموعه سنی طاعدن آشای دوکیو یردی. باتندی تورق قاتلق ده، شجاعت ده نصل سرایت ایدیور؛ عسکرک تپه دن آشای دوکولمسیله برابر اوته طرندن موسقوف عسکری ده تپه نك اوسته چیقدی، عالم ده بربرینه قاریشدی. کله م تپه نك اوسته کی عسکرک آتشلر ایچنده محاربه ایتدکلی زمانک حالته: بوعسکرک او صر ده قوماندانلری میرالای علی شوق بکدرک هانیا درت کون اول ترفیع رتبه ایتک اوزره قارصدن اردومزه کیش وقائم مقام علی حیدر بکله اولیا تپه سنک قوماندا سنه مأمور ایدلمش ایدی. ایشه بو شوق بک، علی حیدر بک، طابورلرک بیکباشیلری، یوز باشیلرک اکثریسی، طوپچی یوزباشیسی احراز رتبه شهادت ایتدکاری کبی طابورلرک افرادی ده وفیاتک چوقاغندن همان نصف نصفه تنزل ایلشیدی. بو آدملر درت ساعتدر، دوزخدن نشان ویرن او نوارده آتشین ایچنده کمال غیرت وشجاعتله ایفای وظیفه سی ایتدیلر. ارواح شهیدای گذشتگان جله سنک نامی تجیلات لایقه ایله یاد ایتمش اوله جغنده شبهه ایدیله مز. لکن نه چاره که آشایده کی عسکرک حالی و قوماندانلرینک واکثر ضابطانک شهادتی انلرک باشنه بوقضایی کتیردی.

یخیلر محاربه سی کونی کوچولک یخینک اوزرنده قبودان محمدپاشا قوماندا سیله بونان عسکر ده ایشه بویله برطوب آشنه طوتشلر ایدی. قوماندانلری قبودانک آجلی کلیه رک صاغ قلمش اولمسی و دایما سنی ایشتمش اولملری عسکر ایچون بادی امید اولدیغندن ثبات ایلدیلر ایدی. دیمک ایسترم که قبودان اوکون و ذت ایتمش اوله ایدی، او عسکرک ده امیدی کسیله رک حال بویله اوله جقدی. «وما النصر الامن عندالله العزیز الحکیم»

حاکم بوضورته منجر اولدیغی کورمش اولان مختار پاشا کندیسینک صولی ایلرینسند مدافعه حرب ایتکده بونان فریق حاجی راشادپاشایه سر بعا رجعت ایتسی تشکیل ائک اوزره امرینی کوندردیکی کی، ارکان حربیه ییسی حسن کاتلم پاشای دخی مرکز ده براقه فریق مختار پاشانک وزین خط حربک جهات مختلفه سنده کی عسکری رجعت ایتدیروب وزین کونینک صاغنه وصوله موازی بونان تپه لره کاوب یرلشمه لرینی امر ایدر. کندیس ده کرک ابراهیم بک لوانسی و کرک اولیا تپه سندن دوکیلان عسکرکی و وزیرک سیوری تپه سنده طوپچی

لواى ترك حسين پاشا قومانداسيله بولان طابورلى تنظيم ايتك وانلره بر موقع مدافعه انتخاب و تعيين و عسكرى تعينه ايله اردو كاھدن رجعت ايدمك اولان عسكر ككله چكى يرلى و سلامت وصوللرني تأمين ايتك اوزره برى جهتہ يعنى وزين تپهسى طرفه قوشا رايكن، دونكى كون شاطر اوغلى تپهسى جهتمدن اردو مزك آرقه سنى آلمش اولان دشمن قول اردو سنك سواريسى دخى اوليا تپهسى طوتمش اولان دشمن عسكريله برلشوب اردو مىزى ايكي يه بولمك مانورده سنى اجرا ايتك ايچون سرعتله يورينور ايدى .

اوصرده مختار پاشانك نزدنده برياور وايكى سوارى چاوشى ايله يوقازيده اوصاف شجيعانه لرى بيان ايدلمش اولان قره پاپاق طاقه سندن حسن و حسين نامنده ديكر ايكي سوارى وارايدى . ياورده سوارى قول آغالرندن وان سنجانمى ملحقا تندن آرنسلى مصطفى آغا ، چاوشك برينك اسمنى اونوتمش ايسه مده ديكرى شوق چاوش دره دشمن سواريسنك پيشدارلرى ايله مختار پاشانك آره يرنده تخميناً بش ، آلتى يوز خطوه بر بعد بولنيورمش . يولجه قطع ايديله چك دها برخى مسانه اولديغندن اوراني چكنجه قدر دشمن سواريسنه طو تلى ويا انلر طرفندن اورملق تهللكه سى باش كوسترنجه مصطفى آغا ايكي چاوشله و حسن ، حسين ده برابر اولديغى حالده دشمن پيشدارينك اوزرينه هجوم ايدرلر . قره پاپاق حسين آتدينى بر قورشونله او كده كلان سوارى ضابطى اورور ، يره سرر . مصطفى آغا ايله آرقداشلى ده آلرنده كي مارتينى هازرى تفنك ريله ديكر لرينه قارشى استعمال سلاح ايدم كورسونلر ؛ دشمن قورشونلرينك و سواريسنك توالى و رودى آره سنده بزم قره پاپاق حسن تلاش سرنجه يره اينه رك مقتولك اوزرنده ضابطك علامتى بولان صيرمه لى قاپو طنى آير ، آرقه سنه كير و كال تائى ايله ينه آتسه بينر . ايسته بو آرسلا نلر دشمنه قارشى فد كارانه محاربه ايله مشغول ايكن مختار پاشا حضرتلرى ده بزم بريده كي عسكره يتشمك اوزره بر نفر اوشاغيله يول آلمغه دوام ايدنيورمش . اوكون مختار پاشا ايچون اميد سلامت و نجات براز كوچجه اولديغى حالده بويش نفر شاهين سواريمز ، دشمن آوجيلرينك آرقه سى كلويده كسب قوت ايدنجيه قدر مهاجمينك بر قاچنى اولدورده كوماندانلرني ، فدا كارلقلرى و شجاعت و همتلريله ساحل سلامتہ چيقارمشلر ؛ كنديلرى ده سالماً عودت ايدرك پاشا ايله برلشمشلدرد . كثر الله خيرهم .

مرقومان حسن و حسينه حسن خدمتلىرى نسبتنده دواتجه بر مكافات

ایدیلهمدی حالا یانارم! چونکه بونلرک مکافاتنی بالضروره مصالحهدن صکرده قالدی. صوکه قالانک ایسه طوکه قالدجنی مثلی مشهوردر. بونلر اخیر آستانبولده بعض وقعهیه طوتدیلر، مدت مدیده محبوس قالدیلر؛ صکردهده بریه الشامه نفی ایدلدیلر، اخیر آده فراراً ایرانه کچهرک طهرانده سواری بیکباشیاعنده استخدام اولنورلر مش دیه ایشیدلدی اما صحیحمیدر دکلیدر بیلهم!

بزم عسکرک
ایکنجی خط
حریده طوتونه
مامسی

هر نه ایسه صددن چیقیهلم. مشیر پاشا حضرتلری وزین کویسه کلهزک عموماً عسکری بوزوق برحاله بولور. چالیشور، اوغراشور؛ انتخاب ایتدیکی نقاط مدافعهیه طوتدرمق ارزره بونلری سوق ایدر [*]. ایکنیدین صکردهیه قدر حالا حاجی راشد وحسن کاظم پاشالردن برخبر اولیوب، شو قدر وارکه، لاینقطع اونلرک بولندینی موافقندن طوب سسلری کلور ایمش. اوصردهده دشمنک بر مقدار پیاده و سواریهی بعض طویلریله برابر، عتار پاشانک مجدداً انتخاب وتشکیل ایتک ایستدیکی وزین تهسندده کی خط حربه موازی کلهزک بش اون کولله آتار آتماز، بزم عسکر عموماً تله اوردکوزک اولدقلری یردن قیام ایله فرار آیلسونلرمی؟! جانبوکه شیدیلره قدر بوعسکر نیجه یوز بیات کولله کورمش و آشیر مشلرایدی، وعینی اوفراریلر سبق ایدن نیجه محاربه لرده ثبات وشجاعتلریله مظهر آفرین اولمشلرایدی!!

لکن بر کره بوزملق سبیلله قلبه اورکوندی کیردی، یوزلرله جماعته بریسی (ود!) دیسه جمه سنک اودلری توپیور؛ قیون اورکوندیسی کبی بر برنی باصه رق قاجیور. حالوکه بوعسکر سوزده بزم ایکنجی خط حریمز اوله جقدی؟! حاجی راشد پاشا قومانداسنده کی عسکرک بقیه سی کلوب بونلری بوله جقدیده، دشمنه قارشوینه مدافعه لر ایدیله جک ایدی! نه کزر؛ اوتدیر وتصورلرک هپسی یاندی... وزین تهسندن آشانی اوغرایان بوعسکر ابراهیم بکک معهود بوزوق لواسی و باربدن کلان دوکوندی آتی طابورایله اولیا تهسی ترک ایدن بقیه دن عبارتدر. ای یلک اعلا اما ذاتاً ترک حسین پاشا قومانداسیله وزین کویسنده بر قاق کون اولدن بری بولندیریلان آتی طابوره نه اولدی؛ آنلرکده اختلاط سبیلله اخلاقی بوزیلهرق ایچلرینه درت کولله دوشمکه برابر فرار ایتکده اوته کیلری سبق

[*] اولیا تهسی بزم عسکرک آشانی دوکونلری کورده بکک کی قیون خورجیلری یوکلندیرمک فارصه متوجها وزین تهسندن چکیلوب کیتشدیم. مختار پاشا بدن صکره وزین کویسه کلش و بیان ایدلرکم تربیاتی اجرا ایلشدر.

ایتدیلر . هر تقدیر ضابطان عسکرک اوکنی طوتمق ایچون صوبه لر وطاشلرله وبعضاده قورشون ایله صورت تجلد اراءه ایتش ایسه لرده کیری یه چورلملری ممکن اوله مامش ، قارص شهری ایسه عسکرک ایکی ساعت مسافه کیریسند بولندیقندن جمله سی شهرک یولنی طوته رق حیوان سوریدی کبی بری برنی چکنیه رک اوجه ته آقویرمشلردر .

« اوت ؛ شهرلر یاقین یرلرده بزم عسکره حرب ایتدرمک کبی خطالی بر حرکت اوله ماز . عسکرک ایچنده بولنمی ضروری اولان تورقاقلر ، شهری برملتجا عد ایدرک اورایه طوغری یول آلمغه باشلادیلر می ، قورتو عمومته بردن سرایت ایدرک آرتق هرکس اوچک کیدنلرک آرتق-ندن چوزیلوب کیدیور . بناء علیه ضابطلر مزده کی بومبالا تسزلقله برابر تربیه سز وادمانسز عسکری شهرلر یاقین یرلرده حربه صوقاملی . »

فقیر ، قارصه مواصلت ایدرک طوغریجه حکومت قوناغنه ایندم . متصرف شفیق پاشا ایله وقوعبولقده اولان محاربه یه دائر سوزلر آچدق . بحشمزک نتیجه سی ماشا الله ایچنده بولندیغمز دور ، دولت علیه نک ادوار اخیره عسکریه سی میانده اک پارلاق برعصیریدر . زیرا روسیه دواتی کبی مدهش بردشمنه مقابل بولسان اردومنر آلتی آیدن بری متینانه وغالبانه مدافعه ده بولتیور . اجراءات سابقه ولاحقه سی تاریخ عصریمیزی تزیین ایده جک آثار مفتخره دندر . بحوله تعالی نتایج سیاسیه نک دخی عسکریمزک حرکات عالمسندانه سنه موافق برطرز ایله صورتپذیر اختتام اولمی تمیاتی تذکار ایدرکن ، بوساعتده وقوعبولقده اولان محاربه نک متضمن اولدیغی اهمیتی ده یاد ایله غرأتمزک سلامت وموفقیتی دعاسی تکرار ایدیور ایدک . چونکه شوصکرده کی اون اوچ کون ظرفنده وقوعبولان آلتی بیوک محاربه یه عرض سینئ مقاومت ایدن عسکریمز حقیقه محتاج خیردا ایدی . دهشتک درجه سی ، ایچنده بولنه رق کورویده تقدیر ایدنلردن اولدیغم ایچون ، بودایه مقابل ، شفیق پاشان زیاده فقیرک آمین خوان اولقلیم ضروری ایدی . (من لم یدق لم یعرف)

فقیرک قارصه
مواصلتم

حتی مصاحبتمزک دوام ایتدیکی ائناده خط حریمزک ذهنمده مرسوم اولان اشکال خیالیه سی وأولیا تپه سنک دوشمسی اوزرینه حاصل اولان تفرکرات شخصیه می نی براز تورقوتمق بیله ایستیور ایدیه ده ، وزین کونی جهتمده تشکیل اولنه جق

ایکنجی برخط حرب ایله جبر نقصان ایدیله جکنه مطسئن ایدم. عموماً براردو بوزغونلغی وقوعاتنك باشمزه کلمک احتمالی قطعاً خاطره کله مزیدی. چونکه بوقدر زماندر محاربه ایچنده بولنیورز؛ واقعات حربیه نك برهزیمت عمویمه شکانی ده آلمسی ممکن اولور ایشم تصورینی احداث ایده جک ادنا برسبک وجودینی کورمدم؛ اوکونه قدر فقیر غالبیتی عسکری ایلری کیتمسندن، مغلوبیتی عسکرک طابور طابور منتظماً رجعت حالنده بولمسندن عبارتدر بیلوردم. نته کیم نیسان و مایس آیلرنده بزم اردومز بوصورتله کیرویه دوغری چکیلوب طور بیوردی. ایشته بوحرکتی بن مغلوبیت شکلنده تاقی ایدیوردم؛ مغلوبیتک ده بوندن بشقه برشی اولمیدینی ظننده بولنیور ایدم. مکر ایش اولیه دکش؛ اردولرجه اولیه بوزغونلقلر وقوعه کلیر ایشکه نزهده قالدی انک وقوعنی کورمک، کوریلان واقعه نك آراق آراق تصورینی ایشک بیلله آدمک کیجه لرله اویقوسنی قاچیریور ایش..

بوزغون عسکر
مرك قارمه
طونسی

باقدی حاله نصل اولدی: بز متصرفله کوریشوب طورور ایکن اردونک قارمه فاریشیق برحاله قارمه دوغری آقوب کلکده اولدینی خبرینی متصرفه کتیردیلر، فقیرینه بوزغونلغی قطعاً خاطر وخیالنه آلمیه رق: عجبا عسکر نیچون قارمه کایور. بوحرکتدن قوماندانک بر مقصدیمی وار، بشقه برمانوره اجرا ایشک املنده میدر؛ مطالعاتنده و حالا عسکری قوماندانک امریله کلیر ظننده ایدم. ایشی بونقطه نظرندن کورمک شرطیه متصرفله برابر سوز ایدیور ایدک. حقیقت مقصدی تعیین ایشک ممکن اولمیدیندن، اولان واولقی اوزره بولان شیلری بالذات کوزمزله کورمک اوزره استحکام قابوسنه کیتسکه قرار ویردک و کیتدک.

برده نه کوردم، علی ماحشر الله!... استحکام قپوسنک خارجنه عسکر طولمش ییغلمش، عقد انتظام منحل اولمش، تدبیر آلدن کیتمش، سوز آیانه دوشمش؛ برغلغله، برغریو، برکورتیدر کیدیور، کیمدن نه صورازسک، کیمه نه سویلرسک!... ایشک نه اولوب، اوزایه نیچون کاندیکندن خبر آلمق ایچون صاغلام بر معلومات صاحی بولمق ممکنمز! باش قوماندان نزهده.. کیمسه بیلمیور... حقیقت حاله واقف امراض باطلانک وجودندن ایسه میدانده اتریوق؛ امان یارنی، نه اوله جغز، نه ایدجکز؛ حالت وخمتی، استقبالک مجهولیتی دوشونولدیجه حاصل اولان قسوت قلب واضطراب درون ایله اوآنده چیلدیرمق ایشدن بیلله دکل... کوش غروب ایتدکدنصکره بر آراق قارس قوماندانی حسین حامی پاشایی

او غلبه لك ايچنده كوردك [*] حسين حامى پاشا اردونك بوزولديغنى ، عسكرى
ايچرىيه شهره قويماق ايچون قارصده بولسان اوچ بش طابوردن بعضىنى
استحكاماته چيقارمق وبوزغون عسكرك اوكنى آلمق تدبيريله مشغول اولديغنى
سويلىدى ، بوسوزى ايشتمكه برابر بزدهكى خلعجان قلب وضيق صدر بىستون
بشقه لشدى ايسهده ، حاصل اولان انفعال نفسانیدن وجوده كلان صرصرتلهقك
كيف ماتفق اوكنه دوشوب كىتمكده خلقه قارشو نخل متانت اوله جغنى
دوشونه بىلدىكمندن ، برمكانت جعليه ايله كندى طومتق اىستمد وحتى اوصرده
ممكن الاجرا اولان تدابير منضمه سائردى فكرينى حسين حامى پاشانك عقلنه
كتيرمكده بولسان متصرف پاشانك فكرينى ، قولنى ترويجاً وتأييداً بعض
سوزلرده سويلىدم .

اردونك برهزىم كليه وقطعيه اوعرا ديغنه دلالت ايدن حال حاضر ك
اوتهمى نه اوله جق ونه حركت اجرا ايديله جك ؟ ايشته بونى تعين ايتك ايچون
ميدانده كيمسه نك اولماسى موجب تلاش اولان احوالك باشليجه سى ايدى .
كيجه نك ساعت برپيچندن صكره غلبه لك ايچندن مختار پاشا حضر تلىرىنك
سى ايشيديله رك مشار اليك او آنده استحكام قهوسنك اوكنه واصل اولدينى
وسلامتده بولندينى آكلاشلىدى ، جناب حق شكر لر ايدلىدى . اوزاتمه لم برلشيله رك
حكومت قوناغنه كيدلىدى . او آنده كنديسنك يوزى كوزى سيم سياه اوله رق
سى قىصلمش وصاغ قولنى قلداده ماقله برابر متصل آغلامقده بولمش ايدى .
سبى ، بوزغون عسكرى چويرمك ايچون راست كالديكنه دكنكه اوره اوره
قولى حركتدن قالمش وكيمسه نى چويرمكه موفق و مرانى اجرايه قادر اوله مينجه
اوفكه سندن حاصل اولان اضطراب درون كوزياشى صورتنه منقلب و لمش ايمش .
ذاتاً مغلوبيت قدر نفسه آغيز كلير هيچ بر حال تصور اولنه ماذا ! اكر بومغلوبيت
علو جناب ايله پرورش بولان برقلبه ، دولت ك حيات و ممانته تعلق ايدن بر مهم اثر شكند
عارض اولور ايسه ، آرتق احوال برصاعقه بلا صورتى آله جغندن ، انك آغز لقنك ،
كوجلكنك درجه سى آنجق قياس نفس ايله ميزان اولنه بيلير . سطرنج اوينار كن
بيله توجه ايدن مغلوبيتى آدم هضم ايدميور ؛ زده قالدى كه بر محاربه نى غيب
ايتك !.. الله كوسترمسون ؛ نيلور ، يوتيلور زهر لردن . دكلدر ! اوصرده قوماندان

[*] چونكه اصل قوماندان احمد فاضل پاشا مجروحاً خسته خانه ده اولسايله قوماندانلق
وظيفه سنى حسين حامى پاشا اينجا ايدى بوردى .

حضر تلیخی تسلی، فلان ایتدک اما، ایشک تسلی کو توره جک یری یوق که! بتون آناتولینک یکانه مدافعه جیسی یالکز بواردو ایدی؛ بوده لدن کیتدکدن صکره مدار تسلی اولمق ایچون کریده ذاتاً برشی قالمیور که محتاج تسلیت اولان بر انسان انکله آوودلسون!.. حالزک درجه سی بروقوعات تلغرافیه اوساعتده استانبوله ییله یرلدی. بایزید قول اردو قوماندانی اسماعیل پاشایده باشمزه کلان قصادن بخشله اضرومه متوجهاً هان رجعت ایتسی امری تلغرافیه یرلدی. ممکن اولورسه اثنای راهده مخبره ومواصله مزک تأمین اولنه جنی ده یازلدی. زیرا بزم بویکی اردو بری برینک وجودیه اولدقلری یرده قائم اوله ییلرلر. هر هانکی بریسی رجعت ایتسه اوت کینک حالی تهانکیه دوشر؛ بعدما انک ایچون خلاص ونجات تصور اولنه ماز؛ چونکه طریق رجعتی در حال دشمنک آله کچر؛ انک ایچون حرکات اتحادیه اجراسنه مجبورت درکاردر.

استطراد — بووقوعادن ایکی آی صکره مختار پاشا ایله اضرومدن درسعاده کایر ایکن اثنای راهده اضروم ایله بایورد آره سنده واقع (برنه قبان) قریه سنده، دوتته مخبرک ایتک ایچون اردومزه ککش اولدیفنی یوقاریده بلما سبه ذکرایتدیکم جنرال کاماله ملاقی اولدق. (پلونه) نک دوشدیکنی وغازی عثمان پاشا حضر تلیزینک أسیر اولدیفنی خبر ویردی. أسفرا ایتدک؛ کدرلره مستغرق اوله رق اسباب وتوعی اوزرینه حسب حاللر ایلدک. اوراده مختار پاشا حضر تلیری: [شمدی شبقه ده کی عسکرک ادرنه ره رجعت ایتدیرلمسی لازمدر. استانبوله سر عسکره بر تلغراف یازوبده اخطار ایدلم. زیرا عسکری شبقه ده براقیرلر ایه موسقوف آرقه سنی آلیر، وجهله سنی أسیر ایدر] دیدی. آکا جواباً فقیرده: «استانبوله سر عسکرک مقامنده بوانان رؤف پاشا حضر تلیزینک هیئت ارکان حربیه سی ده وارددر. بورادن ذات عالیکز اولیه برشی یازارسه کز، بلکه ده خوش کورمیه رک طعن وتشنیه قیام ایتلمی ملحوظدر؛ اما ینه اراده سز کدر» یوللو در میان ایلدیکم مطالبه یی قبول ایله اختیار سکوت ایتدی. اخیراً کاشکه بوسوزی سوبله مامش اوله ایدم، کاشکه وظیفه مزک ایدش طعنلریله مضنون اولنه ایدی ده شبقه ده کی عسکر مز أسیر اولیه ایدی کی کندی کینده دوچار اولدیفن محاذات وتویجات نفسیه دن حالایاقه یی صیره میورم. زیرا اوراده و بسل پاشا قومانداسیه قرق طابور عسکر بولنیور ایدی. اگر مختار پاشانک دیدیکی زمانده تلغراف

چکاکش اولسه ایدی، تلغرافلر انلرک وقعۀ اسارتندن اون اوچ کون اول استانبوله واصل اوله جقدی. مالی اسعاف اولوبده ویسل پاشایه امر ویرلسه ایدی، اوقوۀ عثمانیه اوقضایه دوچار اولمقدن ماعدا، بلکه ده سیاسی برقرانجه سبب اوله جقدی. تأسف اولورکه بزم استانبوله کی هیئت عسکریه ایچنده بو قدر جق شیئی دوشونه جک کیمسه یوق ایتمیش؛ یاخود وارایدی ده، بزم کبی سنی جیقار ماق مجبوریتده قالمشدر. عربلرک: [صاحب الدار ادری بما فیها] ضرب مثل حکمنجه بوراسنی ویسل پاشان صورتی که، عجیبا پلونه دوشدیکي کبی شبقه دن رجعت ایتمک تدبیری نیچون دوشونه مدی. ویاخود دوشوندی ده برمانه نك وجودینه مینی اجرایه می موفق اوله مدی !

اردومزک باشنه کلان وقوعاتی بیلدیرمک ایچون استانبوله تلغرافلر یازلدنن حکره کیجه ساعت دردی بولدی. قارصک استحکام قیوسنک اوکنه بیغلش اولان عسکر ایچریه آلسدی. لکن بونلری کیجه حالیه تنظیم ایتمک قابل اوله مدیغندن، شبویه، بویله ایت؛ شونی چاغر، اوته کنه کیت کبی کورولتیلر ایله آفاق اوزرتنده صباح ایدلدی.

قارصک حافظ پاشا استیحاکنک ساحه سینه قیون سوریمی کبی طولش اولان بوعسکرک تنظیمه یعنی طابور طابور تفریقنه باشلانیدینی کبی، برطرفدن ده دونکی کون رجعتیه امر ویرلش اولان حاجی راشد پاشا فرقه سیله سائر پاشالر و متفرق طابورلرکوب یتشه مدکرندن، سبیک نه اولدینی مرآت صاردی. عجبا محصور میدرلر، محاربه حالنده میدر، بورالینی آکلامق و امداد لرینه یتشلمک لازمه دن ایسه ده آلدۀ تنظیم اولمش برعسکر یوق که بروفق تصور بر حرکت اجرا اولنسون. برکت ویرسونکه دشمن لطف ایتدی ده، ولو سوار سیله اولسون آرقه مزه دوشمادی. اگر تعقیب ایتمش اوله ایدی، جامعه رده خلق ییغینی و دیرتیسندن عبارت اولان جماعت حالی کسب ایتمش اولدیمزدن، برنفرمزک استعمال سلاح ایتمک قدرتی یوغیدی. قیلبری اودرجه ده برعرب استیلا ایتمش ایدی که، بشبیک نفرمز دشمنک برسواری بلوکنه کردنداده انقیاد اوله رق، آغیله حیوان سوق ایدر کبی ایستیلان یره سورولوب کوتور یله بیلیر ایدک ..

کوچک یحیی ته سنده قیودان محمد پاشا قوماندان سنده، بولنان آلتی طابور عسکر دن بشقه آلدۀ منتظم عسکر مز قالمادی. بزم عسکر ایکنجی خط مدافعه تعیین

اوانان وزین تپه‌سندن آشاغی اوغرا یوبده اغاده‌لری قابل اوله‌میه‌رق قارصک یوانی طوتدقلری وقت ، آرتق ایش ایشدن کچمش اولدیغدن قپودان محمد پاشانک همان قارصه رجعت ایتیمی مخصوص یاورله کندیسنه امر اولمش ایش . باقندی تحفله‌که اوکون قپودانک لواسی هیچ حرب ایتدی و اولکی محارب‌لرده بتون‌بتون غالب ایدی؛ دیمک‌که بوعسکر ، قلی بوزیله‌جق درجه‌ده بروقوعات کورمدی ، بویله ایکن قارصه رجعت ایتدیکي ائنده ، قوماندانلری اوکلرنده وعسکر قول نظامنده آرقه‌ده کلیر ایکن ، دها آرقه طرفده واوزاقده بر حیوان سوریحیسی کورولور ، یاخود بشقه برقرالدینک وجودیمی حس اولتور ، الحاصل برشی اولور؛ دشمن کلورمش دیه عسکرک ایچنه برولوله دوشر؛ مشی و حرکتلرنده کی انتظامی بوزهرق و بری برنی چیکنه‌یه‌رک قارمه قاریشیق اولدقلری حالده قارصه طوغری قوشوشمه باشلارلر . قپودان عسکرک اوکنه کچهرک : به قوزم برشی یوقدر ، به عسکرک ایتدیکنیز عیدر سوزلریله ودها ضابطانک بیک درلو تلطیفی ، تکدیرلی کلمات و معامله‌سیله ، هله بعضیسی بتون بتون طیاق زوریه طور دیرلر ؛ بونلری تکرار تنظیم ایدوبده یوریدنجیه قدر قپودانک باشنه حال کلیر . انک ایچون بوعسکر آقشامدن پک چوق وقت صکره قارصه واصل اوله‌یلدی ایدی .

ایه شمدی بوعسکره نه‌اولدی؛ نه کوردیلرده بویله تعقیب اوله‌جق درجه‌ده اؤرک‌دیلر ؟ بونلرک یری ، حریرک وقوعبولدینی محکک ایکی ساعت قدر صولنده ایدی . اراضی عارضه‌لی اولدیغدن کیم غالبدر و کیم مغلوبدر اوراسنی دخی کوردمدیلر ؛ یالکیز طوبلرک سنی ایشیدیور واوزاقدن عظیم‌دومان کوریورلر ایدی . اوتیه کی بوزغون عسکرله دها هیچ ملاقات ایتدیلر ؛ بوزعب بوعسکرک قلبه نرودن واصل سرایت ایتدی؛ حالبوکه بوندن اون اوچ کون اول وقوع بولان محارب‌ده بوعسکرک ایکی طابورینک ثباتنه مقابل ، دشمن یکریمی بر طابور دکیشدیرمشیدی . حتی اوایکی طابورک سنجاقلرینه نشان بیله ویرلش ایدی ؛ شمدی نه‌اولدی ده بوعسکر بوجاله کلدی ؟:

ینه بانئاسبه یوقاریده ذکر آیلدیکمز وجهله ، بزده ایلری کیدن عسکرک قلی پک قوی ، رجعت ایدرکن پک ضعیف اولیور . بوراسنه طبایع انسانیه‌ده مستکن اولان برخصات دیمک؛ زیرا انسان برتهلکویه مقابل ایکن ضرری یوق . لکن آرقه‌سی چویردیکي کی ، قوه‌بصره‌ی اوتهلکونک وجودندن حائض

کندیسنه برخبر ایصال ایدهمیور، وانسان آرتهسنی کوردهمدیکیچون وجودک تدبیر وحرکتی عقلک ائندن چیهرق، ایش، قوه واهمهک ید تحکمنه کچيور. آرتق نهلر اوليور، اورایی برخيوانک اورکديکندن اراهه ایلدیکی اطوار مختلفه عجبیه ایله مقایسه اولندیغنده معلوم اولور.

بونک چاره یی یوقی؟ وار! لکن کنیش وراحت وقتلرده یاپلق ایچون زمان ومیدان ایسترا! سوزک عسکره بیوک تأثیری واردر. اولا ضابطانمز خطابتیه مقتدر اولمی؛ ایکنجییی دأما آلائی واردو تعلیملری یاییلهرق، «ایجابنه کوره عسکر ایلریده کیدر وکریده کیدر، بعضاً کری کیتسی ایلریک ایچوندر!» بورلرینی آکلاتملی وفعلاً اجرا ایتدیرملیدر؛ اوچنجییی ضابطانک نصب وتعییننده قاعده وقانوندن بشقه هیچ برشی حاکم اولماملی! [*]. ایشته بوقواعد اصلیه ثلاثیه رعایتدن صکره بر حرب وقوعبولسهده رجعت اقتضا ایتسه واورالق قلوبی رعبده استیلا ایلش بولنسه؛ عسکر مألوف اولدینی نظام حربی بوزماز؛ وشدتلی برآتش ییهرك بوزلغه مجبور اولورسه بیله چار چابوق دوزلدلمسی قولای اولور.

شمدی ایش، کلوب یتشه میان حاجی راشد وحسن کاظم وشوکت پاشالارله عمر وناجی وموسی پاشالرده وانلره تابع عسکرده قالدی. کون اوکله یرینه کلدی، حالا بونلردن برخبر آئنهمدی. انلرک احوالندن خبر کتیرمک اوزره بونلقلری جهته کشافلر کوندرلدی. انلرله بزم آرمزه روس فرتهلری حیولات ایتش اولدیغندن حاللرینی لایقینه کوروب آکلایهمدیلر؛ شوقدرینی دیه ییلدیلرکه اوجهتلرده محاربه وقوعبولدیغنه دائر هیچ برعلامت یوقدر. مستور برصورتده برخبر آلق ایچون کوبولرک بعض ایش بیلیرلرینه کلی مکافات تقدیه ویریلرک صالحدیرلدی اینسهده، انلرکده برینندن برخبر ظهور ایتدی. ایش ازلری برطرفدن بوانتظاره، برطرفندن آلدکی بوزغون عسکری ترتیب وتغظیم ایله طابور طابور قارص استحکاماته سوق وتعییه موقوف ایدیلر. بونک اهمیتی اوتهکی ایشدن زیادهدر؛ زیرا قضاء اوصرده دشمنک قارص اوزرینه برطابوری کلسه، مقاومت ایدجک آلد بر بلوک عسکر یوق ایدی. دشمن دشمنک خانی بیله میور. موسقوف، کندیسنه آلیورن بو فرصتی، سواریسنی

اردومزک بر
قسمتک صورت
اسارتی

[۵] چونکه فقیر کوزلرله کوردیمکه، بعض برده ضابطازده تراتک اوکنه دوشمش برابرجه فاجیورلر.

استخدام و بزی تعقیب ایتماکله غیب ایتدی ؛ یوقسه اوکون و فرداسی کون ودها فرداسی کون بلاتعب قارص استحکاماتی اله چیرمک اندرجه ممکن ایدی . اوکونده اوتکیارک انتظاری ، بریکیلرک تنظیمی کبی صوری و معنوی ایکی آتش آردیرنده آقشام ایدلدی . کیجه نک قره غولاری مهیا ممکن تنظیم اولدی . صباح اولدی ، اوتکی عسکردن ینه برخبر ظیور ایتمیجه ، مختار پاشا حضرتلری دیگرلرینه نسبتله اولدجه منتظم بولنان قبودان محمد پاشا لوانسی نزدینه آلهرق ایشی بالذات کشف اتمک ایچون قارصک قره طاع استحکامی اوکندن طیشاریه چیقدی ؛ قارصک بقیه تنظیم و تمییه نی حسین حامی پاشایه یراقدی . مختار پاشا وزین کوینک صولندن واوراقدن کیده طورسون ؛ اوسرده قوماندان پاشایه ویرمک اوزره برکویلی برپوصله کتیدی ، پاشایی آریور . پوصله نی آندن آلم ، اوتودم . میرلوا موسی پاشا یازیورکه « آلاجه طاعده که عسکر پاشالره برابر اسیر اولدیلر بعض ارقداشلرله بن چیقدم ؛ طاعدن طاعه یول بولهرق صوغانی طاعنک آت طرفنده کی کویلرک بریسه کادم امریکزنه اولور . » اشنه خبرک ادهشتلیسی بو ! ... درحال پوصله نی برظرف ایچریسه قویهرق یتسوب بولوب ویرمک ایچون برسواری ایله مختار پاشا حضرتلرینک آرقه سندن کوندردم . بزم سواری ایکی ساعت صکره پاشایی بولهرق پوصله نی ویرمش ؛ انک اوزرینه نزدنده کی عسکر ایله برابر مشارالیه ده عودت ایتشد . بوخبرک وصولندن صکره روس اردوسنه کیتمش اولان کویلیلرده بونی مؤید حوادثلر کتیردیلر ایدی یا ! هرنه ایسه بوخیع حوادثک اردومزده شیوعندن حاصل اولان دهشتک تعریفندن صرف نظرله ، بو عسکر نصل اولمشده اسیر اولمش ، اوراسی آکلاددم .

وقتا که بیوک محاربه کونی اولیا تپه سنک دوشدیک کورولدیکی کبی مختار پاشا ، حسن کاظم پاشایی مرکزده براقهرق اوتکی پاشالرک رجعت ایتلر ایچون امر ویرمش و کندیسکی ایکنجی خط حربی تشکیل اتمک اوزره وزین کونی طرفه حکامشدی . حاجی راشد پاشا امری آلهینی زمان جهه سندن کندوسنه هجوم ایتکده اولان دشمنله حرب ایدیورمش . بناء علیه ضروری قدمه نظامیله رجعت پاشالره دشمنده آرقه سنه طاقیور . عودت ایدرکن طوب بازکیلری اوردیلور . چونکه یولسز اولهرق یعنی طویلری یوروتمک ایچون یول اولیهرق رجعت ایتدیک ایچون طاعنک اوستنده عارضه لی یرلره تصادف ایدر . طویلرک

قللق مجبور تی یوز کوستر؛ انلری بر اقامق ایچون اوغرا شیر. بر طرف دنده تشکیل ایلدیکی قدمه لرله دشمن مدافعه ایده ایده بریره قدر کایر؛ اوراده عسکرده غیر ی قدمه تشکیل ایده من بر حاله واصل اولور؛ قارمه قاریشیق صورتده فرارده باشلار لر. دشمنمزد آرقه دن کولاه وقورشون ایله تضیق دن خالی قالماز؛ بالضروره طوپلری قالور. حالوکه حاجی راشد پاشانک اولیا تپه سنک دوشدیکدن و دشمنک آره بره حیولات ایتش اولدیغدن ده اخبری یوق؛ اوکئی آجیق بیلور. هر نه ایسه مرکزدن کجرا یکن حسن کاظم پاشایله بر شیر لر، اوراده اولیا تپه سنک دوشدیکئی آکلار. شاطر اوغلی طاغنه برکون اول دشمن تعرض ایدر ایکن عندالایجاب دشمنک آرقه سنی آلق وظیفه سیله اوچ طابورله آلاجه طاغک اوسته چیقارمش اولان موسی پاشانک ده رجعتی، یعنی کلوب کیندیرینه انتحاق ایلدی امرینی کوندر. بوزوق، بوزوق یوله دوام ایدر لر. ده اولیا تپه سنه کلکسزین اوکلرینه چیقان برچقور دردنک ایچنه سوق طبیعتله طولار لر. فریق عمر پاشانی ناجی پاشایله وطابورلریله برابر اوراده بوزوق اولدقلری حالده موجود بولور لر که ایلروسی سوکدیره میور لر. چونکه دشمن اوکلرینی طوتمش واردونک ایچنه طیقیلوب قالمش ایش. حاجی راشد پاشاده بونلره منضم اولور. عظیم برخلق ییغدیسیله دردنک ایچی طولار. حاجی راشد پاشانک آرقه سندن کلکده اولان دشمن ده یتشه رک، دردنک حوالیسنده بولنان یوکسک یرلردن طوپلری چقورک ایچنه چوریره رک بزم عسکری دوکمه کیه باشلار. آرتق عسکرا یچون هیچ بر طرفدن چاره سلامت ونجات قالماز. چونکه نظام حربلری بوزلمش اولدیغدن قومانداجاری دکل که انلرله بر حرکت عمومیه ومعقوله اجرا ایدلسوند، سلامت یقاسی اله کیرسون. بوجال ایله آقشام اوستی ساعت اون بره وار؛ دشمن ده عباداللهی بیهوده بره قیردرمیوب تسلیم اولملری خبرینی بیاض بیراقلی ایلچیلری واسطه سیله بوجاعته تبلیغه قیام ایدر. اوراده ارکان وامرا ایشی مذاکره ایچون اجتماع ایتدکری صرده، اوچ طابورله آلاجه طاغده بولنان موسی پاشاده کلور، یتشور. حالک درجه سی موسی پاشایده آکلادیلور؛ مشارالیه ظاهر آده حضاره موافقتله دروندن، (مطلقا بر فرجه یولوب چقمغه سعی ایدرم) تصویرینی ایدر. چونکه کندیسی ذاتاً روسیه جنراللردن اولدیغی حالده محاربه دن اون سنه اول بش بیگ خانه قدر چچن قبیله سی خاقیه ترک تابعیت و خدمتله ممالک دولت علیه هجرت والتجا ایتش واکر بودغه یقاسی اله کجرا ایسه، مطلقا قورشونه دیزله چکنی وقورشونه

دیزلر ایسه بیله ، دشمن جاعتی ایچنده بولان اسکی آرتداشلیری نزدینه اسیرا کیتمک کی بر عاری اختیار ایدمه جکندن تسلیم اولماق قرارینی ذهنده حاضرلامش ، بریکیلده تسلیم اولق قرارینی ویرمش ایش . بوقرار روسلره تبلیغ . و تسلیم و تسلک اجرای فعلیاتنه تیام اولندی صررده کونش غروب ایدرک ساعت بریچنی بولمش ایش .

موسی پاشا طابورلری نزدینه کیدرک کندیسک تسلیم اولوب صاوشه جعتی و آياغه کووونلرک برابرجه بولنه بیله جکیرینی عومه تبلیغ ایدر . انلردن یالکز اسمنی شمدی اونوتدیغ بریکباشی ایله ارکان حربیه قول اغلرندن دانیال افندی موسی پاشا ایله برابر حیقیدینی کی بشقه جهندنده میر آلائی حق بک ، حربی سیر ایتک ایچون برقاچ کون اول ارضرومدن کیتبرمش اولدینی اون اوچ ، اون درت یاشنده بولان اوغلیله برابر خط احاطه دن چیقارلر . بوتسلیم اولتق قراری بین الافراد اتشار ایتدکن صکره بعض آياغه و وجودینه کووونلرده کیجه تک قراکلغندن بالاستفاده تک توك صاغه صوله فرجه آرامغه باشلیانلردن ده برخی نفقات خفیا فرار ایتک صورتیه یاتهینی قورتارلر . موسی پاشاده کیجه لین حیقیدینی یردن برانلرلی یه کیدرک روسیه تک زنجیر قره غول خطنه تصادف ایدر ایسه ده ، روسجه یوکسک سسله حال و مقامه مناسب بعض سوزلر سویلر ؛ قره غول نقراتی ده مشارالیهی روس ضابطی ظن ایدرک مرورینه مانع اولمازلر . الحاصل صباح اولور معامله تسلیم ختام بولور . موسقوف اسرایه ارزاق طاغیدر تحت الحفظ جمله سنی روس مملکته متوجهاً یوله دیزر . اوصرده دخی صاغدن صولدن طاغدن و درددن ظهور ایدن فرجه لردن خفیا بشقه جه فرار ایدنلرده بولنور . بوفرارلر یول بولهرق قغزمان قضاسنه کیمرک آراس نهری بویندن پابین قضاسنه چیقارلر ، ویوم اسیارتدن بش اون کون صکره ارضرومه واصل اولورلرکه ، بولرک مقداری تخمیناً بیک یوز نفر قدر وارایدی .

شمدی عنها منها حساب ایدلدی ؛ پاشالره برابر اسیراولان عسکر بشیک یدیوز نفر موجودلی یکریمی یدی پیاده طابوری ، بش آلتی یوز نفر قدر هر برالایدن اولق اوزره محتاط ویراکنده سواریدن عبارتدر . کرک آویا تپه سنده وکرک وزین کونی یوز غولغنده براقیلار داخل حساب اولدنی حله آلتش بوقدر طوب و آلاجه طاغدن وزین کوینه رجعت اولنه جتی کیجه ، وزین کوینه نقل

ایدیلان جیخانہ وارزاق وچادرلرله اردونک سائر احوال واثالثک کافیه سی و صاغ
قالان یوک حیواناتک اکثریسی دشمنک یدینه دوشمشدر.

هر نه وقت اردومزده بر محاربه وقوعبولسه ده بالذات و محاربه یه مأمور اولسه،
ارکان حربیه رئیس حسن کاظم پاشا، مالک اولدی اوتوز درت عدد فرانسر
آلتونیه بر آلتون ساعتی شاید حربدن صاغ اوله رق عودت ایتمزسه چو جقلرینه
یتشدرملک ایچون فقیره ویرمکی عادت ایتشیدی؛ بو محاربه نک دخی بدا ایده چکی
کیجه ینه معهود امانتلی فقیره ویردی، بنده اسارتی تحقیق ایتدکن صکره
استانبولده کی چو جقلرینه ویردم. مقصدم، مشارالیه پک قدملی امرای عسکرینه دن
بری اولدینی حالد نقد اوله رق اوتوز درت آلتوندن بشقه بر شیئه مالک دکل
ایدی. عقلنه، ذکاسنه، ناموسکارلغنه، عفت و شجاعته الله ایچون شهادت ایدرم.
نته کیم صکره دن بو ذات اسارتی سببیه بیکناه اوله رق عسکردن طرد اولنمسیه
اوتاندیغندن، کندیسنی دکره آتوب حیاته خاتمه ویردی ایدی رحمة الله علیه

ایشته ذل و بلیه اسارتی باشمزه چیقاران شی، عسکرک نظامک بوزلمسی،
قوماندانلاری اوله جق بر حالد قالماسیدر. اگرچه منتظماً رجعت ایده ایدیلر
طوپلرینی وسائر احوال واثالی ترک ایدرک دشمنک بر طرفندن اوروب چیقارلر.
وعلی الخصوص حلول ایدن کیجه نک قرا کاغندن ده استفاده ایدرلر ایدی. عسکرک
قابنه رعب مستولی اولدی وهله اوکلرینک قبالی اولدیغی ایشدکلری کی بتون
بتون امیدلری کسلدی. هر کس کندی باشک چاره سلامتی آرامغه باشلادی.
آرا تشت ایتدی، افکار طاغدی؛ ایش بو نتیجه یی بولدی.

و قنا که بو خبر مصیبت قارصه عکس ایتدی؛ عسکرک واهالینک افکارینه
فوق العاده دهشت ویردی. هر تقادن بر سس کلکه باشلادی؛ اهلینک عسکره
و قوماندانلر اولان اعتقادینه خلل کلدی؛ عسکرک قابنده ذاتاً موجود اولان
رعبی ده تجدید ایلدی.

مختار پاشا
فرسی محاربه
ترک ایل طغوز
طپورله چیتمسی

قارصه دخولک برنجی وایکنجی کونلری، موجود عسکرک استحکاماته تعبیه سی
ایشی ایله کیجه لی کوندوزلی اشتغال ایدلدی. وچنجی کونی ده دشمنک بر فرقہ سی
قارصک اوکنده کوزو کدی. سوارییی ده بر معتاد محاصره ایتک ایچون اوزاقدن
نقاط لازمه یی طومقی عملیاتیه مشغول اولغه باشلادی. بو اوچ کون ظرنده اتکی
کیلوب یاقه سنه قونمق و آلتی اوستنه چویرملک وپراکنده نقراتی تقسیم ایتک کی

شغالات ايله اوتوز طقوز طابور پياده وجوده كيتيرلمشیدی. بونك اوتوز طابوری قارصك استحکاماتنه تقسیم وتعییه ایدلدی؛ طقوز طابورده خارچنده براقلدی. چونكه كریده یعنی ارضروم جهتنده كوريله جك ایش قارصك مدافعه سندن دهامم ایدی. هم رجعت ایتكده بولان اسماعیل پاشا فرقه سنك سلامتی تأمین ایلک، همده اس الحركات ودارالمهمات اولان ارضرومی محافظه ایتك ایجاب ایدیوردی. دشمن ده قارصك درت آی اولجه وقوعبولان محاصره سی صردسند اولدیگی کبی مختار پاشای قارصك خارجه چیقارمق خطاسی تکرار ایتماك وقارصده محصور براقق افكاريله چویرمه حرکتنده التزام سرعت ایلوردی. مختار پاشا ایسه سالف الذکر قارص خارچنده اثنای کشفنده دشمن ایچنده قالان قنم عسکر بسنك قید اسارته کرتار اولدیغی آکلایجه هان قارصه دونوب طوغریجه تلغرائخانده ماكنه باشه اوطوردرق پایزید جهتنده کی اسماعیل پاشا قول اردوسنه هرچه باد آباد سریعاً کوبری کوینه رجعت امریخی ویردیکی کبی درسعاده مقام سرعسکری یهده زیرده کی تلغرائنامه بی یازدی :

« شوخالده آناطولایجه الك اهمیتلی ایش بعدما ارضرومی محافظه ایتمکدر . فقط اوایشی کورده بيله جك کیسه نی کورده مدیکمدن کندم اورایه کیتمکه مجبورده . او تقدیرده قارصك قومانداسنه امنیتله براتيله جق ارکاندن کیسه یوقدر . یعنی قارصده قانور ایسه ارضرومدن خیر یوق، قارصدن چیقار ایسه ارضرومدن خیر یوتدر . بکا قالیرسه قارصك قومانداسنی آرتق الله امانت ایدر سابقی کبی حسین حامی پاشایه براقوب ارضرومه کیتمکدر . بناءً علیه یکر می درت ساعته قدر بوکا مخالف بر امریکزی آلمز ایسه ارضرومه کیده جکمدر . چونکه یکر می درت ساعت صکره بوراسی تماميله قبانور آرتق چیقاقم . »

فقط نه قدر سریع حرکت ایتسه ، ایش آسودکی وتیز زمانلرنده بر سواوینك سرعتله قارصك اطرائفی دولاشمی کبی دکلدر؟ صنوف مختلفه عسکریه ايله حرکت ایديله جکدر . انك ایچون البته صعوبات وبناءً علیه تأخرات ضروری الوقوعدر . قارصه وصولناك اوچنچی، یعنی تشرین اولک آلتینچی کونی اقشام اوزری قارصك حافظ پاشا استحکاماتی ساحه سنده کی چادرلرده مختار پاشا حضر تلری ینه ترتیبات وتشکیلات ایجابیه ايله مشغول ایدی . کیجه ساعت ایکیده قارص قوماندانی حسین حامی پاشایه وسایل ، لایق ، وجاهت ، قارص ، قارصه کی عسکری حفظ السیره و دیعه ایدرک، خارچنده براقیلان مستحفظینك خارچنده اولمق اوزره حساب ایدیلان

طقوز طابورله، قبودان محمدپاشا و طوبجی لواسی حسین پاشا در برابر اولدیغی حالدله طهماسبی استحکاماتی آلتدن طاغ یولیلله صوغانلییه متوجهاً قارصدن چیقلدی.

کیجه لین اوکمزسرت و دیک بریوقوشه تصادفایتدی. حسبالموسم یاغفورلر باشلامش، یوللر ایسه چامور و بطاق حانه ککش اولدیغندن برابر مزده بولنان بر بطاریه قروپ طوبلری چاموره صاپلانمغه. بارکی لرله وافراده زحمت ویرمهکه باشلادی، بو طوبلر برابر اولور ایسه حرکت مزه بطائت ویردجک. حالبوکه دشمنجهده مختارپاشانک صاعلاججه حقیقه مامسی وقارصده محصورقالدی واکامقابل بزجهده حرکتک سرعتی مطلوب ایدی. برابر مزده بولنان طوبلر قارصه کوندربلوب یرینه بر بطاریه طاغ طوبی جلب اولندی. طاغ طوبلرینک وصولندن صکره ینه یوله دوام ایدلدی. قار ایله قاریشیق بر یاغفور آلدی؛ آرتق یوللر یورینه مز برحاله، وهله کیجه نک زیفیری قراکلنی سبیلله کوز کوزی کورمز. درجه یه کلدی. یوقوشلرده حیوانات و نفراک آیاقلری طوماز، یرد دوشن و حیواناتندن یووارلانا نلرک حدوحسابی یوق!...

کیجه نک ساعت طقوزینه قدر بوصورتله یول آلدی ایسهده عسکرده وهله عسکرک پیاده قسمنده یورغونلق کالیه کندینی کوستردی. حساب و تخمینه کوره ایجه یول آلتش وقارصک خط محاصره سی خارجه چیقلمش وبلکهده دهاخلیجه ایاری کیدلمش اولدیغندن آرتق اوکمزده اسمنی اونوتدیغ برکویده قالمق اوزره ایلروییه آدم صالدریلهرق عسکره کویک اولدینی موقع اراهه ایدلمک ایچون کویک اوکنده عظیم بر آتش یاقدیرلدی. چونکه عسکر زیادهجه یورولمش وفوق العاده ایصلانهرق آرتق حرکتک مجالدری قالمیهرق انتظاملری دخی کاملاً مختل اولهرق طاغنیق وپریشان برحاله ککش اولدقلرندن وبلکهده یارین دشمنله چاتشیلوب بر حرب ایدلمک احتمالی دخی خریطهده بولاندیغندن، عسکرک بر قاق ساعت اولسون راحت ایتدیرلمسی فرض حکمنی آلمشیدی. هرکس آتشک اولدینی جهته کیده جکدر تبیهی اشاعه قلندی، یارم ساعت صکردهده کویه مواصلت ایدلدی.

منتظماً اولرده و آخورلره طابور طابور، بلوک بلوک، طاقم طاقم طاغیدلمغه میدان اولدینی کبی تنظیم ایدلمک ایچون اقتضا ایدن زمانه عسکر دخی انتظار ایتدیکنندن کندی کندیلرینه قارمه قاریشیق بر حالدله اولره وصمانقلره صوقیلوب بارندیلر، بلوکی نردهدهد یوزباشیسی بیلمز، برچاوش طاقتی بولمق ایچون هراوده بولنان عسکری برربرر کوزدن کچیرمدکجه بر آرده طوبلایه مازایدی. بوصورتله صباحی

بۇلۇق. صباحدن برايكی ساعتده كچدی، هواده ديكدی. حاضر اول بوريلری چالغنه باشلادی. لىكن كيمسهده حركت يوق؛ بردها بورى، بردها بورى، هپ طابورلر بوريلرى بردن فرياده باشلاديلر، خير اولردن صمانلقدردن برنفر بيه چيقيور. همان بوريلر فريادی بريارم ساعت سوردیكى حالده دعوتلرينه اجابت ايتمش اولان بر فرد ميدانده كوزوكميور ایدی. آرتق ضابطلر، چاوشلر، شونلر، بونلر اولره طابوب صوبه. طابقايه كيميسنى اويقودن قالدیردیلر؛ كيمنى ايصالقلاق بوزغونلق حالیه بوزيلوب مسكين مسكين قالمش اولدينى يردن چيقاردیلر.

الحاصل بووظيفه ايله هپ اشتغال ايتدك. زيرا دشمن ياقيندر؛ كيجهدن جوارلردن كچمش اولديغمزى خبر آله جق هر حالده آرتمهزه طاقيله جقدرد. شايد بزی كويده وألورده بوصورتله باصدیررايسه حال فاء؛ برنفر مزيبه قالميه رق محو اولورز؛ به آمانك عسكەر، براز چانلانكيز، طوبلانكيز؛ شدی دشمن كلير ايسه هپ بردن بر مصيسته اوغرايه جغز؛ طابوريكزى بولكنز؛ آلايكزك، سنجاغكزك باشنه اجتماع ايديكز؛ سوزلريله انلره براز اويانقلقدده ويرلدى. ظن ايدرسه م بر ساعت قدردده تنظيم ايله وقت كچيرلدى، خيلجه كچجه اوله رق يوله ديزيله بيلدك. تقريباً ايكي ساعت قدر يول يورندكدن صكره صوغانلى طاغنك اوزرينه چيقدق. ديمككه كيجهدن خيلجه يول آلمش ايمش. چونكه صوغانلى طاغنك بولديغمز هنكار دوزى نقطه سى قارمه تمام المى كيلومترلك يعنى اون ساعتلك يولدر. طاغك اوزرندن دشمنك اولدينى نقطه يه باقلقدده، قارص اووه سنده وتعين ايتديكى نقاط محاصره اوزرنده چادرلر تورمقله مشغول اولدينى كورونيور؛ ويالكنز برايكى آلاى قدر سواريسى ده بزم كلديكنز يولك بوييه طوغرى كزي نيور وكايور ایدی. آكلالشدی كه بوسواری بزی ترصد ايتكه مأموردر. بزیه يوزره دوام ايتدك، جاقر باباي كچرك طاغك ارضروم جهتده واقع يكي كويه ايندك. وقتده آقشام اولدی؛ او كيجهده او كويده قالدی. صباحلين، هنكار دوزنده براقيان قره غوللرمزدن دشمنك احوالندن خبر بكلدك. دونكى حال ووضعيك عيني بر حالده اولدقلى خبرنى آلدقندن صكره ينه يكي كويده قالدق.

چونكه مختارباشانك مطالعه سنجه، دشمنك حقيقى حركتى و علميه مزه تعرض ايتك نيتى آكلالشمديجه كرى به كيتمك، دشمنك قره غول سواريسنك بيهورده يره اوقدر اراضى وقراني چيكنه مسنه راضى اولمق ديمك اولديغندن عسكەر

او کونده يکي کويده استراحته براقلدي و ترتيبات آتیه ایچون درساعات وجهات سائرہ ایله مخبره ایله اشتغال ایدلدي .

آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت

آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت

آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت

آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت

آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت
آناطولی اردوسنك دولتيه صورت

اولدینی جوابیله اعتذار ایتدی یا! هر نه ایسه بوده شویله جه شمديك بر طرفه قالسون؛ بز صدمزه باقم :

ایکی کویه کلنديكك ايکنجی کونی بعض دشمن قولارينك آرقه مزدن صوغانی طاغنه متوجهاً گلمکده اولدینی خبری آئدی؛ بز طقوز طابور مزده ایکی ساعت قدر کریه چکیلوب عاقبت حاله منتظر قالدی . چونکه شمديك یعنی حال حاضرده بوطقوز طابور ایچون معین بر خط حرکت یوق؛ آنجیق خالدن وزماندن استفاده ایله باز یزدن رجعت ایتکده بولان اسماعیل پاشا حضر تارينك اردوسیله بر ایشک املی برنجی مقصد اولق جهتیله ، انک کچه جکی یوللر و محتاج اولدینی کونلرک کمال اهمیتله حساب ایدلمسی کی غایت صیقتیل بر انتظار ایچنده بولدیور ایدی . بواضطرابی مطالعاته خیرایسیله بر حسن نهایت ویریلیر ایسه اندن صکره کی حساب ، اسماعیل پاشا اردوسیله شویله بویه ، کندیمزی بر خسار کلییه اوغرامیه جق درجده قوللانق واستانبولک ترتیبات امدادیه جدیده سیله اتصال ایدیلوب اردونک آتیشنی تحت تأمینه آلمدن عبارت ایدی .

برده او کمز قیشدر . همده او حوالینک معروف و مشهور اولان قیشلریدر ؛ انک ایچون ضروری اوله رق بز ارضرومه وجوارینه نقل ایدرز ، دشمنه کورده حرکت عسکریه اجرایی قابل اوله میه جغندن اوده کندیسنه بر مشتا آرامغه عجیور اولور . بهاره قدرده بز نقصانمزی ا کمال و اردومزی کرکی کی تعمیر ایدرز . اندن صکره سی ایچونده الله کریمدر . یا بر صلح و قوعبولور و یا خود حرب دوام ایدر ایسه ، باری بزده خصم مزه قارشو کندیمزی کوستره جک بر حاله کلیرز مطالعه لریده حساب فراخ خاطر لردن چیقمیوردی .

مکر قپشی بکلمک عث ایش ؛ آتیده کوریه جکی وجهله طاغلرده ایکی متره عمقده قارموجود ایکن دشمنمز حرکتی تعطیل ایتدی . اوله طاغلردن عسکرینی جایشدیرده رق یوللر آجدی . طوبلرینی وارزاق و مهمات آرابه لرینی آشیردیکه ؛ کورلش اولسه ، باز کونی بیله او طاغلردن یول یاپه رق طوب آشیرمق تحسین اوله جق درجده عظیم عظیم همتاره توقف ایدر ؛ نروده قالدی که قیشک السانک نفسک طوکدیی وصالیه سنک مایع خائنده برده و شمدریکی بر محله حرکت عسکریه اجراییه قیام اوللسون ! .. بموقوله مشاق قبول و اختیار ایتکده روسلرک منی یوقدر . آوروپا اهالی سندن هیچ برجهت خلقی و هیچ بردوات عسکری بویه

متاعب و مشکلاته تحمل ایدہ منزلر ظنندہ یم . بزم عسکرک ظیانقلغی ایسه روسلرہ نسبتله ایکنجی درجہده قالور .

برده روسلر بزمه مقابل بوانان بواردو ایله محاربه دن اولجه ایکی سنه متادیا قیش موسمنده مانورلرک انواعی اجرا ایتمیشلر ؛ عسکری و حیواناتی آچقده یاتیرمیشلر ، یول یابیرمیشلر ، طاغلرہ چیقارمیشلر ، اووہلرہ ایندرمیشلر ؛ الحاصل قیش موسمنده ممکن و متصور اولان متاعبک جمله سنه عسکری و ضابطلرینی آلیشدیرمیشلر ایمش . بو معلوماتی ده بعدالحاربه یازلمش اولان فرانسرجه تاریخلردن آلدق .

آه! عمرم مساعد اولسه ده شو آوروپا دولترلرندن بریسنک ، یکی سلاحلرک عالمگیر دهشت اولدینی شوعصردہ موسقوفلرله برطوتشدقلرینی کورسہمده یارارلقلری درجہ سنی آکلاسمہ ، دنیاده دها برشی ایستہم ! زیراترکلرک نصل بردهشتلی برفورطنہ ایچندہ اولدقلری اولوقت فعلاً آکلاشیلہ جق و همتلری تقدیر اولنہ چقدر ...

یکی کویدن ایکی ساعت قدرکری چکلدی کمزی یازمشیدک . بو چکلدی کمز یرک اسمی کیجه صور قریه سیدر . هانیا حربک صفحات اولیه سنی یازارکن خوروم نام دیگرزیوینده قوردا سماعیل پاشا حاضر تلری قومانداسیله بر محاربه وقوع بواش ایدی ده قرانلش ایدی دیمش ایدک ؛ ایشته بوکوی او محاربه موقعنک یارم ساعت قدر صوانده واقع برتپه جکک آلتندہ در . صوغانلی طاغندن پاسین اووہ سنه اینہ جک یوله ناظر در . بوکویہ مواصلت اولندیغنک فرداسی کونی دشمنک صنوف ثلثہ دن مرکب برقوۂ کایہ ایله صوغانلی طاغنک اوزرینہ کلش اولدینی خبری کلدی .

دشمنک طاغک اوستدن آشاغی اینمکه بر قصد حقیقیسی آکلاشلمد بقه مختار طقوز طاہورلہ رجعتہ اثناسندہ چاقوب اختیار ایتد - آشانی اینوب یوریمکده اولدینی خبری آندی . انک اوزرینہ بزم طقوز طاہورده بکمز بر محاربه مهمہ کویک اوست طرفده کی تپه جکک دشمن طرفندن کورونمز جهته چیقاریلوب طور دیریلہ رق دشمنک حرکاتنه انتظاراً سلاح چاندیرلدی . چونکہ طاغندن آشاغی اینمکده اولان عسکرک وجهۂ عزیمتی نرہ سیدر . اوراسنی آکلامق لازمکدی . طبق زیوین محاربه سنده اولدینی کبی بونده ده اوچ احتمال وار . انک بریسی اسماعیل پاشا اردوسنک اوکنی آلمق ایچون دلی بابا بوغازینی طوتمسی ، یا حود بزمه اسماعیل پاشایی برلشدیرمامک ایچون آردمزہ کیرمسی ، اوچنجیسی طوغریدن طوغری یه

بزی اوروب بزد کد نصکره اسماعیل پاشایه مقابل سر بست بر حالد قلمسیدر. بزم عسکر ایکییک بشیوز بو قدر موجودلی طقوز طابوردن عبارت اولدینی ده اونودلمسون. عسکر من سلاح چاتمیش طور و رایکن دشمن عسکرینک ده فوج فوج طاغدن آشانی ایندیکی کوریلور؛ مختار پاشاده یالکزجه اولدق بولندیغمز تپه نك اوستنده انده کی دور بین ایله دشمنه باقوب طور ییور ایدی. فقیرده قپودان محمد پاشا، ییخی محاربه سنده مجروح اولدینی حالد عانیت کسب ایدن و اخیراً مکلفهٔ میر آلائی اولان قائم مقام محمد علی و میر آلائی چرکس عثمان بکلرله مختار پاشانك قرق الی خطوه قدر کریسند و طوروب عاقبت حاله نکران ایدم.

اوصره ده قپودان دیدی که: (جانم اللهی سورسه کز نه یاپه جغز، بوراده طور مق ایله نه اوله جق؛ بو حریف کلیور، بویله یومروق قدر بر قوتله قارشوسنه چیقلماز؛) اوتکی آرقداشلری ده نه یاپه لم دیه سوال ایتدکرنده، یا کری به کیدوب کوپری کونی بوللی [*] یا خود صول طرفزده کی نامروان طاغلرندن یورویه رنک ارضرومی طوملی و استانبولدن و باطومدن کله جک اولان عسکرله برلشمه نك جازمه باقی یز. موقعت طارلغه، حالت و خسته کوره باقم. قوماندان پاشا نه امر ویره جک دیه انتظارده ایدک. لکن اندزده هیچ سس چیقمیور؛ انده کی دور بین ایله باقوب طور ییور. قپودان ینه راحت ایدمه یه رنک دیدی که: (بو ذات حالك دهشتدن کندوسنی غیب ایتدی و یا بتون شاشیره رق هیچ تدبیر فلان قالمدی؛ یا خود عناد ایتدی، کندیسیده کبره جک، بزی ده برابرجه کبرتدیره جکدر. بن بو کون صاغ قاله جغ امیدنده گم. سکر اون یاشنده بر قیز جغزم وار؛ بو کوندن اعتباراً انك یتیملیکی بدأ ایده جکدر) دیه مؤثر مؤثر سوزلر سویلور و درت کشتی باش باشه ویرمش اولدیغمز حالد قپودانك کلماتک تاثیر یله متالم و غمنان اولور ایدک.

فقط فقیر صنف عسکریده اولدیغ ایچون تلاشم انلرک جمله سندن زیاده ایدی. زیرا اونلر عسکر در؛ اورتا لاقده یا تمقده اولان خسته نك حکیمیدر لر. خسته نك حالتدن حکیمار تلاشه دوشم ایه، خسته نك منسوب اولدینی عائله افرادینک بتون بتون شاشیرمی امور طبیعی دن و فقیر لکه اضطراریم بوقیلدندر.

[*] بو کوندی کونی ارضروم دن یازمده و فارصه کیدم ج قرق اولدیغی خطوه ده واسب قضا سنده واقع اولدیغندن بعضی مهمات و لوازمات عسکریه بولندیرلور و ایچانه کوره اوتیه بری به سوق اولنور بر قریه در.

قېودانه دیدمکه : « قاق کیت ، قوماندان پاشای حالک وخامتنن ایقان
ایت ؛ برابرجه بر ترتیب وتدبیر یاییکز . » (بن کیتیم ؛ چونکه کیتسه م بکا
قورقورسک ، قورققلغک ایجابی اوله رق بومطالعهلرده بولنیورسک دیه شایدکه
برتکیدر ایدر . خصوصیه بز عسکرز ، نه یابه جقز دیه قوماندانه سؤال ایتک
جائز اوله ماز ؛ لکن سز عسکر اولدیغکز ایچون سربستسکز ، ایستدیککزی
سؤال وایستدیککزی اخطار ایدم بیلورسکز کی سوزلرله فقیری سوق وتکشیج
ایتمکه باشلادی . دیگر میرآلای بکلرده بورآیده بولندیلر . الحاصل بزى اقناع
ایله ایلویه سوردیلر .

قالقدم یواش یواش کیتدم ، آرقه سنه قدر صوقولدم . دورینه نظرنی حصر
ایتمش و عادتاً شیخلرک قنای الشیخ دیدکاری کی مشارالیه ده فنا فی دورین
درجه سنه کلش بولدم . یانته کیمسه کلدیمی ، کلدیمی فرقنده بیه دکل ؛ آکلادمکه
بزی کوروب لاقیردی آچه جق وقتی یوق . فاتحه مقال اولور امیدیه حیزلیجه
بر اوکسوردم ؛ نظرنی دوریندن کری آله رق بکا باقدی ؛ غایت تأنیلی و آغر
وقالین برس ایله (حریف کلور !) دیدی . بوفرستی فوت ایتمه رک فقیرده :
« اوت ، قولکزده کوردم ده انک ایچون کلدیمکه بنده کزه برقاچ کون رخصت
احسان بیوره سکز ؛ زیرا دشمنک وجهه توجهنی فنا کوریورم . اضرومه
ایسه محرم ومعینلری اولیان برعائله صاحبیم ؛ کیدوب شو ایکی ، اوچ کون
ایچنده انلری طرزونه طوغری آشیردقن صکره امر بیوره جعکز یره کلوب
افندمزی بولورم » سوزینی ایجه برجسارته ایلری سوردم وکندوسنه ، قېودانک
دیدیکی کی بر شاشقینلق مستولی اولمش ایسه ، حالک وخامتنی ، شوصورتله باشی
أورتولی اولسون اشراب ایدرک ایقاظ ایتک ایستدم . ینه دورینی کوزینه آلوب
(الله کریمدر ، کیدر ایسه ک هپ برابر کیدرز) دیدی و سوزینی کسیدی . براز
منتظر اولدم ؛ سوزک آلت طرفی ایشله مدی . بنده او یله بروقنده زیاده مساط
اولغه جسارت ایدمدم ، بالضروره مأیوساً اولدیغ یره عودت ایتدم .

قېودانک بنی استقبال ایله : نه یاپدک ، نه اولدی ؛ کمال تهالکله استیضاحنه
جواباً الله کریمدر جوابی آلدیغمزی سوبلدیکمده : (اوت ، بن بیلیمکه مطلقاً
عناد ایتدی کنديسنی ده ، بزی ده صاغ برافیه جق و عنادی اوغورنده بوقدر
عبادالهی فدا ایدوب کیده جکدر . زیرا انی سز بیلمزسکز . مکتب حریبه ده

برابر چه برصنفته بولندق . اخلاق واحوالی کاليله مضبوطمدر . عنادینک اوکنه
 طورلماز : بوکون بزم ایچون پک دهشتلی برکوندیر . الله عاقبتی خیرایتسون !
 سوزلریله لاقیردی ایده ایده میر آلائی بکلرک یانه قدر کلدک . اوچ ، بش دقیقه
 مقداری ینه بویولده سوزلر سویلشدک ، سوزلریله بنی ینه بریوک دهشت ایچنه
 دوشوردیلر . مطلقا شونا مروان طاغنی طوتوب کیدر ایسه ک سلامتی بولورز ،
 والا هیچ فائده سزاوهرق بوراچقده محو اولوب کیده جکیز راینده اتفاق ایتمدیلر .
 جاتم کیدک سز سویلیک دیدم ایسه دهه ، ینه تموداندن اولکی جوابی آلدیم .
 بودفعه ده تصور ایتمک : « بنم نه مه لازم ، بوتهلکه ایچنده نیچون بولنیورم !
 شمدی وازوب طوغریدن طوغری ینه اذن آلهرق صاووشوب ارضرومه کیدر
 واوراده کی اولاد وعیالمک چاره سلامتی آرام . »

لکن شوراسی ده خاطر خراش اولیورکه ، یازین اشو حرب برطرف اولور
 وصاغ قالیر ایسه ، بولندیغمز آرقداشلرله آتیده بریرده البته اجتماع ایدیلیرده :
 (سن فلان وقت قورقوبده صاووشمش ایدک) کچی سوزلر کچه جک اولورسه
 اوسوزلر بنم جکر مه کچر ، بنده اوتاندیغمدن یره کچرم . ایشته بو قوروتی بنی
 عزمدن آلیقومق ایستدی ایسه ده تامیله اوکون کچه میهرک ، شوقدرکه عزمده کی
 قوتی براز تنقیص ایتمدی . قالمقده ، ظاهرده ، انک باققده اولدینی موقعدن
 دشمنی باقوب کورمک و حقیقتده فرصت الیرر ایسه اذن آلهرق صاووشمق
 قصدیله قوماندان پاشا حضر تلرینک آرقه طرفندن یانه صوقولدم ؛ مشارالیه ینه
 فنا فی دورین حالنده ایدی . کندی کندمه سویلندم . سویلندم ؛ باقدی ، فقیری
 کوردی (حریف دره یه ایندی) دیدی . « اوت بنده کزده کوریورم ، ایندی .
 قولک کزده دمنکی نیازی تکراره وارضرومده بیکس قالان جماعت بیتیه می
 برطرفه آشیرمق ایچون رخصت عالیرینی استحصاله کلدیم » دیدم ؛ ینه : (الله
 کریمدر . کیدر ایسه ک هپ بردن کیدرز) جوابی آلدیم ، ضروری اولهرق صوصدم .
 اندن صکره حیزلیجه برس ایله (محمد پاشا !) دیه سسلندی . بزم تمودان
 حضر تاری قوشه رق کلدی . دیدی که : (بن یارم ساعتدر بورادن دورین ایله
 باقبورم ، دشمنک بش آلائی سوارسیله بر بطاریه طوبی ، طالعک اوستنده کی
 اردوگاهندن آریوب صاغیز اینروسنده کی دره یه ایندیکنی کوردیم ، خیلی مدتده
 ارقه مندن باقدم کوردیکم عسکرک مقداری تزیید ایده جکدها بر فرد کجمدی ؛

دیمک که بو قوت، دشمنک بزی آکلامق ایچون چیقاردیغی یا برکشف قولیدر ویاخود تکمیل حرکته مهیا بولان اردوسنک پشداریدر، علی کالاتقدیرین دشمن بوعسکری فدا ایتدی، بزمده الیزه بر آو کیردی دیمکدر. شمدی بونلرک اوزرینه بر تعرض ایدر ایسهک بحوله تعالی پک بیوک برشی قازانه جغمزدن امینم. هایدی میر آلائی بکلری چاغرده، عسکری تنظیم ایت. اوچ طابوری سن تحت قوماندا که آلهرق صاغ طرفدن شوصرت اوزرندن ایلرویه طوغری یوری؛ دیکر اوچ طابورلده محمدعلی بک صول طرفده کی صرتک اوزرندن ایلروله سک؛ بن ده باقی اوچ طابوری نزدیمه آلهرق دره ایچندن واورته یردن یورورم، جناب حق مظهر حسن وتوفیق ایتسون. بیوریکز (دیدى).

بوسوزلری دیکرکن قپودان قاجیق بر بکزله قاش آلتندن یوزیمه باقیور کوردیکزیم بن سکا نه دیدیم ایدی باقندی نه حاله کله جکز یولنده کی ملاحظاتی، اومعنالی باقیشیله فقیره اشراپ ایتمک ایستور ایدی.

هرنه ایسه حضرت قپودان عسکرانه برتمنا ایتدکنصکره کرى چکلدى. یاننده کی بوریزنه امرایدرک قوماندان پاشا حضرتلرندن آلدیغی امری ایفاییتدی. کندییی اوچ طابورینی آلهرق صاغدن و محمدعلی بک ده صولدن حرکت ایتدیکی کبی، میر آلائی عثمان بک قومانداسنده کی باقی اوچ طابورده مختار پاشا ایله وسطلده کی دره دن ایلری یوریمکه باشلادی.

اوراده قوماندان حضرتلری عسکره خطاباً یوکسک برس ایله : (عسکر! دشمنمز الیزه بر بیوک فرصت ویردی. شمدی جمله سنی آولایه جغز وانتقامزى آله جغز. هایدندی الله الله دیه لم وچابوق یورویه لم!) دیدیکی صرده عسکرده هپ بر آغزدن الله الله صداسنی عیوقه چیقارییوردی. (هابردها الله الله دیه لم!) دیندجکه الله الله نعره سیله ظنین اندازاولان طاغیر، من حیث مانری جنودامدادیه الهیه ایله مؤید اولدیغمزى تبشیر ایلور وکویا که هر طاشک آلتندن بر مردم معنوی وروحانی، بزده بوراده یز؛ بزی ده دعادن وفاتحه دن اونو تمایکز تمیاتیله غزاتمزى تشجیع ایدیورلر کبی کلیورایدی. فقیرده آرتق آوه کیتمک عزمنی حالک ویردیکی دهشتله اونوتدم. اوصرده بتون بتون توپلرم دیکلمش، کوزلرم صولانمش، نزده اولدیغمزى غیبا یتش برحاله کلش ایدم؛ جماعتک آقتیسنه اویارق اویله جه بالادبیر وتصرف کیدیور ایدم.

يکرمی دقیقه قدر یورونمدی، دشمن طوپلرینی ایلری حرب ایدرک آتسه باشلامسیله کولله‌لری آوجیلر مزك ایچنه دوشمکه باشلادی. قارصدن چیقارمش اولدیغمز بریطاریه طاغ طوپنک اوچی، حمل ثقیل اولسون وعسکر سبکبارتلمسون دیه کریمزده بولنان کوپری کوینه ایکی کون اول کوندرلمشیدی. لاله کی باقی اوچ طوپنی طوپنجیلر ایندیردیلر. مکر آغزدن طولار عادی واسکی طاغ طوپلرندن ایمش. کولله‌لری بیک متره بیله کیتیمه‌رک هدف مقصود بیله بزم آره یرمزده دوشیور ایدی. مختار پاشا: (آمانک طوپنجیلر، اییجه دقت ایدک! نیچون بویله اولیور. برخنای ایدیورسکیز، برنقصانکزمی وار!) دیه کندیسیدی ده طوپلرک باشنده بولنوب ادواتی بالذات تدقیق ایتمکده ایدی. لکن طوپلرک جنس و بایبایشی بویله، غایله‌لری بیومش! نه پاهلم، آرتق بشقه چاره قلمدی. آوجیلری ایلرولتمک و دشمن طوپنجیلرینی قورشونله تصدیق ایتدیرمک اقتضای ایدی. اوصورتک اجرایی امر اولندی. مهادیا (آوجی ایلری!) بوریلری چائیور ایدی. قوماندان حضرتلری بزم چاقار آماز طوپک باشنده اوطورورکن، دشمن کولله‌لری او مرکزک صاغنده وصولنده قیامتله قوپارییور ایدی.

اوراسنک برتهلمکلی یر اولدینی فقیرجه آکلاشلمسی اوزرینه، برخیل مسافه صاغه طوغری آچیلهرق یوکسکجه و سلامتجه بریر یقالایوب اورادن نظارت ایتمکه قرار ویردم؛ اویله جهده یاپدم.

کرک مرکزک و کرک صاغ وصول جناحلرک آوجیلری ایلریله‌رک دشمنک طوپنجیلرینی بارندیرماز اولدیلر. اندن صکره دشمن طوپنجیلرینک سسی کسادی؛ قورشون محبته‌ده طرفینجه کریمی تام ویرلادی. دشمنک عسکری واقعا سوازی ایسه‌ده دراغون اولدقلرندن کانه‌ی رده دوکیوب پیاده اولمشروجه‌سی آوجی‌هیشی آلمشرا ایدی. چونکه دراغون سوارینسک، صفده بولان درت محارب آرقداشک اوچی پیاده اولهرق حرب ایتک و دردنچییسی، بو اوچ محارب پیاده‌نک آتلینی آلوب کریده بریرده طوتمق قاعده‌لری ایجابندن ایمش؛ بونی اوراده اوکرنک.

نارنجمرنلرین اولک اون ایکنجی کونی و حرب به‌آ ایتیمکمز و لغت دخی توکهدن آراولجا ایدی. قورشون آماشییسی. آوجیلرک غیرت و اقدام بیله ایگندسی صوکارینه قدر متمد اولدی. بزم محاربین قدم قدم ایلریله مکده، دشمن ده کریمه مکده ایدی. عادنا منتظم طاقله رجعت حالی آلدی، بزمکیلر ده تعقیبه قویولادی! برخیلی زمانده

آرقه دن قورشون ییدیلر. اندن صکره انار سواریلشهرک سرعتله چکیلوب طاعنک. اوستنده بکله مکده اولان اردوسنه ملحق اولدیلر. میدان محاربه آلیزده قالدی؛ پادشاهم چوق ایشا صداسیله عالمه برغلغله ده صالحیورلدی. عسکریوقلامه اولندی؛ سکسان بوقدر نفر شهیدوایکیموز اون نفر قدر مجروح وقوعبولدیغی آ کلاشیله رق شهیددفن اولندی، مجروحین دخی ارضرومه کوندرملک ویابشقه درلو چاره لرینه باقلمق اوزره مکاری حیواناتنه تحمیل قلنهرق کوپری کوینده کی اداره مأموری نزدینه کوندرلدی. ارضروم، بولندیغمز موقعه اون اتی، اونیدی ساعت قدر بر مسافه ده واقعدر. بارکیروزرنده اورایه قدر مجروح نقل اولنمقده کی عسرتی بالاده ثبت صحیفه انتباه ایشیدک. بونلرک باشنه کلانلرده انلراوزرینه ترتبایدن مطالعه نک عیندر. دشمن تکمیل اموات ومجروحینی قالدیرمش اولدیغندن مقدار حقیقتیسنی آ کلایه مدق ایسه ده انک تلفاتی ده بزمنکی قدر اولسه کرکدر.

اقشام اوستی ساعت اون بچغه قدر بومشغولیت سوردی. عسکرک چوروکی. صاغلانمندن آیرلدی. قوۀ عسکریه مزک بقیه سی مرتب ومنظم اولهرق قول و طابور هیئته قوندقدن صکره یورودملکه باشلاتدیرلدی. امانصل، نره یه یوروتدیریلیور؟ بریره دکل، اولدقلری یرده یورودیلیور. چونکه بولندیغمز اراضی اوفق اوفق تپه ودره لردن تشکل ایشم عارضه لی بریردن. عسکرک مقدار حقیقتیسنی طاعنک اوزرنده. بولنمقده اولان دشمن اردوسنده کی مترصدلر آ کلایه مازلر ایسه ده، موقع حربک برایکی کیلومتره خارجه چیقسه ق زمینک عارضه لری نهایت بوله رق دوزلشیروعادتا برشرذمه قلیله دن عبارت اولدیغمزی قارشودن دشمن کوروب آ کلایه رق فرداسی کون ایکنجی بر تعرض ایچون کندیسنه بر جسارت ویرلش اولور. بناء علیه بعدالحاربه طابور هیئته قونیان عسکر اوتپه لرک آره یرنده غروب دن یارم ساعت صکره یه قدر کزدیرلدی. برطابوریان یوریشیه وقول نظامیه بلکه بش اون دفعه برتپه نک اوستنه چقارلدی، اشاغی ایندیرلدی، صولندن طولاشدیرلدی، صاغنه چقارلدی، دشمنه مقابل برچوق طابورلزه مالک اولدیغمز ارأه ایدلدی اما، مصلحتک حقیقتدن واولباده کی نایتن خبری اولمیوبده بلا فائده شوصورتله طولاشدیرلمقده بولندقلرینی ظن ایدن عسکر، ذاتاً محاربه دن یورغون اولهرق چیقمش وتنفس واستراحته محتاج بولمش اولدقلرندن، کندیلرینه مرهم وانصاف ایدیلهرک استراحته قوندقلری سببیه قوماندان وضابطلرینه حدت ایدرک سوککده اولدقلرینه شبه یوغیدی!!

بعد الغروب صول قرار ویده دور بن ونظر لرك آرتق اوزاقدن ایشه یارایه میه جق درجه یه کلدیکی آکلاشدینی کبی، سلاح اوموزه ایدرك بولندیغمز موقع حربدن بتون عسکرله برابر جیقدق واولجه اقامت ایدیلان کیجه صور قریه سنک اوزرنده کی سیرکجه براورمانك اوسته پانگی آتدق. موقعك ایجابنه کورد عسکر تقسیم اولندی؛ صاغ و صول جهتلر مزده کی اوزاق لرله برر بولك عسکر کوندر بیلرک برچوق آتشلر یاقدرلدی، اولدیغمز یرده ده لزو مندن زیاده آتشلر یاندی. قارشودن آتشلر مزه و موقعمه باقان آدمك، مطلقا طاغك اوستنده بریوک اردو بولمقده اولدیغنه آتشلرک کثرتندن و موقعك ممتداولمندن نائی حکم ایدیدیلیر ایدی.

شمدی دشمن برطاغك اوزرنده یعنی صوغانلی طاغك میلی دوز دنیلان موقعنده قالیور، بزده انك قارشوسنده کی برطاغك اوستنده بولئیورز که آرد یریمزی کوندوزدن جرب ایتدی کمز دره فصل ایدیور.

طاغلرک دروه سی قارلی اولدیغندن موقعمز غایت صغوق، دیشلر صغوقدن چاتیردیور و صغوق زورلادجه آتسه قوت و یریلیوردی.

یورغون عسکر یاقدقلری آتشلرک باشنده اویقویه واردیلر. فقیرده مختار کیمجه لین اورمانده عسکرلکه عائد بر حسب حال

پاشا حضرتلرینک یاقدرمش اولدینی آتشت برکنارنده اوتوریور ایدم که قپودان محمد پاشاده ایشنی برتدی. بزم آتشت یاندینی یره کلدی، اوتوردی. اوتهدن بریدن نقردی ایدیلیرکن بحث کوندوز ایدیلان محاربه یه انتقال ایتدی. من غیر مأمول اللهک برتوفیقنه ده مظهر اولدیغنی بیسان ایله مختار پاشانی قپودانك تبریک ایتدی صروده، مشارالیه جواباً: (بوکون بن قبل المحاربه تپه نك اوزرنده دورینله مشغول ایکن سزده برتلاش آکلا یوردم. حکمتی نه ایدی؟ اوراجقده ایش یوق قونوشیلیر یا!) قپودان جسارته کلهرک: (ایشک و خامت عاقبتی قورقوسی ایدی) جوابی ویردی. صکره فقیرده لطیفه اولهرق دیدمکه: «بنم بوکون ایکی دفعه نزد عالیکزه کلشیم بونلرک تحریکنه منی اولوب، یوقسه عالم ایله برابر قره کونک یرام اولدیغنی بیللردیم. فقط نه چاره کندی می بردفعه دهشته قپدیوردم اوکنی آلهدم!»

صکره قپودانه خطاباً دیدی که، (بو حال یالکز سزده دکل، صنف عسکریده بولسان یك چوق ذواتده کوریلور بردقتنلک اثریدر. دشمن کایورمش دیه برصدا جیقدی ویا بر خبر آلدیمی، برتلاش برقیامت قوباریلور. نه اولیور، نه

ایدیله جک، کیمسه نك کیمسه دن خبری یوق... بیلیرسکز که حاصل اولان دهشتک حکمیه غالب اردولرد بیله نیجه نیجه سقطلقلر وقوع بولمشد. اوت، بنده بیلورم؛ دشمن قوه کیه ایله طاغک اوسته کلدی، بزمده مقاومت ایتکلکمز عقلاً مستبعددر، لکن آرقه مزده بونان ارضرومده احتیاط اوله رق برطابور عسکریمز بیله یوق! اوتهدن بایزید جهتدن اسماعیل پاشانک اردوسی کلیور، برنجی ایشمز اونک سلامت وصولی تأمین ایتکدر. چونکه بتون آناطولینک اوعسکر امید منفرد حیاتیدر. اصل ایشکذارلق یوقلق زماننده وچاره لک بیتدیکی صرده. ایثی برفرجه سلامتدن چیقارمقدن، یوقسه طاغ یولنی طوتوب کیمکه بزم عسکری تهلکدن قورتارمق بک بدیی وقولای برحرکتدی؛ لکن اووقت اسماعیل پاشانک اوک طرفی دشمنه تسلیم ایتکلکه برابر دارالمهماتز اولان ارضرومی ده اوچ کون صکره استیلا اولمش اولدیغی ایشیدر ویا کورور ایدک. بزم ایچون طاغ یولی هرساعت آچیق، فقط مصلحه فائده سی یوق! الله ایتسون امیدسزلکک صوک درجه سنه وارر ایسه ک او آچیق یولی ده طوته بیلورز. بکا کوره دشمنک طاغدن آشانی اینمکه اولدیغی خبرینی آلق، امیدسزلکک هنوز درجه غایه سی دکل ایدی، دها یاییله جق چوق شیلر بولنه بیلیدی.

آتیده سزده بیوک ومستقل قوماندالرده بولنه جقسکز. دشمن کلیورمش دیه بر خبر انتشار ایتدیکی کبی، بزده قوماندان اولان ذات، ممکن ایسه اوکلان دشمنی کوزیله کورمیلدر؛ کلان نهدر؛ نه مقدار قوتدن عبارت اولدیغی تخمین ایده بیلور؛ صنوف ثلثه عسکریه سی برابر میدر، یوقسه یالکز برصنف سواریمیدر. بورالینی لایقیه آکلادقدن صکره کندی کندیسنه کندی ایشی ده حساب ایتلیدر. عجبا شوکلان قوت اوزرینه برتعرضده بولنقله می مدافعه ایده می. یوقسه دشمن بزم اوزریمه تعرض ایتسون دیه بروضع تدافعی آله رق صبری ایده می؛ اراضینک وقوه عسکریه سنک حال واستعدادی نه یهدر ویا خود بولندیم نقطه یی ترک ایدرک بشقه برقز انج یولی آرامق اوزره فلان یره صاووشه می؛ بورالینی ذهندنه لایقیه محاکمه وایجابنه کوره کوندیکی ذواتله ده استشاره ایلهرک ویریه جک قراره کوره ایشی صغوق قانله تالش سزجه کورمیلدر.

وقتا که صباحلین بن دشمنک طاغدن آشانی اینمکه اولدیغی خبرینی آلدیم؛ یاییله بیله جک حرکتی تعیین ایچون دشمنک کیمکه اولان قوتی بالذات کورمکلکم

اقتضا ایتدی . دوربینی آلهرق باقدم طاغدن آشاغی اینرکن یوله بردولاماج وار، اودولاماجدن عسکر کچدکجه صایله بیلیر درجه ده اولدیغی کوردیم؛ آرتق لایققطع دوربینله وقف نظر ایدرک عادتاً صایارجه نه حساب ایدیم. بش آلائی سواری ایله بریطاریه طوپ وبرپاده روکت بلوکنک آشاغی ایندیکنی واندن صکره دشمن اردوسندن کیمسه نیک گلدیکنی کوردیم، آکلادم . صکره حساب ایتدیمکه بو، یا برکشف قولی ویاخود حرکتیه مهیا بولنان اردوسنک پیشداریدر. شواکی حاله کوره دخی بز بونک اوزرینه برتعرض ایدر ایسه ک قزانیرز .

واقعا دشمن بزم قارصدن طقوز طابور ایله چیقدیغمیزی بیلور ایسه ده ، بوموقعه یتشدکن صکره ارضرومدن ویا بشقه جهتن عساکر امدادیه آلوب آلمدیغمیزک حالاهیرنی آله مامشدر . زیرا آردیردن اوقدر وقت کچمدی . بوجهته سمدی اوخبری آلق مراقددر . بز دشمنک بو عسکری اوزرینه برتعرض ایدرز ؛ طبعیدرکه موقعیزک وحالیزک مجهولیتی سببیه انلر یعنی دشمنک طاغک اوستندکی اردوسی جمدی برایش کورده میه جک وایشی آکلامغه سعی ایدر جکدرکه ، خوروم وقعه سنده اولدیغی کبی بلاکشف یوریه رک باشه ایکنجی برقضا کلسون . بزى لایقيله آکلامق ایچونده لاقلا اوچ کون مدت لازمدر ؛ او اوچ کونه قدرده بخوله تعالی اسماعیل پاشا اردوسنک حسابجه دلی بابا بوغازندن چیقیمی ویزمله برلشمی ممکندر . شوحاده مطلقا تعرض ایتدیز قرارینی کندی کندیمه ویردم والحمدلله والنه اجرا آتده کوکلرک آرزو ایتدیکی درجه ده بر نتیجه ایله ختام بولدی . اگرچه کندمیزی تلاشه قایدرونده کیورمش آمانک کیدم ديه تعجیل وطاق یولنی طومش اوله ایدک بتون آناطولی قضعه سی آلدن حقیقه جقدی . واندن صکره استانبولدن . بغداددن مرتب اولان قوای امدادیه ده هیچ برایشه یارامیهرق انلرده یوق یره خراب ویریشان اولوب کیده جکدی .

سمدی بوحرک قره تائیری اولهرق دشمن مطلقا بزم قوتیزک مقدارینی آکلامق تشبثاتنده بولنه جق ، بلکه ده یارین ایچمزه برده جاسوس کوندره جکدر . قوتیزک مقدارنی یعنی ارضرومدن یکی عسکر آلمدیغمیزک خبری کندیسنه واصل اولدقدن صکره طاغک اوستنده کی عموم اردوسيله ایجاب حاله کوره حرکت ایتمی ملحوظدر . زیرا عقلک ومصلحتک ایجابی بودر) دیدی ؛ براز صکره ده یاصدق اولهرق برر طاش یقالانوب اوبقویه وارلادی .

خبرله برابر قالدی. کونش طلوع ایدنجیه قدر دشمن اردوسنه دقتلیجه باقادی، هیچ بر حرکت حس اولندی. بیوده یره عسکر طاعك صغوقده و آچقده براقلامق ایچون تکرار کیجه صور قریه‌سنه ایندی.

تخفدر، برکون اول بوقریه‌ده مشیر پاشا حضرتلرینك اقامت ایتدیگی بر آخور ایچنده کی او طه‌نك اولدجه او طوره‌جق یری و پنجره و قپوسنك انتظامی وار ایدی. بعد الحاربه ینه او او طه‌یه عودت اولندیغنده اوراسنك خراب ایداش اولدیگی کورولدی. اسبابی تحقیق قلندی، مکر بز اورادن چیقدیغمز کی عسا کر معاوندن بعض کورد سواریلری او او طه‌یه طامشدر، خانه صاحبندن او جاقده یاقلمق اوزره براز اودون یاغ و یورطه کی شیر ایسته‌مشدر، اوده کتیر مامشی و یا خود براز جیکیدیر مامشی. هنه ایسه، حریفدر حدت ایدرک قپوی، پنجره‌نی، دوشه‌مه تحت‌لرینه وارنجیه قدر سوکوب یاقمشدر، بعده‌ده دفع اولوب کیتمشدر. بوکا بکزر ودها آلم ودها خفیف وقوعاتك واهالی طرفندن شکایتك حد وظایه‌سی یوقدر. بودفعه مشیر مشارالیهك کوزیه کوردیکی تخریبات فاعلری بوانوب مجازات ایدمك اوزره خلیجه آراندی ایسه‌ده کیم ییلیر کیملرایدی، بولنه‌مدی. ایشته افندم! محاربه ایجا باتندن اولان خلق ییغنیسی سبيله بویه بویه تعدیاتك حد و حسابی اوله‌میور، بردرلو منعی چاره‌سی‌ده بولنه‌میور. الك غریبی شودرکه، بزم اهل‌المیزی بزم عسکر من تخریب ایدیور. دشمن عسکرینك تخریباتی ایکنجی درجه‌ده قالیور. اثنای محاربه‌ده ممکن اولدیگی قدر عسا کر نظامیه‌دن بشقه عسکر قوللانمز ایسه، بومقوله تخریبات و تعدیاتك بر درجه‌یه قدر اوکی آتیر. الحاصل محاربه دینیلان شی، ذاتاً من کل الوجوه تخریب بلاد ایچون دست قدرتك برواسطه مستقلسی دیمك دکیدر!...

باشی بوزوق
عسکرینك بعض
مناسبتر لکلری
اوزرینه بر مطالعه

کیجه‌صور قریه‌سنه ایندیگی کون مختار پاشا حضرتلرینك یاننه قره‌غولدر برکرد کتیر دیلر. بوکرد اوته‌سنی براسنی قارشیدر برق اوفه‌جق برکاغد چیقاروب ویردی. و بعض معلومات ویرمك ایچون روسیه اردوسنده بولان برادری طرفندن کوندرلمش اولدیگی سوبلیدی. کاغد او قوندی، قارص طرفنده قالمش و بزم اردو اوراده ایکن بزه خدمت ایتمکده بولمش و بزم رجعت‌مزه منی خدمت ایتك اوزره روس اردوسنه آلمش اولان قسقلانی عشیرتنك مدیری رشید بکک مکتوبیدر. مومی‌ایله مکتوبنده بعد السلام انها ایدیورکه: « روسیه قارصی بر قوه کلیه‌ایله

ایچره بر جاسو-
سك ورودی

محاصره ايتدکنصکره جنرال هيمن باقي اوتوز ايکي طابور پياده، آلتی آلاي سوارى و آلتش قطعه طويله سزى تعقيباً صوغانلى طانغه کلدی، بندده برارلرندهيم؛ مقصدلری سزى اورمق، اندنصکرده ارضرومه کيتمکدر. لکن عسکرينه يورغونلق آلدیریور. بيم ايسه صداقم شويله در، بويله در؛ اشته بوکاغدی برتقريب ايله يازدم و امنیت ايتديکم برادرم (نه) بکله حضوریکزه کوندردم. مقصدم دولتمه خدمتدر.

مکتوبی کتيرن برادر بکده سويلدلی. انک معلوماتنک ده برادرينک يازديغی معلوماتدن عبارت اولديغی آکلاشادی، پاشا حشرتلی نمون اولدی. مکتوب کتيرن ذاته برازده پاره احسان ايتدی. اندنصکرده ديدی که: (يورغونسکز. بويکجه بيم مسافرم اولکن، سزه اکرام ايتسونلر. برادریکزه تبليغ اولمق اوزره سويله جک سوزمه ويازيه جق کاغدم واردر، انلری ده آلیرسکز. انشاالله يارين عودت ايدرسکز) قبودان محمد پاشانک اولديغی یرده مسافر ايدنک اوزره بزم کرد بکی کوندرلدى. اندنصکره مختار پاشا قبودانی چاغروب ديدی که: (آقشام سزه سويلديکم چيقدی؛ اردومزک حالى آکلامق اوزره دشمنک برجاسوی کلدی، مسافر اولمق ايخون سزه کوندردم. چونکه جاسوسلق بويله در، ضرورى ايکي طرفنده خدمت ايدجکدر. بونلر خصوصيله اولاد و عياللریله روسيه ايچنده قالديلر، معذوردلر، اکرام ايدیکز. کندوسنک تحت محافظه و نظردده اولديغی آکلار ايسه بيهوده یرده قورقار؛ قورقوتميکنز اوتکيله بريکيله ده اختلاطنه فرجه و یرميکنز) ديدی. اويکجه کچيرلدى، صباح اولدی. بزم کرد آمانک، بکا اذن و یريکنز ديه رجايه باشلادی. خير سنک برادرينک خاطری يوقی؛ مطلقاً اوکله يمکنی ده برابر ييه جکز کي سوزله آوودلدى. اوکله دنصکرده ارتق کرد آغاسی ضبط اولنه ماز برخالده اضطراب کوسترميله رخصت و یرلدى. اشته سزک وجوديکنز کاغدد، کاغده لزوم يوقدر، برادرکيه سلام سويله، جوق نمون اولدق. آردصره بويله خبرلر کوندرمسنی صداقتنک محبتنک ايچايندن بکرنز. فلان کي سوزلره پاشا حشرتلی طرفندن کرد آشیرلدى.

صکره ديدی که: (شعدي بو آدم کيده جک، ايکنيدنصکره آنجق روسيه اردوسنه واصل اوله جق بشقه طرفلردن و یريله جک خبرلر ايله بونک و یره جکي معلومات برلشديزه جک اندنصکره يارين موسقوف حرکت کاييه باشلايه جفدر.

بزه ده بقوته تعالی یارین اسماعیل پاشا اردوسنی دلی بابا بوغازندن چیقارکن کورمکلکمنز ملحوظدر. اندنصکر دیابله جقشی ایجاب مصلحته توفیق حرکتدن عبارتدر. شمدیدن برشی دینه من). الحاصل اوکیجه ده ینه کیجه صور قریه سنده کچیرلدی. فقط مابین هایونه و سرعسكرلک مقامنه اورادن ایکی قطعه تاغراف چکلدی؛ مألری اولدجه احوال عمومی منی تصویر ایدجکندن عینا بورایه درج ایدلمسی مناسب کورلدی.

مابین هایون باشکتابنه ومقام سرعسكريه تلغراف ۱۳ تشرین اول سنه ۹۳

دونکی حربله حمد اولسون طرد اولنان دشمن سوارینسک اوچ بیک کشی اولوب یدیشریوز موجودلی یکریمی سکیز طاپورله [*] آتمش طوپدن مرکب ومیللی دوزده مقیم بردشمن اردوسنک پیشداری ایدوکی و حرب مذکوری متعاقب درحال زیوینه اوچ ساعت مسائده ده، میللی دوزک بریسنده صوغانلیک باشنده قوملی نام محله تجمع ایتدکاری ویزی امداد جلب ایتش اعتقادیه برابر کچنکی خوروم وقعه سنی [**] دخی دریش ایدرک کال احتیاط اوزره قالب دون وبوکون آشانی اینهمدکاری ونقط صاغ ویاصولری طولاشمق کبی برفکره صایدقنری بوکون موثوقاً استخبار اولندی. بزه لازم اولان ایسه اسماعیل پاشا حضرتلرینک سالماً کوپری کوینه یتشمسی ایچون ایکی یاخود اوچ کون قزاقمق اولدیغندن وانک ایکسی حمد اولسون دونکی حربله قزانلدیغندن احتیاطاً یاری قزاقمق دخی الطاف الهیه دن مستعدادر. اسماعیل پاشا حضرتلریله بعدالاجتماع اوتوز بش طاپور اوله جق ایسه کده طاپورلرمنک موجودی، بری بری اوستنه اوچریوز راده سنده بولندیغندن اونبر بیک قدر موجودمن اوله جنی و آردهان طرفندن اولتی طریقله دخی برقول دشمن کله جکی سولینمکده اولوب اسماعیل پاشانک آرقه سندن بر ایکی بیک دشمن سواریسی کلکده ایسه ده، باقی کلان اولوب اولمدیقی بیلنهمدیکی [***] وشو حاله کوره طربزونه چیقان طاپورلر موجب

[*] اخیراً بو عسکرک اوتوز ایکی طاپور اولدیقی تحقیقات سائر ایله آکلاشدی. خصوصیه صکرده روسک نشر اولنان اوراق رسمیه سی اثبات ایدی. [**] خوروم وقعیه کی. کچن حزران ایچنده اوراجقده اسماعیل پاشا قوماندانیه ابدیلان بحر بوقعیدر. روسیه اردوسی اوراده برهزیت کلیه یه اوغرامشیدی، بوکونکی حربمن دخی اوموقعک جوارنده در.

[***] صکرده دن آکلاشدی که دیرقوزوف تکمیل فرقه سیله اسماعیل پاشا اردوسنک آرقه سندن کلدی. اسماعیل پاشا اردوسنی تعقیب ایدرکن بزم دمدارلرمنله انلرک پیشدارلی آره سره چاشوب حرب ایدیورلردی.

احیامن اولهجنی درکار اولوب آنجق شاید قیش یاردم ایتمز ایسه ارضرومک
محافظهسیچون برازدها قوته احتیاج مس ایده جک کی کوروندیکی و بونلرک وقتیه
ارضرومده اجتماعلری ده لطف باریدن مسئول بولندیغی عرض اولنور. احمد مختار

۱۲ تشرین اول سنه ۹۳

دیگری

قارص جهتده ایکن رفاقت چا کریده اولان درت آلائی نظامیه سواریسنک
جهلهسی قارصده قالدی. هر نه قدر آلائیکیسنک قارصدن آرقه مجره چیقارلمسنی
تبلیغ ایتمش ایسه مده، بشیوز قدر قابل رکوب حیوانی قالدینی و بناء علیه
بونلرده آنجق اوراسنک خدمتی ایفا ایدیه بیله جکلری بیانیه کوندرلیدی [*].
تزد عاجزیده ایسه درت یوز قدر ضبطیه و معاونه سنواریسی جمع ایدلمش
ایدیسه ده، بونلرده دون دشمنی اوزاقدن کوردکلری آنده فرار ایتمش و بعده
آنجق یوز آلی قدری جمع ایدیلوب غازی شمویل محمد پاشا رذافته ویرلمش
و احاصل سواریسز قالمش ایدوکی لاجل المعلومات معروضدر. احمد مختار
ایشته رسمی اوله رق یازلمش اولان تلغرافنامه لک مالی قوتمزی و حالنزی
تصوره کافیدر. برنجی تلغرافنامه ده: (... بونلرک وقتیه ارضرومده اجتماعلری ده
الطاف باریدن مسئولدر) عبارده سیله بر ایلیشک بر اقیلیور. چونکه ارضرومه
کیدنجیه قدر ده بر قاچ نقطه ده روسلر ایله چاشمقاغمز ملحوظدر؛ و حالده
ارضرومه سلامت وصولمز حربک کوستره جکی طالعه و اوده لطف الهییه
منوطدر. آردهان وقوعائی اثناسنده در میان اولدینی اوزره، مختار پاشا
حضر تدرینک فکر مخصوصلری، قلعه و استحکام ایچنه قانو بده مملکت محافظه سی
کبی عسکرک قوت و متانت قلبیه سنی کسر ایده جک بر وظیفه نک درعه ده
ایدلمسنی قطعاً ایسته مز ایدی؛ بوجهته پک زیاده حال ناچار کیده ارضرومه
صوقولق اوزره ممکن اولدینی قدر طیشاریلرده حرب قبول ایتمک طرفنده
اولوب، خصوصیه قارص و ارضروم و آرده انده محاربه دن اول سنه لرله یاباشی
اولان استحقاقاته صرف اولنان امک و باره به دائماً آجیر ایدی. واقعا ده او یله در؛

[*] صکره ادهم پاشا قومانداسیه بوشیوز قدر سواری بی حین حامی پاشا بزدن ایکی
کون صکره طاغدن طاغنه بزه واصل اولقی اوزره چیقارمش، انلرده پنگ و اولتی طریقه
در شملر. نهایت کورری کوینده اسماعیل پاشا اردوسیه بر اشدیکمز کون بونلرده بزه واصل
اولملرلدر. مکر حین حامی پاشا، صکره دن بوسواری حیواناتی محارمه اثناسنده قارصده
بسیله میه جکنی حساب ایتمش.

تجربه لرمزده بومطالعنهك صحيح اولديغنى كوستردى. متحرك عسكر فرقه لرندن بيوك استحكام وانلرك صدرندن اعلا قلعه اوله ماز؛ چونكه شمدىكي طويلر ايله برگره بر مملكت طوپه طوتلدىمى، عجز داهالينك فرياد واننى محافظ عسكر كوت قلبه طوقانيور؛ بشقه دولتلك عسكرى بيله مز ايسه مده، هله زمكيلر عادتاكدى كې اويورلر؛ محاصرين ومهاجين ايسه، بشقه بر متانت قلبه ماللك اولديغى حالده يورييور. تلغراقلر يازلدقن ودها اطرافله ايجاب ايدن مخابر لر بيتدكدن صكره صباح ايدلدى؛ دشمندن ينه بر حركت حس اوله مدى. اوكله يه ياقين دشمن اردوسنك عموماً چادرلرى سو كوله رك تكميل قوتيله طاقم طاقم طاغدن آشاغى اينمكده اولديغى كورولدى؛ بناءً عليه بزم عسكر كده آرتق اورالرده بارينه ميه جغندن پابندمز چوزولدى. كريسين كرى يه رجعت ايدىيورز اما، نره يه كيده جكز، نه باباجغز، اوراسى مجهول؛ حسابه بوكون اسماعيل پاشانك دلى بابا بوغازندن ظهور ايتسى ملحوظ ايسه مده، حالا كوزو كورده برشى يوق؛ تحقيق ايجون كوندري لان آدم لردن ده بر خبر ظهور ايتدى؛ مايوس مايوس طاغ وتپه لرك اوستدن يورودكجه، آرقه يه طوغرى كوزلرمك بريسي دشمنك خط حركتنى تحريده، ايكنجه يسي دلى بابا بوغازندن عجا نه ظهور ايدجك ديه كمال شدت استغائه ايله اكا انتظارده ايدى. زيرا اسماعيل پاشا نه حالده رجعت ايدىيور، آرقه س نه طاقلمسى طبيعى اولان دشمنه چاشوب ده سقامت وسلامتن هانكيسنده اولديغى بيله ميور ايدى. ايكي، اوچ ساعت قدر يول يورولدى و (مصلحت) قريه سنك اوستنده كى تپه ده عسكره بر موله ايتديلدى.

ايكنديدن صكره دلى بابا بوغازينه باقان دورينلرك احبابى، بوغازدن بايزيددن رجعت ايدن اردوسنك طيشارى قارنجه كې عسكر دو كولوب كلكده اولدقلىنى خبر وىرمسونلرخى!.. ايله برلشلى آمان يارب، عسكرده حاصل اولان سونجك وعوممزمده يوز كوسترن سرور وانسباطك درجه سنى قلمله تعريف ايتك ممكّن اوله ماز؛ ايشك ايجنده بولملى ده اونشوه نك تاثيرى ذوقاً آكلاملى؛ قريالعين اولق نه ديمكدر، ايشته انى بز اوراده، بو كوزلره كوردك وبودماغ ايله ذوق ايتك؛ آوتق برى برلرمزى تيرىكمى ديرسك، قيامتلر قوپيور!.. الحمد لله رب العالمين ديه ايجمزه سجدّه شكره قابانلرك ده حد وحسابى يوق؛ آرتق بالضروره اولديغمز يرده كى اقامتمز تمديد ايدلدى. بزم اوراده اولديغمز والحمد لله سلامتده بولديغمزك بيانى وانلرك حالندن بر خبر كيتيرمككّه برابر بمنه تعالى ياريني كون كوپرى كوينده برلشلمك

اوزره طوغریجه اورایه کلیری امری مختار پاشا حضرتلری طرفندن مخصوصاً اسماعیل پاشا حضرتلرینه بریاور ارسالیله تبلیغ اولندی، تا ساعت اون بره قدر اولدیغمز یرده بکلندی.

بوغازدن چقان بزم عسکرک آرتق آرقه سنک کلدیکی وصولمز کریسندن کلکده اولان دشمنکده قره اورغانله خوراسان قریه لری آره یرنده اولدیغی کورولدی. شو حالده دشمن کرک بزه و کرک اسماعیل پاشایه مساوی برمسافه ده بولنور؛ یعنی هرابکی طرفه ده ایکی ساعت اوزاقلقی اولوب، شوقدر وارکه اسماعیل پاشا جهته تعرض ایتدی ایجاب ایدرسه آراس نه ریجکی لازمدرکه بوراسی اولدجه اسباب مؤخره وعائقه دن صایله بیلیر. بزده وصوله کیجه نك حلولی مانع اولور. ایشته بومطالعمره مبنی اوکیجه اولدیغمز یرک جوارنده واقع مصلحت قریه سنده قالندی، امنیت قلب ایله برکوزل کیجه کچیرلدی.

صباحیسی، که تشرین اولک اون بشنجی کونیدر؛ دست شعبنده باز فلک تقویم عاگدن برحیفه دها چوریدی ویاتماشا محنه سندن برپرده دها قالدیردی؛ کوبری کوینه متوجهاً یوله دیزیلندی. آرتق برلشمکلکمزک کسب امنیت ایتسنه مبنی خوراسان جوارنده بولتمقده اولان دشمن ده، هر نه حسابه مبنی ایسه حرکت ایتیمزک اوزاقتن اوزاغه بزه سیرجی حکمنده قالدی؛ یاخود انک خوراسان جوارینه وصولندن ایکی ساعت اول اسماعیل پاشانک عسکری دلی بابا بوغازندن سوکولوب کلکده اولدیغی و بزمه اتحاد ایده چکنی مطلق بیلدیکندن. اوراده توقف ایله، اسماعیل پاشانک آرقه سنندن کلکی مقتضی اولان دیرقو قازوف فرقه سیله برلشمک ایچون مجبوراً آباق سورودی طوردی. ویاخود — عسکرلک بو! — بزه مجهول اولان سائر بریبب تأخره محکوم قالدی.

دشمن دشمنک حالندن بیلمزیا! شو کیجه صور محاربه سنک وقوع بولدیغی کون دشمن اوچ درت طاہور عسکر طاغدن آشانی بزم اوزریمزه صارتمش اولسه ایدی. بزدن هیچ خیر قالمز ایدی؛ اسماعیل پاشا جماعتی ده بوکونکی کونده کال افتخار ایله بزمه برلشه من ایدی. یعنی انلرکده اوکنی آلهرق، آرقه دن و اوکن وقوع بولان تضییق سببیه بریشان اولمش کلک کی برر برر آولار ویاخود طاغیدوب عمو ایدر ایدی. ایشته موسوقلر بویه بفرستی ده ضایع ایتدیلر. واقعا اسلاً غالب و موفق اولدقلرینه دیه جک یوق ایسه ده، بوحرکتی ده پامش اوله ایدیلر، سرمایه مباهات اوله جق صورته بزه بفرستی

ویرمز لر ایدی. زیرا بزم رجعت مژك عسكرك عالمیجه تاریخ و فن حرب نقطه نظر نردن
دکری پک بیوکدر. هم اسماعیل پاشا اردوینی قرق بوقدر ساعتک مسافه اوکی
وارقه سی و صاغ جناحی تهاکده اولدینی حالد قارصدن مختار پاشا حضر تلیرنک
چیقارمش اولدینی شوئرمه تایلر نك مانور سیله سلامتیه چیقدی. هم ده بزمکی
کمال متانتله کندی موجودیتی محافظه ایتدی. ایشته بوحال آنجق جناب حقک
توفیق و اسباب ظاهر یه سی ده ینه او حضرت توفیقک قوماندان پاشاده اوصرده
ظهور ایدن شأن تأنیکارانه سیدر. زیرا ذاتاً بوزلمش و اخلاقه جبات طاری
اولمش بر عسکرك، خصوصاً رجعت حالده ایکن مظفریتی تأمین ایتک خارقه سنی
آنجق جناب حقک قدرت مالانهایه سی کوستره بیلیر ایدی، نته کیم کوستردی.

بوکون ایکنیدن صکره کوپری کوینه عسکر مزله برابر واصل اولدق که،
اسماعیل پاشانک دخی بیشدارلری بعض اشیا و مهمات قافله سیله برابر کوپری
کوینه ایشلردی، بر ساعت صکره اسماعیل پاشاده کلدی، مختار پاشا حضر تلیله
او پوشوب قوقلاشدیلر. فقیرده اوفرته ده بولنان ارکان حربیه رئیس عا کف
پاشا که یار قدیم و محب اُنیم ایدی؛ انکله برلشدک، دنیا لر بزم اولدی. عسکرده
طاقم طاقم مواصلت ایتدی؛ کوپری کوینسک مناسب نقطه لرینه یعنی کویک
خارجنده کی تپه جکلره و سائر ایجاب ایدن موقعلره یرلشدرلدی.

اوکیجه، اعضاسی اسماعیل و مصطفی صفوت و غازی شمویل و محارب نك
اولنان مجلس مشور- اوئلندن بری ارضرومده ایکن بالا ایجاب اوکونلرده کوپری کوینه کلش اولان
تک قراری نتیجه سی شاعر مشهور فریق کاظم وارکان حربیه سی عا کف و قبودان محمد پاشا لر دن
اوله رق یالکیز مختار مرکب مختار پاشانک تحت ریاستنده بر مجلس عقد ایدلدی. او مجلسده، بوندن
پاشانک ارضروم جوارنده واقع دوه بونینه کلکی
کوپری کوینده عقد اوئلندن بری ارضرومده ایکن بالا ایجاب اوکونلرده کوپری کوینه کلش اولان
تک قراری نتیجه سی شاعر مشهور فریق کاظم وارکان حربیه سی عا کف و قبودان محمد پاشا لر دن
اوله رق یالکیز مختار مرکب مختار پاشانک تحت ریاستنده بر مجلس عقد ایدلدی. او مجلسده، بوندن
پاشانک ارضروم جوارنده واقع دوه بونینه کلکی
کوپری کوینده عقد اوئلندن بری ارضرومده ایکن بالا ایجاب اوکونلرده کوپری کوینه کلش اولان
تک قراری نتیجه سی شاعر مشهور فریق کاظم وارکان حربیه سی عا کف و قبودان محمد پاشا لر دن
اوله رق یالکیز مختار مرکب مختار پاشانک تحت ریاستنده بر مجلس عقد ایدلدی. او مجلسده، بوندن
پاشانک ارضروم جوارنده واقع دوه بونینه کلکی

عسکریه به تفتیق حائده کوروله جان نقصانلری تصحیح ایتدرمان وایتمک اوزره اوکیجه دوه بوینه متوجها کوپری کویندن چیتسی لازم اولدیفنی وکنیدنک غیوبتی مدتجه عسکره قومانده ایتمسی اسماعیل پاشایه تابه ایله برابر شوراسنی ده تعیین ایتدی که روسیه لی خوراسان جوارنده بولندجه بیوده ره کوپری کوی ترک اولنهرق دوه بوینه کانسون و اوقدر اراضی و کویار دشنه چیکتدیرلسون. شاید دشمن حرکت ایدوب کوپری کوی اوزرینه کلکده اولدیفنی تحقیق قنور ایسه او حائده آره یرده بش آلتی ساعت قدر برمسانه اولدیفندن اندن اولجه طو ورا نیلوب طوغریجه دوه بوینه کانسون وعودت ایدر ایکن یول حسن قلعه قصبه سنک ایچندن کجه جکندن، هر حائده عسکر بو قصبه یه صوتولیه رق قصبه نک طیشاریسندن طولاشدیرلسون. ایشته بوتملیات وقرارک فاتحه سی چکلدکنصکره مختار پاشا حاضر تیزی، فقیرده برابر بولندیفم حائده اوچ بش سواری ایله کیجه نک ساعت اوچ ودردنده کوپری کویندن چیقدی. ایکی ساعت سورمدی حسن قلعه سنه و طوغریجه تلغراف خانه یه ایندی. ارضرومده بولنان مشیروکیلی حسن تحسین پاشایه : (ارضرومده تقدرمأذن و مأمور ارکان حرب وپراکنده مکتبلی ضابطان واریسه شمدی قالدیریکنز؛ جمله سی فجرله برابر بنی دوه بوینده بولسونلر) امرینی ویردی. ینه حیوانلره بنیلهرک حسن قلعه سنک اوچ ساعت بریسند بولنان قوربحق قریسه کندی. صباح اولغده ها ایکی اوچ ساعت زمان استیوردی. مشارالیه برپازچه اویقو کس دیرمک ایچون قوربحق قریسه ایندی؛ فقیرده حاضر اورایه قدر ککش ایکن کیدوب برایکی کون ظرفنده چولوق چوجغک برچاره سنه باقدکنصکره دوه بوینه کلوب پاشا حاضر تریله براشمک اذنی آله رق کیجه لین یوله دوام و فجرله برابر ارضرومه موصلت ایتدمک عالم ده اویقوده ایدی.

برایکی ساعت صکره حکومت قوناغنه کیتدم وخصوصیله بزم دیوان تمیزه اوغرامدم. باقدم؛ هرکس ایشیله مشغول! عالده نه قیامتار قویبور، اردولر نه حاله کلدی، هیچ کیمسه نک خبری بیله یوق!! آرقداشلر نقیری کوردیلر، ممنون اولدیلر؛ بزده اولدق. صاغلق و صحته متعلق تعاطیلی عادت اولان سوزلر بترله کدن صکره بحث احوال جاریه یه ونم نیچون ککش اولدیفمه انتقال ایتدی. کلان لکتر بن دگر بنون اردونک ارضرومه کلکده موسقولک دمی واردولری لعقیب اتمکده اولدیفنی آکلادجه، صکر هیچ بریشدن، حتی قریب آلاجه حائده بولنان بولندن اون اوچ کون اول دویمار عزیمت اولان اردونک حائندن

بیله خبرلری یوغیمش. عمومی برفالقی آلدی. محکمه نك امور جاریه سی تعطیل اولندی. فقیرده اوصورتله خبر ویردیکمه ندامت ایتدم اما، برکره اولدی ! چونکه وقعهر ایچنده بولان آدم ولو حریق قدر مهم بیله اولسه، ینه اهمیتی خارجدن باقانلر کی تقدیر ایدم یور؛ ایشک ایچنده بولانلرک دهشتی، طیشندن کورنلرک دهشتیه برابر دکلدز، واقعات طیشندن پک دهشتلی کورینور. هیئت محکمه نك دوجار اولدینی دهشت فقیرده یوغیدی؛ ویاخود بز او دهشتی کوردک کچیردکده بزدن صکره اظهار دهشت ایدنلرک حالنه شاشدق قالدق. مسئله بولنلرک هانکیسیدر، اوراسی محتاج مطالعه در. هر نه ایسه فقیر ارضرومده امور ذاتیه بیتیم ایله مشغول اولیم؛ کله لم مختار پاشانک و کوپری کوینده کی اردونک حالته : مختار پاشا کون دوغمزدن اول دوه بویننه واصل اولور؛ و ارضرومدن ایستدیکی ضابطلرک بعضیسی کلش بولور. برابرجه، پاپش و یاپلقده بولنیش اولان استحکاماتی، که خفیف خندقلردن عبارتدر؛ کزدرلر. اندن صکره اوموقک آرقه جهتلری زهرلدر و هانکی طرفلردن، فصل یوللر کلیور، او یوللری مدافعه ایدمک فصل مواقع وار، انلر معاینه و تدقیق اولنور. شورایه برطابور بورایه سکز بلوک کفایت ایدر؛ شوتیه به بش طوپ قونلیدر کی یاییلان ترتیبات یازیلیر، اوضابط افندیله وریلیر، و تصحیحاً تعیین اولسان خط حرب ارأه ایدیلهرک ده زهرلینه، فصل خندقلر یاپلسی لازمکه چکی دخی انلره اکلا دیلور، اقشامده اولور. او کیجه مختار پاشا او جوارده واقع توی قریه سنده قالیر؛ صاحبینده مذکور قریه نك اطرافده کی جبال و صحاری بی کوزدن کچیردکن صکره دوه بویننک صول جناحی، و برده کورجی بوغازی دنیلان و اولتی و آردهانک ارضرومه متوجهاً کلان یوللرینک جمعی بولان موقعی کورمک ایستر.

اوکله وقتی اورایه کیدر ایکن کوپری کوینده کی بزم اردونک دوه بویننه کلکده اولدینی خبرنی آلیر، وحتی کلکده اولان اردودن بعض طوپ و تفنک سسلری ده ایشیدر، مراق ایدرک دوه بویننه عودت ایدر. عسکرک بوزوق و پریشان برحاله کلکده اولدینی کورور تلاش ایدرک سببی صورار؛ رجعت ایدرکن دشمنک بش آلتی آلائی سواریبی آرقه لرینه طاقیه رق واردونک دمدلرینی تضییق ایلدیکی صروده عموم عسکره بر اورکوتی مستولی اوله رق نظاملرینی غیب ایش ایشه لرده، حمد اولسون بشقه وقوعاتلری اولمدیغی مشارالیه اسماعیل پاشا، مختار پاشایه افاده ایدر. مختار پاشاده ایشی تمامیه آکلایه رق

بر کون اولجه تعیین اولنان مواقعه عسکرک تعیمه سی ایشیه مشغول اولورلر .

شوراجقده مهم بر حالق قیدی لازمدر که اوده، اسماعیل پاشا بایزیددن عودت ایدر
ایکن مجرد، کردلر محل آسایش بر حال وقوعه کتیر مامک اوزره نزدنده کی اردودن
ایکی طابورک نفریقیه بارگیری یه کوند رومی مسئله سیدر. چونکه قرار سابق وجهله
حین رجعتنده قائم مقام احمد بک قومانداسیله او ایکی طابوری بارگیری یه سوق ایتمشیدی.
دردنجی اردونک نظامیه وردیقلری بدایت اعلان حربده هر طرفدن موقع
حربه سوق اولدوقلری صرده کردستانک بعض یرلرینه قونق ایچون آلتچی
اردودن یعنی بغداددن بعض طابورلرده سوق اولمشیدی. بایزیداردوسندن بالتفریق
بارگیری یه کوندریلان ایکی طابورک کفایتسز لکنه مبنی بتلیس ووانک ایلریسنده واقع
جوله مرک قضا سنده بولنان ایکی بغداد طابورینک بارگیری یه جلبی وسائلی استحصال
وبوجهله وان حوالینک آسایشی استکمال قلمشدر. فتاملوا یا اخوان !

اردولر مرز دشمن دین و دولت قارشوشنده طاشدن و آغاجدن آدم آزادقلری
صرده بزم کرد آغلاری اخلال آسایش اهالی ایتسونلر دیه طابورلری میز حردن
آیقویوروز ! ایشک فلسفه سی دوشونیلور ایسه بزم عسکری حردن منع ایدن
قوت روسلرک خادم منفعتدر. دیمک اولور که (لااله الا الله) کلمه سنک آتنده
اجتماع ایدن و دولت علیه عثمانیه تابعیتده بولنان جماعتدن حسب الجهاله روسلرله
متحد تبعه مزده واردر ! ...

نه اوزاغه کیدیوروز ؛ قریم محاربه سی صره سنده دولتک اردولری روسیه
محاربه سیله مشغول وقارص قلعه سنده کی اخوان دینمز محصور ایکن ، دیاربکرک
بهتان عشیرتی اکرادندن عزالدین شیربک نامنده بردنی، باشنه طویلا دینی حشرات
ایله جوارنده بولنان کویلری یاقدی، ییقدی ؛ صکره ده سعرد شهرینه هجوم ایدرک
مملکتی و حکومت قوناغنی و کافه مأمورینک خانلریغنی یغما و بعضیلریغنی ده قتل
ایلدی. دولت اولوقت میرلوا قواقلی محمد پاشا قومانداسیله عسکر کوندروب
اندلی تربیه یه مجبور اولدی. ایشته بووقعه یی ده یاپانینه اسلامیت نامی آتنده
اجتماع ایدن جماعتک بر قسمی ایدی. فسبحان الخلاق ! نه قدر اخلاقسزلق ، نه رتبه
جهالت و نه درجه خیانت مستولی اولمش که، جرمنغت هوسیه کندلی اویتمیزی
أخرله بیقمغه و اخوان دینمزی اسیر ایتدیرمکه چالیشیوروز. ملل و دول سائرلرک
اتحادینه وافرادی بینلرنده کی حب ووداده قارشو آدم بویله شیلری یازمقدن
— دکل یازمقدن حتی تخطر ایلکدن بیله — حیا ایدیور ! ...

غرائبك اداره به تعلق آيدن بر قسم معيبي ده بو عز الدين شير بكي طوئوق ،
استانبوله كئوردك ؛ بر مدت محبوس و منفي قالدقدنصكرده بو ذاتي مكافاة متصرفه قلدرد
قوللاندق !! ؟ آر كرده ، پرده زده ، الحاصل يانيه ولايتك اكثر سنجاقلرنده
وروم ايليك ده بعض برلرنده استخدام ايتدك ، رتبه لر ويردك ! كويا ايتديكي خدمتي
استحساناً كنديسني بين الاقران ممتاز قلدق !! عز الدين بك حضرتلرنك حر كات
خائنانه سندن زياده ايش ارلر ينك معامله جاهلانيسي شايان استغراب دكيدر !! ...
الحاصل اندم بو كر دستانك احوالي هر حالده شايان دقتدر . صدد شمر رنده
اولديغمز طقسان درت سنه سي محاربه سنده بيله درسم ولايتك اكرادي آلدی
يور يور ددی ! درسمه جوار كويلري ياقوب ييقديلر ، حكومه قارشو حر كات
عصيانيه جرات ايتديلر . واقعا اولردا ما وحشت حالده ايسه لرده ، شوموسمده
وشوعصرده اويله آنا طوليك و هر طرفي اولدقجه مدني مملكتلرك اورتيرنده بيله
وحشي جماعتلرك بولمسي عبي حكومت مزه عائددر . ايمانم زده ده يز ! افر يقاچوللرنده مي
بولنيورز ؛ يوقسه سبريانك صحراي واسعنده مي ؟ زمان انلرك بيله چاره لر ينه باقمق
تصوراتيله مشغول ايكن بزم كر دستان قطعه سنك حاله آجنامق ممكن دكلدر ...

جانم بز بو آدمارك منفعتلرندن واز چكدك . باري دولتك مشغول اولديغي بر
صرده مضرت ايضاع ايتسه لر الك بيوك منفعت و فائده لر ي او اولمش اولور . كله لم صده :

كوپري كويندن
رجعت ايدن ار-
دوئك بوزلعي
واسبابي

سز عسكر دن شوتلغرافي آليز :
« او طرفده بولنان اجنبي مأمورلرنك منسوب اولدق قري سفارتلره اعطا
ايتدكلري معلومات اوزرينه ، كويا اسماعيل پاشا حضرتلرنك كوپري كويندن
حسن قلعه و قوزيچق كوينه حين رجعتنده بر خوق مهمات و ذخائر ي احراق و اتلاف
ايلديكي روايت اولمقده ايسه ده بو كادائر هنوز طرف آصفانه لرندن بر كونا اشعار
وقوع بولمديني جهته بك ده صحيح نظريه باقيه مز ايسه ده ، خدانكرده بيله بر شيك
ظهوري حالنده بالطبع معلوم عاليلري اوله جني دركار بولمش اولديغندن صحيح
اولوب اولمديغتك و اولديقي حالده احراق اولنان مهمات و ذخايرك سبب
و منشأئك و مقداريله جنسنك لطفاً اشعار ، و پاسبين علياده دشمنك ضعيت
و قوتنه قارشو اتحاد بيوريلان خط مدافعهك و كورجي بوزاري و جوارلرنده
همت عليه لريله ترتيب اولنان طبقات تدافيعهك لطفاً از بار بيورلمسي باخصاصه
هم عليه لرندن منتظر در اندم . ۱۹ تشرين اول سنه ۱۲۹۳ مضافي

جوانی بود :

۱۹ تشرین اول سنه ۹۳ تاریخی و شفره‌لی امر تاغرافیلری جوایدر .
 کویری کوئی مدافعه‌یه صالح بر نقطه اولمدینی جهته اورادن بر مدافعه محله
 چکامک مقتضی واسباب نقلیه‌ده کی احتیاج دخی بدیهی اولدیغندن حین رجعتده
 کرک کویری کوینده و کرک جواری اولان دکرمنلرده کی تقریباً اوتوز قرق
 بیك قیه مقداری دقیق و مقداری مجهول اولان بغدادی دشمنه قلماسق اوزره
 صوبه دو کدیرلمش و یاقدیرلمش ایسه ده مهمات و سائر ضایع ایدیلهرک کتورلمش
 و یونلردن حیوانی چاموره صاپلانانلرک قالمش اوله جغی طبعی بولنشدرد. شمدی
 طوتیلان خط مدافعه بحثه کاتجه : اولجه دخی عرض اولنمش اولدینی وجهه
 جبهه من قوربحق قریه سی و خط حربی منی چاینگ صاغ ساحلی اولوب صاغ
 جناح من چپلی قریه سی قرینده کی طاغه مستند و صول جناح من دخی کوچک
 توی قریه سنک کریسنده و اوستنده واقع چوبان دده طاغیدرکه، اورادن کورچی
 بوغازینه و ارضروم اووه سنه کچله جک طریق سد اولنور. قوه موجوده من
 آتجق بوخط حربی تشکیل ایدیلدیکندن اصل کورچی بوغازنده شمدیلک
 برشیمنز یوقدر. طربزوندن کله جک طابورلرک و رودینه انتظار اونیور؛ فقط
 ارضروم اووه سنده کی قره صویک بعض محالری سد ایدیلهرک اورالده بطاقلق
 احداث ایدیلدیچون مأمورلر کوندرلیکندن شمدی کورچی بوغازندن ارضرومه
 ایکی یوله ورکه آنرده توجه ایدرکن صاغده وصولده قالان طاغیرلرک کوریدر.
 وصولده قالان طریق چوبان دده طاغنگ آتشی آلتنده اولوب فقط صیغنده
 قالان طریق طاغنگ اتکیله ایلجه قریه سنه قدر کیده جکندن بونک ایچون دخی
 طابورلرمنک حین ورودنده ایجاب حاله باقیله جغی، فقط دشمن ایچون اوحرکت
 بکده آئی اوله میه جفندن شو حالده عسکرمن ثبات ایتدیکی حالده بحول الله
 ارضرومک تأمین اولنمش ایدوکی و عسکرک اخلاقی تصحیح ایچون اوچ کوندر
 صباحدن آقشامه قدر بالذات کزوب جمله عطف و نصیحت و تهدیدات ایله
 اوغراشقد و عموم استحکاملری کندی الله یاپدیرمقده اولدیقم معروضدر.

احمد ختار

۲۱ تشرین اول سنه ۹۳

ایشته بوتاغرافنامه جوایدن دوه بوننده اتخاذ اولنان خط حربک صورت
 تأسیسی و عسکرک تمیه سی آکلاشیلیر. اصل شایان دقت برشی واردرکه، اوده:
 (عسکرمن ثبات ایتدیکی حالده ارضرومک تأمین اولنمش اولدینی ...) فقره سیدر.

بوسوزی یازمق بر ایجاب و حکمتدن ناشی ایدی. چونکه مختار پاشا کورچی بوغزینه چمک اوزره توی قریه سندن حرکت ایتدیکی صروده، کوپری کوبنده کی بزم اردونک عودت ایتمکده اولدیغنی کوردی. آراقده طوپ سسلری دخی ایشدیکندن حقیقی آکلامق ایچون کورچی بوغازی سفرندن صرف نظر ایشیدی. دقت اولدیغنده قوریحق قریه سندن بری آققده اولان عسکرک بری برینی چیکنرجه سنه عادتاً فراراً کیکده اولدقلری کورولمسيله، اوآنده ایشک رنکی بوسبتون دیکشور.

عسکری دوه بونی خط حربنده طور دیروب ارضرومه تجاوز ایتدیر مامک ایچون ارکان حرب لواسی عاکف پاشانک ایلری یه قوشه رق دوه بونیه کتیردیکی طوبلری فراریلرک اوکنه دیزوب، برخطوه ده ایلری ده تجاوز ایده چک اولورلرسه جمله سنی شراپنل ایله قیره جغنی باغره رق خلقه اعلان ایلکده ایکن مختار پاشا حضرتلری ده عاکف پاشانک اولدیغنی یره واصل اولور وعسکرده طور دیریلور، تکمیل کلانلرک آرقه سی آلتیر؛ اندن صکره آلا ی وطابور هیئته قونمق اوزره ترتیبات وتنظیماته باشلانلیر. برکت ویرسونکه اوکون وفرداسی کون روسلر بوعسکر مزنی ده تعقیب ایتما مشلردر. اگر یورومش اولسه لردی، هیچ سلاح آتقمسزین وبرآدم اولدیرلمکسزین بزمکیلرک ایزی صره بلا مانع ومزاحم طوغریجه ارضرومه کیرلر ایدی. بونک سینی مختار پاشا حضرتلری اسماعیل پاشادن سؤال ایدر؛ دوه بونیه کلیر ایکن دمدارلرینه برقاچ طوپ آتهرق دشمنک تعرض ایتسنی، ایلریده یول یورومکده بونان عسکرک ایشتمسيله برابر اورکدرک فزازه باشلادقلرینی وبردلو اوکلرینه کچیه مدیکنی حکایه ایدر. ارزاق ترک ایدلکیکی، جبخانه فلان براقلدیغنی سویلر؛ ویاخود اوصورتله لوازمات ترک اولندیغندن کرچکدن خبری یوغیدی. زیرا ایش بردرجه ده قارشمش ایش که، کیمسه نک کیمسه دن خبری یوق دینله چک حاله کش ایش.

نه وقتکه ایش سفارتلردن قویه عکس ایدرک کیفیت سرعسکرک بر تلغرافیه مختار پاشادن سؤال اولنور؛ اووقده اسماعیل پاشا، مختار پاشانک جواباً چکدیکی تلغرافده بیان ایلدیکی وجهله جواب ویردرده، انک اوزرینه اوتاغرافنامه اویله جه چکیلور. فقط صکره دن یعنی تعیه ایشلری بیتدکدن صکره ارکان وامرا وسائر ضابطان ایله کوروشلدی. ایشک ووقعاتک، اسماعیل پاشا حضرتلرینک دیدکلی کی اولمدیغنی آغزندن آغزده شایع اولهرق آکلاشلدی وصکره روس اوراق

مطبوعاتك اردومزجه مطالعه سيلاهده بيلندي كه، بزمكيلر رجعت ايدر ايكن روسيه به بش يوز بوقدر نفردۀ اُسير و يرمشالر . اوراسني كتم ايدرك اسماعيل پاشا حضرتلري هيچ سويامشالر ايدى و ياخود هنوز خبر آلهاماش ايدى .

مسلهك حقيقتى شويله اوليوركه، مختار پاشا اردوي اسماعيل پاشا قومانداسنه ترك ايدرك كيجه لين كوپرى كويندن آيرلقدنصكره صباح اولمش و اوكله دن صكره به قدر روس اردوسندن بر حركت كورولمديكي ايچون بزم اردو يرندۀ قانش . ايكندي به طوغرى روس اردوسنك ايلرولمكدۀ اولديني خبرى كلسيله بونلرده بروجه تعليمات كوپرى كويندن عسكرى قالد يرمشالر . اردونك كوپرى كويندن كلياً قطع علاقه ايتى غروب دن صكره به قدر مدت اولمش . كيجهنك ساعت ايكي بچق اوچنده حسن قلعه قصبه سنك بر كنارندن كچمشالر ؛ ينه تعليماتلري وجهله قصبه به اوغراماشالر اما، هيئت اجتماعيه ايلدرسا اوغراماشالر ؛ يوقسه پراكندۀ اوله رق يغورت بولمق، يورطه آرامق، قهوه ياخود صواچمك، اكمك ياقه لامق ايچون برر، ايكيشر، بشر خيليجه نفرات قصبه به داخل اولمش ايمشالر . اسماعيل پاشا حضرتلري ده قصبه دن دها بر ساعت قدر ايلري به كچوب بوكلك تعبير اولنور چاليلقده بر يردۀ اينهرك عسكردۀ اورادۀ بر يزدۀ موله ايتد يرمش ايمش . اردونك دوكونتيسني بكهلمك اوزرۀ كيجه اورادۀ ياتمغه قرار و يرمشالر . اوحوالينك موقعى ايجانجه موسم قيش آغزلري اولديغدن پاشا حضرتلري چالي چربي طوپلاند يردق بر آتش ياقديروب اطرافنه بعض امرای عسكريه ايله طوپلانوب اونور مشلرده لقردى به طالمشالر .

اوصردۀ آكسزين برطوب باطلار؛ كولله سى بزمكيلر ياقديني آتش ياننه كابوب دوشر، هر كسى بردهشت استيلا ايدر . ديركن بردها، آرقه سندن بردها طوب آتيلوبدۀ كوللهرلى عسكرك ياقدقلى آتشلك اوزرينه طوغرى دوشنجه اورتالقدۀ دهشت زياده لشور . آتشلر اطفا ايديلير، عالم زفيرى قراكلق ايكن آتشلك انفطاسيله بتون بتون كوز كوزى كورمز برحاله كاير؛ عسكردۀ جوربا كى بر يرينه قارشى برق اولك طرفلرينه يعنى طوب آتيلان موقعك خلافي جهته طوغرى بر يرينى باصه رق و هر كس لوازماتى وساير اوتوسنى برينى طوپلامغه وقت بوله ميه برق طبانه قوت فرادۀ تصدى ايدر . اركان وامرا : (به امانك ! ايتيك، كيتيك، طورندى بقالم ايشى آكلايهلم، برچاره سنى بولهلم) ديه عسكرك اوكنه طورمق استرلر ايسه دهنه نمكن كيجه وقتى كيم كيمه ! لاقردى اصغالدين بوقك ...

دیرکن اوصبرده وظیفه عسکریه سنی جداً التزام ایدن امرادن بعضیلرینک
الدرینه بوزولماش برایکی منتظم طابور کچر؛ بوطابورلردن عسکرک توندقلری
یرک کیریسنه طوغری برخط چکەرلر. روسیه سواریسینی قراقلقده بوخطک
اوزرینه دوشر، برقاق ال آتش ایدرلر. سواریلر کری چکیلیر، صباحده یاقین
ایمش، صباح اولور. بزم بوزغون عسکر ایسه قوریجق اوفدسینه طوغری حالا
قوشوب کیدیور. کریده قالان اوایکی طابوره دشمن مسلط اولور، طرفیندن ده
برقاق طوپ آتارلر [*] ایشک اوکنی آلتق وعسکری باری دوه بویننده اولسون
طوردرمق ایچون ارکان حربیه رئیس عاکف پاشا نزدینه بربطاریه طوپ آلهرق
ایلرییه قوشار وجهله سنی طوبله محو ایده جکنی اعلان ایله عسکری اوراده
طوردیرر. پیدرپی عسکرک آرقه سی کلیر، اوراجته ییغلیر، بعدد تنظیم و تعصیه اولتور.
مکرسه بزم اردو کو پری کویندن قالدینی کبی، ذاتاً حرکت اوستنده
بولان موسقوفک برقاق آلائی سواریسینی برسواری بطاریه سیله اردومزی تعصیه
ایلرولر. عسکرک حسن قلعه قصبه سنک ایچنه پراکنده اولهرق طالمش اوله جقلارینی
تخمین ایله حکم ایدوب (ائنی رجعتده حسن قلعه قصبه سنه کیرلماسی امرینک
ویرلسی بومطالعیه مبنی ایدی) دشمن برقسم سواریسینی قصبه سنک اطرافنده
قره غول هیئتنده برقهرق ینه یولنه دوام ایدر. بزم عسکرک ایلریده موله ایتیش
و آتش یاقش اولدقلرینی کورمسیله صاغ طرفده بولان اوفه جق برتهیه طوپلرینی
چیقارر؛ بزم آتشلری نشان آلهرق کواله لری صالیورر. اورته لق آلاق بوللاق
اولهرق قاریشدینی کبی سواریسینی ینه هجومه بیدیرر ایسه ده، اوکنده بولسان
برایکی منتظم طابورمزک آتشی یهرک طورمغه مجبور اولورلر.

بوصدا ودهشت قصبه ایچنه طالمش اولان عسکرک قولاغنه یتشدیکی کبی
کیمیسی طابورینی بولق ایچون قوشار ایکن طوتولور، کیمیسی قصبه ده صاقلانیرده
صکرده دن یاقه بی آله ویرر؛ الحاصل بویله بویله بشیوز بوقدر نفرده اسیرمز
وقوعبولور. آرتق نه قدر جبجانه مز دشمن آله دوشدی، نه قدر مکاری بارکیرمز
ضایع اولدی. انلرک حسابی بولق کوچجه در!

اسبانی تدقیق اولتورکن کیمیسی قباحتی بزم دمدار سواریلره ویردی. کیمیسی
خیر؛ عسکر موله ایتمن ایچون ایندیکنده قره غول اولدق آرقه یه براقیلان طابورک

[*] ایشته مختار پاشا حشرلرینک توی قریه سی اوزرنده ایکن ایشتدیک طوپ سسلری
بونلر اوله جق!

یرنده طور مامش اولمىندن تولدايتدىكى مطاعه سنه ذاهب اولدى، هر كس ديكرينه عطف قباحت ايدرك كندىنى تمىزلمكه چالشدى. الحاصل حقيقت قصور كيمده اولدىنى بيلمه دى كيتدى.

بكا قاليرسه حقيقت قصور، اوصرده منتظم اولارق موجود بولنان ايكي اوچ طابورك غيريسى بولنان اوتوز طابورك بىكباشيلرن ددر. او ايكي اوچ طابور نچون منتظم قالدى؛ اوتە كىلر نەدن قالمه دى ده اوله جه پريشان اولدى؟... ديمك كه بوزيلان طابورلك بىكباشيلرى يوزباشيلرينه، چاوشلرينه، حتى نفراتنه قدر افكار و تربيه عسكريه نى سرايت ايتدزمشلىر. صنعتلرينه مراقلىرى وار. ديكر بر قسم ضابطانمز كى مجرد تعيش ايتمك ورتبه آلمق ايچون عسكر اولماشلىر. اكر اوكون او ايكي اوچ طابورك وجودى اوليه ايدى، درت بش آلاى دشمن سواريسنك اوتوز بوقدر طابورلق براردوى تكميلاً اسير ايدە جكنده شهبه يوق ايدى. ايشته او بىكباشيلرك افكار و تربيه عسكريه نى سايه مننده اردو اسارتدن قورتارلدى. باقنكه وظيفه شناس اوچ نفر بىكباشينك وجوديله ايش نه اوليور؛ يا علمده ضابطان عسكريه مز هب بويله اولسه ايدى، عثمانلى اردوسى شهرت مظفريتله بتون حمادينە قان آغلانير ايدى. خطا ايتديكم برجهت ده او بىكباشيلرك كافه سنك اسمارنى اونوتمش اولديغمدىر. زيرا اول وقت بويله برسر گذشت يازمق آملنده دكل ايدمكه ادواتى اولدن برى استحضار ايدە ايدم. ويا خود او وقعەنك ايچنده بالذات بولونوبده كوزملى ايدمكه خدمات مقبوله ابراز ايدنلرني خاطرده طوته ايدم. فقط اوله ظن ايدىيورمكه طابورلك بريسى دردنچى اردونك برنجى طليعه طابوريدىز بىكباشيى ده محمد افنديدر. ها! خاطرمه گلش ايكن شوراجقده استطراداً برشى دها يازمق ايستم بواوراقى تسويد ايلديكم صرده مصرده اولديغىي برقچ یرده سويتشيدم.

مصر كمركلرينك مدير وكيلى آلمانىلى موسيو آشيت نامنده بريسى ايله ده بالمناصبه كوروشلمشيدى. بركون موسى ايه وداعه كلهرك مأذوناً آلمانىايه آشيت ايله كچن صهبه كيمده جكنى و آبرلك اون بشنچى كوتى مطلقاً آلمانىايه بيلم نه قىيتمنده برمحاوره مز موجود بولمىي لازم كله جكنى سويلدى. بوسوزلىرى سويلر ايكن او قدر نشوه و انبساطى وار ايدمكه كيغندن آغزنى قولاقلرينه قدر كيدىيور و همان اوساغنده هر سعادتي احراز ايتمش ويا ايدە جكمش كى برطور مساز ارايه ايدىيوردى. خير اوله موسيو بوقدر تعجيله، بورتبه سونجه سبب ندر؟ ديه سؤال ايتمه؛

بيلم پروسيانك هانكي محاربه سى ائناسنده كنديسنك الآن ملازمى اولديغى رديف طابورى اوقصبه ده تشكىل ايتش ، اوده آلمانيا اردوسنجه بر مشهور طابور ايتش ؛ بوسنه ك آبريلنده اوطابورك تشكىل اولنديغك تمام ايكي يوزنجى سنه سى ايتش . انك ايچون اوملكتده ، اوطابورده شىلكر ياپيله جق ، ضيافتلر اوله جقمش . بيلم هانكي كون هانكي ساعته ده آلمانيا ايمپراطورى اوطابورده كلوب ويري له جك ضيافته حاضر بولانه جقمش ؛ ضابطان ايله يمك ييه جكمش . كنديسى ده آرقداشلىرى طرفدن دعوت اولنش ، انك اوزرينه حكومت مصرينه دن اذن آله رق عجاله مملكتنه كىتمكده بولنش اولديغى وحى ايمپراطور برلندن اوقصبه يه شىندوفرله يدى ساعته ده كله جكنى ويدى ساعت قدر طابورده بولنه جقنى بيله تحقيق ايتش . الحاصل ايشى اولقدر افتخار ، اولقدر مباهاات ايله نقل و حكايه ايتدى كه ، اقبالك صوك درجه سنه صوك ساعته ده بولان بر آدمه ممكن دكلدر كه اورته انشراح طبع كورولسون . آرتق بن كندى طوته ميه رق ؛ وار اولكنز آلمانلر ! آفرين آلمانلر ! سزده وسزك افراد عسكريه كزده بوفكر تعالى وبوقدر افكار عسكريه وغيرت مليه ومحبت وطنيه موجود اولدقه دنيا ده سزه غالب كله جك هيچ بر حكومت و دولت تصور ايتمكز . البته شرف وسعادتك صوك درجه سنه ارتقا ايده جكسكنز سوزلرينى بلاختيار سويله رك اويله برتريه و اخلاقه مالك اولدقلرندن طولايى كنديلرينى تبرىك ايتميشيم . شمى كورلسونكه افكار مليه وعسكريه نه ايتش ؛ وحب وطن نصل اوليورمش !.. اسكى و قتاردن صرف نظر ، يكيچرى عسكرينك لغوندن صكره بزده وقوع بولان محارباتده عجا دولته ملتته حسن خدمت ايدن طابورلر هيچ يوقيدر ؛ بك چوقدر ، لكن كيمسه نك مال وقيد ايتدىكى يوق كه ، انلرك اساميسى الى ابدى الدهر بر كذار و خاطر نشان اوله رق قالسون !.. مثلاً بيك ايكي يوز ايتش تاريخنده كچن قريم محاربه سى ائناسنده مشهور اولان (سليستره مدافعه سى) نده كونا هيه رديف طابورينك ثبات و بسالتى اولوقت هر كس يىننده بر مثل سائر حكمنى آلمشىدى . از جمله يوقاريده يازلديغى وجهله ، ايلولك يكرمنجى كونى يخنيلرده وقوع بولان محاربه ده كوچوك يخنيده بولان دردنچى اردونك اوچنجى طليعه طابوريله ارضروم تالى طابورينه مقابل دشمن يكرمى بر طابور دكيشدير مكه مجبور اولدى . بزم بو طابورلرده نه ييكباشى ، نه يوز باشى قالماش ؛ طابورلر كيجه نك قراكلغنه قدر آچ و صوسز اوله رق آتشلر ايچنده سلاح

استعمال آیلش اولدینی حالده دشمنه غالب کلسدر . اندن صکره خدمتلینی تحسیناً بواکی طابورک سنجاقلرینه نشان ویرلدی ایدی .

ایشته شمدی هر (ایلوک یکرمنچی کونی) اوطابورلرک یوم مخصوصی عد ایدلسه و اوکون ضیافتلر ویرلسه ، مولودلر و قرأنلر اوقودلسه ، کیجه سی ده فشکرک آتیلهرق ، چالغیلر چانهرق طابورک بایرامی اولدینی خلقه و عموم عسکره اعلان ایدلسه فنامی اولور ! .. اوطابوره منسوب اولان ضابطان ، ولو اواسکی ضابطان ونفراتدن برفرد ، برنفر قالمش ایسه بیله ، بز فلان طابوردن یتشدک دیه افتخار ایتمزلرمی ؛ سائر طابورلرده بونلره غبطه و بو طابورلرکی بر اسم قزانق املنه دوشمزلرمی ؟ بو حال عموم اردولرمزده افکار عسکرینه نک تأسس ایتسنه سبب اولمازمی ؟ .. الحاصل چوقشی اولهجنی ایچون هیچ برشی اولماز و هیچ برشی ده یابلاز والسلام ؟ !

عسکر دوه بوینده کی استحکامات خفیفه تعیه اولندقدن صکره استحکاماتک محتاج تصحیح اولان یرلرینی تصحیح ایتک عملیاتنه قوشدیرلدقلری کی برطاقم نقاط مهمه ده دخی یکی یکی شیلر یایدیرلغه بدأ ایدلادی . موسقوفده کلهرک حسن قلمه سیله دوه بوینک آره برنده واقع دوزاووونک دوه بوینی جهته یاقین اولان یرنده واقع قورویحق کوینک بری طرفده دوه بوینه موازی بروضعیتده موقع طوتهرق اردوسنی قوردی . آره یرمزده کی مسافه یدی سکز کیلومتره قدر آنجیق تخمین اوتوردی . بزده هب چادرلرمز یابلادی . اوراده بتون بتون قیشلامق احتمالی اولدینی کی ، حسب الموسم اوکونلرده چادرلر ایچنده آتش یاققسزین اوطورملق دخی ممکن اولدیغندن ، عسکرایله سفر برلکده زمان یگیرمش اولان ذواتک معلومی اولدینی وجهله چادرلر ایچنده برر اوجاق ده یایدیرلدی . حتی فقیر بیله چادرده برمنتظم اوجاق یایدیرمشیدم .

تشرین اولک یکریمی ایکسنجی کونی برایش ایچون ارضرومه کلدم . فرداسی صباح حکومت قوناغنه کیتدی کمده دوه بوینی اردوگاهنده محاربه ایدلمکده اولدیغنی کلیمکده اولان ضوب سسلرندن استدلال ایتدکلرینی خلق سویلیوردیلر . قلوب عامه ده وقفه کیر دهشت اولان تلاشک فقیر ایله هیچ مناسبتی یوغیدی . زیرا آنی یدی آیدنیریدر کواله و قورشون ایچنده امرار عمر ایلش و بر درجهیه قدرده آیشلمش اولدیغندن حکومت قوناغنده کی خاقده کوردیکم تلاشمن بالطبع بم آزاده اولماقم اقتضا ایدیوردی . هرکس بر تلاش ایله اوتیه بری به قوشیور

ایدی . چازیک ساعت صکره قوناغک ایچنده هان هیچ کیمسه قالمدی دینه جک درجه ده اورتالق تنهالشدی ؛ بنده اورایه کتیرتدیکم آتمه یینه رک اردو کا همزه کیدرکن ؛ پیاده وسواری برحق اهالی دخی مسلح اوله رق شهرک خارچنده کی کوشلی کنبه یولیه والله الله نعره لر یله دوه بوینه طوغری قوشوب کیدیورلردی . او آقینتی یه او یارق « قارتی یه ژده نه رال » دینیلان قوماندانک قرارگاهنه قدر کلدیم . برده دورینی آلب باقیه یم که ، خط حرمزک هر نقطه سنه مقابل اوله رق دشمن هجوم ایدیور ایسه ده ، تعرض حقیقیسی ، صاغ جناحزی تشکیل ایدن طوپالاق کوینک اوکنده کی فرقه مزک علیهنه در . بوحالی کورن اهالی هپ اردونک صاغ جناحنه طوغری چکیلوب کیتدیله . اوراده کی عساکر منتظمه مزه قوفا الظهر اوله رق آتسه صالدردیله . تعرض حقیقی نقطه سنه فریق رفعت پاشا قوماندا ایدیورلردی . دوربینلره کورولدیکنه کوره پیاده آتشی کرمی تام حاصل ایتدیکندن آرتق هپ دقتنر صاغ طرفه منعطف اولدی . حتی آتسه طیانهمیوب رجعت ایدن دشمنک تجدید هجوم ایتدیک صرده عسکرمن تلاشزجه کمال ثبات ایله یینه آتش ایدرک مهاجمه کوز آچدیرمیوردی . اوصرده اردومزک هر نقطه سی ده کوله وقورشون تعاطیسیله مشغول اولمقدن ناشی خط حرمز برماکنه یه تشبیه اولنسه ماکنه ک . هر جزء لازمی وظیفه معینه سی کایلیق ایفا ایتدیکندن آهنگ حرکاتک و آتشلرک اطرادی ، خارچدن باقانلره کوره طباعه مورث انبساط اولیوردی . ایشک امنیت اوزره جریان ایتکده اولدیغی دخی ، عموم محاربه عملیاتنک ماکنیستی حکمنده اولان مختار پاشانک وجهنده کی علائم ایتسامدن آکلاشلیور ایدی .

بناءً علیه فقیر بی محابا چادره کیردم ؛ اوتیه بری یه یازلمق اوزره قوماندان حضرتلرینک امر ایتدیک بعضی محررات وتلغرافلری یازارکن قولاقلم یاغورلی هواده صاعقه لرک بزبرینی تقییب سببیه مدت مدیده استمرار ایدن کول کورلدیسنه . مشابه برصورتده طرفیندن دخی تشریمات ایلیان سلا حارک اوغولتیسندن بشقه برشی ایشتمیوردی .

بر آردلق بزم چادرک اوته سندن بریسندن برر اوفه حق ثقه لرک آچیلماقده اولدیغی کوردم ؛ وحاصل اولان خفیف سسلردن چادره تورشون طوقانمقده اولدیغی استدلال ایدرک درحال طیشاری یه فیرلادمکه دشمن مرکزمن اوزرینه دخی هجوم ایدیور و ایجه یاقلاشدیغندن قورشونلری قرارگاهک هرجهتی طوتیور . آرقه مزده برقاج یوز خطوه مسافه ده برته جکک اوسته چککدم ؛ حربک حالنه

سیرایتمکده اولان بعض ذوات ایله بر اشهرک دور بین بدست تماش اولدم. فقط آتش اوقدر شدتاندی که، او کمزرد بولنان بزم چادرلر مرمیاتک تأثیر ایله پارچه لاندجه اونیق اونیق زیارچه لری بیاض کله بکتر کی هواده اوچو شیور ظن اوانیوردی. پک ائی! بز اشیامزدن واز کچدک اما، اردونک کانه مخبرات مهمه سنی متضمن اولان اوراق چانطه سی چادرده و او طور دینم سجاده نک اوستنده، کاغدلر ایسه پریشان بر حالده بولنه رق میدانده قالدی. شمدی هانکی یکیدم جسارت ایدوبده چادر دن بولنری چیقار دجق؛ بویه تهلکلی بر تکلیفی نصل بر آرسلان یورکلی آرقداش قبول واجرا ایددجک! دیه دوشونورکن بدایت حرب دبنری خدمتمده بولنان، باطومه تابع لیوانه قضای اهایسندن بزم شعبان آغایه مشاوره صورتنده کشف ضمیر ایتدی کمده، های های نه وار ایش، بن کیدر چیقار یرم دیسومنی!.. به آفرین شعبان؛ قوش یاور یحکم! دیه اوقشایه رق آرقه سی سیغام. اوجسور کورجی، بلا بارانی کی یاغمقده اولان قورشونلر ایچنده قش اولان چادرلره صالدردی؛ یانغین آلاوی دروندن مال قاجیر کی بر سرعت فوق العاده ایله بزم سجاده سی اوراقیله برابر قوجاقلامش. چانطه یی ده اوزرینه تویمش اولدینی حالد سلامت کامله ایله چیقاردی کتیردی.

آرتق بزده آفرینلرک، تحسینلرک بیکی برپاره یه! حتی بو خدمته مقابل اولمق اوزره بعدالحاربه بزم شعبان آغایه بر نشان آلیو یرمک وعدنده دخی بولندم اما، محاربه نک صوکنده شعبان، روسک ایتلا ایش اولدینی کوینده قالمش اولان چولوق چوجغنک بر چارده سنه باقوب ینه عودت ایتک اوزره مملکته کیتدی ده حالا کلدی؛ حیات وماتنه متعلق بر خبر آتته مدی.

هرنه ایسه هر صورته شایان دقت واهیت اولان صاغ جناحک حالی مختار پاشای راحتسز ایتکه باشلادیغدن اوصرده نماز قیلمقده اولان قورد اسماعیل پاشای نمازی اختصار ایدیکزده صاغ جناحه کیدیکز وع کیرک تقویه سی ایچون هرنه مقتضی ایسه یاپکز امری ویردی، کوندردی.

صاغ جناحز می هجومه قضیق ایدن دشمنک کوردیکی شدتی مقابله آتشدن ایشی سوکدیرمه جگنی آکلایه رق براز مدت اولدینی یرده قالدقن صکره بتکرار خطوه خطوه کری به چکمدیکی. بزم آوجیلرکده ایلرککه باشلادیلر دینی صروده رفعت پاشانک بجاغدن قورشونله اورلدینی خبری کلدی. رفعت پاشا عبور اولدینی کی توماندانی قائم مقام بحری بکه ترلا ایش. واجرا سنه باشلایلان

حرکات تعرضیه نك اكلانی اكا حواله آیلش ایسه ده ، رفعت پاشایه بدل قوماندان
ايمك اوزره باش قوماندان حضرتلری مرکز دین میرلوا عاكف پاشای اورایه
کوندردی . عاكف پاشا خط حربیه واصل اولوب اهمیتی برتعدیلات ایله هجومی
تجدید ایلدیکی ائاده انكده اورلیدی خبری آندی . بوحالده صاغ جناح
عموم قوماندانده بولان اسماعیل پاشا ، اخشام اولوب صولر قرارنجیه قدرطوبجی
لواسی حسین پاشا و بحری بك واسطه لر یله معاملات حربیه یی بولیدی شکل
و صورتده اداره ایتش ؛ و قراکلی باصدق دین صکره هرکسك اولیدی یرده
کیجه یی کچیرمسی امریله آتشی کسیدیرمش اولیدی صکره دین ایشیدلمشدر .

اردو مرکز مرکزینک
صورت انجرامی

فقیر چادرده ایکن کلان تورشونلر هجومک وجهه توجهنک مرکز
یوکلندیکنی اخبار ایتشیدی . براییکی ساعت اوصورتله اوزاقدن قورشون ایل
سلاملاشدق دین صکره اخشام اوستی مرکز اوزرینه اولان هجوم کسب شدت
ایتدی . دشمنک مرکز اوزرینه قصدی تحقیق ایتدیکی صره ده ، مرکزک ایلر یسنده
واوزون احمد کوینک اوستنده واقع تپه ده دیاربکر ردیف میر آلابی احمد بك
قومانداسیله بولمقده اولان اوچ طابوری تقویه ایتک ایچون مرکز دین اوچ
طابور ده ها کوندیرمش اولیدی کبی ، احمد بك بدایت حریدن بری بازید قول
اردوسنده اولیدی جیته مختار پاشاچه غیر مجرب اولمسنه مینی برقصایه دوچار
اولنماق اوزره میرلوا چرکس موسی پاشا ایشک صورت جریاننه نظارت ایتک
اوزره اوتپه یه ارسال قلنشیدی . دشمنک پیاده سی وجهه هجومی اورایه چوریدی
کبی طوپلری دخی اوقطه یی شدتله بره دف تعرض اتخاذایلدی . دشمن مهاجمینی
مذکور تپه ده خلی مسافه اوزاقدن ایکن تپه نك اوستنده کی طابورلر مرکز
کلیتیه برابر تپه دن آشاغی پاتیر کوتیر دوکولمکده و هیئت لر یله برابر کری یه
طوغری قاقچقده اولدق لری کورلمسونمی !

قوماندان پاشا حضرتلری احتیاطده بولان عسکر دین ایکی طابور آله رق
بالذات اورایه قوشدی ، دوکوتی عسکره ملاقی اولدی . انلرک برازینی چویروب
ایلرویه طوغری یورویه رنک عسکری آتسه بدأ ایتدیردی اما ، بزم عسکرک
دوکولمسیله برابر تپه یی ضبط ایتش اولان دشمن عسکری ، بزم اولدیغمز یری
یعنی (قارقیه ژنده رالی) شدتله بر آتسه طوتدی . حتی یانمزد بولنلن مجار
ملتجیلرندن فریق فیضی پاشا دخی بویندن خفیف صورتده یاره لدی . بزم
اولدیغمز یرده بولنلن طابورلر دشمنک تپه یه چیقیدیغی و بزم عسکرک آشاغی

دو کولديکي و آرتق محومك بزه توجه ايتديکني کوردکلري کبي، سرايت ايدن قورقو سبيله برآورکوتی ايله بونلرده بولندقلري خط حربدن هپ بردن کری به طوغری قاچشمغه باشلاديلر .

عسکرک محاربه دن فرازی مسئله سی غایت عجبيدر . کویا که جله سی برحسه ، برقلبه مالک و یا خود هپسک تلبي سیانہ برقیه کبی برأثر معنوی ايله بری برینه متصل ایش کبی ولو اون بیک نفرده اولسه بردقیقه و برآنده محاربه دن یوز چور ییورلر . ضابطانده نفرانک ایچنه و اوغلبه لکک آردنه قاریشوب برابرجه قوشوب کیدیورلر . ضابطانک بعض هیتیلری صوبه ايله عسکرک اوکنه طور مق . راست کلديکک قفاسنی ، کوزینی یازمقده قصور ایتيورلرایسه ده ، باشه چيقه مدقلری کبی انلرده جماعته اویيورلر . لیکن عسکرله برابر کری به قاچان ضابطانمز ، عسکری ثباته سوق ایدن آلر مزدن دها چوقدر !

مختار پاشانک برابرجه آلوده کوتوردیکی طابورلرک بریسی خاصه اردوسنک نظامیه اوچنجی آلاینک طابورلرندن بری ایدی . ایلری ! قومانداسینه دشمنک بزه طوغری توجه ایدن قوتی اوزرینه سوق ایدر لیکن طابورک بیکاشیدی رمضان اغا ، قفاسنی و وجودینک قسم علویسنی بریوک طاشک ارقه سنه صوقه رق قیجی طیشاری به حیقارمش اولدینی حالده عسکرینه ایلری ! قومانداسنی وریيورمش . ایشته بیکباشی اغاک اووضعتی کورمش اولان قوماندان پاشا ، طباقه بیکباشی یی تکدیر ایتک ایچون اوستنه طوغری کیدر لیکن . قیچنه تصادف ایدن بردشمن قورشونیه بیکباشی اغا یره سرماش و بوجهتله حقیقتک دست انتقامنه دوشمکله مختار پاشانک تکدیرندن قورتولمشدر . شمدی بیکباشی جنابلرینک احوالی کورن عسکرده یورکمی قالیر ؛ صکره او عسکردن برجسارتمی بکلنیلر ضابطانک اظهار ایتدیکی اثر جانات سبيله عسکرک ثبات قلابی آلت اوست اولمازی !! ایشته بزه ضابط یوقدر دینلمسی ، بو ودها بونک کبی ناموسه تعلق ایدن مناسبتلر لکبر ایقاعندن اوتانمایان ذوانک کثرت وجودندن ناشیدر . دشمن قارشوسنده جریحه دار اولانلرک یاره سی معنوی برنشانه افتخار عد ایدنلردن اولدیقم کبی . بومثالو اعزّه غزاتک حمیت و شجاعتک تقدیر اثری اولمق اوزره سینهلرینک دخی دوتک علامت مادیه قدر آشنایی اولان برر نشان ايله ترین ایتسنی ایسترایدم . ایش ایچنده بوانلمق تجربه سی پک چوق خطالرمی تصحیح ایتدیکی کبی ، بو بایده فقره آتیه کبی وقوعاتک توالی مشاهداتیه ده پک بیوک بردرس انتباه و عبرت حاصل اولدی .

بشارت اوزرینه بر
فقره اولوگا متعلق
عین مطالعات

محرابه‌نك اوائلى ائنانده يارم‌لش اولان برضايطى خط حربدن كرى به
 كتير مكدده اولدقلىنى كوردىكده يانه كيدوب خاطرىنى صوردم. مجروحان طرز
 ائاده‌سى خوشمه كيتديكندن شو آدجكزه بر نشان آلق داعيه‌سيله اسمنى ومنسوب
 اولدينى قطعه عسكريه‌يى سؤال ايله پوصله‌نى يانمه آلدم؛ صورت حالى آخشام
 مختار پاشايه عرض ايتدم. چونكه اصحاب استحقاقه ويرمك اوزره رتب مختلفه دن
 يانمزه برقاجوز نشان وارايدى. پاشاسكوت ايدرك لاونم بر جواب ويرمديكندن،
 ايتى مشاراليمك مروتسزلكنه حمل ايله منكسر اولدم. برقاج كون صكره ينه
 بر محرابه‌نك وقوعبولدينى ائنانده كلان بردشمن كولله‌سى، قرق اللى خطوه قدر
 آچيغمزده بولنان مكارى باركيئرلينك يانه دوشهرك باطلادى؛ و بر حيوانى تلف
 ايدرك برايكيسنى دخى يارالادى. مشير پاشا فقيره خطاباً: (يا هو عارف! نه ديرسك،
 شويوك حيوانلرينه ده برر نشان ويرميه لمى؛ زيرا ياره‌لنديلر! بيچاره‌لره آتيا برر
 نشانه افتخار اولمق اوزره مطلقا كوكسلىر ينه برشى طاقق لازم دكيدر؟!) يوللو
 وقوعبولان سؤال تعريضيسنك، برقاج كون اول ياره‌لنان ضابط حقدنه ايتديكم
 مراجعتك جوابى اولدينى آكلادمده، سكوت ايتدم ايدى. انك اوزرينه ديديكه:
 (باق! ايسته مكارى باركيئرلى ده محرابه‌ده مجروح اوليورلر؛ هر مجروحه نشان
 ويرمك اقتضا ايدرسه صكره اونشانك قدرى نره ده قاير!.. كچن كون سزك
 ديديككز ضابط عجباً قاچركنى اورلدى و ياخود برطاش آرتسه‌نه صاقلانمش.
 ايكن بر قضا قورشونى اصاب ايتدى؛ بورالرينى بيلمكجه نشان ويرمك فصل
 ممكن اولور؛ بن اويله استرمكه برضايطه نشان ويرلديكى وقت: بن بونى فلان
 محرابه‌ده ابراز ايتديكم هيت وشجاعتك يادكارى اولمق اوزره آلدم ديه مادام الحياه
 افتخار ايتسون و هر كس ده انى اويله جه بيلسون.) انتهى

حقيقهً آناتولى محرابه‌سى ائنانده مختار پاشا اون، اون بش كشى به آنجق
 نشان ويره بيلدى ايدى. بعدالحرابه استانبوله كلديكمزده روم ايلي اردولرينك بتون
 ضابطانك وبلدكده عساكر معاونه‌سى افرادينك بيله كوكسلىرى نشانله طولديرمش.
 اولدقلى كورولديكى كي، بتون آناتولى حرب اردوسى ضابطانى مأبوس قالديلر.
 هپ بردن مختار پاشانك مروتسزلكنه قائل اوله‌رق خاطرمانده اولديلر. واقعا
 مجروح اولدينى يوقايدده بيان اولنان بيكباشى رمضان اغانك حالى ده و حقيقى.
 انبات ايتدى ايسه ده، شخص ايله قائم اولان بر حكمتك اصلاح عالمى كانل اولميه جنى

بديميدز . قاعده عومى كر كدر ؛ يوقسه بر آدمك قاعده پرور لكندن نه چيقار .
مع مافيه بتون بتون فائده دن خالى دكلدر .

مختار پاشا ايلريده عسكرله اوغراشمقده اولسون؛ آرقه سنده قالان مركزك
عسكرى عوميتله ترك موقع ايدرك فرار ايتديلر . بعض ضابطانك ياقمقده اولد قلرينى
كورديكم كجى ؛ فقيرده اوصرده امله چكن متعلقا تمدن وار ضرر و مك املان قلمى
كتبه سندن حلمى افندى و بزم شعبان اغا ايله عسكرك اوكنه طور مق ايستدم .
صول ائمه آتاك ديز كينيله قارىشق بر حاحده ره و وولورم . صاغ ائمه قامچى اولدينى
حاحده راست كلديكمك يوزينه ففاسنه اوروب چويرمكه سعى و ديكلمه ميانلرى طباحجه
ايله تهديد ايدىيوردم . بر نقطه ده تم طوتديروب طور ديريه بيلديكم بش اون نقرى
كورن فرار يله هيچ اوزرتمزه اوغرايه ميه رق صاغدن سولدن چكيلوب كيديورلردى .
كونش غروب ايتدى ، اور تالق قراردى ؛ حالا بز عسكرى طور ديريه مجزديه
اوغرا شوب طور ييورز . بو كيرودارمك نه دن صكره حاصل ايلديكى موفقيت اثرى
اولق اوزره برايكىوز قدر آدم طور ديروب طوبلادق . خوشاب بولاشنى قدر
عسكرلكنم اولق مناسبيله [*] انلره تك چفت صايديره رق بلوك هيئته قويدم .
شمدى بر ضابط امله چكده شوايكى بلوكى ايلروده بولنان قوماندان پاشانك يانسه
كوندرسم مطالعه سييله مشغول ايكن صاغمزدن سولمزدن اوصحراى واسعى
طولدورمش اولان فرار يله سيل كجى متمادى الجريان ايدى .

او آراق فرار ايدن عسكرك آقديسنه اويارق كلكده اولان بر آتلى ضابطك
سعدرد رديف بيكباشيدى كزلى محمد اغا اولديغنى طانيدم . اما برادر ، باق سكا !
ايلروده قوماندان پاشانك يانسه عسكر قلمدى ؛ شوايكى بلوكى الوب اورايه كوتورر
ايسه كز دولت و ملت به بريوك خدمت ايتش اولورسكز ديديكده : بو ... لرك
اوكنه شمدى طور وولورمى ؛ بونلر بويله وقتارده آلرندكى سلاحلرينى كنديلرينى
چويرمك ايتيانلره چويررلرده انسانى ناحق يره اولديرلر جوابى و ير مسونمى .. !
بيكباشيله اولان محاوره مزى طور ديردنگمز عسكرده ايشيديوردى .

بائدى شوزاتك طينت رديه سنه كه ، كرى . كي تاسنى كنديسنجه بر علت معقوله
ايله آمايل آتاك انجئون نلر سويليور ؛ هيچ عقلارده اوليان بر شيشى عسكرك عقلنه
كتيرييور . هاى الله بلاسى و يرسون .. ! بوكا قارشو اقتضا ايدن جوابلر و يريلر كن

[*] چونكه فل الحاحيه اضر و سده مى برضاور تشكيل ايديكز او طوبورك قول اعلى
ربه سنه قدر نائل اولديغمز اونودلسون !

بزم بلوكده اولدغی یردن چوزيلهرك ينه يولنه دوام ایتدی؛ بيكباشی ده صاوشدی کیتدی. بز آچقده ومیدانده اوله رق قاله قالدق!

ليكن بيكباشينك بوسوزی بجی ده توهيم ايتمش اولديغندن اسكيسی کبی فراريلرك اوزرينه شدتله صالديره مز اولدم. بافکيز فراريلرده کی دهشته که، بيكباشی يه ملاق اولمزدن اول طائيلقله ويا الوارمق ياقارمق ايله اوکلرينه طورده مديغم عسکرک حال دهشتناکی اوزرينه نوران ایدن غضيله: « بزه ايمانی يوق يزيد حريفلر، نزه يه قاجيورسکيز » ديه تهديد ايجون ره وولورمی 'وزرلرينه طوغر واندقجه، (امان اغا، بزه قيمه!) ديه اونی، اون بشی بردن يره يامور ایدی. بونلرک تفشکلری و فشنکلری برابر اولديغندن بريسی اوستمه طوغری سلاخی طوغر ولدوبده چکيل اوکدن ديمش اولسه، خوش اوکلرينه طورده ميه جئم درکار ایدی یا!؛ آنجق بتون قوای معنويه لری اوزرنده تسلطن اولان وهمه مقابل عقل و تدبير انلرک معدل حرکت و معاملاتى اوله ميوردی که، تصورات معقون ايله عزملرينه برصورت ویرسونلر. بيكباشينك اوسوزيله اسکی همتمه تورکادی ايسه ده. بالکيله ده ایشی ترک ايتمکه حتم مانع اولدی. زیرا بز اوکون موفق اولور ايسه ک دشمنک باشنه نصل بلالر کله جکنی تصور ایدی يوردم. وقت اقشام اولديغندن نهایت بر ساعت قدر ثبات اولنورسه مقصدک حاصل اوله جقنه، اولجه مختار پاشا حضر تلرندن ايشتمش اولديغم سوزلر اوزرينه حکم ایليردم.

بن عسکرلر ايله باغروب چاغروب اوغرا شور ايکن (اخ في الله) م عاکف پاشانک نقیری چاغرمقده اولديغی، غلبه لک ايجندن چيقان سسندن آکلایه رق ياننه قوشدينغمده مجروح اولديغی کوردم. بوزغون عسکرک يوله کندوسنه برتسلط ايتمک ويا صويمق احتمانه مبنی ياننه برايکی کشی قاتيله رق ارضرومه کوندرلمسنی سويلدی. حلمی افندی یی ترفیق ايتدم، کوندردم. دقت بيوروليورمی! دولتک وماتک وقایه شرف و شان واستقلال و ناموسی اوغورنده جريحه دار اولمش برحمتی پاشامز، اوصرده بزم عسکرک تسلطندن آمین اوله ميور ایدی. اولماغمده حق واردریا! زیرا حدسز و حسابسز وقوعات، مشارالهی تصديق ایدی يوردی.

عاکف پاشا صاوشدقده نصکره قناسی. کوزی صاریلی بشقه برضابطک آت اوزرنده کوتورلمکده اولديغی کوردم؛ ياننه کيدوب باقديغمده، هانیایوقاريدره بيرده ذکر ی کچن بریکباشی جلال افندی وار ایدیکه قارصانی خواجه يه: (موسقوف

مجروح قائم
جلال بک
نظامی و اوت
ايجده کی حکمت

دای جنتك قېوسنه ايكوز طوپ ديزمش ... كووهر ايسنه بيوريكنز (جمله لطيفه سنی صرف ايتش ایدی : ايشته او خوشكو و حاضر جواب جلال افندی اولديغی خانيدمكه بوذات صكره دن قائم مقام اولمش و بكانت عنوانی آمش ایدی . ماشا الله جلال بك سزميسكنز ؛ بو حال نهدر ، نره يه كيديورسكنز ديه صورديغمده ، مومى اليه ينه شن و تحفلغی غيب ايتيه رك « جنته » ! جوانی وړدی . چونكه آلدیغی قورشون ياره سى خيليجه دهشتلی اولديغندن اوياره ايله مطلقا شهدا زمره سنه التحاق ايددجكنی قورارم شده انك اوزرينه جنته كيديوزم جوانی ویرمشر .

بوذات ايله ده حقوقز قديمدر ، كندیسی ده پك تحدر . برقاج كون صكره ارضرومده خسته خانه يه كيدوب زیارت ايتديكمده نصل اولوبده ياراندیغی صوردم . آه برادر خلو صكارق خلطی ایتدمده بوقضا باشه كادی . زیر اصر كزده کی آتشك شدتندیکي واوزون احمد تپه سنده کی عسكرك بوزولدينی صروده ستار پاشا كادی . عسكری تنظيم ايتك امله ايلری يه صالديردی ایدی . بنده كندی كندی عجا قوماندانك آرتقه سنده سوارى اوله رق كزوب ، وایش كوريورمش کی ابنای زمانك يادینی وجهله باغیروب چاغیروبد شاراتا نالقه كندمك اوراده اولديغی ايشيتديروب بر مير آلايلى قاپه ييلورمى يم ديدم و يابه جفمی حکم ايدرك اوصورتله قوماندانك آرتقه سندن يورودم . ديركن نصيبمز اولان قورشونك ویرديکی تأيیر ايله پايير كوتور آتدن آشاغی يوواریلاندیم ، برازده سرسم اوله رق ياتدم . بنی اولدی ظنيه بزم عسكر آرقداشار جزمه لرمی چكككه . ساعتی آلمه ، البه لرمی صويمه قصد ايتديلر ؛ « براقك به ، دها اولدم .. » ديه جانمی ديشمه آلوب باغردیغمده چيل ياوريسى کی اطرافدن طاغديلر . هر نه ايسه بيلدكار دن برايكی كشی راست كهرك قمامی . كوزمی صاردیلر . بنی قاپه ييلوب خسته خانه يه كوندرديلر . اويله كوريورمكه حكيملر بزی بودفه لوقده جنته صالويريمه جكار . های الله جزاسی ویرسون .. مير آلاى اوله لم ديركن آزدها ساحل آلاينك قائمه ملغی [۰] منحل اوله جقدی دیدی . ايشته بزم نفرات عسكریه مزنه اينچنده بويله خبات و دناستلری ارتكاب ایدن اشخاص ديله يده تصادف اولتيور . نه چاره ، ات كيكنز اولماز . ديوبده زورله يه مورله يه يوتيويردم .

كيجه ساعت بره طوغری كشيدي ؛ خط حربه کی طوپلر زده قوشولمش
 ارضرومك استحكام قېوسنده کی واقعات

[۰] چونكه مومى اليه قره دكر ساحلی رديف آلاينه قائمه اولتيوردی .

اولدینی خالده عودت ایتدکارینی کوردیم . اوغلبهك ایچنده وقراکقده قوماندان پاشانی بولمق ممکن اولمديغندن ، شمدی بوبوزغون عسکر ارضرومه طولارایسه صکره بونلری سوقاق آردلرنده طولامق مشکل اوله جغنی ، قارصده کوردیکم حال واما لك دلالتیه حکم ایدرك ، بوعسکری مملکته صوقدیرمامق ایچون اقتضا ایدن تدابیری ارضرومده کی ولاقاموره بایدیرمق وزره قوشارق ارضرومه کیکه قرار ویردم . ارضرومك استحکامات متصله سنك کھوشلی کنبد جهتمده کی قارص قپوسنه یتشدمکه ، قپونك اوکنه علی ماحشرالله عسکر بیغلمش ، ایجری یه کیرمك ایستورلر ؛ ایچریده کی قرده غوللرده بونلری صالیور میورلر . مکر بندن اول قوماندان پاشا حضرتلری ارضرومه بریاور قوشدیروب ، بوزغون عسکرک ایچری صوقدیرمامسی امرینی ویرمش ایش .

فقیرده طیشاری یه بریکمش اولان جماعتك ایچنه طیقلم قالدم . ایجری یه کیرمك ممکن دکل که ، والی وقوماندان پاشالره خبر ویردیمده حالك واستقبالک چارده نه باقسونلر . عساکر متحشدهنك کورواتیسندن قرده غوللرده سس ایشدیرمك و برضا بط چاغرتدیرمق ممکن دکل . عسکر برطرقدن قپویی زورلیور ؛ قپوده کی قرده غوللرده او بر طرفدن مقاومت ایدیور . اوئاده ایچریدن بریسی جماعته خطاباً : قپونك اوکندن چکلیکز ، یوقسه قورشون ییه جکسکزر دیه باغردی ایسه ده کیسه دیکله مدی . برده ایچریده کی عسکره آتشیك امرینک ویرمسیله برابر ایچریدن جایر جایر سلاخلر پاخالدینی کی ، بزم غلبه لك ایچنده کیلردن موقعی مساعد اولانلری یرد یاندی ، اولیانلرده آباق اوزرنده دیکله قالدی . فقیر اوصرده یردیاتانلره برابر ایدم . برقاق نفرمن اورلدی ، غلبه لك ده طاغلدی . اوراسی تنهالشیدینی کی بزم شعبان آغا ایله قپونك اوکنه کلهرك دردمنی آکلاتمق اوزره برضا بط ایستدک ؛ کوچ حال ایله بریسی کلدی . مقصدمنی آکلاتقدن وکندمنی طانتدیردقدن صکره بزی ایجری یه آلدیلر . وقعه یی والی عزت وقوماندان مشیر حسن پاشالره آکلاتمق اوزره حکومت قوناغنه کیدرایکن استحکام قپوسنده بشقه بروقوعات اولمش .

شویله که : بندن صکره اورایه فقیرک رفیقلمدن اکیلی مصطفی افندی کلش : اوده برتقریب ایله ایجری کیرمش ؛ وقوعاتك عاقبتنه انتظاراً ایچ طرفنده بکیر ایش . آرقه دن کلوبینه قپواوکنه تحشدا یدرك کورواتی ایدن نفرا تك ایچندن بریسی جیقه رق : ایش ایشدن کچدی ، اردو آلت اوست اولدی ؛ بوندن صکره قپویی قپامق نه دیمکدر ؛

بود لافچیان کیمدر دیه باربار باغرر و آغزینه کلان هذیانی ایدر. مصطفی افندی
بو حریفک سوزلرینک استحکام قپوسنک ایچنده کی عسکره موجب دهشت وفتور
اوله جغنی طیشاریده کی بوزغون عسکرک جسارتی ارتیروب فنا فی تریید
ایده جکی مطاله سیله بو آدم جاسوسدر امانک عسکر شونی طوتهلم دیه قره غول
ضابطی و عسکری تشویق ایدر. و او ذات کورلتی ایدر ایکن قپونک ارده لغندن
بردن بره یقالایه رق ایچرویه الورلر. مکر بو ذات طوبیجی میرالایی عارف بک
ایش، مصطفی افندی طایر، سرخوش ایدوکنی آکلار، طانیذیغنی بلایی اتمیرک
میرالایه بر قاق طوقات عشق ایتدکن صکره بک اشندی بی قپونک آرقه سنده
بولتان قره غول کلبه سینه حبس ایتدیرر. برایکی ساعت صکره مواصلت ایدن
قوماندان پاشایه مصطفی اندی حکایه حاک اتمسیله مصطفی افندی ک معامله سی
تحسین اولئور. عارف بک دخی جلب اوانه رق یوزینه توکوریلوب تکدیرله
برابرینه محبسه اعاده ایدیلور.

کلهلم فقیرک حانه : طوغریجه حکومت قوناغنه کیتدم. مشیر حسن وینه
مشیراندن منمنلی مصطفی توفیق و فریق کاظم پاشا لرله دنتردار حاجی عاکف
افندی بی و ملاکی و عسکری بعض سرآمدانی حله والی عزت پاشانک او طه سنده
محاربه نك خبر فتحه انتظاراً اوتوریورلر بولدم. اردونک دوچار اولدیغی بلیه
انهزامی احتیاطی و ادارلی بر لسان ایله آکلایر ایکن، ارضروم عساکر
ضبطیه سی طاہور آغاسی ابراهیم عاهد بک اردو کاهدن کادیکنی و پاشا لر
حضراتی کورمت ایستدیکنی خبر ویردیلر. بن سوزمی کسیده ابراهیم بک
ایچری کیره بک : (اندمه مژده لر اولسون) جله سیله فتح کلام ایتدیکی کی بنم
لوم، هیتم تغیر ایتدی. زیرا بن خبر انهزامی وانک اوزرینه بر تدبیر عاجل
یابسی لزومی عرض ایدر ایکن آرقه دن بر بشقه سی کله بک بنم تبلیغاتک عکسی
خبر ویرمکه باشلاخه انسانه بر شاقینلق، بر حیرت، بر خجالت طاری اولسی
ضروری دگیدر ابراهیم بک؛ شویله اوردق، بویله کسیدک؛ شویله هجوم اوردک
دیدمکه، فسبحان الله! بن شمدی اردودن کایورم؛ استحکام قپوسنده تخدم ایدن
عسکرک حالی ندر، انی بن بلیورم؛ بو آدم آچقندن آچیفه اختیار کذب ایدیور
اما، بونک کذب اولدیغی جماعته فصل آکلایم جم؛ چونکه جم ویردیکم خبر
موحش، انک کی ایسه مفرح... (سویله تاتار آغاسی، یالان ایسه ده خوشمه
کیتدی!) ضرب مثل مشهوری حکمنجه هر کس انک یالانی قبوله طبعاً مال،

بزم قاره خبر ايسه موجب تكدر وانفعال اولديني ايجون ابراهيم بلك تبشيرات
نشوه بخشاشني استماع ايدن هيئتمدن بعضيلري معالي برطور ايله يوزيمه باقدقه
چيلديره جمگ كيلور ایدی .

اولجه بزم ايسال ايتديكمز خبری استيضاحاً عزت پاشا ابراهيم بلك سؤالار
ايراد ايدیور: اوده : (انندم بن شمدی اردودن كيلورم : اردومن مظفر
وغالبدر، هرکیم بونك عكسني سويليور ايسه دشمنلق ايدیور) ديسومسي...!
غیری صبر وطاقتم يانهرق ابراهيم بلك خطاباً : « آرتق آلورر، صوص، آزيحقده
ايشه باقيلسون، اردونك باشندن نه لر كچمش اولديغنی بن بيليورم، وقوعاتی
بوکوزلرمله كورددم؛ شمدی بكامی؛ سكامی ايناتملغم لازمدر؛ محاربه وقوع بولور
ايكن هانكي جهتده وكيملك ياننده ايدك؟ » ديه صورديغمده : (طوپالاق كوينك
آلتنده عاكف واسماعيل پاشالرك ياننده ايدم) جوابی ويردی « عاكف
پاشا نه اولدی؟ » ديدم، (محاربه يرنده براقدم) ديجه، فقير ايشی آكلادمكه
ابراهيم بك، عاكف پاشا مجروح اولمزدن اول بزم صاغ جناحده كي عسكرك
دشمن اوزرينه هجوم وتقدمی ودشمنك بوزولديغنی ائنده اورادن آيرلشدر .
« سندن صكره ايش نيم كوردېكم حال صورته منقلب اولدی . بيهوده يره
علمی خلاف حقيقت حال خبر ايله اشغال ايتكمده نه معنا وار؟.. » ديدم ايسه ده،
سوزی طابلی اولديغنی جهته بزم پاشالر حالا ابراهيم بكي استنطاق ايتكمدن وانكچموزلر .
پاشالرك ايجنده جمله سندن زیاده تقدير اهميت حاله مقتدر ظن ایلديكم كاظم
پاشانك قالقوب ياننه كيدرک : « بومعاسر سوزلرله وقت كچيرمه نك طادی يوقدر؛
بوزغون عسكر بركره مملكته طاغيلير ايسه طوپلامق وانلری تنظيم ايتك كوچ
اولور، ايش مهمدر، مسؤوليتی سزه ئاؤددر؛ آرتق اوتھسنی سز بيليرسكز » ديدم .
اندن صكره كاظم پاشا عموم پاشالره خطاباً : (استحكام قپوسنه دها برطابور
عسكر چيقارلق لازمدر، ايجابنه باقهلم) ديه سويلديكننده بر ياور چاغرديلر؛
(طوپ طاغی استحكامندن برطابور آلوب قارص قپوسنه اينديريكز، اورايه
تحمشد ايدن عسكرك شهره كيره مامسی اسبابنی استحصال ايديكز) امری
ويردیلر . ياور كيتدی؛ پاشالردن بعضيلري ده نيم ديديكم يره كيدوب ايشه باقق
اوزره آتليغی اصارلديلر، مكرسه شفا بولان خسته لردن وبعض دوكونتيلردن
مركب اولمق اوزره ارضرومده اوچ درت طابور قدر عسكر يابه يلمشلامش .
مختار پاشانك نه اولوب، زده قالدیغنی آكلامق ايجون استحكام قپوسنه كاديكمده

کیجه ساعت بش ایدی؛ پاشای اورایه کش بولدم. چوق کچه کسزین آرتهمدن
مشیر حسن و کاظم پاشالرده کلدیلر. وقعه نك بقیه ننی آکلادقکه بزم اردونك
مرکزی کایا بوزیلهرق ترک موقع ایتدیکندن دشمن اورا ننی طوبلری و مهماتیه
برابر ضبط ایتش؛ اردومزی ایکی به آیرمش و آرتق او یرلرک استرداد اولنق
امیدی قلماش اولدیغزن صاغ جناحده کی اسماعیل وصولده کی قپودان محمد پاشالرک
ارضرومه رجعت ایتلری امری ویرلمش ایتش. برایکی ساعت صکره اسماعیل
پاشا و براز صکره جهده قپودان محمد پاشاده کلدیلر. بونلر عسکرلریله منتظمجه
کلدکلرندن ایجری به آلدیلر. استحکاماتک، شهرک دروننه کیره جک اولان
سائر یوللری بونلر واسطه سیاه طوتلدقنصکره باقی بوزغون عسکرده ایجری
آلدی ایسه ده، ینه برخیلیسی بشقه یوللر و فرجه لردن شهرک اینجه کیرمش
وطاغلمش اولدقلرینه شبهه یوغیدی. علی محمدی غیب ایتش، محمد ولی بی آراز؛
کیمیسی فلان طابور زرده دیه باغرر، اوته کی فلان مملکتیلر سیاه فریاد ایدر؛
برطرفندن ضابطلر عسکرک تنظیمنه چایشیر. الحاصل برحال دهشت افزا که،
نعود بالله جناب حق امت محمدیه هیچ بروقتده بردها امثالنی کوسترمسون...

اردونك صاغ جناحی عادتا غالب ایکن مرکز مژک مغلوب اولمسیله ایش کاملاً
برعکس اولدی. استحکام قپوسنك آرقه سنده صباح ایدلیدی؛ تنظیم ایدلمش اولان
برق طابور فجرله برابر استحکاماتک بعض سپرلرینه سوق اولندی. لکن برطابورک
طابور و عسکر دینه جک حانه واصل اولمسی ایچون لوازامتک اکلنک و حاصل
اولمش اولان قریب قلعگ رفنك نه قدر زمانه متوقف اولدیغی عسکر اولانلر
بیلیر. برده صباحلین آیاغنك توزیله دشمنك ارضرومه تعرض ایتک اوزره
کله جکی قورقوسی باقی اولدیغندن، ایشک بونقطه نظرندن مطالعه سی ده بشقه جه
موجب خوف و دهشت اولیوردی. طوب طانغی استحکاماتنه چیقاریلان عسکرک
قومانیلر مشیر حسن پاشا، امور ایدلرکی کی، گومانلر کنبیدن کیره میتلی استحکاماتنه
قدرمقد اولان جمه جنوبیه دهخی قورد اسماعیل و قواق طرفی استحکاماتنه ده
میرلوا موسی پاشالر تعیین قلدی.

عسکرلکه عقلی ایرن بعض اهل تحقیقک بیاننه کوره سکن محارب لرک جمه سنده
اظهار آثار مردانگی ایدن، واردونك صول جناحه قوماند ایتک اوزره توی
تربیه نك اوستنده کی چوبان دده طاغنك اوزرند بولنان قپودان محمد پاشانك
بوگونکی دوه بونی محارب سنده بعض قصور و خطایی اولش ایتش.

چونکه كندیسك بولندیغی موقع اوزرینه دشمن بر تعرض حقیقی ایله تعرض ایتمیش و آنی یالکیز اوزاقدن طویلرله مشغول ایتدیکی کی حرکتی ووجهه قصدی ستر ایتک ایچون برازده پیاده قورشونیه اووندیرر ایتش . دشمنك مرکز اوزرینه شدتله و قوتله توجه ایتدیکنی ، مرکزك تهلكه سنی کندی یوكنك خفیف اولدیغی کوردیکی کی ایلر یلهرك مرکز اوزرینه توجه ایدن دشمنك قوتی جناحدن تهید ایدیلیر ؛ و بلکهده مرکزی اوصیقندیدن قورتاریر ایدی . نیچون ایتدی یولنده اعتراضده بولنانلر اولدی؛ محمد پاشاده : (بن صول جناحك محافظه سنه مأمور ایدم . شاید مرکزده معاونت ایتک ایچون ایلر یلدیكم حالد بر قضایه دوچار اولور ایسه م ؛ نیچون اولدیغک موتعی ترك ایتدك ، سكا کیم امر ایتدی ده بو حرکتی اختیار ایلدك ديه معاتب اولمقلق تصوری باقی ایکن عاقبتی مجهول او یله بر حرکتیه جسارت اولنه مازدی) جوانی ویریور ایدیه ده ، دیگر آرقداشاری : (خیر مادامکه اوزرنده اوقدر یوگ یوغیدی ، قومانداسنده بولان سکنر طابور عسکری بهوده یره نیچون معطل ایتدی . بر ایکی طابورینی اولدینی موقعك محافظه سنه ترك ایدر و قصوریه برایش کورده ییلیر ایدی) دیدیلر ، الحاصل معما حل اولنه مدی ! ...

فقط شوقدر آکلاشیلدیکه محمد پاشا یالکیز بر موقعك محافظه سنده ثباتکارانه چالیشیر ، کندوسنه امر اولنان ایشی کورور بر عسکر در ؛ یوقسه او یله ایجاب حاله کوره حرکت ایده جک مجتهد ومدیر دکلدر . موقعك وحالك حکمنه کوره طاور اتمق و مقتضای حالی کندوسنه آمر و قوماندان بیلک کی خصائل عالیله ومدوحه فوق العاده بر فطرته وایجاد و اختراع خاصه سنه مالک بر ذکایه متوقف ایتش . بو محاربه ده بزجه خیلجه ضرری موجب اولان محاربه لر دندر . ایریلی اوافاقلی قرق تدر قروپ طوی غیب ایتدی کمز کی بر چوچه مهمات سائرده ضایع ایتدك . مقداری مجهول ایسه ده اچیه ده اسپر ویردك . حتی ده امرکزده دشمنك شدتلی هجومی باشلامزدن اول صاغ جناحزه توجه ایتش اولان دشمنی یان طرفدن اورمق اوزره مختار پاشا مرکزدن بر طابور صاغه طوغری چیقارمشیدی . بیچاره لرك برشیدن خبرلری یوق ، اوکلرنده کی دشمنله مظفرانه محاربه ایدر لر ایکن آقشام اولور ، اردو کاهک هر طرفدن آتش کسیلیر . اوطابور افرادی یرلرینه یعنی مرکزده کی چادرلرینه عودت ایدر لر که ، نه کورسونلر ، چادرلرده موسقوف وار و بردنبره ایچلرینه اوغرایه رق بوغاز بوغازه براز حرب ایدر لر . بو عسکرک

برطاقی طاغدن تپەدن قاچەرق کلوب ارضرومده بزی بولدی ایسهده قصوری شهید واسیر اولدی . الحاصل اوطابور اویلهجه محو اولدی کیتدی .

اخشام اولیده صاغ جناحده آتش کسلدیکی کبی ارضرومدن ککش اولان اهالی کیجهنی کچیرمک اوزره چپرلی وطوپالاق قریه لرینه تقسیم اولمشلر ایمش . اسماعیل پاشا کیجهلین اولدینی موقعی ترک ایله ارضرومه یکلدیکی کبی کویلرده قالان بو اهالیده صباحلین بزم عسکرک یرنده موسقوفلری کورنجه شاشیرلر ؛ طاغلردن ، طاشلردن فرار ایله ارضرومه واصل اولورلر ایسهده ، اوکون بو اهالیدن خلیجه ضایعات اولدی .

الحاصل شهدا ومجروحینمک مقدارینک بش التیوز نفردن زیاده اولدینی اخیراً برقاچکون صکره ایدیلان یوقلمهدهن نمایان اولدی .

اوصرده مختار پاشا یاورلردن آمین بکی برأمر تبلیغ ایتک ایچون برقطه عسکریه کوندردی ایدی . بو آمین بکده بردها عودت ایتدی . آکلاشیلان یولده بردشمن قورشونیه شهید اولدی کیتدی . رحمة الله علیه

(الحرب سجال) قدرمز بویه ایمش نه چاره دیوبده تسلی یاب اولق ضروری ایسهده ، شوقدر وارکه بزم ایله اوکون حرب ایدن دشمن قرق سکز طابور قدر وار ایدی ؛ بزم موجودمزده اوتوز آلتی طابوردن عبارت ایدی . بزی تعمیر ایتک ایچون باطومدن اون طابور کلمکده اولدینی کبی ، استانبولدن برقاچ طابورده کلپور ایدی . فقط یولسزلیق ونقلیه حیواناتنک اولمامسی سببله بو طابورلر طربزوندن بزه یکرمی ، یکرمی بش کونده آنجق واصل اوله جقلردی .

مختار پاشانک تصوراتی اقتضاسنجه اگر عسکرمز ثبات ایدرایسه ، اردومزک مناعت موقعه سی ایجابنجه اوزرمزه تعرض ایده جک دشمنک منبرماً رجعتی ملحوظ اولدینی کبی شو طابورلرمز وقتیه یشدیکی حالدده دشمنی تعقیباًینه حدودده قدر سورمکدگمزده محتملدر ؛ فقط بودنعه کی تعقیبمز اسکی تعقیبلره بکزمه مز ؛ موسم قشدر . دشمن حدودندن اکیوز یکرمی کیلومتره قدر آیرلشدر ؛ بوقدر مسانده شو موسمه رجعت ایتک پک قولای دکلدر . دشمن اردوسنک بتون بتون محو اولمی مأمولدر ، الحاصل جناب حنک لطفندن بیوک امیدلیمز واردر ، جبر مافات ایده جکمزده شبه یوقدر دیر ایدی . ایشته مرکزده کی آلتی طابورک ودها طوغرنی اوج طابورک بر ساعت قدر دها ثبات ایده مامسی ، دشمنک اوغرامسی ملحوظ اولان بلاییه بزی اوغراتدی .

دومنه كلامك
اولان قوتلاردا
نك نقلانجه چكيلان
كروچلكار

طرزونه چيتمش اولان طابورلرک صورت سؤوقده كي عسرتي و اسباب
نقله نك حاشي اولدجه صوير ايتمك ايچون، فريق رفعت پاشاك دها طرزنونده
ايكن چكديكي برتلغرافك صورتی عیناً بورايه نقل اولندی .

غازی احمد مختار پاشا حنر تلمشه نلغراف

طرزونه وصول چا کرانه مده طابورلرک جیخانه و چادرلریله سوقی مرکز
اردوی هایوندن (یعنی ارضروم قوماندانندن) امر و اشار بیورلمش ایکن اسباب
نقله نك تقدانندن طولایي سوق ایدیلان درت طابورک جیخانه لرندن درتیوز
صندیغی بوراده ترك ایدلمشدر. دون میرلوا خسرو پاشایه مورود اراده تلغرافیلری
مطالعہ کذار چا کرانهم اولدقه تسریع حرکت ضمننده درعقب مرکز اردوی
هایونه بالمراجعه عسکرک اوزرینه توزیع اونانندن ماعدا جیخانه لرلیله چادرلرک
ترکی استفسار و طابورلرک مارتینی هنری تفکیکله مسلح بولدیغی عرض ایدرک
جواباً آلدیغم امر تلغرافیده ارضرومده بو تفکیکله مخصوص فشك اولدیغندن
جیخانه ترکی غیر جائز و عسکرک چادر سزاقامه سی غیر قابل اولدیغی بیانیله همه حال
فشك و چادرلریله برابر سوقی اراده بیورلدیغندن عسکرک او یولده سوقه چالیشلمقده
واسباب نقلیه تدارکی ضمننده هر آن حکومت محلیه عرض احتیاج و اخطار
کیفیت اولمقده ایدی. الیوم آلدیغم اراده تلغرافیلرنده الیشسرأس حیوانله و ممکن
اولدیغی تقدیرده فورغون آرابه لرلیله عساکر مرقومه نك سرعت سوق وارسالی
امر بیورلمقدن ناشی اراده فخیانه لرینه امثالاً حرکت ایتمك اوزره آلیی رأس
مکاریدن اوتوزرأسی جیخانه و اون رأسی چادر و قصوری دخی ترکی جائز اوله میان
بعض اشیایه بالتخصیص لزومی اولان حیواناتك سرعت تدارکی خصوصی والی
پاشا حضر تلمرینه بتکرار عرض اولمش ایسه ده آله بولنان حیوانات بوترتیب
اوزره آنحق برطابوره کافی اولدیغندن علی السحر برطابور حرکت ایتدیرلیله چکی
کبی حیوانات ورود ایتدجکه دقیقه عوق و تأخیر ایدلمه رک برمنوال معروض
حرکتہ اقدام اولنه جق و علی السحر چا کرلری دخی ارضرومه متوجهاً عزیمت
ایده چکی والیوم بوراده فورغون آرابه سی موجود اولدیغی عرض ایدرم .

۱۵ تشرین اول سنه ۹۳ فریق رفعت

بوتاریخده طرزنونده بولنان رفعت پاشا تشرین اولک یکر می ایکنجی کونی
دوه بوینده کی اردوگاهمه واصل اولوبده فرداسی کونی وقوعبولان محاربه ده
صاغ جاحک قومانداسنه مأمور ایکن مجروح اولدق کروییه چکیلان رفعت پاشادر.

شمدی ضرر زونده ییغیلوب قالمش اولان طابورلرک هر بری بر کونده بوغولمزلرک اسبابی ارضرومه متوجهاً حرکت ایدجک اولسه لر یکریمی طابور ارضرومه واصل و صورت و تفرعی اولسی لاقیل بر آیه محتاجدر . دشمنک ایسه بر آیلدی دکل، بر کونلک وحتی بر ساعتک فرصتی فوت ایتیه رک استفاده ایتک عزمندن خالی اولمیه جنی آشکاردر . دیمککه بو محاربه ده بزروسیه دولتک بیوکلکندن و مهارت عسکریه سندن مغلوب اولدق . آنجق بزم نقایصمزدن و شمندوفرلرمزک اولماسندن ناشی هزیمته اوغراق . دوه بونی محاربه سنک تفصیلنه و اوصردده دشمن تعرض ایدرایسه ، ایدلسی تصور اولن حرکت دأر مختار پاشانک مابین هایون حضرت پادشاهییه و سرعسکرلک مقامنه یازدینی تلغرافنامه مندرجاتی دخی شایان دقت اولدیغندن عینله بورایه یازلدی .

مابین هایونه

مقام سرعسکریه

دونکی حادثه حریبه ۲۳ تشرین اول سنه ۱۲۹۳ تاریخی تلغرافنامه عاجزانه مله بر بنده جک عرض اولمشیدی . تفصیلی شویله درک؛ دون ساعت ایکی قرارلرنده دشمنک فکر تعرضله اردوگاهندن حرکت ایتدیکی وقوه موجوده سنی ابتدا مرکزده کوستروب ساعت اوچده طوب آتشنه بدأ اولدقدن صکره صاغ وصول ایکیه تقسیم ایله یوریمکده بولندیکی کورلمی اوزرینه صاغ جناحدن تعرضه کافی اوله بیلک ایچون احتیاطدن بش طابور فریق رفعت پاشا قومانداسیله صاغ جناحه سوق اولندی، پیاده آتشنه اوراده باشلانلیدی . متعاقباً دشمن آوجیلری هجومه آغاز ایلسیله کرکی کبی بر آتش ییه رک رجعت ایتش و بزمکیلر ایلرولمکه باشلادقلری صردده تکرار او طرفده ترید قوت ایدرک ایلرولش و اوصردده رفعت پاشا یارده لشم اولسیله قوماندا ایچون میرلوا عاکف پاشا کوندردلیدی . و ارضرومدن حقیقش اولان پیاده و سوازی عساکر معاونه و اوچ درت طابور دخی یکیدن او جهته سوق اولندی . بونلرک اقدام و غیرتیه دشمن ینه دیکیش طوتدیردیه رق ساعت طقوز راده لرنده رجعته باشلامش و اوصردده عاکف پاشا دخی یارده لشم ایسه ده صاغ جناحز موفق اولمش و آنرق جناح مزبور اسماعیل پاشا حضرتلریله طوبیحی میرلوا سی حسین پاشا قومانداسنده قالمشدر . صول جناحزده یوزریان دشمن ساعت سکزده مرکز اوزرینه تبدیل استقامتله اوچ طایه دن عبارت اولان مرکزک ردیف التنجی آلاک میر آلای حاجی احمد بک قومانداسیله بولندیرمده اولان اون بش طوب

و آلتی طابورک تمیبه اولمدیغی طایفه نك صول جهتندن یوریش و یوم مزبورده اوطایفه نك بر درجه دها قومانداسنك تأمین ایچون میرلوا موسی پاشا دخی موقتاً اورایه کوندرلش و پاشای مومی الیه بواندقلری تپه نك صول جهتده کی طابورلرک قومانداسنی مومی الیه احمد بکه حواله ایدرک کندییی صاغ جهتک قومانداسیایه مشغول بولمش ایکن تپه نك صولنده کی طابورلر بر جزئی آتش کورور کورمن جمله سی فراره یوز طوته رق، بوحالک، موسی پاشانک قومندا ایتدیکی جهته دخی تأثیری کورلمکله، درحال احتیاطدن ایکی طابور آله رق بالذات یتشمش و طاغیلان عسکرک اوکنی آله رق ثباتلرینه سعی ایتش ایدم. دشمن دخی کرکی کبی کر یله مش و ظاهرده موجب خوف و خشیت هیچ بر سبب قالمش ایکن، برده آرتهمده بر نفر بیله قالمدیغی و دشمنک ایکی یوز خطوه قدر اوکمه ایلر یلدیکنی کوردم؛ عودت ایدرک دنعه طوپلایه بیلدیکم عسکرله بر دیکر موقع طوتوب دشمنی ضبط ایتدیکی تپه دن ایلر یلتمدم ایسه ده، عسکرک درتده اوچی ذاتا فرار ایتش و چویرمک دخی غیر قابل بولنش اولدیغندن توقیف ایدیلانلرک ثباتی دخی یارم ساعتدن زیاده امتداد ایتوب بونلر دخی پراکنده اولدیلر. شو قدرکه اومت ظرننده وعادتا هیچ برتهلکه یوق ایکن موجود طوپلری قوشدیروب اعاده ایتش ایدم. بعده یالکزجه قالدیغ و ارضرومه کیتمد بکه عسکرک طوپلانه میه جغنی آکلادیغ جهتله عسکرک آردندن ارضرومه متوجهاً حرکت ایتدم؛ برده یوللرده بو طوپلرک دخی دورلش و کی میسی دخی هیچ بر سبب اولمدیغی حالده طوپلریلری قوشوملری کسه رک صاووشمش اولدقلرخی کوردیکمدن طوپلایه بیلدیکم پراکنده نفرات ایله وجبر و شدت فوق العاده ایله طوپلرک اوچی چیقاریله رق کیجه ساعت بشده ارضرومه کلدیم، و صاغ جناحک عموغی قوماندانی اسماعیل پاشا حضر تلریله صول جناحده کی قپودان محمد پاشانک رجعت ایتلرینه امر ویرلش اولمسیله بونلرده کیجه ساعت آلتیدن صکره کلدیلر. شمدی عسکر قارمه قاریشق بر حالده درون شهره و اوتیه بری یه طولش و طاغلمش اولدیغندن بر قاچ کونه قدر آنجق طوپلانه بیله جکلری مأمول اولنیور. عسا کر مرتومه کاملاً طوپلاندیغی حالده مقدارینک اون آلتی بیکه طوغری وارده جغنی مأمول ایسه ده، بوحال بر قاچ کونه متوقف اولوب شمدی آلدیه اوچ بش بیک کشی آنجق سپرلر

کوندریله بيلمشدرد. شوصرده مومی اليه حاجی احمد بکی موقعنده بولمديغمدن
عسکرک شباتمزلکنه بوماده برنجی درجهده سبب ويرمش اولمغه کوریلان اثر
جباتی اوزرينه مومی اليهک ورده يولده طوپلری براقوب صاووشمش اولان
واورتهلغه دهشت نشر ایدن وفنا حالده سرخوش کوریلان طوپچی میرآلانی
عارف بکک ایکی رتبه تنزیله بیکباشی ایدملری وتوقاد نالک بیکباشیسی دخی
بویولده اظهار جبات ایلدیکندن وبالذات چالیشدیغ حالده دشمنه قارشو سوق
ایدهمدیکمدن مومی اليهک حائز اولدیغی بیکباشیلغک یوزباشیلغه تنزیل لازمهدن
اولدیغندن اجرای ایجابی مستعدار. دیگرلری دخی وارایسهده ایدیهلجک تدقیق
اوزرينه بعده انلرکده اسامیسنگک عرض اوانهجنی درکاردرد. الحاصل بوبابده
ضابط دینهجک اشخاص برقاچ کشیدن عبارت اولوب، قصورینگک هیچ برنده او
صفت کوریهلهمشدرد. موقع حربده قالان دشمن الیهکچن طوپلریمز اوتوزله قرق
آرمسندد تخمین اولمقده بولندیغی عرض ایدرم ۲۴ تشرین اول سنه ۹۳
غازی احمد مختار

بو تلغرافنامهده اردوده ایشه یارایهجق وضابط دینهجک ذواتک آزلغندن
شکایت اولیور. واقعاده اولهدر؛ باشمزه کلان بلایانک اکثریمی ضابطمزلکدن
کلدی. یدی آیدنبریدر وقوعبولان محارباتک کافهسندد ناموسلی، حمیتلی، غیرتلی
ضابطاندن بک چوغی کیمی شهیداً وابدیاً، وکیمی جریحاً وموقتاً ضایع اولدی
کیتدی. انلرک هر برری بولندقلری قطعات عسکریهنگک روحی حکمنده ایدیلر.
انلرک کیتیمسیله قطعه عسکریلری جاسمزلدی. یوقاریده برقاچ یرده دینلمش
اولدیغی وجهله ضابط یتشدرمک مسئلهسندد بزده برقانون وقاعده جاری اولسه،
وعلوم سائرالیله برابر ضابطامزده برارده اسلامک علم و اخلاق کوسترلسه عساکر
عثمانیهنگک کافه دول بریه وبجریهیه قارشو برر برر همده بحق حال مدافعهده
بولهجنی وحقوق ملیه مزی شان وناموس دائرهسندد محافظه ایلیمجککری درکاردرد.
هله ضابطامزک اخلاقه دائر شرفوارد اولان احادیث نبویهنی اوقویوب بيلملری
فرض حکمندهدر. بوقواعد اصلیهیه رعایت اولملمش ایکن بيله حمت وشجاعت
فطریه لرخی برارایه دولتمه، ملتیه حسن خدمت ایدن فداکاران اخوانمزلک کوستردکری
ماثر حینه الله یکه یکه برکت ویرسون، کندولرینه تشکر ایدرز؛ لیکن اییلرک
سوزیلوب کیتیمی، وباقیسنگک دخی آزاللی جهتیله ایش ضابطانک تورطولری
آلنده قالدی. بر ساعت اول شو محاربه ایتمی بیتسده اولریمزه چکلسه کیتیمسنگک
۲۵ — باشمزه کلانلر

افکاری نفرات عسکریه به قدر سرایت ایتدیرن یادکاران، اردوده ایش ارلری صر سنه کچدکاری جهته ایشه بویه آلم بر بوزغونلق دها وجوده کلدی .
عسکرک مرکزدن بوزولدینی کیجه قپودان محمدپاشانک ارضرومه رجعت ایتدی امری کوندرلمش وهر حالده بویجه ارضرومه مواصاتی مقتنی اولدیغندن احوال واثقاله باقلمق سزین عسکری کتیر می توصیه اولمشیدی . قپودان ده طوپارینی اولدینی یرده بر اترق اوله جه ارضرومه یتشدی . چونکه اوزرنده بولندینی یوکسک و طاشلی برطاغدن یولی اولدینی ایچون کیجه وقتی طوپارینی ایندیرمک احتمالی یوغیدی . موسقوف بشقه جیتلردن حرکات عسکریه اجراسیله مشغول اوله رق قپودانک بولندینی طاغه چیمامش اولدینی بر قاچ کون صکره اهالی طرفندن خبر ویرلمش و او طاغات ارضرومه مواصله سی محفوظ قالمش اولدیغندن . اهالینک اقدام و عتمیده او تپه اوستنده بر اقلمش اولان اتی طوپ سلامتله ایندیریلرک شهره کتیرلشد . عسکرک تنظیمیه ارضروم استحکاماتنه تعینه سی عملیاتنه چالیشلمقده واک مهم یرلرینه لازم کلان عسکر قونلقده ایسه ده ، ملککتک جنوب غربی جهتی استحکاماتی ، یعنی استانبول قپوسندن کیره میتلی تپه سنه قدر اولان آتش خطلرینه کیسه تونیه میه جقدی . چونکه احتیاطندن قطع نظر ، استحکاماتک یالکز آتش خطی اوتوز بش بیك بوقدر عسکرک وجودینه محتاج اولوب ، الده کی عسکرک مقداری ایسه اون آتی بیك نفر راده سنده در . ضروری او جهتلرک تأمین طرزوندن کله جک عسکر مزک وصولنه تعلیق ایدلدی ایسه ده ، انلرک ده سلامتجه بزه وصولی شبهه لی ایدی . باش قوماندان حضرتلری احتیاطه ایردینی آتی طابورله ایجابنده طوپ طاغنه و کوشلی کنبد جهته یتشمک اوزره جهات مهمه یه مناسبتی اولان طوپچی قشله سنده اختیار اقامت ایتدی .

دوه بونی بوزغونلغک ایکنجی کونی دشمن اردوسندن بر ایلچی ایلری روسلرک هجوم اردو می ایا - قره غوللر مزه بر مکتوب ویرمش اولدیغندن مذکور مکتوب مختار پاشایه کتیرلدی . روسیه اردوسی باش قوماندانی لوریس ملیقوف ، پاشایه خطاباً یازمش ایش . مالی رنه عودت ایتدی (سزده وعسکر یکرده ایار طوتار یر قلمدی ، بوندن صکرده دوزلمک احتمالکز یوقدر ؛ بوقدر عباداللهک بیهوده یره قانی دو کمکدن ایسه قلعهی تسلیم ایدیکز . اگر مخالفت ایدر ایسه کز طوبلر نه شهریکز واستحکاماتکز تخریب ایدیله جکندن بوقدر چو لاق چوجغک ورزو بالی اوزر یکره اولسون) یولنده برشی ایدی . الحمدلله و الله توای مدیه و منویه مزک درجه سی مع زیاده ارضرومک مدافعه سنه

کافی اولوق جهته صولطانه قانمزك بويولده آقيديله جغه، واوليله لافايله آدمه قلعه تسليم اولئهميه جغه، و عنایت الهميه دن ايمدن برکال بولنديغه دائر بر جواب يازيله رق کوندرلدکن صکره يته اسباب مدافعه مزك استکماليله اوغراشدی.

بو مکتوبک کلمسندن و خصوصيله ارمني لر واسطه سيله مملکت ايچنه صالحو يربلان دهشتلی حوادثلردن اهاينک برقسمنده وهله علما گروهنده بر اورکوتی پيدا اولمی کورلمی و خصوصيله مملکتک ايچنده برايک بيک خانه ده ارمني بولمی حسیله قوماندان حضرتاری طرفدن اهالی به اعلان ايدلدى که: « بزم بوراده محاصريه کيرمک وهردرلو ضرورته دوشمک احتمالز اولديني کي، دشمنه محاربهر ايدمک و مملکته کوالد لر اصابت ايتمک ده ممکندر. وچولوق چوجق ايچنده بوکي وقوعات، عايله لر احتياجيه بادی تلاش و هيچان اوله جفنندن او متوالد لک بوکوندن اعتباراً مملکتی ترک ايدوب چيقلری لازمدر. »

بونک اوزرينه مملکتک مفتیسی عمر انندی و مشهور علماسندن صولاق زاده احمد و حاجی عبدالرحمن انشيدلر ايله بعض سرآمدان علما و اهالی مملکتک اعيانندن عبدالواحد بک خانه سنده اجتماع ايدرک بويله بقتة حادث اولان برحال اوزرينه مملکتی ترک ايدوب چيقلغه ميدان اولديني کي چولوق چوجق ايچنده محاربهر وقوعی دخی برچوق حادثات ألیميه مصدر اوله بيله جکندن عسکره خارج شهرده و مناسب مواقعده محاربه ايتديريله رک مملکتک دشمنک شرينه اوغرا تديرلما می نیازيني متضمن بر محضر يازهرق قوماندان پاشا حضرتلرينه کوندريله جي خبر آئندی. بو حوادث عسکر بينه شايع اولور ايسه موجب دهشت و بادی فتور اوله جني دخی محقق ایدی.

هله برکت ویرسون، ايش انتشار ايتکميزين عبدالواحد بک خلافيکيري اولان عرب زاده علی افندی واسطه سيله اکثری متضمن اولهرق انعقاد ایدن ديگر بر جمعيت اهاينک مبعوثلری کلهرک بزلر وطنمزك محافظه می اوغرنده قانمزی، جانمزی، وحتی اولاد و عيالمزی ايشاره حاضر اولديغمز جهته مملکتک ناموسه طوقونه حق صورته ده واحد بک خانه سنده عقد مجلس مشورت ایدن برقاچ حيتسزك تأديب اولمسنی طلب ایلدیلر.

بونارک مبعوثلرينه قوماندان پاشا طرفدن التفات و اکرام اولندی؛ وشرزمه قيله دن عبارت اولان اوتة کی جمعيت افرادينه ده: مادامکي بو مملکتده قلعه

ارضروم اهاينک
بعض تمنايی

استحکام واردر، مادامکه دولت بوراسی اردولریچون دارالمهمات اتخاذ ایتشد؛ بوراسی هر وقت، هر درلو وقوعات حربیه یی قبوله تهیه ایدلمش دیمکدر. بناء علیه بعدما اویله مناسبتسز اجتماعر وقوعبولدینی، وعسکرک ثبات قلبه طوقونه جق صورتده لزومسز حوادنلر نشر اولندینی حالده ناعل وبادیلرینک هرکیم اولور ایسه اولسون قوانین عسکریه حکمنه توفیقاً مجازات ایديله جکاری خبر رسمیسى تبلیغ ایدلدى. آنک اوزرینه کیمسهدن برسس چقمدى. چولوق چوجغنى نقل ایتکه اقتدارى اولانلردن بعضیلری عائله سنى آلوب مملکتدن چیقدى کتدی. فقیرده او صروده ارضرومده کی عائله یی طربزونه کوندردم؛ کندمده قوماندان حضرتلریله برابر طوپچی قشله سنده قالدم.

ارضروم اهالیسی دوه یوینی محاربه سنده حیت وشجاعت ملیه لرینک درجه سنى میزانه کافی اوله جق درجه ده اقدام وغیرت کوستردکاری کبی، بوندن صکره یازیله جق اولان طوپ طانغی محاربه سنده دخی آنلرک پک چوق شجعانی نثار جان ایدرک نوش شهیدایه شهادت ایلدیلر ایدی. رضوان الله علیهم اجمعین.

عبدالواحد بکک خانه سنده اجتماع ایدن ذواتک مذاکره لرینک موضوعی اوزرینه ده برقاج سوز سویلیک اخلافزه قارشو فائده دن خالی اولمسه کرکدر. ارضروم استحکاماتی اسلحه عتیقه یه کوره یاپیش شیردر. طوپلرک حالی تبدل ایدرک پک اوزاق مسافه دن ایش کورمکده اولدیغندن استحکاملردن صاپان دشمن کولله لرینک شهرک اولری ایچنده پاطلایه جنى کبی، شهره دوشمک اوزره مخصوصاً آتیلانلرک دخی مملکتده اثر عمارت براقیه جنى درکاردر. هله کیجه لی کوندوزلی مملکت طوپه طوتولور ایسه چولوق چوجغک وضعفا ومرضانک سپر آله جق بریرلری بولنامق حبسیله فریادلر عیوقه چیقاجق وبو حال طبیعیدرکه عسکرک دخی ثبات قلبه طوقنه رق جسارتی قیره جقدر. چونکه کراراً ایدیلان تجربه لرله معلوم اولمش برشیدرکه، شجاعتده، جباتنده ساریدر. شو حالده چولوق چوجق ایچنده محاربه وقوعی عسکر ایچون هر درلو فالحق تولید ایده بیلیر. برده ذاتاً اخلاقی بوزلمش اولان عسکراستحکاماتده ثبات ایده میوبده فرار ایدرلر ایسه، دشمن دخی عساکر منتظمه سیله برابر غیر منتظم عسکر استعمال ایلکده اولدیغندن بونلر برکره مملکته طاغیاورده یغما کرلکه قویولور وتسلط عرضه ده جسارت ایدرلر ایسه اوکلرینی کیم آله جقدر. چونکه اویله برزمانده حاصل اولمسی طبیعی اولان ضبط وربطسزلغک شوعصرده، برقاج کون

ارضروم اهالیسک
تمنیا تنک محاکمه سی
و قوماندانک بو
بابده کی فکری

دینله من ایهده بر قاج ساعت حکم سورمسی ضروریدر . بو حاللری قوماندان پاشا حساب ایدرک مملکتک و عسکرک استقبالی ایچون قلبی درلو درلو مغالرک جولانکاهی اولمش ایدی .

شهرلری محافظه ایچون شهرلر قهرنده استحکام یاللق خط اولدیغنی ، و محاربه لرک اهلیدن اوزاق و آچیق یرلرده اجراسنی ، و مدافعه موقعلرینک مطلقاً خطوط موصلاتک اجتماع ایتدیکی آچیق یرلرده اولمسنی ، و عمراندن بعید بولمسنی ایستر ایدی . دیر ایدیکه : اوله آچیق و موافق بر یرده طوتیلان خط مدافعه ده برانکسار . برهزیمت و قوع بولسه ؛ ایکی ساعت ، بش ساعت ، سکز ساعت کزیده و یا صاغده ، صولده بشقه بر موقع آنه رق ایکنجی بر خط مدافعه تشکیل اولنور و غایتی ایش تبدیل موقع ایتمکدن عبارت قالیر ، اما بومثالو بیوک شهرلرده کی جسیم استحکاماتده بر یوزغونلق ظهور ایدر ایه ، بویله یرلرک اسمی بیوک اولدیغندن دشمنه بر مملکت ویا بر قلمه ویرلمش نامی چیقارق هم دولتک ناموسنه طوقونور ، هم اهالیجه موجب کسر خاطر اولور . بویله مستحکم و اهالی ایله طولو اولان یرلرک تحکیم و ترصیندن ممکن مرتبه اجتناب اولغنی ؛ ولو آزار اولسون دولت . صرف عسکردن مرتب و منتظم و سیار بر قلمه یه یعنی بر اردویه مالک اولمیدر !

لکن نه چاره که ارضروم استحکاماتی و قتیله یا پیش ، درونه اردونک ذخایر و مهماتی طولدی ریش اولدیغندن هر حالده مدافعه سی مقتضی و اهالیاتک مطالعاتک دیدی قودی درجه سنده طوتلسنی ضروری عد ایتمشیدی .

بوجهتله اهالیاتک او قسمنک دخی معذور طوتلسنی ایجاب ایدر ؛ چونکه مطالعه لری موافق حکمت و مصالحتدر . انلر محاربه نی شهردن و چولوق چو جق ایچندن اوزاق بر یرده یاپکیز ، جمله مز سلاح بدست وفاق اوله رق محاربه یه و مدافعه یه قوشارز دیور لر ایدی .

یوقاریده ذکر ی سبق ایدن ۲۴ تشرین اول سنه ۹۳ تاریخی تلغرافنامه اردونک حالی یازلدقدن عسکرده ، موقعک حالتی و حالک حکمنی حساب ایدرک مابین همایونه و مقام و بعض تدابیر سر عسکر یه شفره ایله بر تلغراف ده ا یازلمشیدی ، اوده شودر :

مابین همایونه مقام سر عسکر یه

تفصیلاتی دیگر تلغرافنامه عاجزانه مده عرض اولندیغنی و جمله شمدی اُلد آتخق اوچ درت بیگ عسکر من موجوددر . قصوری خان کوشمدرنده و سوق آدملرنده و شوراده بوراده اولدیغندن بونلرک طویلا نسنی بر قاج کونه توقف

ایده جکدر . مجموعتک مقداری اون آتی بیکه واره جنی تخمین اوانیور . ایش برقاچ کون اوزار ایسه بو عسکرک طوپلانیله جنی مأمول اولوب [*] فقط حاصل اوله جق مقدار قوتمز ارضروم استحکاماتنک وسعتیه غیر کافیدر . مزاج اها ایده کی خشیت دخی معلوم اولدیغندن برقاچ طوپ آتیلیر ایسه بونلرک حالنک نه اوله جنی ده بیلنه مز . بورای تریک ایله مدافعه لی بر موقعه چکلمک تصور اولنسه ، عسکرک یورغونلغی و پریشانلغی بوکا مساعد اولیوب ، شاید طشریه چیقلسه کاملاً طاغیله جقلاندن هر حالده ارضرومده قالمق صورتی مرجح ایسه ده حاک و موجودک حکمی ، بورانک محافظه سندن بنده کزی نو مید بر اقیور . شاید دشمن بتون بتون بورای تپاتیر و محاصره ایدرده خدانکرده چارء مدافعه قالمز و اها لینک حالی بشقه لشیر ایسه ، اومثالو حال ناچار کیده رفاقتمه آله جقم عسکرله بر طرفدن اوروب چیقماق تصور مده ایسه مده ، انکده کموشخانه ویا ارزنجان طریقارندن هانکیسی اوله بیله جکنی شمیدین کسیدیره مم . شمیدی دشمندن آلان کاغذبزی تسلیمه دعوتدن عبارت اولوب جواب رد ویریه جکدر . حاله دائر برکونا امر و اراده وار ایسه غایت شدتله و سرعتله منتظر م فرمان .

غازی احمد مختار

۲۴ تشرین اول سنه ۹۳

بوتلغرافنامه نک یازلمسی دخی دشمنک اگونلرده ارضرومی همان همان محاصره ایتسی مغالعه سنه مستنددر . چونکه حربک حالی و مصلحتک ایجابی انی اقتضا ایدیوردی اما ، خصمزم ارضرومی محاصره یه آلمق فعلیاتی ده ا بریق آتی صکره اکمال ایده بیلدی اوشقه . اکثر تطبیقات تصورات و ایجابات حالیه ایله همغان اوله رق کیده مز . بزم جهتزدن مقتضی کوریلان برشی مقابل جهتدن بزه مجهول اولان موانع سببیه تأخیر ایده بیلیر ، یاخود هیچ وجود بوله ماز . مادامکه وقت کچیرمکسزین ارضرومک ایشی بتیرمک فرصتی دشمنه آلورمشدر ؛ ارضرومده کیلرک ایشی اونقطه نظرندن کورمسی ضروریدر .

بوجهتله ارضروم ایله طریزون آرمسنده واقع بایبورد قصبه سنده یکی برفرقة عسکریه تحشیدی وبعده ایجابنه کوره قوللانسی لزومی تحقق ایدرک اردومزی تقویه و تحکیم ایچون طریزوندن کلکده اولان طاہورلرک بایبوردده آلیقونلسی وسائر صورته اورایه عسکر جمعی اسبابنک استحصالنه غیرت ایدلمسی لزومه

[*] یعنی دشمن بوکون یارین حرکت ایدوب اوزرمنه کلز ایسه دیمکدر!

دائر قوماندان پاشا طرفیندن بایبوردده یازیلان تلغرافنامه مندرجاتی ده شایان دقت اولدیغندن عیناً درج ایدلدی .

« بایبوردده طریزوندن کلمکده اولان میرلوا حق پاشایه »

« بولندینی حالده بایبورد قائمقاملغنه »

حکم قدرله دوه بویندن ارضرومه رجعت اولندی . بوکون بایبورددن بو طرفه طابور کوندرلامسی ، وکلمکده اولان طابورلرک بایبوردده میرلوا حق پاشا قوماندانلار جمع ایدلمسی ، و مناسب نقطه لر طوتیلوب دشمن سواریسنگ اوجانبه شاید حرکتی ظهور ایدر ایسه بحوله تعالی مدافعه سیله اوحوالینگ دشمنک تعدی و تجاوزندن وقایه اولنمسی ، وجوار ولایتلردن معاونه و ضبطیه سواریس جالب ایدلمسی . واستانبولدن کلمکده اولان ایکی بطاریه طوپ اوراده ایسه توقیفی و بو طرفه کچمش ایسه ممکن اولدیغنی حالده عودت ایتدیرلمسی ، و بوکون توپ طاساغندن بو طرفه حرکت ایدن طابورک بورایه سالملاً کله بیله چکی شبهلی اولدیغندن آنک دخی اعاده سی اسبابنه تشبث قلمسی ، و بوکون آش قلعه دن حرکت ایدن طابور یازین علی الصباح بورایه کیره جکندن اکا ایلدشک ایدلامسی ، و شاید تلغراف خطلر کیسایر و مخابره منقطع اولور ایسه بورادن بردوزی یه معلومات آلمسنه اقدام اولنمسی ، و در سعادتله آره مزده متوسط نقطه لق ایدلمسی توصیه اولنور .

غازی احمد مختار

۲۴ تشرین اول سنه ۹۳

بایبوردک کورده چکی ایش بوضورتله تعیین اولنهرق یارین ارضرومه بر هجوم وقوع بوله جتمش کی لازمکلان تدابیر تدافعیه نیک اکلانه شدت و سرعتله کیجه لی کوندزلی اقدام و اهتم اولنمقده اولدیغندن اویقو او یومغه وچیک چیکه دخی وقت بولنه مامقده ایدی .

اوکون مختار پاشا حضر تلرینه خطاباً شو تلغرافنامه هایون کلدی :

تلغرافنامه همابور

وزیرم مختار پاشا !

بوکونکی کون بولندیغکنز موقع آسیانک الک مهم نقطه سی و دشمن بدکامک مطلع نظریدر . ایسته بوموقع عظیم بر مخاطره ده بوانیور . معاذالله بروقتندبری اردو کورده کونیرلان کشت و ایز ایلر بونمعه دخی واقع و ارضرومه اعدای انداز ضرر و استیلا اولور ایسه بویه بروقعه مؤمنک مدی و معنوی بدن دولته آجه چی رخنه لر سزه محتاج تعریف دکلدرد . بناء علیه اصل ایش کورده چک و دولتک

حاکم امینی
نصیر ایدر
بر تلغرافنامه
هر یون

اوزریکزده کی حق نعمتی ایفا و ملت اسلامیة نك سزدن بکلدیکی اثر حمیتی اثبات ایده جك کون بوکوندرد. بولندیگکز حال و موقع که آنک عدم محافظه سی جمله مزه قیامته قدر تاریخلر مزدن چقیمیه جق و ناموس عسکریمزه شین ویره جك بریاد حزین اوله جقدر؛ بونك وقوع بولماسی و بتون عسکر و حمل سلاحه مقتدر اهاالینك قانلرینك صوك طامله سنی بو اوغورده آقیدوب وظیفه مدافعه یی تماماً یرینه کتیرملری اسبابنه فعلاً وزیرم اسماعیل و عزت و مصطفی و حسن پاشالر ایله جدی و حقیقی یکدست وفاق اوله رق صرف مقدرت آیلیمه سز؛ واک بیوک امرادن بدأ ایله هرکیم موقع حربدن قاچار و حرب سابقده اولدینی کبی خشیت و جبانته تبعیتله فرار عارینی ارتکاب آیلر ایشه آنی در حال قورشونه دیزیکز. و عسکرک رجعتی منع ایچون سائر تدابیر مؤثره عسکریه دخی ابتدار ایدیکز. جمله کزی حضرت حقك حفظ و نصرتنه تودیع آیلر و قطعاً تلاش و فتوری قبول آیلماکزی و مدافعه یه مقتدر اولمیان بیچارکان و خصوصاً نسوان و صبیانك تأمین و محافظه لرینی آیروجه تنبیه ایدرم. و ظنلرینك محافظه سی امرنده دیناً و حقیقاً مکلف اولدقلری وظیفه ثبات و غیرتی ایفا آیللری اخص مقصدم اولدیغنی، ارضروم و ارزنجان و بایبورد و کیغی قضالریله سائر محال متجاوره اشراف و افراد اهاالیمه مسارعه تفهیم ایدیکز. ۲۴ تشرین اول سنه ۱۲۹۳

ایشته بوتلغرافنامه هایون بتون مشیران و امرا و ضابطان و مملکتك اشراف و متعینانی مواجهه مسنده قرائت اولندیغنی کبی برر صورتلری دخی مفصل برر ذیل ایله قضا و سنجاقلر قائم مقام و متصرفلقلرینه کوندرلدی؛ و حقیقه ایشه برقات دها اهمیت ویرلدی. عسکرک بعض جمله قسمك فرصت و وقت بولدقچه ارضرومدن دخی طاقم طاقم مملکتلرینه فرار ایتکده اولدقلری خبر آلدیغندن مملکتك خارجه سواری دوریه قره غوللری ترتیب اولندی. آنلر معرفتیه بعضیلری طوتیلوب کتیریلیور ایدی. افراد عسکریه یه برعبرت مؤثره کوسترلک اوزره بعض طابورلر مواجهه مسنده و باش قوماندانك اقامتگاه ی اولان طوپچی قشله سنك میدانده بو فرار یلردن اون نفری بردن قورشونه دیزلدی. بونکله عسکره فجع و مؤثر عثمانیلغك شان و شرف عسکرسیله تطبیق غیر قابل برعبرت کوسترلمسنه مجبوریت کلدی.

تلغرافنامه هایونده پاشالرک جدی اوله رق یکدست وفاق اولملری فرمان بیوریلیور. بوجه مهمه دخی شایان دقت قضا یادندرد. بزده کی اخلاق بوزو قلغی

اخلاقه متعلق
برقاچ سوژ

بزی هیچ بر منفعت مشترکینی محافظه‌ده و یا بر مضرت عمومیه‌ی مدافعه‌ده برلشدیره‌مز. صورت‌مز پک اعلادر؛ ساخته برادب و تربیه ایله مطاوعتک وحسن نیتک نهایت درجه‌سنده اولدیغهمزی خلقه کوسترمک فعلنی پک آینی ییلورز .

معلومدرکه برایشک نجاح و موفقیتله ختام بولمی حسن نیتک وجودینه منوطدر. حسن نیت اولمدقه تشبث اولئان برایشی علی‌وجه‌المرام یولنه قویغنه امکان یوقدر. زرده بیوک پاشائر حضراتی ازانله ایلدکاری کمال مطاوعتی نیتلرینک صاغلام اولماسیله تعلیل ایدرلر . ظاهرلری هر نقدر سمعاً و طاعه طورینی کوسترر ایسه‌ده ، ضمیرلری : هایدی بقالم قوجه باش قوماندان ! بویله برامر خطیرک نصل آلتندن قالغه‌جقشک عجباً هانکی وقعه فحیغه خاتمه‌اقبالک اوله‌جقدر ! نیت بدخواهانسیله مالی‌در. ایکینسی بر آردیه کلیرایسه مذاکره‌نک الک مهم قسمی اوجنجی‌ی فصل ایتکه و بوکیدیشله مفتیتک ممکن اوله‌میجغنی اسباب موجب‌سیله اثباته چالیشمغه منحصر قالیر . معامله جمیله اظهاریله انسان منوی ضمیرینی کتم ایده‌میور ، وقلوبک یکدیگرینه برواسطه منویه ایله مربوطیتی ایسه هر کون کوریلوب آکلاشیلان بدیهیاتدن اولمق حسبیله بوکا مقابل اوته‌کی ذاتک‌ده قلبی بریکنه البته طوغروله‌میور . برکرده آردیه بوصورتله برصغوقلق کیروب قلبار بریرینه طاقلدیمی ، آرتق ایشارده یکدیگرینی آلاماق آوومق صورتی برصنعت ، بردرایت حکمنه‌کی‌میور . سیئات مبسوطه‌نک جمله‌سنگ منشائی آنجق عصبیت مددوچه‌مزی ضایع ایتدیگمزد . هیچ بریمز امور موکوله‌مزی وایفاسنه مأمور اولدیغهمز امور جمهوری ملتیزک ودها طوغریسی بالذات کندیمزک عد ایتیمزک امور دولت و حکومت اولمق اوزره اوایشی کورورز ؛ وبعضاده بکملک ایش بوقدر اولور دیرز . کویادولت و حکومت بشقه ؛ و زرده بشقه ایتیمزکی طاورانیرز .

بزم عسکریمزک ثبات قلبنی کسرایدن اسبابک بریسی‌ده عسکرک مذهب واحده تمسک ایدن افرادن اولمالری قضیه‌سیدر . احمد ، محمد ، علی ، حسین اسمنده کوردیکمز ذواتک هینسی بر مذهبک و بر مسلکک سالکی ظن ایتیم . بو اختلاف مذاهب تعمیرندن شافعیلک ، حنفیلک کبی مذاهب بحیجه اسلامیه آکلاشلسون ؛ طاورلریمزک نصفی دیه‌مزایسه‌مده هله ربغنی تشکیل ایدن افراد شیعلک ، بگناشیلق ، بت پرستلکه شبیه و اهل سنتدن متبری و یاخود هینسندن برر بارجه شیک قانسیله وجوده کش بر اعتقاد مرکب و مخصوصک خادیدرلر . بونلر وقتیه فطیرلرک و سکره‌لری اناطواید

اعتقادک ایشه
شدت تأثیرینه
دائر بعض
مطالعات

جلالی یادگارلرینک ودها صکره لری دولت صفویه ایرانیه میسیونرلرینک مجرد بولتیق اوله رق امت اسلامییه بیننده حدوتی کندی منفعتلرینه موافق بولدقلری تفرقه بی وجوده کتیرمک ایچون نشر ایتدکلی مذهب و مسالک مخصوص اربابیدرلر. شمدی اوملاحدنه ک وجودی قلمدی، امامت اسلامییه بیننه اکدکلی نفاق شقاق تخمی حالا بوکونه قدر ثمره دار اولوب طورییور .

بو آدملر اهل سنت والجماعتی یزیدی اوله رق طائیرلر، هر وقت سب ولعن ایدرلر. دولت علیه ک خدمت عسکریه سنی بر آنغاریه بر سخره حکمنده طوته رق بر مکلفیت دینه شکلنده تلقی آیلزلر . عسکرده طورملری وبولملری مجازاتک قورقوسی سبیلهدر . یوقسه دیانتک سوقیه دکدر. بوجهتله هر کون، هر ساعت اهل سنت والجماعت مذهبنده بولنان عموم مسلمینک یره کچمسی ودولت علیه عثمانیه ایدهاالله تعالی الی یومالقیامه بناسنک معاذالله کوچسی ساعتیه منتظر درلر . نظرلرنده بر موسقوف نفری، دیندار وحیتکار براهل سنتدن بیگ قات خیرلیدر. انک ایچون محاربه ده اولمک انلرجه کندی کندینه اتخاریتمک قدر خایعنددر. بونلر هر کون کوزینی اردونک بوزلمسنه دیکمشلر وسلامتله اولرینه قاجوب کیتمکی اکبر ثواب عدا یتدکه بولنشلردر. هیچ کوپک زورایله آوه کیدرمی و کوتوریلور ایسه برایشه یارارمی؟! صف حربده بولنان عسکره قاجوق فکری اک اول بومقوله دینسر وحیتسزلردن سرایت ایدیوز. بونلردن برقاج نفری صف حربدن کری یه فرلادیمی، آرتق آلت طرفی چوراب سوکیکی کبی ایشلیوب طورییور. اخلاق وطیعتک ساری اولدیغی وانسان مقارینک طبیعیه منطبع اوله جنی بتون کتب اخلاقیه جه متفق دکلیدر. ایشته بزم عسکرمنک ایچنده بولنان بو آدملر آناتولینک بعض یرلرنده (قرلباش) وبعضیسنده (چراپوف) و (واظالاق) و (صوفی) کبی اسملرله یادوانورلر. بونلرک اعتقاداته وعاداته دائر اولان تحقیقات مخصوصه من اخلاق و سیاسیات اسلامییه متعلق انتخاب و جمع آیلدیکم (بیگ بر حدیث شریف) [*] دن سکزیوز طقسان ایکنجی : [المؤمن للمؤمن یشد بعضه بعضاً] حدیث عالیمسک شرحنده خیلیدجه تفصیل اولنشددر .

الحاصل حکومت سنیه بو جاهلرک ازاله جهالتلری امرنده تدابیر شدیدیه ومؤثره اتخاذ واجرا ایتلیدرکه دشمنلرمزه قارشى وقایه حقوقزه متعلق اسبابک

بر بيوك قسمی تأمین ایدلمش اوله! شو جمله ایله برابر اثنای حریده عسکرک باشی اوجنده بولنه حق ضابطانك همتی دخی تمئیدن کری قالمیهلم. ضابطانك آرسلانلر کبی وقار وهیبتیه موقعنده نابت و سسیله محرض اولدینی کورلده عسکرک قلبی و سوسه شیطانیه ایله طوپ طولی اولسه بیهل کری یه دونوب قاقچق جسارتی پك قولای قولای اظهار ایدمه جککرینك مجرب اولدینی ده خاطر دن چیقارمیهلم.

عسکرک تنظیمی ایله استحکاماته یرلشدیرلمی واستحکاماتك سائر لوازماتك ارضرومك طوپ استحضاریله یرلرینه قونلمسی ایشی دها بیتامشیدی. یعنی ارضرومه کیرلدیکنك دردنجی و تشرین اولك یکر می یدنجی کیجه سی صباحه ایکی ساعت قدر زمان وار ایکن طوپ طاغات ایلر و سنده بولان عزیزیه استحکاماتنده قوپان بر قیزیل قیامتک سریندیسی کافه استحکاماته طوقه نرق و جمله سی خیالاته وجود ویردك طوپ و تفنك آشیه علمه غاغله صالیدلر، بتون عسکر مملکتک خلقیه برابر او یقودن او یاندی. ساکن اولدیغمز قشله ده کی طابورلر سلاح باشنه چیقدی و مملکت خلقی بر برینه قاریشدی. بر خبر صحیح کتیر مک اوزره ایجاب ایدن یرلر یاورلر صالیدرلدی. واقعا طوپ طاغی استحکامنده تاغرافز وار ایدی ایسه ده اورادنده صحیح بر معلومات ویریه میور ایدی. یالکیز او کزده کی عزیزیه استحکامنده حرب او یور جوابی آلینور ایدی. الحاصل زمانك همان هر بر ساعت دن زیاده مقداری کچدی؛ اطراف دن و خصوصیه عزیزیه استحکامدن حالا صحیح بر خبر کلدی. بناءً علیه صباح ماری وقتی عثمانی پاشا حضرتلری احتیاطدن ایکی اوچ طابور آلهرق طوپ طاغنه چیقدی، اورانك قوماندانی مشیر حسن تحسین پاشایله برلشدی. اورتالق تمامیه آیدینلاندق دندکره حقیق بر محاربه نك عزیزیه استحکاماتك بر یسنده وقوع بو یور واورانك دیگر ایکی طابیه سندن هیچ برمس صدا چیق میور اولدینی آکلاشدی. بونك سببی موجب مراق اولدی. سس چیق میان طابیه لره دورینلر واسطه سیله کال دقتله باقلدیغمز طابیه لرك آتش خطدن بزم عسکر دن کیسه کوریه میور کی بر ظن حاصل اولدی ایسه ده تمامیه ده قوت قلبیه کله منی. کونشك طوغتمنده اولدینی صروده هپ دورینلردن دها آنی کوسترن قوماندان پاشانك دورینی عزیزیه استحکامك ایچنده بعض موسقوف نفراتی شابقه لر دن کشف ایتدیکنی، بواندیغمز طوپ طاغی استحکامنده یا نمزده بوانان اون بش ساجمتره لک بر طوبک عزیزیه قشله سی نشان آلهرق آتلی امرینك ویرلمسندن آکلادق.

ارضرومك طوپ
طاغی استحکامنه
دشمنك هجومیه
خونریزانه بر
محاربه وقوعی

طوب آتیه جنی صروده ینه طور دیرلدی. احتیاط قوماندانی قپودان محمد پاشایه ایکی طابور آلهرق ایلروده کی عزیزیه استحکامنه کیتمسی و دشمن استحکامک ایچنه کیرمش کی کوزو ککده اولدیغندن حاک ایجابنه کوره طاورانی امری ویرلدی. قپودان ده طابورلرله عزیزیه استحکامک اورتیه یرنده (بلوق هاوس) یعنی مدافعه لی قشله نك اوکنه طوغری واریر وارماز، قشله نك بزم طرفه ناهظر اولان جهتده کی مازغالرندن شدتلی برتفک آتشنه طوتلدی. بو آتشدن قول نظامیه قشله یه یناشمقده اولان بزم ایکی طابور دن صاپر صاپر برخلیجه عسکر دو کولد کد نصکرده طابور طاغیلوب آوجی هیئت آلدی. شهدا و مجروحینتی اولدیغی یرده بر اقوب ایلرویه کچدی. عسکر قشله نك صاغندن وصولدن ایکی یه آیریله رق هجومه شتاب آیلدیکی ائنده قشله دن ینه شدتلی اوله رق تفک آتشی دوام ایدیوردی. بوندن آ کلاشلدیکه دشمن عزیزیه استحکامک ایکی طاییه سنی کیجه دن ضبط اتمش، اوچن جیسیله ده اوغراشمقده بولمشدیر. دشمنی بوا یکی استحکامدن چیقارمق ایچون قپودان محمد پاشانک آرقه سندن دها بشقه طابورلر کوندردیکی کی سلاحنی آلوب طوب طاغنه طوغری آقین آقین کلکده اولان ارضروم افراد اهالیسی دخی بزم عسکرک آرقه سندن اوجهته صالدرلدی. جمله سی هجومه قشله یه یناشدیلر و دوکیلانه باقیه رق استحکامک ایچنه کیردیلر. آرتق ایکی عسکر بر برینه قاریشمش اولدیغندن اوراده نصل قیامتله قومقده اولدیغنی انلرک بالذات ایچنده بولنوبده سیرایمیلدر. یوقسه بویه نم کی اوزاقدن سیرجی اولوبده ایشک تعریفنه قیام اتمک حقیقت حالی تصویره کفایت ایدمز. کیجه دنبری محاربه ایله مشغول اولان طاییه نك قوماندانی قائم مقام بحری بکدن اوصرده قوماندان پاشایه بر تذکره کلدی. مالی اصابت ایدن قورشونک جریحه سیله پک متأثر اولدیغندن کندوسنک دیکشیدیرلمسی افاده سنی متضمن ایدی. او طاییه نك دخی ایشنه و بحری بکک چاره سنه باقمسی امری قپودان محمد پاشایه کوندردی. آرددن بر یچق، ایکی ساعت قدر زمان کچمکسزین تفک آتشارینک استحکامک او بر طرفه نقل ایتدیکی ایشیدلمسیله استحکامک دشمن عسکرندن تطهیر اولدینگی و بزمکیلرک ضبطنه کچدیکی آ کلاشلدی. عقیباً قپودان محمد پاشاندن بو خبر فتح کلدی. قوماندان پاشا ایله برابر او استحکامه متوجه کیدلدی. دروننه کیرلیدکنده ایچنده کی شهدا جنازه لرله دشمن عسکری

مردز لرینک سرکی هیئتند یاتمقده اولدقلری کورلدی. بوزغون اولدق دشمن عسکرینک بقیه سیوفکده فرار آ طاغدن آشخی قاقمقده. ویزه عسکرایله غزاة اهالی ده اوفراریلری تعقیب ایلکده ایدیلر.

ایلریده دشمنک اردوسنی وقوه کلهسنی کورمک و آنک اوزرینه ایجاب ایدن تدابیری اجرا ایلک اوزره قوماندان پاشاده ایری یه کتیدی. دشمنک بورجعتی اناسنده سواریمز اولدیغدن تپه لسانلری آرقه لرندن قورشونله ویتشیلانلری سونکی ایله بجزیلور ایدی؛ حتی افراد اهلیدن بعضیلری ده اللرنده کی یتاغان بچاقلریله خیلجه ایش کوردیلر. بوزغون عسکرینک رجعتی تسکین ایتک ویزم معقلری دها ایلری یه صوقامق اوزره دره نك اوبرطرفده کی طاشلغه دشمن برقاچ طابور آوجی یرلشدیرمش اولدینی، بی محابا تعقیب ایتکده اولان بزم عسکرک قورشون منزله یناشدقلری کبی طوتلدقلری برشدتلی آتشدن نمایان اولدی. عساکر منتظمه من مقابله درحال آوجی هیئته کیروب طاغملریله دشمن آتشنک ضررینی تحدید ایلدیلر ایسه ده بیچاره اهالی طاغملق اصولنی بیلدکلرندن کیف مالتفقینه هجوملرینه دوام ایدرایکن پک چوق سقطلغه اوغرا دیلر. بوحاله قارشو سپر آلدرق اوله جه یوروملری وپهوده یره آدم تلف ایتدیرماملری تدبیری کندیلرینه کوچجه آکلادیله بیلدی، طاغیلدیلر، هرکس طبیعت ارضدن بالاستفاده صاقلی و سپری یرلردن دشمن آوجیلرینه قارشو سلاح استعمالنه باشلادیلر اما، اوکون کرک استحکام داخلنده وکرک دشمنی تعقیب ایدرایکن خارجنده یالکز اهلیدن مجروح وشهید اولانلرک مقداری درتیوز اللی ایله بشیوز نفر آره سنده تخمین اولیوردی.

دشمنک بقیه السیوفی دره نك قارشوسنه کچدی؛ عسکریمزک ضربه تعقیبنندن قورتلدی. طرفین آوجیلری بر دره نك جانینندن اوزاقدن اوزاغه قورشون تعاطیسه مشغول اولدقلری صروده طوب طانی استحکامنده کی طوبلریمزده، دشمن آوجیلرینک یرلشمش اولدقلری جبهه کواله یاغدیرمقده ایدی.

استحکامک ایچنده کی جنازه سرکیلرینک حاله کلهجه: طایه نك آتشن خطنده اوچ یوز کشیدن زیاده اولدقلری تخمین اولان نفر اتمزک جنازه لری اولدقلری یرده یعنی استحکامک پیاده قدمه سی دنیلان موقعنده بولی یوینه برصره ایله یاتمقده ایدیلر. سباز حال دلالت ایدیوردی که بو عسکر کیچندن آتشن خطه جیقارش

اوراده وقوعاته انتظاراً بکلر لر ایکن او یومشارده هیچ خبر سزجه اوله رق
آرقه لرندن کلش و استحکامک ایچنه کیرمش اولان دشمن عسکری کندیلرینی
ایقودن او یاندر مقسزین برر برر سونکولیه رک اویقو حالتدن اویاتقلق برزخنه
اوغر ادمقسزین عالم آخرته سوق ایدیور مشلردر .

واقعاً قشله نیک ایچنه کیرمش اولان دشمن عسکرینک بر نقری ده صاغ
قور تلیوب جمله سی محو ایدلشلر ایدیسه ده ، اویقوده ایکن اتلاف ایدیلا ن
بیچارکان حقنده وقوعه کلان معامله و حشیانه نیک انتقامی ایچون ایدیلا ن مقابله
وکافه درجه کفایه ده دکلدر . دشمنک استحکام ایچنده قلمش اولان جنازده لرینک
مقداری یدی سکر یوز نفر قدر تخمین اولتیوردی . تعقیب اولتورکن اولدیر یلان
وبجری بیک بولدرینی استحکامه هجوم ایتدکلری حالده اولنان مدافعه ده ترک
حیاه ایدن دشمن جنازده لرینک مقداری بو حسابدن خارجدر . آنلرکده بیک ،
بیك بشیوز نفر قدر اوله جغنده شبهه یوقدر . بزنده عساکر منتظمه مزک اوکونکی
محاربه ده یاره لی و شهیدینک مقداری همان بیک اوچوز نفره قدر وارمشدر .
اهالینک ضایعاتی داخل دکلدر .

اک زیاده شایان دقت اولان احوال دن بری ده اوکون ارضرومدن برخیلی
خاتملر محاربه ایدن عسکره چاشیر سیتلرله اکمک ، پینر ، زیتون ؛ بعضیلری ده
دستلرله صوکتیریور و تشویق آمیز برچوقده سوز سویلیور ایدیلر . بیلیم
نهوقت برروسیه محاربه سنده اولادی شهید اولدیغنی سویلیان بر خاتم ، دشمن دن
استرداد اولنان مدافعهلر قشله نیک اوکنده نقره تصادف ایدرک طوبلرک و تفنگلرک
سسی و هیجانه کلش اولان انکار عومیه نیک غلغله سی تأثیر یله غلیبان ایدن شفقت و انتقام
کبی ایکی مؤثر انفعالک تضییق آلتنده اولدیغنی حالده هونکوره و هونکور آغلیورده ،
کندیسنه بر موسقوف کوسترلسنی رجا ایدیوردی . اولدیغمز یرده بولنان جنازده لر
ایچنده بر موسقوف نقری مرده سنی ارانه ایتدم . بیچاره قادیجغز ، آد اولادم دیه شهید
اولمش اولان چوجغنک یاد محبتیه و سوق انتقامیه موسقوف جنازه سنک اوستنه
چیقوب آياقلرله تینیور ، واخذنار یولنده حصوله کلان غضب نیک اوکنه کچه میهرک
جنازه نیک بورتنی قولاغنی ایصیریور ایدی . بویله شیلر جائز دکلدر ، کناهدر ،
فلان دهرک خاتم نه نی جنازه نیک اوستندن کری به آلدق ؛ و انشاالله سزک انتقامکیز
یرده قالماز کبی تسلی آمیز مناسب سوزلر ایا له خاتمی اولدیغمز یردن ده طائیلقله صاودق .

محاربه اثاسنده
خاتملرک غیرت
و معاونت شفقت
نقری

حتی اوصردده قشله قپوسنك اوكنده كى موسقوف جنازده لرى ايجنده بورنى قولاغنى كسلمش اولدینی حالدہ بریسنی كورمشیدم. بوایشكده مطلقاًینه جكر پاره یاره سیله مجروح اولان برحائمك اثر انتقامی اوله جغنده شبیه ایدلمدی ایسه ده، قره طاغیلرله كچن محاربامزده، عثمانلیلری، امواتك برونی، قولاغنى، كسمله اتهام ایدن واكث وقت دشمنلرمزك احداث ایتدیكى وسائط ترویریہ ایله اغفال ایدیلان آوروپا افكار عمومیه سینه بر سررشته اعتراض ویرلماك اوزره بوجنازدی اوصردده آله كچن كتبه دن بزم حلمی وعلی طلعت افندیله یوكتوب قشله نك تغوشلرندن بریسنك برقراكلق یرنده بولنان كرده وءك آلتنه صوقدیرمشیدم. چونكه محاربہ طوبلرینك سسی كسلمله برابر مملكتده بولنان قونسلوسلرك وخصوصیه انكلیز قونسلوسنك كلوب موقع حربی كزه جكلى، وافعالمزك هر كوشه سینه عطف نظر انتقاد ایدم جكلى دركار ایدی. اكرچه اوموسقوف جنازه سنی كورمش اولسه لردی، درحال غیرت نصرانیه لری تهییج ایدرك وبرك یانه بیك قاتهرق علیهمزده نذر یازمازلر ایدی، ونصل افترا لرده بولمازلر ایدی ...

روسیه دولتك دولت اولق اوزره تشكلی ایتدیكى تاریخندن بری عثمانلیلره بریم حبحال وقوعه كلان محارباتی وحقمنز تجاوزاتی سببیه شمدیه قدر طرفیندن دردلی طولرسی قانلر آقش ووطنك حریت واستقلالی و دینك محافظه سی اوغورنده ترك حیات ایدن غزائمزك مقداری ملیونلره وارمشدر. ممالك عثمانیه ده برخانه تصور اولنه مازكه بر ویا بر قاج شهیدك ماتمكاه مصیبتی اولماش اولسون ویا بر والده خاطر وخیانه كمزكه دشمن حیامنز اولان هیکل شمایلنك مدافعه سی اوغورنده قوربانلق قوچ كی بسلیوب بیوتدیكى واولادینی ضیاع ابدیه اوغراتمق زحمنك تأثیرله جكرلری دایك دایك اولمش بولمسون.

بودشمن حیات سیاسیمزك مجرد ملیت وحریمز شعنی اطفا ایتك املیه وقوع بولان تجاوزاتی شمدیه قدر ملیونلره اوجاقلری سونردی. یوزبیکلره خانمانی خرابیاب آیلدی. لکن نور ایمان کبی صدرمزده پرورشیاپ کال اولان فکر انتقام ونیت حفظ اسلام باقی اولدجه، وحیت اسلامیه من ایله تأید ایدن شجاعت فطریه عثمانیه من بزی سونلر وسومیانلرك قابنده تأثیرات خارقه احداث آیلدجه بحوله تمالی حقوقلرك وقایه سندن آمینز.

عموم آوروپا دولترى اوغول بياپانیدن وادوب اکبر شامایدن ندر
قورقارلر ايسه قورقسونلر، دشمنلرينك عظمتنه نسبتله يومروق قدر قالان
شهبازان عثمانك بالا پروازى همت و غيرت وشجاعترى سايه سنده طفره فروش
هرديار اولان موسـ قوفك انف کير ونخوتى البته ينه بز قيره جغز؛ والى قيام
الساعه حقوقزى مدافعه ايله برابر برفرست سياسيه نك آلوردېكى صرهدده دخی
اضعاف مضاعف اوله رق انتقامزى آلوب ويردېكى ياغك طورطوسنى ينه
کنديسنه اعاده ايدە جکيز!

کله لم صده : روسلر عزيزيه استحکامنه کير مشلر ايسه ده اوراده بارينه بيلمک
ايچون اقتضا ايدن تدابير و عملياتى اجرا ايله مشغول ايکن چوق کچمکسزین
عثمانليرك هجومه اوغرامش اولدقلرندن استحکامده کى طوپلرمزى قيروب
دو کمک ويا تعطيل ايدە جک برحاله کتيرمک تدبيرىنى اتخاذ ايدە مدکلرى طوپلرمزک
ينه سلامتجه اوله رق ألزله واصل اولمسيه آکلاشلدى .

بوطوپلرله دردنك اوتله طرفنده يرلشمش اولان دشمن آوجيلرى تضيق
اولندجقه دشمن دخی قوه امداديه جديده ايله عسکرىنى تأييد ايدىوردى .
نهایت اوکلەدن صکره جه هجومى تجديد ايتک ايچون امدادک ، فلانک فائده سى
اولمدينى وکوزتدېكى فرصتى آلدە ايدينه مدېكى جهته کولله لرمزک تضيق آلتندە
قالميه رق اولدقلرى يردن فرلاديلر؛ بزم عسکرده قورشون ضربه سييله ينه
آرقه لرندن طاقلدى . دشمنک تشکيل ايتدېكى ايکنجى قدميه واصل اولنجيه
قدر بزمکيلر تعقيبده دوام ايدوب ، قدمه نك آتشی بدأ ايتدېكى کي بونلرده
اولدقلرى يردە سپر آلهرق قالدیلر . قارشولقلی آوجى محاربه سنه بدأ اولندى .

ارزروم واليسى
عزت پاشانک
تاریخ حربى و
شاعريته متعلق
برقاج سوز

دشمنک بوايکنجى قدمه سنه کولله يتشديرمک اوزره مختار پاشا حضرتلرى
طوپلرک جدوللرېنى بالذات معاینه و نشان آلهرق مسافه ينى بولق ايچون کولله
آتمقله اوغراشير ايکن، ارزروم والى وکلى اولان سيواس واليسى شاعر
مشهور آرنجبالى حاجى عزت پاشا حضرتلرى بومظفريتى متضمن برقطعه تاريخيه
انشاد ايدرک ديدە وزيرانه سييله مختار پاشانک اولدينى يره کتيردى . جيندن
چيقاروب خلوص آمیز بيلديکمز بعض بکلک سوزلر ايله مظفريتزى تبریک
ايتدکدن صکره قطعه تاريخه سنى او قومق ايتديکنده ؛ مختار پاشا : (شمدى
تاريخک وشعرک صره سى دکل ، ايشه باقه لم !) ديه رک بردن آرقه سنى دونى ويردى ،

وطوبك باشنه چيقرق ايشيله مشغول اولدى. طيبعيركه عزت پاشايده بوخالدين بر بوزغونلق مستولى اولوب اورادهكى خلقه قارشو محجوب قالدی. هر كس محاربهك طباعته ويرديكى دغدغه ايله مشغول ايكن، ظاهر پاشامزده، شايد دشمن مغلوب اولور ايسه مغلوبيته برتاريخ بولمش اولهيم؛ زيرا متاع شاعريتي بازاره چيقارمحق بويله بر فرصت مهمه مدت عمرده پك آز تصادف ايدر؛ بوفرستي فوت ايتكم جائز اوله مازديه برهوس نوجوانى ايله زمان پيриده اوزون اوزادى يه شعر ترتيب ايدييور. و اوچ آشاغى، بش يوقارى كمالك حساباتيله اوغراشيور ايمش. اوله برهم زمانده والى بولان ذاتك مشغوليتى بويله شياره مى منحصر اوله جقدى؛ لكن نه چاره، تربيه مزك حكيمى بونلرله اشتغالى بر مصرفت صررسنه قوييور، خلقمز بيننده بويله شعرلر فلانلر برصنعت مقبوله اولمق اوزره تلقى اولنيور...!

شعر نه ديمكدر؟ نيچوندر، نصل اولملى لازمدر؟ بورالزندن اوزون اوزادى يه بحثه قالقيشور ايسهك صدمزدن زيادهجه مقدار آيرلش اولورز. شو قدر جق بر اجمال ايله مافى الضمير مى بيان ايديمكه بزم اشعارمزده اخلاقمز قدر بوزوقدر. سيئات ادارهسى حكايه سيله كتابلرك طولسى اقتضا ايند بعض متفندان ورؤسانك مدحنى متضمن قصيدهلرله كتابلرى طولديرمق، ظن ايدر ايسه دائما بزده كورلمكده اولان يولسز لقلردندر. آمانك امت محمد! بو چاربيق معامله؛ بومناسبستز خلوصكارلق، بو فنيغ اخلاقسزلق، بو غلط حس، غلط رؤيت بزده نه وقته قدر حكم سوره جك؟. اقوام مدينه و ائم عاقله ايچنه چيقرمحق يوزيمز قالمدى! اخلاقه، علويتنه، حرितنه صاحب اولان ممالك متمدنه عقلاسى حالزده باقوبده كوايور، بر قسمى ده عادتا بزى حس انسانى يه ممالك اقوامدن عد ايتيورلر.

مثالى ايسترسك؟!.. بوبابده پك چوغى ارانه اولنه بيلور ايسهده يالكز برينسى سويلك نمونه اولمق ايچون كافيدر. مصرى اداره سيله بر باد ايتديكى بو كتابه ذيل اوله رق يازيلان پارجهده كوريله جك اولان عجنون عاقله خديو اسماعيل پاشاك عهدتوليتده كندوسنه تقديم اولان قصايد و مدحيه لر؛ مبالغه اولمسون، اما بر قچ يوزجله ككتاب تشكيل ايدم جك درجهده ايمش. ملتك رهبر افكارى، ناقل انارى، مربيى، مرشدى، منور اذهانى اولمق لازم كلان بوادبا و شعرلك هبى ده اوداتك حرصى، طمعى، ظلمى، والحاصل كافيشيائى بيلدكارى

حالدہ برقاچ غروش قالمق ویا بر رتبه نشان قزاقمق ویا خود برالتفات کورمک طمعیله بیله بیله وجدانلرینک خلافتده سوز سولیک ویا زی یازمق صورتی التزام ایدیورلر ایدی . ایشته بویله حاللر برطاقم نوهونسان أدبه سوء مثال اولدی . ایش بری برینه باقه باقه حدینی ، درجه سنی آشدی ، طاشدی . اوغسرك اهل ادبی دنیان برطاقم خلوصکاران بتون عقلايه قارشى كولنج اولدی . اللهم اصلح احوالنا آتشمزك تضيق سینیله روسلر ایکنجی قدمه موقعده دخی بارینه میه زق جوزولدیلر . ایکندی به یقین ارودوگاهلرینه واصل اولملریله بزم معقین دخی کری به آلدیلر .

دشمن نعل اولشده
بزم قشله نك ایچنه
فسر کیرمش

روسلر کیجه دن نعل کوبیده اواستحکامه کیردیلر و نه وجهه قشله مزی ضبط ایتدیلر؟ بونک حقیقتی لایقيله آ کلاشیه میه رق مجهول قالدی . چونکه ضبط اولنان ایکی استحکامده کی عسکر دن وضابطانندن بریسنه تصادف اولنه مدی که حقیقت حال آ کلاشلسون . برکت ویرسونکه استحکامات مذکورده دن دشمنک اسیر اوله رق آلدینی عسکر مزك ضعفاسنی ووجودلری اوصرده روسیه اردوسنه برحمل ثقیل اولسی لازمکلان بعض مجروحین ومرضاسنی محاربه دن ایکی کون صکره آراهه لرله ارضرومه اعاده ایتش اولسیله ، آنلرک استنطاقدن ایشک سرعت وقوعه بدرجه به قدر انتساب حاصل اولدی ایسه ده ینه حقیقت خال آ کلاشیه مامش دیمکدر . زیرا هرکس نظر معلوماتک احاطه ایتدیکی افقدن خبر ویریوردی . حالبوکه مأمورینک ایجابی و حالک حکمی و موقعک مقتضاسیه بو افق معلومات کسب اختلاف ایده جکندن جمله سنه شامل بر افقه نظر ایدن اواستحکاماتک قوماندان وضابطانندن هیچ برکیسه آلدیه ایدیه مدیکی ایچون وقوعاتک حقیقتی لایقيله آ کلاشیه مامش دیمکدر .

عزیزیه دنیان اوچ طایبه نك کافه سنه قوماندا ایدن قائم مقام بحری بکک افاده سنه کوره ، صباحه دها اوچ ساعت ساعت قدروقت وارایکن استحکامک ایلروسنده بولنان سواری قره غول ضابطی بحری بکه دشمنک کلکده اولدینی خبر ویرمش ؛ بحری بکده ایفای وظیفه ایتدیکنندن طولای ضابطه حدت ایدرک : کیتده ایفای وظیفه عسکریه ایدرکدن بکاملاق اولدیهرک ضابطی قوغمش ، ضابطک ایفا ایده جکی وظیفه ده ، چونکه اورتالقه هیچ برشی کوزوکمکده اولدیغندن ، ایلرویه کیدرک دشمنه ملاقی اولدینی یردن تفنک آتشنه بدأ ایتدیروب تا بزم خط حربمزه قدر یواش یواش آته آته کری به چکیلوب بزم استحکامده کی عسکرک

آتشه ترك و تسلیم ایتد کدنصکره اوقطعه قوماندانك امرایده جکی یرده طور مقده عبارت ایش. ایشه بووظیفه یی ایفا اتمی تبیهله ضابطی کری به جویرمش. آندنصکره بحری بك حاضر اولملری ایچون جوارنده بولان اوته کی استحکاملره خبر کوندردیکی کبی کندوسیده بولندیغی استحکامك آتش خطنه عسکرینی یرلشدره رك بزم سواریمزك دشمنله چرخه لشمسنه انتظارده اولور. آرددن بر ساعتدن زیاده زمان کچر؛ بزم سواریلردن برخبر و اثر ظهور ایتمز. جوارنده کی استحکاملردن برقچ ال قنك آتیلدیغی ایشدر ایسه ده کندیك بولندیغی استحکامك اوکته و صاغنه صولنه دقت ایدوبده کیمسه یی کوره مدیکی کبی ذاتا ایلریده کی سواریمزده دشمنك تقرب ایتدیکنی، چرخه لشمق انساننده آته جقلری سلاح سسیله بیلدیره جکلرندن جوارنده کی استحکاملردن کلان سسك مطابقا اوراده کی عسکرک بر خیالات کورمش اولمسندن منبعث اولدیغه حکم ایدر. برده بحری بك بولندیغی استحکامك آتش خطنده کی عسکر، اوکلرنده دشمن قرالیدیسی واردیه آتشد بده ایتسیله برابر، استحکامك اوکندن روسلرك (هورا!) سسی دخی ایشیدیلور.

مکر دشمن بحری بك بولندیغی استحکامك ححر اشیوی دنیلان یرینه قدر یناشمش و کیجه نك قراکلنی سسیله بزم عسکر کوره ماش ایش. استحکامك ایلروسنده بولان و دشمنك کلسندن استحکامی خبردار ایده جك اولان سوارینك وجودندن، عدمندن صکره دن اولسون برخبر آله مدی. بحری بك سوارى ضابطنه هایدی کری به کیت دید کدنصکره بوضابط عسکر یله کری به کیتیموبده بر طرفه صاووشه رق طریق سلامتیخی اختیار ایتدی، یوقسه حقیقه کری به کیدر ایکن غفلتله دشمنك ایچنه دوشدیلرده آسیرمی اولدیلر، و یا خود اولدیلر دیرلمی؟ اوراسی آکلاشیله مدی کیتدی!

بحری بك عسکرى، استحکامك ایچنه کیرمك غیرتنده بولان دشمن عسکرى علیه سلاح استعمال ایدر ایکن، بحری بك قولندن بر دشمن قورشونیه اوریلور؛ مندیلمی جریحه سنه صاردوق ینه ایشه دوام ایدر. تاصباح اولوبده احتیاط عسکر مزك عزیزیه استحکامنه وصولنه قدر یاردلی اولدیغی یاننده کی آرقداشلرینه بیله سزدرمیه رك شجیعانه ایفای وظیفه ایدر. آندنصکره قوماندانه برتذکره یازدیروب یازدندیغی اعلام ایله کندی یرینه بر آدم ایستر.

حمیت وشجاعت اسلامیه وعثمانیه نك تمثالی اولان بومقوله اعظم مروتمندانك وجودندن اردومن خالی دكل ایدی .

دیكرایكی استحکامك نه وجهله دشمن ألنه دوشمش اولمی بختنه كلنجه ؛ دشمنك آسیر ایدوبده مجروح وضعیف اولمیرینه منی اعاده ایتدیكى یوقاریده بیان اولنان عسكردن بعضیلرینك اجرا قلنان استنطاقنه عطف ایله قوماندان پاشانك مقام سرعسکری یه یازدیغی تلغرافنامه نك بر صورتی عیناً بورایه نقل ایدر ایسهك اولدقجه ایضاح حال ایتش اولورز .
تلغرافنامه بودر :

مقام سرعسکری یه

دشمنك كچن كیجه عزیزیه استحکامنه وقوعبولان هجومی و قشله یه قدر دخولی اسبابی تدقیق و تحریده ایدم . اکتساب ایدیلان معلوماتك نتیجه سی شوندن عبارت اولیوركه ، مذکور استحکامده توقادك مستحفظ ومعدنك ثالث طاووری اولوب ، بونلر هر فصله محللرنده اوطور مقده ایكن دشمن طرفندن ترجه بیلیر برقاج آدم باشه فس قویه رق استحکامدن نردبان ایله آشمش ونوبتجی نفرینه نوبتجی ضابطی سؤال ایدرك و بیكباشینك اولدیغی محلی آکلایه رق کویا بزم طرفدن دوریه قرده غولی ایش حکمنده تجسساته قیام ایتش ایش . بعده بیكباشینك قذنجی آله رق معامله تحذیریه ایله مشغول ایكن بر طرفندن دشمن عسکری نردبانلر ایله استحکام ایچنه کیرمشلر . اوصرده ایش آکلایشله رق عسکر سلاح باشه اولمش وبعضیلری ده طاورانمش ایسه لرده ایش ایشدن كچدیكنی بعض ضابطان افراده آکلاده رق تسلیم سلاحه قرار ویرمشلر . چوق كچمکسزین صباح آچلمش ودشمنك اورایه کیردیكى آکلایشلیدیغی و بر طرفدن اسرای آسیریدیغی صرده بزم هجوم قولاری یناشمش واستحکامی استرداد ایش اولمسیله اسرانك بقیه سنی روسیه لولر یتشدیره بیلدکلری قدر سونکولیه رك قصوری قورتارلمشدر . دشمنك اورادن کوتوردیكى اسرا مع ضابطان بشیوز بو قدر نردن عبارت اولوب ، ضابطان مرقومه ایفای وظیفه ده کی قصورلرندن ناشی روسیه ضابطانی طرفندن معامله تحذیریه کوردکلری کی اوراده (یعنی روس اردوسنده) بولنان چركس ولزکی وسائر کبی اهل اسلام طرفندن دخی فوق العاده توخیه مظهر اولدقلى اسرای مرقومه میاننده بولنان قرق بو قدر مجروحین ایله اعاده ایدلمش اولان برچاوشله اوچ نفر ك افاده سندن آکلالمش وبو طاووردن شمدی آلد بولنان بر ملازمدن بشقه ضابطانك

حیاء و ماتی معلوم اوله مامشدر. ایسته ضابطانمرك درجه ماهیته دلالت ایدر بر وقعه متأسفیه فی دها عرض ایدرم ۱ تشرین ثانی سنه ۹۳ غازی احمد مختار بومقوله خبرلری ایصال ایدنلرك بولندقلری حال و موقعك تخلفیه ایشك دخی اختلاف ایده چکی یوقاریده ذکر اولمشیدی. بوتلغرافنامه ده روس اردوسندن کلان نفرلرك افاده لرینك ده براز احتیاطلیجه اوله رق تلقیمی الحجاب ایدر. چونکه فقیر کوزلرمله کوردمکه بو استحکامك آتش خطنده کی عسکرک جنازهلری، ایلروسی کریمی اولیه رق تکمیل برصره اوزرینه پیاده قدمه سنك بویجه یایورلر ایدی. سلاح باشنه کچوبده طاورانش اولان عسکرک جنازهلری بوسورتله یاته مز؛ مطلقا ایلرولی کرلی قارمه قاریشیق برحاله اوله جقلری؛ خصوصیه استحکامك ایچنه کیرمش اولان بر عسکره سلاح ایله مقاومت ایده جکلرندن، او حالده استحکامك ایچنه کیرماش و خارجدن هنوز گمکده بولمش اولان عسکره مقابل استحکامی مدافعه یایلامشدر. دشمن استحکامك ایچنه کیردکن صکره ایشه یارمیان بر موقع آتش خطی اولمش اولور، واولوقت آتش خطنده بولنان عسکر دشمنه آرقه ویرمش بولنور.

بوقرینه نك دلالتیه آ کلاشیلورکه، سواری ضابطنك دشمن کلور خبرنی بحری بکه ویردیکی صرهدده، بو عسکرده اوته کیلرله برابر استحکامك آتش خطنه چیقاریلوب دشمنك گمنی براز جککیدیکی کبی ذاتاً اویقودن قالدیرمش اولان عسکرک اویقوسوی غلبه ایدرك هرکس اولدقلری یرده و سلاحی قوجاغنده اوله رق او بولرلر ایکن دشمن ده سلمه السلام ایلرولیه رك استحکامك خندقه برابر کتیرمش اولدینی نزدانلری قوروب انمش و اوته طرف سپرینه ده چیقادیغنده اویانق اولانلر بوحالی کورملرله شاشیروب تسلیم سلاح ایتشلر؛ اویقوده بولنانلرده پراکنده اوله رق استحکامك اوته سنه برسنه یایلامش اولانلر، دشمن عسکری طرفدن هیچ اویقودن اولاندیرلمق سزین صره یله سونکونه رك دیار عدمه قدر کوندرلمشدر.

تلغرافنامه ده دینلیدیکی کبی صکره دن بو عسکرک ضابطانندن هیچ کیسه اله کچمیدی که قیدسزلقلری سببیه وقوعه کلان مدهش بر قضانك مجازات عدلیه سنی کورمش اولسونلر. چونکه دشمن اسرامزی بعدالمصالحه کافه استانبوله کوندرمش و اورادنده هرکس برلی یرینه طایفدنش اولدیغندن اختیار

اسارت ایدن ضابطان بر حاده تدقیقندن کچویده : سن زده ایدک ، نیچون اسیر اولدک ؛ اسارتک بر معذرت حقیقه دمنی نشأت ایتدی ، یوقسه ایفای وظیفه جه واقع اولان رقصورمی اسارتکی ایجاب ایلدی ؟ بورالری تفریق اوانه مدی . ایش بر دغدغه یه ، بر کورولتی یه دوشورلدیکندن مجازاته و مکافات لیاقتی اولانلر بیلنه مدی . دستی بی قیرانلر ایله صوبی کتیرنلر مساوی عد ایلدی .

انتظام آتینک محافظه سی ایچون ایجاب ایدر ایدیکه ، بعد المصلحه آناتولی حرب اردوسنک مرکزنده ، اصحاب و قوف و معلوماتدن و وجدانک غیریسنه اویمیان سوزی و اوزی طوغری ذواتدن مرکب بر تحقیق مجلسی تشکیل اولنسون ؛ ضابطاندن اختیار اسارت ایدنلر استنطاق ایدلسونده هرکس لایق اولدینی معامله یه مظهر اولسون . اسیر اولیوبده اثنای حربده ایفای وظیفه جه بشقه درلو قصور ایدلرده مجازات ایدیلرک آخره عبرت مؤثره کوسترلسون . کچن کچدی ، کویا بردها هیچ محاربه ایتیه جک ایشز کی هرکس بر راحته ، بر اویقویه طالدی ؛ اصحاب تقاصیرکده ایتدکری یانلرینه قالدی .

قوماندان پاشا اردوی هایون قوماندانلغنه قبل المحاربه تعیین اولندیغی صرده اراده مخصوصه حضرت پادشاهی ایله مکافاة و مجازات امرنده حائز کمال مأذونیت اولدندن بشقه دوه بونی محاربه سنی تعقیباً شرفوارد اولان تلغرافنامه هایونده دخی بوصلاحیت تجدید و تکریر بیورلمش وانک اوزرینه افراد عسکره بر عبرت مؤثره کوسترلمک اوزره فراری نفراتدن بعضیلری قورشونه دیزلمش اولدینی یوقاریده یازلمش ایدی . لیکن ضابطان و امرانک بعض حیتسزلرینه دخی بر مثال عبرت و تبصر اراءه سی لزومی طوب طائی محاربه سنده دشمنک قشله مزک ایچنه قدر کیرمش اولمسیله تحقق ایتدیکندن ، سیئات سابقه و لاحقه لرینه مبنی سواری نظامیه برنجی الاینک میر آلائی درویش احمد ، دوه بونی محاربه سنده کی بوزغونلغه سبب اولان آلتنجی دیار بکر ردیف آلاینک میر الائی حاجی احمد و خاصه اردوی هایوننک پیاده اوچنجی آلاینک میر آلائی حسن و طوبجی میر آلائی عارف بکدرله طوبجی بیکباشیسی عبدی افندینک سلك عسکریدن طرد اولندقلری وارکان حربیه قائم مقاملرندن شوکت بکک دخی رتبه سنک بیکباشیغه تنزیل ایدلدیکی جهتله صورت حال آتیده کی اوامر یومیه ایله اردونک بتون ضابطان و نفراتنه اعلان اولندیغی کی محبوس بولنان امرای مومی الیهم قوماندان پاشا حضر تارینک اقامت

بعض امرانک
رتبه عسکریه دن
نجیرید ایدلمری

ایتدکلری قشله دیوان خانمسه جلب اولنهرق موجود اولان مشیران عظام وسائر ارکان وامرای عسکریمواجهمسنده ذکر اولنان اوامریومیه نك جهراً قرائت اولمسنی متعاقب اشخاص مرقومه علامت عسکریمدن تجرید ایدیلهرق بوندنصكره ایتدکلری یره کیتمکده مختار اولدقلری کندیلرینه بیان ایدلدی .

عسكرجه (اوامر یومیه) دنیلان اعلاننامه نك صورتی شودر :

۲۳ تشرین اولسنه ۹۳ تاریخنده وقوعبولان دوه بونی محاربه سنده دردنجی اردوی هایونك آلتنجی ردیف آلائی میرآلائی احمد بك مأمور اولدینی نقطه استحکاماتنك الك تهلكلی محله کیدوب عسکریتشجیع ایله دشمنی طرد ایتك اسبابنه تشبث ایدهجکی یرده اورانك عسکریتاغیلوب فرار ایتش اولدقلری صروده اورایه کیتامسی ووظیفه عسکریمسنی ایضا ایتامسی بریوك بوزغونلغه سبب اولمش اولغلله کندیسى سلك عسکریدن طرد اولمشدر .

طوبجی میرآایلرندن اولوب بشنجی اردوی هایون مجلسندن کلهرق بروقتنبرو یازید قول اردوی هایوننده مستخدم بولنان عارف بك ۲۳ تشرین اول سنه ۹۳ تاریخنده کی دوه بونی محاربه سنده وقوعبولان رجعت ائناننده قوشوبارکیرلری موجود وقوشولمش اولان طوپلرك اوکندن و آرقه سندن آیرلمهرق جمله سنی محل سلامت ایتال ایدهجکی یرده بولردن بعضیلری بالاسب یوللرده قوشوبارکیرلرینی سوکوب طوپلری ترك ایدرك صاووشمش وبوایسه میرآلائی مومی الیهك ده ایلجه صاووشوب دولتك عرض وناموسی حکمنده اولان طوپلرك برافلسمسنه اصلا اهمیت ویرمامش اولمسندن نشأت ایتدیکی آکلاشلمش ویرده او آرائق کندیسى ارضروم قلعه قپوسنده کورینهرك : اردو بیتدی ، نه طور یورسکوز؟

یوللو نشر دهشت ایتسیله اوصروده قره غول طرفندن طوتیلوب حبس ایدلمش و یونك کیم اولدینی کورلك اوزره کیجه قلعه قپوسنه وصولده حبسندن چیقاریلوب کورله کده فاحالده سرخوش اولدینی آکلاشلمش وبومثلو امرانك سلك عسکریده وجودی مضر بولمش اولدیتندن کندوسى سلك عسکریدن طرد ایدلمشدر .

خاصه اردوی هایونك اوچنجی نظامیه آلائی میرآلائی بولنان حسن بك برفاق آیدنبری مأمور اولدینی عمللرده و حرب زماننده اظهار جیانت ایدوب نهایت دیزلرنده سیزی اولدیتنی بیان ایله گوشه استراحت چکلمش وامل و ارزوسى یالکز مواقع حریبه دن قورتمق ماده سندن عبارت اولدینی آکلاشلمش وشوخلده

امرانك صورت مجلد
زاتنه دائر اولان
اوامر یومیه

آلایه ویرلسه حال وحرکتندن امنیت منسلب اولمش اولدینی جهتله بویه برنازك
 زمانده آلايك انهزامنه بادی اوله جغنده شبهه قالمش اولغله وبومثللو امرانك
 سلك عسکریده قالمسی غیر جائز بولمغله کندوسی سلك عسکریدن اخراج اولمشدر.
 دردنجی اردوی هایونك برنجی سواری آلاينك میرآلای دزویش احمد
 بك ۹ حزیران سنه ۹۳ تاریخنده وقوعبولان خالیاز محاربه سنده آلدیغنی افاده
 ایتدیکی جزئی بریاره اوزرینه مافوقی کوروب استیذان ایتمکسزین آلاینی ترك
 ایله ارضرومه کیش وبوکونه دکی ارضرومدن چیقماش و آلاینی بیله سؤال
 ایتماش اولدقدن بشقه مواقع حربیه دن قورتبق اوزره بمض تشبثاته قیام ایتماش
 وبو حال ایسه آنحق اثر جباتدن نشأت ایتدیکی آکلاشلمش وکندوسی جسماً
 آلائی خدمته مقتدر اولسی سببیه آلاینه کوندرلمش اولسه مضرتدن بشقه
 برنده سی اولیه جنی تیقن اولمش وسواری امرا وضابطانه احتیاج درکاراولان
 شویله برزمانده برآدمك یوزندن برسواری آلاينك غائب حکمنده براقلمسی
 جائز اوله میوب خدمت خالصده بولنانلرك شوق وغیرتی تزید وامثانی ترهیب
 ایچون کندوسی سلك عسکریدن طرد اولمش وامور ملکیده مناسب خدمت لدره
 استخدای ایچون یدینه تحریرات ویریلرک درسعاده اعزامی مقرر بولمشدر.
 برقاج اردوی هایونده قوللانیله رق مؤخرأ هرصلسه مسافرتاً دردنجی
 اردوی هایونك طویچی آلاینه کیش اولان بیکباشی عبدی افندی دوه بوینده
 وقوعبولان محاربه ده وحین رجسته بولندیغنی نقطه نك طوپلرندن قورتلمسی
 ممکن اولانلری قدر قورتارمق کبی برخدمته تشبث ایتمدکن بشقه ، بولندیغنی
 نقطه دن عودتی حینده احتیاطده کی طوپلرك یانه کلوب انلردن اولسون برقاجنی
 قورتارمق ایله مشغول اوله جق یرده کسدرمه یولدن برچوق مسافه کیرییه
 چکلمش وکویا مأموریتك خارجنده ایش کی منسوب اولدیغنی صنف عسکر برجه
 عهدده سنه ترتب ایدن وظیفه نك ایفاسنه قیام ایتیه رك دولتك عرض وناموسی
 مثابه سنده اولان طوپلری قورتارمسی ایجاب ایدرکن میرآلای کی مذکور
 طوپلرك یوللرده بلاسبب قالمسنه سبب اوله رق یالکزنفسی قورتارمغه چالیشمش
 وبویه افکار مضرده بولنان ضابطانك سلك عسکریده بولمسی جائز اولیه جغندن
 مرقوم عبدی افندی صنف عسکریدن طرد ایدلمشدر.

ارکان حربیه قائممقاملرندن شوکت بك مأمور اولدیغنی طوپ طانغی جهه سنك

هر نقطه سنده اعمال فکرایه لازم کلان خصوصیات تدافعی ده بحق چایسمدیغندن
واو کونکی حریده کوشه سلامتی ترجیح ایدرک ناموس دوات وملتک اکلانه
چالشمی وظیفه سندن ایکن اوجهته اماله فکر ایتدیگندن وکندوسنک بوحالی
اولجده برقچ دفعه سبقت ایدوب تهلکدن اجتناب وکوشه سلامتی ترجیح
أبلدیکی کوریلوب آکلاشلمسینه منی. بعدما تهذیب اخلاق ایتسیچون رتبه سنک
بردرجه تزیلیله قیدینک بالتسویه بعدما ارکان حریه بیکباشیاغنده استخدام
اولنه جنی بیان اوانور. ۳۱ تشرین اول سنه ۲۹۳۳ غازی احمد مختار
بوامر یومی به شوصورتله ده برذیل یازلمشدر :

اثنای محاربه ده نصرت وغالیت یدقدرت ومشیت الهیه ده اولدینی بدیهی
ایسه ده، اسباب ظاهره وتدابیر مقتضیه به بالتشبت یعنی وسع بشرک متضمن اولدینی
هردرلو اسبابه بعد المراجعه انقطاع امید حالده یوز کوسترن واقعات مبرمدرکه
بوده تقدیر الهی مقتضیا سندن. لیکن شوصوک ایکی دفعه ده وقوع بولان هزیمتسز
ظاهرده سبیلری بیلان حالاتدن اولسیله اسباب مذکور دینی آریوب بولوق
ومعاذالله عدم تکرر وقوعی ایچون تصحیحاتنه قیام ایتک وجائب امور دندر.
بالاده اسامینسی مذکور اولان ذواتک تقصیرات بدیهیه سنه قارشو اغماض ایداش
اولسه، اصحاب همت وغیرتک کسل وفتورینی موجب اولماق ممکن دکلدرد. کیفیت
مابین هایونه ودر بارعالیه عرض ایله آلتان اراده سنیه جوابیه ده بومقوله احوال
جزائیه دخی مأذونیت عاجزانم دائره سنده اولدینی اراده وفرمان بیورلمش
وذوات مرقومه نیک تقصیر واقعه لری ایسه شاهده ذاتیه مه مستد بولنش اولدیغندن
ایجاباتی اجرا قلنمشدر. ایشته شو عبرت مؤثره نیک جمله نیک نظرینه قونل سندن
مقصد. بعدما امتالاری حقنده دخی ذقیقه واحده معاملیه اغماضیه وقوع بولمیه جغنده کی
معذورتی میدانه قویمقدن عبارتدر. شو قدر وارکه زمان حریده باشلوجه ارکان
وامرائک تقصیراتی کوروب بیله حکم طبعی اولوب؛ ملازم، یوزباشی، قول اغایی،
بیکباشیلرک غیر سزاکارینی دخی ارکان وامرا کوردجکاردن انلرک تقصیراتلرینه
ترتیب ایدن مجازات دخی اجرا اولمق اوزره اومقوله لر خبر ویرلمز ایسه بونک
مسئولیتی ینه او امرائک اوزرینه ترتیب ایدر؛ واولحاده دخی کندی وباللری
کندی بیونلرینه اولسون دیمکدن بشقه چاره قالماز. ایشته شو اجرا آتی ایجاب ایدن
احوال متأسفنه نیک بعدما منع تکرر وقوعی امل خالصه مستد آعلانه ایتداریقلندی.

کافه علما و عقلا نك اتفاقيله مبرهندر كه بر مملكتده مكافات و مجازات نه رتبه
حائر درجه اعتبار اولور ايسه اودولت، اومملكتك صلاحی، امنیتي، ترقيسی،
اعتباری دخی اول مرتبه واصل نصاب کال اولور. حکمت حکومتک بویکی
اساس متینی بزده یولیه جاری الحکم اولدیغندن اقوام غریبه یه قارشو ضعفله،
عجزله ایچنده قالدق. مختار پاشا صورت عمومیه و خصوصیه ده مکافات و مجازات
اجراسنه مأذون ایدی. حتی دوه بونی محاربه سنی تعقیباً مقام سرعسکری یه
یازدینی تاغرافده، میر آلائی احمد بکله عارف بکک و توقادک صنف ثالث ردیف
بیکباشینسک رتبه لرینک ایکیشر درجه تنزیلی لزومی کوسترلمشیدی. تحقیقانه دوام
اولورکن اوکون اظهار جبات ایدن توقاد ثالث بیکباشینی دنیلان ذات اولیوب،
توقاد مستحفظ طابورینه قوماندا ایتکده اولان بر مقاعد قول آغاسی اولدینی
وعزیزیه استحکامنده وقوعبولان محاربه کونی بو آدمک کلیاً غائب اولدینی جهتله
عملنک جزاسی روز جزایه معلق قالدینی تصحیحاً مقام سرعسکری یه یازلدی
ایدی. سرعسکرلک مقامندن کلان جوابده، بومقوله لک عسکردن طردی و یاخود
دها بیوک جزالره دوچار ایدلمسی مأذونیتلری داخلنده اولدیغندن اقتضاسنه کوره
معامله اجراسی اشعار اولمش وایکی کون صکره ظهور ایدن عزیزیه وقعه سنده
دشمنک استحکامک و حتی مدافعه لی قشله نك ایچنه قدر کیرمسی ضابطان و امرانک
دقتسرلکندن ایلری کلش اولمسيله بونلره برعبرت مؤثره کوسترلمسی لزومی
ظاهر اوله رق، ذاتاً محبوس بولنان شردرت میر آلائی ایله بر بیکباشینک طردی
وقائمه مقام شوکت بکک دخی تنزیل رتبه سی لازمل الحضور اولانلر مواجهه سنده
اجرا اولنه رق کیفیتلری جواباً سرعسکرلک مقامنه دخی یازمش ایکن جواباً
کلان تلغراف بروجه آتی عیناً قید اولندی.

غازی احمد مختار پاشا حنر تله رنه

۲۹ تشرین اول سنه ۹۳ تاریخلو تلغرافنامه لرنده مشهود اولان دنائت و جباتلرینه
مبنی طرد ایدملری لزومی بیلدیریلان[*] ردیف آلتینچی آلائی میر آلائی حاجی احمد
و طوپنجی میر آلائی عارف بکلرله، طوپنجی بیکباشینی عبدی افندینک و خاصه اردوسی
اوچنجی نظامیه آلائی میر آلائی حسن و دردنچی اردوی هایون سواری برنجی
آلائی میر آلائی درویش احمد بکلرک حرکات واقعه لری حقلرنده مجازات

[*] طرد ایدملری لزومی بیلدیرلدی، طرد اولندیلر دینلدی.

برعبرت مؤثره اراده‌سی لازم ایدی. بونلرک سیئاتی مشاهدۀ ذاتیه‌مله وزمانک دیوان حرب تشکیلی بکلیه‌میه‌جکی واکثر دیوان حربلره بو مقوله‌لر برائت ذمترلرینه یول بولمقده اولدقلری امشالیه ثابتدر. مکافات و مجازات اجراسنه مأذونیم اراده‌سی سرجه‌ده معلومدر. اخیراً آلان تلغرافلر ایله‌ده بو مأذونیم مؤیددر؛ بناءً علیه بن بونلرک طردیه اکتفا ایتدم. عجبا او کون بو ذاتلر قورشونه دیزیلرک وجودلری صحیفۀ عالمدن قالدیرلمش اولسه ایدی شیمدی نه اوله‌جقدی ونه دنیه‌جکدی؟ یولنده بعض مطالعات درمیان اولنمش ایسه‌ده، مطالعات مبسوطه ورقه‌سی مخصوصاً تشکیل اولنمش اولان دیوان حربده کورلدکن صکره جله‌سنک رتبه‌سنک اعاده‌سنه وبوشده‌قالدقلری مدت معاش وتعینلرینک اعطاسنه قرار ویرلدی. اراده‌ سنیه‌سی دخی اول مرکزده شرفسنوح ایلدی. شووقه غریبه‌نک حکایه‌سی، آتیده‌ایش کوره‌جک اولان عموم قوماندانلره برمثال عبرت وحکمت اولمق مقصدینه مستنددر. بو ذاتلردن بعضیلری براق آی صکره پاشا القابنی دخی آله‌رق میرلوا اولدیلر؛ مهم موقع ومأموریتلره تعیین قلندیلر. فاعتبروا یا اولی‌البصار!..

هرنه‌ایسه جناب‌حقک لطف وتوفیق‌یه طوپ‌طاغی یعنی عزیزیه محاربه‌سی‌ده قزاندی. زیراطوپ‌طاغی کافۀ ارضروم استحکامات‌نک کلیدیدر؛ طوپ‌طاغی دشمن‌ آئنده بولندجقه مملکت یوق دیمکدر. سائر استحکامات متصله ومنفردنک‌ده هیچ‌بر ایشه یارامیه‌جنی درکاردر. چونکه موقعی جله‌یه حاکمدر. اولیه بر مهم موقعده‌کی استحکامات جسمیه وحقی مدافعۀ قشله، روسیه دواتنک عسکری کی عسکر لکنه وزور بازوسنه کوه‌نیر بر جماعت غالبه‌نک آله کچوبده تکرار اجموم اولنه‌رق حرباً نزع اولنسی وبو حربک رجعتلر وبوزغونلقلره اخلاق بوزلمش وصبر وثباتی زده‌لنمش عسکر معرئیه وقوعوملوسی یینه‌عنائی عسکرینه مخصوص اولان خارقه‌لردندر... طوپ‌طاغی محاربه‌سندن ایکی اوچ کون اولجه موسقوفک-هر نه‌سبیه مبنی ایسه - ارضرومی محاصره‌ده آغر طاورانمقده اولدینی کورلمسیله طریزوندن ارضرومه کماک اوزره یوله دیزلمش ایکن بعض مخاطره‌لرک حسابیه بایوردده اجتماع ایتلرینه قرار ویرلان طابورلر بوفرستدن بالاستفاده کونلر کچدجکه، سیل اوکندن کوتوک قاجیرجه‌سنه برسرعت فوق‌العاده‌یه ارضرمه صوقلمغه باشلا‌دیلر. اطرافده‌کی کویلر وقضالرده قلمش اولان نه‌قدر میری ذخایری وار ایسه آنلرده برطرفدن ارضرومه سوق اولنیوردی.

از ضروری محاصره ایتمک آملنده بوانسان روسیه اردوسنك قارص جهتی 'ارضروم ایله قارص وروسیه مملکتیله اولان طریق مواصله سنه تعرض ایتمک و بو طریقك جناختی آردسندده دشمنك تهدید آیتك اوزره موش جهتلرندده نفیر عامدن یمنی معاونه دیدیکمز اهالی عسکرندن مرتب برقراتی تشکیلی و بونلرک بریوک ایش کورده میه چکلی درکار ایسه ده. هیچ اولمازایسه دشمنك طریق مواصله سنجه امنیتک ازاله سنه خدمت مطالعات ایتمک و سربرستی آمدوشدینه مانع اولوق وظیفه لرله موش مقصرناختی قومانداسنده اجتماع استدریلمسی امرنده ایجاب ایدنلره بیورلدیلر یازش و اوامر مقتضیه نشر ایداش ایسه ده، دشمنك برکره مملکتمز ایچنه یاییلدقدن صکره بومقوله تدابیرک ایشه یارایه میه جفی اهالیمزک مضبوط اولان اخلاق و تجارب عدیددنك دلالتیه ده معلوم ایدی.

اگر اردومن روسیه حدودینی تجاوز ایدوبده بر ازده صورت تقدم کوسترمش اولسه ایدی، کردستانده کی اولرده آدم قلامق شرطیله هان جهلسی اردویه کلوب دوکیلور ایدی. لکن قضیه بر عکس اولنجه، بونلردن مأمول اولان خدمت جوادیه نك دخی بر صورت معکوسه اکتساب ایتمی ضروریدر. چونکه بو اهالینك هنوز او درجه کوزی آچیلماش و محاربه واقعه مجرد شخصی اوله رق پادشاه محاربه سی صورتنده تاقی اولمش اولغله، قومی وملی بر نظرنه منظور اوله مامسی طبعیدر. بو جهته اکثر اهالیمز عندنده عسکرلک، دهها حکومتک بر آنغاریه سی حکمنده طانیلیور ایدی. آوروپالیلرک ملی طاوورانلرینی، قومی غیرتلرینی کتابلرده کوروبده بزم مملکتمزده دخی تطبیقه قالمشق جهات حالیه مزایله ممکن الاجرا دکندر. هرناوقتکه اهالیمز بر جمعیت فکری، برمدنیت ملاحظه سی، برحاکمیت لذتی کلیر ایسه، اولوقت - حکومتک دلالتی اولسون اولسون - طبیعتک سوقیله روس اردوسنك موفقیاتی علیه منفرد و مجتمعا، قولاً وفعلاً حرکت اجرا وهیچ برشی یابه منزلر ایسه اشقیا شکلی آلوب موسقوف اردوسنی راحتسزلیکک انواعنه الفا ایدرلر. برقوم وبر جماعت وبرملت علیه حرکت ایتمک نایمش، آتی یک بهالی اوله رق آله قبری درس عبرتلره دشمنزه کوسترر وصاتارلر ایدی.

اللہ بیک نفر مجاهدین ایله روسیه علیه حرکتیه مهیا بولندیقی قبل الحاربه سمع دوتنه اسماع ایدیلان شیخ عیدالله اندیتک پایزید اردوسندده کی واقعاتی

مخلدنه یازلمش اولدیغندن انشالله اونودلامشدر. اخیراً شیخک یازید اردوسندن آیریلوب اؤینه قدر کیمش اولمی واردویه کتیره بیلدیکی جماعتک طاعلمسی دولتجه شیخک براغبرارینه حمل اوله رق جبر خاطری و تکراراً عسکر جمع ایتمی حقنده سرعسکر پاشانک مختار پاشایه یازدیغی بر تلغراف ایله ویریلان جوابک صورتلری شونلردر :

غازی مختار پاشا حضرتلرینه

شیخ عیدالله افندینک شائبه اغبرارینه سنک حال خشنودی به قلب و تبدیلیه عساکر معاونه جمع و جلبه ترغیب و تشویقی الحاحات حالیه دن ایدوکی فی ۱۸ تشرین اول سنه ۹۳ تاریخی تلغرافنامه ایله اشعار اولنمش و کندوسنه یازیلان تلغرافنامه تنسیب بیورلدیغی حالده اورادن کشیده ایتدیرلمک اوزره طرف دولترینه کشیده ایتدیرلمش ایدی. بوباده کی مطالعات و تشبثات دولترینک اقتطاف فعلیانه باشلانیلوب باشلانیدیغنک بیلدیرلمسی آرزو ایدلمکده ایدوکنندن استفسار کیفیته ابته دار اولنور افندم. فی ۲۹ تشرین اول سنه ۹۳ مصطفی

مقام سرعسکری به

شیخ عیدالله افندینک شائبه اغبرارینه سنک حال خشنودی به قلب و تبدیلیه عساکر معاونه جلب و جمعنه ترغیب و تشویقی حقنده فی ۱۸ تشرین اول سنه ۹۳ تاریخی تلغرافنامه خدیو بلری اوزرینه کیفیت اراده علیه لری بعض وصایای مقتضیه درج و علاوه سیله اولوقت شیخ مومی الیه یازلمش ایسه ده جوابی آله مدینی کی حصول مطلب دخی غیر مأمولدر. واقعا شیخ مومی الیه اصحاب غیرت و حمیتدن اولدیغی وایش کورمکی ایستدیکی قرائن حالیه دن استدلال اولنمقده ایسه ده عساکر معاونه نک نظام و انتظام سر اقلری و خصوصیه موسم شتا اقتطاف ثمره مطلوبیه مانع اوله جغنی و مریدان ایسه شیخ لرینی خانه لرند و اتورور ایکن ده ائی سودکلری ادله متواتره ایله مثبت اولوب مع مافیه فضائل جهادیه نک فعلاً و ماده استحصانه صرف نقدینه غیرت ایلمی حقنده مومی الیه تأکیدات و تشویقاتدن کری قالمیدیغی فی ۲۹ تشرین اول سنه ۹۳ تاریخی تلغرافنامه لرینه جواباً معروضدر. فی ۲۹ تشرین اول سنه ۹۳ غازی احمد مختار

صد بد بختمز اولان حال اوزرینه کدرلرک اجتماع ایتدیرلمسی لزومنه دائر سرعسکر پاشانک کلان بر تلغرافی اوزرینه یازیلان جواب دخی ایشک درجه سنی میزانه کافی اوله جغندن عیناً قید و درج اولندی .

مقام سرعکری به

۲۶ تشرین اول سنه ۹۳ تاریخی امر تلغرافلری جوابیدر . موش ووان حوالیسنه شمیدی حالده دشمنك بر تسلطی خبری آلمدینی کبی اولامیه جفی دخی مظلوندر . یالکز تسلطای قارص و بایزیدن ارضرومه کلان طریقار اوزرنده کی قضالره منحصردر . موش جهته عسا کر معاونه جلب و جمعی ، ومتصرفك قومانداسنده بولنه رق دشمنك خط مواصله سی اوزرینه حرکتلر اجرانی اولجه متصرفلغه تبلیغ ایتشیدم . فقط شمیدی به قدر اولمان تجربه لرله نابت اولدینی اوزره عسا کر معاونه نك مواقع حریه ده وجودی یالکز غلبه لکدن عبارت اولوب بولردن استفاده ایدلك ناقابلدر . چونکه هیئت اجتماعیه لرنده نظام وانتظام اولمیدغندن عسا کر نظامیه حربه کیرشیدی حالده یاندن و آرتدن کورینه بیلمکده ایه لرده ایچلرینه برطوب دانسی کلش اولسه طاغیلقمده درلر . شو حالده عسا کر مرقومه ایله او جهته ده اداره مصلحت امکانی تصور اولنه میور ایه ده دشمنك برکلی تجاوزی ده مأمول دکلدر . شمیدی حالده اورالرك مخابره تلغرافلری مقطوع اولدیغندن پالان دوکن طریقاه [*] و نقطه لر واسطه سیله وسائط مخابره تأسیس ایدلمکده در . لکن سرعده بتلیس آره سنده اولان دوت ساعتك مسافیه تلغراف خطی تمید اولتور ایه هیچ برمانه یه تصادف ایتکسزین مخابره مز جریان ایده جکندن بونك سرعت اسرایی مقتضایی مسترحدر .

۳۰ تشرین اول ۹۳ غازی احمد مختار

مصالحه زمانك حلوانه قدر نه عیدالله افیدین ، نده دیگر کیمسه دن بر خبر و اثر ظهور ایتدی . روسلرك بزم مملکت مزده کی طریق مواصله سی کندی مملکتلرنده کی یوللری کبی آمین وسالم قاله رق کیمسه آنلره کوز کزک اوزرنده قاشکز وار بیله دیه مدی . سلمه السلام وزیر وزیر ارضروم ایله قارص آره سنده ایشلدی طور دیلر . روسلر سیر وسفر ایدرکن حتی بر اوفه جق آت خرسزینك اولسون وجودینه تصادف ایتدیلر . حالوکه عادی زمانده بزم بر یولیمز اویولدن کچر ایکن خرسز لرك وشقیلرك نیرندن محفوظ قابق ایچون خلیجه احتیاط کارلرده بولنق مجبوریتده ایدی . ایشه بو حالك سبی ده حریت

[*] پالان دوکن ، ارضروك جانب جنوبیسنده واقع شیعوملر طاغنده واقع غایت حسب المروور وخنس وموش جهت لینه منتهی بریولك اسمیدر .

واستقلالیت و ملیت علیهنه حرکت اولفق دیمکدر. دشمن نه مزك دشمنیدر،
انی بیلمدیکمزدن ناشیدر. یوقسه جمانت وجسارتسزك اثری دکدر.

تشرین ثانی اوائلنده ارضرومده مهم بروقوعات حربیه اولیوب کچیریلان قارصده کی مدافعیك
زمانلر مملکتده کی عسکری تنظیم ولوازمی اکل ایلک کبی شیلره منحصر موجودتی وقارصك
ودشمنده ارضرومی محاصره ایتک اوزره کندی نقایضی استکمال ایله مشغول حالی ناطق برتلغراف
ایدی. بوسرده قارص قوماندانی حسین حامی پاشا ایله متصرفی شفیق پاشانك
یازدق بعض آدملر واسطه سیله چیقاروب یقین مملکتلردن بریسنك تلغرافی
واسطه سیله درسعادت چکدیرمش اولدقلری تلغرافنامه اوزرینه مختار پاشانك
مطالعهنی استفسار ایدن سرعسکر پاشانك تلغرافنه جواباً یازیلان تلغرافك
صورتیدرکه قارصك احوالی اولدجه ناطقدر.

مقام سرعسکری به تلغراف

قارصك محصوریتدن وشدله طوبه طولدیغندن بحثله برتول اردو ترتیب
وسوقی حقنده قارص قوماندانلیله متصرفلغندن آلمان تلغرافنامه دن بحثله
اولساده کی مطالعه عاجزانهم ۳۰ تشرین اول ۹۳ تاریخلی امر تلغرافی
خدیویلریله سؤال بیوریلور. قارصك بودنه کی محصوریتی کچنکی محصوریتدن
زیاده وشدتی برحاله اولیوب کچنکی محصوریتی صره سنده دشمن اوتوز قرق
قطعه طوبله دوکمکده ایکن شمدی یالکز ایکی اوچ طوبله تعجیز ایتکده
اولدینی ونقاط محاصره دخی ینه اسکسی کبی اولوب یوللرینی سواریسيله قطع
ایتدیکی آکلاشدیغندن شو حالده محاصره حاضره نسبت سابقه دن زیاده اولیوب
فقط عسکر واهالینك باشلوجه ردیفلرک، مسئله نك اوزامسندن وآنك الحاقات
طبیعه سندن اولان بعض ضرورتلردن وکولله ایله تضییق اولملرندن بدرجه
کسر شوق وغیرت کبی تأثرات معنویه دوچار اولمش اولملری مستبعد دکدر.
مع مافیه قارص است حکاماتی له الحمد دشمنك کوزینی طولدیرمش وهجومله
آله میه جغنی حکم ایتدیرمش اولدینی بر طاقم قرائن ایله استدلال اولمقده
بولمش اولمغه اورانك اوزاقدن طوبه طولمقدن بشقه تسلطادن محفوظ اوله جغنی
اعتقادنده یم، هر حالده ایچنده کی آرقداشلر مزك غیورانه ومدبرانه طورانه رق
ایلیشیکسز اولملری لازمه دن اولوب حامی پاشاده غیورلق صفتی موجودایسه ده
دیگری ناقص باشلوجه وهمی غالب واوهام طرفندن وقوع بولان اخطاراته اوصل

اولدیغندن وقارصندن چیقدیغ صررده باتصاد اورانك قوماندانلغنه براقه جق
 یانمه بشقه کیمسه بولمادیغنی کی ائزده قلان ارکان و امرانك اکثریتی اسکا
 همحال اولمندن اورانك باشلوجه بنایت صمدانیه تودیع اولندیغنی اولجه
 عرض ایدیشم بوحال دن منبعث اولمش وینه غیرت و ثباتلرینه ائتمیم برکال اولوب
 فقط آرالقده مطالعه سز و وھملی اشعاراتی آلوب دیکلمک واکا مقابل الفاظ
 تشجیعیه یازمغه مجبور قالمشدر. ضابطان نصبنه مأذونیت طلبی ایسه، مقدم
 اوراده بولندیغ زمان ضابطانك انك جسور واک ایشکدارینی آرایوب بولمغه
 زیادهجه چالیشدیغندن یعنی بوطلبك اوخصوصده بوراجه زیادهجه امساك
 ایدلمکده اولمندن نشأت ایتش ایسهده شمدی اوفرتهك منحللرینه بالطبع
 اوراجه بولوب نصب ایتمی لازمه دن اولمغه اقتضایی اجرا قلندی. ائیتی
 حائز بر قوماندا تحتنده اورایه برقول اردو کوندرلمی بحشه کانهجه بوکاده حال
 و موقع و موسم مساعد اولمادیغنی معلوم عالی خدیو یلری اولدیغنی معروضدر.
 ۲. تشرین ثانی سنه ۱۲۹۳ غازی احمد مختار

یازیلان اشبو تاغراف مآلیله شمدی یازیله جق اولان مفصل بر دیگر تاغراف ۱:

مفادی حائزی تصویر ایدمچکی کی بونلرک مطالعه سندن دولتک بر مصالحه ایله
 شوبلیه حربیه بر نهایت ویرمسی لزومک اشرا ب ایدلمک استملدیکی دخی آکلاشیله جقدرد. ^{جی} تاغراف
 مقام سرعکریه : تاغراف :

آناتولی حرب اردوی هایوننك احوال حاضره واستقباله سنجه بوکونکی
 کونده بدهت درجه سنده عیناً مشاهده اولنان احوالک اجمالاً بیلنمسی اداره
 محور عمومیه یه یاردم ایدمچک وسائل حقیقه دن اولمغه حسب الصداقه عرضی
 متحتم ذمت راستکویی وحمیت بیلورم. شوبله که : شویدی ماهدنبری دوام
 ایدن عساکرات عارضه طبعیه سی، بواردونک افراد ردیفه سنك قسم اعظمی
 وحشت مزاج ایله مألوف اکران ترکیب ایلدیکنندن مدت مذکوره ظرفنده
 مفادی الوقوع اولان قراریلردن بر نفرینک بیله اخذ و گرفت اولنماسی وقرعه
 وردیف بقایابنندن شمدیلره قدر هیچ کیمسه کلامسی، قوه موجوده
 عمومیه مزنی دیگر تاغرافنامه عاجزانه مده عرض اولنان مقداره تنزیل ایتدیردی.
 قرعه وردیف بقایاسنك سرعت جمع وارسالی امرنده برچوق دفعه ومؤخرأ
 بازارده سنیه تقریباً قرق کون مقدم مقام جلیل صدارت عظمادن و طرف
 اشرف خدیو یلرندن هر طرفه اعلان و تأکید بیوریلان وسایادن بوکونه قدر
 ۲۷ — باشمه کلانلر

هنوز بر ثمره کوريله مدی . بونك ده علتی اوامر صادره یی طبقات مأمورین یکدیگره تحمیل ایدرك فعلیاتی و آرقه سی آریوب صورمق عادتک منسی اولسندن عبارتدر . قوه عمومیه نك بر قسمی دخی عسا کر معاونه اولوب بوکون آنلرك دخی آلدہ بولنه مامسی جمع و ترتیبلری صره سنده ایشك بر چوق سوء استعمالته اوغرا دلسندن یعنی ملکترلرندن آلمقده اولدقلری آچیه طمعله اکثریا معلولینك کلسندن ناشیدر . بونلر منتظماً طویلاشمس اولسه دخی اساس ترتیبلرنده انتظام اولدیغندن وجودلرندن استفاده ناقابلدر . الحاصل کرك قرعه وردیف افرادینك جلبنده ، وکرك عسا کر معاونه نك صورت جمع و ترتیبده کی نیات عالیه نك جمله سی قوه ده قالب مأمورینمزدہ ایسه بونلری فعلیاتی اظهار ایدجك اقتدار کوريله میور؛ و یا خود اقتدار وار ایسه ده هر فصل ایسه مسئله نك اهمیتی نسبتده چالیشان آز بولنیور . احتیاجاً تمزك بریسی ده اسباب نقلیه اولوب بودفعه ارض رومه عودتمده وقوع بولان تحقیقاتدن آکلاشدیغی وجهله همیتمدان اهالی بوایشده ده خلیجه همت صرف ایش وپك چوق حیوانات دخی ویرلمش وککش ایسه ده انتظام اداره موفقیتی حاصل اولدیغیچون بونلرك جمله سی ده محو وها اولوب نه اولدیغی نامعلوم وشمدی تکرار وسائط نقلیه ایدینلمکده کی امکانشلق بدیهی بولنشدر . شوخالده اول بهار ایچون بوحوالییه تصمیم بیوریلان ترتیباتک حیز وجوده وصولندن امنیتسز برحاله بولندیغندن ، اگرچه احتیاجات عاجله مزك خاصه در سعادتجه جمع و ترتیب وارسالنه عنایت بیوريله جق ایسه موجب شکران عظیم اولور . یوقسه الیوم موجود اولان مأمورینمز ایله آناطولی دائره مزك بوایشی حسن صورتله ووقتنده کوره چکنه آمین دکم . قارصك حال خصوصیسنه کنگجه موجودی بوراده کی طابورلرك موجودی نسبتده اوتوز بر طابور براقیلمش ایسه ده سائر طابورلرك پراکنده لرندن وطابور هیئتده بولان مستحفظلردن بونلرك موجودی تکشیر ایدلمش وبوگونکی کونده طوپیجی و سوار یی و خستکان اوراده یکریمی دوت بیك تعیین بیان واون بش واون آتی بیك حرب ایدن موجود فرض ایدلمکده بولنشدر . قارصك ادخاراتی بمنه تعالی بوموجودی اول بهاره آنحق چیقاره بیلور ایسه ده هر طرفدن ذخیره یه احتیاج اولان بر زمانده ذخیره سز لکدن فریاده باشلایه جقلری درکاردر . چونکه معلوم عایدرکه قارص سنجانگنک کافه حاصلاتی دشمن آئنده قالمش وپاسینلرك ذخیری دخی ینه آنک

تسلطه او غرامش و ارضروم جهتك حاصلاتی دخی نفس ارضرومده کی عساکر شاهانه مختص قاله جفی بدیمی بولمش اولدیغندن؛ قابل اوله ییلور و بخوله تعالی یول بولنور و اسباب نقلیه تنظیم ایدیلور ایسه ، دیاربکر و سیواس و خرپوت و موش جهتلرندن ذخیره ترتیب و سوقی لازمکلور که بونک دخی جهت امکانی امثاله تطبیقاً دوشونک لازمکلور . حیاتم باقی اولدقجه اقدار و احتیاط صولک درجه سنه قدر کیدر و هر درلو حاله قارشو سینه کرر و امکانک نهایت درجه سنه قدر چالیشوب جبالامنی فریسنه دن عد ایدر اولدیم حالده . بوگونکی حال و سبقت ایدن امثال آتی یه مرأت اولدیغندن، ودها برحق نقایصمز وار ایسه ده تفصیلی تلغرافه صیغیشه میه جغندن مجرد و قوف سامی خدیو یلری دائر دهنده کی معلوماتی توسیع و قرق کوندبری اراده سینه یه قارشو یینه رخاوت ایدوب عسکر مزی کوندریان مأمورین حقنده نه یاقی لازم ایسه ایفای مقتضاسی چون عرض و بیان حاله مجبور اولدم اولاباده ۲ تشرین ثانی سنه ۹۳ غازی احمد مختار

شمدی شویازیلان تلغرافنامه ده اصل شایان دقت اولان شیردن بریمی ده نقلیه حیواناتی مسئله سیدر . بتون آنا طولی مملکتلرندن ارضرومه قدر کیرایکن یولارده بو حیواناتک باقیزلندن وسائر کونا سوء استعمالدن و دوچار اولدینی تلف و سرفدن قطع انظر ، ارضرومده سو قارلره طولوب قالمش اولان حیواناته یولیه اداره اولنه مامقدن ناشی لاغرلشهرک بش غروشه قدر بر حیوان صائش و مملکتک بتون چوپلکاری حیوانات لاشه لر یله طولوشدر . هله ارزاق و مهمانده کی ضایعات و سوء استعمالک درجه سنی هیچ صور مایکمز . ملحق قضا و سنجاقلردن کلش اولان ذخایر و پکسماد وسائر اردو لوازمی سوقاق اورته لرنده ، یا غمور و چامورلر ایچنده غرق اولوب قالمش و بونلرک نقلیه مأمور اولانلر دخی بر آفاق اول ایشلرخی بتور و ده عودت ایتمک و اکثریسی کتیردیکی شیئی آنباره تسلیم نوبتی قزاق ایچون آنباز مأمورلرینه و اولجه جک آدملره رشوت ویرمه که مجبور اولورلر ایش . بعضیلری ده هیچ برشی تسلیم ایتمکمزین : شو قدر شی آنباره تسلیم اولدی دیه علم و خبر آلورلر ایش . احوال مبسوطه نک جمله سی ارضرومه عودت نصکره مایدیلان تحقیقاتک نتیجه سی اوله رق بیلندی ایسه ده زمانک طارافی ایجابجه کیسه یه برشی یا یامغه میدان اولدیغندن هر کسک ایشدیکی یا ننده قلدی کیتدی . ایسته بونک ده سببی یینه عصیتسزک در . چونکه ایش جماعت و ملت

نامنه طوتیه میور؛ دولت بشقه، ملت بشقه طانیلیور. (دوانک مالی دکر، میان طوموز) ضرب مثلی فکر لر دن چقار مق ایچون ده پک چوق زمانه محتاجز. بالاده یازیلان مفصل تلغرافده در میان اولنان دیگر تلغرافنامه در کد ارضرو مده کی قوه عومیه مزک مقدارینی ومعلومات سائر دینی حاویدر.

مقام سرعسکری به تلغراف

ارضرو مده کی قوه مجموعه مری ناطق اولان ژورنالر بوکون آلنهرق خلاصه ایدلدی. شویله که در سعادتدن و باطومدن شمدی به قدر بورایه مواصلت ایدن اون طابور دخی ایچنده اولدینی حالده ایوم اون اوچ نظامیه و طلیعه و یکر می طقوز ردیف و اون مستحفظ وایکی معاونه که، جمعاً الی درت طابور اولوب اوچ طابورله بر بطاریه طوپ دخی یازین بایبور ددن حرکتله کلک اوزر ددر. مذکور الی درت طابورک اوتوز بر بیک اوچیوز موجود کانه لری اولوب بونلردن بیک اوچیوز نفری ضابطان و بشیک یوز سکسان بشی خسته خانه لرده و اوچینک ایکیوز اون نفری محل آخردده اولوب، سلاح اندازینک یکر می بر بیک طقوز یوز اون نفر دن [*] و بونلردن بشقه آلی بطاریه طوپله بیک اوچیوز قرق یدی نفر سیار و بیک درتیوز اون سکز قلعه طوپچیلرله نظامیه و ضبطیه و معاونه اوله رق بیک یدیوز اون اوچ سواریدن عبارت اولدینی و دوه بونی محاربه سنده یوز طقسان سکز شهید و درتیوز آلتش ایکی مجروح [**] و قوعبولدینی کبی طوپ طانغی محاربه سنده دخی اوچیوز طقسان سکز شهید و آلتیوز طقسان اوچ مجروح اولدینی و بایزیددنبری رجعت ایدن فرقه نک ضایعاتی دخی ایچنده اولدینی حالده بیک بشیوز قرق درت نفرک طائب بولندینی آکلا شلمشدر. اشوغائب بولنان نفراتک کرک حسن قلعه سنده و کرک دوه بونی و طوپ طانغی محاربه لرنده سکز یوز قدرینک آسیر اولدینی مظنون اولوب اندن زیاده سی فراریدر. بایزیدجهتندن کلان فرقه مز اورالرده بولندی و اوقات جسمیه کور مامش اولدق لری مثلاً مستحفظلرده نلر کبی اولدینی و طوپچیلارده اکثریت اوزره ایکی اوچ آبلق عجبی نفرات بولندینی

[*] اشبونلر افدن مکره اردومزه دوشمش اولان های تیفویدی سببیه خسته خانه لر مزک موجودی اون ایکی بیکه قدر طاوراندی و وفيات دخی فوق العاده چوغالدى. لیکن خسته نک یوزده نه مقدارینک وفات ایتدیکنه دائر براساتاستیق قیدینه ظریاب اوله مدم.

[**] عساکر معاونندن و نفس ارضروم شهری اهالی سندن اولکون محاربه به چیتانلرک شهدا و مجروحینی داخل حساب دکلددر.

جهتله، شوخالده عسکر انکمز کرکی کبی ناقص و موسم دخی تربیه عسکریه به غیر مساعد ایسه ده اوله بیلدیکی درجه ده کالنه چالیشلمقده اولدینی و خسته لریمزه زیادله شامسی ایچون البسه مزك سرعت ارسالی لزومی معروضدر.

۳ تشرین ثانی سنه ۱۲۹۳ غازی احمد مختار

شمدی دولت منکسر اولمش اولان اردومزی جبر ایتک واردونک ارکان وهیئت دخی بو وظیفه نی ا کال ایتک ایله مشغول اولوب خصوصیه بغداددن ترتیب اولنه رق یکر می بش کوندنبری طابور طابور یوله دیزلمش اولان یکر می اوچ طابور قوه امدادیه نك وصولنه انتظار اولنیور. هیچ برکون استراحت ایتیموده کافه لوازم نقلیه لرینی موجود بولدقلری حالده هرکون یوریمش اولسه لر ایکی آیدن اول بزه واصل اوله میه جقلری درکاردر. برده هیئت دولت ولایات متجاوزده دن عسا کر معاونه جمع و ترتیبی اوامرینی اعطا ایله مشغول ایسه ده بزم مختار پاشا حضر تلی، بالعکس عسا کر معاونه نك وجود لرندن استفاده اولنه میه جنی رأینده بوانیور. بوبابده سرعسکرلک مقامه پك چوق شیلر یازلمش ایسه ده آتی ایچون مثال تطبیق اولور مطالعه سیله اوتلغرافلرک بریسنی ده ا بروجه زیر قید ایتدم.

مقام سرعسکریه

بایوردده طویلان هج عسا کر معاونیه وریله جك اسلحه یه دأثر اولان ۲ تشرین ثانی سنه ۹۳ تاریخی تلغرافنامه خدیو بلری مطالعه قلدی. شمدیلره قدر اولان تجربه لره ثابت اولدینی اوزره بوعسا کر معاونه نك وجود لرندن استفاده اولنه مدینی کبی یدلرنده کی سلاحی اضاعه ایله برابر اکثر اوقاتده دخی عسا کر منظمه نك کمر جسارتی موجب احوالک مبدأ ظهوری اولیورلر. چونکه تربیه عسکریه تختده اولدقلرندن برکولله کلسیه اؤرکده ک تارومار اولمقده و بونلری کورن عسکر دخی تأثر ایلکده در. بناء علیه بونلره وریله جك اسلحه، امشالی کبی ینه ضایع اولوب کیده جکی و هیئت مجموعه لرندن استفاده امکانی اولدینی جهتله بونلردن ایسه قرعه وردیف و مستحفظ افرادی بقیه نك طویلان سنه اهمیت وریلمی خاطره سنی بیان ایله برابر، ذاتاً ظن اولنمدینی کبی او یله بیکلر ایله آدم طویلانوب گلیه جکی قوباً تخمین ایتکده اولدینی. و فقط کلان مقداری قوغقوده جائز اولیه جنی کبی یدلرینه کوزل تنکده ویرمک اقتضا ایتیه جکندن تنک دینه جك قدر عادی برشیلرک درسعاتجه تدارکی ممکن ایسه

آنلردن طرزونه کوند رلمسی وشو کوزل مارتینی هانری تفنکلمزك جمعی مقرر
اولان افراد ردیفه و عساکر منتظمه یه حصری پک مناسب اوله جنی جواباً
عرض اولنور . ۳ تشرین ثانی سنه ۹۳۳ غازی احمد مختار

قارصک دوشمی برارده نظر لر مزی چوقدنبری احوال خصوصیه سندن خیر اولمدیغمز قارص
جهته عطف ایدهلم . آلاجه طاغده کی اردو بوزلدقدنصکره بر آیدن بریدر قارصی
محصور بر حالده بر اقمش ایدک . تلغراف تللری کسيلمش ، یوللری دشمنله منسد
اولمش ایسه ده انسان بر شیک اجراسنی جدأ امل و آرزو ایدردد موقع فعله ایصال
ایده مز اولورمی ؛ طاغدن طاغه کلوب کیتمکده اولان بعض فدا کارانک وجودیله
آراقده مخابره وقوع و یولوردی . فقط بو مخابره احوال صحت وعافیتلرندن خبردار
اولوب ممنون قالمق کبی بر فاملیا مخابردسی قیلندن اولوب یوقسه آنلرک یابه جنی
حرکات حریبه وعسکریه دأر بر امر ویرلمک ویا خود بزدن کله جک بر خیر
ومنفعت بکلتدیرمک کبی جانلی و اعمیتلی سوزلری بالطبع متضمن اوله مزیدی .
چونکه حالده اقتدار ، زمانده مساعدده یوغیدی . یالکز آنلری ثباته ترغیب
و کندولرینی تشجیع ایده جک بر چوق شیلر یازلیور ایدی .

۷ تشرین ثانی سنه ۹۳۳ ده قارص قوماندانی حسین حامی پاشادن آنان ۲۹
تشرین اول سنه ۹۳۳ تاریخی بر مکتوبده دشمنک اردو کھی جوارنده طوب وضعنه
مخصوص اولان سپرلرینک اوکنه بر دیگر سپر یاقمده اولسنه مبنی تعطیلی املنه
مستدأ قارصدن چیقاریلان درت طابور عساکر شاهانه یه قارشی دشمن دخی
اون ایکی طابور چیقاروب اقشامه قدر محاربه ایدلدکن صکره دشمن عسکری
رجعت ایتش بزمکیلرده لرلینه عودت ایشارامش . قارصک حانظ پاشا استیحکامک
ایلروسنده کی منفرد بر استیحکام زده کی طوپلر دشمن طوپلرینه خیلجه تاثیر
وضری موجب اولدیغندن مجرد بو طوپلری ضبط ایتک اوزره اوکیجه دشمن
ذکر اولنسان استیحکام اوزرینه یوریمش ایسه ده اوراده کی طوپلر ایله عسکر
دها اولجه ایجریه آلمش اولسنه مبنی اصل حانظ پاشا طایبه سنه هجوم ایتش
وکیجه دن بالاستفاده استیحکامک ایچنه قدر کیرمش و بزم عسکرده اوراده کی
مدافعه لی تشله یه التجا ایلش ایسه ده ، قارصک احتیاط عومیسندن سوق
اولنسان قوه امدادیه نک زوریه وکیجه وتی سونکو سونکی یه ایدیلان قانلی
قارشیق بر محاربه نک اجباریه استیحکامک ایچی دشمندن تطهیر ایدلدیکی صرده

بزم طایفه نك قوماندانی بشننجی اردونك ایکنجی سواری آلاینك میر آلای شاکر بك شهید اولمش وسائر شهدامزك مجموع مقداری یوز و مجروح مزك ده ایکویوز نفره وارمش اولدینی و دشمنك ده مجروح و متوفا اوله رق بیک بشیوز نفر قدر ضایعاتی تخمین اولدینی بیلدیرلش ایدی .

بومحاربه حوادمك تلغرافله استانبوله ویرلدیکی کون سرعسکر پاشان کلان ۷ تشرین ثانی سنه ۹۳ تاریخلی تلغرافنامه ده شویکی اوچ کوندن بری قارصدن برخبر آیلور ایسه کز اشعار ایدی کز دنیلور ایدی . بوتلغراف هر حالده قارص حقه ده موحش و مددهش بر حوادمك استانبوله موجود اولدیغنه دلالت ایلدیکدن تلغرافك ورودینی خبر آلان اصحاب اختصاصك کوزلرنده بکزلرنده قان قالمدی . خیر یکی بر حوادمك یوقدر ، حوادمك آلبق ایچون چیقاریلان آدملرده هنوز کلدی جوابی ویرلدی وپاره قوتیله هر حالده قارصه صوقیلوب برخبر صحیح کتیرمك اوزره بشقهجه فدیایلرده یوله چیقارلدی .

فرداسی کون دوه بوینده بولان دشمن اردونك بر چوق بوش طوپ آتیه رق شاك ایتمکده اولدیغی ایشیدلدیکی کبی ، برایکی ساعت صکرده ده دشمنك ارکان حربیه رئیس امضاسیله مختار پاشا حضرتلرینه خطاباً کلان فرانسیزجه بر مکتوبده مظهر اردولرینك قارصی حرباً ضبط ایتدیکی اخبار اولندی . چوق چکمکسزین ارضرومده بولان دول اجنیه قونسلوسلرینه خطاباً صورت رسمیه ده روسك دوه بونی اردوسندن یازلش اولان مکتوبلرده کتیریلوب بزم قره غوللرمزده تسلیم اولمش ایدی . سوکیلوب باقدقلرنده آنلرده قارصك ضبط اولمش اولدینی خبر فتحنی حاوی اولدقلری کورلدی . هر نه قدر بزم ارضرومده کی عسکر مزك ثبات و متانت قلبه طوقتمق و بر دهشت نشر ایدوب عسکری یأس و فتوره دوشورمك ایچون دشمنك بو مقوله حیللره مراجعت ایتمی دخی احتمالدن بعید دکل ایسه ده ، سیاق حال ایشك تخته دلالت آیلکده اولوب ، چونک قارصك یرلی اهالیسندن طاعدن طاعه یول بوله رق قاحوب ارضرومده کی ایشلرینی رؤیت ایچون اوکون ارضرومده گلش اولان بر ایکی کشیک اوده سنه کوره دشمن قارص شهرینك ایچنه یا محور کی کواله یاغدییر مقده و حتی مملکتک عجزه نسوان و صبیانی شو موسم شتاده آچیق صاچیق مملکتسندن چیقوب استحکاماتده دشمن کواله سنمن سالم قالمی ملحقول اولان منفذلره صوقولمده

وخانه لر دروننده کی شهید وشهیدلر سپرسز اولان مزارقلره دفن اولنه میوب
هرموتی خانه لری دروننده اولدقلری یره کومولمکده اولدینی خبر مدھشی،
دشمنک ارکان حربیه رئیسک ویردیکی خبر مصیتک صحتله تلقی اولمسنی ایجاب
ایده جک قرائندن ایدی. آرتق بوندن صکره ساعت بساعت شو حادثه فجیعنه ک
صحتله دلالت ایدن آثاره دسترس اولمش، آلمان خبرلرده پیدرپی تلغرافله
درسعاده عرض ایدلمشدر.

نقط دشمنک قارصی ضبط ایتسی ایکی درلو سبیدن نشأت ایده بیله جکی
بزجه حساب اولیوردی. انک بریسی هجوم عملیاتک هیچ کیمسه ک مأمول
ایتمدیکی بر زمانده ینی کیجه ک اوائلی اولان ساعت ایکیده، اوچده اولمسی،
ایکنجیسی مملکت ایچنده کی نسوان وصییان کوله دن بیزار اوله جق بر حاله
کتوریلرک انلرک فریاد وفغاننک عسکرک ثبات قلبنه طوقمسی اوزرینه، جمله سنک
بردن سپرلردن اوغرایوب صاووشمسنه مبنی دشمنک موفق اولمش بولمشیدر.
دشمنه کیجه وقتی هجوم ایتک جسارتی ده ارضرومک عزیزیه استحکامی علینه
وقوعبولان حرکتده تا قشله ک ایچنه قدر کیرمسی امرنده حاصل اولان
موفیتی ویردیکی مثللو بش آلتی کون اول قارصک حافظ پاشا استحکامک
حرباً ایچنه کیرمکه موفق اولمسی تجربه سی بتون بتون جسارتی آرتیردرق عموماً
قارص استحکاماتی علینه کیجه لین بر حرکت قطعی کیه یی اختیار ایتدیرمشدر.
واقعا کیجه حرکتلرینی فن حربلر رد ایدر وفائده سی اولدینی قدر
مضرتی ده کوریله جکنی بیان ایلر ایش؛ لکن نسوان وصییانک محصور قالدینی
برمملکتده اخلاق بوزلش برعسکره قارشی اتخاذ اولنان کیجه حرکتی تدبیری
موجب موفیت تامه اوله جتنی قارصک وقوعاتی اثبات ایتدی.

قارصه هجوم نه صورتله بدأ ایتدی، اکا قرشو نصل طاوراندی، کیمارک
وظیفه سنجه نه قصوری اولدی، کیمار لایقيله ایفای وظیفه ایتدی؟ اوراسنی
قارصده بولنوبده تاریخ حربنی یازمش اولان عسکر قارداشلرمنک بیان
ایتمسی لازم کلیر. چونکه فقیر کوزمک کوردیکی شیلری و تواتراً ایشتدیکم
مسائلی یازمقده اولدیغمدن قارصک ضبط اولندینی ائنده کی مفردات حرکتی
علی وجه الصحه بیله مدبکم ایچون یازمه جقمدر.

شو قدر که اخیراً استانبولده قارص قوماندانی حسین حامی پاشایله قارصده کی سائر

اركان وامرانك استنطاقلى اجرا قلندى. ديوان حربدن حقلرنده حكملر صادر اولدى. ظن ايدرايسهم او حكملرده طبع ونشر اولدى. مطالعه سيلاه مفردات احواله كسب اطلاع ايديلور. آنجق يالكز بتون استحكامات ضبط اولندقدنصكره سوارى قائممقامى كرد يوسف بك قومانداننده اولان جيم طاييه ده كي عسكر صباحه قدر مدافعه يدوام ايتمش وكونش چيقوب هيچ براستحكامده كيمسه نك قالمدينى تحقق ايتدكن، و آرتق مدافعه اقتدارى قالمقدنصكره اوراده كي عسكر ترك موقع ايلديكى حقتده خبر متواتر آلمشدر. ايسته حقيلاه ايفاي وظيفه ايتمش اولان مشاراليه (يوسف بك) ك نام جيلاني شورا حقتده تجيلاً ياد ايله اكتفا ايديلور. قارصك صورت ضبطنه دائر مختار پاشانك درسعادته يازمش اولدينى بر تلغرافك صورتيدر :

مقام سرعسكريه

بوكون بوراجه بروقوعات اولمدينى كې (اولتى) جهتده دخى دشمندن اثر بولمدينى متصرفلغندن آلمان تحري راتده محرر در. قره پاپاق عساكر معاونه سندن اولوب بوكون قارصدن بورايه ككش اولان چندفرك افاده لرى بروجه زير عرض اولنور: كچن بازار كوني كيجه لين قارصك هرجهته دشمن هجوم ايتمش وجزئى بر مدت تفك صداسى ايشيدل كدنصكره دشمنك حافظ پاشا وقاتلى طاييه لردن وحافظ پاشا ايله قره طاغ آره سندن اورالرك محافظ لريلاه قاريشيق شهره طولدينى كورولمش وسائر طاييه لرده شدتلى آتشلر اولمقده و دشمن طرد ايدلمكده ايكن، شهر دروننده كي دشمن قره طاغه طوغرى يوريمش و غالباً قره طاغ طاييه سنده كي عسكرىمىز دشمنك باشند فس كورده رك امداد كليور ظننه سكوت ايتلمدننانى طاييه دروننده سونكو سونكويه حرب ايدلمش وبو صورتلاه اورا سيدة دشمنك يد ضبطنه كچمش واورادنده قره باطلاق طاييه سنه يوريبه رك غايت شديد بر حرب اولمش وبلكده ايكي طرفده اوراده كاملاً يرلره سرلمش ايسه نه عاقبت دشمن آله كچمشدر. جيم طاييه ده كي عسكر دخى غايت ثبات ومناات ايله حاوورانه رق كوزل محاربه ايتمشلر و بك كلى دشمن تلف ايتمشلر ايسه نه نهايت اوراسى ده مدافعه دن ساقط اولوب انكاز طاييه سى دخى آره باطلاق قدانصكره دشمن آله دوشمش وبورانك طوبجى لرى طوبولردن آيرلامش ايسه نه بياده لر سلاح لرى ترك ايله جملهً سلاح سىز اوله رق طهماس طاييه سنه طوبولامشلر ويالكز طهماسده كيلر سلاح ايتمشلر. آرتق اميدك گشلمش اولمدينى كورده كچندن فربق حامى پاشا اونش طابور قدر

عسكرك اوكنه دوشوب استحکاماتدن چيقارق ايكي ساعت مسانه يول قطع ايتش
ايسهده قاردن عسكر يورلمش و مسلح اولانلردخی سلاخلرینی آتمش و آرقه لرندن
برقاچ آلاي دشمنك دراغون سوارلیسی يتشمش اولغا عساکر مرقومہ یی کاملاً
چویره دك يالکز مشارالیه حامی پاشا برایکی یوز قدر سوار ییله اون ساعتك
مسافه قدر تعقیب اولنه رق حیوانی دینج اولانلر ایله قورتیلوب (اولی [*])
طرفنه گلش و شمدی دخی تور توم قضا سنده بولنديغدن یارین ویا خود اوبریسی
کون ارضرومه کله جکی مأمول بولنش اولدیغی معروضدر. ۱۱ تشرین ثانی سنه ۹۳
غازی احمد مختار

ایشته بوتلغرافنامهده قارصك صورت استیلا سنه دائر اولدقجه بر معلومات
اجمالیه ویریور. فقیرك معلومات خصوصیه مده بوندن عبارتدر.
قارص قلعه سنده قوماندان بولنان طوئچی میر آلائی سیروزلی یوسف پاشا زاده
حسین بکی اوصردده خلق خیانتله اتهام ایتدی؛ حقنده اوزون قیصه چوق شیلر
سویاندی، اما برترک ضابطنه جبانست اسناد ایده بیلور ایسه مده خیانتك اسنادندن
دکل، ظنندن بیله اللهه صیغوزم. یالکز بتون استحکامات دوشمش اولسه بیله
قلعه آنلره یاردم ایده بیلوردی. نفس قلعه یی نیچون تسلیم آیلدی. بعدالاستیلا
روسیه نك ارکان حرییه سیله برابر بتون محزنلری، آنبارلری، جبخانه لری
کزوب آنلری روسلره اراه ایتدی. هیچ اولدن خیانتی اولسه بویله بروطفه
شنعه یی درعهده ایدرمی ایدی! دیدیار؛ لکن بونكده حقیقی مجهولدر.
زیرا حسین بك بعدالاستیلا روسلرك آئنده اسیر اولدیغی، و خصوصیه نفس
قلعه نك قوماندانی اولق سببیه بتون محزن و جبخانه لرك حالنه و موقعه
حسب الوطفه و قوفی بولنه جنی جهته، آنلری تسلیم و اراه ایتك اوزره
برابره کزدرمش اولملری بر مجبوریتدن نشأت ایتش اوله جغنده شبهه یوقدر.
قلعه نك مدافعه سنده کی تقصیری بخته کانجه: حسین بك اسارتدن عودت
ایتدکنصکره دیوان حربه چکیله رك استعطاق اولندی؛ بعده اون سنه قدرده
محبوس قالدی ایسه ده، صکره نه اولوب نرده قالدیغنی تحقیق ایده مدم!
قارص قوماندانی حسین حامی پاشا تلغرافده کی قره پاپاقلرك دیدکاری کی.

[*] برلین معاهده سیله روسیه قاش اولان بزم چلدر سنجاغتك مرکزی اولان
قصبه نك اسمیدر.

اولتیدن تور توم قضاخانه کچمش، اورادن ارضرومه اوغرامیه رق ارضروم ایله طربزونک آره یرنده بولنان بایورده واصل اولمش وبرقاچ کون قالقدن صکره خسته لغی سبیلله مختار پاشا طرفندن وریلان مأذونیت اوزرینه استانبوله کیتمشدر. مصالحه وقوعندن صکره بوذاتده استانبوله دیوان حرب حضورنده مدت مدیده محاکمه ایدلدی. حتی آلتی یدی سنه دن زیاده محبوس اوله رق قالدی. لکن حسب القانون محکوم ایدیله مامش اولدیغندن حبسندن حیقدقدن صکره استانبولجه بعض اوفق تفک ایشلرده قوللانیلدی.

قارصده کی موجود عسکر مزک مقداری ۲ تشرین ثانی سنه ۹۳ تاریخی تلغرافنامه ده یازمش ایدی. بو عسکر کاملاً اسیر ایدلدی. بیوک کوچک قارص استحکاماتی اوجیوز قطعه طویلله مجهز ایدی، آنلرده هپ دشمنه قالدی. اسلحه سائرمنک ومهماتک مقداری ده موجودینه کورده در. قارصده موجود اولان بوقدر سیار طویجی وسواری ومکاری بارکیرلری کیتدیکی کی مستحفظینک بش آلتی آیلق ارزاقی دخی کاملاً دشمن آله دوشدی.

الحاصل قارصک کیتیمی جسم دولت وملته عظیم رخنه لر آچدی؛ قلوب عثمانیده قیامته قدر اونودلیه حق تأسفی تأثیرلر براقیدی. ان شاء الله مزیت انسانیه محفظه سی اولسی تمی اولنان صدور اخلافده بسلنه جک فکر انتقام ایله دشمننک پای تجاویزی قیریلورده قبرستان انتظارده وقعه کیرتلنه اولان ارواحنر او خبر بشارتله اطلاق وآزاد، وکافه مؤمنین مؤمنات ممنون ودلشاد ایدیلور.

قارص وقوعاتی اوزرینه دوأتجه اتحاد اولنان تدابیری وایشک جهت تأثیریه سی اولوقت مابین هایون باش کاتبی اولان سعید پاشا ایله مختار پاشا بیننده تلغراف ماکنه سی باشنده جریان ایدن مخبره اوراقی حاوی اولدیغندن غنیه بوزایه درج اولندی. (بو سعید پاشا اخیراً وکراراً صدراعظم اولان و بود دولت ایدمدتده بک چوق مؤسسات نافعه وجوده کتیرمکه جداً چالیشان سعید پاشا حضر تاریدر.)

غازی مختار پاشا حضر تارینه

اولاً سلام شاهانه یی تبلیغ ایدرم. بو کونکی تلغراف طایارنده کورجی بوغازی مابین هایون ایله ترتیباً بک توریه مامنه استحکاماتک (یعنی ارضروم استحکاماتک) دور متصه سبب وسعی مانع اولدیغی بیان بیوریلور. مدافعه یه اولدقجه کافی اولتی ایچون دهها نه مقدار عسکر لازمدر، شفره ایله بیان بیورون. ۹ تشرین ثانی سنه ۹۳ سعید

مابین هایون ایله
وقوعه اولان بعض
مخبرات مهمه

جواب

الله وجود شاهانه لرینه بجز و توکنمز عمر لر احسان ایسون. دوه بویی دشمنده ایکن کورجی بوغازینک محافظه سته عسکر افراز ایدوب کوندرمک، او عسکری کوز کوره اسارته ترک ایتمک دیمک اولدیغندن بویله برفضله عسکر اولسه بیله قاعده شو حالد اورایه قونیه ماز. دشمنک ده دوه بویی آلدده ایکن او طرفنه دونوب باقیسه جنی درکاردر. دوره متصله ایله بوکا کفایت ایدده جک اولان عسکرک مقدارینه کلنجه؛ بو استحکامات شمیدیکی افواه ناریه کوره یایلمش و دوشلمش شی اویوب عتیق شیرده نظراً یایلمش و بعض محارری ده هنوز اکال اولسه مامش و فقط موقع حکمی شمیدیکی افواه ناریه قارشو آلدده کنی دخی حکمز براقشدر. مع مافیه قانمزی صوک طامله سته قدر آتتمق شرطیله چایشمی و الطاف الیه یه استناد ایتمکی آرقداشارمله برابر وجیبه دن عد ایتمکده یز. دورنک محیطی سپر و شیو صحرا آتش خطی اوله رق او توبزیک آرشونی متجاوزدر. آرشونه برنفر حساب ایدوب احتیاط دخی دوشلسه قرق بیک کشی لازمدر. فقط بوقرق بیک نفر آلدده اولسه بورایه قپانوبده حرب ایتمک بیوک خطادر. چونکه موقع فنا اولدیغندن مطلقاً در حال طشره چیقوب کوزل بر موقع انتخابیله آچیقده حرب ایتمک البته اولادر [*] شو آزالق عبدالرحمن غازی [**] جهتملی قارله مسدود اولدیغندن و هوالرده شمیدی کوزل کیتمه که باشلا دیغندن شاید تنزل ایتمزده برف ترقی ایدرسه ایشک بوجه تمدن بلکه استفاده اولنور. [***] طوب طاغنه حسن

[*] یوقاریده بر یرده ده ذکر ی کچدیکی وجهله مختار پاشا استحکام ایچنه قپانوب محاربه ایتمه نک، و بو حال بعض یرلده تجویز اولسه بیله بر شره قپانه رق اورانک استحکاماتک مدافعه سنک علیهنده ایدی. بعضاً موقع حکمی و حالک ایجابی انسانی بویله بر شئه مجبور ابته بیله ممکن اولدیغی قدر دائماً دشمنه متحرک مدافعه فرقه لر یله خارجه چایشلمه نک یولی آرانیلیدر. زیرا مدافع ایله متعرض عسکرک قلبنده کی جسارت غیر مساوی و هر حالده متعرض قلبی قویدر دیر ایدی.

[**] ارضرومک جانب شرق جنوبیسنده وجوارنده بر موقعک اسمیدر.

[***] چونکه دشمن آرقه دن کلوبده عبدالرحمن غازی طاغنی طو تدینی کبی نه استحکاماتک ونده مملکتک بر خیری قالیر. ارضروم استحکاماتده عسکر بولندیر بولوبده اوطاعه دشمنک آرقه طرفدن چیتمسی منع ایتمک ممکن دکلدیر. الحاصل ارضروم استحکاماتی فن وقاعده نقطه نظرندن غیر نافع بر استحکام اولدیغی، بزم ایندی کمز روسیه محاربه سنده موجود بولنش اولان کارکدار و تجربه کارامرا و ضابطه متفق علیهدر. او استحکاماتک وجودی اخلافزی آلداتسون، اوراده استحکامات جسیمه من و اردردیه کووه نلسون، زیرا اوراسی آردهان استحکاماتندن و موقعندن دها فئادر.

پاشا قومانداسیله اون طقوز، وینه طوپ طانندن استانبول قپوسنه قدر موسی پاشا قومانداسیله اون بر طابور قویدم. سکز طابورلده عاجزلری ایجاب ایدن یره قوشمق اوزره طوپچی قشله سنده و بواوچ جبهه نك وسطنده احتیاطده بوانیورم. استانبول قپوسندن کرمتلی یه قدر تخمیناً طقوز اون طابورلق محل هنوز بوش و آچقدرد. شمدیلک اوراسی دشمنه اوزاق اولدیغندن بالضرورد آچیق براقیلدور. ایلروده احمیتی کوریلورایسه بالجبوریه ایجابنه باقیله جقدر. شو حالده بیلکه هر جبهه قوماندانی تزیدد قوتنی استدعا ایتمکده درلر. دشمن بوراسنك پك کوزل وغایت صحیح اوله رق بر قطعه خریطه سنی بائمش و طبع ایتدیروب ضابطانه توزیع ایش اولدیغی، بودفعه مقتول اولان ضابطانندن بریسنك اوزرندن چیقمش اولسیله آکلاشادی. [*] بوکون ارکن اردوی هایونله وقوعبولان مشورتك نتیجه قرار ی شمدی شفره ایله ویرلمکده اولان دیگر تلغرافنامه ایله معروضدر.

غازی احمد مختار

۹ تشرین ثانی سنه ۱۲۹۳

دیگری :

مابین هایوندن

بورادن کوندریلان طابورلرک بر طاقنك بایوردده توقیفلری امرخی ویرمش ایدیکز. انلری مؤخرأ ارضرومه جلب بیوردیکزمی ! آلتنجی اردودن کلکده اولان امدادی ارضرومه کتوره جکمیسیکز. یوقسه انلرده بوکونکی تلغرافده محرر محله می اجتماع و توقف ایده جکلردر ؛ ارادات آتیه نك اخذندن صکره شفره اوله رق بیان بیوردیکز .

سعيد

۹ تشرین ثانی سنه ۱۲۹۳

اراده سنه

قارصک استیلاسی پادشاهز اندمزی و هیئت دولت وماتی دلخون ایتدی. شمدی ایشک کوچ یری ارضرومک محافظه سی اولوب، زیرا دشمن طوبولرینك کانسنی احمیتلیجه بر قشله ی تضییقه حصر ایله دانه یاغدریغی حالدده تحمل غیر قابل ایدوکی تکرار بیورمشدر. بو حالده شوقعه ده ارضروم انجون دخی اجرا اونورسه اورادنده شمدیدن امید ی کسمک لازمکایر. خصوصاً قارصک استیلاسیله اورانك حصیره مخصوص دشمن قوتنك دخی ارضروم اوزرنده کی قوتنه منضم اوله جفی

[*] بو خریطه خاربه زماندن اوله ایش ارضرومک خصوصی موقع خریطه سیدر. بون استحصاناً بوزک شکلی حالی منضم اوله جی کبر خصوصی چوبلوموانی بوزرینه وارنجه بوزر ارانه ایتشدرکه، او بولاری بزم ایش ارلرندن هیچ بریسی هنوز بیلیمور ایدی.

بومطالعه نومیدی نی تأیید ایدہیلور. حالبوکہ ذات دولترینہ قطعاً خفی دکلدرکہ دولت علیہنک نقطۂ استادستی اولان آسیا قطعہ سنک کلیدی ارضروم اولدیغندن برکرہ اورایہ دشمن کیرہجک اولور ایسہ آرتق ملت اسلامینک دوچار اولهجنی تہلکہنک درجات عظیمہ سنی مولادن بشقہ کیمسہ کسیدرہ مز. وشمیدیہ قدرچکیلان بونجہ زحمتلرک ہپسی ہبا وھدراولور. بوجہتلہ اولانجہ قوت وقدرتی بونک محافظہ سی اوغرینہ حصر وصر ف اتملی یز. یوقسہ ارضروم آلدن چیقار ایسہ اورادن طاغیلہ جق عسکرلہ نقاط حریبہ دن اولان بایبور و ارزنجانی طومتغہ چالشمق ممکن اولماز. قارص مدافعہ اخیرہ سنک عینی اولور. اگر دشمنک قوتی قوتمزک برقچ مثل ایسہ اکا مقاومت قدرت بشرک خارچندہ در. لکن نہ قارصدہ ونہدہ ارضروم قارشوسندہ کی روسیہ عسکرینک مقداری اولقدر احمیتی اولیوب عدم مقاومتہ بعض ضابطان وافرادک جبات وعدم ثباتی سبب اولوب حالبوکہ میدان محاربہ سیلہ استحکام داخلندہ مدافعہ ایتماک آرہ سندہ فرق عظیم اولدیغندن داخل استحکامدہ ثبات ایتماک ہیچ تسلیم اولنور قصورلردن دکلدر. و دشمن طوہلرینک جملہ سنی بریرہ حصر ایدر ایسہ بزمدہ بواصولالہ مقابلہ ایتماک کمز لازمکلیر. غالباً فراری، دین ووطنلری اوغرنده شہادتہ ترجیح ایدن حیثیتلر قارصدن و ارضرومدن قاحقلہ نفسلرینی تخلیص ایدجکلری ظنندہ بولنورلر. حالبوکہ بوایکی یرک تسلیمندن صکرہ ہرنزدہ فرار اولنسہ روسیہ لیلر کندیلرینی اورایہ قدر تعقیب ایدہ جکلردر. ایشتہ شو حقیقتی یاریندن اولوالامر پادشاهمزک نامہ بتون عسکر واهالیہ اعلان وجواریکزده کی ولایتلری محافظۂ وطن وظیفہ سنہ دعوت وقرعہ نفراتی وردیف ومستحفظلری جمع ایدوب ارضرومک قویاً وحمیحاً محافظہ سنہ وبوکوندن صکرہ دشمندن یوزینی چویرن هرکیم اولور وقتنی رتبہ وملتیدہ بولنیور ایسہ بلا عفو ہان اعدام ایلکہ مأذونیت و مأموریت کز با ارادۂ سنہ تجدید [*] اولنور. والحاصل شدتن زیادہ حلم ونوازش واتحاد استیائلری تلطف ایدوب تہدیدہ مستحق اولانلری ہر درلوتدایر شدیدہ ایلہ ادای وظیفہ اجبارایدرسکر. قالدی کہ عسا کر غیر متظمہنک غیری عسکرہ بعض یرلردہ احمیت ویرلیور ایسہدہ استحکام داخلندہ غیر معلم اہالیدن بیلہ پک چوق فائدہ کورلیدی ہردواندہ

[*] حال بولہ ایکن یوقاریدہ مطرود میرآلایلرک قضیہ سی اوقوندی یا!

مسبق اولوب بومقوله لری تسلیم ایتک ایچون شمدی اوراده فضله سلا حله
دخی بولمنی مأمول اولدیغندن بوراسی دخی باراده سینه اخطار اولنور.

۹ تشرین ثانی سنه ۱۲۹۳ سعید

جواب

بایوردده ایکی طابور ترك ایله اون اوچ طابور وایکی بطاریه طوی بورایه
آلدیم. آلتیجی اردونك هنوز ایکی طابوری دون موصلدن حرکت ایتدیکندن
بونلرك بتلیسه آنجق یکریمی کونده [*] کله بیله جکلرینی ظن ایدرم. بعده
اورالرده می توقیغلی لازمکلور، یوقسه بو طرفه می حرکت ایتدیریلور، آتی
ایلروده حال وزمان حل ایدر. زیرا احوال حریبه کونده بررنك کسب آیلر.
قارصك فلا کترده اولسی بو عاجزلرینی اوچ جهتدن دلخون ایتدی. بریسی
ولی نعمت پادشاهمك نه درجه ده مکدر اوله جقلرینی، ایکنجیسی دولت و ملتجه
نه کونا مورث خسار اوله جقنی، اوچنجیسی بو حالك تحت قومانداده ظهور
یتدیکنی دوشمکدر. بو حالاتی مقتضای صنعت بر یچق آتی اول کشف ایدرك
بعض تلغرافلرمده حالك آتیدن خیرلی اولدیغنی و اوله جقنی یازدم؛ صر دسیله
مطالعه بیوریلور ایسه معلوم اولور. بناء علیه ایشك دوام ایتدیکنی [**] کوردجه
بو کونلری کورمامك ایچون حرب میدانلرنده آزادیم شهادتی ده مع التأسف
بوله مدم. نهایت دشمن قوتی ایکی مثلزمه مکملیتله ابلاغ ایتدی. [***]
قارشوینه نواقص عالنده قالدیغیمزدن حتی بعض دفعه (لا یكلف الله نفساً) آیت
کریمه سنی معتمدن ایشتم. حرب قولکوزك صنعتدر، همده بحول الله تعالی
صنعتمه کووه نیرم و محبتم وارد؛ و بو حالات ایله ده اصلاً عزیمده فتور و یأس
بیذا ایتتم. لکن حال و موقعه نك درجه سنی عرض ایتدی ده مقتضای راستکونی
و عبودیت بیلیرم. عسکر مزك ایچنده ولی نعمتمز و دین و وطنمز اغورنده قائلرینی
صاحفه حاضر برخیلی بندکان وار ایسه ده دین و ملت طانیان برچوق قزلباش

[*] آم شمدنور آه، کور بیور، يك -ك نقصانك دوات و ملتك باشنه نه بیوک
بلالر کتیر بیور.

[**] یعنی حربک و لوازمه نلرك دیکدر.

[***] اووقت دشمنك قوتك ایکی مثلزمه بالغ اولدینی ظنده ایدك بعد انظارنه تحقیق
ایدن قضایای صحیبه دندرکه دشمن، قوتی درت بش مثلزمه ابلاغ ایتش ایش.

اكراد دخی موجود اولديغندن ربم اومقولارك شرنندن أمين ايلسون [*]
وبوقوللرني نزد الوهيتده وولى النعمتمزك عندنده خجيل بيورمسون. برمنلوق
اراده شاهانه اقتضای حال يارين اعلان اولنه جقدر. عسا كر غيرمنتظمه حقده
اطراف ولاياته بوكون برچوق تلغرافنامه لر يازدم. بوبابده تشبئاتك درجه غايه سنه
كيدلمكده در. حالا عرض اولنه جق آلده تلغرافلرمن واردر. سايه شاهانه ده
متنوع اسلحه من چوقدر. فقط تشرین اولك ابتداسندن بوكونه دكين قرق كون
ظرفنده ولاياتدن كلان عسا كر رديفه وقرعه ومستحفظه دن قيوده بالمراجعه
يالكز سكز يوز اوچ نفر كالديكي وآنك اوچيوزدن متجاوزي ده اختيار
و عمل مانده ايشه ياراماز معلوليت ظاهره وبدييه احبابندن بولنديني جهته اعاده
اولندقلري تين ايتدي. دولتمزك محافظه شان وشرقي وحقوق مقدسه سلطنت
سينه نك حفظ ووقايه سي اغورنده فدای جان وجهانه هربار حاضر اولديغ
ومنع تجاوز اعدايه حالاً وموقعاً نه درلو تدابير محتاجيت وار ايسه اكالنه كيجه
كوندز چالشمقده بولنديغ جهته جناب ناصر مطلقك توفيقه ومدد روحانيت
سيد كائناته عرض افتقار ايتكمده اولديغ معروضدر.

۹ تشرین ثانی سنه ۱۲۹۳ خازی احمد مختار

جواب

محاربه بختنك خصمه توجهی نزد عالیده وانظار عالیده قدری مستقراولان
فضائل عسكریه لرینی اخلاص ایده من. قزاقق وبوزلق محاربه نك مقتضای وضعی
اولدینی کبی، حالات معكوسه دن مأیوس اولیوب بلکه مغلوبیتدن مظفریت
استخراج ایتك، ذات مشیریلری کبی اعظم رجال عسكریه نك اعظم خصائصی
اولغله شوكت مآب افندمك ذات عالیلرندن آرزو بیوردقلری شی بوراسیدر.

[*] بودرلو مذاهب متفرقه احبابندن بولان جمله نك اردویه نصل مضرتلری اولدینی
یوقاریده بالمناصبه تصویر اولدینی مرده بونلك حال آسودكیده اصلاح ایدلمری چاره سنك
استحصالی دخی یازمش ایدی. راحت وامنیت زمانلرنده اویقویه یاتهرق صیقیشلدینی وقت
«الغریق یتدبث بكل حشیش» ماضدقنجه طوپراقندن وطاشدن امداد واعانه آرامق آنجق
بزم مسلك وروشمزه مخصوص اولان لالاباليسكردندر. الله برملك اخلاقی بوزمسون،
کیمسینی بلیه ادباره مبتلا ایلسون، اشته برکزه اولیه یوز کوستردیمی تدبیر قالمیور، آتی
هیچ دوشنلمیور، ناس بربرینك علیهنده بوغاز بوغازه اجرای اغراض ونفسانیه قویولیور،
نهایت ملتجه بولنیلان شودرکه هولناکه مساعی مضر و فتنه سی اولارق واریلور.

وجهاً من الوجوه يأس وفنوره ميل ايتوب متانت وثبات دولترني اولكندن
زياده احكام بيورملري يك زياده آرزوكرده هايونلريد . وضعارندن شكاي
بيورديغكز خائلك اخروي مقهور اولملري عدالت ربانيه اقتضاسندن اولديني
كبي بلا استثنا جزاي سياسيلرينك تربتي دخي يد اقتدار عاليلرنده اولديني
باراده سنيه بيان قلنور . ۹ تشرين ثاني سنه ۱۲۹۳ سعيد

ديكري

كچنده مهم وعالي برماوريتله بورايه جلبكز نزد ولي النعمته تصويب
بيورمئش ايكن اوراجه لزوم عاليلري بوني تأخير ايتدي . شو تصور عالي دخي
حق مشيريلرنده اولان توجهات ثابته شاهانهك دليل بديهي اولمغله اخطار
وفتور كتورماكزي مبارك اللريكنزي اوبهرك حسب الاخلاص بيان ايدرم .
۹ تشرين ثاني سنه ۱۲۹۳ سعيد

جوابي

ولي النعمتك الطاف بي نهايه سندن قلم هر زمان اميندر؛ آتجق بندهكز
وظيفة عسكريه مي بحق ايفايه مونقيسي جناب واهب العطايدن تني آيكنده يم .
ريم ظاهر وضير تاجداريلريني اكدار كونهن مصون ومحموظ وبوعبدعاجزي
قلب الهاجلب هايونلريني تشييط ايدجك وامت مرحومه محمديهك يوزني
كولديرجك خبرلر ايصانه توفيق وتوسيط بيورسون آمين . قطعاً يأس وفنورم
اولمديني وامداد روحانيت سيدالمسلين اليه اخذ ناره فرصتجو اولديني قسمله
عرض آيلر . وخاصة دست شريفلريني پوس ايدرم افندم .

۹ تشرين ثاني سنه ۱۲۹۳ غازي احمد مختار

اردومزك ارضرومك مدافعه سي ايچون بالضروره اختيار محصوريت ايدجكي
دركار ايسده ارضرومه اوتوز ايكي ساعت قدر بعدى اولان ارزنجانده ويكرمي
دوت ساعت قدر اوزاق اولان بايوردده شو صردهده بشقه بشقه برر فرقه
عسكر بولنديريلور ايسه ، هم دشمن بوللري نظر حساب ومطالعهيه آلهرق
بي محابا ارضرومي محاصره ايدم مز . همده بومتحرك فرقلر ايجابنه كوره
ارضروم اطرافنده بولنان دشمن عليهنه قوللانييلور مطالعهسي خاطرلره كلان
الك طيبي مقضاردن ايدى . اوراره ايكي فرقه منتظبه ابعاد ايتك ايچون دولته
او قوت عسكريه قلمديغندن بو عسكر درسعادتن ايسنتيله مز . اورالرك بتون
۲۸ — باشمه كلانلر

بتون عسكردن خلوى ايسه ارضرومى تضيق ايتك وآناتولى ايچنه طاغملق
ايچون دشمنه موجب جسارت اولور. بورالرينه وهرحاله كوره ارضرومك
استقبالنه عائد بر مذاكره اجراسيچون ارضرومده موجود اولان مشيران
عظامدن، وبعض فريق پاشالر ايله والى وكيلى عزت پاشا حضرتلى ودفتردار
ولايت حاجى عاكف افندين مركب مختار پاشا حضرتلرينك رياستى تحتده
بر مجلس مشورت تشكيل اولنهرق مسئلهنك اوزون اوزادى يه مذاكره سنه
كيريشلى .

پاشالريمزك بعضيسى بو ايش قلم ايله باب دولته آكلاديله ميور. بر يمز
استانبوله كيتملى يز و حالك درجه و خامتى آكلادهرق دولته بر چاره سلامت
تحرى ايدلمسى اسبابنه تشبث ايتلى يز.

بومقتضاي پك اطرافى و مطالعه لى بر صورتده ميدانه قويان و اثباتنه چالیشان
مشار ايله عزت پاشادر. زيرا بچاره آدمجكنز الحاله هذه سيواس واليسيدر.
پك اعلا مركز مأموريتنده أمين و سالم اوتوروب طور ايكن ارضروم
والى و كالنتى باشه طولايهرق ارضرومه آشريدلر و بوقدر محن و بلايانك ايچنه
صوقديلر؛ فضله اولارق برده شمدى روسيه كولله لر ينك هدف اصابتى اوله جق
اولان بر مملكتده محصور قالمق، و حيات عزيزينى تهلى كه يه اوغرا تمق مخاطره لر ينى
در عهده ايتمكن ايسه بومقوله مهال كدن بر مخلص آرامق هر فرد عاقله كوره
واجب دكيدر؛ پاشامز ايسه كندوسنى ذاتاً و همه قاپدير مش و حياتى عالمك
ودولتك حياتدن عزيز بيلان كبرامزدن بولنش اولق جهتيه بروسيله ايله
ارضرومدن صاوشهرق عالمه رحمت اولان وجود شريفنك سلامتتى آرامق
ايتيوردى. چونكه روايته كوره عزت پاشانك اولدينى مجلسده جنازه يه متعلق
سوز آچيلور ايسه در حال قياتديرر و و همنه طوقنديغنن فوق العاده راحتسز
اولور ايش .

اوله ارضرومك والى و كالنتده حاجى عاكف افندى حضرتلى، عموميتله
بولنيان يوقلق ايچنده اقتدار ذاتيسيله كندوسنك وار اولدينى كوسترجه سنه
چاليشور ايدى، بر آراق باب على، جوار ولايات والياردن هانكيسنك ايجه
چالشمقده اولدينى مختار پاشادن صوردى، اوده بالنسبه سيواسدن موارداتك
چوقه اولدينى جوانى و يرمىيله سيواسك محسنات معروضه سى، باب

عاليجه واليسى بولتان عزت پاشانك وجودندن بيلنهرك ، كويا ارضرومك ايشنى دخى يولنه قويغق اوزره حاجى عاكف افندى يه بدل ارضروم والى وكلاته تعيين قلمش وبوسيله سيواسدن ارضرومه كمشدر .

اورتالقدد دوران ايدن بحثك معنوى فصل اسباب موجبله مبنى اولديغنى مختار پاشا دخى آلامش اولديغندن قلم وتلغراف آلدده اولدجه هر درلو حاملزى باب دولته آلامق ممكندر . آنك ايچون بزم بوراده ويره جكمز قرارك نتيجه سنى تلغرافله عرض ايدرز . شخصاً بكده كي مسنهك كي مسنه لزوم كورده ميورم . بوراده قالسه قدده عهده مزه ترتب ايدن وظيفه يي ايفا ايتسهك ده خوش اولور راييله مجلسك كفتكوسنه ختام ويردى .

نهایت ارزنجانده وبايورددده تشكيل اولنه جق هيئت عسكريه يه نظارت ايتك اوزره ايجلرندن ايكي ذاتك اورالده كيتمسى لزومى درميان اولدى ؛ بوندده ينه بيوك پاشالردن ايكي سنك ارضروم دن صاوشق فكنرنده اولدقلى آكلاشيله رق رد ايلدى . عاقبت طيشارودده بر متحرك اردو احداث . وقوماندا ايتك وارضرومى قورتارمق ايچون بالذات مختار پاشانك كيتمسى راينى قورد اسماعيل پاشا حضر تلى ميدانه قويدى . ارضروم بو حوالده ايكن كندوسنك خارجه چيتمسى موافق حال اولديه جغندن هر حالده ارضرومك كندى قومانداسيله مدافعه اولتمى وبويلاه بر دارالمهماتك مدافعه سى امرنده جمله طرفندن پك بيوك فدا كارلقلر اختيار اولتمسى لازم اولدبنى جوابى ويرلدى . عاقبت او ايكي موقعده تجمع ايدجك عساكر معاونه ونظاميه نك اداره سنك بايورددده دفتر دار عاكف افندى يه وارزنجانده متصرف ويسى پاشايه ويرلمى قرارنده چار ناچار اتفاق حاصل اوله رق مابين هايونه وسر عسكرلك مقامه صورتى آتيدده محرر اولان تلغرافمانه يازلدى .

ماين هايون باش كاتبي سعيد پاشا حضر تلىله ماكنه باشنده مخابره اولنور ايكن بو بابده برديكر تلغرافزده واردر دنيلمش ايدى . اوتلغراف ده شمدى يازد جغمز ايشته بو تلغرافدر .

ماين هايونه

مقام سرعكرى يه

تلغراف

قارصك استيلاسى كسب تحت ايتسه مبنى بو بابده دخى اردوى هايونك اركان مجلس مشورتك حربه سيله جريان ايدن مذاكره نك نتيجه سنده ، چونكه ارضرومك دروننده كي نتيجه قرارى استحكامات مسئله نك بر طاقم حوالاته محكوم اولسه ونحك منزلى داخلنده محال

میتہ لر بولمسنہ نظر آمدافعنہ نك خارج مملكتہ احتیاجی درکار اولوب، فقط هیئت موجوده عسکریه نك بواعیته کفایتسزلیکی، امر مدافعه نك چارده سز داخل استحقاکمه حصصی نی ترجیح ایتدیرمکده، و بحوله تعالی سایه سامی حضرت ملکداریده جمله من قانم نك صو ك طامله سنی تشکیل اعدایه وقف ایله عروء وثقای توکله صاریله رق تدارکات احتیاطیه به تشبث ایدلمکده ایسه ده، شمیدیکی افواد ناریه نك کوز آچدیرمیه جق درجه ده کی، تهاجمات غیر انقطاعیه سنه قارص کی بر موقع تحمل ایدمیدیکی حالده ارضرومك دوام مدافعه سی واصل حریبه مقتضاسی برارده احتیاط خارجی به حاجت مس ایتدیره جکی جهتله، خدانکرده ارضرومه برخلل کلیر ایسه دشمنك اطرافه انتشاری نی منع ایتك واقضاسنه کوره ارضرومه جلب ایله موجوده قوت ویرمك اوزره خرپوت، سیواس، انقره، یوزغاد طرفلریله ولایتك مواقع مناسبه و متجاورده سندن طویلانہ جق سواری و پیاده عسا کر معاونیه ارزنجان و طریزون ایله داخل قضادن تجمع ایدمک افراد و ایکی طاوور عسا کر نظامیه ایچونده بایبورد مرکز اتخاذقلنہ رق ارزنجان اداره سنك اوراده بولنان ضابطان عسکریه ایله ارزنجان متصرفی ویسی پاشایه و بایبورد اداره سنك دفتر دار ولایت عا کف افندی به ویرلمی بالتنسب اقتضا ایدنلره تبلیغات لازمه اجرا و دفتر دار مشارالیه دخی بایبورده اعزام واسرا قلنمش، و هر حالده محافظه حقوقمك جلوه کر مرآت حصول اولمی الطاف جلیله سبحانیه و مدد روحانیت حضرت نبویه ایله توجهات قدسیه جناب شہریاریدن مسؤل و مستدعا بولمشدن فرمان ۹ تشرین ثانی سنه ۱۲۹۳ غازی احمد مختار

ارضروم استحقاک۔ بولمشدن ارضروم استحقاکماتنك مطلوبه موافق صورتده اولمیدنلر دخی ماتنك برایشه شکایت اولمشدن۔ چونکه ارضروم و قارص واردهان استحقاکماتی اشبو مختبرات اشناسنده سر عسکرلک مقامنده بولنان فوسفور مصطفی پاشا یایدیرمشدی۔ کندیسنك اون، یارامیه جنی اون ایکی سنه ملیونلر صرفیله وجوده کتیردیکی براستحقاکماتنك ایشه یارامز اولدیغی ایشتمك قدر کوچ برشی اوله ماز۔ مع مافیہ مقصدم مصطفی پاشائی تخطئه دکلدنر؛ زیرامشارالیه مصطفی پاشا قریم محاربه سنی متعاقباً بتون آنا طولینك خطوط مدافعه سنی کزوب هانکی نقطه لره نه یایلق لازمکه جکئی تعیین ایدن و دولتك مشهور مهندس لرندن عبارت اولان براستکشاف قومیسوننك اران و تعیین ایتش اولدینی مواقعہ ینہ انلرک رسملری نی بیلہ یامش اولدقلری استحقاکماتی تطبیق ایدرک

وجوده کتیرمکه مأمور ایدلشدرد. استحکامات علیه وقوعبولان اعتراضات بالکلیه مصطفی پاشایه تأید دکل ایسهده. اسلافک اثرینه فعلاً و قولاً اشتراک ایتش اولق ملایسه سیله استحکاماتک برایشه یازامیه جغنی ادعا ایدلنره قارشو برازده خاطرمانده اولسه کرکدر.

شوقدر وارکه ارضروم استحکاماتنک ایشه یاراماز اولدینی حقهده تجربهیه مستنداً نزد دولته بوقدر اشعارات ومعلومات موجود ایکن انلر هیچ نظر اعتایه آلمیور، و بیوک شهرلرده کی مدافعهنک ایراث ایتدیکی فعلاً معلوم اولان مخاطرات تصور اولمیورده، شمدی شو اوراق پریشانک بوتقطهسنی تسویدآلیدیکم بیان اوچیوز یدی سنهسنده بیله ارضروم استحکاماتنک اصلاح وتنسيق وعلاوه سیله اوغراشیلور. یوللارک برلشدیکی مواقع تدافعیهده نیچون خفیف استحکامات یایلیمور اوراسنی بیله تم؟؟.

ارضروم استحکاماتنک وموقعنک محاربهیه آلوریشلی اولماسی بحی ذاتاً سرعسکر پاشا حضرتلرینک مزاجنه خوش کیتامش، ومختار پاشاده مأمورین وارکان وامرای عسکریه یوز ویرنامسندن خلق بیننده خودپسندلک واستبداد رأی کی توحش قلوبی انتاج ایدر بعض اوصاف ایله اشتها ایتش اولق جهتیله بعدماری خودیله ایش کورنامسنی توصیه ایله برابر، مختار پاشانی دقت وانتباهه دعوت ایدر صورتده مصطفی پاشانک یازدینی برتلغرافنامه آکا یازیلان جواب ایله برابر شایان مطالعه اولدیغندن عینله بورایه درج اولندی.

سرعسکردن مختار پاشایه کلان شفره لی تلغرافک حلیدر

هرحال وکارده وخصوصیله هنکام حرب وپیکارده ازباب رشد وذکا سرعسکرک نصایحی وتجربه کاران کارزاروغا ایله مشاوردنک فوائدی پک عظیم وجسیمدر؛ حتی فخر عالم علیه الصلاة والسلام افندمزنک مستور سرپرده غیب اولان اسرار خفایای جهان نظر حقایق بینارنده ظاهر وعبان ایکن امرغزاده ینه مشاوره نی ترجیح واختیار بیوردقلری احادیث صحیحه نبویه ایله ثابت ومتحققدر. احوالینک احوال ظاهره واهمیت باهره سی اینجانبه بالاستقلال درعهده بیوردقلری یولک پک بیوک وآغری اولدیغنه نظراً بونک تخویف وتهوینی. وتدایر متخذدنک مرکز حصوله وصولی ماده سنک تأمینی ایچون ذات صفدریرینک علی الدوام مشاوره نی اختیار واعتیاد بیورمکنزی خالصانه آرزو ایلرم. اردوی همایون رفیقتهده دقیق

سرعسکرک نصایحی
متضمن برتلغرافی

فن حربہ و اوحوالینک احوال موقعیہ سنہ واقف و صفوت رشد و رؤیتہ متصف
امرا و ضابطان بوانہ جغندن [*] آنلر و سائر ایجاب ایدنلر ایلہ بالاستشارہ و الاتحاد
تشبث و اجرا اولنہ جق تدابیر حربیہ نیک تأثیراتی رأی واحد ایلہ جریان ایدن
حرکاتہ مقیس اولمہ جغندن اللہ و رسول عشقنہ و سلامت وطن و دولت خاطری
ایچون بعدما هرايشده ارباب فن و تجربہ ایلہ عقد انجمن مشورت و مقدرات
الہیہ دن اولہرق اوغرانش اولان سکتہ، مقتضیات حربیہ دن اولسی جہتلہ
بوندن اصلا یأس و فتور کتور میوب بلکہ اولکندن زیادہ عیون دقتی تکثیر
ایدرک جبر مافاتہ ابدال مساعی و مقدرت بیورلمسنی رجا ایدرم. و برده ارض رومده
جباہ استحکامیہ و موقعیہ نیک نقاط حاکمہ سی طوب طاعی و عبدالرحمن غازی
جوارلری و کان یا یالسی حوالسی اولوب، اللہ ایتسون بونلر ید دشمنہ کچہ جک
اولور ایسہ ایشک نتیجہ سی پک و خیم اولہ جغنہ نظراً عون حقلہ بونلرک امر
محافظہ و مدافعہ سندہ و ایجاب ایدن مواقع صنعیہ انشاسندہ بغایت التزام شدت
و غیرت و استحکامات و مواقع سائرہ نیک دخی صورت دائمہ حال امنیت و مدافعہ
بولنیرلمسنہ اعتنا و همت اولنق اهم اولدیندن آکا کورہ تمامی محافظہ سی
تدابیر قویہ سنک شمیدین اتخاذ و اجرا، و برطرفدن طوپلاتیریلوب پی در پی
اول طرفہ سوق ایتدیرلمکده اولان قرعہ وردیف و مستحفظ افرادینک بیان
بیورنش اولان محالہ جلیلہ اجرای تعلیمات عسکریہ ایلہ اشتغال ایتدیریلوب برقم
اقدام استحصال ملکات عسکریہ ایتلرینہ فوق الغایہ همت و اعتنا، و دردنچی اردو
دائرہ سندہ بولان صنوف مذکورہ افرادینک سرعت جلب و جی ایچون دائماً

[*] بوندن مراد سرعسر پاشا حضرتلرینک دامادلری دوه بونی محاربه سندہ مجروح
اولان فریق رفعت پاشا اولہ جقدر. چونکہ رفعت پاشا قول آغالندن میر آلا یلغنہ قدر
کچن اون سنہ مدتی ارض روم استحکام قومیس یونندہ وقاین پدری حضرتلرینک تحت ریاستندہ
بولنملہ کچیرمش ایدی. صکرہ مشیر محمد علی پاشا قومانداسیلہ روم ایلیدہ اجتماع ایدن طونہ
اردوسنک ارکان حربیہ رئیس اولدی. محمد علی پاشانک «بلہ» اوزرینہ حرکتی متصور
ایکن سبب سزیرہ هزار غزادہ رجعت آتش اولمسنک برسیمییدہ بورفت پاشادر دیورلر
ایدی. روم ایلی واقعات حربیہ سی تاریخی یازیرور و اقنور ایسہ بورجعتک تقدیرنا سبب سز
بر رجعت اولدینقی آکلاشیلور. صکرہ لری محمد علی پاشا اتصال ایدمده ساجان پاشا روم ایلی
سیار قول اردو قوماندانی نصب اولدینقی کچ رفعت پاشا طونہ اردوسندن پانده پی چوزہ رک
استانبولہ کلش، بزم اردونک قارصده کی هزیمتی اوزرینہ بواردونی تمیراتک و آکلاشیلان
مختار پاشایہ مستشار اولقی اوزرہ کوندراش ایش.

ایجاب ایدن والی و متصرف لقلرله مخبره ایدرك واقتضا ایدن یرلره مأمور تعیین واعزام اوانه رق افراد مرقومه نك بر آن اول جلب وجعنه غیرت و بوبابده تجویز تأخر و تکاسل ایدنلر اولور ایسه کیفیتك بو طرانه بیلدیرلمسنه مسارعت بیورلمسنى بشقهجه توصیه و اخطار ایدرم ۱۲ تشرین ثانى ۱۲۹۳ مصطفى

جواب مقام جلیل سرعکری به

۱۲ تشرین ثانى سنه ۱۲۹۳ تاریخی و شفره لی نصایح آمیز بر قطعه تلغرافلرینی آلدیغم کبی بر ایکیسی ده سبق ایتمشیدی. حمد اولسون الله و پیغمبری الک آئی طایفه نلردن اولدیغم و دین و دولتمک منافعی اوغرندده جامی هیچ بر خطر و تهاکدن اسیر که مدیکم ایچون دنیاده دها قورقه جق و فتور کتوره جک هیچ بر شیم یوقدر. بنده کزى قورقه قودن شی، بش اون کشیدن غیرینک ضابطاک صفت و حیاتی حائز اولمامسى و ثباتملرک احوال متأسفہ سیدرکه خدانکرده انسانى تصحیحى ناقابل خطر و تهذکره بغته القا ایدیورلر. حاصلی سکسان بیک موجودلی بردشمن قارشوسنده اوتوز بیک موجود ایله بر خیلی وقت بوغاز بوغازده اوغراشیلهرق اسباب متنوعه معذوردهن ناشی حسب القدر وقوعه کلان مغلوبیت کدیرله مکدر اولان بر قلب خالصی کل یوم اخطارات زائده ایله ایچمه مکزی رجا ایدرم. بحمد الله تعالی آئی ایدیری علی التوائ قرالان محاربات هیچ بر اخطاراته احتیاج کوسترمامکده ایدی. عبدالرحمن غازی و کان یایلامی و بالان دوکن وجوار و اهالیسنک طوبتلى مقصدینه نقل کلام ایدیلنجه مواقع مذکوردهنک طوبتلى بوکونکی کونده آلدده یوز طابور بولمسنه متوقدر. شمدی بو قوتک آلدده اولمى لازم کلسه ذاتا ارضرومده اوتورمق جائز اولمیه جنی، یعنی طاغلرده، صحرالرده، و الحاصل بر قلعیه، براستحکامه قنایلمینوب آچیق یرلرده بولنلیمق لزومی بدیهیدر. مع مافیه شمدی اورالرده نه بزم ونده دشمنک بارنمی (یعنی قیش سبیلله) ناقابل ایدوکنی عرض ایدرم.

۱۲ تشرین ثانى سنه ۱۲۹۳ غازی احمد مختار

شو عصرده عسکرلکک قوت و انتظامک نمونه و مثالی اولان آلمانیا، ده، رلمات و طایفه به عرضابط کندی وظیفه اصلیه سنی اجراده حر و مستقل و مرکس وظیفه معینه سندن مسئول اولدینی ایچون، مافوق مادونی اولان امرا و ضابطانه صورت عمومیه ده بر امر ویرر ایش، عسکری شویله قوللان، شو جهمدن هجوم ایت، شو صورته

حرکت ایله ديه تفرعاته عائد مافوقندن بر امر صادر اولور ايسه، بوامری تلقی ایدن ضابط کویاوظیفه عسکریه سنی بيلمیورده او صرده مافوقندن تلقی ایدیور کبی بر معایه حمل اولنه جغندن بوامری آلان ذات ایشک صورت وقوعی، حقنده بر تحقیر عد ایدرک دعوايه قیام ایدر ایش . زیرا بوندن او آدمک بو قدر زمانلردنبری مکتبلرده، تعلیملرده، مانورلرده، وظیفه عسکریه سنه دقت ایتمیان سبکمغزان جهلا اعدادینه داخل اولدینی معناسی چقار ایش . عموم آلمانیاک ارکان حربیه رئیس بولنان مشهور (مولتکه) امرا وضابطاندن بریسی برایشه تعیین ایتدیکی وقت، عجا شویله می کیده می، بویله می یابه می ديه وتوعبولان استیضاحتنه قطعاً جواب ویرمه رک : « بز تفرعات اجرا آتی بیه میز اوراسی سنک بیه جکک شیدر؛ بز صورت عمومیه ده امری ویررز، او امرک موقع تطبیق واجرایه قولسی سکا عأددر» دیر ایش وضابطانی کندی اجتهدایله ایش کورمه، واعمال فکر ایله حوصله ادراک کی توسیعه یول بولمغه آلیشدر ایش . ایشته بویله بویله عموم ضابطانجه عادت حکمنه کیرن وظیفه پرورلک خصلتی، بوکونکی کونده آلمانیا دولتی اوروپانک تاج ریاستیله تتویج ایتدی . واقعه ده بویله دکیدر . مأمور اولدینی برایشی موقع تطبیق واجرایه قویه جق آدم شخصاً ومنحصراً اوایشک خطاسندن تولد ایده جک مسؤلیتی دخی درعه ده ایده جکندن کوزینی درت آچغه وموفقیتی تأمین ایچون اعمال فکر ایتکه مجبور اولور؛ وکی کیده هر شیده لایقيله اعمال فکر ایتک خصلتی ملکه اوله رق، آرتق هر وقت، هر ایشده اول ذاتدن ملک وملته نافع شیر بکنور .

لکن بزده ایش کلیاً بونک خلافته در . سوء اخلاق نتیجه سی ویا بر حکمت جاهلیه ایجابیمیدر نه در؛ بزده بر آمر آمریتی بر چوق امرلر ویرمکه خلقه بیلدیرمک ایستر . بر فریق موجود ایکن جزئیات وکییات امورده میرلوانک حکمی یوق دیمکدر . لواند آشاغی رتبه ده بولنانلرده لویه کوره اوله در؛ تایوزباشی وملازمه ، وبلکه ده چاوش واونباشی به قدر معامله بو وجهله جاریدر . هر وقت هر یرده مافوق مادونندن سلب اقتدار ایدر و مادونده بولسانده : (بیوکلک ووظیفه پرورلک ظاهر بویله در) ديه سکوتی التزام ایله حسب القدر کندوسی ده بر موقع اقتدارده بولندیغنده ایشی آلدینی کبی صاتار . بو حاله فقیر سوء اخلاق نتیجه سیدر ديه جکم . چونکه حک ایدر ايسه ک

بونك آلتندن : كيمسه برشی بيلمور بن بيلمورم؛ كيمسه برايش ياپه ميور بن بيلمورم؛ بن اولماز ايسه ايش يوريمز؛ هرأى افعالك مصدرى بنم امر ورايمدر، خود پسندلگى باش كوسترييور... هله بعض معنين و متكبرين رؤسا واردركه، امور ملكيه و سياسيه ده دخى ، كنديسنه سؤال ايله امر وراي آلتنقزین بايلان برايش ولوعين كرامت و منفعت بيله اولسه، بيك درلو قصورنى بوله رق رد ايدر؛ اكر رد ايدمه جگى برشی ايسه ضرورى سكوت و تصديق ايدر، اما و فلك فاعلى كندى خود پسندلگنه قارشى خود پسندلگه اتهام ايدرك آندن صكره او آدمى اويله طائير و معامله سنى ده آكا بنا ايدر كيدر .
يا اله العالمين ! بوقدر فساد اخلاق ايله برابر ينه عرصه كاشانده محمد بك سياسى اوله رق اثبات آثار هستى ايتلىرى، آنجق خاطر خاطر محمدى به رعايته مبنى اولديغه شبهه يوقدر . يا براز تهذيب اخلاق ايدرده جدا آدم اولمغى التزام ايلر ايسه، احراز ايدم جكمز سعادت و شرفك درجه سنى هانكى قلم تصويره مقدر اوله جق ؟....

موسم، قيشك بدايتده و تشرين اولك اون بشيله يكرميسى آرده سننده دشمنك قارصدن ايكن، قارصدن قرق المى نفر قدر پراكنده عسكرمز طوغرى يول ايله يعنى بر طاقم ضعفاى دوه بوينده بولان دشمن اردو كاھندن كچرك ارضرومه كدى . بونلك سبب ورودلى سؤال اولدقدده؛ دشمن، قارصده اسيراً ضبط ايتدىكى عسكرله قارس خسته خانه لرنده موجود بولان خستكان و مجروحى معايه ايدرك اختيار ضعيف و عليل اولان و مجروح اولوبده هنوز ايملكه يوز طومش بولانان اشخاصدن ايكي بيك بش يوز، اوچ بيك قدر آدم آيبره رق يولده يملككلىرينه مدار اولمق ايجون اللرينه برده روبله ويروب ارضرومه متوجهاً قابوب صالوييرمش اولديغى . و بوكلا نلر آنلك جانليجه بولانان اينك قافله سى اولوب آرقه سنك بي دري ايشليه جگنى سويلديلر .

واقعه ده آرقه سى ايشلدى طوردى؛ بونلك ارضرومه ايكي بيك نفر قدرى واصل اولديسه ده دشمنك بزه طوغرى صالوييردىكى اشخاصك حد داننده عددى قاچ ايدى، اوراسى مجهولدر .

اكر اوراسى بيلنه ايدى ارضرومه واصل اولان ايله قارصدن چيقاريلان افرادك عددى بينده كى فرق، اثنائى راهده ضايع و تلف اولانلرك مقدارى اولمش اوله جقدى . چونكه بونلر اكثريته ضعفا و مرضا قسمى اولوب ذاتاً

الیسه لرینک یرتیق دو کوکلرندن بعضیلرینک ایچنده کی اُتلری کورینیورایدی .
 طاغلرده ، یوللرده بر ییحق آرشوندن زیاده قار وار؛ آچیق چلاق، ضعیف
 و ناتوان بر آلا ی اشخاصه بوحال ایله اون، اون بش کون پراکنده و پریشان
 و پیاده اوله رق یول یورودر ایسه ک، یول اوزرنده نه قدرینک خسته لقدن
 و صغوقدن و یورغونلقدن و آجلقدن تلف اوله جغنی ذهنم زده تصور ایدرک
 کندی کندم زه بوله بیلور ز . ایشه بزم ضعفا نه یوللرده اومقدار ضایعات
 ویردکدن صکره ارضرومه واصل اوله بیلمشلردر .

روسیه نک بونلری صالیویرمکدن مقصدی، بزم خسته خانه لرک موجودینی
 چوغالدوب تلاشمزی آرتیرمق، و اخلاقی بوزولمش و حیانتدن اوصانوب بیقمش
 بر طاقم اشخاصی، موجود عسکر مرک ایچنه صوقوب آنلرکده ذهنی و اخلاقی
 بوزمق و ارزاق و لوازمات صرفی اتمزی زیاده لشدیرمک، کنیدیسی ده بیروده یره
 بوقدر ضعفا نک بسانمسی کلقتی اختیار ایتماک حکمتنه مبنی اوله جغنده شبهه می
 واردر ! اما اوقیشده، اوقیامتده بوقدر عجزده یوله صالمق حمت و مروت
 انسانییه مغایر ایش؛ ای مغایر اولور ایسه نه اولور ایش؛ روسیه دولتدن
 کیم بونک حسابی صورده جق، هانکی محکمه دولیده محاکمه یه چکیله جکدرکه
 ایشک عاقبتدن قورقسونده منافئ مروت بر حالک ایقاعنه جسارت ایتسون؟! ..
 کرک حسین حامی پاشانک قارصدن چیقیدینی صرده انکله، و کرک صکرده دن
 حالدن وزماندن و موقعدن استفاده بر خیلی ضابطانمز ارضرومه و بایبوردده قاجوب
 کلدکاری کبی، نفرات عسکریه مزدن بعض دینج و توانا اولانلری ده فرار صورتیه
 ارضرومه واصل اولدیلر . کرک بوضعمانک ایلاشمش اولان قسمندن و کرک
 توانا اوله رق فرار ایدنلردن ایکی طابور تشکیل ایده جک قدر عسکر طوبلانمش
 اولمسیله، بوا یکی طابورک بایبوردده تشکیل اولمسی امری ویرلدی . قارص
 دوکوتیسی اوله رق بریکمش اولان ضابطان دخی همان همان درت طابوره
 قوماندا ایده جک مقدارده ایدی .

ردومزده های

تینوئیدی
 ظووری

بوانداده بزم ارضرومده کی عسکر مرک حالی ایچمه زه دوشمش اولان تیفوس (قره
 حما) خسته لکیله پک آلم برصورتیه کیردی . خسته خانه لر مرک موجود قدیمندن بشقه
 بتون استحکاماتدن کونده همان اوچ درت یوز نفر، حکیملرک معاینه سنه محتاج
 اولیوردی . بونلردن ایکی یوز . ایکی یوز الی نفرینک خسته خانه یه یاتیرلمسی لزومی تحقیق

ایدیوردی . وفیات اولدرجه ایلرلیدی که خسته خانه لرده غسل و تکفینه مأمور اولان ائمه صباحدن اقشامه قدر لایق قطع ایش کوریورلر ایسه ده ، جنازه لر برطرفدن متمادی الورود اولدیغندن یتشدیریه میانلر اودون کوتوکی کی بربرینک اوزرینه ییغیلهرق صره بکلن یوردی . بر آرداق کفنلک بز تدارکیچون دخی خیلجه زحمت چکلدی . حتی بعض جنازه لر اوستنده کی دون وکوملکیله دفن اولندی . صکردهن تجاردن بعضیلری امدادمزه یتشدیدی ویره سی یه اولهرق اردویه بر خیلجه کفنلک بز ویردیلر .

اطبامزك حالى
وغیرتی

الك زیاده ایشك دشوار اولان برجهتی ده ذاتاً مقدار کفایه سندن پك زیاده دون بولان اطبامزده بوعلت سرائت ایدرك خسته اولنلرندن قطع انظر سرطیب یوسف بکدن آلدده قائم مقام ، بیکباشی ، یوزباشی اولهرق برخیلی اطبامز دخی شو صره ده . رحمت حقه واصل اولدیلر . اردونك ایش ارلری برطرفدن دشمنك مدافعه سی اسبابی استکمال ایله مشغول ایکن ، برطرفدن ده خسته خانه لرك بوخطر خراش اولان حالنک ویردیکی تلاش ایله هرکسه عارض اولان شاشقینلغك ازاله سی چاره سنك تحریسه لاه اغراشور ایدیلر . سکزاون بیک خسته نك معاینه و تدویسی یکر می ، یکر می بش نفر اطبانك بوینه یوکلندی قالدی . دوقتورلر مزك اوصرده کوستر دکاری غیرت واتدام قیامته قدر زیور تاریخ انام اوله جق درجه ده مهمدر . بو آدم لر دکل اویقو اویومنه ، اکمک یمکه بیله وقت بوله میورلر ایدی . بونلرک خدمتی صف حرب ایچنده وکولله وقورشون قارشوسنده بولان شجعان غزاتک ثبات واقدامندن ده اعالی ودها دکریلدر . بو اطبای کرام هپ وطن اولادی ایدی . ایچلرنده پک نادر اولهرق بر دولت اجنبیه تبعه سندن کیمسه بولنیوردی . سعیلری مشکور اولسون ؛ و (مکتب طیبیه) مزده بومقوله اعزده نك یتشدیرلمش اولمسندن طولای افتخار ایتسون ! ...

سر عسکرک ینه
اولان قو
ندایه قیای

سر عسکر پاشا حضرتلری ارضروم استحکاماتنه عسکر مزك صورت تبعیه سنه واستحکامات علیه وقوع بولان اعتراضه مراقبی صاردرمش اولدیغندن ینه اوزاقدن قوماندایتمکه باشلادی ؛ و صورتی آتیده محرر اولان تلغرافنامه نی یازدی . بومقوله تلغرافلری و آنره مقابل ویریلان جواباری یازمقدن مقصدم ، شاید آتیده ارضروم بردها محاصره خانه کیره جک اولورایسه ایچنده بولنه جق اولان غزات کرامک تنویر افکارینه خدمت ایتکدن عبارتدر .

غازی مختار پاشا حفر تهرینه

ارضروم دوره سنده کی استحکامات متصله نك برطاقم حوالاته محكومیتنه دائر
 ۹ تشرین ثانی سنه ۱۲۹۳ تاریخی تلغرافنامه لرنده مندرج اولان فقره شایان
 بحث و نظر کورینوب، چونکه استحکامات مذکور نك انشا آتنده بولنش اولان
 (سر عسکر پاشاده آنلردن بریسیدر) و معلوماتلرینه مراجعت قلنسان بعض امرا
 و ضابطانك اذادانه و محل مذکورك خریطه موقعیه سنه نظراً مجموع استحکاته
 حاکم بولنان یالکیز طوپ طانغی و کره متلی استحکاماتی اولوب، بولنده له الحمد
 عساکر شاهانه یدنده اولدیغندن، بولردن بشقه عزیزیه طوپ طانغك صول
 طرف ایلروسنده واقع اوچ تپه دن ایجاب ایدن لرله (عبدالرحمن غازی) و (آغزی
 آچیق) جوارلرینه لزومی درجه سنده نقاط مناسبه دخی استحکامات خفیه ایله
 طوتلسه علی العموم شرق جهتدن دشمنك خطوه حرکتی تقصیر و تعویقه
 مدارکلی اوله جنی و شو حاحده نقاط مذکور اوله بولندجه طوپ طانغی و کره متلی
 استحکاماتنه محکوم نظریله باقیله میه جنی آکلاشیله رق بناء علیه اشبو تلغرافنامه لرنده
 اتخاذ اولندیغی بیان بیوریلان تدابیر ایله برابر ذکر اولنان ایکی استحکاماتك
 تجهیز اتنده برکونا نقصان وار ایسه هان اکمالیه آلدن چیقارلامسینه اعتنا
 اولندیغی حالده بحوله تعالی دشمنك بولندیغی نقطه لرده کثرت برف و باراندن
 و یاقه جق اودون بوله مامسندن [*] آزوقده طبیعی مجبور رجعت اوله جنی مأمول
 اولمغله افادات مبسوطیه حاکم سائر نقاط وار ایسه مشهور اولان اسم مخصوصلریله
 دوره یه اولان مسافه حقیقه لرینك ایضاحاً بو طرفه بیلدیرلمسی [**] هیئت
 مشاوره حربیه افاده سیله بیان اولنور .

۲۱ تشرین ثانی سنه ۱۲۹۳ مصطفی

[*] بوتلغرافك تاریخندن ده ابراون کون صکره دشمن چوبان دده طانغده ایکی متره
 عمقنده بولنان قارلری کورودوب یول پاپه رق ارضروی محاصره ایتك ایچون پاسینده واقع
 نوی قریه سی جوارندن ارضروم اووه سنده (کوسه محمد) و (هنس) قریه سنه طوپ و عسکر
 آشوردی . برده دشمن اودون بوله ماز دییورکه بوده عبثدر . زیرا بزم کویلیلرک اولری
 نه کون ایچون طورییور ؟ اضغاف مضاعف ویردیکی آتجه مقابلنده اولری آخورلری
 سوکوب سوکوب یاقیور . اونی ویرمه راضی اولمایانده برکوز بلرددیکی کبی دکل اوتیحتی
 کافه ماملکنی بیله آلدن آلپور .

[**] بیلیم که ایضاحاً بیلدیرلور ایسه نه یاقه جقلر ، هانکی قوتله ، نصل مدافعه سنه قیام
 ایدم جکلر ؟ ... !

جواباً : مقام سرعسكري به

ارضروم استحکاماتی حد ذاتنده طوپ طاغیله کره میتلکدن عبارت اولوب
بولنلرک آره سنده کی دوره ایسه دشمنک طوغریدن طوغری به شهره دخوانی
مانع بر پرده دیمک اولدیغندن آنلردن بحث ایجاب ایتمز . ایشته سالف الذکر ایکی
نقطه ارضرومک روحیدر . [*] و بوا یکی نقطه دخی قارشو طرف طاغلرینه
سراپا محکومدر . شو محکومیتی بر طرف ایتمک ایسه (دوه بونی) و (کان یا بلاسی)
و (پالان دوکن) سلسله لری زروه لرینک تفرعاتلریله برابر طو تلمسی و توی قریه سیله
کوسه محمد قریه سی آره سنده کی کدکک [**] و کورجی بوغازینک دخی بشقه جه
سد و بند ایدلمیسه اولور که بواجراآت الیوم موجودمزک اوستنه اوتوز قرق
بیک نفرک دها ضمی ایله بیله قابل اوله ماز . شاید شو قوت موجود اولسه ده
بواجراآته قیام اولنسه ، بولنلردن برینه دشمنک تعرضی تقدیرنده دیکر لری
آکا امداد ایده مز . بناء علیه برهفته ایچنده مغلوبیتک کوزده آلتسی لازم کلیر .
بوده عسکر لکده بیوک خطا اولدیغندن اوله بر قوت واسباب لازمه آلد اولمق
لازم کلسه در حال حرکات تعرضیه به قیام ایتملیدر . حاصلی بوبابده هیئت مشاوره نک
رأینه مشارکت ایدم . [***] مع مافیه موسم قیشدر ، اوقور قیلان محللرده شمعی
بزم بارینه میه جغمز کی هر نقدر دشمنک (رائ) قوتی اولسه بیله شمعی آنک ده
اورانه چیقمسی و بارینه بیلمسی پک بیوک شبه آلتنده اولوب همان تمتع نظریله
باقلمقده در . موسم شتاده بورانک سلامتده اوله جغفی امید ایدرم ؛ شایان دقت
یا لکزر بر ماده واردر که اوده دشمن حرکت زماتی انتخابده مختار اولوب بزیسه

[۱] یا مادام بویه ایسه اودوره متصله ده کی استحکامات جسمه بی وجوده کتیرمک ایچون
نسیبه مبنی بوقدر آتقلر صرف ایتدک ، نه ایچون اوقدر علمه مکلفه قولاندق ، اوراستدن
سوال ایجاب ایتر !

[۲] ایشته بش اون کون صکره دشمن طوپلرینی بوکدکدن آشیردی و مکمل یول یاپدی .
[۳] بوخصوصده مختار پاشان بشقه بر قوماندان اوله ایدی تربیه اصلیه من اقتضاسجه
ما فو قرده بولانلردن چقان هر صدایه اوت و یا خود عین کرامتدر دیه جک ایدی ، وغایت
امثال امر ایله مامور ایفای اولدینی وظیفه بی بر باد و ملوت ایتمه بیله حال و موقعک ایجابیه
تلقی ایدمکی امرک لطیفناجه مشکلاته دوشدرک شایروپ فله جقدی . استابولده کی بر هیئت
مشاوره آنا طولیده بولنان بر حرب اردو سنک صورت حرکتی فصل مذاکره ایده بیلور ؟
نقل و روایت کوره روم ایلی قطعه سنده کی اردو لر سنک موقعه ایته بویه هیئت مشاوره لرک
رأینه استناداً ویریلان امرک ایجابات موقعیه ایله قابل تطبیق اولماسی پرده اولش ایش !

هر کيجه وکوندوز دشمنی سپرلده بکلمک مجبوریتنده یز. برودت هوا ایسه بورانک تعیرنجه پوسکولتمکک باشلادی. شمدیکی حالد جبهه لردن یومیه بشیوز قدرخسته معاینه کلوب ایکی اوچ یوزی یاتدیغندن وخسته خانه دن چیقان ایسه کیردنک ربعی قدر اولدیغندن ، شاید برودت ناقص ساتیغراد یکریمی سکزه طوغری واریر ایسه حالک نهیه وارده جغنی تفکر اقتضا ایدر ؛ چونکه استحکاماتده قشله وزملک درجه کفایه ده اولدیغندن عسکر مزك چوغنی اوصغوقلرده چادرلرده یاتوب قالقیور. [*] دشمن ایسه پاسین قضاسی کویلرینه طاعلمش وصاحبسز خانه لری علی العموم هدمله محروقاتک یولنی بولمش ویزجه ایسه حالا ما کولاتنی طبخ ایتک ایچون نفر باشنه برقیه حطب تمینی ویرله بیلیمکده بولمش اولدیغنی [**] ۲۱ تشرین ثانی سنه ۱۲۹۳ تاریخی امر تلغرافلرینه جواباً عرض ایدرم .

۲۲ تشرین ثانی سنه ۱۲۹۳ غازی احمد مختار

بایوردده وار- زنجانده تجمع ایده جک قوت دفعه به متعلق اولان تدابیر

شمدی استانبولجه بایوردده وارزنجانده تشکیل اولنه جق قوه جدیده امدادیه نک سرعتله وجوده کتورلمسی مسئله سی تحت نظر دفته آلمش اولدیغندن آکا داتر برچوق مخبره لر جریانندن صکره ، ارزنجانده تجمع ایده جک عسکره قوماندایتمک وظیفه سی بواش ایچون درسعادتن مخصوصاً کوندریله جک اولان میرآلای حاجی محمد بکه ، وبایوردک قومانداسیده اراده سنیة حضرت پادشاهی ایله فریق هدایت پاشایه توجه اولمش ومختار پاشا ایسه عساکر معاونه نک بر ایسه یرامیه جغنی فکرنده هنوز باتی بولمش اولغله بوبابده سرعسکرلک مقامنه

[*] بوتاریخندن بش اون کون صکره بر ایکی کیجه طوب طاعنده کی عزیزیه استحکامک اون طرفنده قره غول بکلان نفراتزدن صغوقدن طونوب وفات ایدنلر اولدیغنی کی، ینه صغوغک تأثیرندن بعضیلرینک اللرنده کی تنک یارلشدر . او حوالیده بولنان کافه استحکامات ایچنده محافظ بولنه جق عسکرک اقامه سته کافی زمکلرک آسوده وراحت زمانلرده بایلوب بولنه قونسی اقتضا ایدرکه قیش کلدیکی وقت او عسکرک قوماندانی، عسکری فصل بارندیره جغم تلاشندن امین اولسون !

[**] بزمده مدخر اودونمز یوقدر. بعض اولری وبرچوق کراسته ایله پایش غایت بیوک خانلری صاتون آله رق سوکوب اودوننی عسکره تقسیم ایدیورایدک. شاقا دکل، بالکن یمک پیشورمک ایچون ارضرومده کی عسکرمن یومیه اون بش، یکریمی بیک قیه خطبه محتاجدر. موقعلرینی ایصتدرمق وخسته خانه لره ویرلک ایچون اقتضا ایدن اودونده جا!.. ذاتاً ارضروم بغچلی ، اغچلی ، اورمانلی بر مملکت اولدیغندن بعض اولرک بغچه کی اولان اچقلقلرنده قواق وسکود اوله رق ندر اغاچ وار ایسه بالمبا یه هپسی کسلی ایدی.

یازلمش اولان ایکی قطعه تلغرافنامه صورتک بورایه نقلی اخلافز ایچون فائده دن غیر خالی اولسه کر کدر .

مقام جلیل سرعکری به

بایورده و ارزنجانه تحشدایده جک قوه عسکریه نک تنظیم احوالی و تفرعات تنظیمیه مستند اولان وسائلک استکمالی ایچون اورالر و بورایه ترتب ایده جک وظیفه و معامله نک درجائی ۲۲ تشرین ثانی سنه ۱۲۹۳ تاریخی تلغرافنامه خدیو یلریله استشار بیوریلور . قارصدن چقمش اولان ضابطاندن درت طابورلق قدر ضابط بولنه یلمسی مأمول اولوب بونلر آله کچدکجه بی درنی اوایکی یره کوندریله جک اولدینی کبی ، اورادن روسیه لونک ایشه یاراماز دیه بالتفریق صالیویردیکی نفراتک ذاتاً آله کی (یعنی ارضرومده کی) طابورلره ویرلمسی جائز اولمیه جغندن [*] آنلرک صاعلاججه لری بشقهجه طابور هیئته وضع ایله اورالر کوندیرلمسی متصوردر . حسین حامی پاشا ذاتاً خسته و معلول اولدیغندن برای مداوات طریزونه کیتمک املنده بولندیسده بایورده قاهره اوراده تحشدایده جک عسکرک ترتیب و تنظیمیه اشتغال ایتسی خصوصی مقدمجه کندوسنه تبلیغ اولمشدر . هدایت پاشانک کلدیکنده برینک بایورده و دیگرینک ارزنجانه بولندیرلمسی تصور اولشور . [**] شوایکی جهته بولنه جق طابورلرک کفایت عائد اولان مطالعه عاجزانه دیگر تلغرافنامه ده عرض اولدینی جواباً معروضدر .

۲۳ تشرین ثانی سنه ۱۲۹۳ غازی احمد مختار

تلغرافک دیگریده بودر :

مقام سرعکری به

بایورد و ارزنجان جهته تجمیع ایده جک قوه عسکریه حقهده کی ۲۲ تشرین ثانی سنه ۱۲۹۳ تاریخی و شفره لی امر تلغرافی سپهسالاریلری مطالعه قلمدی . اورالرده اجتماع ایده جک عسکر ردیف و مستحفظ بقایاسیه معاونه کی برطاقم دیریتیدن [۰] چونکه اخلاقلری بوزولش و برکله طبیعتلرینه بیلایلق کلش و طبیعتک سراتی ایشه مجرب بولش اولدیغندن ارضرومده ایکن بونلر عادتاً قرآنمهیه توشش کی اخلاطدن منع اولمشلر ایدی .

[۱] بایورده و ارزنجانه تعیین اولان بوقوماندانلرک وقت قلمه زین روم این جهتک ایسی فناشمش دشمن استابوله توجه ایلس اولدیغندن متارکه و عتیه آده مصالحه وقوع بولدی . عجباً متارکه اولیوبده بو آدلر موقع مأموریتلرینه کلش اولسه ایدیر اوزلرینده ایغای وظینه ایده یله جک برعسکرک وجودینه دسترس اوله جقلمی ایدی؟ هیات ...!

عبارت اوله جنى ، وبونلرك تعليم وتربيه سنه حال وموسم غير مساعد ايدوكى ، وبومقوله ديريتى عسكردن منتظم دشمن قارشوسنده بروقتده استفاده قابل اوله ميه جنى تجارب عديده ايله رهين حيز ثبوتدر. لكن شوقدر واركه اورالرده اويله بر جمعيتلر احداث وتحشيدنده پولتيقى بر فائده تصور اولنديغندن ، ايشته آنك الجا آتيله تشبثات مذكوره به ابتدار اولنيور . مع مافيه محتاج اولديغمنز عسكرك ولايات والويه دن سريعا كوندريملرى امرنده بوندن تيش كون مقدم اقتضا ايدنلره اراده سنيه شديده تبليغ و دفعاتله تا كيد بيورلدينى ، واوزمانده موسمده اولدجه مساعد اولدينى حالده اقتطاف اولنان ثمره بهر بش كونده بر كره تقديم اولنان تلغرافلرك حاوى اولدينى مقداردن عبارت اولديغنه ، وشمى موسم دخى برقات دها مشكلات احداث ايلديكنه نظراً بوجهيتلرك تأمين مقصد ايدى جك رادديه وصولنده وخصوصيه حال وسفر برينك طلب ايدى جكى مالزمله لرينك تدارك اوانه بيله جكندن مترددم . دونكى تلغرافلره بيايورد ايچون درسعادتن بش طابور ايستلمسى ده بومطالعهدن منبعثدر. حاصلى بوندن مادى اوله رق بر استفاده تصور اولنه مامقده ايسه ده مجرد مقصد مبسوطى محافظه بوتحشيداتك سرعت وجودى استلزام ايله جك وسائله تشبث لازمه دن اولديغنى عرض ايدرم .

غازى احمد مختار ۲۳ تشرين ثانى سنه ۱۲۹۳

يعنى مصالحه عقدى ايچون ترصد اولنان زمانك قوامى چوقدن كچمى اولديغندن شمدىكى تشبثات ايله دشمنك تعرضاتنه قارشو طوريله ماز . مع مافيه مجلس مصالحه ده دولت كايا مقاومت اقتدارندن ساقط اولمشدر كى حاصل اوله جق ظنونك ايجابى اوله رق وقوع بوله جق خسارات صالحه دن توقى اولنق ايچون اورالرده زور سواد عسكريه احداث وتشكيلى مقتضيدر دنيلمك ايستيلور ايدى .

وا اسفا كه ايكى كون صكره بيايورده بولنان دفتردار عاكف بك افنديدن

بابورده كى عسكرك
طاغلمى

كلان بر تلغراف بوبابده كى اميدلى دخى بوشه چيقارمش ، وهله ارزنجان جهته عسكر دينله جك هيچ برشى قونيله مامشدر . عاكف بك افنديك تلغرافى بودر :

غازى مختار پاشا حىرتلرينه
تلغراف

بابورده بىك نفره قريب اوله رق اجتماع ايدن طربزون ولايتى عساكر

معاونه سی بوراده کی کوشخانه طابوری اداره سنده بولندیریه رق [*] و بایورد قصبه سی مذکور طابور واسطه سیله قوردون آلتنه آندرق محافظه اولمقدده. [**] ومؤخرأ بو طابورک ارضرومه عنیتمده دخی قارصدن دون بعض پراکنده ضابطان معرفتیه معاملات عسکریه لرینه باقلمسی تصور ایدلمکده، و براوجندن ده یکر میشر اوتوزر معاونه طویلانمقدده ایکن، کچنده ارضرومه کیدن بش یوز قدر (ریزه) معاونه سنک بویولدن وطرق سائردهن طوغریجه خانه لرینه کیمسی و کندولرینک عسکرلکنی تأمین ایدمک اسلحه وسائردهن عاری بولمسی یولده کیلرک اذهانی تغییر ایلدیکی مثلاًو محلجه آرقه سنک کسلمسده دخی سبب اولوب، مع مافیه اراده علیه لری وجهله حسین حامی پاشا حضر ت لرینک نظارت لریه تأمین مصلحت ایدمک اوزره بر قاچ کونده او حال ایله اداره اولندیسه ده مشار المیک راحت سز لک لرینک دوامی ایضای مأموریتنه مانع اولوب قوردونلرک بولماسی ده محافظه لرینه امکان ویرمدیکندن، دون ایله بوکون آردسده طاقم طاقم طاغیه رق یا لکیز علیه [***] طاقندن یوزیدی نفر قالمش ایسه ده انلرک ده طور میه حقارخی هر کون کلوب سولمکده اولم لرینه نظراً ایضای مقتضاسی منوط فرمان سامیلریدر . ۲۶ تشرین ثانی سنه ۱۳۹۳ عاکف

مقصدم سرگذشتمزی تحریره مقصور ایکن یازی یازمق ایچون ایشک ایچنه کیرلیدیکی کبی (اشتها دیشک دینده در) ضرب مثلی حکمنجه سوق طبیعتله موضوع بحثمز بر تاریخ شکلی آلدی . شو حائده من غیر قصد ایشک منجر اولدیغی بویه بر صورتک ارکانی محافظه ایتمک امیلله و اخلاقره عبرت اولمق نیتله خیلی وقعه لر حکایه اولندی . او وقعه لر اوزرینه بر حوق ده مطالعه لر در میان ایدلدی . لکن صورتلری عیناً نقل اولان تلغرافنامه لر هم وقعه لری حاکی، و هم ده اقتضا ایدن مطالعاتی متضمن اولدیندن، آرتق بوندن صکره کی واقعاتک

[۱] باطومدن ارضرومه کلیمده اولان طابورلردن ایکسینک باببردده آلیقولاش اولدیغی و صکره ارضرومه ایستلیدیکی اونودلر ! بوکوشخانه طابوری اوایکی طابور ردینک بریسی ایدی .

[۲] دقت بیورلیوری؟ عساکر معاونه بی فرار ایتدیرمک ایچون تکبیل قصبه قوردون آلتنه آلبور!...

[۳] طریزون ولایتده کی سوخته لک کوکللو اوله رق حرب ایتک اوزره مجتمعا کلش اولان بعض افرادی دیکدر .

اوزون اوزادییه حکایهیه دگری یوقدر؛ زیرا مسئله حریبه نتیجه یاقلاشمشدر.
شوقدرکه دینی بر اوغرینه هپ اولورز وبر قالنجهیه قدر قیریلرز؛ کبی
افکار عامهیه یراشوب قلمش اولان برقوری غیرتورلکک، بو عصرلرده مدلولدن
عاری کلمه متوارثه بولندیغنی و عندالحاجه ایشه یارامدیغنی اثبات ایتک ایچون
یوقاریده برخیلی یرلرده اسمی کچن شیخ عبیدالله افندییه متعلق جریان ایدن
بعض محابرات رسمیه ومهمه اوراقی صورتلرنی قید ایده جکم. زیرا بو عبیدالله
افندی حضرتلری طریقت نقشبندیه نك اعظم مشایخندندر، ساداتندرز؛ علم
حدیث وتفسیرده ید طولا صاحیدرز؛ عابد، زاهد، متقی بر ذات اولمق اوزره
معروفدر. دینی بر اوغرینه بتون وارندن وحیانتندن کچمک آنجق بومثللو
شیخ افندیلره وفائی دنیادن اعراض ایدن زیاده یاقیشیر. سوزده عموم جهله
اکرادمزه شیخک یک لحظه توجهیه دکل بر آدم، بتون بر عالم بر آنده معمور
اولور ویاخرابه یوز طوتار اعتقادینی جازم ایدیلر. باقدی شیخ افندمز نه لر یا یوز:

سر عسکردن : غازی احمد مختار پاشا حضرتلریه

آناتولی اردوی هایوننک هرجهتندن تقویه واقداریه بعون الله تعالی
تعرضات اعدانک سرمواردی وجوب قطعی تحتده اولدیغی درکار ایدوکنندن،
وشیخ عبیدالله افندیك تا سلیمانیه حوالیسندن بایزیده قدر نفوس معنویسی
جاری ومؤثر بولندیغندن مدت قلیله ظرفنده لاقلا آتی بیک قدر سواری
عساکر معاونه نك بانتحشید ذات آصفانه لرله بالخباره قرارلشدیریه جق محله
سوقنه اقدام وهمت ایلمسی حقنده کندوسنه تاغرافنامه عاجزی کشیده اولندیغندن،
طرف دولترلرندن دخی شیخ مشار الیه تلطیفات وتبلیفات مناسبه اجراسینه
جمع ایدمجهکی معاونه نك، کرك بونلرک وکرك جهات سائردهن کله جک اولان
عساکر معاونه نك حقلرنده علی الدوام معامله تأمینیه وترغیده اجرا اولنهرق،
وعساکر نظامیه مثللو امر واداره لرینه دخی لایقيله اعتنا قلنهرق بالاستخدام
خدمتلرندن استفاده ایدلمسینه همت بیورلمسی بالخاصه توصیه وتمی اولنور افندم.

مصطفی

۱۲ تشرین ثانی سنه ۱۲۹۳

بوتاریخندن اون کون اول سر عسکر پاشا حضرتلریه جواب یازیلان تلغرافنامه ده:
(بونلردن بر ثمره حاصل اوله ماز؛ مریدلری شیخ افندی بی تکیه سنده ایکن
دها زیاده سورلر) جوانی ویرلمشیدی. بجوابه قطعاً اهمیت ویرلمه رک مجرد،

کاغد اوستنده امر ویریورم آ! اجرا اولوب اولنماسی بکا عائد دکلدر کبی جکرلرمزه ایشلمش اولان قلمزلك تفرعاتندن اولق اوزره بلانتيجه ویزر ویزر تلغرانلر ایشلوب طورییور، ویازانلرده و تلغرافخانهلرده صباحلره مشغول اوليور. فسبحان الله! بو حاللر ایله مافوقیزی و تاریخ و اهل عصر مزی آلدادیور ایسه کده، کندی کنديمزی نصل آلدادیور، اوراسی جای توقف وسوالدر. بکا قالیر ایسه بودرلو حاللر: (دوستلر آلیش ویریشده کورسون) ضرب مثلك خط حرکت اتخاذ اولمسندن، ویاخود خبایای احوال اداریه مزه واقف مجربین اعظمجه دستور معامله اولان: (بودولته جدأ ایش کورماملیدر؛ یالکیز ایش کورور کبی بولنه رقندن کندينی کورستملیدر) حکمت تجربیسنک؛ مدلولنه توفیق حرکت ایدلمسندن ناشیدر.

بوابده سرعسكرك دیگر بر تلغرافنه جواباً یازیلان تلغراف صورتیدرکه بوکاده شمولی واردر:

مقام سرعسكري به

عساكر معاونه جمعی و تشویق و ترغیبی ۱۲ تشرین ثانی سنه ۱۲۹۳ تاریخی امر تلغرافیلریله توصیه بیوریلور ایسه ده بوابده ایشك باشنده اولانلرک دوچار اولدینی مشکلات تصور بیوریلور. بونلر چپلاق کلیور. بعض مرتبه البسه و چادر و یاغورلق، تاسقا مشکنه و ارنبجه قدر کافه لوازماتک تدارکنده کی عدم امکان و موسم شتاتک حالی بونلرک حیاتی تهلکه کیه قویه جفی شبهه سر اولدیغندن ییوب ایچمه لری اولسون تأمین ایدمک اوزره ایکی کوندنبری طریزون و بایوردن کلان اوچ یوز قدر معاونه نك طابورلره توزیعی تصور اولندیسه ده بوکا کندولری راضی اولمیلر. شمديلك خانه لره داغیدلقد، و بوابده تسهیل مقصده درسمادتجه برامکان واریسه ایفای مقتضایی و خسته لر مزك تککثری مناسبیله البسه و یاغورلقدرک سرعت ارسالی لزومی عرض اولنور.

۱۳ تشرین ثانی سنه احمد مختار

هرقدر موقع اجرانك یعنی مختار پاشانك رأینه مخالف ایسه ده، شیخ عیدالله اغندی حقنه کی درسمادتک امر وقراری وان والیدی حسن پاشامعرفتیله کندوسنه تبلیغ اولمشیدی. والی مشارالیه دن کلان جواب تلغرافی شودر:

غازی مختار پاشا حضرتلرینه

کیمسز انهرک مملکته عودتی اختیار ایدن [*] شیخ عیدالله افندیکنک ۶ ذی القعدة سنه ۹۴ تاریخیه یازدینی بر مکتوبده مخدومه ایران طرفدن یکریمی بش بیک غروش معاش تخصیص واعطا و خانقاهنه مربوط ایرانک کویلرینی اوزرینه قید و املا ایله تابعیت ایرانی قبول ایتدیرمش اولسنه نظراً مومی الیهک ایران طرفنه نقل خانه ایتدیکی وقرای مزبوردهنک ایرادینی اخذ ایلدیکی حاده خانقاه مزبورک معطل اولهجنی جهته، اگرچه کندوسنه ایران دولتیله مخدومه مراجعتدن وارسته ایدهجک برچاره استحصال اولنه ماز ایسه بالطبع کندوسی دخی ایران کچهجکینی افاده ایدیور. شیخ مومی الیهک شو اشعارینه وعسا کر معاونه جعنده مقدمجه کوستردیکی غیرتی متعاقب مملکته عزمتی امر جهاده ترجیح ایدیشنه باقیلنجه خلاصه مقاصد و آملانک طرف دولتن طولونجه بر معاشه نائلیت تصورندن عبارت اولدینی آکلاشلمقده، وشوصرده کندوسندن آرزو اولنان خدمتک استحصالی استبعاد اولنور درجهده اولوب، مع مافیه حقنده دولت علیهنک درکار اولان حسن توجهاتی کندوسنی ایلروده هروجهه نائل مکافات ایدهجکندن خدمات جهادهده ابراز مآثر مشکوردهدن کری. قلمامسنی شامل وصایای لایقه وتشویقات فائقه اجرایی مناسب کوریلهرک او یولده جواب یازلمش، ومومی الیهک تحریرات مذکورده سیله جوابنامه مسوله صورتلری پوسته ایله تقدیم قلممشدر فرمان

۱۶ تشرین ثانی سنه ۱۲۹۳ حسن

بویله بر طار: وقتده شیخ افندی حضرتلرینک صورت تکلیفی کوریلیمورمی؟ هله دولت ایرانیهنک اوصرده کوستردیکی معامله عجیبه احتمالک کندوسنجه بر پولیتیکی و سیاسی برعلته مستند اولسون؛ لکن شیخ افندی بوعلت سیاسییه آلت اولمی ایدی؟ فقیرینه شیخک بوحرکتی هر تقدیر علمی اولسه بیه جهانه ویرهجکم. زیرا بوحرکک نصل برحرب اولدیغی ونه دن ایجاب ایتدیکنی بیلیمور؛ اگر بیلیمش اولسه ایدی که مقصد مسلمان دولتنک حیات سیاسیسنه خاتمه چکمکدن عبارتدر؛ مطلقاً بو حقیقتی، نفوذ معنویسنک جاری اولدیغی

[*] قورد اسماعیل پاشا قومانداسیله اردومن یازدیده و شیخ افندیده جماعت موجوده سیله اوراده ایکن مملکته صاووشوب کیمش اولمی اسبابی کأ نه بیان وتعلیل ایدیور!

مواقعه کی اگراده - تأثیری اولسون اولسون - آکلاتمه و بر حرکت جدیه ایله کردستانی جانلاندرمه چالیشیر ایدی .

مسلمینک تفرقه سنی ایجاب ایدمک احواله قوت و یرمک سببیه صانکه دولت ایرانیه ده برشی قزانه جمعی ؛ نه کیزر... ریم او کونلری کوسترمسون . دین اسلامک تملی و دیرده کی حکمنده اولان دولت عثمانیه نک موجودیتنه برخلل کلکله برابر اوروپا لیلرک اترقیه لرینک ازدحام کاهی اولان ممالک ایرانیه برکون بیله اظهار آثار هستی ایدمیز ؛ لکن نفسانی برغفلت ضعیفه ایله کوزلره پرده انمش اولدیغندن شمس حقیقی کوره مز اولدق . ایرانیلره قارشو بونی دیمک پک موافق بر حسب حالدر :
(سوف تری اذا انجلی الغبار) (أفرس تحتك أم حمار) ! .

هر نه ایسه حضرت شیخدن کله جک همت و معاونته لزوم یوقدر . بزهر شیئی المهدن بکلرز کبی برکوسکونلک اظهار اولمیه رق . عجباً شیخ افندینک خاطری تقدرشیه خوش اولور ، بالاستمزاج اشعار ایدیکز یولنده وان والیسنه بر جواب یازلدی . شیخ افندینک دولتی بویله بر مشکل موقعه صیقیشدیرمش اولمسنندن طولانی کندیسنه نه دینک لازم کلیر ایسه قلباً دیندی و صحایف اعمالی ده لسان حال ایله اوقوندی .

شیخ افندینک جلب قلبی یالکیز روسیه یه قارشو عسکر طوپا لاسون حکمندن ناشی دکدر ؛ ایشک ایچنده برده نسلوری بلاسی وار . چونکه حضرت شیخک اقمتمکاهی وان ولایتیه تابع (حکمرانی) سنجائی داخلنده کائن (شمدینان) ناحیه سیدر . بونا حیه ده نسلوری دینلان و نصارا دیننده بولنان بروحشی قومک مسکنی در . اورامی انکایز لک مجرای نفوذی کسله شدیر . هیچ برکون دیرلتی اکسیک اولماز ؛ ایشته بوسبیه مبنی ده اگرادک بر مرکز امثاله مربوطیتی اقتضا ایدیوردی . حتی بونک ایچون مقام صدارته جواباً یازاش اولان بر تلغرائک مطالعه سی میزان اموره اولدجه کافی معلومات مهمه اعطا ایدر .

مقام جلیل صدارت عظمایه

شیخ عبیدالله افندی حقنده اولان امر تلغرائی صدارت پناهیلری مطالعه قلندی . مومنی الیهک احوالیده کی قوه نفوذیه سی ایجابجه کندوستک جاب قلبی و تأمینیه اونه طرفه اولان میلنک ازالعه سی الزم و برده تنکیه سنک دولتیه مضاج انظار اعتبار اولمسی تشتت قلوب ایله اخلاق بوزلش اولان اگرادک احوالیده کی

نسطوریلره قارشى اتحاد قلوبى تسهیل ایده جك اسبابدن عد ایدلسى انسیدر .
الحاصل شیخ مومى الیهك تلطیفی ملکی و سیاسى اوله رق مستلزم انواع محاسن
بولندیغی خاطر کذار چا کرى بولمغله، بوبابده اولجه وان ولایتیه بورادن دخى
يازیلان وصایانك هنوز جوابى آله جق قدر زمان دخى کچماش اولمغله اجرای
ایجابى منوط اراده علیه خدیو اعظمیلریدر.

۲۸ تشرین ثانی سنه ۱۲۹۳ غازی احمد مختار

واندن شیخ اقامتگاهنه اوقیش موسمند آدم کیدوب کلسی لاقول یکرى .
کونه محتاج اولدیغدن جواب کلوبده ایشه نتیجه ویریه جکی صروده روسیه لو
ایله متارکه وبعده مصالحه وقوعبولدی. آرتق شیخمزك متندن ده هیئت دواتله
برابر جمله مسلمین قورتلدى!

بعدالحاربه بوشیخ افندیك عجملرله برعظیم غوغاسی وقوعبولدى ، دولت
قوه مادیه ایله شیخی مملکتندن قالدرمغه واستانبوله کتیرمکه مجبور اولدى . صکره
شیخ افندی استانبوله مسافر اولدیغی خانه ده اربعینه کیرمشر شایعه سی ضمنتده
تسترا ایدرك مملکته فرار ایتدى . دولت ینه بیک درلو لطائف الحیل ترتیبی
ایله شیخ افندی یی استانبوله کتیرتدى؛ اقامت ایچون مکيه کوندردى ده اوراده
ایکن انفاس معدوده حیاتی اکمال ایلدى

بر آیدن یعنی عزیزیه محاربه سندن برى دشمنك بر حرکتی کورولمديکندن،
دوبه یونی جوارنده اولدیغی رده قاهره قیش ملاسه سیله حرکات عسکریه سنی
تعطیل ایتدی زغمنده بولنیور ایدك . چونکه قریم محاربه سی زماننده آناطولی
جهتنده قیشین حرکات عسکریه تعطیل ایدلمش اولدیغی مثللو؛ اولاری ده روسیه
دولتیه وقوعه کلان محاربه لرده دخى قیش مدتی بر متارکه طبعیه حکمنده طوتلش
اولدیغی توارینخده کوریلور؛ بلکه بو محاربه نك ده قیشی اویله اولور مطالعه سی
ذهنله تبادر ایتش ایدی . (دوست اویور دشمن اویوماز !) مثل مشهوری
حکمنجه مکر بزم دشمنم زده اویومیورمش . قارصك ایشنی بتیردکدن واوراده کی
عسکریغی بعدالمعاینه چوروکنى صاغلانمندن آیردقدنصکره صوغانلی طانغك
قارلرغی کورودوب یوللری آچدیره رق دوبه بوننده کی اردوکاهنه طاقم طاقم
خیلیجه عسکر وطوپ و لوازمات سائر کتیرمش اولدیغی تحقیق قلندیغی کچی ،
رده ارضروم اووه سنده واقع کوسه محمدله پاسینلرده کائن توی قریه سنك آره

دشمنك ارضرومی
چویرمکه قیام ایتسی

یرنده کی جلاک کدیکنندن یول یانمقده اولدینی شایعه سی چیقدی. تحقیق اولندیغنده یانمقده یولی بزم تعرضمزدن وقایه ایتک اوزره یولک ارضروم اووه سنه ناظر بولسان جهته برخیلی سواریسنی بیله کچیرمش و کورجی بوغازندن ارضرومه کلکده اولان یولی ده کسمش اولدینی آکلاشلیدی. شو حالده چلدیر سنجاغنک مرکزیه ارضرومک مواصله سی ده قطع اولنش اولدی.

برافه جق سواری
محاربه سی

ارضروم اووه سنک بوجهته اینش اولان دشمنک حالی کشف ایتک وخفیف برشی ایسه یقلا یوب ایشنی بتریمک اوزره ارضرومده بوتنان کافه سوارینک کزیده لرندن اوچ، بشیور آتلو ترتیب اولوب (هنس) و (توفانج) قریه لری جهته سواری لواسی ادهم پاشا قومانداسیله چیقاردی. بالمنا به یوقاریلرده نام شجاعت اتسانی خیر ایله یاد ایلدیکمز مهر علی آغا ایله آنک خصوصی سواریلرندن بعضیلری ده بونلر ایله کوندرلش ایدی. چونکه (قبرسز دوکون اولماز) زده برتفک پاغلاسه و پاغلامق احتمالی اولسه قوماندان پاشا مهر علی آغای اوریاه کوندر و آنک وجودندن بیوک بیوک خدمتیر بکله نیر ایدی. حتی بعض کره لر مهر علی آغا یاورلک خدمتده قوللانیلیر ایدی. سواریمز کیدرک روس سواریلریله حربه طوتشدیلر. ایشیدیلان تفک سسلری روسک بوجهته کچیرمش اولدینی بتون سواریلرینی اور کوتدیکندن کانه سی حاضر لهرق محاربه یه چیقه ش اوللریله مقدارلرینک اوچ دردت آلا ی سواری قدر اولدینی آکلاشلش؛ بزم کیلرده طوتش اولدقاری محاربه یی براقوبده چکیله مدک لرندن بوسواری محاربه سی برق ساعتلر امتداد ایشدر. نهایت دشمن سواریسنی ایلرلدکجه بزمکیلر چکیلشلر؛ ایکنیدین صکرده ایشه فیصل ویرمشلردر.

عسکر مز معاینه اولندقدده اون بش، یکریمی نفر قدر ضایعاتمز اولدینی تحقق ایتش و میر علی آغاده بو محاربه ده آباغنک طاباندن قورشونله مجروح اولمشدر. مهر علی آغانک یارم سنک یری و قورشونک تأثیری مهمجه اولدیغندن قوماندان پاشا اردونک الک ماهر و کزیده جراح لرینی مهر علینک یارم سنه باقمه تعیین ایتش ایسه ده مهر علی بورادده بزم جراح لر مزه انتفات ایتیمه رک عادت قومیه لری دائره سنده کندی آرقداش لرینه یارم سنی تیمار ایتدیر یور ایدی. مهر علی شمعدی یه قدر پک چوق قورشون یارم لری آلمش ایسه ده هیچ بریسندن وجودنده اثر قالدینی حالده بوجریحه سی بعدالایام کندبسنی طوباک براقشدر.

اردو منزى ارضرومله برابر محاصره آلىق اوزره دشمنك اووه جهته كچىدىكى
تحقق ايتدىكى كې ارضرومك جهته غريبه سنده واقع استانبول يولنك ادخالات
واخراجاتنه سرعت و اهميت و يرلدى. برايكى كون سكركه استانبول جېتى تلغرافى
دخى قطع اولنه جغندن هيچ اواز ايسه دشمنك برقوه كايه سى كلويده تلغرافى
قطع ايدنيجه قدر برقچ كون اولسون مخابره من امتداد ايتك اوزره تلغرافى
تخريب ايتك ايچون دشمنك ارسال ايدى جى برفرزه نك شرندن وقايه ايتك
امليله بزم سوار يلردن خط بوينه برايكى بلوك قدرى كوندردى. دشمن
يايق اوزره چالشميقده اولدنى يولنى اكال ايدرك بعض طوپلرني و يادده سنى
اووه جهته كچىردى و يواش يواش اووه يه ياييله رق ارضرومك غريبه طوغرى
ايلريلكده اولدنى تحقيق قلندى.

برايكى كونه قدر در سعادت طريقتك دخى قطع اولنه جنى حساب ايدلمكده
ايكن قوماندان پاشا، سرعسكر رؤف پاشان صورتى آتيدى محرر اولان شفره لى
بر تلغرافى آلدى. چونكه فوسفور مصطفى پاشا سرعسكر ايكن برقچ كون اول
استانبولدن طوپلانمش اولان عساكر مليه و ياخود ملكيه قوماندانلغنه، ورؤف
پاشاده سرعسكرلكه تعيين اولتمشيدى.

مختار پاشانك
استانبول چاغيرلى

غازى احمد مختار پاشا حضرتلرينه

بعض مذاكره ضمنده ذات عالمى آصفانه لر ينك در سعاده كلمى مقتضاي
اراده سنيه جناب ملوكانه دن اولمغله قوماندانلغنه اوراده بولان اسماعيل پاشا حضرتلرينك
توكيلى و كندوسنه تعليمات و سائر وصايا و تبليغاتك اعطاسيله همان بوطر فقه عزيمت
بيورلىمى. ۱۲ كانون اول سنه ۱۲۹۳ رؤف

بوتلغراف اوكله دن سكركه آلدى و كتم اولندى. چونكه شايد ايش شايع
اولوبده دشمنك مملكته ايچنده جاسوسلرى وار ايسه آنلرك قولاغنه يتشور
وروس اردوسنه ابلاغ ايديلورده چيقيله جق يوللر طوتولور مطالعه سنه مبنى
ايدى. در حال اسماعيل پاشا جلب اولندى كندوسنه وصايى شفاهيه و يرلدىكى
كې ياييله جق ايشلر ايچون تعليمات تحريره دخى اعطا قلندى. آقشامدن سكركه يه
قدردى هر شيشمىز حاضر اولدى. شوقدر واركه مهر على مجروحاً محاربه يرندن
عودت ايتدىكى زمان شايد قوماندان پاشانك ارضرومى بر طرفه چيقمى
لازمكلور ايسه كندوسنكده برابرجه چيقارلسنى رجا ايتمشيدى. چونكه هم

اعداسنك شجاعتی كوره جگنك ، همده محاربهدن اول و صكرده موسقوفه قارشى ايتدكلرينك جزاسى پك آغر اوله جغنك فرقدده اولمسيه صاغ صاغ دشمنك آلنه دوشمكدن فوق العاده محترز بولنيوردی .

مهر علی ایچون بر قیزاق پايديرلدى ؛ ياتسودن اول كندوسى يتاغيله برابر قيزاغه ياتيريله رق يوله چيقارلدى .

كيجه ساعت اوچده قوماندان پاشا لازم الحضور اولان ارکان وامراند بعضلريني جلب ايله وصاياسنى اكال وتكرير ايتدكدنصكره يكرمى اوتوز قدر سواری ايله متوكلاً على الله مملكتى ترك ايتدى ؛ زيرا يولده روس سواريلريله چاتشمق احتمالى وار ايدى . قوماندان پاشا اولجه فقيرى برابرجه آلمق عزمنده دكل ايدى ؛ صكره بنم كوسترديكيم ايجاب وارزو اوزرينه برابر بولمقلمغنى امر ايتدى . ارضرومده بولنان خانه مزده كى جماعتى اولجه طربزونه آشيرمش اولديغمدن يالكتر اوه كيدرك بعض لوازمات آلوب بزم اوده اقامت ايدن متعلقامدن يوقاريلرده اسمى سبق ايدن حلمى افندى يه وداع ايدرك شعبان آغا ايله برابر كيجه لين ايليجه يولنى طودق . كيجه نك ساعت يديسنده قره بيق خانه واصل اولدق كه مختار پاشا حضرتلرى ده حيوانلريني ديكلنديرمك ايچون او خانه اينمش و آتش ياقديروب ايصينورلر ايمش . قره بيق خانه واصل اولنجه يه قدر قاردن و صغوقدن و دشمن سواريسنه ملاقى اولورز قورقوسندن نلر چكديكمى بن بيلورم . قاردن برعنان ايچننده يووارلا نيوردق . كيجه نك دهشتى و آراق آراق يولك غيب اولمسنك طبعه ايراث ايتديكى خلدجان ناقبل تعريقدر . شعبان آغا بنم پيشدارم ايدى . بنده شعبان آغانك دمدارى ! الحاصل ايكي نرده برى برينك يار عكسارى ايدك . يازم ساعتدنصكره هب بردن يينهرك صباحه قارشى (آش قلعه) يه ، وكونش چيقار ايكن (پرنه قبان) قريه سنه واصل اولدق .

يوقاريدده اسمى وذكرى كچن انكليزلى جنرال كامبل ، بزاردو ايله ارضرومده كلكدكدنصكره كندوسى ارضرومده قبانماق ايچون بو كويده اختيار اقامت ايمش ايدى . مختار پاشا حضرتلريله برلشديلر او كويده تلغراف ماكنه سى اولديغدن بولونه نك دوشمش اولديغنى بزه اوراده بو جنرال خبر و يردى . يوقاريدده ذكرى كچديكى وجهله درجه شهبه دم كى عسكرك كرى آتمى مطالعه سى مختار پاشا

اوراده در میان آیلدی ایدی. اوکون اوکودن حرکت اولنه رق اقشامی بایبورد و وارلدی. دفتر دار حاجی عاکف افندی ایله ملاقات اولنه رق بر راحته و یقوا ویوندی. فرداسی کون کشخانه یه، والحاصل بشنجی کونی طربزونه یتشلدی. مختار پاشا ارکان حکومت ملکیه و مأمورین عسکریه طرفندن استقبال اولنه رق عاکف افندی ک او صرده طربزونده بولنان خانه سنه مسافر اولدی؛ فقیرده بزم چولوق چوجغک استیجار ایتدیکی خانه یه ایندم.

آنلردن تحقیقه کوره، کویا مختار پاشا قارص وار ضرومی و بتون اردولری موسقوفه صامش اولدیغندن طربزونه کیره جکی کون قاریلر طرفندن طاشه طوتیه جنی محقق ایکن هر فصله بعض عقلا نك حیلولتیه ایشک بر طرف ایدلیکی آ کلاشلدی. کندی کندییه حدت ایدرک دیدم که: یا هو! بز فصل آتشلرک ونه یولده احتیاجلرک ایچندن چیقدق! واقعا دولت علیه اردولرینک آلتی آی قدر دشمن قارشوسندن شان مظفریت و غالیته توفیق ایدن جناب موفق الامور در؛ لکن بونک سبب ظاهر یی ده مختار پاشا در. بو ذات کیجه اویقولرینی نفسنه حرام ایتدی؛ چالیشدی، چبالادی، محارباتک کافه سنده مصلحتک سوقیه الک مخاطره لی آتش خطرینی کندیسنه جولانکاه اتحاد آیلدی. شمدی السنه انامده نامنک بویه برانصاف سزجه هذیان ایله یاد اولنسی مطلقا جهاتدن تمیز سز لکدن، فساد اخلاقدن ناشیدر.

طربزون قادیلرینک
مختار پاشا حقنده کی
اعتقادری

افکار عمومییه سنک بومقوله اباطیلی سرعتله قبوله مستعد اولان بویه بر قومک ایچنده موقع ممتاز صاحب اولوبده فتور کتیر مکسزین ایش کورمک کر چکدن پک کوچ برشی ایمش دیه کندی کندییه تأسفلر ایتدم طوردم. واقعا مجربین امور عالم اولان علما و عقلای اسلاف (اعتقاد العوام کذب الحمار تقوم ساعة و تسقط ساعة) دیمشلر ایسه ده بو نتیجه عموم شرفیلرک اخلاق نتیجه سیمیدر، یوقسه غرب و شرقک کانه سنه بردن شاملیدر؟ بر چوق زمان بورالینی دوشندم، غرب و شرقده کی وقوعات تاریخیه دن بعض پارچه لریده خاطریمه کتیردم. کوردم که بوخسته لق بنی بشرک طبعاً و خاقه مبتلا اولدینی بر درد مزمن و قدیمدر. میدانه کلان بر ایولکدن، بر ملتک الک اهمیت سز بر چوبانی بیله حصه دار مباحات اوله رق کندوسنی اوفعل مدوحک اعظم ارکان اجرا آتندن عد ایدیورده قوصقوصلا نیور. عمومی اوله رق توجه ایدن بر فنا لکدن دخی

اخلاق عمومییه
عائد بره طالعه

هرکس تبری آیلهرک او فنالق ولو سوهوم اولسون بر شخص معینه اسناد ایدلک ودرلنوب طویلانوب بر آدمک قوجاغنه قونمق ایستلیور.

شوقدر کهغریلیرک انتظام اداره می، افکار عمومی نهک اولیه مناسبتریه تهییج ایتمسه مانع اولیور. ایش آرلرندن دائماً ملتک منافعه موافق ثمره لراقتطاف اولیور، و اوزاتلرک ده عندالعموم قدر و شرفی آرتیور. لکن بز اصول اداره، انتظام و رعایت قاعده دن زیاده نخت و طالعک هوسنه محکوم اولدیغندن بالضروره ملتک یوزینی اکشیده جک و تکدر خاطرینی موجب اولدجق و قوعاتک متمادی الوقوع اولسی، اولیای امورک اهات و خیانتله اشتهار ایتمسه سبب اولیور.

واقعات اسلافیه بر کره کوز اوکنه آلدسون. دولت علیه هر هانکی محاربه یی غیب ایتمش و تقدیر ضایعات ملکیمده بولنش ایسه، آنک بادیلری مطلقاً متفع اولان مقابل طرفدن یارشوت آلمش و یا خود اب و جدی و یا کندوسی مسلمان اولماق سببیه دولتک باشنه بولایی قصداً و خیانه کتیر مشدر؛ یوقسه هیئت عمومی نهک هیچ بر قصور و خطاسی یوقدر. هر شیمز، هر لوازمز لزومندن بیله زیاده ایکن مجرد او آدمک خیاتی سببیه بومصیبه دوشورلشدر. شایعه سی چیه قرق افکار عمومی بر ویا بر قاچ شخص معینک اوزرنده توطئه آیلشدر. دولت دخی بالضروره اوشایعه نک آقیدینه اویوب کیدرک نیجه بیکناهلرک قاننه کیر مشدر..

شمدی مختار پاشاده بوحوادثی ایشیتمش ایسه مغموم و محزون اولمشدر. قورد اسماعیل پاشانک کندوسی کورده جمده براز تسلی ایدیم مطالعه سیله مسافر اولدیغی خانه یه کیتدیگیمده، آناتولی حرب اردوسی قوماندانلغندن انفصال ایتمش اولدیغی و قوماندانلغنک تعیین قلندیغی اسماعیل پاشایه توجیه اولدیغی و بو توجیه لک امر تلغرافیدی بز ارضرومدن چیقدیغمزک فرداسی کونی ارضرومه کیتمش اولدیغی خبر ویردی. خیر بونک اصلی یوقدر. زیرا سزه کلان تلغرافده اسماعیل پاشایی وکیل ایدیکز و تعلیمات ویریکز دجشمده؛ سز آلآن یه آناتولی قوماندانیسکیز؛ اگر چه بویه اولیوبده انفصالیکنز لازمکه ایدی دولتک ذات عالیکنزدن بر قور قوسی یوقدی یا! انفصال ایتدیکنز، یریکزه اسماعیل پاشا تعیین اولندی؛ بیورک استانبوله کلیکنز دیرلر ایدی. یوق صحیحدر؛ حتی بوراده کی سوق مأموری خسرو پاشایه اسماعیل پاشانک اویولده بر امر تلغرافیسی گلش و ایش صورت رسمیه ده تحقیق ایتمشدر؛ بناءً علیه ترده محل یوقدر دیدی. ایشک صورت وقوعه عالمه برابر

بنده تعجب ایتم. آرتق بریکی ایشیدیکم شیئی ایشتامش اولدیغی آکلادیغمن
بنده کندوسنه برشی سویلدم .

قوة بحریه مزه
متعلق بر قاج
سوز

بز طربزونده ایکن دولت علیه نك پوسته واپورلردن (مرسین) نامنده کی
واپورینك ارکلی ایله سینوب آره سنده روسیه دوتخاسی طرفندن طوتش اولدیغی
حوادثی انتشار ایتش ایدی . مختار پاشانك طربزونه کلدیکی وقره دکز طریقله
استانبوله کیده جکی ویا کیتمکده اولدیغی روسیه دوتخاسی طرفندن ایشیدیلورایسه،
هانکی اجنبی واپورنده اولور ایسه اولسون دشمن طرفندن واپورك آزاتاق
و مختار پاشانك طوتیق احتمالی بولندیغی جهته، پاشاده برابر اولدیغی حالده
جمله من ایکی کون صکره طربزوندن حرکت ایده جك اولان نمسه نك (لوید)
قومپانیه سی واپورینه بینمك قرارینی ویردك، اوصورتله اشاعه ایتدك . کافه
اشیا واحمال واثقلمز اوو واپوره کیتدی ایدی . پاشانك کندوسی یالکزجه اوله رق
برکون ده اول طربزوندن متهی حرکت اولان بر فرانسز واپورینه بینه رك
آچلدی . یاورلر و سائر متعلقاتی بنمله برابر نمسه واپورینه قالدی . هر نه ایسه
موعود اولان کونی کلدی بزده نمسه واپوریه طربزوندن حرکت ایلدك .

برکیجه سینوب ایله ارکلی آره سنده واقع کرامپه برونی حذارنده کیدر ایکن
آنسزین برطوب آتدی، واپورمن طوردی . بتون اویقویه وارمش اولان قاره
وکوکرته یوجیلری عجباً نصل بر قضایه طوتلوق ونه اولدی ده واپور طوردی
تلاشیه اویقولردن ویرلردن فیرلادیلر . باقادیغنه اوست طرفزده آلی یشیللی
فئارلر مستغرق اولمش و فئارك بریمی اینر و دیگرکی چتقهرق بزم واپوره
و بزبرلینه اشارت ویرر ایکی واپورك طور مقده بولمش اولدیغی کورولدی .
فقیرله برابر هپ یوجیلر حکم ایتدك که بونلر روس واپوریدر . مختار پاشا
واپورمزده وارمیدر دیه آنی آرایه جقلر . باشنده قیچنده ایکی فناری اولان
برصندال اوتیکی واپورلردن آیرلدی، بزده متوجهاً کلیور . بزده عجباً نه کوره جکز،
باشمزه نلر کله جك دیه اوصندالك وصولته انتظار ایدیور ایدك . چونکه احوال
حریبه الجا آتجه اصول وقواعد دول معطل اولمش وایله توز وطور افاقد
فرمان اوقونمز مثلنك جاری الحکم اولدیغی هر کس اعتراف ایتمکده بولنمشیدی .
صندال کلدی ، بزم واپورمزده اسکله سنی ایندیردی برده نربدانن موسقوف
شابقه سی یرینه من غیر مأمول بر قیچ دانه قمر می فسك چتقه مقده اولدیغی کورلمسونمی !

یوحالدين واپور كى ايچنڭده كى مسلمان يوجليار كى مئوني تارى . فرنگلار كى ده حد تارى
 نايان اولدى . مسلمانلار كى مئوني تىك سېي ، الحمد لله اوز مرزى كلان واپور روس
 واپورى دكل ايمش ؛ روس واپورى اولدايدى كيم بيسلير نه اولوردى ، بل كى ده
 بعضى مرزى اسير آلوردى ، سلامته يقاي قورتاردق مطالعه سىنه مېنى ؛ فرنگلار كى ده
 تعجب وحدتى ؛ (طويدن [*] صكره نعره ، خوش كلك بيرام آغا) ضرب مثلى
 حكمنجه (مرسين) واپورى كيتىد كى صكره دولت عليه دوناسنك نظر تيقظ
 وانتاهلرينك بى وقت اولدق اچيلمش اولمىسنىه وبويلا دقتلار كى وقتيله ايدمامش
 اولدقنه مستند ايدى .

واقعا ده حدت ايدم چك شيدر. چونكه اوسرده دولت عليهك مرا كې
بحريه سي عددآ، قوتا، متاتآ روسيه دونمسانك فوقده ايدى. قره دكنك بزم
دونمسانك برمانوره حوضي حكمنده اولمى، وهله زرهلى واپورلر مذكوره دكزده كى
بتون روسيه سواحلى تهديد ايتمى لازم كالوركن، بالعكس بز تهديد اولندق.
آدن فضله اوله رقه موسقوفات ايكي چوروك اخشاب واپورى بزم قوص قوجه مان
برپسته واپورمزدى ده يقالايوب كوتوردى. بوكا انسانك نصل جاني يانماز؛ حيت
عثمانيه واسلامه سي اولان بركوز بو حاله قارشو نصل قان آغلاماز...

دوئنامزك اويله بر قوتلى زماننده قرده دكزده روسيه نك محكومى اولمش ابدك؛ ريم كوسترمسون شمدى روسلرله بر محاربه ظهور ايتسه (چكن محاربه دن اون دوت سنه صكره ديمكدر) نه ياپارز؛ بتون سوا حملزله برابر استانبولى فصل محافظه ايدرز؛ چونكه او محاربه دن صكره موسقوف قرده دكزده كى دوئنامسى حد كاله ابلاغ ايلدى؛ الان ده كيجه كوندوز ديموب چالشيور. بزم دوئنامزك ايسه بالعكس محاربه زماننده موجود اولان قوتى دخى قالمدى. چكن محاربه انساننده قوه بحريه مزك درجه سى يوز فرض اولنه جق اولورسه، بوسوزش نامه ي يازديغم صرده ده موجود اولان دوئنامزك درجه سى يكرمى بش بيله دكلدر؛ هاى كيدى ترك دوئنامسى هاى بوندن ايكيوز و يوزاللى سنه اولنه كنجيه دك براون جق چكديرمه كرك سنجانه قوشو قوه بحريه سى درجه كجده اولان اك بيوك دولت و ملتلك دوئنامسى سرورده اعظم واحترام ايدى. شمدى ايسه عادى بالقى قيقارندن دخى اورك جك بر درك ائمه جلالده حاقناوب طور يورسكرا.

سببی فساد اخلاق و نتیجه سی اولان سوء اداره در. مسئولی ده بززا! (یا محول الحول والاهوال حول حائنا الى احسن الحال) و (تلك الايام نداولها بين الناس) آیت کریمه سی یاد ایله متسلی اوله رق صوصه لم.

هر نه ایسه فسلی اوله رق واپورمزك ایچنه چیقانلر بزم بر قاق نفر بحریه ضابطا نمزدن عبارت ایدی. واپورمزك زردن كلوب زرده کیتدیکنی، سوارینك اسمنی، نه واپوری اولدیغنی سؤال ایتدیله. برده اللرنده کی فنارلر ایله آیاقلانمش اولان بتون یولچیلرک بر قسمنی شویله جه برکوزدن کچیردکدن صکره صاوشوب کیتدیله. بزده واپورمزه یول ویردک. آرتق واپورده فرنکلرک خنده استهزاسنی اوراجقده برتک اولوبده ایشتمکدن بیوک مصیبت تصور اولنه ماز. فرنکلرک مؤاخذاتیه قانچش اولان او قومنی کتیرمک ایچون قاره ده خیلجه اوغراشدم ایسه ده ممکن اولمادیغندن قلم پک آجیقلی محاکماتک و مزعج تصوراتک موقع تراخمی اولدیغنی. حالده واپورک قیچی اوستده کی کزتی محلنه چیه رق صباحه قدر طبان تپدم. فرداسی کون استانبوله مواصلت اولندی. آرتق میلانلاشمش اولان فرنک آرقداشلرک یوزینی کورمز اولدم. استانبوله مختار پاشانک منلا کورانیده واقع قوناغنه کتدم. برده عالمه باقدیغمده هر کسی غریق دریای حزن واسف کوردم. سببی مکر موسقوف ادرنه یه کلش، مختار پاشاده چتالجه استحقاکماتنک حالنه باقق اوزره مأموراً کیتمش ایمش..

بم استانبوله مواصلتم انناسنده مجلس مبعوثان آچیق ایدی. مرسین واپورینک روس دونماسی طرفندن نهب اولمنی سببی واپورک کیتدیکی صرده بحریه ناظری اولوب انکلیر اقمیله معروف اولان فتی پاشا دامادی سعید پاشای جلب ایله سؤال ایتشلر. پاشا حضرتلری ده ضایع اولان واپور مهم و قیمتی برشی اولیوب بش آلتی بیك ایرالق عادی واسکی برواپور اولدیغنی، وسایه شاهانه ده! اوندن ده اعلالرینک موجود بولندیغنی، جوانی ویرمسلیه هیئت مبعوثانه قارش پاشانک ارئه ایتدیکی طور تجاهل و یاخود جهل موجب توییش و مؤاخذات اولدیغنی ایشتمشیدم. فسبحان الله! ده باقدی حاله که، هیئت ایشی نه نقطه نظرندن کوردهك سؤال ایدیور، پاشا حضرتلری نصل جواب ویریور.. ایکی کون صکره مختار پاشا حضرتلری چتالجه دن کلدیله. کورشدیکمده استانبوله جلب اولملرینک سببی تحقیق ایش اولدیغندن آنی حکایه ایلدی.

مختار پاشانک
سبب انفصالی

مکرسه برچاوشمی، بر ملازمی؛ الحاصل آناطوایده بولنش اولانلردن بریسنه، فریاد و فغانلر ایدرک بر جمعه کونی سلاملق یرنده مختار پاشا علیهنده شوکتساب افندمره بر عرفحال و یردیرلش؛ مختار پاشا شویله خاأندر، بویه جانیدر، اردویی محو ایتدی، باتیردی؛ دولتی بتیردی کبی فریادلرک ایچنه صیقیشدیرلش اولان اغراض شخصیه او وسیله ایله وجود بولدیرلش؛ و ذاتاً اردونکده بوزلمی او آدمک معروضاتی تصدیق آلیسیله مختار پاشا محاکمه چکلمک و جزالره دوچار ایدمک املیه آناطوایدن کتیرلش اما، مشارالیهک اضر و مدن استانبوله کلک اوزره یولده بولندینی مدت ظرفنده روم ایلی جهتک حالی فنالشمش، دشمن نقطه توجهی استانبول اولق اوزره ادرنه یاقلاشمش، سلیمان پاشاک خط مواصله سی کسپیلهرک کوملجنه طاغیرینه دوشمش الحاصل روم ایلده کی عسکرک کووه نه جک بریری قلامش واستانبولک محافظه سی ایچون بتون بتون تدبیرلر شامش ایش.

مختار پاشا استانبوله مواصلت ایتدی کی کونک کیجه سی انعقاد ایدن مجلس وکلایه جاب اولنهرق دولتک بولندینی حال تهلیکیه مقابل نه یایی لازم کله جکی حقنده رأی سوال اولندیغنده چتالجه استحکاماتک بالذات حالی کورمدجکه اولابده بر رأی ویره میه جکئی سویاش، فرداسی کون استحکامات مذکوره یه کیدوب تمامیه معاینه وفتیش ایش، شمیدیه کله رک تصارلادینی رأی مجلس مذکوره بیان آبش واستحکاماتک نقصان اولان بعض یرلرینی اصلاح ایتدیروب مدافعه حاله قویمق واوراده اجتماع ایدجک عسکره قوماندا ایلک اوزره عللق ایدن اراده سنیه حکمنجه تکرار مأموراً چتالجه جهته متهی حرکت بولنش اولدیغی آکلادم.

مختار پاشا حکم اراده سنیه توفیقاً چتالجه کتیدی؛ برایکی کون صکرده اولدینی یره فقیری ایتدی. استانبوله روم ایلی مهاجرلرینک دوکولدیکی، ویوللرده ضعفا مهاجرین جنازه لرینک سریلوب قالدینی، حتی شمندوفر قطارلرینک دخی نه یاه جقلرینی شاشیردقلری بر صرده سرکه جیدن حرکت ایتمکده اولان واغولمز یالکیز بر لوقوموتیفه بهرک خادم کوبینه کیتدم. اوراده سوق مأموری طیار پاشاک اراده ایتدیکی تسهیلات نقلیه سایه سنده چتالجه اردوسی مرکزی اتحاد اولتان (اورجوتی) قریه سنده پاشا حضر تیرینه

مختار پاشاک استانبول
محافظه سی
مأموریتله چتالجه یه
کیتیمی

ملاقى اوله رق آرتق روم ايلي جهنندن استانبولك مدافعه سي اسبابنك استكماليله
مشغول اولوب قالدق .

بوندن اوته سي احوال حربييه اوزرينه بر مطالعة اجماليه ايله صكره دن
انتهاز ايده جكم برديكر فرصته متعلق قالسون . [*]

شمديلك صوك ١٥ رمضان سنه ١٣٠٧ و ٢٢ نيسان سنه ١٣٠٦





ذیل

مصره دائر

بوسر نوشتی مشغولیت رسمیه دن اختلاس وقت ایستدیکم زمانلر مصرده قره لادم ایذی. مصرده بولمقلغمک سببی ده، رسمی ودیپلوماسی تعبیرایله اشغال وحقیقیسی ایسه استیلا صورتیله مصره کیرمش اولان انکلیزلی سوز ایله؟ حیقار مق ایچون غازی احمد مختار پاشا حصر تلری رفقتیله مصره گلش اولان هیئتک ایچنده مأموراً بولنیور ایدم. بو جهته مصر نه ایمش ونصل اولمشده بوحاله گلش وعصر عزیزینک، شو زمانده کوردیکمز حال اضمحالانه نه درجه یه قدر تأثیری اولمشدر؛ بورالری لایقیه تدقیق وتحقیقه فرصت آویرمشدی. بوبابده انتساب اولنان حقایق حال مساعد اولدینی درجه ده بروجه زیر مجملأً قلمه آلتدی:

هجرتک بیک ایککیوز یکر می سنه سنده بعض تدابیر فتنه کاری ایله باشیوزوق عسکری سرکرده لکندن مصر والیلکنه ارتقا ایدن قواله لی محمد علی پاشا، دولت علیه عثمانیه وحکومت مبعله اسلامیه نک موجودیتی دشمنی اولان بعض اوروپا لیلردن وخصوصیله فرانزلردن کوردیکی تشویق وارشاد، واحوال واداره دولته مشاهده اونان استعداد اوزرینه سرمت هوای استقلال اولش، واوردهده بالطبع دولت علیه نی ورجال امورینی اداره ملکته اهل کورمامک کبی بعض کچ بینلکرده ایشه منضم اولمشیه، سیاسی وغایت مهم بر فرداق چوریمکه نفسنده اقتدار کوروب تطبیقات واجرا آتیه مصرک ذراعتی توسیع، امور اداره وعسکریمسی تنظیم وفریقار ومکتبلر وتجار تکاملر تأسیس ایله منویات استقبالیه می اسبابی تهیه وتیمیدن باشلامشدر.

مضروالیبی محمد
علینک حالی
ودولته قارشو
وسيله عصیان

محمد علی ، رفع ایدہ جکی رأیت عصیانی بوضورتہ ترقیات بلاد ورفاء حال عباد پردہ سی آئندہ مدت مدیدہ صاقلامشایدی۔ نہایت ایش قوامنہ کلدیکی کبی بالفعل تجاوزاتہ قیام ایلدیکی ائنادہ، چونکہ خروج علی السلطانک عندالاسلام اکبر جنایاتدن معدود اولمسیله، سادہ ضمیر علمای اسلامیہ یہ مقابل تجاوزات واقعہ سنی آنجق او عصرده استانبولده سرعسکر بولنان خسرو پاشانک مصر والیلکی ائناسنده بینلرنده حاصل اولان اغبرار درونک سوتنه واغراض شخصیه سی القاتنه تبعیتله مصردن عزل وقتانی مراد ایدن جتمکان فردوس آشیان، مجد وعلی همت ومجدد دعایم دولت وملت اولان سلطان محمود عدلی خان حضر تلرنک بغیر حق نظر غضبہ اوغرا دیغندن، اوعصرک عادت اولدینی وجهله مجرد قاتی دوکدیر مامک ایچون التزام ایلدیکی مدافعه مشروعہ یی وجودہ کتیر مک اوزره اختیار اولنمش بر حرکت اضطراریہ شکل وضورتنه قویمش، وکوتہ نظران عامہ یہ قارشو مصلحتہ کیدردیکی سوسلی ومناسبتلی شو ماسکەنک وآئیدہ کوریلہ جک بعض اشاعات اغفالیہ سنک آتندن دولت علیہ عثمانیہ نک کسرتوت وشوکتته ویاکدہ معاذللہ تخریب اساس موجودیتہ حصر نظر ایلشدر۔ محمد علی نک تقویۃ تصورات واتصرتنه اسباب عدیدہ دن ناشی مصرک موقعنک دخی پک بیوک دخلی اولمشدر یا! بو سبیلرک بریسی: خطہ مصریہ عادت، مدینتی، لسانی، جنسیتی ترکلرله مغایر ویا لکزدیانه متحد بر قومک وطنی اولمسیدر۔ [*] ثانیا: بومملکت تا فراغنه زمانندن بری اجنبی حکمدارلرک تحت حکمنده مرکز سلطنت اوله رق وفقط اکثر یا شام وحلب وآطنه دخی ملتحقاً داخل حوزہ تصرف اولدینی حالده مستقلاً اداره اولنه کلش اولدینی آثار متعدده وقدیمة ایله رسوخیاپ اذهان اهالی بولمسیدر۔ [**]

عصیانک سبب
معنویسی

[*] معلومدرکه اسلامیتک ماده الاصل ظیوری اولان اخاء وسعادت بشر مقصد علویسی سیدالکائنات افندمن حضر تلرندن صکره آنجق یکرمی سنه قدر پایدار اوله ییلوب اخیراً ظاهر اولان قومیت، ملیت، عصیت، مذهب، تحکم، تفرد منازعاتیله عالم اسلامیتیز تاریخی دخی اقوام سائرہ ادیانی کبی هرج ومرج اولش بولدیغندن خطہ مصریہ یی بو منطقه شورشدن خارج عدایتک ممکن اوله ماز۔

[**] محمد علینک تجاوزی ائناسنده شام وحلب وآطنه یی استیلا ایتسی واورال اداره مصریہ یہ الحاق اولمده قجه دولته قارشو آچدینی مخاصمه قاپوسنی قاپیہ میه جفنی اوغلی ابراهیم پاشانک کوتاهیہ دن دولتی تهدید ایتدیکی ائنادہ متوسطین دول اجانب انظارینه وضع ایلنی بومدعاہ شامددر۔

ثالثاً: توحید اسلام کبی مقدس و سیاسی بر مقصد عالمگیر ایلہ غزوات و فتوحات متتابعہ اوغرنده نثار جان ایدن وادہای عثمانیہ وبلکدہ بالعوم سکنتہ ممالک محروسہ لسانندن (شمس عصر کبی سایہ سی مدید و عمری قضیر ایدی) مثل و بر تعبیر بدیعندن مرتب و غایت شعشعہ دار نشانہ رضا و لیاقتی حاملہ بالانتخاب داخل خطیرۃ القدس اولان، جوہر سیال سیاست و حکمت سلطان سلیم معالی منقبت حضرت تلمینک دولت چرا کسہ یی تدمیر و خطہ مصریہ و بالمناصبہ بقعہ حجازیہ یی تسخیر ایلہ سلطنت و خلافتی جمع ایتدکدنسکرہ، حیولوت ایدن موانع متابعہ سیاسیہ الحاح آتیلہ آتی بہ تعلیق ایلدیکی اداره مصریہ تخطیاتنک نقصان قائلان جہتی، اخلاف عظامی طرفندن کرک دولتک اووقتکی طرز اداره سنک مناسبتر لکندن و کرک مصرک اوزاقلغندن، ہر نہ ایسہ موقعک احتیاجیلہ متناسب بر صورتہ تأسیسنہ ہمت بیورلما مشدر. بوجہتہ حکومت مندرسہ انقراضندن متباقی اشخاصک قوہ منکرہ سنندہ یراشمش اولان کولہ منلک اصولی بعدالفتح مصر دہدہ تجدید ایدرک، ذاتاً بونلر سوق عصیت ایلہ ہیچ بروقت حکومت عثمانیہ دوست و محب اولمدق لردن. طینتلرندہ مندیج اولان فکر انتقامک سوقیلہ زمان زمان اشکال عجیبہ و متخالفہ ایلہ مصر دہ اختلال چیقاروب طور مشلردر. کولہ منلرک بری بری علیہندہ دوام ایدوب طوران حرکات خونریزانہ سی ایسہ اہالی محلیہ یی حیاتلرندن بیزار اولہ جق بر حالہ کتیردیکندن، ہر مصر لیتک کندولر یی امنیت و سلامت آیدینلغہ چیقارہ جق بر صاحب ظہورک وجودینی درت کوزلہ کوزلہ دیکی محمد علی تفرس ایتمشیدی. [*]

وابلاً: مصرک طرز و طور ادارہ سی دولتک بشقہ ایالتلرینک طرز و ادارہ سنہ بکیرہ آیوب. سوء ادارہ دن ویا غلط تفہمدن ناشی موقعک ایجابی ظن اولسان

وہابی و قعسی مناسبیلہ محمد علیک دولت علیہ نامہ اولہرق خطہ حجازیہ دہ دوام ایدن و بعض نقصان خبرہ و معلومات اصحابنہ کورہ دولت علیہ بہ متدارانہ برخدمت عد ایدیلان موفقیاتی دخی کندوسنہ ہوس استقلالی او یاندران اسبابک اعظمنددر. چونکہ بقعہ حجازیہ دخی شام و حلب کبی دولت چرا کسہ نک داخل حوزہ ادارہ سی دیکلی ایدی یا؟ اودولت مضحکہ خیز الحلف اولقی قورونیمسیلہ ظہور ایدن محمد علیک خطہ حجازیہ یی کوزبہ کسیر مامی ہیچ ممکن اولورمی ایدی!

[۹] کولہ منلردن علی بکک عصیان و استقلالی و اولوقت دولت علیہ ایلہ عازب بولسان روسیہ دولیلہ اتحادی و ابواذہب محمد بک وقعی کہ جودت تاریخنہ تفصیلی مذکوردر، بونلر ہب افکار مبسوطہ نتایجنددر.

بر خصوصیت مصرده محافظه اولمش کیتمشدر. والیر ایسه خورجی، صندوقی،
 تولدیرمنی و برده استانبولده کی قیو کھیاسنه و صرائفه پاره یتشدریمکی وظیفه
 اصلیه عد ایدرک روح اداره یی آله آله حق تدابیری اتخاذدن غفلت ایتشلر.
 انتظام و تأسیس آسایشدن و امنیت و سلامت مملکته متعلق وظائفدن بسبتون
 اهل ایتشلردر. بوحالک بر قسمی ولاتک محاکمه امورده مقتدر و عاقبتی ملاحظه یه
 اهل اولماسندن و اهل اولانلرده اداره عمومیه تک طرز و شکلنه بالضروره اتباع
 ایتسندن نشأت ایتشدر.

الحاصل والیر مملکتی طرف طرف کوله منلرک اداره کیفیه سنه قارشو کیف
 مالتفق بر اقوب کندیلری آنلرک اداره ظالمانه سنه قارشو بر مسافر محترم شکلنده
 سیرجی و یاخود جبات امواله مأمور بر خراجچی حکمنده قالمشدر.
 خامساً: ممالک دولت علیه تک اقسام سائر سندن زیاده مصرک حسب الموضع
 اوروپا لیرک جولانگاه تجارت و سیاستی اولمسی ده ایشک پک مهم سبیلرندن
 بر یسیدر. مصر لیرک ترکر عاینده کی آتش خصوصیتک کلیاً ازاله ایدیله میوب
 تحت الرماد قالمسنه بزم اداره سزاکمز سبیت ویرمش ایسه ده، او آتشک نفخه زن
 اشعالی اولانلرده اوروپا لیردر. محمد علی تک، مملکتده و اداره سنده کوردیکی
 استعدادک مرشدی و مادی و معنوی استفاده سنک آلت اجرایی کافه اوروپا لیردر.
 هر نه ایسه دمیر آلی بر اجرا آدمی اولان محمد علی، تولیتدن بش آتی سنه
 صکره افکار عمومیه یی آله ایدنمک و خط حرکتی اوزرنده کوردیکی اسباب معوقه یی
 بر طرف ایتک اول کوله منلری و کوله منلک اصولی احیا ایله ممکن اوله جغتی کسدرمش
 اولدیفندن، صور و قوعیه سنی تاریخارک بیان ایلدیکی طرز مد هشد کوله منلری غایبه
 ایردکن صکره [**] وقتی مطمع نظری اولان نقطه استقلال طوتمق و سائلنی
 استحصال و استکماله حصر ایتشدر.

[**] کوله منلکک ابتدای ظهوری بغدادده خلفاء عباسیه تک شمشه اقبالک برق آور
 جهانیان اولدینی ائناددر. خلفائک امر جهاده و غزایی و مملکت کلفتی کندولرینک
 سالب حضور و راحت اولدینی کورمه باشلاد قلی زمانک ابتدایی کوله منلرک دخی مبدأ
 فیض و سعادت اولشدر.

کوله منلر، مهارت عسکریه لری سایه سنده بغدادده امیر الامرا القابنی احراز ایدوبده
 خلفائی کافه اقتدار مادیدن تجریده قدر وارهش اولدق لری تواریخ آشنایانه کوره وارسته
 ایضاحدر. حتی بوفکر مصرده خلای مشارالیمک مصرده والیسی بولتان وحالده کوردیکی

محمد علی، تصورات باغیانہ سنی اجرایہ شو قیوی مدخل عد ایدیورک، عیانہ مدخل کاٹھ عکا والیسی عبداللہ پاشا، مصردن قاجش اولان برطاقم فلاح خانہ لری عکادہ اسکان وایوا ایله مصرہ اعادہ ایتامش؛ دولندہ ایسہ عبداللہ پاشایہ سوز کیرہ جک اقدار قلامش [*] اولسلیہ مجرد عبداللہ پاشایی سوزہ یاترمق و تربیہ ایتک ایچون برآ و بجرآ دولتک رضاسی خلافتہ اولہرق عکا اوزرینہ قوۂ کایہ ایله یوزیدیکی کبی، بر قسم اردوسی دخی اوغلی ابراہیم پاشا قومانداسی و فرانسز سلیمان پاشانک ارکان حربیہ ریاستیلہ جبل لبنان، شام، حما، حمص الحاصل بتون سوریه و حلب و ساحل جہتندن آٹنہ ولایتلری بعدالاستیلا قونیه طریقہ استانبول اوزرینہ آلوب یوروی ویردیکی ائنادہ دولتک بعدبرہۃ من الزمان تدارک ایدرک صدراعظم رشید پاشا قومانداسیلہ سوق ایلیدیکی مقابله اردوسیله دہ قونیه اوکندہ قارشولشہرق رشید پاشا اردوسی بوزوب رشید پاشایی اسیر ایتدکنصکرہ کوتاہیہ قدر کلشد.

دولتک ایسہ بشقہ بر قوت تدارکنہ آتیدہ بیان اولنہ جق اسبابدن ناشی

استعداد اوزرینہ اخیرآ کسب استقلال ایدن « اخشید » ک وجودیلہ برابر سیرایت ایتشدی. دولت اخشیدیہ دنصکرہ غریدن کلان فاطمیلرک دور سلطنتندہ مصردہ طرز اداره بشقہ بر شکلہ کردی ایسہ دہ حکومت فاطمیہ نیک انقراضندنصکرہ مصرک تاج سلطنتی ترکلردن کردلہ، کردلردن بنہ ترکلہ، ترکلردن چرکسلرہ انتقال ایدوب طورمش، یعنی شمدیکی عثمانی ملینتی تشکیل ایدن اقوامک سربماہتندہ لمع ثار اولوب قالشد. بغدادک ایرانیلہ تورانیلرک دست استیلا سندہ کوروب کچوردیکی انقلابات متتابعہ ایله کولہ مندلک اصل الاصولنہ برخالی کلیوب، شوقدرکہ عمرآ بعدعصر شکلنی تغییر ایله تحکم اساسندہ کی قوۃ، استعدادی محافظہ ایلشد. بغداد کولہ منلریک خاتمہ سی اخیرآ سلطان محمود علی خان حضرتلرینہ قارشو اولدقجہ برغلا اجدات ایدن بغداد والیسی عالم مشہور داود پاشا درکہ صورت فتح وقعی تاریخ عصری کلمبئی حکماہ ایدر. ایسی بغداد و مصر کی ترکیب غنصریہ سندہ عربانی غالب اولان قضائندہ کولہ منت اصولک اختیار و تائیدی ایجاب ایدن شینک حقیقی دوشونیلورایسہ کوریلورکہ رأس اداره سندہ بولنانلرہ برابر اقوام عربیہ نیک جدیالہ و امور اداره ایله مقید اولمی سوز بر حالہ کلدکلردن و رفاه و سناحتہ و نفسانی انتقاماتہ کثرت میل وانہما کلرکندن ناشی مملکتک روحی مٹاہ سندہ اولان قوۂ تشکیلہ کولہ منک طرزندہ و آخر بر قومک یوزندہ نجلی ایدرک آخر (الحکم نامہ) دستورندن آلدقلری قوتک حکمیہ بالطبع حائز ریاست امور اولشلر ایدی.

[*] محمد علی، عبداللہ پاشانک حالندن صورت رسمیدہ شکایت ایتدک، باب عالی محمد علیہ عکادہ مصردہ ممالک دولت علیہدن اولسلیہ امعالی نرمدہ راحت و حضورنی بولور ایسہ اورادہ اقامتہ مختار اولدیفندن عبداللہ پاشاہ بوبادہ جبرائیک حکمت حکومتہ منافیدر اسرینی تبلیغ ایله امتناعہ چالیشورمش.

وقتی اولدیغندن، روسیه دولتی کبی بردشمن قدیمنه مجبور التجا اوله رق حقوق مشروعه دولتك مدافعه و محافظه سی مقصدیله موسقوفلری بکقوزده قدر کتوروب وسائط دیپلوماسیهیه مراجعتله محمدعلینک تجاوزاتی تحدید ایلشدر.

لکن محمدعلی، شام و حلب و آظنه دن حقیق ایتدیکندن آلتی سنه صکره حافظ پاشا قومانداسیله استحضار ایتدیکی بشقه براردونک نزیده منہزم اولدیغی خبرنی ایشتمکسزین تجرع ایلدیکی کونا کون آلام سیاسیله ایله کندینی وقف درد بی دوا ایدن سلطان محمود عدلی خان حضرتلری وداع عالم فانی ایلشیدی.

عاقبت جناب عبدالحجید خانک اوائل سلطنتده انکتره و روسیه و آوستریا دولترلرینک مداخله و تأثیر نفوذلریله محمدعلی ضبط ایتدیکی ولایاتی و سوریه قطعہ سنی دولته اعادهیه مجبور اوله رق اولادیت وجهله مصر والیلکینه قناعت ایتدکنصکره تتابع زمان ایله مصر شمیدیکی شکل واداره نی قزانمشدر.

محمدعلی نک تجاوز ایتدیکی ائئاده دولت علیه ایسه ادرنه معاهده سنی ایجاب ایدن روسیه محاربه سندن و سکر طقوز سنه امتداد ایدن روم اختلالی و یونان استقلالی دورندن هنوز قورتش و اشقودرلی مصطفی و بغداد والیسی داود پاشا لر غوائلنی کلی یورغو نلقرله غایه ایردیرمش، و بغدادده حکم سورن و دولتی انواع مهالک سیاسییه عرض ایدن کوله من اوجاغنی سوندورمش، و آلتی سنه اول یکچیری عسکرینی محو و لغو ایدوب آنک رینه تشکیل ایلدیکی عساکر نظامیه ایسه هنوز درجه کافیه ده قوت و انتظام آله مامش، خزینہ ایسه بلایای متابعه سیاسیهدن و اصول اداره نک کفایتسز لکندن ناشی طام طاقر بر حالده اولدقدن بشقه جهلای خلقدده دولتك یکانه چاره سلامتی حکمنده اولمق اوزره یکچیرینک لغوی تدبیرینی اختیار ایتمسندن طولانی تمیز حقیقت ایتمکسزین دولتك اوعزم مجددانه سندن منفعل بولنمشیدی. [*] ایشته محمد علی بویه بر آمانسز زمانده

نصل اولدیده
دولت مغلوب
ایلدی

[*] یکچیرینک لغوندن طولانی عموم عثمانلی اقوامنک اداره دولتنن غیر راضی اولمنسک سببی، خلقنک برچوغی حالاً و مالاً یکچیریلر یوزندن منفعتدار اولدینی کی برقمی دخی اقارب و متعلقاتی سببیله بالفعل او اوجاغه مربوط ایدی. دولت یکچیریلری صورت جبرییه و قهریده قلمه مجبور اولدینی کی اهانلنک برچوغنک سلسله منافی شکست اوله رق اداره بیتهلری بولنی شاشیرمش و برطافنکده اقارب و خویشاوندی حسانلرینک ازاله اولمنی سببیله ماتمکده حالی آلان خانلره بالذات و بالواسطه علاقه دار بولش اولمندن حاصل اولان انکسار قولایجه جتی اوکیله جتی یاره لردن اولدینی کی، یا کاور ایجادنی ظن ایتدکری

کوردیکی استعداد و آلویرن فرصت اوزرینه منویات فسادیه سی اجرایه قیام ایلشدر. دولتک بولندیغی شوتنکنای اضطراب کفایت ایتیمور ایش کبی، بر طرفندده محمد علی، دولتی و دولتلیری بشقه، و تابعیتده امت و رعایای بستیون بشقه فرض ایدن عوام خلق بیننه ابله غریبانه برطاقم یالایزلی اشاعات قابوب صالیورمشدر. شویله که: کویا محمد علی، ممالک شاهانه ک هر طرفنده اجرای حکم ایتکده اولان مظالمه قارشی حرکت ایدیورمش. اورتالغی دوزلده جگمش. اغراض و منافع شخصیته ک ترویجی مقصدیله حضرت پادشاهه تقرب و تحکم ایدن سرای خلقیله بعض وکلانک حقندن کله جگمش، بلکهده آخر زمانده ظهوری منتظر اولان مهدی بو ایش [*] کبی انواع ترهات و اشاعات ایله طرفین عسکرینک قولاقلرینی طولدیرمش اولمقدن ناشی، اردومن خلقتک اکثریسی مستکن اولان اغبراردن قطع النظر محمد علی ک حرکتی بونقطه نظرندن کورده ک محمد علی ک موفقیتی تمنی ایله مأمور اجرایی اولدینی وظیفه تدافعیه یی جان حقیله ایفا ایتزلر و محمد علی ک جماعتی ایسه بالعکس کمال جد و عزمله آلویرن هر بر فرصتن استفاده ایتک ایتترلر ایش!

شمدی شویله جه کندی کندیتمزه برطوروب دوشونور ایسه ک بتون اهل محمد علی ک سواد ایمانی قان آغلاده جق اولان احوال اضمحلالیه ک بریسیده محمد علی ک پادشاه جمعینه قارشو مرحوم و مغفور علیه خائنه بر صورتده اختیار ایتدیکی شو حرکت خروجیه ک آلت اجرایی واک مهم ارکائی لواء الحمد اسلامک حاملی اولان ینه شو جاهل ترکلردن، و او علم سعادتک تحت اتحادنده مستظل اقوام سائر عثمانیه دن تدارک ایلیدر.

نتیجه سی: مجرد دت پاره قی ا کک زقوملا تمق ایچون نه اولدینی ویا اولدجی

عساکر منظمه اصولی دولتک قبول ایتی عوام و بلکهده بعض خواص ناس بیننده عالم دینه تعرض ایدلش معنانه قدر وراث ایدیکه، بحال، اداره ایله ملت آره سنده کی رابطه اتحادک مان کاملاً انحلال ایش اولدینه دلیل کافیدر.

[۹] آه بومهدینک وجود موهومیده امت اسلامیه بیننده نقدر فساد و تفرقه یی و نه ربه ضایعات سیاسییه موجب اولشدر. شوخیایرست انسانلرک طوراً بطور چیتاردقاری نوع نوع عقاید موهومه بازیمه سنک صوکی کلیمه جکی؟! امکنز یلک یلک و فولاییمه جق مان جنته کیدیورمک عشقیله و فقه کیر انتظار اولان جمعیتز افرادی، نقد اولارق ثمره سمینی ادراکدن کوز بوموده و رده سی به برأس المال ایدنک هوسیه دست کشای انبال و نفع اولاق طمعنه غلبه ایده جک بزمانه تکرار یتیمه جکی؟ قسبحان القادر!..

بالیسز اولان بو توره دی، بر باغینک اغفالآتنه قاپیله رق تحت امر و قومانداسنده اجتماع ایله بتون عالم اسلامیتک امید منفردی اولان بر هیئت دولت علینده و بالتضمن کندی وطنی و مملکتی ضدینه حرکت و خروج ایدن حیوان سوارینسک کر بلا میدانده حضرت شهاد شهیدایه قارشو سل سیف ایدن خذله دن نه فرق واردر؟.. هتک حرمت و فیخامت اهل بیت اولسه، آنلر جرملرینی بر درجه یه قدر تعلیل ایده ییلورلر ایسه ده، محمد علی تابعلرندن او یله بر عذر استماعنده میدان یوقدر. آنلر ایچون هیچ بر کریزگاه تصور اولنه ماز. بونلرک کی مجرد حب ریاست و شوق شهرت ایله اجنبی انترقه سنه. اویان بدبخت بر شقینک کیفه خدمت و امام وقت اوزرینه شقاوتکارانه و متجاوزانه بر حرکتدن بشقه دکلدرد. [*]

محمد علی قارنی طویدقدن صکره کافه لوازم و حقوق انسانیه ی آیاقلری آلتنه آله رق باباسنه بیله صالدیره جق صورتده دنی الطبع اولان ایپسز، صاپسز، حس ملیت ولدت اجتماع مدنیت و حاکمیتدن محروم بو خشرات جامده یی باشنه طوبلارکن هیچ شبهه یوقدرکه (انسان طوغدینی یری آرماز، طویدینی موقی آرار) ضرب مثلی حقوق وطنیه سنی چیکندیرمک ایچون واجب الامتثال بر قضیه مسلمیه یولنده تفسیر ایدوب وابله فریبانه دهانجه بیک دره دن انواع صولر آقیده رق و طوربه لر طولوسی آلتونلر صاچه رق شق عصای اسلامیت اوغرندنه سوق آیلشدرد. [**]

[*] جناب امیر المؤمنین امام علی کرم الله وجهه حضرتلری ایله معاویه نك وقایع معلومه سی اثناسنده معاویه یه معاونت قصدیله ایشه صوقیلوب بر شیر قزاق ایستیان استانبول قیصرینه قارشو معاویه : [بزم منازعات برعائله افرادندن ایکی کشینک مشاجره سی قیلندرد. خارجدن بر اجنبی نك مداخله سنه محل یوقدر. شاید قیصر او ایشه صوقیلوبده استفاده ایتک عزمنده ایسه خصمه ترک خصومت ایدرک بالاتحاد آتک مقدمه الجیشی اولدینگ حالدده قیصر علیه یوریمکه حاضرم] جوانی ورمش ایش. (بین تفاوت مابین کجا و آن کجا) بتون اجنبیلرک یعنی عالم نصرانیاتک تحریکله آنلرک حسابنه حرکت ایدن بر شقی ایله اوته کینک احوالی موازنه یه کافی برحاکیه جکدر.

[**] عجب او اثناده و محاربات واقعه میدانلرنده ترک حیات ایش اولان بدبختان امتی رحمت ولعنتدن هانکیسیله یاد ایده جکر؟ اوراسنی قارئین حضراتک ذوقنه، و بوکونکی کونده مصرک اجنبی انترقه لر آلتنده ایکلاه مکده اولدینگ کوروبده سرشک تأثر آقیدانلرک وجدانه براقلم!

الحاصل عثمانلیق نامی آتنده یشادقلری حالدہ محمد علینک سواد عصیان
تکثیر ایدن جماعت ، جسارت جاهلیہلری ویا شقاوت ازلیہلری اقتضاسنجه
صیقلمازلر ایسهده، غرب وشرق تاریخلرینک آنلری وطنمزلک اولادی عدایدرک
بزه مال ایتدکلرندن طولانی بزلر یعنی اخلاف محبوب اولیورز .

ایشک برغریب یری ده شوراسیکه، اوروپالی، آسیالی برطاقم ناقص نظرانده اورتالک کورو
یا عن قصد ، ویا بلارؤیه محمد علی جماعتک دولت علیه قارشو دوکدیک قان
مصرک برات سربستیسینی استحصال ایتک ایچون مصرایرک عرق حمیت وغیرتندہ؟
جاری اولان دماء حریت و آزادکی اولدیغنه ، ومصرک امتیاز حاضری وکائنه
او آرسلان قومک ترکاره قارشو متینانه و مردانه وقوعبولان صولت وشجاعتلری
نتیجه سی بولدیغنه قائلدرلر !..

حتی شوعصردہ قلمی فرنکلر ایله جبل لبنان خرسیتیانلرینک آئنده بولنان
مصر مطبوعاتی ده ، ایجاب ایتدکجه بو حالی آره صره لسان افتخار وستایشله یاد
وتد کارایله او ییچاره قومی یعنی مصرایلری جانلاندقمق ایستلر؛ لکن ، (وتحسبهم
ایقاظاً وهم رقود) آتی (بالوسیط) نقطه منہ قدر اوتونورده برذوق ادبی ایله ده
تفسیر ایدیور ایسه ایش آکلاشیلور.

مصری ومصرایلری کورنارو ییچاره مسکین فلاحلرک حالی وطرز طبیعتلرینی
آکلایانلر، مصریلری هندیلردن ده ا زیادہ ضعف قلبه مالک جبین ، وضع ؛
والحاصل اعجز خلق الله اولمق اوزره خلق اولاندقلرینی درحال اعتراف ایدرلر .
حتی هرايشده فلاحلرک دیسه کاراغه سلوکی وحیلہ بازلفک آنلرده عادت حکمنه
یکمسی، مفسطور اولدقلری ضعف ترکیک مقتضاسیدر . حقیقت حال بویله ایکن
ایشه یا ککش معنا ویرنلرک سوء تفهمه قارشو فسبحان القادر القيوم دیمکدن
بشقه برسوز بولنه ماز!

بوراسی بداهةً نابتدرکه دکل آرسلان یورکلری برترک ، کوی کنارلرنده
میخانہ جیلک ایدن عاجز برومک نمایشکارانه برطرف منہ مقابل بیگ مصر فلاحی
بردن سرفروورده تسلیم واتیقادر . زده قالدی برترک فعلاً بر صورت هجوم
کوسترمسی ، یاکنز توره دلالت ایدر عادی وقباجه برسبیلہ برسوری فلاحک
بردن سیکیرلری چوزوله رک یرلره دوکدکلری حالاً وفعلاً مبتندر .

هر نه ایسه بو حقیقتی تقلیب ایله محمد علی نک تجاوزات و فعلیاتنی ، مصرایرک

مصریلرده کی
ضعف قلب

هنری عد ایتک، بزى اشخاصمز واقعا ملزله برابر چالهرق آخره ویا کندیلرینه مال ایتمکه بکزر.

حال ظاهر، مسئله میدانده، طرفینده بوکون بیله اورتهده اولدقدنصکره، اوروپالیلر ویا مصرلیلر فصل تصور ایدرلر ایسه ایتسونلر؛ اوراسی اهلنه معلوم اولدیغندن ایشک نیم خنده تعجبدن بشقهیه دکری یوق ایسهده، بومسئلهده اصل نقطه ملاحظه محمدعلی نك حرکات باغیانہ سیله ترکلردن آیرلق، ودولت اسلامیه نك اجزای مرکبه سی انحلال بولمق کبی دوشونلکسزین ذهنلره تبادر ایدن فجیع برحالتک مصریلرجه مدار افتخار عد اولنمیدرکه، ایشته سوز بورایه کلنجه واوروپالی دوستلرمزک مقاصد حقیقه سی کوز اوکنه آلتنجه (بیلهم آیلجه جک کریه میدر، خنده میدر؟) مصرعی اوقورده تعجب کنان ولاحول خوان اولهرق صوصارزو..

محمدعلی نك نتیجه مساعی و مصرک باقیلور ایسه محمد علی نك، مصرک مادی ومعنوی کسب حیات ایتسنه، مجددا نه عاقبت حالی خدمتلر ایتدیکی وهله کورولور واعتراف اولنور ایسهده، حقیقه کلنجه بوکوردیکمز احوال اوزرینه عطف ایتدیکمز نظره حمقا بزه اومعلوماتی اعطا ایتمشدر دیرز. زیرا امعان نظر ایله واقعاتی علی ماهو علیه کورمک مراقبه دوشدیکمز کبی مصرک کافه ثروتی وترقی تجارتک غایتی تشیت کله اسلامیه دن واوروپالیلری مصرده صاحب نفوذ ایتکدن ومیلونلر ایله مصر مسلمانلرینی ذاتلرنده کی استعداددن بالاستناده فرنکلره قارشی دهازیاذه ذلیل وحقیر براققدن عبارت اولمق اوزره بولورز. چونکه موقعک حکمی، اهالینک مزاجی، ودولت علیه قارشو طوته یلمک اساسنک محافظه سیله برابر حکومت مؤسسه نك مصرده بارینه بیلسمی، آنحق بواسبابه توسلی ایجاب ایدر ایدی.

شمدی محمد علی نك مصرده کی سعینک نتیجه سنه باقهلمده الله ایچون سویله لم؛ مال میدانده، حساب اوزتهده در. محمدعلی، خطه مصریه ده کی جماعت وطنیه نك خیرینی وسلامتی موجب اوله جق صورته هانکی برتدیر حکمی بی تعقیب وتوریث ایده بیلدی، لایتغیر فصل برقانون ملی مصرده محمدعلی به خلف اولدی؟ مصرک یوم حشر وجزاسی اولان بوکونکی کونده محمدعلی نك دفتر اعمالنده ومیزان افعالنده خلاصه اولهرق کورینن شی، آنحق اولاد و اخفادینه برنایاره معیشت

بر افاق، ودها طوغریسی بر آلائی سفهای حرکات غیر مقبوله لریله مصر فلاحلری یوزندن چکندیر مک طمعیدر . برده مصر فلاحلرینی دکل، مصر اراضیسی احیا ایله کندوسنک حرکات عصیانیه سنک ارکان اجرایی اولان ترک، آرنانود، چرکس بش اون نفر چری باشی بی بواراضیه صاحب ایتسیدر؛ بشقه دکلدر .

بوصحایفی یازدیغم عصرده مجبرک طقوز میون [*] اهالیسی واریسه بونک یارم میونی آنجق صاحب اراضی و املاک اولوب، اوست طرفنده کی میونلر برقراریش طوبراغه بیه مالک اولمیه رق شونک بونک چفتجیلکی ایله قوت لایموت کخیر ویامستأجرأ بش اون فدان طوپراق زراعت ایده بیلور ایدی .

بیک ایکیوز طقسان طقوز تاریخ هجریسنده وتوفیق پاشانک عهد تولیتنده مصرده اوروپالی اجنیلر علینده حرکت اولنیور پرده سی آلتنده استتار ایدن عربی وقعسی، مصرده متوطن اوروپالیرله برابر اراضی و املاک احسانندن اولان ترک، آرنانود، چرکس کی محمدعلی جماعتک ثروتی علیه آچلمش بر حرب داخلی ایدی .

هرنه ایسه محمدعلی، دولت اسلامیته وجودینه عظیم رخنلر آچدق دنصکره کندوسنک کبر سنی جهتیله عارض اولان عته وجنون ایله بر ایکی سنه آزاده دغدغه بودنبود اوله رق وعاقبت مسیر حیاتنک خاتمه سی نقطه سنده تقرر ایدرک داروکی صحت و مرصدن قورتلشدر .

(نیده حکم اوله آتون لکنی که ایچنه قان توکورورم) ضرب مثنک مضر بی مطلقاصد بدبختی کی بر حکایه اولسه کرکدر . بو کونکی کونده کافه مسلمین، محمدعلی ایله اعوان وانصاری حقنده - مناسب ایسه - حق رحمت ایلاسون کلبانکنی حکمرانیه آنلرک ایاقترلری مشیت التبییه تعلیق ایله قراکفه طباخجه صیقوبده بر سقطلق احداث ایتامش اولور .

محمدعلی دنصکره امر و ادارهیه بالتوارث نائل اولان اولادینک هربری، محمدعلی نک خیره متعلق صحایف اعمالی قپایه رق مضاروخسار قسمنده کی حساب جاریسی ایشلدوب طورمشار، هربری فرصت بولدقجه دولت علیه علیه عصرک حکمنه و حالک استعدادینه کوره چالشمشدر . لکن بونلرک ایچنده هم دولته،

[*] اخیراً مصر قرعه مأمورلندن واصل رتبه تحقیق اولدیغنه کوره خطه نک سکنة عمومی سی همان مان طقوز میلیون اعالی به بالغ اولمده ایش .

هم مصره الك مصر اولانى مصر والىلكى انساننده او مقامه خديولك عنوانى استحصال وحكم وراثتى تغيير ايليان اسماعيل پاشادر . مصر ك شمديكى حال هولنا كنك قسم اعظمى اسماعيل پاشانك زمان توليتى مولداتى وسيئات عصرىسى اختراعاتيدر . اسماعيل پاشا ، محضا دولت عليه اليه حبل ارتباطى كسوب مصرده مستقل برحكمدار شكلنه كيرمك ، آفريقا پادشاهى اولمق ، بدكده خطه حجازيه نى قبضة تصرفنه . آلمق ، كله متفرقه اسلاميه نى برقادها بولمك ايچون تشبث ايتدك طريق مفسدت ، اختيار ايتدك مسلك ملعنت برافامشدر . محمدعلى نى تعقيب ايدن واليرك احوال اداريه لرئى ومسلكرئى شويله جه براجال ايتدك نصكره اسماعيل پاشا عصر اداره سنك سيئات سياسيه سندن و مصر ك عاقبتدن بر نبنده بحث ايتامش ايدهميه حكيم .

محمدعلى ، اولادى ايچنده دولت عليه نك و خصوصيه خاندان معالى عنوان عثمانيك الكدهش دشمنى ، عداوت شخصيه سنى سوداى حكومتله مزج ايدنلرك مهمى محمدعلى نك خلفى واوغلى ودولت عليه اردوسى علمنه حركت ايدن مصر اردوسنك قوماندانى واسماعيل پاشانك باباسى اولان ابراهيم پاشادر . « محمدعلى نك اواخر حالنده (بوناق پاپاس حالا كبره مدى) ديه كلوب كيدنلره درد يانار ايمش . باقندى بابايه باقندى اوغله ! .. » بركت ورسونكه تصورات وترتيبات منويه سنى اظهاره وقت بوله مقسزين پدرى محمدعلى نك حياتنده فقط محمدعلى نك جنتى تحق ايتدك نصكره كرها در سعاده كيدرك تقلد ايتديكى وظيفه توليتندن اوچ آى كچر كچمز دست انتقام اجله تسليم كريمان حيات ايدرك احداث ايتك ايتديكى دغدغه وغانلهدن عالم اسلاميتى قورتارمشدر .

ابراهيم پاشا

بوندنصكره نوبت توليت حسب الاصول محمدعلى نك بيوك اوغلى متوفى طوسون پاشانك اوغلى ومحمدعلى نك زمان حياتنده كتخداسى بولان عباس پاشايه انتقال ايدر . واقعا بو آدم دخى محمدعلى نك خط حركتى واثرينى معقب ايسهده جناب حق بوذاتى ده بروحه مبتلا ايدرك دائما محافظه حياتى قيديله مقيد اولمقدنناشى اثر معاداتى فعليات درجه سنه چيقاراماز ايسهده ، لكن اوتارنچده صدر اعظم اولان رشيد پاشا مرحومه خيلى مخالفتار وكوچدكلر احداث ايلش اولدينى ده مرويدر . بوده آلدقلى ايلك تربيه نك حكيم واثريدر . حتى عباس پاشانك كتخداننى وظيفه سنى ايفا ايتكده ايكن بعض امور معلقه مصره نك تسويه سنى

عباس پاشانك
حالى وضرورت
اداره سى

ایچون اولوقت عباس پاشانک استانبوله کوندرمش اولدینی مناسترلی حسن پاشایه، رشید پاشا مرحوم طرفندن : (دولت عایه ۱۲۵۵ تاریخندنبری موقع اجرایه قویدینی وتأسیسنه چالشیدینی تنظیماتی وآنک ضمتنده حصوله کلان امنیت جان ومال قضیهسنی دلائله بالتشریح دولت علیهجه مجالس ومحاکم تشکیل وولایه ومأمورین ملکیه وعسکریه نیک وظایفی تقید ایله هر موقع ومقامه اقتضا ایدن قوانین وضع اولمش اولدینی حالد، مصرده حالا اداره کیفیه نیک دوام جریانی مصلحت وقته توافقی ایدهمیهجکی، وخصوصیه مناسبه موقعیه وحایه ایجابجه کندولریله معاملهیه کیریشلمش اولان اوروپالیرک شکایاتی دخی توالی ایلکده بولندینی، واکرچه مصر والیدکی محمد علییه ویریلان فرمان هایونلر موجبجه محمد علی ایله اولادینه تخصیص ایدلمش ایسهده، دولتک بوساحتی مصرک امتیازات داخلیهسی شکنده تلقی اولنه میوبغاتی یالکز مصر ایلالتی والیلکنک محمد علی اولادینه ویرلمش اولمسندن عبارت بولندینی، وهرنصل اولسه مصر، ممالک دولت علیه نیک برجزؤ متمم ومهمی اولدینی جهتله اصول اداره نیک توحیدی یعنی تنظیمات خیره نیک مصرجه دخی موقع فعل واجرایه قونلشی، والحاصل قوانین جاریه دولتک مصره دخی ادخالی لازمه دن ایدوکی...) توصیه اولمش.

مناسترلی حسن پاشاده ایشده کوردیکی جدیت ومناسبته، وکیم بیلیر دها نهکی لزوم وحکمته مبنی، رشید پاشانک تنبهاات وواومرینک اجراسنه وساطت ایتمک اوزره سوز ویروب مصره عودتله عباس پاشایه تبلیغ حال آیش ایمش.

عباس پاشا ایسه بوتبلیغاتی بیوکارندن حبه قدر آلدینی ودست تربیتله قبه اندر بیوتمکی کندوسنه بروطفه مقدسه ومهمه عدایتیکی ویا ایتدیرلدیکی فکر استقلاله مغایر کوروب، چونکه دولت علیه نیک قوانین واصول اداره سنه توفیقاً مصرده اجرا اولنه حق تعدیلات اداریه، خلق نظرنده دولت علیه قوانینه مصرک مر بولمینی کوسرهجکی کی. بوسیله ایله استنبولک نفوذیه مصرده ازیاد بولهرق بلکهده آتیده برحق تقشیده قرانورلرده بوخالدن محمد علی اولادی ضرر، ومرکز خلافتده کارایدن قورقوسیه اورالره یناشامش؛ وفقط مادامکه اوروپالیرک شکایاتی وارد؛ آنک بشقه یولده جازهنه باقیلور مطالعاتی دریش ایله آنلرک تجارتلرینی توییع ایتمک اسبابی تهیه ایله شکایاتک اوکنه طورمق

ایستمش؛ و از جمله اسکندریه دن سوبشه قدر بر شمندوقر انشاسنه تشبثله برابر تنظیمات ایچون رشید پاشایه سوز ویرن مناسترلی حسن پاشایی کتخدالق وظیفه سندن عزل ایلمشدر.

ایشک اکئی بلای ایتماک ایچون حسن پاشانک استانبولدن عودتیه عزل اولمسنک آره یرندن بر خیل وقت کچیرلمش اولدیغندن، حقیقت حالدن غافل اوله رق حسن پاشا کی عاقل و مجرب و محمد علی نك مشاور و مستشاری حکمنده بولنان بر ذاتک عزل ایدلمسی پکده معقول بر حرکت دکلدیر یولنده سرد مطالعه ایدن خیر خواهانه عباس پاشا: اوت افندم، بنده بیلورم؛ حسن پاشا عاقلدر، تجربه کاردر، حکیمدر؛ لکن نه چاره که ولوساقط و ناقص اولسون مصرده نم تصور اتم موقع فعل و اجرایه قونه جغندن بالضروره حسن پاشانک عقل و تجربه سندن استغنا حاصل اولدی ده آنک ایچون کتخدالق وظیفه سندن قالدیرلیدیمش. آندنصکره رشید پاشا عباس پاشایه، بوده اوکا مخالفتله میدان آله رق طرفین ده خیابجه ایلری کیتمش ایسه لرده بعض نقاتک خبر ویردیکنه کوره او عصرده صهریت سنیه ایله بیت الشرف شهر یاریه اقراران ایش اولان متفد و مشهور قپودان محمد علی پاشانک جیب طمعنه قونیان حطام دنیا تأثیراتیه اخیراً ایچریدن ایچریه یوللر بولنه رق عباس پاشانک اوغلی الهامی پاشا، جنتمکان عبدالحجید خان حضره لرینه داماد ایدلمش؛ و او یله آهین قلعه یه آرقه ویردکنصکره عباس پاشا رشید پاشانک صولت سیاستدن یقایی صیرمشد.

هرته ایسه عباس پاشا اداره جه مصرده ای کوتی برشی پاماش و اداره مملکت دخی محمد علی نك دور توایتده آلدیگی شکل دورانک حیزله یوروپوب کیتمشدر. عباس پاشا بش سنه قدر مصر والیلکنده بولندقدنصکره علی قول حلول اجل موعود یله وفات ایتمش و علی روایه «بنا» ده یاپدیرمش اولدینی کوشکنده یاتارایکن بر معناد کندیسینی بکله مکده اولان کوله لری طرفندن برکیجه او یقو آره سنده ایکن قتل اولمشدر.

تاریخله نه درجه یه
قدر اعتماد لازمدر.
آکا بر مثال

برکیجه مصرده رفاقتنده بولندیغم مختار پاشا، مصرک اعظم مأمورین و اعیانندن ووزرادن شریف وریاض پاشا لر ایله ایکنجی درجه پاشا لردن طلعت و ثاب و ذکی و شکیب و علی شریف پاشا لر ودها سائر لرینی دعوت ایتمش ایدی. بعد الطعام مصاحبت اولنورکن اورته یه عباس پاشانک اجل موعود یله می ویا

مقتولای وقت ایتدیکی بخی آیلدی. حضارک جمله سی عباس پاشانک عصری ادرک ایش؛ حتی اکثریسی او عصرک رجال مصلحتندن، وهله ریاض وشکیب پاشار بالخاصه عباس پاشا پروردگاندن بولمیش اولدقلرندن بونلرک برقسیم اجلیله، دیگر طاقی مقتولای وقت ایتدیکی ادعاسنده بولنه رق هریری دعواسنی تأیید یولنده برچوق دلیلر وبرهانلر ایراد آیلدیله. اجلیله وفاتی ادعا ایدنلر، عباس پاشانی غسل ایدن جامع الازهر شیخ المشایخی شیخ سقا وکلشی شیخی مرحوم حاجی اقدیلری بالذات استطاق ایدرک متوفنک وجودنده مقتولیتنه دلالت ایدر اماره وعلایم کوردمدکلی ایشدکارینی سوبیلدیله. بونلرک عکسنی التزام ایدن طرف دخی مشایخک ایشی حقیقت دأرئسند خبرویرماملاری مسئله سنک ایچنده بولتیق و سیاسی حاللرک موجود اولسی احتمالنندن نشأت ایده ییلوب، یوقسه کندولری جنازه نی معاینه ایدن اطبادن فلان وفلانندن عباس پاشانک مقتولای وقت ایتدیکنی ایشدکارینی، واوکیجه بکچی اولان کوله لرک نه ایچون فرار ایتدکارینی، وحی متوفنک اوغلی الهامی پاشا مرحوم بابانی قتل ایدن کوله لردن بریسنی استانبولده بیلم نرده واته کنی مصرده صورت مخصوصه ده تدارک ایلدیکی فداکارلر واسطه سیله ومکافات نقدیه وعدیله انتقاماً قتل ایتدیرمیش اولدیغنی، وحی بردفدهده سرخوشلق حالیه کوله لرک برینک برمجلسده اقرارینک سبق ایتدیکنی ادعا ایتدیله. براهینک تعددن ناشی هیچ برطرف دیکرینی اسکات والزام ایده مدی؛ حقیقت ده آره یرده قاینایوب کیتدی.

صورت محاوره ومباحثه نی اومجلسده ایشدیکم ائنده طرفینک ایراد ایلدیکی دلائلن ذهنده وجود بولان ظن غالب ایله افکار عمومیه مصریه نک خلافته اوله برق کندی کنده عباس پاشانک اجلیله وفات ایتدیکی رأینده بولمیشیم. دقت بیورسونک افکار واعقاد عمومیه نرده قالدی؛ بزم تحقیقات مخصوصه یه مستند اولان رأینر نه نتیجه ده قرار قیلدی. هر نه ایسه اوراسی لازم دکل آ!

فقیریا لکتر شورایی آکلامق ایسترمکه، شمدی بو پاشارک بعضیدی برتاریخ قلمه آلق مراد ایلسه ویا خود ایمهالنسدن بریسی محمد علی اولادینک برتاریخنی یازسه عباس پاشانک وفاتی هریری کندی مسموعات وتحقیقاتنه بنا ایده جکی، وهرکسک برطافم ادله قویه ایلده تأیید مدعا ایلیمجکی شه سزدر، عصر لکجر، کتابلر زمانک دست تخریبده اوغرا دده، ایکی متخالف روایتی متضمن اولان

کتابلرک بریسی محو اوله رق دیکری قالور ایسه میدانده قالان اثر واحدک حقیقت اوله رق بین الاخلاف تلقی اولمسی لازمکور. یوق ایش بویله اولموبده ایکسیده بردن یادی تداوله بولور ایسه حقیقتک تعدد ائیمه جکی اساسنه مستنداً مطلقاً بولردن بریسنک کذبیه حکم ایدلک اقتضایدر ایسه ده هانکی سنک کینه حکم ایده لم؟.. بکا قالور ایسه اوراسنی مطلقاً محررک قلمنده قوت وچک سنده کی شدتک درجه سی بیلور. یا اوحرره ایش یا کلش خبر ویرلش، ویا برپولتیه نک ایجابی اوله رق مسئله نک اوحررک یازدینی وجهله تشهیر ایدلمسی اقتضای ایش ده آنک اوزرینه تقلیب حقیقت اوله رق اویله جه اشاعه اولمش ایسه! آرتق آنی اویله ایش دیه قبولدن بشقه چاره قالماز. باقندی حاله که سامیسنی یازدیغ ذواتک جمله سی اوعصرک رجالتدن اولدقلری حالده میدانده چیقان برحادثه نک صورت وقوعنک حقیقتنده اتفاق ایده مدیلر!

شومالدن آکلاشلدی که تاریخک عمومه متعلق ائجائتمده، مثلاً حرب ایدلمک، صلح اولمق، قزانیلوب غائب ایدلمک، یوقدن وار اولمق، واردن یوق اولمق کبی نتایج بدیمیه ده؛ برملتک، برقومک عمومیه آئد اولان شیرلده ایشی تاریخک یازدینی کبی قبول ایدر ایسه کده، برحربک وقوعنه سبب اولان و حقیقهٔ برصلحی ایجاب ایدن شی نهدر؛ نصل اولدیده قزانیلدی؛ ایشک غائب اولمسه کیم سبب اولدی؟ بورالرنی تعیننده احتیاطلیجه طاورانمق لازم اولدینی مثلاً، فلان آدم فلان عصرده فلانی شوسیه مبنی اولدورمش، ویا فلان ذاتندن ده شویولده برفسالق صادر اولمش دیه یازیلان مباحثی ده هر حالده دوشونهرک تلقی ائتمک مقتضیدر.. بویله شیلرک حقیقته تقریب ایدلمسی وعلت واسباب موجبیه سنک حقیله میدانده قونیلیمسی پک کوچدر.

بو بحثک ده سوز کوتوره جک یری چوق ایسه ده فقیر یالکز شو قدر جغنی یازمقله اکتفا ایدرمکه، تا خلفای راشدین عصرندن بزه طوغری یوورالانوب کلان قرون متعاقبه صحیفنده وجودنما اولمش دیه کوستریلان، وعین حقیقت اولمق اوزره، یالیزلی عبارتله صافه ایدان اخلافه یوتدیریلان روایات وواقعات تاریخیه نک چوروکئی صاغلامندن آیرمق پک دشواردر. حال بویله ایکن اکثریسی برمسبتک آرزوسی ویا انفعالات نفسانیه زوری، ویا خود قومی برتعصب الجاسیله یازلمش اولان آثاری واولیابده ایراد ایدیلان اقوالی واجب الامثال بربرهان

تاریخی عدیلہ زیدک بغضندہ تفریط، عمرک جنبہ افراط ایدمک عندالعقلا تسلیم
اولنور قضایادن دکلدر. هله مسئله بر دین و آیین شکننده و کندی کندینی آلداتمق
ایچون لله فی الله یاپیلان برتولی و تبری صورتندہ کوستریلور، و آندندہ معنوی
رقزائج، اخروی برتمع هوسنه دوشولدرک بین المسلمین سفک دمای تیجه
ویره جک درجهده تفرقه حصوله کلیر ایسه، بوحالده بدبخت انسانک تمیز
حقیقت ایتکسزین کور کورینه کورده نکه تبعیت ایتسی ویا قیون سوریسی مثللو
بالتعقل کوسه منک حرکانه اویویورمیسی کبی مفطور اولدی بی برخصلت تقلیده
نتیجه مشومه سیدر دینه بیلور.

عباس پاشاد نصکره مصرده مقام ولایتی احراز ایدن سعید پاشادر. بونک سعید پاشانک
دخی اوتہ کیلر کبی کوچو کدن قولانغی زهرلنش اولدیغندن دولت علیه علمنه زمان اداره سی
اولدرق اجنبیلره بالالتجا استحصال استقلایت اوغرندہ صرف ایتدیکی امک،
واسراف ایتدیکی آبرو قالمامشدر.

خلقه اکنجه لازما! بونک بوحالی کورن اجنبی دوستلر مزدن! بعضیلری
هم منفعلترینی تأمین ایتک، همده سعید پاشانک املی یولنه کیرر ایسه حصول
تفرقه ایله بنای اسلامه خلل کک کبی ایکی باشلی برأییلکه دسترس اولمق
وبرموقیت حاصل اولمز ایسه حاضر پاره قزانیمش اولمقله برابر سعید پاشانک
حرکات مجنونانه سیلده اکنلمک اوزره بو ذاتی کوروکله دجه کوروکله مشلر،
(سون آتس) و (ویس رووا) القاب و عنوانلری ایله یچاره دی شیشیردجه
شیشیروب عادتاً جیلدرتمشدر! پاشامز. افراد ناس عندندہ (ویس رووا)
و حرم عالیلری (ویس رهن) عنوانیله یاد اواندجه، کندیسینی بو عنوانک
(ویس) لکنی قالدیروبدہ طوغریدن طوغرییه (رووا) عنوان فحاشتی
آلمق قیدینه دوشورمشلردر.

اوعصرده اوروپا یوتیقہ سنک مراکز اداره سی وبلکه بتون کره ارضک سعید پاشانک
محمود دوران سیاستی حکمنده اولان فرانسه ایمپراطوری اوجنجی نابولیونه داعیه استقلال
سعید پاشا انواع تکلیف و هدایا ایله جاتدرق، (یاقدینی شمع اوزرندہ کشی بروانه
کوک) ضرب مثلی حکمنجه فرانسه لڑک افروخته دست همت و عنایتی اولان
فامیالری اجزاسنک و خصوصیه مصر والیرینک دولت عثمانیه قارشى
۳۱ — باشزم کلاندر

ذیل ایدلامسی، و هر حالده استقلال لرینک استحصال یله دشمن شخصیلری اولان آل عثمانه خلد راه غلافه الی آخر الزمانه حضراته یونلرینک اگری براغلاماسی طلب و تمیسیله ناپولیونک بارگاه عظمتنه وضع جبین تذلل ایلر. بونک ضمنده مصرده بولان عموم اوروپاییلری و خصوصیه فرانسلری منون ایتک ایچون ایستلدیکندن زیاده قولاً و فعلاً امتیازات ویرر؛ مصر اهالیسی اوروپالیرک اسیری حکمنه قونور، ایش بر درجه یه ایصال ایدیلورکه برقونسولس خانم کمنک حکمیله نرده قالدی افراد اهالیدن بریسی، حتی ادنی بر سبیله حکومت مصریه بیلر برفرنکه تضمینات اوله رق یوز بیکلرله لیرای سوه سوه تأدیه ایتمکه محکوم اولور!...

نهایت بر آرائق مشاورین خاصی اولان یادکاران اجانبندن بعضیلری دیرلرکه: امکنس ییک اولمز؛ و تشبثات فعلیه ده بولنمدقچه مجرد برامیه ایله شاهد مقصود آله کیرمز؛ سزک ایستدیکنز استقلالک استحصالی لامحالله بر سبب ظاهرینک وجودینه متوقفدر؛ بوده هر حالده مصرده قوای عسکریه نك تزید و تحشیدی، ونوعما دولت عثمانیه نك تهذیدی یولنه کیلمسیله اولور. سز مناسی وجهه خطئه مصریه داخلده عسکرله مانوره و نمایشلر اجرا سنده بولنکنز، آتیشنی فرانسلرله براقیکنز، چونکه او حرکتکنز سببیه دولت علیه سزدن ایضاحات ایستمکه مجبور اوله جغندن اولوقت طلبکنز هر نه ایسه آتی جواباً درمیان ایدرسکنز، بر طرفدنده اوروپایه فریاد نامه لر یاغ دیررسکنز؛ طبیعیدرکه ایش بین الدول حل اولنق اوزره اورته یه قونور؛ فرانسلر زده دوستقلرینه ترتب ایتدیکی وامکانک مساعد اولدینی درجه ده غیرتکنزی کودمکده قصور ایتزلر؛ اما او دوستلق، او همتک رنگ و شکلی نصل اوله جقدر؛ اوراسنی نه سعید پاشا سؤال ایدز، نه ده آنلر تعین و ایضاح ایلرلر.

سعید پاشا درحال قوللری، پاچالری صیغایه رق مصرک عساکر موجوده سنک مقدارینی یوز یکریمی بیک نفره قدر چیقارمش؛ جمله سنی کافه لوازمات یله برابر مسفر برحاله قویه رق مصر سفلاده کزدیرمدیکی اراضی، مانوره اجرا ایتدیرمدک مواقع بر اقامش. قلعه لر وجوده کتیرمش، استحکاملر یامش؛ طوپلرک، تفنگلرک عددینی تزید ایتش؛ الحاصل برتجهیزات عسکریه، برکورولتی، برخارلدی که

اورتالقه قیامتله قویبور! بواشادهده نیچون بوعسکری طویلا دیکیز. مقصد کز نه دره دیه باب عالی دن برسوال وقوعی بکله نیور..

باقیدی ایشک تحننه که سعید پاشانک بو حرکات مجنونه سندن فرانسزلر سویش قنالک بر بشقه صورتلده استفاده ایتک هوسنه دوشمشلر. ذاتاً بزم شرقیلرک آچلمسی باعث هانکی ایشی وارد که اوروپا لیلردن بریسنک تشویق و ارشادیه یاییلورده آنک ضمنتده اودولتک بر استفاده سیاسیه سی وقوعبولماز؟! فرانسزلرده مصرک بو حال و موقعندن واوراده غایت مؤثر اوله رق جاری اولان نفوذلرندن استفاده ایتک ایچون وقیله مصرده فرانسز قونسلوسلنی ایتش اولان (دولسپس [*]) ک سویش قنالک فتح وکشادی حقنده کی مطالعاتنک تطبیقانه کیریشملردر.

چونکه فرانسزلر بحر احمرله آق دکرک حصول ارتباطی حائنده انکلیزلرک مستملکاتنه و تجارتنه تعرضله اوجاغنه ایجیر دیکمک ایستورلر ایدی. (صکره دن قنالک فتحی مقصدنی محافظله ایدمه یه رک قتالی آچلمسینه معارض بولنان انکلیزلرک ائنه دوشوردیلر یا! چونکه قتال قومپانیه سنک اکثر اسهامی، خصوصیه مصره عائد اولان حسمه نک بتونی اخیراً انکلیزلره کچدی. «کیم بیلور که کیم قرانه کیم بیه» ضرب مثلی مشهوردر.)

الحاصل فرانسزلر مصرده کی موقع ونفوذلرندن بالاستفاده سویش قتالی آچمق ایچون سعید پاشایه قارشو کوستردکلری آرزو سعید پاشانک منفعت و تصوراتنه موافق کلوب، چونکه قتال آچلمش اولور ایسه دولت علیه یه تابع اولان سوریه اراضیسندن خطئه مصریه یی تقریق ایدمک برحد قاصل ویا صعب المروور برمانع مهم سیاسی وجوده کله جکندن، و بوده مصرک استقلالنه و او استقلالک تحت امنیتده دوامه یاردم ایدمک وسائلک اعاضمیندن عد اولنه جقندن سعید پاشا قنالک فتح وکشادینه، باب عالینک عدم موافقته رغماً فوق العاده اصرار ایتش و فرانسزلرک ایستدکلرندن زیاده تمهيلات اجراسنه همتدن کری قالمامشدر.

اخیراً فرانسزلر سعید پاشان آلدقلری موافقتنامه یی دارنده ایدرک دولت علیه نک اوزرینه یوکنده یلر شویله یاپدیله، بویله ایتدیله ناپولیونک بتون دنیاده

[*] دولسپس قتال قومپانیه سنک مؤسسی. منبسی. نمایانک ناطری. اماصل قنالک موجودی اولان اختیار بر فرانسزدر.

جاری اولان نفوذینی من کل الوجوه استعمال ایله عاقبت دولت علیه دن ده مأذونیتی متضمن اراده استحصالنه موفق اولدیلر .

قنالک فتحی عملیاتنده هر کون آلتش بیک نفر عمله مکلفه مصریه آنغاریه اوله رق وهمی و خیالی پیر عشقنه دکل ؛ مادی و تجاری موسیو (دولسپس) ک قومانیه سی هواسنه ، و یا خود مصر والیسک استقلالنی ایجاب ایدمک بروسيله نک وجوده کتیرلمی اوغرینه چالیشیور ایدیلر . لاف دکل ! اوتوز بیک عمله موقع عملیاته تقسیم اولنش اولدینی حالد ایشده ، اوتوز بیکی ده ایش باشنه کیتمک اوزره یوله بولنیوردی !...

تا مصرک قطعات بعیده سندن کونلرله مسافه قطع ایدرک قامچی و قریاج آلتنده عملیات محله قدر کیدوب کلان مساکن امتک آچلقدن ، صوسزلقدن ، چپلاقلقدن ، صیجاقدن ، صغوقدن ، خسته لقدن کوردکری محن و مشاقک ، چکدکری مظالمک ، وقوعه کلان تلفاتک درجانی هیچ سؤال اولنسونکه یورکلر تحمل ایتمز !

ایه ! بودرلو عذاب ایله تعذیب ایدیلاں و اداره حکومته قارشی محقر بر حیوان سوریلی درجه سندن ده آشانی فرض اولنان اهانیک قلبنده ترکله قارشو اثر محبت باقی قالورمی ؟ چونکه مظالم واقعه ترک جنسنه منسوب افراد طرفندن ایقاع اولدینی کوریلور ؛ البته ترکلرده عموماً بویه ظن اولنیوردی . ایشته بوقدر کورولتولر ، ظیرلیر ، خسارلر ، ضررلرکه درجه سی آشاغیده اسماعیل پاشانک دور ولایتی بچشده اوقونه جقدر ؛ بونلرک جمله سی هپ محمد علی اوغللرینک مصرده بر حکمدار مستقل اولملری ایچون وقوع بولیوردی . « لاحول ولا قوه الا بالله »

سعید پاشانک
تکمله اسباب
استقلال
هر نه ایسه کله صدده : سنه لر کچدی ؛ مصرک تحشیدات عسکریه سی . اسبانک استیضاحی ایچون در سعادتن برشی ظهور ایتدی . الحاصل باب عالییه قارشو سعید پاشا مقصدینی آکلاتمغه فرجه بوله مدیغندن ، دولتجه ده اويله بر شینه سبب ویرلدیکندن بیچاره نک دردی یورکنده قالدی !

خریص اقبال اولان بو آدمکیز حدتدن شو شهرده ، بونه رده بتون کون عسکری ، خطه داخلنده کز دیروب طورییور ؛ قلعه یا بیور ، استحکاملر وجوده کتیریور ؛ مصرف ایسه طاعلری آشمش ، خزینه ده طاقت قالمش ، بو حاللر بتون بتون

سعید پاشانك تدبیرینی شاشیرتدیرمش و آرتق واردات معتاده مصریه ایله عسکر اداره اوانه‌ماز برحاله گلش اولمقدن ناشی ایش اوروپالیلردن استقراضی نتیجه ویرمشد. [*]

نهایت مسئله‌نك منجر اوله‌جفی عاقبتی بالواسطه ینسه نابولیوندن سؤال ایتدیردیکنده: (دها ایش درجه اشباعه گلامشدر؛ برازدها طیامسی...) جوابی آلیر اما؛ مصرک خزینه‌سی وعصره کوره اعتبار مالیسی طیانیر قالیر! بر آلاق فرانسلردن کوره‌جکی صحابتک، ومصرک کسب ایده‌جکی اداره‌نك شکلی و درجه‌سی نابولیوندن صوردردیغنده: (شم‌دیکی حلاله مصر کندی کندیسنی اداره‌یه مقتدر وزمان ایسه مساعد اولیه‌جغندن، کوزهدیلان فرصت آلورنجه‌یه قدر برمدتجک فرانسه‌نك تحت حمایه‌سنده یشامسی صورتیه دولت علیه‌دن فك ارتباطی چاره‌لرینك دوشونلکده اولدینی) جوابی آلتجه حدتندن دلی سعید پاشا بتون بتون چلدیرر! (مادامکه حمایه‌ده یشایه‌جقدم؛ بنم منسوب اولدیغ دولتک صوینی می چیقدی ایدی. آ دوستار حالمزه باق!) دیه فریادلر ایتدجه طاواندن توزلر دوکیلور ایش. بیچاره سعید پاشا! مصره ایتدیکی سیاسی ضایعاتلره، ویردیکی کرانها هدیه‌لره، اسراف ایتدیکی آبرولره، کیردیکی بورجلره، تلف ایلدیکی امواله، خلقه قارشو دوشدیکی ورطه خجالت، بونلرک جمله‌سیله برابر برده آلدائمش اولدیغنه می آجیسون؛ فرانسلرک کوستردیکی طور معهوده می یانسون؟! . . .

برکون پاشا مضطرب الحال؛ دائماً عادتق اولدینی اوزره یالین آیاق، باشی سبید پاشانك قباق سراینده آشانی یوقاری کزینیر، و آ کلاشیلان عسکرک دفی چاره‌سی دوشونورمش. چونکه پاشانك کندی کندینه عسکری صالیورمسی‌ده کبرینه طوقدیغندن مطلقا بورای و تدبیری راساً برینك تکلیف ایتسنی ایتسرایمش. اوصرده کندینه نسبت خاصه ایله منسوب وممتاز اولانلردن طوبجی شاکر پاشانك کلدیکنی خبر ویرلر. (ها تمام! بن ایشی بوذاته آچارم؛ اوده طبیعیدر «ضررک نرسندن دونیلور ایسه کاردر» دیه لایطاق بو قدر کلفت ومصرفه کیرمکدن ایسه عسکری طاغتمق ده خیرلیدر رأینی درمیان ایله بنی ایفاظ ایش اولور؛ بن‌ده برار ناز ایشدکن صکره آلك اخطارینی قبول ایدرک مقصدی تأمین ایدرم) یوللرینی تصور ایدرده پاشانی یانته چاغرتدیرر. مسئله‌نی

[*] مصرک سبب خرابیسی اولان استقراضلرک باشلانجی ایشته بونقطه‌ده‌در.

آچار؛ استانبولك بو باده كنديسندن برشى سؤال ايتديكنى، بو كيديشاه اوليه برشى سؤال ايتمه جكنى ده آكلاديغنى وفرانسزلرك حالى آكلاتقدن صكره چاردهنى ورأينى صورار. پاشاي مستشارده سعيد پاشانك بلكه مزاجنه خوش كلور مطالعه سيلاه آنك انتظارينك خلافنه اوله رق: (هر حالده مطلبك حصولي ايجون طيامليدر) رآي مدهانه سنى درميان ايدنجه؛ پاشامن بر حدت باشنى بخرده دن طيشارى چويروب: (سن كيتده، سزك اوك قاپوسنك آرقه سندن ايجه طيانكه زنياره كيرمسون!!) جواب باردننى بلاتكلف ويرمش و صورتى قاصه رق پاشا مسافرى عادتاً او طه سندن قوغمش ايمش. [*] (آكلاشيلان بو شاكر پاشا بويله سوزلري ايشيده ايشيده قولاقلىرى آلسديرمش بنداكدن اولمليدركه، بو زهر جان ستانى ده امثالى مثللو يودوب كيتمشدر.)

نهایت بركون عسكرك ييه جكي يوقدر، نه يابه جغز ديه كنديسندن رآي وتدبير سؤالى ايجون كلان بر قوماندانه كويا حدت ايتمشده طوپلري يئاشد يروب اسكندريده قبارده بولنان عسكرك مطبخلىنى كاملاً زيروزير ايتدكن صكره عموم عسكرى وضابطانى طاغتمش وعالمده سود ليمانلق اولمشدر.

كويا قوه قوميه سنه مستنديغنى كنديسنك مصرلى اولديغنى ومصر ليله استناد ايتديكنى اوروپا ليله قارشو بيلدير مك ايجون الك اول مصرده تركرك استخدانى منع ايدن سعيد پاشادر. تركره او درجه صورت نفرت كوسترر ايمشكه (تركن طوغديغمه نادم) سوزى، و (بى تركره نسبت ايتديرن طمارك وجودده هانكيسى اولديغنى بيلسم آنى چيقارر ايدم) جمله سى هروقت وردزبانى ايمش.

[*] سعيد پاشانك علو طبعيله برابر اداره سنده اولدجه بر فكر علويت وار ايمش. او طبيعتك سوقيه بالا پرواز اولق ايجون مزاجنه موافق استتلال هوالرى آزار ايمش. يا صكره دن بزم مصرده ادراك ايتديكمز عصرده مصرك رجال مصلحتى كبر فرعون ايله ذلت يهود كى ايكي متناقض خصلتك ايكنسى ده بر آرايه جمع ايله اثبات وجود ايتك ايسيتورلر ايدى. مثلاً هولاندالى لوستره جى «ژان» مجرد اوروپا ليدر وباشنده شابقه سى واردر ديه تعظيات كامله ايله قبول اولنور، آكل قارشو اختيار ايدللك ذلت قالماز، او لوستره جى ده بونلرك اكسه سنده بوزا پشردده هيچ برشى ديتز ودينه منر. بو بويله ايكن زده قالدى برتركه، حريقلر دولت عليه نك باب عاليه بيله اظهار عظمت ايتكه يلتنيورايديلر. استانبولك دوستى اولمقن ايسه بر اوروپا لينك عبد مملوك بولمقى هر حالده مرجحدر دييورلر ايدى. اما بواقرار، لسان قالك ايتديكى بر اعتراف ظن اولنسون، لسان استعداد و افعالك منطوق اولان بر اقراردركه تاويل وتوجيه قبول ايتمه جك درجه ده متين واستواردر.

ایشته بوذاتك ده بوقدر خراتی، دیراتی ایچنده عمرینی عاقبت ایردیرمك مرادی کوزنده قلدینی حالدہ تکمیل انفاس معدودۀ حیات ایدرك یورومش؛ بو قدر کورولتینك احداث ایتدیکی بورج ایسه آنجق ایکی میلیون لیرا راده سنده بولندیغی حالدہ اوبورجی آنکله برابر میدانی، خلقي اولان اسماعیل پاشانك حرص و آزینه آچیق اوله رق براقوب کیتمشدر. بوکاده مناسب ایسه حق رحمت ایلله دیرز!

اسماعیل پاشا، تولیتی متعاقباً قوردیغی دولاب احتیالی تدویر ایچون محتاج اولدینی قوتی مرحوم سلطان عبدالعزیز خان حضرتلرینه حاصل ایده جکی بر انتساب خاص ایله میدانہ کتیره جکنه قانع اوله رق پادشاه مرحومی مصره دعوت ایله کوستردیکی تبصصات کاذبه ایله جلب قلبنه موفق اولمشدر. اداره تعینی مصریه نك صلاحیت امتیازیه سنی توسیع و اصول وراثتی تعدیل ایتك وعقد استقراض ایچون غایت واسع مآذونیتلر استحصال ایتك هپ اسماعیل پاشانك حاصل ایلدیکی نسبت خاصه نك صنیعۀ فسادیه سی اثریدر.

لکن صدر اعظم عالی پاشا حیاتده اولدقجه بو اثر فساد مهلاک درجه ده اظهار وجود ایده مامشیدی. آندن یعنی عالی پاشانك وفاتندن صکره حضرت پادشاه نزدنده پک ایلری یه کیدن نفوذ و حیثیتك درجه سنه بر مثال اولمق اوزره یالکز آتیده کی نمونه یی اراءه ایتك کائیدر اعتقادنده یم:

بونازنیم اخیراً آبراهام پاشا نامنده برارمنی در سعادتمده مصر قیو کتخداسی نصب ایدرك مرکز دولته تعلق ایدن کافۀ معاملات و مصالح مصریه یی آنک دوش شیطنته تحمیل ایش؛ آبراهام پاشاده بعض وسائطله حضرت پادشاهه تقرب ایدرك رتبه وزارتیه قدر ترقی ایتدکدن صکره مصر دن آبراهام پاشانك یالسنه اورادنده بشکطاشه طوغری آقینتی حاصل ایدن بانقوتلار قوتیه اسماعیل پاشا سر اجمه الصادق، اک درایتی، الشریف، الطالیجناب، اک دوست بر آدم اولمق اوزره طانمش و (قلعه ایچریدن آل نور) ضرب منی حکمنجه والده لر یئینده حاصل اولان قربات جنسیه و ملیه نك دخی ایشه خلیجه تاثیر اولمش ایش! ایشه حاصل اولان بو شدت انتسابك خلافتده ارکان دولتن برکیمسه شق شفه ایده میه جك درجه یه گمش. چونکه وکلادن هانکیبی اسماعیل پاشا خلافتکیر لیکله مضمون اولسه در حال آبراهام پاشا طرفندن آنک ارضاسنه

چالیشیلیر، شاید او ذاتده عقیف النفس ویاخود کارگذاران عصرک تعریفه کوره بجرکنز برامق اولمق جهتیله طریق بولنوبده ارضا ایدیله من ایسه عزل ایتدیرلمسنگ چاره سی آرانیلور ایمش!

حتی حسین عونى پاشا صدارتنده بوخبايیه واقف اوله رق بو (أتریا) جمعیت فسادیه سنك اوکنه کچمک و آنلرک فیرلداغنى چویرتدیرمامک ایستدیکی اسماعیل پاشاچه حس اولمسیله، آبراهام پاشانک کرچکدن درکار بولنان اعتبار مالینسنگ معاوتنه مراجعت ایتمش؛ آبراهام پاشاده هر وقت معتاد اولدینی کبی ینه برکونده اوینامقده اولدینی طاولهده یکیلرک اللى بیک لیرا ضرر ایتمکله حسین عونى پاشانک عزل ونفینى قزانمش ایمش؟! نه مهم موفقیت، نه بدبخت برکار، نه مخرب برسیاست... کیم بیلور آبراهام پاشا ایشى او قدر استعداد کتیرنجیه قدر نه قهبلر قورمش، ویشقه واسطه لرلده نیجه بیک دره دن نه قدر طاتلی صولر کتیرمشدر. فاعتبروا یا اخوان! . . .

هر نه ایسه ایش اولور بتر؛ حسین عونى پاشاده تکر مکر تا مسقط رأسی اولان اسپارته یه قدر کیدرده، اوراده عقلی باشنه کلرک بو دیمه نك نره دن ونصل کلدیکنی اکلار!

حسین عونى پاشا دولت علیه اردولرنده خلیجه آدمار یتشدیرمش وعسکر بیننده کسب نفوذ ایدرک طرفدارانی پک چوق بولنش اولدیغندن بو قوته کووه نرک (انسان دوشدیکى یردن قالقار) دیه آبراهام پاشایه بالواسطه مراجعتله «نصل تبعید اولمش ایسه اوله جهده تقریبنگ چاره سنى بولمازایسه، اوچ آیه قدر کندوسنى یوق بیلدسنى، یعنی حیاته سوء قصد اولنه رق وجودینگ اورته دن قالدیریله جغنى...» افهام ایله ارمنی وهمه دوشورمش ایمش. حسین عونى پاشاچه ده او قوتک موجود اولدینی آخبار جنابلرنجه مجزوم حکمنده ایمش. حقیقه چوق کچمکسزین حسین عونى پاشا عفو واطلاق اولمشدر.

ارمینک شیطنتندن زیاده حسین عونى پاشانک کندیسنى اولدیرمکه قصد ایدن قلیجه حیاتی صاتون آلمسی تدبیری واولبابده کی جسارتی شایان دقتدر. حسین عونى پاشا نه قباسته نفی اولندی؛ صکرده آبراهام پاشا آنک اطلاقه نصل یول بولدی؛ بورالرینه متعلق معلوماتی او عصرک خصوصی تاربخنده آرامق لازم کلیر.

عنوان شایسته سلسله خدمت دوله انسالک ايله رفته رفته ترفیع ربه
ومقام ایدرک بالاخره خارجیه نظارتیه قدرارتقا ایدن مصر امراسدن شریف
پاشازاده مشهور خلیل شریف پاشا، خدیو اسماعیل پاشای ماهیتیه طانیدبندن
مجلس وکلاجه اسماعیل پاشانک منویات وطلبات و اجرا آتک خلافکیرالکله
شهرت آتش ایش. خلیل شریف پاشای اطماع وارضا ایده مدیکی کبی مشارالیهک
یولندیغی خارجیه نظارتی مقامندن عزلی واستانبولدن تبعیدی اقتضا ایدرک بونک
ایچون اسماعیل پاشا طرفندن استانبولده ایکی یوز بیک لیرایه یقین بر مبلغ صرف
اولمش، وعاقبت نائل امل اولهرق خلیل پاشای پارس سفارتنه تعیین ایتدیر مکله
استانبولدن دفع ایتدیرمش اولدیغی اووقتی ادراک آیش اولان مصر رجال مصلحتی
عندنه قضایای مشهوره ومسلمه دن اولمق اوزره سویلنیور ایدی.

اسماعیل پاشا، اوروپا لیر ايله ممالک مستقله حاکمیری کبی طوغریدن طوغری به
کمرک وتجارت معاهده سنی یا بمق امتیازنی پک بیوک فداکارلقره مقابل اوعصرده
قزانشیدی. انظار خلقه ایش معاهده شکلنده قونلماق ایچون او صلاحیت
وماذونیه مقاوله نامی وبرمش، وبوبابده یازیلان فرمان هایونده کویا (طوغریدن
طوغری به اجنبی بردولته معاهده عقدینه مأذوندرلر) تعبیری رینه: «خدیولر،
اجنبی بردولت مأموریه مقاوله یابیلورلر» قید احترازیسی درج اولمش؛ یعنی
بر دولته معاهده یاپه مزده، بردولت مأموریه کمرک وتجارت مقاوله سی یامغه
صلاحیتی واردرد دیمشدر. بوفرمانک آخرینده برجهله تأمینیه اولمق اوزره دولت
علیهک اساس پولتیقسینی اخلاص ایتماک شرطی علاوه ایدمشدرکه بونلرک جمله سی
خرسری اوبرقودن اولک ایچنه قبول ایتدکن صکره سلاح بدست اولهرق-ووقق
قیوسنده بکله مک بکزر.

ایشته اخیر آتوفیق پاشانک مصرده عهد تولیتده غیرتور ووطنپرور مصر لیرلر، توسیع فلسان
انکیزلرک مصرده بولملریغی وآنلرک حمایت معنویه لرینی ودولت علیهک سائر دولتلر
ایله منعقد بولان تجارت معاهده لری مدتک ختامه ایردبکی زمانی فرصت عدیه
ایجاب ایدن دولت مأمورلرله چاترجاتر معاهده لرینی یابدی طور دیلر؛ وبزی ده
خارجدن سیرجی حکمنده براقیدیلر. مصر لیرلر آناندقلری فرمان هایونلرله حقیقه
حقه مالک اولمش اولسلر وسلطت سزیده فرمان هایونک اوجهل سنی حکمت

و مصلحتہ موافق اولہرق تفسیر ایدہ مسہ بیلہ ، مادامکہ دولت علیہنک رضایی و ہیئت معظمہ اسلامیہنک منافی خلافہ اولہرق بوکونکی کونده انکیزلر مصرده در ؛ مادامکہ مملکتده بر مسلمان مملکتیدر ؛ شو صرده داعیہ استقلال ایلہ دولت علیہدن حیل ارتباطی کسمک یولنده کی تشبثانک آتیده محمد علی اولادلریلہ آنلرک هوادارلرینہ وعموم اہالی یہ کورہ پک وخیم و دولت علیہجہ دخی کرچکدن الیم ضایعاتی موجب اولہجغنی حساب ایتدیلر ، اوبابده طرفزدن وقوعبولان اخطاراتی ده سمع قبولہ آمدیلر ؛ چونکہ انکیزلرک قنادی آلتندہ بولمق مصرک ایش آلرنجہ وخدیو توفیق پاشا جماعتجہ دولت علیہ تابعیتدن بیک قات خیرلی اولہجغنی حساب اولنیوردی .

برتحفی ده شوکہ : برآراق اسماعیل پاشا ہر سنہ مصر قاضیلرینک استانبولدن کلینی ومصر حکومت شرعیہ سی دارالخلافہنک نفوذی آلتندہ بولمسنی مانع استقلال بیلہرک کندولرنجہ بویلہ بریولسر اصولک دوام جریانہ اعتراضی مهم عد ایدرک مصر قاضیسینک بعدما عزل اولنامسی ، و حسب الايجاب تبدلی اقتضا ایدرسہ حق انتخابک خدیویت مقامنہ مفوض بولمسی تکلیبنی دولتہ قارشو ایلری یہ سورمش وطلبی وجہلہ اجرای اقتضاسندہ مساعدہ بیورلمش ایسہدہ ، بومساعدہنک مخصوصاً بر فرمانہ ربطی ایچون استانبولدن یوزبیک لیر ایستلمکدہ اولدیغنی قپو کتخداسی حضرتلری اسماعیل پاشایہ عرض ایدنجہ پاشانک فسی باشندن فیرلایہرق (بکا آرتق فرمانک لزومی یوقدر ؛ بوبابده مقام صدارتدن صورت طلبمزہ مساعدہ یی حاوی کلش اولان تلغرافنامہدہ یدیمزدہ سند اولمق اوزرہ کافیدر ؛ بر پارہ بیلہ ویرم) جوابی ویرمش وقاپو کھیاسنک مراجعتی رد ایش ایمش .

روایتہ کورہ بوایش فرمانہ ربط اولمق اوزرہ اخیراً بزمکیلر اون بیک لیرایہقدر راضی اولمشار ایسہدہ ، اسماعیل پاشانک عنادینک اوکنہ کچہ مامشلر ایمش ؛ چونکہ بودادوستدہ ایی قیرمق اوزرہ اسماعیل پاشانک آتیدہ کوریلہ جکی وجہلہ فرستلر آزادینگی زمانہ مصادف اولدیغنی ایچون استانبولہ قارشوقفا طوتمشدہ . بویازدیغ شیلرک مأخذلری ثقہدن بونان اصحاب وقوف ومعلوماتہ اکثریسی مصرک ایش آلریدرکہ مقصدلری بویلہ آجی سوزلرلہ جکر کاہمزہ اوقلر صوقق وغفلتمزہ قارشو تقاضا ایدرک بزم لایق سیادت اولمدیغمزی آکلاتمقدر . ہرنہ ایسہ اللہ بیک بیک برکت ویرسونکہ اسماعیل پاشا حدت ایتشدہ ایستیلان

پاریزی ویرمیش ، اگر چه ویرمش اوله ایدی ، صکره دن بزم بولندیغمز عصرده
ایش پک صریه صاراجقدی . ایشه مصر ایملرک آئنده بویوله برفرمانک اولماسی ،
وبرده انکلز قونسوسی (سیر اولین بارنغ) ایله رئیس نظار ریاض پاشانک
حقایقه نظارتنه نصب اولسان برانکلز مستشاردن طولای آرالرینک بوزوق
اولدینی برزمانده اسماعیل پاشانک یکرمی سنه دنبری مصرده قاضی نصب ایتدیردیکی
قیوجقلی زاده عبدالرحمن افندینک وفاتی وقوعبولدیغندن . دولت عثمانیه خلا فکیرلیکی
ایله مشتهر اولان ریاض پاشانک انکلزلره رنخما سکوته واردینی برصرده ده ، مختار
پاشا فرصت بولهرق خدیو توفیق پاشانی قواتوقلایوب جسارته کتیرمش ، خدیوک
مشاورلرینک دخی فکرینی طولدیرمش اولمسندن ناشی برکت زاده عبدالله جمال الدین
افندی استانبولدن قاضی نصب اولنهرق مصره کله ییلمشدر . والامصر علماسندن
برسی مصرجه قاضی انتخاب اولنور ولطف ایدرلرایسه تصدیق مأموریتی ایچون
برده دولته مراجعت ایدیه ییلور ایدی .

دولت علیه نک امنیت عدلیه نی اساسندن اخلال ایدن توقیت قضا اصولی ،
آزدها خوشاب بولاشینی قدر مصر اوزرنده قالان حق قضاسنه دخی سوءسرایت
ایدرک دولتک حقوق حکمرانیسندن معدود اولان بریوک پارچه نی محواید جکدی .

فلسدالاخلاق بو حیه کار آدم یعنی اسماعیل پاشا ، حرص وطمعی وسوء نیتی اسماعیل پاشا
نمرسیله هم مصری بتردی . همده مصرده هر نه یاییلور ایسه مرکز خلافتک
امروزضاسنه مستدأ یاییلور و استانبولده کیلری طوبورمق ایچون استقراضلر
عقدایدیلور اشاعایله مصرک وبالضمن بتون قعاعه عربیه نک مرکز خلافته اولان
حسن ظننه و خلوص نیته خلل کتیردی . صرهمی کشیکن اسماعیل پاشانک
نیات واجراآت فسدمنک دولته قارشی اولانلرندن بعضیلرینی علی طریق الاجال
بوراده ذکر وقید ایتمکدن کندیمی آله میورم .

دور عزیزیده بحراحرک غربی اسکله لرندن آفریقانک غایت مهم مدخل
ومخرجلری اولان - واکن ومصوغ وزیلعن ، الحاصل ستون شرق آفریقا
ساحلنک اداره لرینی مصره ویرمکلکمز هله بزم صافی درونالغمزدن ویا خزینه
دولتک تربید وارداته محتاج اولدیغندن ویاخود اغفال ایدیش اولمقاعمزدن شات
ایتسون . بواداره لری ضمیمه آله آلمقن اسماعیل پاشانک مقصدی نه ایدی .
اورالرینی عجباً هیچ تأمل ایتدکم والآنده تأمل ایدرک بیلورمی بزم ؟

اسماعیل پاشا
کیمدر واجرا
آتی ندر ؟

خطهٔ یمانیه ده عسیرامیری محمد بن عائض ایکبوزسکسان یدی سنه سنده عصیان ایدرک حدیده نی محاصره ایتدی. بوعصیانی کیم وجوده کتیردی ؛ اوحرکات اختلالیه ده مجرد مصره عقدینه اذن ویردیکمز استقراضلرک اچمه سیله و وسائط صوریه و معنویه سائرته استعمالیله اسماعیل پاشا طرفدن وجوده کتیرلرکنده و بوابده استانبولده کی روسیه سفیری اغتایف ایله مخابره و مذاکره ایدرک اسماعیل پاشا اغتایفک و اغتایف اسماعیل پاشانک مروج افکاری کسلمشیدی. چونکه ایکسنگ ده هدف مقصدی حکومت عثمانیه نک زوالی نقطه سنه متوجه ایدی. الحاصل یمن ایشنده ده بربرینک آلت اجرا وفسادی اولدقلرنده اصحاب وقوف و معلوماتک هیچ شبهه سی یوقدر. زیرا بووسیله ایله اسماعیل پاشا یمن کلاهنی دخی قاپه جق ایدی ؛ یعنی طاتلیق و خلوص نیت و حسن تمشیت مصلحت طریقله یمنک اداره سی دخی کندوسنه آلیوریلرک بوضورتله جزیره العربیه پای انداز تجاوز اوله جق و آتیده اغتایف ایله یالیش اولان بیوک پلانی وجوده کتیرمک ایچون علی الحساب اوله رق خطهٔ حجازیه نک آرقه سی آله جقدی. برکت ویرسونکه صدراعظم عالی پاشا مرحومک آیانی صویه ایره رک درحال بفرقهٔ عسکریه ارسالیله ایشی تشنج ایتکسزین و اوروپای دوستلرمز ! پارمغی کیردیرلمکسزین یمن غائله سنه نتیجه ویردرمشدر .

سکسان اوچ سنه هجریه سنده کی کرید اختلالی ائنانسنده کویا مصر وایلرینک امتیازینی حاوی اولان فرمان هایونلرک احکام ظاهره سنه توفیق حرکته کوزمزی بویامش اولمق اوزره مصرک بعض واپورلریله مصر عسکری کریده کی قوهٔ عثمانیه ایله هم دست وفاق اوله رق چالیشمغه اسماعیل پاشا طرفدن مأمور اولدقلری صروده ، ینه بو اسماعیل پاشانک کریده بولنان شاهین پاشا کی بعض ایش ارلری واسطه سیله اشقیایه معاونت ایتدیکی و آنلره پاره و سائر محتاج اولدقلری لوازاماتی یتشدیرمکده هیچ قصور ایتدیکی حقایق احواله مطلع اولانلرجه متفق علمیدر. بوده بلکه کرید اداره سی ده حکومت مصریه ضمیمه ایدیلور، شاید ایدلزایسه باری روملرک دوام ایدن عصیانندن متضرر اوله جق اولان دولت علیه نک دوچار اوله جغی ضرر کندی فائده سنه خدمت ایدر مطالعه سنه منی بولنیوردی . [*]

[*] کذا روسیه محاربهٔ اخیره سنده ده صرب قومیه سنه قرق بیک لیرا اعطا ایله عصائی تشویق ایلدیکی کی، برطرفند روم ایل به عسکر کوندره رک کویا دولت عثمانیه یاردم ایتشدی.

اسكى زمانلرده روسيه نك ويا بردولت اجنيه نك بفسير فوق العاده ارساليه دولته بعض مطالب تكليف ايتلرينه شبيه اوله رق اسماعيل پاشانك ده كونا كونا مبعونلرى وخصوصيه نوبار پاشا يادكارى كنديسنك تكاليفنى حاملاً استانبولده قابو قابو كزدكلرى انسادده، پاشاى محترمه مصرده تداركات عسكريه ده بولمق ديپلوماتلغنى التزام ايله طوطخانه، باروتخانه، فشنگخانه پامغه چاليشيور، وشمندوفرلرى بربرينه وجهه سنى بيوك شمندوفر خطنه ربط ايلوردى. بونمايش ايله زعمنجه سعيد پاشانك يادىغى كچى دولتى تهديد ايدجكدى ده اومديغنه نائل اوله جقدى ولياقت استقلايه سنى فرنگلرده آكلاده جقدى !

بورايه قدر يازيلان شيار اسماعيل پاشانك طوغريدن طوغرى يه دولت اسماعيل پاشا عليه عليهنده كى سيئاتنك بعضيلرى اولوب برازده مصرك اداره سنجه وقوعه مملكتى نصل باطردى

كتيرديكى احوال اغتشاشيه سيله سوء استعمال تندن بحث ايدلم :

اسماعيل پاشا، سعيد پاشادان ايكي بچق مليون ليرا قدر بر بورجه وارث اولمشيدى. بو بورجى صكره دن يوز بو قدر ميلونه چيقاردى ؛ آلدى پارهلرى نه يادى، نه لرله صرف ايتدى؛ عجباً سعيد پاشا كى برمصارف فوق العاده عسكريه يه مى ديرسكز؟ نه كزدر! سعيد پاشانك اوبابده ايتديكى بورجك درجه سنى كوردك؛ اسماعيل پاشاده تجهيزات عسكريه يه آنچق اوقدر صرف ايدميليدي . عجباً بولتيق بعض احوال ايجانجه برمصارف خفيه كليه ده مى بولدى؛ ويا مملكتى بتون قلعه واستحكاملر وسواحلى زرهلر ونهر وبحرني زرهليلرله مى قاپلادى؟ اويلاه برشى ده يوق! عجباً مملكتك ثروتى آرتيرمق ايجون فابريكلر، يوللر، شمندوفرلر، على مكيتلر، بيوك بيوك دارالفنونلر، شونلر بونلرمى ياپدردى؟ خير، خير، بويلاه شيلرده هيچ يقين اولمدي؛ چونكه كنديسنجه اهانك جاهل قلمى، ونرده قالدى اموال و ثروت، حتى بونلرك قاشينه جق برطرناغه بيله مالك اولمامسى مطلوب ايدى. هيچ بر كيمسه برأى شيه مالك اولمسون؛ الا اوشى بنده بولمسون كچى فاسد وحاسد برطبيعتك مالكي اولان اسماعيل پاشا ايتديكى استقراضلردن ويك درلو اسامى ايله احداث ايتديكى يكي يكي ويراكوردن بشقه مصرك پاشالرنده، بكلرنده، شيوخلرنده، عمده لرنده هر نه اى بر شيك وجودنى ايتتمش ويا كورمش ايسه بر صورتك آله كچيرمش؛ هر كيمك بر محصولدار اراضى يه متصرف اولديغنى خبر آلمش ايسه اوااضى يى دائره خاصه نه مال ايتشدر .

عهدۀ تصرفہ کچریدیکی اراضینک بر قسمنہ بدل وٹمن ویرمہرک یالکز
صاحبنہ برکوز بلیردیورمک ویاخود حبس ونفی ایله ومنفاسندہ اعدام ایله
تخویف ایتک ویا رتبہ ونشان ایله تلطیف ایتک ؛ الحاصل هرکسک حائثہ
واستعدادینہ کورہ برقاتاقولای اوقومق ویامقلہ ایشنی بجرمش وبعضیسنہدہ
دومده قولاق درجہسندہ اولمق اوزرہ برٹمن تأدیہ ایلشدر .

بویله بویله اسماعیل پاشا مصر علیا وسفلادہ بر میلیون فدانه قریب [۰]
کزیدہ واعلا اراضیہ مالک اولشدر . بو اراضینک مصر علیادہ بولنان نصف
میلون مقداریخی خاصہ کندی عہدہسندہ ایضا ایش و مصر سفلادہ قالان
نصف دیگرینی دہ والدہسنک ، اوغلارینک ، قیزلرینک ، حرملرینک ، خاطرلی
اوطہلقارینک ، آخرتلکلرینک هر بررینک درجہ قدر و اعتبارلرینہ ومقبولیت ،
منفوریترینہ کورہ اسملرینہ تخصیص وتقسیم ایلشدر .

اراضی مذکورہنک وسطیاً یکرمی بش میلیون لیرا دکری اولدیغی مصرجہ
مشہور ومتعارفدر . بوقدر شینک تقوضی اثناسندہ نہحقسزلقلر اولمش ، نہجانلرہ
قیلمش ، نصل ظلملر اختیار اولمش ، اوراسنک تفصیلنی مصرک عصر اخیر
تاریخی واسماعیل پاشانک طوغریجہ بر ترجمہ حالی یازہحق اصحاب وجدانہ
براقدر ؛ زیرا اوراسی بزم صدد بھمزک خارجندہدر .

ایہ بو بارہلر نہ اولدی ؛ بوراسنی تعیین ایتک براز کوججہدر . یالکز خلاصہ
شوقدر دیہیلیرزکہ ، نہ اولہحق ؛ (اوغلان ییدی اویونہ کیتدی ، چوبان ییدی
قویونہ کیتدی) ، (ہایدن کلان ہویہ کیدر) ، (خیار پارہ سیلہ آلان مرکبک
اولومی صودن اولور) ضروب امثالہسی مشہور اولان جمل حکمیہلردندر .
اسماعیل پاشا کمال حرص وآز ایله طوپلایوبدہ آرقہسندہ کی چانطہیہ طیقڈجہ ،
آرقہدن چانطہیہ آناختار اویدوران مارقاجی اوغللری دہ بر طرفدن آشیرلر
ایمش ؛ چونکہ پاشانک مرانی یالکز آلمق وطوپلامق کی کداحشمکلدن
عبارت اولوب ، یوقسہ ثروتندن شخصنجہ ویادارہ عمومیہجہ بر صورت
معقولہدہ انتفاع واستفادہ ایتک دکلدر .

اسماعیل پاشاسن کالہ یتشمش اولان اوچ اوغلنی ، اوچ قیزی بر آندہ اولندیردیکی

صرده پادینی دو کونلر چو جقلق زمانزده قوجه قاری مصالدرنده ایشیتدیکمنز وجهله حقیقه قرق کون قرق کیجه قدر سورمش ووقوعه کلان اسرافات و صرفیات محیر عقول اوله جق درجهده میلون لیرالره وارمش ایش .

سویش قنالک بدأ اساسی و عملیاتنک بر آز جانلانی سیدپاشا ولایتی زمان اداره سنک سیئه سی ایسهده ، اخیراً قومپانیا ایله حادث اولان منازعاته مقابل اختیار اولنان فدا کار اقلر اسماعیل پاشانک بالذات هم مصروفه کار آگاهیه سی ؟ ... آناریدر . قنالک عملیات حفریه سنک اختتامی ایله کشادی دخی اسماعیل پاشانک خدیویتی زماننک ال پارلاق دورینه مصادفدر .

قنالک افتتاحی یوم مبارکنده نام ذولترینه اوله رقبنا اولنان اسماعیلیه قصبه سنه طوبالانان جماعته صرف اولنان اطعمه واشربهنک مقداری حساب و تخمیننک خارجنه چیقدینی وشامپانیا و شرابلرک ومسکرات سائرهنک : عبدالله سبیل ... دینه جک درجهده واریدینی بالذات بولنوبده کورن اصحاب نظر عندنده متفق علیهدر . اوروپادن مخصوص واپورلرله کلان مسافرلردن ماعدا خطئه مضریهده موجود اولان شمندوفر ترنلری متدباً برقاچ کون و کیجه لر مجاناً اسماعیلیه شهرینه یرلی واجنبی جماعت طائشیش واوراده اجتماع ایدن یوزیکرله خلق مجاناً بیدیرلمش وایجیرلمشدر . احداث اولنان دکاتلر ، صایحیلر ، لوقانطه وغازینلور ، هوتلر ؛ هرکیم اولورسه اولسون مادامکه اسماعیلیهده بولنیور ، کیسه دن بر آچه قبول ایتمک شرطیه معامله ایتمشدردر .

مسافرین مجانیوب ایچمشلر دیوبده ساده جه کچیریمه لم . طبیعت بشریه مشهپاننک جمله سی هم ده اعلانندن اولمق اوزره اوزرهنک کاهده موجود اولدینی حانده سایه خدیوبده مسافرین کرام تفریح ایتمشلر واعزاز و احترام اولنمشلردر . الحاصل رسم کشادی شلکنده یوق یوق ایش . خدیو حضرتلری بالورائه مالک اولدینی کرسی حکومتک انجاب قدیمی اوله رق (فیهمانشی الانفس وتلذالاعین) دنظیره یایمق ایستمشلردر .

بتون اوروپا حکمداران قنالک رسم کشادی شلکنده بولمق اوزره اسماعیل پاشا طرفندن باب عالی واسطه سیله دعوت اولنش . (بودعوتک صوراجرایه سندهده سیاسی و یونیتی خیلی وقوعتلر اولمشدریا ! اوراسی لازم دکل .) دعوت اولنان ذوات فیخامدن بالکنز اوستریا امپراطوری امپراطورینجهده برابر اولدینی حانده دعوته اجابت ایدرک

سویش قنالک
رسم کشادی
وقعه مهمه سی

قصورلری ولیعهدلری کوندرمشلر ؛ سائر پرنس و پرنسسلسرده بولنشلردر .
ایمپراطور یچه « اوژنی » (فرانسه ایمپراطوری اوچنچی ناپولیونک زوجه سیدر .) دخی حاضر بولنهرق اجتماع ایدن اعاطمک موقع ریاستی احراز ایدیورمش اوراده ومؤخرآ مشارالیهانک برای سیاحت مصره کلدیکنده اختیار واجرا اولنان معامله تعظیمکاری ومهمانوازیدهکی فوق العادهک ایمپراطور یچهک شخصک تاریخیله مصر تاریخنک صحایف کثیرهسنی اشغال ایدهجک صورتده آغرجه ومهمجهدر . [*]

بالعموم مدعوین حضراتی اسماعیلیهده ، پورت سعیدده اکنهطورسونلر ، قنالک رسم کشادی اجرا اولندیقی کون مدعوین ومسافرینک وجودندن خالی اولان وپک اوزاقده قالان قاهره شهرینک ترینیاتنه واورادهکی اهالینک فی الجمله اکنمسنه دخی اللی بیک ایرا صرف اولمش ایش .
قوجه خدیو مصر بو ! صاغه صوله صابقمسزین برخط مستقیم اوزرینه طاغلری ، تپهلری یاروب سویش قناتی آحقله برامر عظیمی احیا واجرایه موفق اولیورکه اسلاف فخانمدن ، فرعونلردن ، عجملردن ، رومالیلردن بر حکمدار ، برایمپراطور بویهطوغریدن طوغرییه ایکی دکزی برلشدرهجک بر فعل مهمی مجروب وجوده کتیرمک دکل ؛ بویه برشیئک یا پلسنک ممکن اولوب اولیه جنی آنلرک خیالخانه تصورلردن کچماش ایدی ! [**] انک ایچون

[*] اخیرآ آلمانیا ایمپراطوری اولدقن اوچ آی صکره وفات ایدن ایکنچی فرهدریق ، قنالک رسم کشادی جمعیتنده حاضر بولندیقی ائاده ایمپراطور بیوک وبلهلمک دها ولیعهدی ایش ، برلینهودتنده صدیق اولان موسیو « کنکن » احوال شرقیه اوزرینه استطلاعات جدیدهسنی صوردیقی مرده بحث دولت علیه عثمانیهک استانیولده ملاقات ایتدیکی پادشاهی سلطان عبدالعزیز خان حضرتلری ایله مصر خدیوی اسماعیل پاشانک احوال و اخلاق ومعا ملاتنه انتقال ایتدیکی ائاده ایمپراطور فرهدریق دیمشکه : « ملاقات ایتدیکم حضرت پادشاه اصیل ، نجیب ، قدیم ، عالی جناب کبار برخاندانه منسوب اولدیقی یوزندن ، معامله سندن ، هر حالندن ظاهردر . یالکنز برآز کبری واردرکه اوده اختلاط زلفی جهتیله احوال عالمه وقوفزلغندن ناشیدر . مصر خدیوی اسماعیل پاشا ایسه احراز ایتدیکی تاج سیادتک هنوز بویای قورواماش بر حکمدار تاسلاغه ویا صکره دن زنکین اولمش برانکره بکزر . ایشته ایکیسک بینندهکی فرق بوندن عبارتدر . » (کلام الملوک ملوک الکلام)

[**] تاریخلرک خبر ویردیکنه کوره فراغهک اون ایکنچی ثلله سندن اوروپالیرلرک سیزستریس دیدکاری بیوک رسمس مصریلردن بوز یکریمی بیک نفوسک قانی براسنه اولهرق نیل طریقیه ومراکب بحریه واسطه سیله مصر سفادن طولاشهرق بحر اجمردن آق دکزه کچیلهجک صورتده برجدول وجوده کتیرمش ایسهده اخیرآ انقلابات زمانیهله

یوم افتتاحده دنیالر بیله صرف اولنسه ینه آزدر!... اوقئالك كه عالم اسلاميتك و خصوصيله مصرك سياسته ، فائده سنه ، ضررينه متعلق اولان تفصيلاتك برينده سنی بوجه آتی كوره جكز .

قئالك مقاوله اساسیه سنده غیراز مصاريف حاصلات عمومیه سنك یوزده قئاله متعلق بعض .
مطالعات مهمه ،
یتش بری شرکتك چیقاره جفی اسهمه ، یوزده اون بشی حکومت مصریه یه ،
اونی مؤسینه ، ایکیسی مصرك الویه ملحقه سنده بولنه جق مدیرلره ، باقی ایکیسی ده قئالك مستخدمینه عائد اولسی مشروط ایدی .

قومپانیا رئیس « دولسپس » اسهمدن بهری بشیوز فرائق قیمت اسمیه ایله تشکیل ایتك ایستدیکی شرکته پارس ولوندرده سنه لرله طاب بولمینهجه یوزیتش آلتی بیك حصه سنی بردن سعید پاشایه قبول ایتدیردکن صکره آرتق اوروپاده طاب ظهور ایتك باشلامش ؛ سعید پاشا ایسه حصه سنه اصابت ایدن مبلغی مقسطاً قومپانیایه اعطا ایله آنلری متدار لطف وعاطفتی ایتشدیر .

شوالده اداره مصریه تجارتدن بشقه جه یوزده اون بش اکرامیه آله جق ،
همده قئالك نصف حصه تجارتیه یقین برمبلغنه ده حصه دار صقیله متصرف بولنه جقدی . دیمککه مع اکرامیه قئالك تجارت واقع سنك یوزده الی بریجخی مصره عائد اوله جقدی . نظری اولدق نه قدر کوزل و بول برتجارت ! بویه برتجارت رابجه یه کیم اولسه صوقولماز ؟ قئالك واردات عمومیه سی بیك سکر یوز طقسان اوچ سنه سنك نشر اولشان حساب رسعینه کوره ایکی میلیون سکر یوز بیك انکیز لیراسه بالغ اولدیغدن بوندن سنوی بریجق میلیون ایرا قدری مصر خزینه سنه کیره جك !

لکن نه چاره که آوده کی حساب هر وقت بازاره اویمور ؛ ایش دستکاهه قونوبده فعلاً تجارت کندیسینی کوسترمکه باشلادیغی کی مسئله بشقه برشکاه کیر یوردی ؛ قئال قومپانیاسنک یا مقده اولدیغی طابلی صورعه سی مصارفی حکو .
منه عائددر دینلرک قونمولاتو محکمه سنده حکومت عمليه علیه اسماعیل پاشا قومه طولرق محو اولش . صکره دن اکسره دن مصره متولی اولان (دارا) ایله ده صکره رومالیر والک نهایتده عربلرده بین الجرین اوطریق توسلی نیل واسطه سیله احیایه موافق اولشر ایتمده آسیب روز کاردن محافظه اولنه مامشدر . شمدی ینه قئالك جانبینده قومك هجومی سببیه طراق واپورلری لایققطع مشغول نظیر اولسه لر روز کاره مقاومتله قئالك موجودیتی بالطبع محافظه اولنه میجقدر .

عصر نده دعوالر آچیلش ، بيلم اداره مصریه هانکی مقاوله سنی کاینی ایفا ایتدیکندن طولای قومپانیا [*] هوئی ضرر لرده اوغرامش ، ترع لرك جانینده کی اراضی شویله اولمق اقتصا ایدرکن نتیجه ده اصحاب املاکک و یا بشقه لرینک مخالفتنه ووردکلری سببیتنه منی اویله اوله مامش ، حکومتکده بویولسر معامله سنک ایشه دخلی اولمش ، برآراق انکلیرلرک مداخله واغراسی و باب عالینک تضییقی اوزینه اهالینک آغاریه اوله رق چالیشدی رلمسی منع مظالم نامیه یساع ایدلیدیکندن بوندن قومپانیایه برچوق خسار ترتب ایتش برده بودرلو منازعاتدن برقسمنک فصل وحسمنه فرانسه ایمراطوری اوچنجی ناپولیون حکم اوله رق اداره مصریه علیه کیتلی بر مبلغ حکم ایتش ؛ باقیرنده ده تراضی طرفین ایله اویوشولمش ایتش ! الحاصل عنها منها قتال قومپانیاسنک اساس مقاوله ده تجارتدن صرفا کر امیه اوله رق لطفاً مصره آیردینی حصه کافه ایچنه اوینادقدن وحکومت مصریه عائد اولان اسهمده اخیراً مضایقه مالیه سببیه اسماعیل پاشا عصر نده صاتلقدن صکره اهل حساب و وقوفک تخمین صحیحنه کوره مصر مالیه سنندن بوقال ایچون بشیوز میایون فرائق ، یعنی یکرمی میلیون انکلیر لیراسی حقیقمشدرکه اصل قومپانیانک صرفیاتی بو حسابک یاننده برصندال بیله اوله ماز . (المقتطف من المقتطف جلد ۱۸ جزء ۷)

قتالک دها شمعدییه قدر دولت علیهیه وخطه مصریهیه مادی ومعنوی بر فائده سی کوریه ممدی ایسه ده ایراث ایتدیکی مضار و خسارک مالیهیه عائد اولان جهتی بالاده خامه کذار اشعار اولدینی وجهله اویله قولایجه جق آلتندن قالقیله جق وتلافیسی قابل اوله جق ضرر لرده دکلدر !

بونک خسارات سیاسییه سنه کلتجه : اسباب حقیقییه سی آرانیلور ایسه کوریلورکه بوکونکی کونده انکلیرلری مصرده بولندیران بو قتالک وجودیدر . آفریقانک قسم جنوبیسنک بر قطعه عظیمه سیله بزم ایچون اک مهم اولان جهت شرقیه سنک آوروپا لیرجه تقسیمینی تهیه ایدن بو قتالدر . دولت علیهنک آق دکزده

[*] فرنکلرک شرقیلرله طودقلری ایشده وایتدکلری مقاوله لرده دائما عادت بویله در . چونکه آنلرک قولنجه وحشیلره مقابل حقوقه رعایت بله وسفه ایجابیدر ، محرومیتی مؤدی اولور . وحشیلره قارشو وحشیانه معامله ده بولنوب مشروع ، غیر مشروع قزانلیدرکه مستعمران تدن مطلوب اولان نتیجهینی ادراکه موفقیت حاصل اوله . هیچ جبال مباحه دن احتطاب ایدن بر آدم آغاچلرک قائمیتی وجمیعی اوزرینه برحق طبیعی تعلق ایتدیکنی فرض ایدرمی؟ ..

و خصوصیه بحر اهرده کی استقبالی و بتون خطه عربیه می ، و بالتضمن مقام جلیل خلافتی تهدیدایلیان بوقنالدرد . اسکی دنیاك تجازت عومیه می آت اوست ایدن بوقنالدرد . مصردن سنوی شمند و فرلرله بحر محیط یو جلیغی ایدن آوروپالیرك آیاقلرینی مصردن کسمکله برابر بوقدر امتعه تجاریه و نقلیات عسکریه نك یوانی دیکشدرن . و بوسبیلرله اهالی و حکومت مصریه نك میلیونلر ایله ایرا اکتسابنه مانع اولان بوقنالدرد . دولت علیه نك و مصرک الك اوافق برقره غول سفینه سنك مرور یچون بیلرله کیسه لر طولوسی ایرالری رسم مرور اولدوق استیفا ایدن بوقنالدرد . هیچ برآدم کندی اوندی احداث ایتدیکی بر قوریدوردن حکمک ایچون اجرت . مروریه و یرمکی عاملیه شرط ایدرمی ؟ بونی هانکی عقل قبول ایدرد ؟ فسبحان الله ! شاعر شهر ضیا پاشانك دیدیکی کچی :

ایوانه بو بازیچه ده بزلرینه یاندق زیرا که ضرر اوردده بیلیم نه قازاندق

دونه لم صدمزه : اسماعیل پاشانك مصرده ، اسکندریه ده ، مصرک دها بشقه یرلرنده خیلجه امکلر وزمانلر و یوز بیکلر و میلیونلرله لیرالرك صرفیه بنا ایتدیردیکی بر سرای ، برکوشکک آبنیه سنك بعضرینه بر قصور بولدی می ویاوهمنه ویا مشربنه اویمادیمی [*] اوبنایی کاملاً سوکدیرر ؛ یکیدن باشلانمی امر ایدر ایش . بر بنانك ختامه ایردیرلمی ایچون ذهنده تصور و تعین ایتدیکی مدته اعمال و انشاآتک صیقشمی مطلوب اولدیغندن بیک نفر دولکر اوسته می ، اون بیک نفر عمله بردن دو کیلوب کیجه لی کوندوزلی چالشدیرلمی ؛ هانکی کون بنانك ختامه ایرمسی مراد ایش ایسه مطلقاً او کون بیتلمی . و بالتقریش ایچنه کیرلمی در مراقده ایش . اما مصرفی کشفنك اون قات فوقه چیقار ایش ، ذات عالی سنك جانی صاغ اولسون ، مصرفده صانکه برشمی ! یاپیلان سرالیرك بویالرینه ، آتون یالیزلرینه ، سائر تزیینات و مفروشاتنه صرف اولسان پاره لرك سفیانه بر صورتده صوکی آفتده و بر تقریب کندیسنه چامش اولان ینه فرنك

[۱۰] پاشا حنرلری عیسویتده عادت اولدیغی وجهه اون اوج عددی عدد مشئوم اولدوق ذاتیش اولدیغندن (آجانه عیسولرك بردرجه به قدر حقنری وار فقط سکا ناوا یور ؟) اگر بر طرفک تجرمه می اون اوج اولش ویا بیلیم کندیسنجه مقبول اولبان بر زمانده باشلانیش ویا خود اوبنا پایلور ایکن حکومتجه خوشنه کیتیه بیک بر حال و حادشه وقوع بولش ایسه تشأم اولنه رق در حال اوبنانك آلتی اوستنه کتیریلور ، مأمورلری . معارلری طرد اولنوروش . ذمی جنت !... ایسته اوله اولدیغی ایچون صوکی بویله اولدی یا !

اسماعیل پاشانك
بقیه اجرا آتی

شارلاتانلارنی میلیونلره مالک ایتکده و بوسرمایه نك اصل وزدن کلمکده. اولدیغنی کورن ویلان عقلا، اسماعیل پاشانك استقلالنی تصدیق ایتک شویله طورسون؛ حتی بولندیغنی خدیویت مقامنی بیله کندوسنه چوق کوره جکلرنده، وبرکوی کهیاغنه لازم اوله جق امنیت واققدار اداره نی حائر اولدیغنده اتفاق ایدم جکلرنده شبه می ایدرسکز...؟

پاشانك مراتی مطلقا بزم سرایلرم، کوشکلرم دولت علیه پادشاهلرینك، سرایلرینك فوقده اوله جق؛ آنلره بش صرف اولمش ایسه بتمکنه اون صرف اولوب بکا منسوب اولان برشی بتون دنیاده مشارالبنان بولنه جقدر خیالات و تصورات طفلانه سنه منحصر ایمش! دوشونلسونکه بوسرایلرك جمله سی جماعته طوله جق وطولانرك کافه سی ده یمك، ایچمك، کیمك ایستیه جکدر. کوشکلرك حرملری برخدیوک سراینه لایق اوله جق درجه ده کینمش و مجوهرات ایله ترین ایدلمش بیکرله خلاقك، سلامق دأرلری ایسه آافرانقه، آآتورقه بیکرله حشراتك مرکز اجتماعی اولمشدر. [*]

مخادیم کرانی اولان پرنس-لرك هریرینك حرملی، سلاملق بشقه بشقه سرایلری، خلاقلری، اوشاقلری، کهیالری، کتبه سی، دأرهمی وار ایمش. بونلری وجوده کتیرمك آنجق مصر کی برقطعه منتهیه مالک اولمق و یوز میلیونلق استقراضی الده ایدتمکله اولور؛ بشقه صورتله ممکن الاجرا دکلدرد.

اسماعیل پاشانك پایدیرمش اولدیغنی بنالر ایچنده شمدی مصرک موزهمی اولان جزیره سرائی باغچه و مشتملاتیه برابر بش میلیون لیرایه مال اولدیغنده اصحاب وقوف و معاونات متفقدر.

مصر والیرینك جمله سی اجنبیلری خوشنود ایتکله کلاه استقلاللی قامق خط حرکتی اوزرنده دأر اولدقلرنی آکلادق ایدی یا! ینه اوجه دن اولمق اوزره اسماعیل پاشا اروپا بانکرلرینك قاصه لرینی مصره بوشالتدیغنی صرعه اوچنچی ناپولیونك کاتبلرینه، مابینجیلرینه، یاورلرینه حتی. قاپوجیلرینه وارنجه قدر اینانلر درجه ده عظیم مبلغلردن عبارت اوله رق.

[*] بزم مصرده بولدیغنز زمان یعنی اسماعیل پاشانك خدیوتدن انفصالندن صکره بوخلایقارک اکثریتی آج تقصیر قالمش اولدقلردن فلاح کویلرینك کهیالری مقامده اولان شیخ بلدرک تحت نگاهنه کیرمش و برقسیده فحش خانهلری طولدیروش اولدیغنی مثلاً بیرخانلرده مسلمان اولدقلری حالد غارصونلق و غیبه سی ایفا ایدیبورلردی...؟

ناپولیونك دوام ایدن اقبالی مدتجه آیلقلر تخصیص ایش و بوقدر فداکارینی قابو یولداشلارینه ناجیز بره دیه مقامنده عد آیلشدر . حتی ناپولیونه جزئیجه برانتساب دعواسنده اولان بر آدمی حقیقه زنگین ایدمك درجه ده احسانلره غرق ایتدیکی مرویدر .

قاهره ده، اسکندریه ده، منصوره ده، مصرك دها سائر قصبات مشهوره سنده اوروپا لیره مخصوص نه قدر اقامتگاه سمتری وار ایسه اورالریخی یوللر، قالدیرملر، میدانلر، تنفسگاهلر، تیاترولر، باغچلر، فسقیلر، شادروانلر ایله تربین ایدرك اوتیه طرفده بولنان مسلمان محله لرینی پیسلك ایچنده ویشانلر برحاله بر ااقشدر . واقعا بونده طرفینك دخی مألوفیتك واستعدادینك بدرجهیه قدر دخلی منكر دكل ایسه ده، بلدیلهرك هیچ مدخلی اولقسزین مال صندوقدن یوز بیکارله ایرار صرف ایدوبده مجرد اوروپالی دوستلرمزه اقامتگاه تنظیم ایتك، آنجق مصرده اولدینی کبی (من حیث لایحتسب) بر ایراده مالك اولغه متوققدر که نتیجه سی برأمل موهومك حصولی ایچون غایت صغوق وغیر معقول بر خلوصکارلنی التزامه حیقار .

بر آرالقده مفتون استقلال اولان اسماعیل پاشا فتوحات قیدینه واققدار عسکرینسی آوروپایه تصدیق ایتدیرمك هوسنه دوشمش ایش؛ چونکه اوزرندن نظر ققیش وتجسسنی بر آن اکسك ایتدیکی امید استقلالی آله کتیرمك ایچون کندیسجه بوده بر سبب عادی اوله ییلور ایدی . هر نه ایسه بر سبب ظاهری به مستند اولسون اولسون؛ بر منازعه حدودیه یی وسیله طوتارق حبش قرالی علیه اعلان حرب ایدر . [*]

بوصرده شان موهوم حکمدارینسی اعلان وخلق تشجیع ایتك اوزره حکمداران عظامی تقلیداً سیف نصر وسطوتنك تمثال مجسمی اولق اوزره بر (پیهس) تربینی تصور ایش و فرانسز اصحاب قلعدن (قامیل دولوقل) ده (آیدا) نامنده کی او برای تألیف ومشهور بسته کار (وردی) یاده موسیقیه تنظیم ایتدیرمشدر . بواو پراکویا نجاشی ایله فراغه مصریه دن برینك ایتدیکی محاربه یی ناطق و حبشلیارك مغلوبیت ومقهوریتی متضمن تاریخه مستند بر حکایه ایش . پیهسك مرتب وناظمه اون بیک، موسیقیه سنه اوتوز، قرق بیک،

[*] اوغلی پرنس حسن پاشا قوماندانیه ترتیب وسوق ایلدیکی اردوبی حبشلیلر تارومار ایدرك محو ایتدیلر ایدی! اوراسنكده صدد بخشزه تعلق یوقدر .

آفتور واقتیریسارینک اثوابه وپرده لوله اویونک محتاج اولدینی سائر ادواتک استحضارینه الی بیک لیرا ویرمش ویر (آیدا) اویونی مصر مالیه سنه ، ودها طوغریسی برکوملکدن بشقه کیه جکه وچامور کبی سیاه ودمیر کبی قاتی داری . اکمکندن ماعدا ییه جکه ویرکوستیک یوواسندن بشقه مأویه مالک اولمیان مصر فلاحلرینه یوز بیک لیرایه مال ایدلمشدر .

حال بوکه پیس فرانسیزجه ، موسیقیه سی آفرانقه در . بونی مصرده . آکلایه جق قفادرت بحق فرنکده بولنور ؛ تماشا کرانی ده خواه ناخواه سکز نفر حکومت مأمورندن عبارت اوله بیلور . بعضلرینک دیدیکی کبی : تیاترودن مقصد تهذیب اخلاقه خدمت ایتمکدن ویا اهالی نی اکندیرمکدن بشقه دکل ایسه اهالی مصریه نک فرانسیزجه بیلمدکلر یچون حکومتک بوسعی عبث اولمازمی ؛ بو حال ایله شرقلی اولسون ، غربلی اولسون ؛ کافه عقلا آدمک اوستنه کولزمی ؛ استقلال می تصدیق ایتدیره جکم دیه تاج استقلال می تتوج ایده جک قفایه مالک اولمیدیغنی پاشام آوروپایه و آسیایه اعلان ایدوبده حالا اسباب استقلالیه می استحضر ایدیورم ظننده بولنیور . نه کیچ مطالعه ؛ نه یاکش کوروش ! معاذ الله برکره آدمک کوزلرینی یعنی نور ادراک و بصیرتی حرص شان و طمع خام دومان قاپلادی می ؛ طبیعیدر که کنیدینک نه یاپدیغندن و عالمده نه یاپدیغندن خبری اوله ماز ؛ چونکه سمع قبولی ده غشای غرور احاطه ایتمشدر .

بو (آیدا) اویونی ایلک اول مصرده اویناتمش ، اندن صکره مصرک قوستوملری بالاستعاره پازسه کوتوریلرک اوراده موقع تماشایه قونمش ، بونکله اسماعیل پاشا بتون پارس خلقنه کندینی کوسترمشدر . حتی بزم یتشدیکمز عصرده فرانسلر بزدن تیاتر ادواتی استعاره ایلدیلر دیه اسماعیل پاشانک وهواداران اولان اصحاب تملقک تاج سرافتخاری کنکره آسمانه یتیشیور ایدی . « اهله محله » پک اعلا ! بر تاج مبارک اولسون ؛ ذاتاً بوندن بشقه سنه ده لیاقتلری اولمیدیغنی کراراً اثبات ایتمشلردی .

ترک لک مصردن یوزدیرملری موده سی وترفنده سی سعید پاشانک عهد تولیتنده باش کوسترمش ایسه ده ، اسماعیل پاشانک زمان اداره سنده واصل درجه کال اولمشدر . آرتق استانبولدن ، روم ایلیدن ، آناتولیدن کلان بر ترک بر عثمانی اسماعیل پاشا عصرنده مصرده اکمک بوله ماز وبارینه ماز اولمش ؛ موجود

و مستخدم اولانلرکده هریری برر صورتله دفع اولنهرق پک چوقلری ده.
سودان وادیلرنده محو و نابید ایدلشد. [*]

اسماعیل پاشانک خلوصنی التزام ایدن بعض بندکانی، جدی محمد علینک اداره مصریه بی ترکارک وجودیله تأسیس ایلدیکندن مصر فلاحارینک استخدا میله ایش بیتمز؛ بونلرک قابل سیادت اولمدقلری بالتجربه ثابتدر؛ ترکاری نظریکزدن اوزاق طوبدقچه حکومتکزک اساسنی توهین ایتمش اولمورسکز یولنده خیر خواهانه وعاقبت بیانه اخطار اتده بولنلرله قارشو: (شمدی نه ترکار سزک بیلدیککز ترکاردر؛ نه ده مصر حکومتی اسکی مصر حکومتیدر) دیر ایش. کویا ترکارک کوزلری آچیلمش واتحاد اسلام فکری ذهنلرینه یرلشمکه باشلامش اولدینی جهته: (بوندن صکره ترکار بکاونم مقصدمه صادقانه خدمت ایتزلر؛ بوافکارده ترکار باقی اولدقچه مصر ارکان اداره سنی کندی آمالنی تأمین ایددجک اقوامدن تدارک ایتک مجبوریتده در) جوانی و یرایش. بیچاره ترکاری بیدارطن ایتدیکندن طولانی حسن ظن ایتمش و یاخود و همه قاپلشدر دیرم. فسبحان الله.

اسماعیل پاشا هم مشرب و مزاج بر مالیه ناظرینه محتاج اولوب، چونکه استقراض ایشلرینک قبض و صرفی انانسنده قیود مالیه جه صرفیات واقعهیه و معاملات جاریه غیر مستقیمه سنی محرمانه اولهرق اصول و کتابه اویدورمق مقتضی بولنسیله، بوبابده رجال مصریه دن بر چوقلرینی اومقامه کتیروب طادینه باقش ایسه ده هیچ بریسی کنديسنجه نصاب کمالده کورینه میوب کیمیسی پک ایلری کیتمش و بعضیسی دخی هدف مطلبدن چوق کری قالمش؛ نهایت مصرک یرایسندن مفتش اسماعیل صدیق پاشا نامنده بریسنه دسترس اولغله نائل امل اولمشدر.

خدیو اسماعیل پاشانک بو یادی بی شیرلی، مالیه ناظری اسماعیل صدیق پاشا شابه تاثیر؛ و بوجهته ایکی وجوددن بر جزء تام و بر فعل تمام حصوله کله بیایر ایش. بونلرک ارتباط و مواختی لازمت و ملزومیت کبی علاقه ایله توصیف ایتکدن ایسه ایکی جسمده بر روح اولهرق بولنیورلرمش دیش اولسه ق تعریفنر ده زیاده افرادینی شامل اولور.

[*] احداث اولنش: بولنوردی مصر حکومتین آلتی حرسیه کوریده دکر تجارت و موس مباحثه کله ایدلده هم وطنلرینه همده منفعت شخصیله رینه خدمت ایده ایدیلر؛ تأسف اولنورکه: (جهنمه کیدرمیک؟ آران قاچ غروش؟) دیان جهله منر بوغسده بیله یتشوب طوزیورلر. آه نقصان تربیه، آه فقدان عصیت!...

مملکتده خلقك باشنه بواسماعیل صدیق پاشاده ایکنجی بر خدیو کسیرهك حتی خدیوک اوغلاری محمدتوفیق، حسین وحسن پاشالری بیه اسماعیل صدیق پاشانك اوضاع واطوارینی وبابالریله اولان مناسبت محرمیهسنی چکمن اولمشلر ایمش. چونکه اسماعیل صدیق پاشانك رضاسی خدیوک رضاسنك بیه فوقنده اولسیله بونکلهده بشقهجه برعلاقه ابوت وبنوت عقدایتمک کبی خلاف طبیعت اولهرق یوز کوسترن احوال مبرمه اک مقتدر، اک عالم، اک خلوق بابایکیتلره بیه کوچ کلهجکی درکار ایکن اک جاهل، اک مغرور، اک متفرد بودلیقلیلره نصل آغر کلهجکی تعریف وشبهدن آزاده قالور!

آرتق مصرک رجال اموریله اشراف واعیان اهالینک اسماعیل صدیق پاشایه قارشى بولسدقلى موقع بو نقطه نظر دن کوریلور ایسه ایش کندیلمکندن آ کلاشیلور. زیراقانون وقاعدهجاری اولیان بر مملکتده میدان آلان بر مستبدک آلت اجرا و استفاده سنک آتہجنى دهمه لرك، صاووره جنى چقته لرك شرن دن وشدتدن امین قالمق ایچون نیجه لرینک اخلاقی بوزوله رق اورتالقمده جاری اولان حالک حکمنه اونیویوردهك یورومش کیتمش، نیجه لریده بالاستعاذه اختیارانزوا ایلمش اوله جقلى درکاردر.

افندیسنک سفه اسرافاتنک درجه سنی محاکمه یه مدار اولور مطالعه سیله اسماعیل صدیق پاشانک احوال خصوصیه وشخصیه سندن رهین رتبه ثبوت وتحقق اولانلرک برنبده سنی سویله لم:

اسماعیل صدیق پاشا بر قایچرده آلاتورقه، آلافرانغه طرز لرنده یاپلمش صیفی وشتوی سرایلره، دأرملره مالک اولوب هر برینک تفریش وتزیننده نه کاکتقلر اختیار اولندیغی شمدی اوبنالرک روحی کیتمش ایکن بیه کوریورزده دوچار وله وحیرت اولیورز. صحیحاً بو آدمک عصرینی ادراک ایتیانلر بر اقدینی آتاری کورمیلیدرلرده صدیق پاشانک نه اولدیغی آ کلامیلیدرلر. اسماعیل صدیق پاشانک حرم دأرمنده بشیوز نقردن آشانی جاریه موجود دکل ایمش؛ صانکه قفقاسیه ده یتیشان کوزل قیزلرک جمع ومقری ویا کوزلر مشهری صدیق پاشانک دأرئه داخلیه سی ایمش. بوجمیت شبهه پرورانه اکثریسی تعلیمی، تربیه لی، موسیقه بیلیر، رقص ایدر حاصبه لردن مرکب اولدیغی کبی پاشانک دأرمنده عربجه، ترکیه، فرنکجه موسیقه اوسته لری ورقص معلمه لری بولنور؛ وهر طاقمک کندینه مخصوص کاکتلی البسه لری ومجوهراتی بولندیغمز عصرک حکمنجه کرچکدن انسانه

موجب حیرت اولور ایش ! حتی حرم دائره‌سنده کی باش قاله‌نک باش قاله‌نکی علامتی و جازیه‌لردن حدود دائره‌نی تجاوز ایدنلره تأدیباتی اوله‌رق قوللانیدن قریباج بشیوز لیرالق پرلانظه ایله مرصع ایش ...؟! ...

ولی النعمتی اولان خدیو خضر تلی ارالقده صیقله‌یغنده اسماعیل صدیق پاشانک طوغریجه حرم دائره‌سینه کیده‌رک دفع غم ایدر . کندی دائره داخلیه‌سنده موجود اولمیان خوش منظر ، خوب لقا‌شیلره اوراده ملاقی اولور ایش . پاشا لره ایکسی بیننده کی مناسب والفت بتون بتون قطع کلفت درجه‌سینه وارمش اولدیفندن طرفینک دخی دائره خاصه داخلیه‌لری بری رینه آچیق بولندیلور ونوادر موجوده ایله یکدیگرینه مقابل تفخر و مباهات ایدرلر ایش !

افندی ، صادق بنده‌سی اولان اسماعیل صدیق پاشایه قبو کتخداسی آبراهام پاشا واسطه‌یه رتبه وزارت دخی توجیه ایتدیره‌رک ذاتی و موقعی تحیز ایلدیکندن صورت رسمیه و ظاهرده دخی بورتبه ایله شرف قدر و اعتبارینی امثال و اقربان ظاهرینسک فوقه چیقارمش ایش !

پاشانک سفاهت شخصیه‌سک درجه‌سی آکلاشلق اوزره شورایی ده برمثال اوله‌رق کوسریلرکه بعض دالقا و قلیله و بعضاً دخی حرمد و سلامتده ولی النعمتی اولان خدیو اسماعیل پاشا ایله یمک ییدیکی خصوصی سفردنک مصرفی آیده بیک لیرایه بالغ اولورمش ، بالغ اولورمش دکل ؛ آیده بیک لیرا ایله برفرنگه ازام اولمش ایش . بتون سیرایلرنده بولان بیکارجه حشراتیمکلی آشجیلری ، طاقلی ، خدمتجیلری ، آیوازلری بو حسابده داخل دکلدر . هر برینسک آتی ، مکمل طاقی ، سایبی ، زوبوسی موجود اولق شرطیه طواشی اوله‌رق دائره‌سنده بولان حرم اغالرینک مقدار نفوسی یوزاللی نفردن اشانی دکل ایش !! ارق اوتنه‌سنی اوقویانلر ذهنلرده حساب ایله کندی کندیلرینه تعیین ایلسونلر .

الحاصل آفریقا امپراطورلغی ، عرب حکمدارلغی قورمش اولان خدیو خضر تلی کندوسنی هارون الرشیدک ، واسماعیل صدیق پاشاسنی دخی انک وزیر و مقرب اولان برمکیلردن مشهور جعفرک رینه قویه‌رق انلرک یاه مدینی و یادیات صحیحه‌لرینک مانع اجرا اولدینی سفاهت واسرافاتک جمله‌سنی وجوده کتیرمن ایچون وزیر صدیق و صدیقیه چایشمشیر ؛ وان براتیه واریشه چیمه‌شلردر . (الف لیله وایله) حکایاتک بونلر حرکات و اجرا آتیه تطبیق

اولمسیله سختی آکلاشلیور. چونکه بونلرک عصرلری اوقدر اوزامامش وبالفعل ایشک ایچنده بوانلرک نیجه لریله بالذات کوروشیله رک ایتدکلی حکایه لردن صدد بجتمز خلاصه ایدلمشدر .

اسماعیل صدیق پاشا، اوغلی مصطفی پاشا ایچون خدیوک حرمنرندن بریسنک بسلیوب بیوتدیکی آخرتلیکی فائقه خانم اسمنده کی برقیزی عقد ونکاه ایدرکن فائقه خانمک شرف عارضیسی مقامنه لایق برا کرام اولمق اوزره مجوهراتدن ماعدا یوز کوروملکی وقاین پدر وقاین والدنک کلین هدیه سی وسائر وسائر اوله رق فائقه خانمه تملیک ایتدیکی املاکک واردات سنویه سی بوکونکی کونده اون بش بیك مصر لیراسنه بالغ اولیور ایش ! آرتق بواملاکک رأس المالنک حائز اولدیغی قیمتک مقداری ، مجوهراتک دکری ، دوکونده کی اسرافک حالی قارئین طرفندن تخمین بیورلسون.. آتیده کی کوریه جکی وجهله اسماعیل صدیق پاشانک شمع اقبالی اسن غیر موافق برروزکار ایله سوندیکی صرده فائقه خانمده جبر واکراه ایله اوغلی مصطفی پاشادن تطلیق ایتدیریه رک املاکک محرره سرای کبی برقوناق ایله برابر کاملاً ومستقلاً فائقه خانمک عهدۀ تصرفنده قالمشدر . صکره بوقائقه خانم خدیو اسماعیل پاشانک رأیت اقبالنک تنکس ایتدیکی ائاده عموم دائرۀ داخلیه سیله برابرناپولییه کیتمش وسکزنمه مقداری اوراده قالدقن صکره کریدلی عزت بک نامنده برکنج ایله تزوج ایدرک کنج رفاه واستراحتی اوکنجه نصیب اولمشدر . . .

اووقتلرده زورلایه زورلایه سنوی اون بش میلیون لیرایه قدر چیقارتدیرلمش اولان واردات مصریه ، سنه سی ایچنده کاملاً صرف اولندقن بشقه سفاهات متوالیه مجنونانه ایله مدت جزئیۀ ظرننده اریوب صواولان استقراض آقچه لری دخی بولدیغی سزیتیلی ودلیکلی ، دشیکلی مجرالردن چاپلر کبی اجتماع ایدوب اوروپا ثروت عمومیه سی بحرینه آقوب منصب اولیوردی . استقراض آقچه لری مصری ومصریلیری سنوی فائض اوله رق یدی سکز میلیون لیرانی تأدیه ایله اوروپا سرمایه دارانه قارشو ابدیاً برخرجکذار هیئته قویدی .

اسماعیل صدیق پاشانک عاقبتی اسرافه وسوء استعماله نه طیانیر ، خصوصیه بونلرک اجرایی برحسن نیته مستند بولماز ایسه محرومیتی مؤدی اولان نتیجه تسریع ایدمش اولور . بوقاعده اساسیه حکمنه منبی برقورقونج استقبال اوزاقدن مصری تهدید ایتدیکه ومنابع واردات صونیی

چکمه‌ها با شالوار. ایشلر صیقیشیر؛ فاضلر ویریله‌مز بر حاله کایر. اسماعیل صدیق پاشانک معاونت فکریه سیله برابر غایت فعلیه‌سنه مراجعت اولنور. بو واقعه لردن بر قایچ سنه اول آمریقاده ظهور ایتیش اولان محاربه داخلیه سیبیله فوق‌العاده رواجدار اولمش اولان مصر پاموغنک بر اقدینی فیض و برکتک آناری هنوز احجاب ثروت و بسار نزدنده باقی اولدیغندن بونلرک کیمیسنه رتبه آلدیرمق و کیمینه نشان طاقدیرمق و کیمینسی (افندینا) نك سفره‌سینده طعام ایتدیرمک اوزره آدمه کوره اوچ بیک، بش بیک، اون بیک لیرا آلدیرلمسینه اسماعیل صدیق پاشا و ساطت ایتمشدر. بر رتبه آلمق و بر نشان طاقق و یاخود (طول‌الله عمره) افندینا ایله عمرنده بر کره بر سفرده یمک یمیش اولمق هوس نفسانینه مغلوب اولان رؤسای فلاحین یعنی عمده‌لر، شیخ‌البدرلر بر برینک عنادینه صویولدجه حرصلنمشلر و حرصلندجه صویولمشلردر. فقط مقنن و متادی اولمان بویله بر ایرادک مصارف مبرمه دائمه‌نک جسم حکومت اوزرنده آجدینی رخنه‌نی تسدید ایده‌میه‌جکی بدیهی اولسیله خزینه مصریه‌نک احتیاجی ینه باقی قالدیغندن بالضروره بشقه چاره‌لر تجرینه مجبوریت آلورمشدر.

بو چاره‌لر جمله‌سندن اولمق اوزره درت سنه‌لک عشرینی هر کیم نقداً و دفعه‌اً تأدیه ایدر ایسه الی ماشا‌الله آدن صکره دائماً نصف عشر تأدیه ایده‌جکی و متصرف اولدینی اراضینکده رقبه‌سنه مالک اوله‌جنی یعنی ملکیتی تصدیق ایدیه‌جکی قرارینی ناطق بر نظرنامه نشر اولنور. خیر و منفعتی بدیهی اولان بویله بر آیش ویریشه هر کس صوقولمق ایستر ایسه‌ده حکومتک اداره معلومه‌سنه خلقتک امنیتی اولدیغندن کوریلان تعاللات اوزرینه ایشک صاغلاملی تأمین ایدلش اولمق ایچون اولجه مصرده مستخدم و غیرمستخدم پاشلرک و بکلرک متصرف اولدقلری اراضینک درت سنه‌لک عشرلری بورج خرج بردن تحصیل اولنور. صکرده دکنک و قریاج ایله فلاحین زمره‌سنگ ایچنه کربلر، بحساب صحیح حاصل اولان اون الی میلیون لیرا ایله تأدیه‌سنه طورغونلق کلان فاضلرک بقایای نسوبه ایدنور ایسه‌ده ایکی سنه صکره ینه بودجه‌نک آجینی کندینی کوسترز و آرتق مصر مالیه‌سی احوالنک تحقیق و تدقیق و تأدیانک تأمین ایچون اوروپا بیلرک اداره‌یه آل صوقلری لزومی تحقق ایدر.

خدیه اسماعیل پاشا «دائرة‌سنيه» ناميله کندنسک و «دومن» اسميله

اولاد و عيال واقاربنيك عهدۀ تصرفنده بولنان املاك و اراضى يى ترهين ايدرك «روحيلد» بانقيه سائرلرندن اون بش ميلون ليرا قدر برمبلغ استقراض ايتمه موفق اوله رق بونكله اولدجه نفسى كيشمش ايسه ده بواستقراضك كيتريدى مبلغه محدود اولوب مصر مالىه سى ايسه هر سنه بيان اولنان مقدار ليرانك فائض اوله رق تأديه سيله محكوم اولديغندن فرداسنه ينه امور مالىه مصر يه ده علامت افلاسيه يوز كوستر مشدر.

آندن صكره احوال مالىه يى تفتيش ايجون بريسى انكليز ديكرى فرانسز اوله رق ايكي نفر مفتش كمش وايديلان استقراضك موقع صرفى و وارداتك حالى مالىه ناظرى اسماعيل صديق پاشا دن سؤال ايدرك خيليجه صيقشدير مشدر. اسماعيل صديق پاشا ايسه حقيقى بيان ايدم يوب، چونكه خديو اسماعيل پاشا بر طرفدن حسابك درست اوله رق ويرلمسى لزومنى مالىه ناظرينه تنبيه ايتديكنى فرنكلره سويليور؛ و ديكر طرفندن ده حقيقت حالى بيان ايتماسى ونه يابوب يابوب فرنكلرى آونديرمى لازم كله چكنى ده اسماعيل صديق پاشايه تنبيه ايديور ايش. اسماعيل صديق پاشا ايكي جامع آره سنده قالمش بي نماز كى نه يابه جغنى شاشير؛ تمارض ايدر، اولماز؛ تلعات روبهانه ايله بر چوق قورد ماصاللىر دوكر، حريفلى اقناع ايله آشيرمق ممكن اوله مز. نهايت درجه ده صيقشديرلديغى و آندن دها زياده جه صيقشيش اولان خديوك ده عاقبت كنديسى صويه ويرمه مجبور اوله جغنى بعض علامتن حس ايتديكى كى حقيقت حالى فرنكلره بيانه مجبور اولور. بونلره بيان حال ايتمه نهدن مجبوريت آلورديكنى و ايتديكى بياني ناطق اولق اوزره خديوده بر تقرير تقديم ايدر.

اسماعيل صديق پاشانك فرنكلره ويرديكى معلومات، وارداتك منابع اصليه و صحيحه سى مفرداتى ارائه و مصارف دائمه حاليه و مقننه يى حكايه ايتكندن عبارت اولوب استقراضلك صرفياتنه كلنجه اكا دائر بالقاعده مالىه نظارتنده برستند مدافعه موجود اوليوب يالكز بويولده كى صرفياتك برمقدارينه قارشى «حامل ورقه يه شوقدر مبلغ تأديه ايدلسون» كى خديوك آچيق اوامرينى ناطق بعض اوراق ارائه ايتمش و ابراز اولنان بو اوامرده پارهي قبض ايدم جك آدمك اسمى مذكور اولمديغى كى او ذاتك امر اولنان آچهي تماماً قبض ايتديكنه دائر برستدى بيله يونعيمش. مالىه ناظرينك سوء استعمالاته اشتراك رسميسى

بوقظه دن بدأ ایدیور. حریفجکیزک بورایه کانبجه ایشی کتاسه اویدوره مامش اولدینی میدانه چیقیور. هر نه ایسه سؤالک صوره سی خدیو و سائر هواداراننه کانبجه ایمالی ایمالی سوزلر و کنایه و اشارتلی جمله لرایله صرفیاتک قسم اعظمتک غیر مشروع اوله رق استانبوله کیتدیکی بیاننده بولنورلر و مبالغات عجمانه ایله تزویراته قیام ایدرلر ایش. باقندی شوفا سدا لاخلق آدمارده که داینلرک انتقام و غضبی و بالتبعیه آوروپا افکار عمومی سنی بزوال لیلرک علیه چویرمکه سیاسی استفاده لرایدیورلر. کیسه نه دیرسک؛ بو حقیقتی ایشیدوبده نسل چیلدر مازسک؛... ایشه بووقعه نك عقبنده مالیه ناظر یله خدیو اسماعیل پاشانک آره یرینه صغولق کیرمش و مالیه ناظرندن وقتیه منفعل اولمش بولنانلرده طبیعت بشریده عادت اولدینی وجهله بوصرده فرصتی غنیمت بیلهرک اسماعیل صدیق پاشا علیه یورودکجه یورومشلردر. نهایت خدیو ک غیظ و غضبی کایله اشتداد ایتدیکی برکون اسماعیل صدیق پاشا اخذ و حبس اولمش و اموال و املاکی کاملاً مصادره اولندقدن و ایچنده کی حشرات طاعیدلقدن صکره اسماعیل پاشا برواپوره بیندیر یلهرک سودانه نفی ایدمش و نیل بوینه یوقاری یه طوغری کیدر ایکن دتقلده اجل موعودی حلول ایدرک وفات ایتدیرلش ایش. خدیو حضرتلری هارون الرشیدک برمکیلره قارشو عاقبت اختیار ایتدیکی معامله قهریه یه مثال اولق و بوغرب پادشاهی ده او عرب حکمدارینک اثرینه تمامیه تبعیت ایش بولمق اوزره کندی برمکیسنده غیر منتظر اولان بویله برعاقبتی طاعیدر مشدر.

دولت علیه نك و شوکت اسلامیه نك محو اولسی هدفنه رکنز نظر ایدن خدیو اسماعیل پاشا آوروپالیر ایله خدیو اسماعیل پاشانک اشتراک ایدن منافی انلرک حمایتنه بالانتجا دولت علیه قارشو خاطر و خیاله گدک او یونلر حقیقار دیغنی اونو تیهلم! بو اوغورده تکمیل خطه مصریه آوروپالیرک منفعتنه تخصیص قلمشدر. بونلر فرنکلره معامله و دادیده بولنه طور سونلر، بر طرفندن ده اهالینک مرکز خلافتدن صوغودلملری و رابطه معنوی و مادیاتک توهیبی یولاری آراقمقدن بر آن خالی قلمشلردر. بویولده کی تدابیر جمله سندن اولق اوزره مصر اهالیسنک در سعادته اختلاط ایدمه مامی و دائماً مصرک احوالک دوات علیه دن مستور بولندیرلمی صورتی اختیار اولمشدر. استانبولدن مصره گلش بر آدمله بر مصرینک اختلاطنه حکومت مصریه هیچ بروتنده جواز داده اولما مشدر. ممکن اولدینی قدر استانبول طریق

خدیو اسماعیل پاشا
دولت علیه و ترک
قومنه قارشو نه معال
مله ده بولنیوردی؟

تجارتك بيله انسدادينه واسباب اختلاطك قطعنه چاره لر آرانمش و بولنمشدر .
 بومقصد ملعونانهك وقايه وادامه سی ایچون استبدادك صوك درجه سنه قدر
 كیدمش؛ دكل محمد علی نك عصیانى زماننده ، سید و اسماعیل پاشا لرك تولیتی
 وقتنده بيله بر مصرینك براستانبوللی ایله مخبره سی، دوستلغی ایشیدیلور ایسه
 اویچاره آدم بردها مصره کله مامك شرطیله روسیه نك سبریا سنه مقابل بولنان
 سودانه و خط استوا یه قدر نفی اولورمش . بویه لیکه نیجه لرینك جاننه قیلمشدر .
 اهالی ایسه ذاتاً ضعف تلب ایله مفطور و مشهور اولدیغدن تركلره مخالفت
 امرنده آز مدت ظرفنده حكومتك مرضیسنك اوست طرفه بيله چیقمشلردر .
 برخرستیانی بر مسلمان تركدن دهها قابل قبول کوروب تركلری غدار و احمق
 براجنی، و براجنی بی حین و شفیق بروطنی عد ایتمشلردر . تركلرك اداره ظالمانه
 و جاهلانیه سیله اناطولی و لایاتنده کی اهالینك صنعتسزلك و تجارتسزلك و یولسزلق
 و شمند و فرسزلك و بولرك نتیجه سی اوله رق عارض اولان آجلقدن بارینه میهرق
 محو اولمقده اولدق لرینی صورت مذمتده فلاحلرك اجتماعا کاهارینه قدر سرایت
 ایتدیرمشلر، هر چققی بومعلومات ابتدائی بی ازر ایتدکدن صکره کویجه آدم
 ایچنه قاریشه بیلور ایش .

مجرد محمد علی دن اولکی والیارك و کوله منلرك سیأتنی و مصرك بولندیغی
 حالت هرج و مرج اداره بی حکایه یه منحصر اولان جبرتی تاریخی طبع ایتدیریلوب
 دولت علیه اداره سنك مصره عودتی حالنده مصرك دوشه جکی ورطه هولناك
 مظالم خلقك کوزی اوکسه قونیله رق خلافت کبرای اسلامیه سائقه سیله بعض
 عقلی باشنده اولان متدبرین اهالیده موجود بولنان میل مغنوینك اوکسه
 کچلمشدر . الحاصل دولت و اداره عثمانیه دن خلقی صغومق ایچون دهها بیک درلو
 و سائط حیه بازی ایله تزویرات متنوعه احداث ایلشلردر که تفصیلی موجب ملال اولور .
 اهالینك تركلردن صغومش اولملرینك بر سببی ده، چونکه حکومتی و حاکمی
 مجرد ظلم ایتك ایچون یارادلمش بر نوع مخلوق عد ایدن ضعفا و مساکین ، ترك
 اولان خدیولرك اعتساقاتی و پاشا لرك مظالمی کندیلرینك جزای عمللری شکلنده
 و بر امر ضروری صورتنده تلقی ایلورلر ایسه ده خدیولرك مظالماتك آلات
 اجراسی ترکیه بیلیر خدیولرك امنیت ایتدیکی ترك مأمورلری اولوب، خصوصیه
 محمد علی ایله اولاد و اخفادی دخی بوجنسدن بولندیغی ایچون جمله سنی عثمانلی

عد ايدرك اجتماعات خصوصيه لرنده مصره مخصوص لهجه عربيه ايله (يامتجلى اهلك العملى) مناجاتى تذكار ايله حكومت مصريه رجاله قهر ايله توجه ايدرلر؛ وبتون تركلى بونلر وياخود بونلرى آنلر كى ظن ايلرلر ايمش. بوصولده نائل مقصد و مرام اولان ينه حكومت مصريه اربابى اولوب، چونكه اوروپايلر اهالىنى تكرارندن متوحش كورسيور و توحشك بودرجه-ي ده رؤسانك ايشنه پك موافق كليور.

مصرده بولان طقوز مليون جماعت ايچنده دور انديش و عاقبت بين اولانلر حقيقتى على ماهوعليه كورنلرده يوق دكل ايسهلرده، آنلرده برچاره خلاص و اميد بوله مدقلرندن - عموماً شرقده عادت اولدينى وجهله - خديو اسماعيل پاشانك حرركات و اجراآتى محض عدالت و عين كرامت اولق اوزده آقيشلا يوق تميم و جائب خلوصكارى ايتمكله حال و موقعلرينك محافظه سنده بونلر لر مش.

دهاغري شوراسى كه طرف سامى خلافتدن برفرمان كتيرمك و ياخديوه براتفاق پادشاهى ي تبليخ و ياخود بعض ارادات سنيه ي تلقين ايتك مأموريتيله آره صره مصره نه قدر دولت عليه رجالى كمش ايسه جمله سى مخصوصاً مسافر خانه اتحاد اولان بر سر ايه اينديريلهرك حقارنده اعزازلر و اكرام و احتراملر انواعى وقوع بولور و معتلرينه برچوق خدمتجيلر، تشريفاتجيلر، مهنساندارلر تعيين اولمكله برابر قابوللرينك او كنه معظم قره غوللارى قونور و حقيقت مقصد بوتكلفت آره سنده ستر ايديلور ايمش. چونكه بونى ايجاب ايدن حالك براساسى ده او مأمور اهل ايدن و يا مقام خديويتك خلافتكيراندن برفرد ايله كوروشوبده مصر ك حقيقتندن وادارمنك بعض اشخاصه كوره خانمالنوز برخالده بولمسندن معلومات آله مامق و ياخود خديوك سياسته مغاير اوله رق برفكر تلقين ايديله مامك مقصدى ايمش. بوجهتله اخراى دولودلو كوزجيلر ايله محاط بولان مأمورك يانه يرلندن برفرد صوقيله مز. كيدنلرده بزجه يعنى دولتجه ايشك اكنى بليسز ايتك و صورت رسميه ده ملاقات ايتك ايچون مزاجى حكومت مصريه جه معروف و مضبوط و هوالك ايلك كندن و فسالندن بشقه بخشه كيريشمكدن مجتنب (بزم شرق تعبير نجه) عاقل! دور انديش! تربيه لى! سوزينى صحبتى بيلير!... آدملردن عبارت ايمش...

الحاصل دارالخلافه دن مصره كمش اولان مأمورلره بر مسافر مكرم ديمكندن

ایسه بر محبوس محترم سویلنسه دها زیاده تعریف حال ایدلمش اولور. بوصورتله کلان مأمورین قوری قوری یه اکرام و التفات اولنموب هر برینک درجه سنه ورتبه سنه وذات حضرت پادشاهی نزدنده کی قیمتنه کوره بیکدن آلدۀ اوتوز، قرق بیک لیرایه قدر تقدراً احسانلر دخی ویریلور ایمش...

دقت بیوریلور می؟ بوپاردهلر هپ دولت علیه دن فک ارتباط ایتمک املیه ایراندۀ مصرفندۀ کافۀ حقوق تفتیشیه دن آزادۀ و صحایف قیود صرفیاتی هر بار خدیو حضرتلرینک امرینه کشاده و آمادۀ بولنان خزینۀ مصریه دن و ویریلان مأذونیت اوزرینه وقوع بولان استقراردن صرف اولنور...

بزم اخلاقی بوزوق، خوش آمدکو رجملز حضراتی! ده برایش دوشه ده. مصره کیتسه ک آملی اوغرندۀ بیک درلو تکاپولری، یوزبیک درلو عارسزلق و یوزسزلکلری استانبولجۀ اختیار ایدۀ طورسونلر؛ خدیو حضرتلریله اطراف و خواشیس بندکانی بری اون بیک درجه سنده اعظام ایدرک سوزدلالی، حوادث مراقبسی بعض یادکاران وساطتیه بزم اوامور احساندیده حقدۀ اهلینک مقرر جمعیتنه وحتی حشیش قهوه لرینه وارنجیه قدر درلو درلو شیر اعلان یاه وناموسنک و شرف و حیثیتک انکسارینی مؤدی سوزلرله عالمی طولدیرلر ایمش. استانبوللیلرک مصریمز وار؛ اوزرندۀ حقوق ملکداری حضرت پادشاهی ثابتدر. دیملری ایسته بوصورتله کلوب کلوبده مصری صویق و بیکلرله لیرالری آشیرمق ایچوندرد؛ یوقسه مصرک ألا کوزینه عاشق دکلردرد؛ مصر اهلینک امنیت و محفوظیت حقوقی ایسه هیچ بروطفه ایدنملر ارجوفه سنیده عالمه قابوپ صالیورلر ایمش. بوجهته ساده دلان اهالی بی دولت علیه دن صوغوتمشلر. ایش بزدرجه یه کتورلمشکه مصرک مرکب سوروجیلرینه وارنجیه قدر انکلیزجه، فرانسزجه، ایتالیانجه، روجه سویلرلردۀ برکله اولسون ترک لغتی آغزلرینه بیله آمازلر، بیلانلری دخی اونوتمغۀ چالیشیرلر. بو حال ترک اولملری سیبله خدیولرله حواشیسینک اهالی نظرندۀ کی قدرلرینه دال اوله بیلیر ایسه ده، عموم عالم اسلامیه قارشی حائر اولدینی اهمیت ازدیاد آسفی موجب اوله جق درجه ده بشقه جه برتأثیری ده متضمندر!

بزم کرم دیدکان حضراتک احسان المی اوغورندۀ خدیوه مقابل اختیار ایتدکارینی، مصرده خلقک لسان طعن و نفریندن ایشدیکمز ذلتلری (الانسان

عیدالاحسان) قاعدہ سیلہ تاویل ایدرک معذور کورسہک دخی ، رأس اداره ده بولنلرک حالات مبسوطہ یی و صوکنده کلہ جک وخامتی دوشوغمہ جک قدر ساده دل وصافی نہاد اولمیرخی آرزو ایتیمز !

بر فقرہ

حائز اولدینی رتبہ وزارتله مصر مجلس نظاری ریاستنده بولنان ارمی نوبارپاشا بر فقرہ مهمہ ایلہ برکون لاقیردی ایدر ایکن : بن شویله یم ، بویله یم ، طوغری یی و طوغریلانی سوهره ؛ یوانده عمر کسجه عادت اولان مدیحہ نفسیه قصیده منشورہ سنی او قورکن سوز زیده عمروه و برآراقده استانبوله انتقال ایتدی ایدی . « باقندی نه یالان سویله یم ، بن استانبوللیلری دخی طبعاً سوهرم و آناطولی خلقتہ مخصوص اولان (قارہ کتہر) ی آنلرده کوردهم ، اکثریسی آچ کوزلیدر ، منفعت ملیہ تصوری اولمق سزین مجرد احوال و منافع شخصیہ سنک وقایہ سی قیدیله فوق العاده نبض گیر و مزاج آشنادرلر . معاملہ تبصصکاری و مداهنه یی تربیہ انسانیہ شکنده رجال مصریہ میانہ صوقان آنلردر . خدیو اسماعیل پاشا آنلرک یوزندن معاملہ سنی بیلدیکنر درجہ افراطه واردیردی . مسئلہ مصریہ ناکده بوگونکی حاله کلسنه سبب اولدی « دیدی . [*] بو محاوره نک نتیجه سنک نه یه منجر اولدیفی بحث ایتک صدمزک خارجنده اولوب شو قدرکه مقصدم رئیس نظارک و بلکه بالعموم مصرده کی رجالک استانبوله نه نظرله باقمقده اولدیفی آکلاتق و یوزیمه قارشی سوینیلان بر سوزک جکرلره اوق کبی باتان اینجه اوجارنی کوسترمکدر . چونکه سوبلیانک نیتک صاغلام اولدیفی و اینجده ذاتاً وصفه فصل مناسد و مقاصدک مستور بولن دینی کورونیور ایسده ، دیکه بن ایشک اسانده کی صحتی بر درجه یه قدر تصدیق ایدنلردن ایدی . بوجهتله ناقابل مدافعه اولان تعریض مذکور ایلہ فوق العاده جریحه دار اولدی . چونکه ایشی مدافعه ده ایلرویه وارسه حریف بر حق شیلری صایوب دوکجهک و بلکه ده دائره مالیہ دن قیدرسمیسی جیقاروب کیملره نه ویرلمش ایسه برربرر کوسترمجک اقتدار ی حائز اولدیفی معلوم اولمسنه مبنی طوغریسی بویا ، ایدیلان بومدافعه حقیقته قارشو یک طادسز و طوزسز بر صورتده قالیوردی . اته یی

[*] برکون عمر و ایلرله خدیورلنه ، بونلرک اینجده اک ایسی هانکیسی اولدیفیہ دائر نوبار پاشاک مطالعاتی صورلدینی مرده مشارالیه : « بو آدملرک بدیسنه ده خدمت ایتدم ، هر بریک حال و شاننی اینی بیلورم . الیوی دلی اولدی ، دیکرلری دلی طوغدی » جوابی و برمشدر .

صدر اعظم عالی
پاشا مرحوم
شکر جمیل

اسماعیل پاشا حد مأذونیتک خارجنده اوله رق تدارک ایلدیکی زرهلی واپورلره شو قدر بیک عدد نو ایجاد تفشک کرک صورت تدارکنک و کرک بونلرک مصرده وجودینک حسن نیته مستند اولدیغنی صدر اعظم عالی پاشا مرحوم کشف ایدرک جمله سنی الدن آلدی . بوباده اسماعیل پاشانک اوروپایه قارشی ایتدیکی شتاه و کورولتی پی ده عالی پاشا پواتیق تشبثاتیه تأثیرسز براقیدی . اسماعیل پاشا عالی پاشایی خصم جانی عد ایتش ، عالی پاشاده موقع اقبالده اولدجه اسماعیل پاشایی نفس آلدیرمیه جق درجه ده تحت تضییقه آلمش ؛ حتی استقراض عقد ایتک صلاحیت و مأذونیتی متضمن اولجه استحصال ایلدکلری فرمان عالی حکمنی بیله بر دیگر فرمان ایله لغو ایتدیرمش و مصر حقتده دها بشقه بشقه نیتلری ده ایشیدلمکده بولمشدی . نه چاره که تصورات واقعه وجود پذیر تصدیق اولمقسزین عالی پاشانک ارتحالی وقوع بولمشد . رحمة الله علیه رحمة واسعة . [*]

[*] اخیراً تجارب زمانیه ایله آکلاشدیکه عالی پاشا علمانک لزومسز و غیر معقول تعصبات و اعتراضاتی و رفقاسی اولان سائر ایش آرلرینک خفی و جلی علیهنده یوروتدکلری انترقیه بلیاتی و سرای خلقتک اداره دولته غیر قابل توفیق و قبول اولان نامعقول مداخلاتی کبی هربری یالکن باشنه براداره خلقتک و برایش آدمک صفای بالی تکدیره یق و آراتان مصاعب و مشکلاتی اقتحام ایله برابر جسم دولتک مرض مزمنی حکمنی آلاان اسباب تحریبیه نک ازاله سیچون وسعتک یته بیلدیکی مرتبه ده کرچکدن دوا ترتیه چالشمس بر حکیم ذات الایستار ایدی .

دولت عایه نک پایند ترقیبی و محفل شرف سیاسی اولان و عصرک حکمنه کوره هر برینک دولته اولان ضررینک تحدیدی عاقبتی مجهول نیجه محاربه لر اختیارینه و قائلر اساله سنه محتاج بولان معاهدات عتیقه بارشیلنی عالی پاشا طوتدیغنی مسلك معقول سایه سنده زمان و تعامله بالتدریج بیدرپوب بتریمک عزمنده ایدی . مجرد شخصنده کی امانت و اهلبنک کفالتیه دولت علیه نک برمدت دها قیام و دوامنی پولتیه لرینه موافق بولان بعض اجنبیلری دخی دولتک بومقصد ممدوحنی محافظه اوغورنده استخدام ایدیوردی .

عالی پاشا برطرفدن مسلك دولتی طوتدیغنی خط حرکتیه توفیق و تقریبه و طرف آخردن طریق مشی و تقدیمده بنه بزم طرفزدن بلیه حسده احداث ایدیلان عوائق داخله نی ازاله به همت ایتکله برابر اووقتلر هنوز میدان آلمده اولان یازاسلا و بزم انترقیه لرینک داخله و خارجاً ایجاد ایتدیکی مشکلات عظیمه نک قلع و قمعنه دخی یالکنزجه اوله رق کوکس و یرمکده ایدی .

عالی پاشا هر طرفی برکفایت مشکل براندازی و کمال عزم و حزم ایله اداره ده اولسون ؛ برجهتندن ده محافظه مسلکی ایچون فرانسزلرک وقوع بولمده اولان معاونتنه قارشو منتدار قالدیفندن بوحق منتهی ادالایچون ده آنلره اظهاری طبعی اولان جملهلرک آتیا دولتک ضررینی انتاج ایده جک بر صورت کسب ایتماسنه دقت و اعتنا ایتک کی غایت مهم بر موقع حرجده بولنیوردی .

محمود ندیم پاشا اسماعیل پاشانک بر جوق احسانہ مظهر اولمش ایکن بیله
مصرده کی حقوق دولتی وقایہ املیله اولدجقه یولیلہ طاورامش ایسه ده دها ککره لری
صدراعظم اولان شیروانی زاده محمد رشدی پاشا بتون بتون غریق بحر احسانی
اولدیغندن بویادکارک عہد صدارتندہ اسماعیل پاشا، عالی پاشا زمان ادارہ سندہ
سلب اولنان استقرار صلاحیتی تکرار استحصال ایتدیکی کبی مصرک امتیازاتنه
ضمیمہ اولق اوزره شرفصادر اولان فرمان عالیله دها خلیجہ شیلر قزاندی.

چونکہ عالی پاشا چپردیکی خط اوزرنده امور دولتی یورتک واکدیکی تخم اصلاح
ثمره سی انتظاف ایتک، آتجق قوتی و ضرر سز بردولتک نفوذنی استخدام ایله حاصل اوله جغنی
بالتجربه کسدرمش اولدیغندن، اوعمرده سایه اقبالی شرق و غربہ تمید ایدن فرانسه
ایمپراطوری اوچنچی ناپولیونک درسه ادمده سفیری بولنان موسیو « بوره » بی داخله
و خارجاً تصورات اصلاحیه سنه معین و تعرض ایدہ جک مخالف هوارک کافه سنک قوتی کسر
و ضررینی تحدیدہ . آلت اتخاذ ایتشدی . زهی هنر !

اگر بالاخره بورانک چبقاره جغنی فورطنه نظر اعتباره آنماسیدی . مصرعر غضب استبداده
قارشی عالی پاشانک کولکشمی ممکن اوله مژدی . ایشته بورانک قوری برسطوق سایه سندہ
عالی پاشا دولته نافع خلیجہ سیاسیات مدنیہ و مهمیہ موفق اولدی . دولته بر باب عالیک
موجود اولدیغنی یار و اغیاره طاقتدردی .

حتی معهود مصرلی نوپار پاشا برکون ینہ فقیرہ دیش ایدی که : خدیو اسماعیل پاشانک
مصرک توسیع امتیازاتی حقندوکی بعض طلبانی حامله و مبعوثاً استانبوله کیمتدیکده باب
عالیدن بشقه ابواب دولتک جله سنی بکا قیانی بولدم . عالی پاشا بنم نهدرلو مستدعیانی حامله
درسماعنه کیمتدیککی بیلدیکندن مجرد صدر مرحومک کوستردیکی اثر انفعالک تأثیریلہ عجبا
بو آدم مصردن نه ایون ککندر دیه صورمغه هیچ کیمسه نک زحیره سی یوغیدی . بنده و بی
مطالبی ابلاغه مأمور ایدن ده عاجز و متحیر برحاله قلمش ایدک . نہایت داخلی و خارجی
خیلی شفاعتجیلر قولانهرق عالی پاشانک حضوربنہ رخصت باب دخول اوله بیلدک ایچون تمام
ایکی آئی مدت چالشم ... « انتہی » نه قوت ، نه مہابت !

چونکہ اووقتہر شدیدی کبی (یکریمی بش سنه صکره) مصردن برقوری سلامی حامله
کلان عادی برماورک باب عالی ایلہ مناسباته نزل ایتیمه جک درک اضمحللده دکل ایش !
آخ بنہ سولیم که (مشکلی نیست که آسان نشود : مردم باید که هراسان نشود) عالی
پاشانک صدراعظم بولدیغنی ائشاده دولت علیه حالا ، مالا ، اعتبار آ ، برآ ، بحر آکر چکدن
بر حیثیت سیاسیہ و صحیحاً برقوه مهمه فعالیه مالک عداولنیوردی ..

عاقبت بک سکر بورنیش تاریخندہ آلمانی اتحادی موجب اولان محاربه نک فرانزله
قوتی ظهورندن و لاپوایونک سقوطندن و فرانسه نک جمهوریتہ انقلابندن عالی پاشانک بی قیطره رق
کندیسنجہ محقق الوقوع اولان برنکت ادباربنی کورمکسزین فرانسه وقوعانندن ایکی آئی
صکره سکون و سکوت ابدی سسته انتقال ایلہ دعوغه عالمند دستکش فراغ اولدی .

آندن صکره محمودندیم پاشانک موقع صدارتی احراز ایتیمه برابر ممالک عثمانیه نک و معاملات
داخلیه نک و تدابیری قوبارقی حالا امواج بحر قهره اوسلوب طور یور : روم بر صہای
سلامتده قرارل نصیب ایدہ . آمین !

یوقاروده خلاصه یازیلان مساوی احوالک اکثرینی اسماعیل پاشا، علی پاشانک و قاتیلہ کندوسنک موقع اقبالدن سقوطی بیننده کی یدی سنہ مدتلہ صیقشدر مشدر .

اسماعیل پاشانک و مصرک عاقبتی مالیه ناظری اسماعیل صدیق پاشانک یوقاریده حکایہ اولنان حال اضمحلالی وینہ فاضلر تأدیاتنک صیقشمنی و خدیو اسماعیل پاشانک وجودی مصرده باقی اولدجه اوروپاده کی احباب حقوق و دیونک تأمین حقوق ایتسی ممکن اولمیه جنی آکلاشلمی اوزرینہ چوق کچمکسزین انکاتره و فرانسه دولترلرنک طلب و مراجعتہ مبنی بیک ایکیوز طقسان آلتی تاریخندہ طرف سلطنت سنہدن خدیو اسماعیل پاشا عزل اولنسیلہ کثافت شخصیہ سی مصردن برطرف ایدلمش ایسده آتاریئہ سی قیامتہ قدر مصرده و صدور اهل اسلامده قالہ جقدر .

آندن صکرہ مصرک معاملہ حالیه و مالیه سی فرنکلرک بالذات مباشرہ تحت امر و اداره سنہ کچمش و کویا مصردن خدیولرک استبدادی رفع ایتک املیلہ مصرده کی انکلیر و فرانسز قونسلوسلرینک تفویذی قوۃ الظہار اتحاد ایدرک اسماعیل پاشانک اوغلی خدیو حالی محمد توفیق پاشای یلکن آلتہ المی ایستہین رئیس نظار ریاض پاشا ایلہ ہیئتتی دوشورمک و ضایع ایدلمش اولان استقلال اداره بی آلدہ ایدنک املیلہ خدیو مشار الہک طائفہ عسکریہی و علی الخصوص عسکرلر ایچندہ پک دیشلی بولنان میر آلائی احمد عربی ہیئت نظارک و دہا طوغریبی ریاض پاشانک استبدادی علمینہ تیشقرتمی و استانبولجہ بوحالدن استفادہ ایتک ایستیانلرک خطاسی دہ بوحالہ منضم اولہرق ایشی مہلک بر درجہ کتیرمش و صکرہ لری « المصر للمصریین » ہواسیلہ عربینک خدیوہ قارشى دخی آلوب یورون احوال عصیانہ سی و خدیوک انکلیرلرہ التجا ایتسی واسکندریدہ اسلام و خرستیان بینندہ حاصل اولان نتنہ و فساد اوزرینہ خطہ مصریہ داخلندہ طائفہ نصارانک و خصوصیلہ بعض فرنکلرک اجلاف اہالی طرفندن قتل اولنسی و کندیلرینی ترکلرہ و فرنکلرہ مقابلہ مؤید من عنداللہ ظن ایدن عربی اردوسنک « تل الکبیر » دہ ولواکی ساعت اولسون انکلیر عسکرینک ہجما تہ طیانہ مامسی، مصر عسکرینی خدیوہ اطاعت ایتدیرمک و مملکتک آسایشنی تأمین ایلدکن صکرہ حقیقمق تاویلاتیلہ انکلیرلری مصرہ قدر صوقشدر . [*]

[*] اوت ! عربی طاقتی فرنکلرلہ برابر خدیو فامایاسنک و مصرده کی عموم پاشارک وینہ مصرده ساکن بالعموم ترکارک وچرکسلرک عرفی کسمک ایستورلر ایدی . سببی ترکاک نامیلہ محمد علی اولادینک اختراع ایلدکاری مظالمدن بشقہ دکلدہ .

الحاصل مصر هیئت اداره سنك باشند محمد علی زماندنبیری اُسْمَكده اولان قواقی یلیری انکلیز لرك بادبان منافعه موافق کله رك مصره قباغی آتدیلر. مرسای اداره سنه انکیر انداز اولدقدن بشقه اداره محلیه نك اوضاع شتر و کر به سیاه سفینه وجودیه لرینی پلامار لر ایله باغلا تدی لر. شمعی بزم آنلری چیقار مقلغه چالشمق لغز مخالف روز گاره و آققی به قارشی کورک چکمه بکزر. بو کونکی کونده مصرک هواسی انکلیز لرك مزاج اشتها سنه کندیلرینک آرزو سندن زیاده موافقدر. جناب خیر الاناصیرین امت اسلامی به ده هر حالده موافق هوالرو مساعد روز کار لر احسان بیورسون. بش اون کشی موقع اقبالده سایه انداز اجلال ورفاه اوله جق دیه طقوز میلیون مسلمان، مشربلرینک، مذهبلرینک خلافت اوله رق اجانبک منافعه قربان اولوب کیدیور.

خلاصه شوراسی معلومدر که هانکی مملکت اسلامی به ده که استقلال هوالری اسدی، نهایت او ولایت بحر اضمحلاک قعر نایابنه قدر صوقولدی کیتدی. قریم نه اولدی؟ جزایر نه حاله کلدی؟ تونس شمعی نصل الورد بوننیور؟ البته اسماعیل پاشاده مصری بو حالده کورمسندن طولای ایتدکلرینه نادم اولسه کر کدر. نه ائده که بر آقیه ایتمیان حوک ندامت! [*]

[*] بکون بنه نو بار پاشا ایله مصاحبت ائانسنده آچیلان برمناسبت اوزرینه دیدیکه: «مصر اعظم عال پاشا مرحوم (مصر خدیو لری صحت سکره مانع اوله جق صورتده هوس استقلال ایله سرخوش و باز قکه بو حالک نصل برمدش عاقبت نتیجه ویره چکندن عافدر لر) دیشیدی. جواباً دیدیمکه: ائندم، هر فرد مقامنده، موقعنده هوس ترقی ایله منظور اولسه خدیو لردده قانون فطرتک بوقاعده سنه اویارق بویه بر فکر ترقیده بولملری استعداد اولنه من! فقط حالک حکمی، موقعک ایجابی، زمانک استعدادی دوشونلیرسه بونک بیوده بر قورونتیدن عبارت اولدینی ظاهر اولور.

«اوت، بیوده بر قورونتیدن بشقه اولدینی معلوم ایهده بر قوروتی او یله آثاری غیر بارز خیالات و هییه قیلندن اولیوب جوار قومشور ایله برابر بتون اهل یقی راحتزایده جک صورتده، ایخوالی علی میللاریک تصورات و حرکات مزاجیه می کیدر. بونده مسیری رجال امور مصره اولان سزلر سکز! چونکه خدیو لری نایید و تصدیق ایدیور سکز. آمال خیالیه لر نی کسبل ایله تشویه ایدیور سکز. دیه بولری ماب طوبی ایشیتدی. آت اوزرینه سولدمکه: رفقای عاجزانم ایله و بلید دکلردر. بو حالک بر وخات عاقبتی منتج اوله جفتی ده بک اعلا تقدیر ایدر لر. شو قدر که آنلر خدیو لره اقتضاده معذوردر لر. چونکه هر کس بک کی دکلر که خدیو لرم بر مامنه انصالیه کوردیکی کبی مامارت قولمل طوب اوروپانک برکوشه سنده سنوی یدی، سکز یوز لیرا بر مصرفه وقت فرجه انتظار ایله آسوده و این بر حالده زمانی بکیرسون. آلردن بری سبوتک فطرتدن دوشمه بر بار

یا خود احتمالی وار که بیوک باباسنک تأسیس و اولادینه تملیک ایتدیکی اداره یی و نانپاره معیشتی تهلیکده کوردیکندن براز متأثر ایهده آنک ضمنده دولت علیه نک حقوق حکمداریسه دخی تعرض ایدلمش اولسی سببیه متسلی در . نه قدر نفسانی بر تشفی صدر !...

انکلیزلرک مصرده کی حالی و آنلره مقابل حکومتک معامله سی بورا جقده برازده انکلیزلرک مصره تأثیرلری درجه سببیه آنلره قارشو اداره مصریه نک و مصریلرک حاندن وایکینه مقابل بزم مصرده کی موقعزدن بحث ایده حکم :

انکلیزلرک دیپلوماسی اصطلاحنجه مسئله اشغالیه سی یالکز مملکتک آسایشی محافظه ایچون عسکرینی مصرده بولندیرمقدن عبارت دکدر . شو آنده مصرک مصرلی اوله رق موجود اولان اون درت طابور قدر عسکری ، خلقی آلداتمی ایچون باشلرینه فس کینمش اولان ورتب مختلفه یی متضمن خدیوک نزدنده موجود اولوبده یالکز اسم یرلری آچیق بولسان فرمانلرده کی آچیق یرلرک طولیدرلمسبیه پاشالق نامنی طاقینان باش قوماندان غرانفیل ولوا قوماندانلری وودهاوس ، کیشتر نامنده کی انکلیزلرک امر و قومانداسی آنتنده و بولنرک جمله سی مصرک انکلیز جنرال قونسولوسی (سیر اولین بارنغ) ک تحت امر و نفوذنده اولدینی کبی ، هر آلیک میر آلائی ، هر طابورک بیکباشیدن بشقه موجود اولان قائم مقامی مصر خزینه سندن اضعاغ مضاعف معاشلر آلمق شرطیه یه انکلیزلردن منصوبدر . دیمک که مصرک یرلی عسکری مصر فی مصره عائد اولوق اوزره انکلیزلرک مصرده

نفی اولنقدن و تعرضات سائرده دن سالم قالسه بیهه بالطبع خانه سنده محبوس قالدی جفندن زرده قالدی اودا واحباسندن برسی ، حتی متعلقات واقاربندن بیهه برکیمسه قاپوسنی آچوبده کیننی صوران و برسلام و یرن بولنر . عموماً امم شرقیه ده جاری اولدینی اوزره بزم روح اضافیمز رئیس حکومتک یک نظره التفاتدر . اوالثفاتک وجودیه حی ؛ عدمیه منعذر . خصوصیه رفقا مک معیشتلری چیفتلک ، اراضی ، عئارکی اموال غیر منقولیه منحصر اولدینندن او خبر شومک شیوعیه برابر محصولاتی چالینور ، اوتیه سنده بریسنده حریق ظهور ایدر ، اکوب بیچمک ایچون فلاح و عماله بوله مر ، اراضیسنی صولایه مر ، الحاصل و سعتیلجه آچیلش اولان برخانه نک قاپوسنی قانور ، بر فاملیه محو اولور . بویه بر نکیت ادبانه دوچار اولوق خوفنده بولسان رجال مصلحت خوش آمدکو اولزده نه اولور ؟ بناءً علیه بزم حقوقزی محافظه و مدافعه یه مملکتیزجه بر موقع امنیت تعیین ایدیکز ، او وقت دولت علیه نک اک بیوک معینی بزلر اولمش اولورز ، جواب الجوابی و ردیکمده حتمی تسلیم ایهه مستدعیاتمی نظر دقته آله جفنی وعد ایتدی ایدی . « انتمی »

ذکی وزمانیده ارمنی بر کتاب طولوسی سوزی شو مختصرجه فقره یه صیقیشدیر یوریدی .

ایندکاری بر فرقه مسلحه دائمه در . هانیا مصرک امتیازاتی متضمن اولان فرمان
هایونلرده، مصرک عسکری عسا کر شاهانه عدادندن معدود اوله جفی وحتی
تشکیلات وعلاماتی بیه بزمکینک عینی بولنه جفی مندرج ایدی . اوبحث بالکیز
فرمانک کاغدی اوستده اوقونور ، فعلیاتنه دأرهیچ برشی کوریه مز. چونکه
شعدی مصر عسکری دکل سلطنت سینه نک، خدیوک بیه امر و تفوذینک خارجنده در.
حتی انکلیزلرک سودان ایچون حدود اتخاذا ایتدکری [*] وادی حلفاده
و دارالمها تلمری حائده اولان اصوانده سودانیله قارشو کاه غالب کاه مغلوب
اولان بوفرقه مسلحه نک کوردیکی وکوره جکی ایشدن انکلیزلر ایستلر ایسه
اضفاً خدیوده معلومات ویرلر ؛ اما طوغریسی سویلینجه وقوعات واحوال
جاریه مصریه نک هیچ برجهتدن خدیوک رأینک صورلدیغی ایشتمدک. انکلیزلر
مصرده برشیک یایلمسینی مراد ایتدکرنده مقام حکومتده قائم بولنان ذاتک نرده
قالدی مخالفتی ، اوایشک تعدیلاً تصحیحنه بیه قدرتی اولمدینی بزجه رهین
حیزبوت و تحققدر .

بروقتل عموم اوروپایه قارشو انکلیزلر مصرده کی اقامتلمری بر سبب مشروعه
بنا ایتک ایچون [**] سودان جهتدن مصرک آسایشک تهدید ایدلمکده اولدیغی
کوستر مکده اولدقلرندن بوکی حیللی سیاستلرک وجودندن غافل بولنلماق
اوزره بزجه بعض تدایر متحتمه یه تشبث اولدینی وخصوصیه وادی حلفا
واصوان جهتک حکومت ملکیه سی دخی انکلیزلرک آئنده اولوب بونلر عجبا
اوراده کندی باشلرینه نه ایش طوتیورلر ، مصلحتک ندرلرینه ، نه درلو حیل
قایورلر ؛ بوراسی خدیو حضرتلرنجه معلومیدر ، ویاخود اوراده عسکرک ایچنده
خدیوی عمرمانه اوله ارق حقیقت حالدن خیر ایدیه جک برضابطی وامین بر آدمی
یوقیدر ؟ یوشده تحریات و تحقیقات اجرا ایدلکی صرده کمل تأسفه آکلاشلدیکه

[*] بو حدود لفظی ده آئیده سودانده انکلیزلی حر براقی اوزره میدانه قویدقلى تدایر
اوله، چاه سندن دریا ! اوراسی صدد بجمزک خارجنده اولدینی ایچون سکوت ایدلدى .
[**] چونکه بونلر مصره کیرمزدن اول مصرده عربینک وعسکرک اختلالی حکم
سوردیکی ودولت علیه نکه ده مصره ترک عسکری کوندر ماکده اسرار ایتدیکی آکلاشلدینی
صرده استابولده بولنان دول اجنبیه سفیرلی دولتری نامنه بر قونفراس عقد ایدرک
مصرک آسایشی محافظه ایتک اوزره انکلیزلرک مصره کیرمسنه قرار ویردکلی ائاده
بونلرک مصرده اوتوروب قالاملرینه تملک داعیه سنده بولاملرینه دأر پایلان عدم علاقه
مضبطنی انکلیزلرده امضا ایشدی .

انکلیزلرک ، مصر عسکری اوزرنده قولاندقلری یرلی ضابطلرک جلهسی
انکلیزلرک امر وفرماننه تابع و آنلره جاندن ویورکدن صادق وکرچکدن
مطیع مسلمانلردر!

خدیو ایله ویاخود طرف اشرف خلافت کبری دن مأموراً کلش اولان بزم
هیئتمزدن بریله سرآ وعلناً مناسباتده بولنه جق برضابطک درحال عسکردن
چیقاریله جنی ویاخود بشقه درلو بالاره اوغرا دیله جنی امثال عدیده سیله ثابت
اولدینی و ذاتاً یورغون چوش دیمک او ... ک جاننه منت بولدیغی جهتله
ضابطان مصریه هیچ باشلرینی آغرمقسزین کال محبتله عموم هیئت اسلامیه نک
منفعتک خلافه اوله رق انکلیزلره خدمت ایدوب طور ییورلر ، وینه آنلرک
محافظه نفی ایچون مسلمان اولان سودانیلرک قاتنی دوکیورلر ...

پک غریب دگیدرکه بو آدم لر وقتیه ترک ویاخود ترکجه سویلکی بیلیر مصرلی
امرانک قومانداسنده بو قدر مدت قالدقلری حالده بر نقری اولسون ترکجه اوکر نمسینه
هوس ایتماشلر ، اما [*] شمدی هر بریسی ماشالله فرط استعداد و ذکالری
سایه سنده غران بریتانیالیلردن زیاده انکلیزجه سویلکده بولنشلردر .

ایشته مصر عسکرینک حالی بویله ؛ مالیه سی ایسه کاملاً انکلیزلرک النده ،
داخلیه و نافعه جهتی دخی بسبتون آنلرده اولوب یالکنز ظاهراً مداخله دن مصون
قالان عدلیه و معارف نظارتلری ده صکره دن انکلیزلرک یداستیلاسنه دوشدی .
الحاصل تدریجی تدریجی مصرک کافه شعبات اداره سی منحصرأ آنلرک قومانداسی
آلته کیردی . بوراده فضولینک بریتی خاطریمه کلدی . خدیو حضر تلی
لسانندن انکلیزلره اوقونور حال حاضرینی پک کوزل تصویر ایدر :

اولدر ، بکا مرادکه اولدر سکا مراد : کوسترمه اول طریق که کتمز سکا بکا

شمدی بتون خطه مصریه یه بدل خدیوک حصه سنه یالکنز اسکندریه ده
(رأس التین) و مصرده (عابدين سربلری ایله سکز نفر سوسلی معیت یاور
وچاوشی و براقچ عددده سلطنت آراهه سی دوشدی . جمعه و بازار کونلری بویاور
وچاوشلرله اطرافنی محاط اولدینی و آرقه سنه ، یرلی واجنبی اوچیوز آراهه ده
سیرجی اوله رق طاقلیدی حالده آلا هی هی ! .. بر جمعیتله مصرده ایسه جزیره ده ،

[*] وقتیه ترکجه بیلیان بر سوریه لی یه دولتکنزک لسان رسمیه سی اولان ترکیه نی نیچون
اوکر ندیکز ، عیب دکلی ؟ دیدیکمه [نیچون اوکر ندیکز عیب دکلی ؟] جوابنی آلمیشیم .

اسکندریه ده اولدینی حالده محمودیه قالی بویجه ایستاده موقع تقرب واتزاده اولان فرنگاره ، طلعت انوار دیدارینی مشاهده ایتدیرمک وظیفه سیله ده مشغولدر!!.. حال بویله ایکن بتون قطعه مصریه ده چیقان عربجه غزته لرده (فرانسزجه لر دکل ها!) هر حالی عدالت، هر رأیی عین حکمت اولمق اوزره خدیو حضرتلرینی جدی برطرز ایله آلفیشلیورلر. اها لینگ حصول رفاه وسعادتق ایچون صبا حاره قدر اویقوسز قاله رق چالیشوب چبالیور؛ مجد و مجتهد وعادل ومدبر وخواجه سیاستدر! کبی اوصاف ومحاسنی لسان ستایشله یاد ایدرک علله معلوم اولان حقیقتک خلافتی التزام ایله خوش آمدکولق ایدیورلر.

ایشک الیزاده شایان استغراب اولان برجه تی ده ذات عالیسی دخی خلوصکارانک ناطقه زب مداهنه اولدینی شومططن عبارتق استماع ایله منبسط اولیورواشات واقعیه صحیحنه اوله رق یوتیورده حضورینه شرفیاب دخول اولان ذوات کرامه ده یالکزجه اوله رق برباشنه مملکتک سعادت حالنه خدمت ایتکده وکیجه لری بیله اویقوسز وراحتسز قاله رق اها لیسنگ! منافعی اوغورینه حصر وجود ایتکده اولدینی آکلادیور. [*]

باقندی بلایه که، ذات والاسی بولندی حالدرکه مذلتک نرہسی اولدیغنگ فرقدہ بیله دکل! حتی انکلیز قونسولوسنگ اقامتکاهی بیوک وکوچک مأمورین مصریه واشراف وعلما وسادات بلده نک اکثریسنگ مطاف مخصوصی حالنی آلدینی وموسیو قونسولوسک (خدیو دخی داخل اولدینی حالده) نیم خنده التفاننه مظهر اولانلر کندیلرینی هر سعادتک صاحبی اوله رق طایدق لری حالده انلر خوش کوریلورده مدت مدیده بزم اقامتکاهمز خدیوک خفیه مأمورلرینک تحت نظر تفتیشده بولنیور وکیملر کیدوب کیملر کلیور؛ نصل ترددلر وقوع بولنیور؟ بورلری آکلاشلمق وایجاب ایدر ایسه انکلیزلره دخی خبر ویرمک اوزره خیلی یورغو نقلر اختیار اولنیور ایدی.

یوقاریده دیندیکی وجهله مختار پاشا مصرک امنیتزلکنی، آسایشزلکنی اداره نک حالنه دائر بعض امثله رسمیه سبب طوتوبده مصرده اوتوروب قالان انکلیزلرک چیقمسنه سوزده بریول آجیلش اولمق اوزره انکلیزه دولتی طرفدن قومیسر تعیین اولان (سیرهارتری دروموندوولف)

[۹] حریف کرکجه ل وغفلتدن وکرکه وقوف وشیطنتدن ناشی اهلانی اهلایه تعبیریه یاد ایدرک کندوسنه مستقل برحکمدار چشنیسی ویریور اولدیننه دقت بیورلدی یا:

ایله بالما کره مصرک قوانینی و اصول اداره سنی ترتیب و مصری کندی کنینه
 یشایه بیلجک درجه ده تنظیم و اصلاح ایتمک اوزره طرف دولت علیه دن قومیسر
 تعیین اولنهرق بیک اوچیوز اوچ سنه سنده مصره کلدی ایدی. کویا اداره نك
 اصلاحندن صکره مصرک انگلیز عسکرندن تخلیه سی ایچون بین الدولتین بشقه جه
 بر مقاوله ده یاپیله جقدی. هپ برابر اولدیغمز حالدده مصره کلدی؛ خدیوک ریاستی
 تحتده برقاچ دفعه مجلسلر عقد اولندی، مذاکره لر ایدلدی. مصرده آسایشک
 تأمین و تقریری ایچون اولجه مصر عسکرینک تنظیمی نقطه سندن ایشه باشلانادی.
 انگلیزلی دوستمز مختار پاشادن مذاکرات واقعه نك نتیجه سنه تصوراتی ده علاوه
 ایله بر راپور ایستدی. اوبابده یازیلان راپور بزدن آلنهرق لوندریه کوندردی.
 برخیلی مدت جوابی بکلندی. عاقبت لوندردن بالاعتراض راپور اعاده اولندیکه
 ایش انگلیزلرک افکار و مطالعاتنه تطبیق ایدیله. اوده ممکن اوله مدی شویله ایدلدی؛
 بویله ایدلدی؛ الحاصل انگلیز قومیسریله اویشیله مدی کیتدی. انگلیزلرک بوندن
 مقصدی مصرده یرلشوب اوتورمق اولدیغی آ کلاشلدی ایدی.

یهوده یره معاش و یر مامک ایچون انگلتره دولتی « دروموندولفی » مصردن
 قالدیردی ایسه ده آکا مقابل طرف دولت علیه دن کوندریلان مختار پاشا استانبوله
 چاغریله رق صورت رسمیه ده برایشی اولمدیغی حالدده مصرده اقامه ایدلدی.
 بوبخی قره لادیغ تاریخ که بیک اوچیوز سکر سنه سیدر؛ بتون هیتمزله برابر
 بش سنه یی متجاوزدر، حالامصرده اوطور مقدمه و انگلیزلرک حقوق اداره یه درکار
 اولان تعدیاتی و نخوت و استکبارلری درجاتی و مصرلیلرکده آنلره قارشو اولان
 ذاتی و سوء خلقلری نتایجی و بعضیلرینکده بزه مقابل کوستردیکی وضع نامحوارک
 دهشتی کوزلرمن ایله کوروب قولاقلرمنزه ایشیدوب اوزوم اوزوم اوزولمکده یز.
 آرقداشمز دروموندولف ایله مذاکره لر جریان ایتدیکي صره ده مصرک هر شعبه
 اداره سنی آله آلمش اولان انگلیزلرک تنسیب و ترتیبله و کویا واردات مصریه یی تزید
 ایتمک مقصدیله ممالک دولت علیه نك اقسام سائر سندن خطه مصریه یه کله جک اولان
 کافه امتعه و اشیادن (اوقتر و آ) یعنی دخوایه نامیه یوزده طقوز بر رسم آله جنی
 مجلس نظار قراریله اعلان اولنشمیدی. بو حالک وجوده عدیده دن کورونان چار بقانی
 و مناسبتسزلیکی و حقوق حکمرانی دولت علیه یه اولان مخالفتی و اداره مصریه نك
 بوبابده کی وظیفه سزلیکی قابل هضم شیلردن اولمدیغندن قرار مبسوطک کری یه

آلمسی مختار پاشا مقام خدیویدن شدله طلب ایتدیکی صررده خدیو حضرتلریله مبعوثاً برایکی دفعه ملاقات ایلمشیدم . وقوعبولان محاوره ، اداره نك حاتی وامعان نظر حالندهده خیایای سائره بی ناطقدر . محاوره مذکورده نك فی ۱۳ رمضان سنه ۱۳۰۳ تاریخلیسی راپور شکنده قومیسر پاشایه تقدیم ایلدیکمدن مشار الیه طرفندن ده باب عالییه کوندرلمشدر . حاضر صدبدجشمز بونقطه به منجر اولمشیکن ذکر اولنان محاوره ورقه لرینک عیناً بورایه درجده بر مناسبت کوزو کدی : هیچ اولماز ایسه اوراق مذکورده بی ضیاعدن محافظه ایتمش اولورز .

خدیو حضرتلری نك وقوعبولان دعوتلری اوزرینه کیتدیکمده سبق ایدن محاوره مزدر : فی ۱۴ رمضان سنه ۱۳۰۳

خ — ذات عالیرخی جلب ایله زحمته قودم ، عفو ایدرسکز .
فقیر — استغفره افندم .

خ — شمدی سزدن اول ایتالیا جنرال قونسولوسی کلشیدی . قونیه جق ادخالات رسمنک برازی ده ایتالیا نلرک حتموقه طوقومش اولدیغندن بونی آکلامق وهمدماؤونا ایتالیا یه عودت ایدم جکی جهته وداع ایلمک اوزره انکلیر قونسولوسی بارنغه کیتمشکه (دروموندو ولف) ونوبار پاشا [*] ودعا بر طاقلری اوراده طویلامش وبارنغ یوکسک پرده دن : « مادامکه بوراسی انکلیر اشغال عسکر یسی تحتنده در ، اجراءات ملکیه ومالیه وعسکر یه سنک ارشاد ومطالعائمزه توفیق اقتضا ایدر . انکلیر لره عفاغت ایدم جک بر منسرتک مجلس نظارده یری اولامیه جنی کجی مصری ترک ایتمی ده مقتضیدر » یواللی سوزلرده بوئورمش [**] فسبحان الله بو حریف جیلدیر مشی ! نوبار پاشا (یعنی ویریلان واعلان اولنان قراری قالدیر مق اوزره) اقناع ایتمک ایستورمش ، لکن نه ممکن ! حریف کمی آزی یه آلمش ؛ انکلیر قومیسری وولف ده سکوت ایدر وسویلر ایسه ده ملایم بولنورمش . شوندن آکلاشیایورکه بوایسه مخالفت ایدن بارنغ ایله کرکار مأموری « آسیت » در . آسیت ده اوراده ایتمش . باغروب چاغرانلرک بری ده اوایتمش بورالریخی قومیسر پاشا حضرتلری نه آکلاسه کزده ایشک در جهتی ییسه فناولمز ظن ایدرم .

[*] اولوقت رئیس نظار ایدی .

[**] باقندی خدیو حضرتلری ایچی نره دن طوندیریبورلر . قرار اقمک اعلانندن معذور اولدقلریخی نه صورتله تحت تهیدده بولدقلریخی اکلاتیق ایستبورلر .

خدیو توفیق پاشا
ایله بر محاوره من

ف — ظنمه کوره بونلرک جمله سی پاطریدین عیارتر . صرف حقوق عالیکز داخلنده کی بر مسئله نك اولورینه اولمازینه آنلرک مداخله لرینی ممکن دکلدرکه افندمز تجویز بیوره سکز . بونلرک حکایه بیوردیغکز درجه یه وارمش اولان مداخله لرینک باب عالی ولوندره سفارت سنیه سی واسطه سیله قطع ایتدیرلمسی افندمزجه ممکندر . آرزو بیورلدیغی حالدده پاشا حضرتلری بنده کزده بوبابده کافه اقتدارینی صر ایتمه که حاضر در . [*]

خ — افندم حریف (یعنی انکلیز قونسولوسی) پک مناسبسز و عارسزدر . بوندن برقچ آی اول بر مسئله ایچون بورایه کلوبده بکانه دیسه بکنورسکز : سز شوقشله یوقی ؟ [**] ایشته او قشله نك سایه سننده بوراده مقام اقتدارده بولنیورسکز ؛ بناء علیه ایشک بوجهتی بیلوبده آکا کوره طاوورانملیسکز دیدی . [***] بنده جواباً دیدمه که : عفوایدرسکز موسیو هیچده اوپله دکل ، سز آرتق ادب صحبته ده رعایت ایتنیورسکز دیه حدت ایله سویلندمده سکوت ایتدی (حریفک اویدیریلان تبلیغات وتهیداتنه بوجواب اویدیه مبارک اولسون) بن اوپاطریدلرک هیچ بریسنی نظر اعتباره آلام ؛ حتی لوندرده ، پارلمنتوده (خدیوک ضعف قلبی وارد) کبی سوزلر تکون ایتدی . بن آکاده اهمیت ویرمدم ؛ بن همتمه فطور کتیرم ، چالیشیورم . (هانکی همته بیله هم ، نه یه چالیشیور آنیده آکلام !)

ف — ینه عرض ایدرمکه بونلرک مداخلاتی کسمک وبارنغک معاملات بارده سنی تعدیل ایتدیرمک کبی اقتدار عالیکزه نسبتله کوچوک برشی یوقدر . ایتدکلری شامت و کوراتی یه سکوت ایله معامله و مقابله ایدیلیور مساعده سنی کوردکجه انلر ایشی نزا کته و تربیه یه حمل ایتیب صرف ضعفه وعجزه حمل ایدرلر . انک اوزرینه ده جسارتلری آرتار ، ایشته مملکت مزده بولنان عموم اجنیلر مزک حالی دائماً بویله در !

[*] چونکه باب عالی به مراجعتله انکلزلرک مداخلاتندن شکایت ایتسنی ایستمدیکنی بیلدیکمز حالدده بونی بیلدیکمزی بیلدیرمک ایچون کندیسکی صیقشدریلدیور .
[**] عابدين قشله سی دیمکلدرکه خدیوک قهرینک اتصالننده در ، اووقت ایچنده انکلیز عسکری وار ایدی .

[***] هوپالا ! بافندی ذات عالیلری نه دیمک ایستیور ، نتیجه سی شمديکی حالدده خدیویت مقامده بن قیام انکلزلر سایه سننده در . بن آنلرک اجرا آتته وتصوراتنه قارشوکلهم والسلام !

خ — بوبارپاشا، پاشا حضرت تیرینه کادی می؟ (باقیندی سوز نره یه کیتدی!)

ف — خیر دها کلمدی، کلمکده آفاق سورویور؛ مقصدی ندر بیلیم!

خ — ایکی آتش آردسند قالدیم دیور، حریفلری اقتاع ایدم میور. انک ایچون صقیلیورده کلم میور. پاشا حضرت تیرینه سویلیکیز رجا ایدرم؛ کلدیکنده ملایم بولسونده صیقمسون.

ف — باش اوزرینه؛ اراده کزی تبلیغ ایدرم. افندمزده کوریورسکیز که پاشا حضرتلری حالک ایجابنه کوره معامله ایدر.

خ — بوانکلیزلر پک عجایب ومناسبتیز آدملردر. بوبار پاشادهده قباحث واریا؛ هر صباح وآقسام یابارنغده ویاولفدهدر. بیلیم که اوقدر نه لاقیردی ایدرلر. مملکتده هر نه اولدی واولور ایسه جهله سندن خبرم واردر. اوطن ایدر که نه ایتدیکنی و نره کیتدیکنی بن بیلیم میورم. بورایه کلدیکنده بعضاً صورارمکه نرده ایدیکیز؛ آون ویادیواندن کلیورم جواخی ویر؛ حال بوکه بن بیلورمکه انکلیزلرک یاندن قاتمدی ده بنم یانمه کلدی. ایسته بونارک حالی ده بویلهدر؛ نه چاره چکیورز. (زاد فی الظنوری نغمه آخری!)

ف — بو حالاره مقابل اولان معاملئه عالیکزک البته بر حکمتی واردر. (آرتق بوراده ایشی لطیفه یه بوزدهرق وکوله رک :) مقصد و مصالحته مضر اولهرق حرکت ایدنارک وجودنی اورته دن قلدیرمق ایچون حضرت عزرائیله می حصر نظر ایدم؛ صباحلینده عرض ایتدمدی یا! پاشا حضرتلری بنده کز کافه احوالده کندونی افندمزده معاون بیلور واققدار عالیکیزی تأیید یولنده چالیشه جفی افندمزدهده محققدر ظن ایدرم. مسئله مهمدر، عادتاً مصرک حیات و مماتی اوزرنده طولانیور، ادنا بر سبب ایله ایشک شکلی دیکشه بیلور. موقع عالیکزک مشکلکی ده معلومدر، همان جناب حق هر حالده معین ویاورکیز اولسون. تواریخ اسلام بویابده وظیفه جه قصور ایدنلری لغتله یاد ایدم جکنده شبهه یوقدر؛ بونک ایچون پاشا حضرتلری خلصکیز مصرک سلامتی اوغورنده وافندمزک موفقیتی ونفوذکیزک ابقاسی یولنده چالیشیور، بزمده دائماً اوپله نصیحت ایدیور!

خ — اوت بیلورم، اومقوله لری تاریخ لغتله یاد ایدم جک؛ بن هیچ اوپله شی قبول ایدرمییم! پدرمک نصل هوالرده کز ندیکنی پک اعلا بیلورسکیز،

عاقبتی نه حاله کلدی، ایشته کوز و کور. مصر کنندی کندینه یشایه بیلور می ؟ مطلقا او یله بر حالک وقوعیه برابر بر آخر دولتک آله دوشر. انکلیرلر ابتدا بورایه کلدکارنده بکا بعض تلقینانده بولندیلر. ایکی یوز بیگ لیرا تخصیصات ویرمده شو یله جه بر طرفده اوتوریکن، بز اغتشاشات حاضره نك هپسینی دفع ایدرز دیدیلر. انلر بم نائم هر شیئی یاپسونلرده بن اوزاقدن باقیم؛ اونه دیمکدر؛ [*] بورای هندستان حاله و بنی ده بر هند راجه سی حکمنه قویه جقلر؛ قبول ایتمدم، شدتله رد ایتمدم. او یله بر حالی کورمکدن ایسه بورادن چکیلوب آناتولینک بر طرفده اختیار اقامت ایتمک تقدیر بیگ لیرادن بکا خیر لیدر. الله او یله بر کونی بکا کورسترمسون؛ بن هیچ او یله بر شیئی قبول ایدرمیم؛ (کیم بیلور بوسره ده احمق حریفی آلدادیورم، های آلیق های دیمشدر)

ف — آرتق بونک اوزرینه های الله عمرلر ویرسون دهرک مصر عادتی اوزره مقام تشکرده طوتمدم. آلی اوپدم و دیدمکه؛ دائما ایشک قورقولان و دوشونیلان یری شوراسیدرکه حریفلر بورای بر ایکنجی هند حکمنه قویمسونلر. مادامکه خسته لغک اوجهتی افندمزه معلومدر، بزم ایچون دها بر قورقو یوقدر. زیرا بتون عالم اسلامیت کوزنی آچمش مصره باقیور؛ خادم صحیحی اولانلرینک موفقیتنه دعا ایدیور. بویه بر حاله قارشو هانکی وجداندرکه مسلمان اولسونده او عالم اسلامیتک قلبنه بز خنجر اورمسنی قبول ایتمسون؟ بومکن اوله ماز؛ ان شاء الله اقدام عالیکز ثمره سیله بوایش نتیجه پذیر اولور. ان شاء الله، من شاء الله دینلهرک سوزه بوراده خاتم ویرلدی. و آفاقی بر ایکی سوز تعاطیسندن صکرده ده قالقدی.

بوابده بر بشقه محاوره یی حاوی اولمق اوزره مختار پاشا حضرتلرینه تقدیم ایلدیکم راپوردر :

کمرک ایشی حقننده تودیع بیوریلان مطالعات علیه آصفانه لرینی تبلیغ ایتمک اوزره ذات عالی خدیوی یی بوکون ساعت درت بچقدده عابدینده کوردم. جریان ایدن سوزلر بوجه آتیدر :

ف — عرض خلوص عالیرینی بعدالتبلیغ نوبارپاشا حضرتلری حالا کلدی.

[*] عجباً شمدی اولان نه در؟ انکلیرلرک دیدکلرینک عینی دکلیدر؛ لکن آدبکوز او یله ظن ایتیمور و ایده میور. خیالاته حد و غایت اولمازیا! ایستدیک کبی تصور ایتمسون، طورسون.

ککش، کلامش اوراسی جای بحث اولیوب ایشک اساساً یولسزلغنی افندمزده تصدیق بیورده رق مجلس نظارک او اباده کی قرارینک برطرف ایدیله جکنی وعد بیورمش ایسه کزده حالا اجرا آتی یوق. اسکندریه دن بواقشام بعض تجارلر کلرک فوق العاده سزانیورلر. شو حال طرف عالیکزدن هنوز برامر ویرلیدیکنی کوستریور. مسئله منحصرافندمزده عائد اولدینی ایچون بوباده نه یاییله جق ایسه یاییلوب امر سریع عالیکزک صدورینی یالکیزذات دولتکیزدن بکله دیکنی ونتیجه لی برجواب احسان بیورلمسنی تمی بیوریورلر.

خ — اوت ایشتم، اسکندریه دن تجارلر ککش، حتی اولجه تلغرافلر بیله حکمشلرایدی. واقعا ایش یولسزدر. صاحبین نوبار پاشا حضر تلی ککشیدی؛ دیدیم؛ جانمیز حالا پاشا حضر تلی نه کیتمشکیز. افندم، بن کیتمکدن قورقیورم. زیرا ایکی آتش آردمنده واورته ده قالد، دیهرک احتراز ایدیور. ودون انکلز قومیسری وولف وقونسولوس بارنغ ایله لاقیردی ایتشار. وولف بوکونه کلوب پاشا حضر تلی ری کوره جکمش. کندیلری ده همت بیورسونلرده شوایش اورته دن قالدسون [*]

ف — مجلس نظارک قرارلری تأییدویا تغیر منحصراً حقوق عالیکز دندر. شمعی انلرک وانکلز لک کشکشنه براغلمسنه برانجاب یوقدر بیوریورلر. وبوکون برامریکزک صدوریله ایش اولور بیتر اعتقادنده درلر.

خ — آه! افندم حالمزی، موقعمزی بیلمیورمیسکز؟

ف — بوایشک موقعله مناسبتی یوق، مسئله صرف امور داخلیه دن وحقوق عالیکز جمله مندندر، طرف آخردن تعرض قبول ایتمز. خصوصیه ایشک اساساً یولسزلغنی افندمزده تصدیق بیوریورسکز؛ آرق حال بویله ایکن زیدوعمروله کوروشمکه نه حاجت!

خ — بزی کندی حالمزه براقیورلرمی؟

ف — افندم فصل اولور برانکلز قونسولونک رأییله اساساً مهم اولان بویله بر مسئله نک بالآخره انتاج ایدجکی سیاسی مشکلاتدن بشقه حکومت عالیکز ضرر وزیان دعوالری آلتنده قالسون.

خ — شبهه یوق، البته قانور وقاله جقدر.

[*] آمین: حکومت مصریله یولسزلغنی افندمزده بیورسونلر ده همت بکلیور.

ف — ايشته اويلا اولماق ايچون ايشك اوزرينه نظر دقت عاليرني جلبايله
حقوق عاليكزي استعمال بيورمكزي ايستيورلر.

خ — آمان بني يالكز براقسونلر. كنديلري ده غيرت بيورسونلر؛ وولفي
كورسونلر، سائر انكليزلرله قونوشسونلر، برطرفدن بن ده غيرت ايدرم يا!
ايشيدليكنه كوره وولف بوياده مساعد ايمش، مخالف اولان قونسلوس ايله
ماليه مستشاري ونساندر.

ف — آنرك مخالفت وموافقتنك، مملكتنك منافعي محافظه اقتدارني حائر
اولان خاكپايكزه كوره هيچ حكمندهدر؛ چونكه ايش يالكز حقوق عاليكز
داخلنده كي مسأله ندر.

خ — آمان پاشا حضر تلي ده اقدام بيورسونلر، بنده غيرت ايديورم.
ف — بوايشك شايان دقت برجهتي ده مصر ايچون مضرتي حالا ومصلحه
بديهي اولان بويله بر مسئله اولجه ولوسل ونسان ويا بارنغ طرفدن موضوع
بحث ايدلمش اولسون؛ ايشك اوكني آرقه سني ملاحظه ايتمكسزين مجلس نظارك
بويله برقرار ويرمسيدر. عجبا بويله بر تكليف رد اولمش ويا خود قبل القرار
اراده عليه كز استيدان اولمش اوله ايدى، نه لازم كليردى؟
خ — مجلس نظارمرك حالي بيلمز كي سويليورسكز.

ف — واقعا مجلسجه جريان ايدن مصالحك كوستردكي آوان اورانك حالته
تماميله دلالت ايديورسده اداره وحقوق افندمركدر؛ بيله ممكه آرتق نصل اوله بيلور.
خ — باق سكا تخفني سويله يم ديهرك خديو سابق اسماعيل پاشا حضر تلي نيك
كچنلرده وفات ايدن والده سندن منحل قالان يكرمي بيك ليرا معاش مسئله سني
آچدى. بوايش صرف بنم حقوقم جمله سندنر. وفامليانك (يعني محمد علي عائله سنك)
اداره سيچون بودجه نك وليكيداسيون قانوننك [*] قبول ايتديكي اوچيوز بيك
ليرانك ايچندهدر. انكليزلر بوني بيله ويرمك ايستميورلر. شمدى سز كلزدن اول
قيامت قوپاردم، بن بوني رد ايدوب طور كن اوتهدن وولفده بومعاشك فامليانينده
صورت تقسيمني ونصل كيملره نه ويره جكمي سؤال ايديور وقاريشيور [**]

[*] اوروپايلرك مصرك احوال اخيره سنه كوره يابدقلى اداره قانوني ديمكدرك.

[**] وولنك اوباده كي مداخله سي مصطفى فاضل پاشا كريمه سي نازلي خانمله حقوقلاشمش
اولديغندن مزبورده نك معاشته ضم ايتديرمك ايچوندر. اخيرا بيك ايكيوز ليراض ايتديردى يا!

حالمه براقپورلر، بنم ذاتمه وفامليامه عائد بر مسئلهيه مداخلاهيه نه حقلى وار ؟
(ينه معذور اولديغنى كوسترمك ايستور) .

ف — هيچ برحقلى يوقدر . ايسته بويله حقلى يوق ايكن فصلسه
وار اوليور، بشقه برامرکز وارمى ؟

خ — وولف كنديلرينه كله جكدرد . (يعنى مختار پاشايه) اقدام وغيرت
بيورسونلر ، جوايله سوزمختمه ويريلهرك ودهازياده سوزسويك يوقايدنبري
كچن محاوره حكمنجه زائد اوله جنى آ كلاشيله رق چيقلى .

ايشك ايچنده شايان دقت اولان جهتلر چوق ايسه ده بريسي ده نوبار پاشا
حضر تلرينك بن آراقده قالدديمسى و برده كچن كون خديو مشاراليه حضر تلرينك
چا كرلرني جلب ايتديكندن نوبار پاشاني صيقمسونلر ديه سويكى ايشك قبل الاجرا
خديو حضر تلزندن ده صوريله رق هر فصلسه موافقتي آلمش اولمى ظننه دلالت
ايليور . نزداسمى خديويدن چيقدقندن صكره جريان ايدن سوزلري همان قورشون
قليله ضبط ايدرك بالايه عيناً نقل و درج ايلديكم رهين عالم عالم آصفانه لري
بيورلدقده اولبايده .
۱۳ رمضان سنه ۱۳۰۳

بوضبط ورقه لرنيك الزياده شايان دقت جهتي ايكي شى اولوب، انك بريسي
خديو حضر تلرينك صقلمزه كولهرك اوضاع شتروك بيهيله هيئت نظاريله برابر
بزه و انكيزلره قاريني بولديغنى موقع عجيبدر . ايكنجيسى : دولت عليه نك
حقوق ملكداريسنه تعرض ايدن انكيزلرك اغراسيله اوروپا دولتلري امتعنه
وتجارتلري علمنه وضعه مقتدر اولدقلى يوزده طقوز رسم دخوايه يي دزت
بحق غروشدن عبارت اولان بزم ادخالتمزه وضع ايتك ايستمه لريدرد . بوندن
صكرده تابعيت و متبوعيتدن و جامعه اسلاميه نك محافظه سي لزومندن دم
اوريبورلركه ايشك چارقلنى دوشونلديكه آدمك چيلدريه جنى كليور . بز
يچارلرده مصرمز وار ديه سالنامه لر مزده رسمى اورا قزده بالامعا برطاقم
قيودات زائده يازوب طوريبورز !

هر نه ايسه بو محاوره ورقه لرنيك دخى دلالت ايتديكى وجهله مصر ليلر
بويايده ايه اون سردكاري ، و ويردكاري قرارى كرى به آئقده تعلم ايلدكاري ،
وانكيزلره اينى ييشيرمديكه خديو صيقيشديرمسندن برفأده حاصل اولميه جنى
تحقيق ايلديكندن مختار پاشا كرك دروموند وولفه وكرنك نوبار پاشايه صورت آتبه
۳۴ — باشزه كالانلر

و جهله شدتلى بر لسان استعمال ايلدى . انك ثمره نافعە سيله فرداسى كوفى اولبايده
نشر اولنان امرىك موقع اجرايه قومنامىنى اعلان ايله نو عماً بزم اوزون تيلر مزه نهايت
ويرلدى . چونكه انكليز لر مصرده سزلى چيقارمق ايسته ميورلردى .

قوللانيلان لسانده شوايدىكه : « بوكونكى كونده اداره مصرىه نك اهايلدن
آلدينى ويركو قانون وقاعده وعدائتك كايا خارچنده در . چونكه ارضدن عشر
ناميله اضعا ف ومضا عف خراج آتقاه برابر اوارضك اوستنده مغروس اولان
خورما آغاچك بهر عددندن يار مشرفراق آلنيور . آندن صكرده عموم محصولات
ارضيه شهرلره كيرر كن يوزده طقوز دخوايه رسمى ويرسيور . ديمك كه برقيوندن
اوچ پوستكى چيقاريليور . دولت عليه ، مصر ك اداره داخله وماليه وعدليه سنجه
تنظيم قوانين ايجون خديولره ويردىكى مأذونيت وسر بستی حركت اهالى به ظلم
اولئامق شرطيله مشروط اولدينى اولبايده كى فرمان هايونلرده صراحت مذكور در .
ومصرده كى معامله جاريه نك حال حاضرى ايسه عين ظلمدر . دولت ك تبعه سى
حقنדה بودرلو ظلملر وقوعه رضاسى يوقدر . سز بويله ترس معامله ده دوام
ايتدكه بالمقابل سزى راحتسز ايدمك هر درلوا سبابه تشبث ايدكلكم ضروريدر
ووظيفه م ايجابيدر . از جمله شمدى ظلمديده اولدقارنى ودولت ك بو حاله رضاسى
اولمديغى خلقه اعلان ايدر ايسه م فضله بر واردات بوله لم دير ايكن الكزده كى
وارداتده ايراث ضرر و خلل ايدمك ممكندر . [*] يول يقين ايكن كرى به
دونلسه فنا اولمز . »

ايشته بويله جانلى بر پا طردى اوزرينه ايش اولدى بيتدى . يعنى بوبايده
نشر اولنان امر و قرار ك ملغا اولدينى قرار اخيرى اعلان اولدى . كله لم مشاهد
اولان احوال سائر مصرى به :

حكومتك كافه حقوقى انكليز لرك وديعه دست وصايتى ويا حكومتى اولدينى ،
وخديولك مقامى بتون بتون خاصيت اقتداردن تجريد قلمش بولمدينى حالده بيله
مصره ذوات ناميله معروف اولان يعنى قالبور يوزينه كالانلرك خديوه قارشى
كوستردكلى تذالاه و ايتدكلى تبصصه (بيله م ايله جك كرىه ميدر خندميدر ؟)
ديوبده كچمه ليدر . چونكه جنازه نك اجاج پارچه سندن هيچ برفرقى اولمديغى هر عاقل

مصرده كى بلايا به
قارشو اهايلنك
حالى

[*] مصر ديون عموميه سنك احوال منشوشه سى ايجانجه تاديات مطرده و منتظمه دن
اوروپا به قارشى انكليز لر مشول اولدينى ايجون بوراسى هيچ ايشرينه كلز .

بیلدیکی حالدده ینه جنازه دن اؤرکک ضعف خلقت و طبیعت احبابک جمله سنده
مشاهده اولسان احوال عجیبه دندر. ایشته مصر خلق ده عموماً اوله در،
فسبحان القادر! [۰]

خدیوک یوم تولیته تصادف ایدن ایام رسمیّه مخصوصه ده خلق بری برینک
عنادینه شهر آیینلر یاهورق اولرینی طونادیر؛ چاغیلر، چیلغیلر، قیامتار قوپاردرلر. [۰*]
بری برینی چیکنه یرک رسم تبریکی ایفا ایچون سراینه قوشوشان ذوات نامیه یاد
اولان اعظم، سرائک اوشاقلرینک و فراشلرینک تحت ارشاد و تربیه لرنده ساعتله
صوفه لرده، حصیر اووه لرنده آیاق اوزری طلوع نجم التفاته منتظرأ سور و کله نیر
طور ورلر. هله بایراملرده نعوذ بالله! وجه قبلی دیدکلری مصر علیادن و وجه بحری
تسمیه ایتدکلری مصر سفلا دن عمدله، شیخ البلدلر، مدیرلر، مأمورلر الحاصل
کافه اعیان و اشراف خدیو حضرتلری مصرده ایسه مصرده، اسکندریه موسمنده
ایسه اسکندریه یه علی ماحسر الله طولوب شرف دامپوسیه نائیت ایچون ذایل
ورزیل سرائک زردبانلری آیاقلرنده، قاپو آراقلرنده دربدرانه و قلندرانه کچیردکلری
وقته بولندقلری حاله کر چکدن آجیالدر!

چونکه ترسلری دونمش وبری برینه باقهرق علت مسکنه طوتلش برطاقم
خوابیدکک سیر فی المنام انساننده ایقاع ایدمه جکلری هفوات و ذلالت کولمز یا ؛
البته آجینیر!

جامعلرده بایرام نمازی قیلمق ایچون خلقک طوبیلاندینی انسانده مؤذنلر
(لیس العید لمن ایس الجدید و انما العید لمن أمن من الوعید) جمله مؤثرانه سیله
دهشت رس قلوب حاضرین اولدقلری انسانده ظهوره کلان تأثر و تلهفک درجه
شدته دلالت ایدن آغز چیتردیلری طنینندن قیاب جوامع چاتلایه جق بر
درجه یه واصل اولدینی حس اولتور. کوریلان بوتأثرک سبی تدقیق اولتورسه

[۰] جنازه تک آغاجه تشبیه ایله تمثیل ایدلسنده پکده اصابت کوریلهمز. چونکه جنازه
آن با آن مضر حیاة اولان مواد متعنه سنی نشر ایلکده، آغاج ایسه بولندینی موقک ولو
اودون پارچه سی حالنده اولسون متعنه خدمت ایلکده در. آنک ایچون شبه ایله مشبه
بهک پیننده من کل الوجوه مناسبت یوقدر. تصور اولسان مناسبت و شباهت ایسه یالکز
ایکیسنگ ده جامد پیننده در.

[۰*] هانکی مزینته منی؟ آتی کیم بیلورکه بنده بیلیم، بو حال انسانلرک و یاشرقلرک
مبتلا اولدینی بر اوکلز خسته لدر.

حالا" وماده" ايچنده بولندقلرى ذل و اسارت ألم عظيمندن بر طريق نجات و نجاته مشتاق اولدقلرى ايچون بالضروره ظهوره كمش اولان بر تأثر جانكداز اوليوب ، آنجق يوم قيامت ك دهشتلى وعيدنىك تصويريله برى برينه باقهرق وعادتا اويارق اثر اضطراب كوستردكلرى والاحال حاضر ك دهشتدن كلياً كوز يومهرق اويله قورقونج بر وعيد عاجلك ايچنده اولدقلرىنىك فرقىنده بيله اولدقلرى آ كلاشيلير .

(الظاهر عنوان الباطن) ك شوعالده برقاعده مطرده دائمه اولدينى نظر دقته آتيرايسه ، وعيد آجل وعاجلك ايكي سنى ده ادرانك ايتمكه مستحق اولدقلرى نمايان اولور . شويت عربى تقدر موافق حسب جالدر :

لقد سمعت اذ ناديت حياً ولكن لا حياة لمن تنادى

خدويك اوغلى وولى عهدى (عباس بك) تحصيلده بولندينى ويانه ده «ترزيانوم» دنيلان مكتبدن بعض ايام تعطيله ده ابوينى زيارت ايتك ايچون مصره كيكده اولديغندن بو چوجغك ايكي دفعه مصره كلوب كيتديكى ائشاده حسب المأموريه استقبال و تشيعنده بولتمشيدم . امر استقبالى اوقدر طنطنه لى ، اورتبه كورولتى و ظيريلتلى اولديكه تعريف ايدم ! مجرد باباسنه خلوص ايده جكز ، اوغلك ده شمديدن كوزينه كيره جكز ديه باير اقلره مزين صندالار ايله دكزه دوكلانلرك حد و حسابى واز ايدى .. هر طرفدن طويلر آتيلور ، هله (افنديمز چوق يشا) وياخود (يعيش افندينا) صداسى عيوقه چيقيور ؛ او ائشاده موزيقلرك خديولره مخصوص اولان مارشى هپ بر آغزدن ترنم ايتملرى و هله چوجغك مواصلى كيجهسى ياپيلان شهر آينلرك ، قوپاريلان قيامتلرك درجهسى ، حقيقت حالى ميزانه مقتدر اولان اصحاب حميتى قان آغلاتيور . چونكه بو آلفشيلر ؛ وحيتمزلرك دلى اولمق اوزره اختيار ايديلان بومناسبتسزلكلر عقلى باشنده وجانى ، قانى اوزرنده بولنان آروپاليلرك خنده استهزاسى موجب اوليور وانلر نظرنده بتون مسلمينك شرف واعتبارينه طوقونيوردى .

بو ، نيچون بويله اوليور ؟ بو حاللر يزده نه دن ظهوره كايور ؟ بورالرينك تدقيق و حساب فلسفي سنده اصحاب مطالعه ايستدكلرى قدر حر و سربست اولمق اوزره فقير ديرمكه : امم شرقيه رغبه دكل رهبة حكومت پرستدر . سوده ركدن

رواب حکومتله متحد اولمز لر؛ قورقولرندن او مرکز امر ونهیه خاضعدر لر .
بوحال انلرجه برطیعت ثانیهدر؛ بونکده اسبابی اوزرندر .
شرقده رئیس لر، حاکم لر قومک رقبة ارواحنه مالکدر لر، قوه ارادیه انلر کدر؛
حرک و مسکن انلردر، قومک خارجه وجودی یوقدر .

شوحالده بر دمیر اللی حاکم، بروحلی رئیس، بر حکیم والی، اوقوری هیکله
متصرف اولور ایسه اوسواد عظیمی بین الامم کرچکدن خوارق مهمه احداث
ایده بیلر جک درجه لره ایصال ایده بیلر . شرق ینه اوشرقدر، هر وقت مطلع انوار
معرفت و قدرت اولمغه حاضردر؛ اما هانیا او ار ؟

شوراجقده عقلمه برقره کلدی : بیک اوچیوز درت تاریخنده آمریقان
بر آمریقالی حسبه لله خدیو توفیق پاشا حضرتلرینه بر مکتوب یازد رق دیورکه :
« بر قاچ سنه در انکلیز لر مصرده اوتوریور لر . حالک حکمی ده مصری عادتا بتون
بتون قبولله جک لر کبی کوستریور . مصری بالذات کورمک شرقنه نائل اولمدم
ایسه ده جغرافیاده اوقومش ایدمکه مصر جسم بر قطعه در ؛ بر قومدن عبارت
اولمق اوزره یدی میلیون ده اهالیسی واردر . ینه غزت لرده کوریورمکه انکلیز لرک
مصرده کی موجود عسکری ایکی اوچ بیک نفر دن عبارت ایمش . بویدی میلیون
اهالی شو اوچ بیک نفره نصل اسیر اولور ؟ اوراسنه بر درلو عقل ایردیر میورم .
به آدم لر سز قادین میسکز ؟ قادین لر بیلر ضعف خلقن لر یله برابر بودرجه ده عجز
و مسکنت صاحی دکلردر . ملک تکزده بر اجنبی دولت سلمه السلام حاکم
اواسونده سز اولدله قتلانه رق سکوت ایدوب ممنون و منشرح بر حالده اوتورده سکز ؛
بوحال مطاوعتکاری آنجق انسان رسمنده یایش اولان اغاجاره انسان البسه سی
کیدریلر سه تصور اولنه بیلور ؛ یوقنه بشقه بر درلو ممکن دکلدر . » (اتمی)

بومکتوبی یازان آدمک . (های دلی آمریقالی های !) دیه خدیو حضرت تری
طرفندن خنده استخفافه اوغرا دیغنی بالئاسبه کندی کوز لر مه کورمش وقولا قلمه
ایشتشیدم . آرتق اوتیسی تقدیر ایتمک قارئینک تصورات و مطالعات مختلفه سینه
معلق قالیر .

مقصدم مصرک وقوعات تاریخیه سی یازمق دکلدر . بالکز تصویر ایدیلان
شو آینه ده بزشر قیلرک اخلاق ره طریایدن احوال عجیبه یی اخلاق ره کوسترمکدر .
ناقصدی یا جماعت مسامین : نه اولمش و نصل سحر لره اوغرا مشر دده ، زهر لره کشر ؛ !
ناترودن نشات
منس مطامع
اختتامیه

بر قوم اولمق اوزره جغرافيا خريطه سنده و آفريقا قطعه سنده اولدقجه بويالي.
بر موقع طوتان جماعت مصريه، بوحال ايله می اوبويایي محافظه ایده جک؟ حکومتک
معامله سنی و طوتدینی خط حرکتک نصل بر نقطه اضمحلاله وارده جغنی میزانه
اقتداری اولیان بو خلق سوریسیمی قبول اسارت ائیمه جک!

(لن تنالوا البر حتی تنفقوا مما تحبون) آیت کریمه سینه مغایر اوله رق «راحت
بولمسون؛ منفعت شخصییه مه خلل کلسون» فکر دائیسیله محفظه نور حیت
اولان قلبی و وجدانی قوقش برأت پارچه سی حاله قویان بو اخوان مسلمین می
سیادتلرینی و علویتلرینی ضیاعدن وقایه ایلیمه جان؟! اسارتی، وسیله حسن حایت؛
ذلتی، واسطه تجارت و راحت؛ جباتی، مستلزم حیات و عاقبت عد ایدن بو آدم لرمی
شرف و شان اسلامیتک و آنک ضمنتده بسلنه جک اولان حریت وجدانک
قدیرینی بیله جک؟!...


کور اولسون اول کوزکه: رأیت اقبال ملیتک سر نکون اولدیغنی کور ورده
سرشک تأثرینک قطرات متابعه سیله وطنک چاره سلامتی بولمسوزین اویقویه
واریر! طاش اولسون اول یورکه: برات نجات قومیتک اجانبک آیاقلری
آلتنده ریزه ریزه ایدلکیکی ادراک ایدرده قومک نعمت حریتنه مقابل ایکی کور
آچه قدر دکری اولیان حطام دنیا یه طمعاً قبول ذلت و اسارت ایلر.. انسان
دینک عزری، ملتک شرفی، وطنک مصونیتی، حریت شخصییه و قومیه سنک
سلامتیله انساندر؛ یوقسه مجرد بر ناپاره معیشت بولدقدن صکره محافظه حیاتی
قیدیله مقید اولمغی وظیفه عد ایدنلر انسان دکل، غیر متحس بر حیواندر! چونکه
بهایمجه مقصود بالذات امر معیشتی تأمین اولندقدن صکره آرتق عنان اختیار
و اداره سی هر کیملک یدنده اولور ایسه اولسون و اول قائد هانکی مذهب
و ملیتده بولور ایسه بولسون یدیلوب کیتمکدر.

ایشته بولنیلان شو موقع هولنا کدن خلاصمز، تعمیم معارفله برابر اصلاح اخلاقه
محتاجدر. یا لکتر معارفله تأمین موجودیت ممکن دکلدر. اخلاق، اخلاق، اخلاق!
بونک تهذیبی چاره سنی بولور ایسه که هر درلوسعدت و سلامت ینه بزمدر. بر سعادت
استقبالیله مقدر ایسه، ظن ایدر ایسه م آکا و صولمز، هر کس حاله کوره فرائض
دینیه نک اداسندن صکره جامعلر مزده، مسجدلر مزده، ویا تکیه ولونجه کبی
یرلر مزده برلشهرک بوحال ايله یشایه میه جغمزی و غایت سقط و چوروک بر نقطه ده.

بولنديغمزى وهر فردمرك وجهه توجهنك نرهسى اولمق لازم كله جكنى ، برى
بريمزه آكلاتلى ، سلامت جمعته متعلق خالصانه ، مستقيمانه مذاكره لر ايتلى ،
واويانق واعظلر و طليق خطيبلر بولملى و بين الجماعه قرداشلنى كر چكدن تحكيم
يدر كدن بر فكر مى و بر قبله سياسى تعيين آيليدر . والا فرنكلره قارشى
رد ذيل و بلكدده اسير اوله رق آياقلىر آلتند قاله جغمزه شبه ايتيم !


فبجان الله ! نه بيوك قضايه ونه رتبه مسخ باطنه اوغرامشركه ايچنده
بولنديغمز احوالك بر بلای مدهش اولديغلك فرقدده بيله دكلز . بو قدر مخاطره لى
بر موقع سياسى ده دوشمش اولمق لغمرك برسېده ايكي مسلمانك قلبنك برى
برينه طوغرى اولماسيدر . بوداء عضالك دخى ازاله سى چاره سنه باقليدر .
الحاصل فكر جمعيت تأسس ايتدجكه ، يعنى بزده بر قومز ، بر آدمز فكرى
عمومه يرلشم دجكه قولايلاقه بوكابوس مخوفك آلتدن قالقيه ماز والسلام ..

هر نه ايسه شو جله يده خاتمه اوله رق عرض ايديمكه : واقعا قوانين ظاهره
و جاريه حكمنجه حكمداران فخام حضراتى هيچ بر اجرا آتندن مسئول
اوله مازلر ايسه ده ، معدل ميزان عالم اولان قانون حقيقتنك بر بندى ده (الناس
يجزون باعمالهم ان خيراً فخير وان شراً فشر) جمله حكيمه سنى متضمن اولمسه
كوره هر كيم اولور ايسه اولسون ، عالم خلقتده باقى اولدجقه قانون اساسى
تكوينك بودستورى حكمنه مقابل مدار عفو مسئوليت آزار ايسه ، براز
كوجججه بولور اعتقادنده يز . ايشته مصرك منافع اسلاميه خلافتنه اوله رق
بوكونكى كونده بولدينى حال اسفناكك سبييتك ومسئوليت معنويه سنك كليتى
محمد على ايله اسماعيل پاشا بوكانيز ايسه ده ، بر مقدار يخى ده اسماعيل پاشانك
بدایت توليتنده صدر اعظم اولان فؤاد پاشانك دلالت و يا اغفانه قايلانلرك
درعهده آيلى لازم كليور . لكن رحمت الهيه نك غضبى سبق ايتدى حسيه
كرمندن دخى اميد وار اولماق ممكن ندر . (تجاوز الله عن سيئاتنا) ديمكه اكثفا
مممكن اولور ايسه ايدم .. ومن الله التوفيق .









3 1761 07145861 6